


Scola
Salernitana

672








A. xxv. a

43419 / A

REGIMEN SANITATIS

18 D 4132



SCHOLA
SALERNITANA,
DE
VALETUDINE
TUENDA.

OPUS

NOVA METHODO INSTRUCTUM,
in finitis versibus auctum, Commentariis Villanovani,
Curionis, Crellii & Costanconi Illustratum.

ADIECTÆ SVNT

*Animadversiones nova & copiose Renati MOREAU,
Doctores Medici Parisiensis.*

Cum Indicibus quatuor, Capitum, Quæstionum,
Auctorum & Rerum memorabilium.



LUTETIÆ PARISIORUM.

Apud LUD. BILLAINE.

M. DC. LXXII.
CUM LICENTIIS.

QUANTUM IN MEDICO EST,
sanare venit ægrotum : ipse se interimit,
qui præcepta Medici observare non vult.
D. August. tract. 12. in Ioan.

*Vulgatus Salernitarum de tuenda Valetudine
libellus , iis qui legunt non parum utilitatis
præstat , illisque multo maiorem qui libelli
præcepta observant.*

Anton. Musa Brassavolus.

32





ILLUSTRISSIMO CARDINALI DE RICHELIEU.

R. MOREAU ὀψιδάρευ.



IC est natura comparatum (Cardinalis Illustrissime) ut sublimia & cre-
ta ingenia corpus invalidum & infir-
mum; crassa & obtusa sanum & robu-
stum nanciscantur. Herodico apud dialogi
Platonem vis animi eximia; valetudo corporis pa- 3. de
rum firma fuit: Polydoro apud *Ælium* mens he- rep.
bes ac tarda, cutis ipsa corporis ἀδυνάτους. Idipsum Lib. 13.
non dissimulavit αὐτόματος Ecclesiastes verbis planè variar
aureis insinuans, καρδίαν σοφῶν ἐν οἴκῳ πένθος, καὶ hist. ca.
καρδίαν ἀργέων ἐν οἴκῳ ἀφροσύνης. Ut enim rara est 15.
coniunctio formæ atque pudicitæ, rara concordia Cap. 7.
Majestatis & amoris: sic minus frequens est conju- Luvenal
gium mentis sanæ cum corpore sano; quod in va- Saty.
lido pinguique corpore mentis fuigor hebetetur, & 20.
dum emicare gestit, offusa mole disiliat. Ferè aduersa Ovid. 1.
valetudo studiosis omnibus & cupidis litterarum ce- Metâ.
dit tam in premium, quàm in infamiam. Una Me- Celsus
lib. 1. cap. 2.

EPISTOLA.

In
epist.
Hipp

Gal. 5.
de sanit
tuend.

Laert.
lib. 2.

dicina ~~Scorpenis~~ illa ~~emshun~~ ab ortu primo agra
corpora parte doloris levat; & festinantia ad mortem
salubri victus lege remoratur. *Que* Galenum ab in-
cunabulis valetudinis vitio laborantem ad longam
senectutem absque ullo corporis radio transmissit; ea-
dem ars salvari victus ratione Socratem à peste, quæ
frequenter Athenas depopulabatur, immunem sem-
per & illæsum servavit. *Has tuende sanitatis leges*
Medici quondam Salernitani Roberto Norman-
nia Principi & Angliæ Regi designato & scripserunt
& obiderunt; quas quidem cum recudendas novis-
que Animadversionibus illustrandas suscepissem:
potior Illustriorve, cui dicarem, non occurrî (Illu-
strissime Cardinalis) excepto Te, cui multis nomi-
nibus & rationibus deberi hoc opus planè animad-
verti. Et enim cum nobili & divino præditus sis inge-
nio, compages corporis tibi obtigit tenuis rareque
texture, valetudo quoque fragilis & nutans; nisi
salutaribus Medicina præditiis fulciatur, & com-
moda victus lege sedulo conservetur. Ad hoc vero
licet peritus & fidelis assideat tibi Medicus, mille
officiis, mille experimentis, ingenique sui monimen-
tis dudum probatus, eruditissimus Ciresius: attamen
cum à lectione librorum Theologicorum quos utraque
manu versas; cum à negotiis imperii quæ sub Te altero
velut cardine volvuntur, animi relaxandi gratia ad
hortos & viridaria Medicina divertes, erunt fortas-
sè hoc in Opere nonnulla, quæ tersum tuum ingenium
& grave iudicium non ledent; corporis vero saluti
atque incolumitati tuenda sunt profutura. Deinde
vero cum tuo Consilio & ductu (caput enim te
ejus Consilii Rex Christianissimus constituit) con-
jugiale fœdus Galliam inter & magnam Britan-
niam ineatur: suadet ratio ut hoc opus rursum offe-
ratur viro Principi cuius auspiciis tam Sacrum &

EPISTOLA.

Regium pignus Imperio Angliæ contingit. Non est autem quod adjungam tuam in viros litteratos benevolentiam, & insignem liberalitatem, qua rem-publ. litterariam continuo is adjutum: quamque expertus est ordo Theologorum Parisiensium ad decus æternum tui nominis, & nusquam intermoriturum Scholæ Sorbonicæ ornamentum. Hæc, inquam, & similia virtutum tuarum argumenta non est quod commemorem, ut nuncupationem hujus operis publico etiam jure adscribendam tibi prohem. Prætermitto apicem eum dignitatis quam sustines, quamque in te non tam suspicio, quam te in illa. Tanta siquidem animi moderatione & sapientia, tanta dexteritate & peritia, tanta integritate & virtute axem utriusque Imperii Ecclesiastici & Politici torques: ut judicare difficile sit, plusne pietatis & litteraturæ in rebus Ecclesiasticis, quam moderationis & experientiæ in Politicis adhibeas. Neque vero hoc in loco & flexu dictionis, laudum tuarum interciperetur cursus, nisi te in os laudare erubescerem; quem ab omni virtutum suarum prædicatione alienum semper & aversum accepi. Quamobrem cætera silentio involvens, quæ blandus ille oris tui decor & vultus animi index, quæque gesta & dicta tua loquuntur; te etiam atque etiam (Illustrissime Cardinalis) exoratum venio, ut devotum tibi hoc Opus non invitus excipias, & ut officiosè voventem clientum tuorum numero adscribas. Vale, & vive diu Tibi & Imperio Gallico. Lutetiæ Parisiorum & museo nostro, Kal. Novemb. anni 1624.



INDEX CAPITUM totius Operis.

CAPITA PROLEGOMENORUM
sunt novem.

- | | |
|---|---|
| 1. C onsilium auctoris
in hoc opere Sa-
lernitano reno-
vando. pag. 1 | 5. Primæ differentiæ carmi-
nis leonini. 30 |
| 2. De antiquitate & digni-
tate Academiæ Salernita-
næ. p. 5. | 6. Aliæ differentiæ versuum
rythmicorum artificialium. 36 |
| 3. De auctore carminum
Scholæ Salernitanæ, Ope-
ris titulo, dedicatione,
evulgatione. 13 | 7. De Rythmis Inartificia-
libus & genere carminum
Salernitanorum. 39 |
| 4. De iis qui materiam me-
dicam carmine scripse-
runt, de versu leonino, an-
tiquitate & usu. p. 22 | 8. Consilium Scholæ Saler-
nitane in his Rythmis scri-
bendis. 43 |
| | 9. Ordo totius operis Sa-
lernitani in hac editione
servatus. 47 |

PARS PROPHYLACTICE continet sex Sectiones.

*Prima Sectio de Aëre continet proœmium &
unum caput.*

- | | |
|--|--|
| O peris Institutum pag. 1 | Sta ab Astris. 28 |
| Aliud proœmium. 15 | 3. De mutatione Aëris penes
anni tempora. 31 |
| Caput de Aëre tredecim
membra comprehendit. 20 | 4. De mutatione Aëris per
ventos. 34 |
| 1. De Aëre eligendo, fugien-
do, emendando. p. 23 | 5. De mutatione Aëris exci-
tata à Meteoris. 42 |
| 2. De Aëris mutatione indu- | 6. De mutatione Aëris pe- |

INDEX CAPITUM.

nes Zonas.	50	variusque coquendi modis.	140
7. De mutatione Aëris penes			
Climata.	54	8. De generali ciborum cou-	151
8. De regionibus mundi car-		dimento.	159
dinalibus.	63	9. De Sale.	159
9. De orbis partibus, Regnis		10. De tempore assumendi	
& Provinciis.	67	alimenti penes anni tem-	
10. De civitatibus & ad-		pestates, ubi de antiperi-	
bus.	72	stasi disputatur.	165
11. De aliquot locorum par-		11. De tempore particula-	
ticularium constitutioni-		ri assumendi alimenti. p.	177
bus.	75	12. Quæ fames ingerendum	
12. De vestibus.	79	cibum suadeat.	187
13. Signa cognoscendarum		13. De Cœna.	190.
Aëris mutationum.	86	14. De secundis mensis, seu	

Sectio secunda de cibo & potu, duas partes continet.


PRior est de cibo, conti-
nens 77. capita, pag.
88.

1. D E administratione		17. De pane, ubi unum &	
generali ciborum.	88	quadraginta panis proble-	
2. De cibis bene nutrienti-		mata poponuntur; & uni-	
bus.	61	versa panis natura, diffe-	
3. De cibis bene nutrienti-		rentiæ, & usus exponun-	236
bus & impinguantibus.	100	18. De Vipa & Offa.	312
4. De cibis vitandis, mali		19. De Pisif & Fabis.	327
succis & difficilis coctionis.	107	20. De Oleribus in genere.	343
5. De quantitate ciborum.	110	21. De Bugloſſo.	349
6. De qualitatibus alimen-		22. De Borragine.	361
torum ex saporibus di-		23. De Malva.	362
gnoscentis.	133	24. De Rapis.	371
7. De ciborum præparatione		25. De Caule.	380
		26. De Chærefolio.	360
		27. De Pastinaca.	394
		28. De Absynthio.	399
		29. De Abrotono.	411
		30. De Sicla.	413
		31. De Scabiosa.	418.
		32. De Chelidonia.	421

INDEX CAPITUM.

33. De Hyssopo.	427	62. De Zingibere.	682
34. De Menta.	432	63. De Cibis ex animalibus	
35. De Marathro.	438	desumptis, ac primo de	
36. De Pulegio.	445	avibus esui aptis	616
37. De Ruta.	452	Hic agitur primo de esu car-	
38. De Salvia.	463	nium in genere. pag 618,	
39. De Nasturtio.	478	Secundo vero de carne	
40. De Enula Campana.	484	avium.	p.639
41. De Cæpa.	493	64. De Anate.	655
42. De Porro.	504	65. De Anfore.	657
43. De Vrtica.	508	66. De carnibus animalium	
44. De Sileri montano.	514	terrenorum & quadrupe-	
45. De Spinaciis.	516	dum, ac primo de porco &	
46. De Salice.	519	ove.	660
47. De Floribus; ac primum		67. De carnibus vitulinis.	667
de Viola purpurea.	524	68. De carnibus piscium &	
48. De Sambuci floribus.	532	eorum electione.	673
49. De Croco.	536	69. De quibusdam piscibus	
50. De Herbarum semini-		particulatim.	691
bis; ac primo de Sinapi.	548	70. De Anguilla.	714
51. De Aniso.	553	71. De partibus animalium,	
52. De Anetho atque co-		ac primo avium.	722
riandro.	556	72. De partibus quadrude-	
53. De fructibus arborum.	562	dum.	737
54. De Cerasis.	568	Appendix prima de partibus	
55. De Prunis.	572	piscium.	759
56. De Pyris.	575	Appendix altera de electio-	
57. De Persicis, Racemis &		ne animalium, eorum-	
Passulis.	580	demque partium.	766
58. De Moris.	588	73. De excrementitiis parti-	
59. De Ficubus.	591	bis avium, Ovis, &c.	769
60. de Mespilis.	597	74. De esu ovorum.	482
61. De quibusdam aroma-		75. De excrementis quadru-	
tis ex plantis desumptis,		pedum, ac primo de lacte.	784
ac primo de Pipere.	600	76. De casco.	801
		77. De butyro & sero,	820

Finis Indicis Capitum.



INDEX QUÆSTIONUM

TOTO OPERE AGITATARUM.

1. **A**N Medicina beneficio sanitas conservari possit. pagina 10
2. An Medicina opera vita prorogari possit. 13
3. An cœli agant in inferiora. 29
4. An Cometa sit meteorum. 44
5. An torrida x̄d̄na habitetur. 51
6. Qua x̄onarum temperatissima sit. 52
7. Quodnam clima temperatissimum. 56
8. Vtrum Orientalis regio salubrior sit Occidentali. 65
9. An Europa praestantior quam Asia sit. 67
10. An satius sit crudis quam coctis cibis uti. 141
11. An acria purgent. 146
12. An Saccharum veteribus fuerit cognitum. 163
13. An victus ratio calidior hyeme conveniat. 170
14. De Antiperistasi tres quæstiones proponuntur. 176
15. Quot modis augeri potest calor. 174
16. Cur gulosi & intemperantes non leduntur à malo cibo & potu. 184
17. An abstinendum sit omni potui is. qui numquam satiantur. 188
18. Vtrum uberius prandendum quam cœnandum. 192
19. Quoties prisce in die comederint & quoties edendum. 200
20. An praestet semel, vel multoties in die comedere. 203
21. Quot horis coctio cibi peragatur. 204
22. An sit semper eadem hora comedendum. 207
23. An bibendum prius quàm edendum. 214
24. An consuetudo possit mutare naturam. 227
25. An consuetudo abeat in naturam. 231
26. An aër nutriat. 243
27. An terra nutriat. 247
28. An homo sponte à terra nasci possit. 256
29. An iisdem nutriamur quibus constamus. 259
30. Cur absurda ut terra & creta appetantur. 261
31. An mista inanimata nutriant. 263
32. Cur viola juxta allia odoratiores fiunt. 265
33. An ovine quod nutrit sit

INDEX.

animatum. 266
 34. Vna & quadraginta qua-
 siones de Pane per modum
 problematis.

PROBLEMA.

1. Cum glande primos homi-
 nes vixisse perhibeatur,
 unde panis in usum pri-
 mum venit? 286
2. Quo tempore, ex qua ma-
 teria & à quibus panis
 confici solitus est apud Gra-
 ecos & Latinos? 289
3. Cur in panis rei alimenta-
 ria summam natura posuit?
 290
4. Cur panis tam conformis
 est natura humana? 291
5. Cur Plantus in Curculione
 dixit ventris stabilimenta
 esse panem & carnem bu-
 bulam? ibidem.
6. Estne comedendi panis cer-
 ta quantitas definenda? 292
7. Cur Hippocrates repletio-
 nem panis pessimam dixit?
 293
8. Estne repletio panis pessima,
 ob idque vituperandusne
 est panis? 294
9. Estne nutritio panis an
 carnis melior? 295
10. Cur repletio carnis minus
 nocet quam repletio panis?
 ibid.
11. Cur magis nutrit filigi-
 neus panis & candidus,
 quam ater & fursuraceus?
 ibid.
12. Cur in Scotia optimus
 omnium panis esse dicitur?
 296

13. Cur panis sine alio cibo
 sumptus in ventriculo acef-
 cit? 297
14. Cur panis calidus frigidus
 humidior sitim excitat? ibid.
15. Cur panis calefactus fri-
 gido suavior? ibid.
16. Cur panes calidi frigidis
 nigriores apparent. 298
17. An veteres calido pane
 usi? ibid.
18. Cur panis parum tritus
 & subactus, & panis mul-
 tum tritus facile frangun-
 tur? ibid.
19. Cur panes frigidi hume-
 facti & madefacti, si se tan-
 gunt non coherant, calidi
 autem coherant? ibid.
20. Cur Hebraei pane Azymo
 usi? fermentone semper ab-
 stinuerunt? 299
21. Cur panis Azymus vene-
 rem excitat? 300
22. Cur pane Azymo utentes
 corda parva & hepata ha-
 bent. 301
23. Cur Aegyptii sacerdotes
 pane salito abstinuerunt?
 ibid.
24. Cur salitus panis minus
 ponderat quam non salitus,
 cum salis adjectio ad pon-
 dus facere aliquid videatur?
 ibid.
25. Quomodo pondus pani
 addidit? 302
26. Cur panes Perdica Mace-
 donum Regis, dum mercena-
 rius esset Regis Lebaorum in
 duplum crescebant? ibid.
27. Cur panis albissimus
 lumbricos gignit? 303

QUESTIONUM.

28. Cur ater panis tenebras inducit? ibidem. 38. An faba sterilitatem inducant. 332
29. Quid est panis lotus quare ratione lavatur? 304 39. Cur usum fabarum Pythagoras prohibuit. 342
30. Cur panis aqua aut vino madens efficacius sitim tollit? ibid. 40. Cur quidam insaniant florentibus fabis. 344
31. Cur panis vino intinctus citius inebriat quam vinum potum? ibid. 41. An borrago exhilaret. 351
32. Cur panis aqua madidus febricitanti datus restituit appetitum? ibid. 42. Cur Malva cum sole circummagatur. 357
33. Quamobrem vino cum pane febricitantibus oblato febris remittitur? 305 43. Cur Malva abstinerit Pythagoras. 367-368
34. Cur panis frustum grandiusculum devoratum singultum excitat? ibid. 44. An Malva temperamento sit calida vel frigida. 369
35. Quis erat panis doricus? ibid. 45. An radices inter ceteras plantarum partes sint deteriores. 373
36. Quis dicebatur panis popaneus, quis gradilis, quis spenitius? 306 46. An Rapa plus ceteris nutrit. 376 377
37. Quamobrem panis mucescit? 308 47. Cur Rapa tam magna crescat. 378
38. Cur si vetustate mucescit panis, mutari tamen in lapidem potest. 309 48. An brassica sedet crapulam. 381
39. Cur cavet Pythagoras ne frangatur panis. ibid. 49. An Brassica calefaciat. 384
40. Cur apud Gracos & Macedonas sponsus & sponsa nuptiarum die panem gladio divisum gustare cogebantur. 310 50. An Pastinaca parum vel multum nutrit. 396
41. Quid panis per somnium edi visus significat? ibid. 51. Cur mare nauseam excitat? 404
52. An Beta sylvestris 414
53. An Beta frigida sit vel calida. 415
54. Cur Beta vini saporem restituit quem brassica corripit? 418
55. An Chelidonium visum restituat. 425
56. An Mentha venerem excitet. 436
57. An feniculum flatu pel- lat. 443; 444

INDEX QUÆSTIONUM.

58. An suspensum è tectis pul- legium brumali die floreat.	450	vel frigidum.	562
59. Cur ruta optima evadat in ficu sata.	456	77. An pruna alvum strin- gant.	573
60. An dentur prasidia mor- tem prohibentia.	469	78. An persica εὐπόμαχα.	586
61. An salvia mortem prohi- beat.	474	79. An folia piperitidis arbo- ris tegant solum fructus per pluviam.	606
62. An Nasturtium excitet venerem.	481	80. An Piper frigidum.	608
63. An Helenium herba sit venenata.	485	81. An Zingiber molliat al- vum.	615
64. An Capa lachrymas mo- veant.	497	82. An sturnorum caro sit vi- tiosa.	618. 619
65. An Capa oculis moveant.	498	83. An Prisci ante diluvium, usi sint carnibus.	629
66. An urtica inter urentia reponenda.	511	84. An carnes plantis melio- res.	632
67. Cur nonnulla si admo- veantur ledunt, si assu- mantur non nocent?	513	85. Cur aves per siccitatem fecundiores.	640
68. An Salix sterilis.	523	86. An Coturnix epilepsiam inducat.	647
69. An Sambucus refrigeret, vel calefaciat.	533	87. An aves aquatica cali- diores aliis.	656
70. An Crocus excitet lati- tiam.	539	88. An caro avium cali- dior carne quadrupedum.	661
71. Cur Crocus visum latha- lom inducat.	540	89. An vitulina caro hædine preferenda.	671
72. Virum Anethum sic εὐσε- μαχον.	558	90. An piscium caro deterior quadrupedum carne.	675
73. Virum Anethum lac ge- neret.	559	91. An Anguilla ledant vo- cem.	720
74. Virum Anethum vene- rem excitet.	560	92. An lac fuscum candido preferendum.	792
75. Virum Anethum sit Nar- coticum.	560	93. An suillum lac sit cras- sum, vel tenue.	796
76. An Coriandrum calidum		94. An usus butyri antiquis- simus.	823

Finis Indicis quæstionum.



INDEX AUCTORUM

qui in toto Opere nominantur,
illustrantur & emendantur.

A

- A** Ben Esra.
Abra Henricus.
Acosta Iosephus.
Acorombonus Hieronymus.
Acron Helenius.
Accursius.
Adamus Melchior.
Actuarius emendatus. pag. 416
Ægenitæ Pauli versio emendata pag. 397. & 417. textus Græcus correctus 487. explicatus. 585
Ælianus.
Æschylus.
Aëtius.
Africanus.
Agellius.
Agrippa.
Agrippa Cornelius.
Agricola Georgius.
Albertus Magnus.
Alboazan Haly.
Aldrovandus Vlysses.
Alexander ab Alexandro.
Alexander Aphrodisæus.
Alexander de Villa Dei.
Alexandrinus Iulius.
Alemanus Adrianus.
Alexis Poëta.
Algazel.
Alkanzi Arabes.
Alphonsus Ioannes.
Alfarius Vincentius.
Amatus Lusitanus reprehenditur. 531
D. Ambrosius.
Ameipsias.
Amphicles.
Amphis.
Ananias Teleclides.
Anaxagoras.
Anaxandrides.
Anaxilas.
Anchoranus Petrus.
Andromachus senior explicatus apud Galenum num. 608. 609
Angelocrater Daniel.
Anguillara Ludovicus.
Anonymus de Vulpe.
Anonymus in Garciam qui dicitur esse Ios. Scaliger.
Anonymus auctor Geographiæ Nubiensis.
Anonymus Manuscriptus.
Antiphanes.
Antiphon.
Anchippus Comicus.
Antidotus.
Apitius Cælius.
Apollas.
Apollonius Dyscolus.
Apollonius Rhodius.

INDEX

- Apollonius Petrus.**
Apuleius
Agneus Stephanus.
Aquilonius Franciscus.
Archedicus.
Archestratus.
Archigenes.
Archiras Pythagoreus.
Archilochus.
Ardoynus Santes.
Argenterius Ioannes.
Areteus.
Aristophanes.
Aristoteles explicatus. 251.
 266. 497. emendatus 437.
 792
Aristoxenus.
Arrianus.
Arthemidorus Aristopha-
 niensis.
Arthemidorus Daldian.
Ascensus.
Asclepiades.
Athenæus explicatus. 680.
 735. emendatus. 725. 745.
 755. ejus interpretes non
 ferendi. 755
Auctor de virtutibus cor-
 dis.
Auctor libri de Theriaca
 correctus 487
Auctor de Plantis.
Auctor libri de dissolutione
 continui.
Auctor de mundo.
Auctor de statibus.
Auctor Erhymologici ma-
 gni.
Auctor Thesauri sanitatis.
Auctores rei rusticæ Græci
 emendati. 499. 507
Avenzoar.
Averroës.
- Augenius Horatius.**
D. Augustinus.
Avicennæ error. 767
Aufonius explicatus. 701
Aurelianus Cælius.
 B
Baccius Andreas.
Bacco Rogerius.
Baïsius Lazarus.
Baldachus.
Barbarus Hermolaus.
Barbarus Daniel.
Barcephas.
Barclaius Ioannes.
Baricellus Iulius Cæsar.
Barrientus Bartholomæus.
Baronius Cæsar.
Bartholinus Gaspar.
Bauhinus Gaspar.
Bauhinus Ioannes.
Beda.
Becmanus Christianus.
Bellarminus Robertus.
Belle-forestus.
Bellonius Petrus.
Beroaldus Philippus.
Berosus.
Beringuccius Vannocius.
Bernard⁹ Mirandulanus An-
 tonius.
Benedictus Alexander.
Bertius.
Brifons Iacobus.
Bisciola Lælius reprehensus.
 461
Blondus.
Blodinus Ioannes.
D Bonaventura.
Bonaventura Fredericus.
Boissardus Ianus Iacobus.
Bolerus Martinus reprehen-
 sus. 340
Bonamicus Franciscus.

AUCTORUM.

Brahæus Tycho.

Brassavolo non credendum.

599

Brassicanus.

Brodæus Ioannes.

Bruyerus Ioannes.

Budæus Guillelmus.

Buccafferreus Ludovicus.

Bulengerus Iul. Cæsar.

Buxtorfius Ioannes.

C

Cagnatus Marfilus.

Calcagninus Cælius.

Calceolerianum Musæum.

Cajetanus.

Calculator.

Calderinus Domitius.

Callimachus.

Camerarius Ioachimus.

Campegius Symphorianus.

Capacius Iulius Cæsar.

Capella Martianus.

Capuanus Ioan. Baptista.

Capiuaccius Hyeronymus.

Canones citantur.

Canonerius Petr. Andreas.

Canterus Guillelmus.

Capitolinus Iulius.

Cardosus Ferdinand. Rodericus.

Cardanus Hieronymus.

Carrero Pet. Garcias.

Carthusianus.

Casabonus Isaac reprehensus.

754

Cassiodorus.

Casulanus Protus.

Cassius Sophista.

Cassianus Bassus.

Casserius Iulius Placentinus.

Cato emendatus

307

A Castro Rodericus.

Cæsar Constantinus;

Cæsarianus Cæsar.

Cæsalpinus Andreas;

Cælius Rhodiginus.

Celsus Cornelius explicatus

280. 683; emendatus. 683

Chæremon.

Chrysippus.

D. Chrysostomus.

Chioccus Andreas.

Christianus Florens.

Chronicon Cassinense.

Chronicon Nortmannorum.

Cicco Esculanus.

Cicero Marcus Tullius.

Cigninius Anton.

Claudianus.

Clementis Alexandrini versio emendata.

378

Clofius Carolus.

Claudius Iul. Cæsar.

Codex Theodosianus.

Cognatus Gilbertus.

Columella.

Codronchus Baptista.

Columna Fabius.

Comestor Petrus.

Commentarius Decurionum Parisiensium.

Conciliator.

Conimbrisenses.

Constantinus Monachus.

Cordus Valerius

A Costa Christophorus.

Costæus Ioannes perstringitur.

795

Cornarius Ianus castigatus.

417. 498

Cratevas.

Cratinus.

Crafforus Ioannes;

Crates.

Crellius Iacobus.

Crescentius Petrus.

INDEX

Crinitus Petrus.

Crotilus.

Cuiacius Iacobus.

Curio Ioannes.

Curtius Quintus.

Curtius Benedictus.

Curtius Mathæus.

D. Cyprianus

D

D Alechampius Iacobus
notatus. 347. 486.
680. 682

Damascenus Ianus.

Dampsternus Thomas.

Dandinus Hieronymus.

Demetrius Sceptrius.

Demetrius Constantinopo-
litanus

Delrio Martinus.

Demosthen. Bythinus.

Democritus.

Didymus.

Dieuches.

Deslenius Bernardus.

Dinus de Garbo.

Dinus Florentinus.

Diocles.

Diodorus Siculus.

Dionysius Halicarnassæus.

Diophantes.

Diosc explicatus 449. 609.

emendatus 424 446. 492.
501. 609. 610

Dioxippus

Diphilus Siphnius.

Dodonæus Rambertus.

Donatus Marcellus.

Dorion.

Durantus

Duretus Claudius.

E

E Clinius David.

Rabbi Eliezar.

Elluchafen Arabs.

Empedocles.

Ennius.

Eobanus Hessus.

Ephesius Michaël.

Ephippus Olynthius.

Epiphanius.

Erasmus Roterodamus.

Erasistratus

Eraustus Thomas.

Eratosthenes.

Epicharmus.

Erotiani Lexicon.

Ernestus Ioan. Burgravius.

Eubulus.

Eudemus.

Evenus.

Eugubinus Augustinus.

Euphorio.

Euphron.

Eupolis.

Euriphon.

Eusebius.

Eustratius Scholiastes Dio-
nyfii de situ orbis

Eustatius interpres Homeri.

Eutropius.

F

F Acetus.

Favorinus Camertes.

Ferdinandus Epiph

Fernandes Francisc. Ma-
thæus.

Fernelius Ioannes.

Ferrandus Iacobus.

Ferrus Donatus Anton,

Festus Pompejus.

Ficinus Marfilius.

Fienus Thomas.

Fidelis Fortunatus.

Fiera Baptista.

Floretus.

Florus

AUCTORUM.

Flotus.
 Florembenus Phamph.
 Florentinus.
 A Fonte Lælius.
 Firmicus Iulius.
 Fonseca Rodericus.
 Forcatulus Stephanus.
 Foro-Julienſis Iacobus.
 Fracaſtorius Hieronym.
 Fragofus Ioannes.
 Fermondus Libertus.
 Fryſchius Marinus.
 Fulgoſus.
 Fuſchius Leonardus.

G

Gabriel Sionita.
 Galenus reſutatus 57.
 explicatus 62. 149. 174.
 327. 341. 557. emendatus.
 377. 558. 775. 798

Gabertus Martius.
 De Garbo Thomas.
 Garcæus.
 Garcias ab Horto,
 Gaza Theodorus reprehenuſus. 753
 Gazius Antonius.
 Garaſſius Franciſcus.
 Gemma Cornelius.
 Genebrardus Gilbertus.
 Georgius Franciſcus Vencrus.
 Geraldus Lilius carpitur. 329.
 539. 598
 Geraldus Theodoricus.
 Geſnerus Conradus.
 Glaucus.
 Gillius Petrus.
 Goclenius Rodolphus.
 Gloſſæ Græco-latina emendatæ. 585
 Gomeſius Bernardus.
 Gorraus Ioannes Senior.
 Gorraus Ioannes Junior.

Gottofredus Viterbienſis.
 Gourmelanus Stephanus.
 Grapaldus Franciſcus Marius.
 Gratarolus Guillelmus.
 Grammaticus Ioannes.
 Gregorius de Valentia.
 Gregorius Turonenſis.
 Gregorii Martini error. 377
 D. Gregorius.
 Grinæus Simon.
 Gualterus.
 Gualterus Diſſe.
 Guastavinus Iulius.
 Guaynerius Antonius.
 Gueraldus Guillelmus.
 Guibertus Ludovicus.
 Guido Canliacus.
 Guillandinus Melchior.
 Guyonius Ludovicus.

H

Hachi filius Charti.
 Hagemon.
 Hagecius ab Hayck.
 Halyabas,
 Hegeſander.
 Heinfiii Danielis error. 378
 Hephæſtio Ptolemeus.
 Hephæſtion.
 Heraclides Tarentinus.
 Herlicius.
 Hermippus Callimach.
 Herilacus Pamphilus.
 Herveti Gentiani error 378
 Herodotus hiſtoricus.
 Herodotus Medicus.
 Heſiodus.
 Heſtronita Ioannes.
 Heſychius.
 Heurnius Otho.
 Hiceſius.
 D. Hieronymus.
 D. Hilarius.
 Hildegardis,

E

INDEX

Hipparchus.

Hippocrates explicatus 245.

327. 436. defensuſ 461.

emendatus. 62. 63 322 388

Hippolochus.

Hipponactes.

Hispanus Petrus.

Hollerius Iacobus.

Homer. explicatus. 751

Hondius Iudocus.

Horatius expositus. 219

Horstius Iacobus.

Huarter Ioannes.

Humelbergius Gabriel.

I

Iacobus de Partibus.

Iacotius Desiderius.

Innocentius tertius.

Interpretes septuaginta.

Inguen Marſilius.

Iolaus.

Iovius Paulus.

Ioannes de Botonia.

Ioannes de Mediolano au-

ctor verſuum Scholæ Sa-

lernitanæ.

Iosephus.

S. Irenæus.

Iſaac Arabs.

Iſidorus Hiſpalenſis.

Iunius Adrianus.

Iuretus Franciſcus.

Iuſtinianus Imperator.

Iuſtinus Martyr.

Iuſtinus Hiſtoricus.

Iuvenalis.

K

K Ekermanus Bartholo-

mæus

Keplerus Ioannes.

Kilianus Cornelius.

Kyramides.

Kornmannus Henricus.

L

L Abeo Iuriſconſultus.

Lacuna Andreas.

Laſtantius.

Laërtius Diogenes.

Landus Hortenſius.

Langius Ioannes.

Lampridius Ælius.

Lemnii Levini error. 429

Leonius Canonicus.

Leontius.

Lerius Ioannes.

Libavius Andreas.

Liebautius Ioannes.

Licetus Fortunius.

Lipſius Iuſtus.

Liranus.

Lycus

Lydiat Thomas.

Livius Titus.

Lombardus.

Longolius Gilbertus.

Lonicerus Ioannes.

Lopius Garcias.

Lucanus.

Luciani locus difficilis expo-

ſitus.

340

Lucilius.

Lucretius. M.

M Acer Æmilius.

Machon.

Macrobius.

Magninus.

Majolus Simeon.

Malvenda Thomas.

Magius Hieronymus.

Manardus Ioannes.

Manilius

Manutius Paulus.

Manlius Iacobus.

Marcellinus Ammianus.

Marſianus Ioannes

Martialis explicatus 75. cor-

rectus.

750

AUCTORUM.

Martinus Iacobus.
 Massa Nicolaus.
 Massarius Franciscus.
 Mathiolus Andreas.
 Matron Parodus.
 Mæstlinus Michaël.
 Maurolicus Franciscus.
 Meigret Amadæus.
 Mela Pomponius.
 Meletius.
 Menander.
 Menodorus Samius.
 A Mendosa Didacus.
 Mercator Geraldus.
 Mercurialis Hieronym.
 Mercurius Trismegistus.
 Merula Gaudentius.
 Mercennus Marinus.
 Mesvæus reprehensus. 530
 Meursius Ioannes reprehensus. 641
 Mildendorpius.
 Minadous Thomas.
 Miction.
 Mnesitheus Atheniensis.
 Mizaldus Antonius.
 Minerva Paulus.
 Moscus.
 Monardes Nicolaus.
 Monachi in Mesvæum.
 Montagnana Bartholomæus.
 Moyfes.
 Rabbi Moyfes.
 Mongius Ioan. Paulus.
 Mundella Aloysius.
 Muretus Marc. Anton.
 Myconius.
 Myrepsius Nicolaus.
 Myrillus.
 Maynus de Medioloano.
 Minutius Fœlix.

N

Nævius
 Nemefius.

De Neris Thomas.
 Nestor.
 Nicander.
 Nicænetus.
 Nicephorus Scholiastes Synesii.
 Nicoftratus.
 Niger Dominicus Marius.
 Nonnius Marcellus.
 Nonnus Ludovicus.
 Nonnus Poëta.
 Numenius.
 Nyphus Augustinus.

O

O Bicius Hippolitus.
 Odus de Odis.
 Olympias Thebana.
 Olympiodorus.
 Oppianus.
 Oribasii error. 492
 Orpheus.
 Orrellius Abrahamus.
 Orus Apollo.
 Ocho Cremonensis.
 Ovidius.

P

P Acuvius.
 Paduanus Fabutius.
 Palladius rei rusticæ scriptor.
 Palladius Medicus.
 Pamphilus.
 Panca Martinus.
 Parens Ambrosius.
 Parisanus Æmilius.
 Paschalius Carolus.
 Paschalius Stephanus.
 Patritius Franciscus.
 Paternus Bernardus.
 D. Paulus.
 Paulus Diaconus.
 Pausanias.
 Pena Pena.
 Pererius Benedictus.

INDEX

- De Petamento Petrus.
 Persona Ioa. Baptista.
 Perithus.
 Persius.
 Petrarcha Franciscus.
 Petronius Alexander.
 Petronius arbiter explicatus.
 747
 Petudius.
 Peucerus Gaspar.
 Philorimus.
 Philotheus.
 Philalethes Polytopienfis.
 Philander Guillelmus.
 Philemon.
 Philocles.
 Philostratus.
 Philo.
 Philo Iudæus.
 Philo Medicus.
 Philippides.
 Philolphus Franciscus.
 Phanius.
 Photius patriarcha.
 Pindarus.
 Pifo Carolus.
 Pisanellus Balthasar.
 Pictorius Georgius.
 Pintianus Ferdinandus.
 Pigafetta Antonius.
 Picus Mirandulanus.
 Platearius Ioannes.
 Plato Philosophus.
 Plato comicus.
 Platina Baptista.
 Placotomus Ioannes.
 Plautus.
 Plinius correctus 388. ex-
 plicatus. 482
 Plinius Iunior.
 Plinius Valerianus.
 Plutarchus.
 Polemon.
 Politianus Angelus.
 Polybius.
 Pollux.
 Popardus Oliverius.
 Polybus.
 Pomponatius Petrus.
 Pontanus Iovinianus.
 Ponzettus Ferdinannus.
 Porra Ioa. Baptista.
 Porphyrius Philosophus.
 Porphyrius Astrologus.
 Possidonius.
 Prateolus.
 Probulus.
 Proclus Scholiastes Hesiodi.
 Propertius.
 Protogoras.
 Præfectus Iacobus.
 Psellus Medicus.
 Prudentius.
 Ptolemeus.
 Puteanus Guillelmus.
 Pythagoras.
 Q
 Vercetanus Iosephus.
 Quintilianus.
 R
 Amiresius Laurentius.
 Rafarius Baptista.
 Raymundus.
 Reinoldus Erasmus.
 Renodus Ioannes.
 Rhazes.
 Rhollus Democriteus.
 Rigaltius Nicolaus.
 Rittershusius Corandus.
 Rochardus Claudius.
 Rodericus Stephanus Ca-
 strensis.
 Rondeletius Guillelmus.
 Ronssæus Bald refutatus. 683
 Rorarius Nicolaus.
 Ruellius Ioannes.
 Ruffus Ephesus.
 Rupertus.

AUCTORUM.

S.

Sabellicus.
Sacra Scriptura explicata.

250

Salmasius Claudius.

Salomon.

Sanctorius à Sanctorio im-
posuit Galeno. 303

Salvianus Hippolytus.

Sannyrio.

Sarracenus Antonius.

Savanrola Michaël.

De Saxonia Albertus.

Scaliger Iul. Cæsar.

Scaliger Iosephus.

Scævola Iurisconsultus.

Scenkius Ioan. Georg.

Sceckius Iacobus.

Schnebergerus Antonius.

Schouten Guillelmi naviga-
tio.

Scholiaſtes Sophoclis.

Scholiaſtes Dionyſii de ſitu
orbis.

Scholiaſtes Ariſtophanis.

Scholiaſtes Theocriti.

Scholiaſtes Apollonii Rho-
dii.

Scholiaſtes Nicandri.

Scholiaſtes Oppiani.

Scholiaſtes Callimachi.

Scholiaſtes Syneſii.

Scholiaſtes Homeri.

Scriberius Petrus.

La Seine Petrus.

Quint. Serenus Sammonicus.

Seneca.

Senecius Ludovicus.

Serapion.

Servius.

Sextus Empiricus.

Sidonius Apollinaris.

Sidites Marcellus.

Siracides.

Sigisbertus.

Simeon Sethi correctus 417.

665. ejus versio emendata.

329

Simeon Ienuensis.

Sipontinus.

Sirenus Iulius.

Smetius Henricus.

Socrates.

Sophocles.

Soto Dominicus.

Suares Franciscus.

Solinus.

Sopater.

Sotion.

Spartanus.

Spondanus Ioannes.

Speusippus.

Squarcialupus Marcellus.

Strattis.

Strabo.

Stuckius Guillelmus.

Stobæus.

Steve Iacobus Petrus.

Stephanus.

Summonte Antonius.

Suidas.

Suetonius.

Suiffet Richatdus.

Sybilla Bartholomæus.

Syneſius.

Sylvaticus Ioan. Baptista.

Sylvaticus Mathæus.

Sylvius Iacobus.

T

TAgaultius Ioannes.

Tacitus Cornelius.

Talentinus Ioannes.

Tancredus Latinus.

Tamburinus Hieron.

Taurellus Nicolaus.

Tenarus.

Teleclides.

Teurnidærus Leonard.

6 iiij

INDEX AUCTORUM.

- Tertullianus.
 Textor Benedictus.
 Telesius Bernardus.
 Thales Milefius.
 Theodolus.
 Theophilus.
 Theophr. explicatus. 245
 Theopompus.
 Theodoretus.
 Theognis.
 Theodosius. Ioa. Bapt.
 Theocritus.
 Theophilaetus.
 Theopompus Chius.
 Theſſalus.
 Thomas Philologus.
 D. Thomas.
 Thomas Alvarus.
 Tiraquellus Andreas.
 Timocles.
 Du Thoum Ludovicus.
 Thriphiodorus.
 Tollerus Petrus.
 Toſtatus.
 Tholoſanus Gregotius.
 Tortellius Ioannes.
 Trallianus Alexander.
 Tragus Hieronymus.
 Tremellius.
 Trigaltius Nicolaus.
 Triverus Hieremias.
 Trithemius Ioannes.
 Trogus.
 Tretzes.
 Turinus Andreas.
 Turlerus Hieronymus.
 Tarifanus Monachus.
 Turnerus Guillelmus.
 Turnebus Adrianus.
 V
 Valerius Maximus.
 Valerius Franciscus.
 Valro.
 Vatablus Franciscus.
 Valturius Robertus.
 Varignana Guillelmus.
 Vartomannus Ludovicus.
 Vesalius Andreas.
 De Verul. Franciscus.
 A Vvega Chriſtophorus.
 Vernerus Georgius.
 Vendelinus Marc Fridericus.
 Verrius Flaccus.
 Victorius Petrus.
 De Victoria Franciscus.
 Vvillieramus Abbas.
 Vvilllelmus Aneponym.
 Viginerius Blaſius.
 Victorius Benedictus Faven-
 tinus.
 Vicomercatus Franciſc.
 Villarienſis Guido.
 Virgilius Marcellus.
 Virgil. Pub. Maro.
 Villanovanus Arnaldus.
 Vincentius Belvacenſis.
 Villichius Iodocus.
 Viregi filius.
 Vitruvius.
 Vlpianus.
 Volaterranus Raphaël.
 X
 XEnarchus Comicus.
 Xenocrates.
 Xenophon.
 Z
 Arabella Iacobus.
 Zanardus Michael.
 Zara Antonius.
 Zenodotus.
 Zuccarus Marius.
 Zuingerus Theodor. pater.
 Zuingerus Iacobus, filius.

FINIS.

PROLEGOMENA
IN SCHOLAM
SALERNITANAM.

CONSILIUM AVCTORIS
in hoc opere Salernitano renovando.

CAPVT I.



*V*M Auditoribus meis rationem conser- *Aucto-*
vandæ sanitatis quam *higeinen* vocamus *ris in-*
proximo anno pollicitus essem, jamque ex *stitur.*
probatissimis selectisque auctoribus Græcis &
Latinis certo quodam & legitimo ordi-
ne collegissem atque digessissem longè plura quàm
paucis mensibus eis proponi ac exponi possent. Ne tot
menses ex uno biennio, quod toti medicinæ demonstan-
dæ à Facultate nostra nustra Parisiensi mihi definitum erat,
furriperem; & difficillimas medicinæ partes intactas dese-
rerem; standum promissis nec æquum esse judicavi, nec
Philiatrorum utilitati commodum. Etenim licet ea pars
medicinæ rerum varietate pulcherrima, & earundem sa-
lubritate habeatur dignissima, quæ non modo Medicis
omnibus, sed omni hominum generi perspecta cognitâq;
teneatur: Attamen prudentis fuit *Magistri* in illis tempo-
rum angustiis, earum rerum seligere argumenta & præ-
cepta tradere, quæ non minùs disceant necessaria essent
aut ignobiles, longè vero majorem continerent obscuri-
tatem, & rudiorum ingenia longioribus difficultatum filis
implicarent. Succurrebat autem animo eam medicinæ par-
tem, quæ morborum symptomatumque causas & differen-
tias explicaret, & eam quæ artificiosam morborum pro-
gnosin traderet, ut maximè necessarias medico, sic impen-
dio difficiles & perplexas. Accedebat quod è manu medico-
rum animadvertendam devolutam ad idiotas, plebeios, &
aniculas victus præscribendi rationem, cum hætenus nec
ē iiij

Prolegomena in scholam

*Standū
promis-
sis.*

minem (Reges & Principes si excipias) ex Medici præscripto institutum viveendi singulorum temperamēto, ætati, sexui accommodatum observare deprehendamus. Deinde vero non me fugiebat gravissimos doctissimosq; viros, hanc medicinæ partem tam feliciter excoluisse & absolvisse, ut quod mihi tribuere aut assumere possem, nihil penitus ab eis relictum atq; omissum sentirem. Tanti equidem hæc apud me fuerant, ut promissum expungere, *Auditorumque* meorum desiderio, atque expectationi satisfacere neglexerim. Verum enim vero quod ad prudentis & sapientis viri officium pertineat non verba modo, sed capitis quoque nutus servare, hæsit idcirco semper apud me scrupulus obligatæ fidei, qui continuò ad eam liberandam, & quovis pignore redimendam me tacite sollicitabat. Quid egissem hoc æstro agitatus? comparanda ocius fuit dissolvendæ fidei digna materies, quæ nec ingenioli nostri tenuitatem excederet, nec *discipulorum* vota eluderet. Habebam quidem affectam ac inchoatam inter schedia *placentarum ἐξήνθου & ἀπὸ πωλίων* ubi *Panis & placentarum* genera omnia, species, partes, conficiendi ratio, usus, & facultates, ex veterum recentiumque monumentis excutiebantur, sed quod ex Athenæo & Polluce eluendæ essent pleræque maculæ & aliquot loca concilianda atque restituenda quæ fessinantem remorabantur, distuli in aliud otium hoc opus, & operam in novo negotio collocavi. Ex *discipulis* nonnulli cum meum de Schola Salernitana iudicium expostularent, quidve de ejus doctrina & instituto sentirem, quærerent: facile apud me obtinuerunt, ut horis succisivis Librum legerem attentius, & nonnihil ad eum commentaret. Imprimis cum omnia in eo opere confusa, nullave merhodo digesta observarem, singula in eum reduxi ordinem quem res ipsæ naturâ suâ postulabant. Deinde vero cum egregium codicem manuscriptum haberem in Bibliotheca, qui longè plures versus quam evulgatus codex contineret, multa ex eo supplevi & emendavi, necnon ex aliis manuscriptis duobus voluminibus, quorum alterum Roberti Tullou Doctoris Medici Parisiensis exercitissimi mihiq; amicissimi, alterum quondam Budæi, jam vero Naudini est adolescentis doctissimi, & in lectione bonorum auctorum versatissimi. Præterea quantum in me fuit iu pristinum nitore restitui eos versus qui librariorum incuriâ & præpostera commentatorum emendatione deflexerant ab ingenioso assultu atque numero, quo legentium

Salernitanam.

memoria recreabatur & inualescebat. Et quoniam hominū
judicia libera sunt, mihi temperare non potui quin censu-
ram interdum nostram interpouerem, non modo in scholæ
doctrinam, sed scholiorum etiam, ubi scilicet à ratione vel
instituto aberrarent. Denique mihi curæ & consilii fuit in
renovando hoc opere, ut studiosi medicinæ haberent totam
hegynen per sua capita & articulos hono ordine distribu-
tam & absolutam: sic ut à nobis adderentur & infererentur
ea quæ in versibus Salernitanis deessent. Quod vero ad o-
peris complementum, institutum scholæ, libri nuncupatio &
dedicatio, *Salernitana Academia primordia* & incremen-
tum, scribendi ratio, genus carminis, & id genus alia præter-
missa essent à commentatoribus, & aliis omnibus qui de
Academiarum & Medicorum rebus scripserunt; idcirco
quæ de his singulis nostræ fuerint conjecturæ paucis capi-
tibus explicandum constitui.

De antiquitate & dignitate Academia Salernitana.

C A P V T I I.

NVllus Medicorum est, ne quidem initiatorum & neo-
phytorum qui carmina *Schola Salernitana* ore non
circumferat, & omni occasione non crepet: hætenus tamen
nemo est, qui ejus nobis incunabula tradiderit, & quo tem-
pore tam egregium opus compositum & editum exposue-
rit. Tanta fuit majorum nostrorum incuriâ, & litterarum fa-
tum, ut pleræque priscis temporibus neglecta jacuerint, quæ
posteris fuissent profutura. Querimus multas nostræ tempe-
state moveri controversias, & ingenia hominum eruendis
& instaurandis veterum ruderibus insudare: nec accusamus
majorum nostrorum torporem qui in singulis commemor-
andis & observandis negligentiores exiit. Fuit ea fors
& calamitas omnium artium, atque inter cæteras *Medicina*,
cujus illustrationi & historiæ nullus ad hunc diem incubuit.
Artis chymicæ, fusionis auri & argentiquis veterum præter
Suidam & Firmicum meminit, quorum idcirco fides & au-
thoritas in dubiū revocatur? Asbestini lini, murrhini, gem-
marum plurimarum, aurichalci, cinuamomi, folii barbarici,
myrrhæ, stactes, bdellii, ammoniaci salis, fructuum variorū,

*Veterū
incuria*

Prolegomena in scholam

placentarum, lapidum pretiosorum, electri, olei incombustilis, ductilis vitri, herbarum multarum nobis à veteribus relicta nomina, usus & ratio prætermissa. Pene in controversiam adducuntur descripta omnia apud Dioscoridem medicamenta, infinitique sunt apud Galenum nodi, quos ne Alexandri quidem manus dissolveret. Lucida crant sæculis illis hæc nubila minimeq; obscura doctioribus, proinde neglecta permanere velut indigna quæ aliqua observatione designarètur. Quid narremus de priscis Academiarum legibus & constitutionibus, *Coa, Cnidia, Alexandina* vix habemus. Extiterunt superioribus sæculis & ætate nostra plurimi qui Academiarum Medicorumque historias texerunt, sed tam infelici genio & successu, ut trita & vulgaria longo verborum apparatu descripserint, difficilia quæque & illustria non nisi lambendo velut canis è Nilo, attigerint. Nam ut publicam querimoniam ad *Scholam Salernitanam* detorqueam, quis ex scriptoribus medicis, aut etiam ex historicis nobis primordia ejus Academiæ, progressus & incrementa designavit, vel eorum Medicorum nomina collegit, quorum virtute & industria Schola tam celebris inclauit? Ne ipse quidem Arnaldus Villanovanus operis Salernitani vindex & illustrator, quicquam de dignitate hujus academiæ aut origine monumentis tradidit, quod tamen ejus fuit officium, in illa præsertim opportunitate qua fruebatur apud eum regem qui Salernitanis imperabat. Ioannes præterea Curio & Iacobus Crellius Erphordiani Medici, cum idem opus interpretarentur, ne verbum quidem de ejus *Schola* antiquitate aut operis instituto fecere. Quamobrem in tantis tenebris mirum non est si quid conjecturis nostris dederim, quæ locum habent in iis rebus, de quibus certi nihil aut explorati constat. Salernum Picentium civitas in sinu maris Tyrrhemi posita ad ostium fluminis Silari, vel à *salis* copia, vel ab ipso amne *Salaro* denominata est; vetus illud oppidum à Romanis in Picentes & Lucanos, qui societatem cum Hannibale inierant, munitum. A tenui principio sensim crevit non magis loci opportunitate, quam soli fecunditate. Fluminis marisque vicinia, æris bonitas & salubritas incolas allexit, retinuit vini nigri fructuumque omnium præstantia, quorum tractus est ferax *In tutta Italia non essera pin delitiosa città di Salerno, dicebat Antonius Summonte* historiæ Neapolitanæ scriptor eximius, *abbondante de Vistrouglie, d'abori, di vini, pomi è*

Sal.

Felicitas.

Salernitanam.

neti, belli palazzi, legiadissime donne & huomini suavi il
cui territorio una parte è piana, è l'altra montuosa, della qua-
lesi può andare per mare & per terra in tutti i luoghi, qua
descriptione accuratior dari non potest. Hujus vero urbis
incrementum cepit maximè anno Christi 974. cum pcr Bo- *Medico-*
nifacium VII. Pontificem Maximum regionis totius Me- *ru fuit*
tropolis constituta est. In illa quidem florebant eo tempore *schola.*
medicinæ studia, sed nondum Regum & Principum decre-
tis fundata erat Academia. Nec diffiteor Monachos Cassi-
nensis Monasterii, ac præsertim Const Monachum, qui ope-
ra sua Medica Abbati Desiderio circa an. Christi 1060. de- *In Aca-*
dicavit, medicinæ rudimenta in ea civitate, cui proximus *demiâ*
est mons Cassinensis, posuisse, sed nomine Academicæ fuisse *erecta*
donatam plane inficior. Rogerius rex primus Sicilia & Sa- *urbs.*
lerni Princeps cum circa annum Christi 1108. nonnullas
leges sanxisset, decimam octavâ tulit de *probabili experien-*
tia Medicorum; qua cavebatur ne quis medicinam exerce-
ret nisi prius à magistratibus & iudicibus probatus, qui fe-
cisset secus bonis omnibus spoliaretur. Quam legem annis
sequentibus, anno scilicet circiter 1150. Fridericus primus
Ænobarbus Rom. Imperator occupato regno Neapolitano
amplificavit, atque confirmavit, prohibuitque, ne quis ad
faciendam medicinam admitteretur nisi à Medicis Collegi
Salernitani aut Neapolitani probatus & consecutus esset po-
testatem medendi quam licentiam vocant, sub pœnâ carceris
annui & proscriptionis omnium fortunarum. Quibus quidè
privilegiis & honoribus gaudens *Salernitana Schola*, in A- *Milden-*
cademiam tum demum erecta est ob studia præsertim me- *dorpii*
dicinæ quæ in ea vigeabant plurimum, necnon etiam Iu- *oscitan-*
risprudentiæ, quemadmodum observat Mildendorpius in *tin.*
Academiarum historia. Sed nō possum hujus auctoris osci-
tantiam vel ignorantiam satis admirari, qui cum omnium
Christiani orbis Academiarum primordia illustranda sus-
cepisset, de *Salernitana* (ne quid de aliis dicam) prorsus
omnino nihil observavit nisi eam Medicis aliquando illu-
stribus & nonnullis Iurisconsultis floruisse quæ observatio
diligenti scriptore & ingenioso non indigebat. Quod vero
Academiam Salernit. maximè commendavit, & ejus glo-
riam transmisit posteris, opus est illud *de vita conservanda*,
Roberto Duci Normaniæ & Regni Anglicani hæredi con-
secratum; tum propter dignitatem ejus Principis cui in-
scriptum est, tum propter utilitatem operis, & insolitū seri-

Prolegomena in scholam

Medici & Philosophi. bendi, genus utile simul & jucundum. Celebris quoque fuit Medicis ac Philosophis non inferioris notæ, Ioan. Plateario, Ioan de Mediolano, Constantino Monacho Salerno, Saladino de Esculo, Simone Ianuensi, Ioan de sancto Paulo, Petro Antonio Rustico, Guillelmo Placentino, de Saliceto, Hieronymo Balduino, Benevenuto Graphæo de Ierusalem, Francisco Alphanio, Ioan. Nicolao Rogerio, Ioan. Salernitano, Gualtero Salernitano Rogero Salernitano, quatuor Magistris in Chirurgia Salernitanis, quorum opera audio asservari in Bibliotheca Oxoniensi & Cantabrigiensi; qui viri omnes ejus Alumni, fuerunt in Philosophia maximi nominis. Tulit quoque scriptores Ecclesiasticos, Iurisperitos, historicos, quos tamen quia medicinæ historiâ non illustrent lubens volensq; prætermitto. Sed non omit- tam quod in ecloga Oxonio Cantabrigiensi posteriore li- bro observatum legi de libro qui vulgo *Passionarius Gale- ni* dicitur. *Liber iste*, inquit operis auctor, *Passionarius* vo- citatur, quia de passionibus agit, quem quidam *Galenum* composuisse asserunt, sed non est verum; quia hujus libri di- versi fuerunt auctores, scilicet *Alexander*, *Galenus*, atque *Priscianus* & non simul neque uno consensu, sed semotim de passionibus corporis & prout cuique visum est tractaverunt: Sed *Theodorus Priscianus* collegit, & à semetipso, & à qui- busdam additis aliter quam nunc sic ordinavit. Febres enim utpotè universales in tractatu præmisit, deinde cetera quasi particularia subjungit; id est de cephalia & aliis hujusmodi. Secundum quosdam vero non prædicti plures unum librum composuerunt, sed unus, scilicet *Paulus* composuit. Sed si ve hi si ve illi composuerunt, Vvarmipotus (lego Gariopotus) quidam Medicus Salernitanus videns eum in multis esse falsum, in pluribus verum, utpotè in omnibus inordinatum; cum quibus- dam clericis optimis sibi adhibitis hunc librum in quantum ejus & eorum scientia diligens potuit, emendavit, & ordinem tractatus prædictum transmutavit, & errata diluendo, superflua ressecando, ambigueque referendo prout nunc ordina- vit, à particularibus incipiens ad similitudinem totius inte- gri. Hæc ille. Inter tot collegii Salernitani laudes unum

*Histo-
ria no-
tanda.*

subjungo vitium, quod erit velut nævus in formoso vultu. Historiam accepi à *Julio Cæsare Capacio* Neapolitanæ ur- bis Secretario, civi, & eximio historico libro de balneis ubi sic habet. *Ab Antonio Ianuario Ladislai Regis familiari* accersitum fuisse *Notarium Dionysium de Sarno* ipsemet tẽ-

Salernitanam.

statut qui publico diplomate scriberet apud Regem, marmoream esse tabellam Puteolis in loco qui tre colōxe dicitur repositam in qua Salernitanorum Medicorum qui Puteolanas Balneas everterant huiusmodi memoria erat.

Ser Antonius Sulimela, Ser Philippus Capograssus, Ser Hector de Prociis famosiſſimi Medici Salernitani supra parvam navim ab ipsa civitate Salerni Puteolos trans fretaverunt cum ferreis instrumentis inscriptionis Balneorum virtutum deleverunt, & cum reverterentur fuerunt cum navi miraculosè submersi.

Haecenus Capacius cui assentire videtur Franciscus Petrarca libro 5. epistol. 4. ubi hanc historiam leviter perstringit.

De Auctore Carminum Scholæ Salernitanæ, operis titulo, dedicatione, evulgatione.

C A P V T I I I.

IOa. Gregorius Schenckius in bibliotheca Medica notat Arnaldum Villanovanum opus poeticum *de bona Valentudine conservanda* commentariis suis enarravisse, & nomine Scholæ totius Salernitanæ vero auctore dissimulato inscripisse. Auctorem vero libri facit Ioannem de Mediolano Medicum & versificatorem suo tempore insignem, qui universum medicinæ florem unanimi Salernitana Scholæ approbatione ad Anglorum regem versibus circiter mille ducentis triginta novem conscripsit; quorum tertia pars vix ab Arnaldo iulucem emissâ sit, integrum autem opus manuscriptum in Bibliotheca Schenckiana asservetur. Iure an injuria Schenckius Arnaldum reum sistat, mearum non est partium animadvertere, cum de mente & consilio Arnaldi non constet. Credibile tamen est nullo livore aut invidentia commotum, sed minimè vituperando artificio ductum nomine totius scholæ librum evulgasse. Quæ enim potuisset illi esse livoris causa in Ioannem de Mediolano qui à ducentis annis obierat? Integrum Villanovano fuit, si quidem invidia

*Ioannes
de Me-
diolano
Auctor
Scholæ
Salern.*

Prolegomena in scholam

Con- maceratus esset, aut omittere illustrationem operis, aut cen-
lium suram suam interponere, cum plurima extarent in eo libro
Villa- quæ ejus doctrinæ adversarentur: butyrum, caseum, fructus
novani. laudat schola Salernit. quæ Villanovanus in regimine sani-
tatis à se conscripto vituperat, velut à salubritate aliena
edulia. Facile fuisset homini ingenioso ac docto calum-
niandi & reprehendendi ansam arripere vel supinitatis atq;
ignorantiæ insimulare cum *scholam* tum *Ioannem de Me-*
diolano si invidisset. Sed aliud fuit ei propositum consilium.
Agebat apud Federicum Arragoniæ, Siciliæ, Neapolis Re-
gem qui tunc in Sicilia, Apulia & Calabria commorabatur.
Quibus in locis celeberrimum erat *Academia Salernitana*
nomen, & ejus præcepta de conservanda valetudine apud
populares omnes momenti maximi. Gallia & Italia profu-
gus Villanovanus ut nonnullam benevolentiam atque glo-
riam sibi apud Regem & eam gentem conciliaret, quam
jampridem prædictionibus suis Astrologicis decoxerat; non
opus modo proprium de conservanda sanitate Regi Federi-
co dicavit sed hoc alterum magnæ propter *scholæ* dignitatē
auctoritatis notis suis illustravit: tam ut stricturam doctrinæ
sux & specimen aliquod exhiberet, quàm ne videretur hos-
pes; & advena aliam à *schola Salernitana*, hoc est ab usu cō-
muni & recepto doctrinam medendique rationem obtine-
re. Totum vero opus *scholæ* tribuit non *Ioanni de Mediola-*
no, quia eo nomine apud populares circumferebatur, & Re-
gi Angliæ nomine totius Scholæ quam consuluerat, oblatū
olim fuisse primus hic scholæ versiculus designabat, *Anglo-*
rum Regi scribit schola tota Salerni. Quod quidem ut dilu-
Anglo- cidius evadat, res altius repetenda est, & quodnam potuerit
rum & esse Anglorum cum Salernitanis commercium atque con-
Saler- junctio explicandum. Ex Chronici Cassinensis cap. 8. lib. 2.
nitano- observatum habemus quadraginta Equites Normanos Hie-
rum cō- rosolyma, ubi sepulchrum Christi adoraverant, redeuntes
merciū. Salernum appulisse quo tempore à Saracenis Guimarus Sa-
lerni Princeps admodum urgeretur. Impetratis à principe
copiis, Normani Equites Christianæ fidei amore incensi,
sic se opposuere Barbaris ut in fugam verterint, & in Sici-
liam usque expulerint, quo facinore accepti humanissimè à
Salernitanis fuerunt, ac præterea invitati multis præmiis à
Principe, ut in ea civitate commorarentur. Quod cum non
impetrasset Guimarus, nec ullis propositis muneribus ac di-
gnitatibus retinisset; legatos in Normaniam misit qui

Salernitanam:

precibus, & variis muneribus maximèque felicitate soli omnium rerum feracis trecentos Normanos, & inter eos nobilissimos Principes ac Generosissimos Salernum allexere. Huic Normanorum coloniarum res in Apulia & Calabria tam feliciter succedere contra Mauritanos, ut anno millesimo trigesimo secundo *Aversam* oppidum condiderint, *Salernum* deinde anno millesimo septuagesimo quarto occupaverint, regnum denique *Neapolitanum* atque *Siculum* instituerint, eo ipso fermè tempore quo duce Guillelmo notho è gallia Nortmani in Angliam irruperunt, & in suam potestatem reduxerunt anno circiter millesimo septuagesimo. Quibus quidem ita breviter explicatis minimè obscurum est, vel intellectu difficile, quo modo commercium & amicitiarum inter Anglos & Salernitanos per Normanorum colonias & irruptiones intercesserint, licet nondum perspectum sit & manifestum quis ex Regibus Anglia scholam *Salernitanam* de valetudine consuluerit. Equidem libenter fateor ac præ me fero nullo in historico rerum Anglicarum Normanorum, Salernitanarum, aut quovis alio scriptore id me legisse, aut notasse, sed usum esse solis conjecturis, nisi me decipit *φιλανθία*, minimè vanis ac futilibus; quas tamen revocare paratus sum ubi certiora argumenta mihi innotuerint. Interim cum uti non liceat certa auctoritate *σοφισμῶν* nostris benevolus lector æqui bonique consulere debet.

*Coloniarum
Nortmanorum
in Calabria.*

Guillelmus nothus Normaniarum Dux Regnum Anglicanum adeptus tres filios hæredes reliquit, *Guillelmum Ruffum*, *Robertum* & *Henricum*. *Guillelmo* Ruffo Angliæ Regnum cecidit in quo obiit sine liberis ipso tempore quo *Godofredus Bullonius* Hierosolimorum regnum occupavit. Secutus erat *Budonium* in bello sacro *Robertus* primogenitus *Guillelmi* nothi Normaniarum Dux à patre constitutus, totaque hyeme anni millesimi nonagesimi sexti in Apulia apud consanguineos suos Apuliæ & Calabriæ Principes commoratus, quo usque sequenti Vere sese mari committeret & in Palæstinam trajiceret. Capta tandem Hierosolima regnum illud oblatum *Roberto* Normaniarum Duci auctor chronici Normanorum observat, recusatumve ab eo fuisse, quod illi nuntiatum esset obiisse fratrem *Guillelmum Ruffum* cuius proximus erat hæres. Itaque velut designatus Angliæ Rex trajecit è Palæstina in Apuliam apud Cognatos, consuluitque Scholam *Salernitanam* de vulnere in brachio

*Quis fuerit
Rex
Angliæ
cui dedica-
tum hoc
opus.
Robertus
Dux
Norman.
Robertus
Angliæ
Rex designatus.*

Nota.

dextro accepto in obsidione Hierosolymitana, quod in *fistulam* degeneraverat, Scribit enim laudatus author chronici Normanorum, vulnus illud quod infectum fuisset relo venenato abiisse in *fistulam* quam Medici curari posse, negabant nisi frequenti oris suctu. Nolebat vero pius & optimus Princeps sugendam *fistulam* alicui committere; ne quemquam ob venenum in periculum vitæ vocaret. Ejus nihilominus uxor novo amoris exemplo excitata dicitur marito dormiente frequenter *fistulam* suxisse & obduxisse sine ullo salutis discrimine. Quod autem Medicos *Schola Salernitanæ de fistula* consuluerit, eosque ad opus istud conscribendum, & illi nuncupandum invitarit, facit ut credam caput de *fistula* huic operi insertum. Cur enim amabo *fistula* Medici Salernitani remedia præscripsissent potius quam cancro, ulceri excedenti, strumis, ganglio, meliceridi aliisque externis non minoris momenti morbis, sed longè frequentioribus, nisi quia Principi victus rationem præscribebant qui eos de *fistula* consuluerat? Accommodaverunt sua vivendi præcepta Regi Angliæ, qui eorum opem ut credibile est exposcullaverat. Fuit itaque eorum officii atque prudentiæ nihil præscribere quod personæ regiæ accommodari non posset, ut propterea verisimile sit eo fine ab eis propositam *fistula* curationem quod Rex *fistula* laboraret. Sic in regimine sanitatis Federico Arragonum Regi à Villanovano præscripto *hamorrhoidum* curatio instituta est, quod Rex eo fluxu tentaretur; de *fistula* ne verbum quidem egit. Ita *Maynus de Mediolano* qui perperam *Magninus* vocatur, libello de sanitate tuendâ in gratiam Antonii de Flisco conscripto quem manuscriptum in bibliotheca habeo, ultimum caput de continentia *venerca* subjunxit, quod Ecclesiastico viro quem castitas decet, vivendi traderet præcepta. Quia, inquit, quidam sunt inde venerabiles clerici & literati qui eligunt vivere continenter; de quorum numero suppono Domine & amice charissime vos esse: Ideo in hoc capitulo intendo ponere aliquas regulas seu considerationes per quas homo potest facilius continere. Quemadmodum ergo minime decorum fuisset Mayno usum veneris viro clerico & castitatem professio consulere, sed continentiam atque moderationem. ita medicis Salernitanis, vitio vertendum fuisset,

Salernitanam.

Fuisset, si Regi Anglia vivendi regulas petenti fistula curationem proposuissent, neque eo morbo laborasset. Neque movere quemquam debet, quod opus Regi Anglia nuncupaverint, non Duci Normaniæ qui nunquam Rex Angliæ fuit. Siquidem Robertus ille redierat, ut dixi è Palæstina velut Rex proximè futurus Angliæ quæ illi tanquam legitimo hæredi debebatur: sed ejus frater minimus Henricus quod moriente Guillelmo Ruffo fratre esset in Anglia, arrepta occasione ob absentiam Roberti fratris in Palæstina degentis imperium occupavit superavitque postea Robertum qui magno cum exercitu ad regnum recuperandum in Angliam trajecerat. Hæc est meo judicio conscribendi libri occasio, hic ille Dux cui liber inscriptus. Tempus quo evulgatus, anno videlicet circiter millesimo centesimo, auctor libri Ioannes de Mediolano Salernitanus medicus, inscriptor totum collegium Salernitanum cujus nomine exivit, non alius cujus medici particularis, quemadmodum hodie videmus philosophorum opus à collegio Conimbricensi emissum. Titulus operis si Arnaldo Villanovano, & recentioribus editionibus credimus, *Medicina Salernitana seu de conservanda bona valetudine*, si veteribus editionibus *Regimen sanitatis Salerni*, si manuscriptis codicibus, *flos Medicina*. Sic habetur in codicibus MS. in bibliotheca medica, sic in calce omnium exemplarium manuscriptorum, & codicum primæ editionis versus hic apponitur libri titulum circumferens.

Hoc opus optatur quod flos Medicina vocatur.

Numerus capitum & versuum incertus. *Codex Schenckianus* mille ducentos triginta novem versus complectitur; *vulgatus* trecentos septuaginta duos; *Nandinianus* centum octoginta tres. Tullovianus mille & nonaginta sex, noster manuscript. sexcentos sexaginta quatuor. Notabis vero in calce Tulloviani codicis Titulum operis, Auctore & inscriptorem contineri, hæc enim verba illic leguntur: *Explicit tractatus qui dicitur Flores medicinæ compilatus in studio Salerni à Mag. Ioan. de Mediolano instrumenti medicinalis doctore egregio, compilationi cujus concordarunt omnes Magistri illius studii* Porro typis mandatus est liber vel conjunctum cum operibus Arnaldi Villanovani, vel separatim in Italia, Romæ, Florentiæ, Venetiis: in Germania Francofurti, Basileæ: in Gallia Parisiis, Lugduni; Monspeßuli, Genevæ, & aliis in locis,

Quo
tempore
scriptum
hoc
opus.

Titulus
libri.

Numerus
versuum.

Prolegomena in scholam

passim, modo sine notis, aliàs cum solius Arnaldi Villanovani commentariis, frequentissimè cum enarrationibus Ioannis Curionis, & Iacobi Crellii.

*De iis qui materiam Medicam carmine scripserunt,
de versu Leonino, antiquitate & usu.*

C A P V T I V.

Poëta
Medici.

LVeianus dialogo de scribenda historia falsè deridet Callimorphum medicum qui se ductum ad scribendam historiam profitebatur quod Æsculapius Apollinis esset filius, Apollo autem Musarum Dux & omnis eruditionis parens. Eodem jure & excusare se possent medici Salernitani quod opus suum versu conscripserint, nisi poriora haberent consilii sui argumenta. Equidem novum non est nec inauditum scribendi hoc genus apud Medicos, cum sæculis omnibus qui metro scriberent, non pauci reperti sint. Nam ut Orphæum, Musæum, Homerum, Diagoram, Aratum prætermittam quorum monumenta variis Medicinæ floribus aspersa sunt atque illustrata; Nicander, Rufus Ephesus, *Sidites* apud Græcos, Æmilius Macer, Q. Sere-nus Sammonicus, & Rhamnius Fannius apud catinos longèque plures, egregia quædam opera medica versu conscripta posteris reliquerunt. Eorum autem censum atque catalogum nobis dedit Andreas Tiraquellus de Nobilitate capite trigesimo primo parag 156. ubi *scholam Salernitanam* omisit, quo consilio nescio, cum inter eos qui versu scripserunt postremum locum non obtineat. Quod vero scribendi hæc ratio frequentissimà ac laudatissimà usurpara fuerit Medicis, perstrinxit Tiraquellus, ego vero copiosissimè demonstravi facta enumeratione Auctorum omnium quos Tiraquellus omisit, quique ab ejus sæculo in lucem prodierunt. Eorum vero catalogus, qui est pene centum & quadraginta Auctorum, hic assuere decreveram; nisi rem curiosam magis quam utilem aut necessariam studiosis Medicinæ me facturum proposuissem. Eorum nihilominus auctoritate & exemplo discemus non tam scribendi licentiam Salernitanorum Medicorum quam carminis genus, Græcis incognitum Latinisque veteribus inusitatum suspiciendum. Et quidem quoad Græcos spectat,

Salernitanam.

rythmorum nulla apud eos mentio quod observarim, seu
priscos seu neotericos expendamus: unus, quod sciam, liber
manuscriptus habetur in bibliotheca collegii Emanuëlis
Cantabrigiæ, qui rythmos græcos de anima & corpore
continet, an vero illi rythmi pedibus certis ligati sint, nec-
ne mihi non constat, cum librum nec legerim nec viderim.
Nescius vero non sum alliterationes, an nominationes, ana-
diploes, resumptiones, repetitiones rhythmicas interdum à
veteribus Græcis & Latinis usurpatas fuisse; non affectatas
tamen versuum illas consonantias, & assultus rhythmicos qui
in Leoninis vulgò dictis audiuntur. ἀλφαιμοί, βεταμοί,
γαμμαμοί, δελταμοί, &c hoc est recursus earum litte-
rarū quæ singulis pene paginis occurrūt apud Homerum & *Rythmi*
Virgilium, ut & ceteræ illæ figuræ orationis lumina At ryth- *Virgi-*
mus in Virgilio rarior ac unius tantum modi, si credimus *liani.*
Scaligero Poët. lib. 4. cap. 41. videlicet in participio acti-
vo eoque casu quarto ut in his exemplis patet.

Atque hic unda utem bello magnumque fluentem.

Ora exertantem, & naves in saxa trahentem.

Non tulit instantem Phlegæus animisque fremementem.

Si sint alterius modi, ait eos esse rarissimos. Verum omnis
ferè generis exempla rhythmica diligens lector apud Poë-
tam deprehendet, & in nominibus, & in verbis, & in par-
ticipiis nec casu solum quarto, sed penè omnibus absque
tamen ulla affectata diligentia. Ceterùm rythmi versuum
revocari debēt ad ὁμοιοπτοῦς καὶ ὁμοιοτέλευτα quæ à Quin-
tiliano lib. 9. Instit. oratoria. *cadentia similiter, similiter*
desinentia, & eodem modo desinata appellantur. Quæ qui-
dē figura, si adsit temperies, orationem admodum exornat,
aliàs ut nimium affectata vituperatur. Hanc sua ætate exa-
gitavit Lucilius apud Agellium lib. 18. cap. 8 in Thucydi-
de irrigit Dionysius Hallicarnassæus, in Apuleio, Tertullia-
no, Afris omnibus posteritas damnavit Fuit autem impri-
mis oratorum propria à quibus repit ad Poëtas, qui ea in
uno aut altero carmine usi feliciter, integratandem opera
ingenioso quodam novitatis luxu ducti eo velut flore di-
stinxerunt.

Porro quæ extiterit versuum rhythmicorum antiquitas
& denominatio, certè nihil ab auctoribus relictum aut ob-
servatum habemus. Extat liber manuscriptus in bibliotheca
collegii S. Benedicti Cantabrigiæ de metris resonan-
tibus, qui nonnullam nobis si haberemus lucem posset sup-
peditare, cum artem doceat componendorū carminum qua

*Anti-
quitas
versuū
rhythmi-
corum.*

Prologomena in scholam

usi sunt poëtae posterioris temporis in versibus suis resonantibus; sed cum eo careamus, quod huc & illuc dispersam legimus, quod etiam ingenio & iudicio consequi potuimus, non inviti largimur. Consensus omnium est, hoc genus carminis *Leoninum* vocari à *Leonio* seu *Leonino* quodam sancti Benedicti Canonico Parisiensi & Monasterii sancti Victoris religioso, qui eorum quidem non fuit auctor, sed eximius & insignis artifex. Sunt qui à *Leone* dictum velint quasi excelsum, & inter ceteros versus primarium ac veluti regium; vel quia Leonis instar caudatum; sed tamen si leoni cauda est, tamen ea ventri non est vel par vel similis; id quod talibus evenit versibus, inquit Iulius Scaliger loco laudato. Alii *Æquivocos* appellant, voce sonoque concordantes, ego ὁμοιοπῳίας, *Consonantes*. Origo ut diximus vetus, sed incerta; si ullus tamen conjecturæ locus est; arbitror ingeniosos poëtas veneres eas desumpsisse ab Oratoribus quos ea figura videbant commendari. Ex iis autem qui frequentibus ὁμοιοπῳίαις & τοῖς καὶ ὁμοιοπῳίαις usi sunt, fuit imprimis Caius Plinius cujus opera his flosculis inspersa sunt non sine multa venustate. Vnum tantum exemplum subijciam ex lib. 9. natural. hist. c. 33. *In conchis*, inquit, magna ludentis natura varietas, tot colorum differentia, tot figura planis & concavis, longis, lunatis, in orbem circumactis, dimidio orbe caesis, in dorsum elatis, labibus, rugatis, denticulatis, striatis, vertice muricatis intorto, margine in mucronem emisso, foris effuso, intus replicato, jam distinctione virgulata, crinita, crispa, canaliculata, pectinata, imbricata, undata cancellata, reticulata in obliquum, in rectum expansa, perdensata, porrecta, sinuata, brevi nodo ligatis, toto latere connexis, ad plausum apertis, ad buccinam recurvis. Ingenium & characterem Plinianum arripuerunt sequentes Afri non pari lepore, spissius enim miscuere ista ὁμοιοπῳία & veneres affectando venustate caruere. Cyprianus, Tertullianus in Pallio, Apuleius in metamorphosi, Minutius Felix his lautitiis creberrimi, & eos secuta scriptorum posteritas: Sidorius Apollinaris, Cassiodorus, D. Augustinus & pene omnes scriptores Ecclesiastici, ac inter eos Innocentius III. Pontifex Maximus lib. de contemptu mundi, ubi ferè perpetua est ὁμοιοπῳία. Oratorum exemplo ausi aliquid sunt Poëtae, quibus ex voto in paucis versibus res successit, sic in pluribus non malè cessit. Primus quem viderim hoc carminis genere scripsisse, vocatur *Theodolus* presbyter natio-

*Leonini
carminē.*

*Aucto-
res qui*

Salernitanam.

ne Italus, qui referente Trithemio lib. de scriptoribus Ecclesiasticis sub zenone Augusto vixit anno Domini quadringentesimo octuagesimo. Ejus liber Eglogarum & liber de Contemptu mundi Lugduni typis excusi sunt opera Io. Kærnerii ann. 1338, Cum Theodolo exivit *Faceti* liber moralis, Leonino quoque versu compositus, sed quo tempore penitus ignoro. Nec mihi constat de libro *Floreti* iisdem rythmis confato, qui simul cum illis editus est. *VVilleramus* Abbas Marspurgenfis ordinis sancti Benedicti anno millesimo septuagesimo mysticam explanationem in Cantica Canticorum eodem versu emisit. Sequenti seculo circa annum millesimum centesimum, floruit quoque *Leoninus* ille sancti Benedicti Canonicus, qui quod in illo scribendi genere excelleret, nomen suum versibus rythmicis concessit. Iisdem versibus emisit *Qualterus Disse Carmelita* Burdegalenfis de Schismate librum unum anno millesimo trecentesimo nonagesimo. Dicitur etiam *Io. de Bontonia* versus resonantes de bello Trojano, de conjugio, de confessione, de curia Romana, de Susanna condidisse, qui libri extant manuscripti in bibliothecis Anglorum. Fuit & quidam *Raymundus* hoc carmine celebris, cujus versus nonnulli circumferuntur. Habeo quoque cujusdam *Raymundi* summulam septem sacramenta Ecclesiastica ingenioso hoc carmine complectentem. *Gortofredus* Viterbiensis Notarius Regis Conradi tertii, & Friderici primi Imperatoris, Pantheon sive universitatis libros chronicos viginti, omnes omnium sæculorum & gentium historias complectentes versu Leonino edidit; opus hercle admirabile & elaboratum. *Alexander* dictus de Villa Dei patria Dolensis, Ordinis Fratrum Minorum anno millesimo ducentesimo quadragesimo florens, doctrinale puerorum edidit eodem versu Leonino, quod opus diu loco eodem fuit apud Grammaticos, quo nunc apud nos *Donatus*, Despauteriusque habentur: cum juberentur pueri ejus versus memorix mandare. *Scholia Salernitana* de valetudine tuenda seu *Medicina florem* librum emisit an. 1100. quem *Io. de Mediolano* ejus alumnus composuerat. *Otho Cremensis* versus centum quindecim de electione meliorum simplicium ac specierum medicinalium scripsit rythmo Leonino. *Incertus* quoque auctor de duodecim lapidibus Rationali Pontificis Iudæorum apud Marbodeum de gemmis, ut non recenscam infinita epigrammata, epitaphia, conscriptiones, & alios hujusmodi poeticos flores à qua-

Leonino carmine scripserunt.

Prolegomena in scholam
tuordecim ferè sæculis extantes quorum tædiosa esset enu-
meratio.

Primæ differentia carminis Leonini.

CAPVT V.

Iucundior erit differentia carminis Leonini: investiga-
tio, cum à nemine exactè tradita sit. Sunt ergo versus
Rythmici vel *Artificiosi* qui mēsuras, pedes & numeros me-
tri servant, vel *vulgares* & minimè artificiosi. Artificiosi
duplices sunt, *Adsonantes* seu *Consonantes* simpliciter, &
psæterea *Concordantes*. Illi in solo rythmo consistunt, hi
voces habent aut rythmos communes duobus aut pluri-
bus versibus.

*Adso-
nantes
versus.
Concor-
dantes.*

Adsonantium duæ species: *κοιλιάπτωτος*, in quibus ven-
ter adsonat caudæ, & *συνερίπτωτος*, in quibus cauda cau-
dæ respondet. Ex illis duabus mistum quoddam genus
exurgit omnium difficillimum, *παντάπτωτο*, quasi dicas
undique consonans ventribus & caudis.

*κοιλιά-
πτωτος* *κοιλιάπτωτος* versus cum simplex est ventrem habet
caudæ respondentem; spectaturque ejusmodi rythmus in
uno & solitatio versu quemadmodum videre est in hoc
Epithaphio Ducis Sicelæ qui obiit anno 1101.

*tres spe-
cies ha-
bet.* *Linquens terrenas migravit Dux ad amœnas*
Rogerus sedes, nam cœli detinet ades.

*Prima
species.*

Aut in isto à Thoma Moro composito
Hic jacet Henricus, semper pietatis amicus
Nomen Abyngdon erat, si quis sua nomina querat,
Vvallis hic Ecclesia fuerat succentor in alma,
Regis & in bella cantor fuit ipse capella,
Millibus in mille cantor fuit optimus ille
Præter & hæc ista fuit optimus orgaquenista, &c.
Eadem ratio servatur in hoc tetrastico in ludum Scacco-
rum composito.

Ludus Scaccorum datur hic correctio moram,
Non tantum morum regimen, sed & officiorum
Miles regalis, & corrigitur popularis
Si ludi lusum moram vertamus ad usum.

*Secunda spe-
cies.* Varius autem est & perfectus hic versus cum caput ventri
& caudæ adsonat, ut in hoc disticho trito & vulgari.
O Valachi, vestri stomachi, sunt amphora Bacchi

Salernitanam

Ves estis, Deus est testis, teterrima pestis.
Et in hoc altero de tribus hominis hostibus damone,
mundo & carne.

Damon agit tumidum, mundus cupidum, caro fœdum;

Damon instinctu, mundus factu, caro tactu.

Quodsi caput ventri solum adsonet, non etiam caudæ, erit *Tertia*
imperfectus, requirit enim alium versam sequentem, cu- *species.*
jus cauda suæ caudæ respondeat. Hoc artificio viginti sex
versus continuos Theodolus posuit libro de Contemptu
mundi quos hic appono ob elegantiam non vulgatem.

Pauper amabilis, & venerabilis, est benedictus;

Dives inutilis, insatiabilis est maledictus,

Qui bona negligit, & mala diligit intrat abyssum,

Nulla pecunia, nulla potentia, liberat ipsum.

Irremeabilis, insatiabilis illa vorago;

Hic ubi mergitur, horrida cernitur omnis imago.

Hac cruciamina per sua crimina proveruere

Vir miserabilis. Evaque flebilis, hec subire.

Iussa Dei pia, iussa salubria si tenuissent.

Vir neque foemina nec sua semina morte perissent.

Sed quia spernere, iussaque solvere non timuere,

Mors gravis irruit, hoc merito fuit, & periere.

Ianua mortis, passio fortis crimen eorum

Attulit orbi semina morbi totque malorum.

Illa parentes atque sequentes culpa peremit

Atque piarum delictiarum munus ademit.

Flebile factum dans cruciatum dansque dolorem;

Illam mereri perdere veri Régis amorem,

Tam lacrymosa tamque perosa morte perire

Atque feverum suppliciorum claustra subire;

Est data favam causa per Evam perditionis,

Dum meliorem sperat honorem voce draconis.

Hac malè credens nos quoque ladens crimine magno:

Omne tristi subdidit isti sacula damno.

Stirps miserorum plena dolorum postea crevit.

His quoque damnis pluribus annis subdita flevit.

Συνοψτικὸς versus habent caudam caudæ respondentē:

Iul. Scalig. vocat Echicos. Verum quia ejuscemodi vocabu-
lum potius pertinet ad singulares versus, in quibus adest
extremæ vocis responsio ac repetitio per elisionem facta
ut in his versibus,

Fœmina dira viri nex est & terribilis lis,

Exercet mentes fraternas grata realis lis;

Εἰς τὸν

τὸς

duas

species

habes.

Prolegomena in scholam

quam in duobus aut pluribus versibus cauda adsonantibus
in quibus consistit ratio hujus rythmi ; idcirco malui ver-
sus eos vocare *συνεργήσαντες*, id est, *cauda consonantes*.
Suntque hi propriè quos Majores nostri *Leoninos* di-
xerunt. Nam *Leonius* canonicus quadraginta tres versùs
eodem rythmo consonantes elaboravit ut videre est apud
Paschaliū de origine rerum Gallicarum lib. 7. cap. 2 Hoc
carminis genere scriptus liber *V Villeraui*: *Faceti & Got-*
tofredi. Porro si duo tantum versùs cauda adsonent facilis
labor ; arduus magis ubi idem rythmus in pluribus ser-
vatur ; velut in carmine prædicto Leonii , & in sequenti-
bus versibus Floreti in quibus de peccatis contra Spiritu
sanctum agit.

*Prima
species.*

*Alterā
speciem.*

*Qui peccat nimium præsumens de pietate,
Vel qui desperat de divina bonitate ;
Aut induratus non cessat ab impietate ;
Et qui fratris odit virtutes improbitate,
Impugnans verum certus sine commoditate
Quem non sine piget de culparum gravitate,
Contra pneuma sacrum peccat spreta deitate
Qua prima quinque culpa vix sunt relevata,
Sexta caret venia quia corrui immediate.*

Ex *κοινωνήσαντες* & *συνεργήσαντες* simul concurrentibus
exurgit genus carminis mixtum, ingeniosum & artificiale
ceterisque longè difficilius ; quod *παντάπαστον* hoc est
undique ventre & cauda adsonans non inepto prorsus
vocabulo diximus appellari. Ejus ut præcedentium divet-
sæ sunt species. Primi generis esto hoc exemplum.

*παντά-
παστος
multas
habet
species.*

*Funde vinum, funde, tanquam sint fluminis unda
Nec quæras unde, sed fundas semper abunde,*

*Prima
species.*

*Et istud.
Cum Medicus tu sis, tu scis medicamina tussis,
Tussio non tussis, sum malè, tu benè scis.*

Rursusque illud

*Stat foris ante fores Michaël, dicens quod honores
Immutant mores, varo tamen in meliores.*

*Secundā
speciem.*

In his primo singulis versibus venter caudæ responder, in
utrisque venter ventri & cauda caudæ. In secundo genere
habemus istos versùs Theodoti.

*Pauper amabilis & venerabilis est benedictus,
Dives inutilis insatiabilis est maledictus.*

*Tertia
species.*

In quibus caput & venter primi versùs inter se consona,
capiti & ventri secundi versùs adsonant, cauda caudæ.
Tertiæ speciei afferam versùs, quos in monasterio quon-

Salernitanam.

dam Cumlbizenſi, nunc vero venationi Principis deſtina-
ta domo exſcripſi cum apud Philippum Pomeraniæ ducem
agerem anno 1612. Afixi autem erant verſus juxta Chriſti
imaginem in cruce pendentis.

*Æneus hic coluber cruce luguber, ipſe ſaluber
Atque cruore ruber, vitæ faber, omnibus uber,
Omne fugans tuber & culpa vexile ſuber
Hunc puer, hunc puber unnc fugat canus & uber.*

In quibus quidem carminibus duo priores verſus capire;
ventre, cauda conſonant; reliqui duo ventribus & caudis,
ſed eodem divite rythmo.

Alia differentia verſuum rhythmicorum artificialium.

C A P V T V I.

Hætenus de prima ſpecie artificialium rhythmicorum
quos Conſonantes vocavimus, ſequuntur Concordantes.
verſus qui voces habent vel rythmos communes duobus
aut pluribus verſibus. Eorum ut præcedentium aliquot ſta-
tui poſſunt differentia, quæ quia aliqua nomenclatura
commode designari à me nequeunt, ſubjectis exemplis de-
monſtrantur. Primi generis exemplum eſt cum uni ventri
ab uno principio enato plures caudæ concordant, ut cer-
nere eſt in ſubjecto exemplo. Prima
ſpecies.

Dum Manducatis	{	Vultus hilares habe	} atis.
		Sal cultello capi	
		Quid edendum ſit pet	
		Non depoſitum capi	
		Rixas, murmur fugi	
		Membra recta ſede	
		Mappam mundā tene	
		Ne ſcalpatis cave	
		Nullis pariem tribu	
		Morſus non rejici	
		Medicum ſed crebro bib	
		Grates Chriſto refer	

His verſibus affines ſunt ſequentes en Theodolo de con- Secunda
ſpecies.
temptu mundi.

In re terrena	{	Nihil aliud eſt niſi pœ-	} na.
		Labor eminet atque cate-	
		Nec lex nec juris habe-	
A re terrena	{	Sanctorum mens alie-	} na.
		Requies removeretur amœ-	
		Procedunt mille vene-	

Prolegomena in scholam

<i>Pro re terrena</i>	{	<i>Manus enssem tractat ege-</i>	}	<i>na.</i>
		<i>Dives versatur are-</i>		
<i>De re terrena</i>	{	<i>Non sit tibi plena crume-</i>		
		<i>Tua mens non fiat amæ-</i>		
		<i>Sit tibi gloria ple-</i>		

Tertia species. Quibus quidem atque similibus carminibus contraria sunt ea quæ habent ventrem à diversis principiis natum, cum una cauda atque simplici consonantem atque concordantem, cujus generis non memini me ullum exemplum vidisse. Si usquam occurreret debet in hunc locum revocari.

Quarta species. Alterius generis exemplum est cum unus venter ex diversis principiis enatus uni caudæ versus varios claudenti atque terminanti respondet atque concordat.

<i>Arbore sub qua-</i>	{	<i>dam</i>	{	<i>dæ.</i>	
<i>Quod primus A-</i>					<i>Dicta clericus A-</i>
<i>Sed postremus A-</i>					<i>Peccavit in arbore qua-</i>
<i>Damna prioris A-</i>					<i>Natus de Virgine qua-</i>
<i>Si non primus A-</i>					<i>Reparavit in arbore qua-</i>
<i>Non postremus A-</i>				<i>Peccasset in arbore qua-</i>	
				<i>Moreretur in arbore qua-</i>	

Quinta species. Terti generis carmina habent voces & tythmos duobus versibus communes, ut patet in hoc disticho.

Et canis in sylvis venatur & omnia lustrat;

Et lupus in sylvis nutritur & omnia vastat.

Voces utriusque versus communes sunt in sylvis, & omnia, rythmi communes habentur in venatur, nutritur, & in lustrat, vastat quod potes observare in eodem disticho hac ratione ordinato atque digesto.

<i>Et canis</i>	{	<i>in sylvis</i>	{	<i>venatur</i>	{	<i>& omnia</i>	{	<i>lustrat.</i>
<i>Et lupus</i>								

Sexta species. Quarta species & postrema habet omnes syllabas & rythmos duobus ubique versibus communes & concordantes, ut videre licet in sequenti disticho.

Quos anguis divus tristi mulcedine pavit,

Hos sanguis mirus Christi dulcedine lavit.

Id autem melius observabis si hoc artificio describas,

<i>Qu</i>	{	<i>os</i>	{	<i>an</i>	{	<i>guia</i>	{	<i>di</i>	{	<i>rus</i>	{	<i>tri</i>	{	<i>sti.</i>
<i>H</i>														
				<i>mul</i>		<i>cedine</i>		<i>pa</i>		<i>vit.</i>				
				<i>dul</i>		<i>la</i>								

Salernitanam

Qua quidem specie nihil ingeniosius, nihil difficilius excogitari potest.

*De rythmis inartificialibus & genere carminum
Salernitanorum.*

CAPVT VII.

Qui certis pedibus & mensuris ligati sunt & uincti, artificiales versus vocauimus, seu fuerint in genere Heroico; seu Elegiaco, seu Epico, seu mixto. Heroico scripsit *VVilleramus*, Elegiaco *Gortofridus*, sed eo artificio, ut duos versus Sexametros pramiserit, tertium semper subjunxerit pentametrum. Sic ille in historia de Enoch & Elia.

*Finibus oceani maris est locus ultimus orbis,
Qua penitus nullis agitantur tempora morbis.*

*Est ibi temperies, perpetuata quies
Ecclesiam sancti sub ea regione Mathai
Sanctifici tenere viri, monachi Galilai*

Dantes Britannis dogmata sancta Dei.

Qui ordo totius est operis. Hexametro & Pentametro hoc conflatum est epigramma.

In cratere meo Tberis est conjuncta lyao;

Est dea juncta Deo. sed ea major eo.

Nihil valet hic vel ea nisi sint ambo pharisa.

Amodo propterea sit Deus absque dea.

Legi alicubi elegiam integram Trojae excidium hoc genere carminis complexam, cujus quatuor priores versus in memoriam redierunt, quos hic appono ob venustatem eximiam.

Pergama flere volo fato Danais data solo;

Solo capta dolo, capta redacta solo.

Passa modo Paridem; Priadem modo, Thesea pridam;

Est factura fidem ne redas in eadem.

Longioris esset otii singula hic velle recensere. Transcoad versus rythmicos inartificiales, vulgares & communes, qui nullis pedibus adstringuntur, sed in solo syllabarum numero atque rythmo consistunt. Hoc artificio plerosque habemus compositos hymnos Ecclesiasticos, & quas vocamus *Prosas*, in quibus pia & seria tractantur: quod idcirco monco, quoniam hos rythmos fere semper ad nugas & locos video detortos fuisse, ut in subjectis exemplis cernere est.

Prolegomena in scholam

*Meum est propositum in taberna mori,
Et vinum apponere sitienti ori,
Ut dicant cum venerint ebriorum chori.
Bacchus sit propitius huic potatori.*

In Germania dum studiosus juramento Rectori se adstrinxit, & fit ut dicitur *scholasticus juratus*; hanc illi cantilenam concini audiui, à Luthero, ut dicunt, institutam.

<i>Salvete candidi hospites,</i>	<i>Curvū quod est hoc flectimus,</i>
<i>Conviviumque sospites,</i>	<i>Crassum quod est deponimus,</i>
<i>Quod apparatus divite</i>	<i>Beatus iste sordidus</i>
<i>Hospes paravit, sumite,</i>	<i>Altis spectandus cornibus,</i>
<i>Mos est cibum magnatibus</i>	<i>Ut sit Novus Scholasticus,</i>
<i>Condire morionibus</i>	<i>Providet de sumptibus.</i>
<i>Nos dum jocamur crassius,</i>	<i>Interea dum ludicro</i>
<i>Bonis studemus moribus,</i>	<i>Tempus datis spectaculo,</i>
<i>Lignum fricamus horridum</i>	<i>Frontem severam ponite</i>
<i>Crassum dolamus rusticum,</i>	<i>Frontem serenam sumite;</i>

His vero rythmis nihil homiliius aut facilius est; operofiores paulò existuit *Gualteri Visse Carmelitæ* rythmi, cui hoc proprium fuit ac peculiare, ut post tres versus nullo pede ligatos, quartum subjiceret pedibus adstrictum, eumque vel ex probatis auctoribus, vel ex paræmiis vulgaribus desumptum. Exordium libri hujuscemodi est.

*Heliconis rivulo modice conspersus
Vereor ne pondere sm verborum mersus
Sed quia jam labitur mundus universas
Incipe Mœnarios mecum mecum mea tibia versus.
Rythmis dum lascivio ;versus dum propino,
Rodet forsā aliquis dente me canino;
Quia nec lassatus sum spiritu divino
Neque labra prolui fonte caballino.*

Extat & similis lusus qui dicitur cuidam *Raymundo* usitatus fuisse, sed tres ejus priores versus pedibus ligati erant, quartus ex aliquo etiam poeta celebri desumebatur, quod observabis in hoc tetastrico.

*Ut mens se videat posita caligine fumi,
Quis votas apposito lumen de lumine sumi?
Quod si perfectè nequeo res edere cunctas,
Ut desint vires, tamen est laudanda voluntas.*

Ut est ingenium hominum atque industria, plures excogitari posse versusum rhythmicorum differentias non inficior; quas tamen non exequor scrupulosius ut potè ad rem præsentem minimè necessarias. Libuit tamen aliquantulum his, ut ita dicam, nugis immerari, ut in quo genere ryth-

Salernitanam.

micorum versuum essent Salernitani facilius adverteremus. *In quo*
Esse verò ex Artificialibus κοιλια πηλαται, nemonon videt, *genere*
cum ventri cauda adsonet, licet interdum occurrant σωρα- *sūt ver-*
τοι, seu Leonini propredicti in quibus cauda caudæ res- *sus Sa-*
ponder ut in his duobus. *lern.*

Lenit & humectat, solvit sine febre butyrum
Incidit, lavat, ac penetrat, mundas quoque rerum.

Consilium Schola Salernitana in his rythmis scribendis.

C A P V T V I I I,

Post tam longum & tædiosum excursus, tanquam à diver-
ticulo redeundum tandem est in viam, ut quo consilio ad-
ducti sint Salernitani Medici ad florem hunc medicinæ carmi- *Salerni-*
nibus rythmicis consignandum aperiamus. Dux autem mihi *nitana-*
rationes videntur potissimæ hujus instituti. Prior Considera- *cur ca-*
tio Principis cui librum adornabant. Is autem erat natione *mine*
Northmanus; ut apud Northmanos genus hoc carminis tritum, *scripse-*
familiare, jucundum. Nihil penitus apud eos æterna dignum *runt.*
memoria consignabatur nisi eo carmine. Primi eorum Ducis
Rollonis habemus epitaphium hujus compositionis.

Dux Northmanorum cunctorum norma bonorum,

Rollo ferus, fortis, quem gens northmanica mortis

Invocat articulo, hoc jacet in tumulo.

Ipsi provideat tua sic clementia Christo,

Vt semper videat cum cœtibus angelicis te,

Filius atque Dei propitiatur ei.

Ejusdem farinae epitaphium positum ejus filio Guillelmo.

Rollonis natus Guillelmus longa vocatus

Spata, Deo gratus, jacet hic tumulatus.

Panem canonicis in honore Dei genitricis

Contulit: ergo pia juvet ipsum virgo Maria;

Et qui cuncta videt, sibi vivo pane frui det.

Anno centeno novies duo cum quadragesimo

Deficit in membris ter secula luce Decembris

Cum nato cunctis escas tribuente quiescas,

Qui pacem Christi pro matris honore dedisti.

Qui dedit hoc munus hunc salvet trinus & unus.

Guillelmo notho in Angliam proficiscenti apparuit Cometes
de quo fuit sequens distichum.

Anno milieno sexageno quoque seno

Anglorum meta flammæ sensere Cometa.

Cujus distichi eo lubentius memini, quod ab Astrologis obser- *Nota*
vatum fuit eum Cometam duas caudas ad meridiem tendentes *Coma-*
habentem significasse novam Regis mutationem & colliga- *ta,*

Prolegomena in scholam

tionem seu conjunctionem duorum imperiorum Denique ut verbo absolvam, omnia antiquitatis rudera Nortmanorum his carminibus plena; ut idcirco conjectura sit Nortmanos eo carmini genere delectatos ansam dedisse Salernitanis medicis ut librum iisdem versibus adornarent. Conjecturam firmat alia à me facta observatio in historicis Salernitanis. Apud enim omnia epitaphia, inscriptiones, programmata antequam Nortmani Apuliam occuparent, versu minimè rhythmico consignata; at regnantibus Nortmanis omnia rhythmo designata. Supra attuli epitaphium Rogerii, sequitur Iordani.

*Princeps Iordanus Ricardo principe natus,
Qua patet inceptis prius hac implenda recepit.
In fenestram instauratam hæc carmina edi.*

Vultu jocondo Roberto dante secundo

Pulchra sit hac extra satis intus & ampla fenestra.

Alter a fuit discentium commoditas: facilius enim mandantur memoriæ versus quam soluta oratio, ipsa enim qua proponuntur (inquit vir sapiens) per se multum habent ponderis, si aut earum intertexta sunt, aut prosa oratione in sententiam coacta. Eleganter Verulamio lib. 5. de augmentis scientiarum cap. 5. dixit similiter carmina facilius aisci memoriter quam proâ. Si enim haretur in aliquo verbo, subest praxotio, tale debere esse verbum quod conveniat cum versus, qua pronotio est artificialis memoria pars prima, sed inter omnes versus rhythmi maxime memoriâ juvant, delectando, & resonando. Ex ventris rhythmo rhythmum caudæ deprehendimus vel è contrâ, & ex rhythmo voces & voces & vocabula. Si quis nostris conjecturis potiores ac meliores protulerit, libenter illi acquiescam. Nec enim is sum qui ut est apud Herodot. lib. 1. Persarum ad instar. μή ἐστὶν ἀνθρώπων μάρτυρ τὰ πάντα, ἀπίστον, τοῖς δὲ ἐργασάτω ὀκνέοντας ἀπ' ἐμῆ κακίας, hoc est, me longè optimum omnium hominum, eos autem omnium pessimos esse qui à me longissime habitant, memor illius sententiæ Theognidis.

ἔστι τὸ μὲν χεῖρον τὸ δ' ἀμείνον ἔργον ἐργεῖν.

ἡ δὲ δὲ δ' ἀνθρώπων αὐτὸς ἅπαντα σφὸς.

Est aliud quiddam prius, aliud verò melius opus singulorum hominum. Nullus enim eorum in omnibus sapiens est.

Ordo totius operis Salernitani in hac editione servatus.

C A P U T I X

Sapienter ut omnia Aristoteles dixit lib. 8. Physic. c. 1. πάντων ἔστι λόγον, ordinem omnem rationem esse: nec enim unquam à ratione sejunctus est ordo memoriæ parens, artium opifex & instaurator, omnisque pulchritudinis ac delectatio-

Salernitanum.

his auctor. Optimè siquidem à Galeno lib. 2. de diebus criticis. c. 2. definitum est *omne pulchrum, simul esse & pulchrum & ordinatum*, affirmavitque Xenophon^s *ἡ δὲ ἑὴν ἑστὸς ἡ δὲ εὐκρινος, ἡ δὲ καλὸν ἀδρῆστος ἐν βίῳ ὅως ἡ τῆς*. Cùm ergo apicem & adminiculum doctrinæ in uno versari ordine animadverterem; nihil mihi antiquius fuit in renovando hoc opere, quàm doctrinam Salernitanæ scholæ ad certum quemdam cingere ordinem, capita singula huc & illuc sparsa, & absque methòdo disseminata in artem revocare, partemque illam Medicinæ quæ de *valetudine tuenda* disputat, certo & definitò ordine exhibere. Erat quidem ea Medicinæ pars toto hoc operè diffusa, sed tam confusè & inordinatè propter scribendi novitatem, ut libertatis poëticæ potiùs argumentum, quam medicæ artis documentum sapete videretur. *Quamobrem im-* Ordo & series totius operis.
primis totum opus in hunc ferè ordinem coëgi; ut quoniam *victus ratio causas sanitatis & ejusdem signa* contineret, *duas* quoque; illa omnino partes possideret, *αἰτιολογικὴ* quæ de *causis* sanitatem, vel perfectam conservantibus, vel labantem erigentibus, ageret, & *σημιοτικὴ* quæ *argumenta & signa* dignoscendæ sanitatis explicaret. Prior illa, quod sanitatem ut dixi integram custodiret; quodque eamdem velut nutantem risubantemque sustineret; rursum à me in *duas* divisa est partes, *μεγαρακτικὴ* ἢ *δεσποτικὴ*. Illa prior, potior, & prolixior, quia *εὐεχία* conciliat per sex res nonnaturales vulgo dictas, in sex sectiones partita fuit Prior est de *Aëre, Altera de Cibo, & Potu, Tertia de Motu & Quete; Quarta de Somno & Vigilia; Quinta de excretis & rejectis; ultima de Animi pathematis: δεσποτικὴ* vero vel generalis est, quatenus scilicet præcepta quædam tradit generalia sanitatis firmandæ; vel particularis, prout prospicit incommodis singularum partium, ut potè capiti, oculis, auribus, dentibus, voci, stomacho & cæteris. His tandem omnibus succedit *σημιοτικὴ*, quæ beneficio partium corporis, temperamenti & compositionis sanitatis signa investigat. Atque illa est rerum series & ordo, in quem opus Salernitanum reduximus; quod quidem nobis consilium erat unico volumine in lucem emittere, nisi rerum pulchritudine & necessitate ducti, prolixiores fuisset in nostris Animadversionibus, quam aut cogitare, aut sperare potuisset.

Alterum quod in hac editione præstamus, *Animadversiones* sunt nostræ singulis capitibus affixæ, quæ commentarii locum *habere* possunt. Proposucram autem initio commentationes *Arnaldi Villanovani* opera & diligentia *Ioannis Curionis* & *Iacobi Creltii* locupletatas: nostris animadversionibus præfigere, idq; præstitimus ad caput usque tertium sectionis secundæ.

Prologomena in scholam, &c.

hæ: sed cum in manus meas pervenissent commentationes eadem impressæ Fræcofurti, Genevæ, & Monspeßuli opera Francisci Chouët Typographi, atque auctiores factas tersiores & elegantiores studio & industria viri clarissimi atque doctissimi *Cosstansoni* animadverterem, recudendas eas curavi, utpotè utilissimas & studiosis medicinæ apprime necessarias.

Additiones.

Cum autem nonnullæ sectiones leviter à Salernitanis delibata essent, nobis curæ fuit supplere ea, quæ ad cuiusque partis intelligentiam deesse videbantur: idcirco interdum prolixiores fuimus, nostrisque animadversionibus multa aspersimus, quæ vel splendorem addere, vel gratiam operi conciliare poterant, quamquam, ut verum fatear, rerum potius quam verborum magis fuimus studiosi, quod operarum labore sequi cogeremur. Sincero enim animo testamuri, primum nostrum orthographum & ipsa analecta maculis & lituris conspurcata Typographi operis inservisse, quod transcribendi nedum relegendi atque emendandi tēpus non concederetur. Hinc quoque factū est, ut nonnullæ contra mentem nostram irrepserint, & infinitæ mendæ, quas enumerare tædiosum mihi & lectori esset.

*Castigati-
nes ad-
dite &
emen-
dationes.*

Præterea plurimos viro- rum clarissimorum errores deteximus & aperuimus; eo tamen temperamento, ut quantum in nobis fuit, abstinuerimus convitiis, quæ viro probo & veritatis amanti indigna judicamus. Vna veritatis indagandæ sollicitudo & cura, nos in hoc bellum deducit, in quo nihil irato, nihil hostili animo patratum. Si quid à me peccatum ignorantia fuit, paratus sum revocare, ubi contrariæ rationes comparebunt. Plurima quoque loca Hippocratis, Galeni, veterumque auctorum ex occasione emendata à nobis fuere, jure an injuria æquus lector judicabit.

*Versus
adjūti.*

Multis autem in locis ex manuscriptis codicibus addimus pleraque ad *victus rationem* pertinentia; quæ distincta ab aliis hoc figeo, deprehendes: sed & insuper solis nostris animadversionibus illustrata sunt, quo uno argumēto nonquam antè edita produntur. Multos alios versus ex manuscriptis illis omittimus, quod ad aliàs medicinæ partes potius quam ad hygeinē (quam unam hic tractamus) pertineant. Decrevimus tamen in calce operis omnes illos versus prout in membranis nostris continentur, in lucem emitte, sine scholiis, ne quisquam desiderare quicquam possit.

Indices.

Denique *Indicibus* necessariis carere istud opus nolimus, quapropter *priorem* Indicem damus sectionum & capitum; *alterum* quæstionum in toto volumine tractatarum; *tertium* Auctorum & emendatorum & citatorum; *postremum* tandem rerum & verborum memorabilium.

DE CONSERVANDA




DE
CONSERVANDA

BONA VALETUDINE,
liber Scholæ Salernitanæ.

PARS PROPHYLACTICE
de causis Sanitatis agens.

SECTIO PRIMA. DE AERE.

Operis institutum.



*Nglorum Regi scribit Schola tota Salerni:
Si vis incolumem, si vis te reddere sanum,
Parce mero, cœnato parum, non sit tibi
vanum*

*Surgere post epulas, somnum fuge meridianum,
Ne mictum retine, nec comprime fortiter anum,
Curas tolle graveis, irasci crede profanum,
Hæc bene si serves, tu longo tempore vires.*

PRæsens hic liber à doctoribus Scholæ Salernitanæ in gratiam Regis Angliæ conscriptus, multa & varia conservandæ bonæ valetudinis præcepta complectitur.

In hoc autem capite octo imprimis generatim referuntur, quæ nos singulatim deinde, ac suo quodque ordine explicabimus.

Primum ergo est, ut tuendæ sanitatis suæ studio,



Cura. fus, anxiferas, graveis, & pertinaces curas relaxans, ex animo penitus exterminet. Curæ enim corpus vehementer extenuant & exiccant, somnum impediunt, perpetuisque vigiliis conficiunt, vires destruunt, febres etiam accendunt, ac gravissimis valetudinibus initia præbent, ipsæ quoque melancholiam generant, pariterque calorem innatum resolvunt, & extinguunt, & magis si diutius durârint: Autor Galenus cùm multis aliis locis, tum præcipuè Aphor. lib. 2. comment. 28. & lib. 3. comment. 31. & de tuenda sanitate libro primo, capite 11.

Tristitia. Sub eodem præcepto comprehendendi debent & Tristitiæ, quæ & ipsæ corporis naturam frigiditate & siccitate corrumpunt, id quod Salomon cap. 17. Proverbiorum suorum attestatur: Spiritus tristis, inquit, exiccat ossa. Sed cùm omnis mœstitia generandæ melancholiæ vim habeat, quò tamen vehementior ac diuturnior hæc affectio fuerit, eò plus adfert periculi. Nam extra hoc, quòd corpus macie paulatim extabefacit, cor etiam ipsum immodicè constringit, spiritum obtenebrat, ingenium hebetat, rationem impedit, iudicium obscurat, & memoriam obtundit. In mœroribus item fortibus, uti à Nemefio cap. 20. de natura hominis ex 3. lib. demonstrationum Galeni refertur, biliosa quædam superfluitas consuevit in ventriculum defluere, & multò magis quum ipse malè affectus fuerit, quæ sanè molestiam exhibet, ut non prius à mœstitia, & cruciatu cesset, quàm superfluitas illa vomitu ejecta fuerit, id quod Galenus etiam aphor. 1. 6. comm. 50. attestatur.

Timor. Idem de timore quoque intelligendum: nam & ipse intrò & ad principium, tum spiritum, tum

sanguinem unà cum refrigeratione eorum, quæ in summo corpore sunt, abducit ac contrahit: itaque etiam pulsus tum arteriarum, tum cordis iis, qui timent, minimi ac maximè imbecilli sunt, partes in superficie positæ algent, corpûsque pallescit, tremor incidit, vox interruptitur, & vires denique convelluntur omnes. Quod autem in tristitia paulatim patiuntur homines, id in timore confertim accidit, dissidentibus scilicet inter se passionibus iis non toto genere, sed magnitudine & vehementia. Itaque etiam ob timorem & immentum mœrorem nonnulli repentina morte interierunt, quòd scilicet imbecilla suapte natura animula eorum sub valido affectu oppressa, confertim extincta & suffocata sit: quemadmodum luculenter & perspicuè docet Galenus lib. 2. cap. 5. de causis Sympt. Quippe extinguere eam accidit propter affectus ipsius naturam, ut cujus generatio in refrigerando consistat: Suffocari autem eo quòd totus sanguis unà comemet, atque ad principium deferatur, Cujus sanè rei insignia exempla extant apud Plinium lib. 7. cap. 36. naturalis historiæ. Quocirca eum, qui sanitatis suæ tuendæ curam susceperit, cane pejus & angue omnia illa, quæ non aspectu & auditu modò, verùm & mentis agitatione tristitia existunt, fugere oportebit. Quod Aristoteles quoque innuisse videtur, cùm Problemate 5. Sectionis 7. scribit: *καὶ τοὶ θυμὸς* incidisse quandoque, qui homines suffocari laqueo vidissent solum.

Hoc tamen ignorandum non est, quòd obesius nonnullis, quibus corpus immodicè plenum est, ac iis etiam qui spiritus admodum mobiles & calidos habent, interdum utile sit, si curis, timore, & tristitiis conficiantur, quò nimirum spiritus ca-

4 DE CONSERVANDA

lor hebetetur, & nimia moles, quæ corpus oneratur, extenuetur aliqua ex parte atque auferatur: id quod uno ore confirmant, Paulus Aegineta, lib. 8. cap. 57. Aetius lib. 4. cap. 33. & Rhazes lib. 4. cap. 9. ad Almanforem.

Ira,

Secundum, ut ab ira temperet. Nam cum Ira sit fervor quidam, ac vehemens motus caloris in ipso cordis corpore, qui in extimas tandem partes cum impetu diffundatur, ut eam planè dilucidèque Galenus lib. 1. cap. 4. de different. feb. & in libro de causis morborum, cap. 2. definit, necessariò corpus ipsum immodicè calfacit & exiccat, quò fit ut febrem nonnumquam accendat, in iis præsertim corporibus, quæ in se admissam caliditatem longo tempore retinere natura apta sunt. Et si enim motus cordis sedetur, in hisce tamen remanet calor præter naturam, atque inde hominem febricitare contingit. Quidam etiam ira commoti quasi attoniti, ac extra se positi videntur. Sunt præterea qui impotenti ira impetuosius concitados, ἀποπληξίαν incidisse multos, repentèque animam expirasse, nonnullos verò furore, comitialis morbi accessione, ἰσχυρῶς, convulsione, podagra, & articulorum maximè ac totius corporis tremore comprehensos, concidisse, tradant. Obstat etiam animi iudicio, rationis opera perturbat, &, ut Cicero ait, ira præsentè nihil rectè fieri potest, Offenduntur autem ab ira potissimum, qui temperaturam corporis totius calidiorem, quàm par sit, aut morbo, aut natura consecuti sunt, præcipuè quando cor & caput naturali intemperie immoderatè fervent, aut aliquo adventitio calido affectu laborant.

Ira sci
utile.

Animalibus tamen vitiis, morbis frigidis, & natura frigidiore cordi & capiti, Galeno lib. 6. epi-

VALETUDINE.

dem. part. 5. comment. 9. autote, ira non leve præsidium adfert, innatum enim calorem in ipsis jam torpescens excitat adaugetque. Quod Hippocrates etiam libr. 2. epidem. part. 4. in eum scribens modum confirmat: Diligentia, inquit, adhibenda est, ut excandescens inducatur, & caloris reparandi, & sanguinis in vasa subter cuticulam colligendi gratia. Quocirca ipsa à perfrigeratis, pallido colore præditis, & *καχέξια*, laborantibus, ex quibusdam intervallis, & temporibus opportunis assumenda est, non sanè ita continenter, ut facultas offendatur, sed perinde ut exercitationes innatum calorem corroborantes, non immoderatas facere oportet, sed tum opportunè, tum moderatè assumere, ita & excandescens, si præclariss. medicinæ scriptoribus, Gal. lib. 3. cap. 20. de difficul. respir. Paulo lib. 1. cap. 58. & Aëtio lib. 4. cap. 34. credendum est.

Tertium, ut moderatè vino utatur, vinum enim modicè haustum nativum calorem adauget teste Gal. cap. 4. de causis morborum. Ubi verò immoderatus bibitur, quàm ut vinci possit, tantum abest, ut animal calefaciat, ut etià frigidiora vitia gignat, quemadmodum copiose Gal. l. 3. c. 5. de temperamentis ostendit: quippe apoplexia, paraplegia & quæ Græcè *caros*, & *comata* vocamus, nervorum resolutio, comitiales morbi, convulsiones, tetani & debilitas ventriculi ac reliquorum membrorum omnium immodicum vini potum comitantur, quorum unumquodque frigidum est vitium. Sed de his plura infra.

Quartum, ut in cœna modico cibo utatur: exiguus namque cibus à facultate vinci perfectè & facile potest. Qui verò noctu multum ingerunt, ventriculumque nimio cibo onerant, dolorem

DE CONSERVANDA

primū & angustiam perpetiuntur. Deinde nec probè dormire, nec rectè concoquere possunt, quòd nimia copia facultas aggravetur, ceu nimio pondere pressa, subindèque superare ingestum cibum nequeat, id quod & infrā uberius ac fufius declarabimus.

Quintum, ut statim à sumpto cibo surgat: hoc enim ad concoctionem facit, quia cibus sumptus ita facilius descendit in imum ventriculi, in quo, Galeno lib. 5. de locis affect. teste, coctionis opus perficitur. Infra.

Som-
nus,

Sextum, ne à prandio somno indulgeat, is namque somnus, qui cibum statim excipit, fumosis exhalationibus caput replet, destillationesque parit. Sed de hoc uberius infrā.

Lo-
tium.

Septimum, ne lotium diutius, quàm natura fert, remoretur: hinc enim interdum oriuntur *δυσουρία* & *ισχυρία* hoc est, vitia, in quibus urina aut ægrè & difficulter excernitur, aut in totum supprimitur ac cohibetur. Eodem modo calculus aliquando & aqua intercus gigni perhibentur, neque aliud quidquam æquè vesicam lædit, atque longior, ultra mingendi voluntatem, lotii retentio, id quod testantur cum primis Galenus lib. 6. cap. 4. de locis affect. Rhazes lib. 4. cap. 6. ad Alman. & Avicenna Fen. 19. 3. Tract. 2. cap. 6.

Excre-
mento-
rum re-
tentio.

Octavum, ne compressis natibus, ventris onus suppressere & retinere tentet: ita namque indurantur fæces in intestinis, ob continuam suctionē venarum mesaraicarum, quæ cum intestinis continuatæ, omnem humiditatem è facibus exugunt: quo fit, ut illæ exiccate, difficilioris exitus intestina obstruant, oppilentque: oppilationem verò, ob flatuum eductionis præclusionem, & aliarum consequentium secum coacervationem, nocumen-

ta sequantur, cū illa, quæ cap. 4. enumerantur, tum etiam quæ referuntur à Cornelio Celso lib. 1. c. 3. Ex ventre, inquit suppresso, inflammationes, caligines, capitis dolores, aliæque superioris partitis mala increscunt. Quibus accedunt etiam, ut Rhazes testatur, *πενέσμος*, & cibi fastidium, quod malum Græci *ἀνορεξία*, Latini verò appetentiæ amissionem vocant.

Summoperè præterea cavendum, ne in exoneranda alvo nimio conatu utatur, nam & hinc non raro sequi solet *πενέσμος* sive exitus intestini, quod ab osse sacro ad anum usque pertinet, Græcis *ἀποδυσμένον καὶ ἀρχὸν* dicitur, Latinis Longanon rectum, & princeps, teste Andrea Valsalio l. 5. fabricæ humani corporis.

Ultimo tandem loco subjungitur, longissimo tempore victurum quicumque hæc præcepta studiosè & diligenter observaverit.

Animadversio in operis Institutum.

HOC est præmium totius operis quo quidem Auctor libri, dedicatio, rerum tractandarum enumeratio, utilitas & fructus qui ex observatione earum rerum exurgit, breviter proponuntur.

Auctor
hujus
libri,

Auctor libri fuit Schola Salernitana; Princeps cui nuncupatum opus, Robertus Dux Nortmanniæ & Angliæ Rex designatus, de quibus satis copiosè in Prolegomenis actum est. Non diffitebor tamen in manuscripto codice me loco Anglorum Francorum nomen legisse, quod credo perperam à transcriptore quodam factum rerum Salernitarum ignaro & in lectione Arnaldi

§ DE CONSERVANDA

Villanovani minus versato qui in comment. dedicatum opus Regi Anglorum nominatim insinuavit.

Mate-
ria li-
bri.

Villa-
nov.
carpi-
tur.

Res autem quæ hoc libro continentur quinque sunt, quibus tota higeine comprehenditur. Nec enim aliud fuisse propositum medicis Salernit. existimo, quàm eam medicinæ partem describere quæ sanitatem conservat. Ea vero quinque rebus constituitur; cibo & potu, motu & quiete, somno & vigilia, excretis & retentis, ac denique animi pathematis, quæ omnia prout metri licentia permisit satis dilucidè recensentur hoc exordio. His enim verbis, (*Parce mero, cœnato parum,*) cibi & potus moderatio designatur: istis vero (*non sit tibi vanum surgere post epulas*) motus seu exercitatio & opposita quies significantur: sequentibus autem (*somnum fuge meridianum*) somnus & vigilia: (*Nemictum retine, &c.*) excreta & retenta, (*curas tolle graves, &c.*) animi affectus quæ Græci *μεθ'ημεραν* vocant sine dubio insinuantur. Etenim si (*ut exponunt Commentat.*) Medici Salernit. hæc velut particularia præcepta conservandæ sanitatis tradidissent, non fuissent deinceps tot capita & articuli præscribendi quibus cibum & potum, somnum & vigiliam moderantur. Sed perinde habet hoc argumentum atque primus Hippocr. Aphor. in quo quidem omnia quæ ad medicinam faciendam pertinent comprehenduntur, Medici officium, egri obsequia, ministrantium sedulitas, rerum denique omnium opportunitas, quæ omnia libris septem Aphorif, sigillatim postea recensentur. Idipsum planè Salernitanis consilium fuit, ut primo capite quæ ad sanitatis tutelam necessaria essent; universim ac velut in typo præmitterent, sigillatim demum & per singulas partes illustrarèt.

VALETUDINE.

9

Nec est quod obtrudat higeinen sex rebus extrui, quarum præcipua quæ est Aër à Salernitanis minimè perstringatur. Nam ut hoc scribendi genus omittam difficile, adstrictum, & ad docendum parum appositum, quæ obmissionis excusatio esse possit, Videtur mihi planè satis factum si nomine cibi comprehensum fuisse Aërem dixerò. Est enim vel Hippocr. & Gal. testibus triplex alimentum, πνεύματος spirituosum seu aëreum, υγρὸς humidum, ξηρὸς solidum. *Principium, inquit Hippocr. lib. de alimento, alimenti, spiritus, nares, os, guttur, pulmo, reliquæ perspiratio* ἢ ἂν διὰ διαπνοῆς. *Alimenti tum humidum tum siccum principium; os, gula, ventriculus.* Ali-
Hanc Hippoc. sententiam amplexus est Gal. libro de utilit. respirat. lib. de usu pulsuum, lib. 1. de diffic. respir. 2. de placitis, 7. de usu. part. cap. 8. & 9. ubi quidem διαπνοῆς seu perpirationem usum duplicem præbere refert, maximum quidem ut caloris nativi symmetriam conseruet, πρὸς τὸ σὺ συμφύτου δερμοῦ φυλάκῃ, minorem vero ut spiritum animale nutriet πρὸς τὸν ζῶον πνεύματος ὅφελῃ. Ut ergo cœnæ nomine quævis edendi tempestas intelligi debet, sic & quodvis edulii genus seu sit potulentum, seu esculentum, seu spirituosum quod vocatur Aër primum caput higeines constituens. Cæterum hunc senarium rerum non naturalium, ut Medici loquuntur, numerum non ineptè quidam colligunt ex numero facultatum nostri corporis quarum singulis duas assignant, Naturali quidem cibum & potum, atque excrementorum evacuationem, Vitali aërem & animi perturbationes; Animali denique motum & quietem, somnum & vigiliam. At Gal. methodi & ordinis artifex eas ad quatuor capita revocavit lib. 1. de sanit. tuend. videlicet

Obiectio.

Dilutio.

Alimentum triplex.

Sex res non naturales nec plures, nec pauciores.

10 DE CONSERVANDA

ad assumenda, admovenda, facienda, & educenda
προσέγευα εἰς ἐσθλὴν, προσκίνησιν, ποίησιν, καὶ ἐκδιδόν.

Assumuntur cibis, potus, admoventur aër circumfusus, fiunt exercitationes, somni, vigiliæ, perturbationes, educuntur excrementa. Nos ordinem medicis usitatum sequemur cujus schema ultimo capite prolegom. dedimus.

Higienitas duplex.

Restat ut duplicem utilitatem quæ ex observatione rerum non naturalium elici solet subjungamus. Prima est vitæ incolumitas & sanitas illibata, altera vita diuturna atque longæva. Atque ut breviter utrumque definiatur, certum est medicinæ ope velutudinem posse conservari prorogarique vitam. Est enim Medicina ars tuendæ atque conservandæ sanitatis ab Altissimo creata & è terra producta, quæ est veluti penus ac promptuarium omnium medicamentorum. *Medicina*, inquit Plutar. de sanit. tuenda, *sic est de numero disciplinarum liberalium, ut politie, splendore, incunditate nulli sit inferior, porro mercedē abunde magnā addit sui studiosis, nepe corporis salubritatē ac prosperam valetudinem, τὴν σωτηρίαν καὶ τὴν ὑγίαν.* Nec enim existimo cum Hippocr. lib. de arte audiendos esse eos qui negant ullam esse medicinam, sed omnia una fortuna regi: licet enim multi ægri etiam citra medicorum usum sanitati restituantur, videtur tamen omnino fieri posse, inquit Hippocr. *ut hi ipsi in medicinam inciderint, & hec tandem magnum signum est essentia artis, nempe artem esse & quidem magnam, quādo saucii qui artem esse non putat per insam servati apparent.* Eleganter & suo more Plinius scripsit multos populos diu sine medicis, sed non sine medicinâ degisse. Nam ut ratiocinatur Hippocr. lib. de veteri med. ars medica inventa ab initio est atque quæsitā ob

VALETUDINE.

11

necessitatem, quod videlicet non sufficeret homi-
ni idem cibus atque potus qui bovi & equo, idcir-
co, ait, quæ nunc inventa sunt edulia multa arie excogi-
tata & multo tempore in usum adducta mihi videtur,
quod nimirum in multos & graves morbos ex robusta ac
ferina victu lege hominum corpora inciderent ingestis sine
discrimine cibus validasque vires habetibus, in quos ip-
sos etiam si eodem victu uterentur hodie inciderent, vehemen-
tissimos, dolores, morbos, cinisimamque mortem subeundo.

Hipp.
emen-
datus.

Sed quia hic locus Hipp. corruptissimus est, præ-
stat ejus verba ex nostra emendatione subjicere
τα δὲ καὶ νῦν διατμήματα εὐρημένα καὶ τετεχνημένα ἐν πολλῇ
χρῆσι καὶ γὰρ οὐδὲ μοι δοκεῖ. ὥς γὰρ ἔπαχον πολλὰ τε καὶ δεινὰ
ἀπὸ ἰσχυρῆς τε καὶ θηριώδους διαίτης σώματα ἀκρότητι εἰ-
σφερομένων καὶ μεγάλαις δυνάμεισι ἐχόντων, οἳ ἀπὸ αὐτῶν καὶ
νῦν ὡς αὐτῶν πάχου ἐκπίπτουσιν καὶ νεύουσιν ὡς
πίπτουσι καὶ διὰ ταχέος θανάτου. Multo plura ad pro-
bandam medicinam attulit Hippocr. lib. de le-
ge & veteri med. quorum tædiosa esset enume-
ratio.

Satius est ut diluamus quorundam hominum
opinionem autoritate Gal. roboratam scribentis
lib. 1. de sanit. tuen. suam cuique animanti natu-
ram satis esse ad proprias convenientesque exci-
tandas appetitiones quibus sanitatem salutemque
tueatur: ἵκανὴ γὰρ ἡ φύσις ἐν ἅπασιν τοῖς ζώοις ὁρμᾶς οἰκείας
ἐνδεῖναι πρὸς οὐσίαν τε καὶ σωτηρίαν, quo sensu Hippocr.
epist. ad Damagetum naturam vocat opulentam,
omniumque alumnā per ea quæ abunde sup-
perunt, πλεονὺς φύσιν καὶ πάντων τιθῶν δὲ αὐτὰ κρείνους.
Si ergo naturæ sapientissimæ, justissimæ καὶ πάν-
τα αὐτοδιδέκτας τε καὶ αὐτομαθῶς περὶ ἡσέως, & om-
nia ex sese agentis ductu impulsuque ad res sa-
lutares cognoscendas & amplexandas invitamur:
non est quod ad medicinam recurramus, aut salu-

Obje-
ctio ex
Gal.

Gal. an
quod
in ute-
ro con-
tinetur
sit ani-
mat.

Solu-
tio.

taribus medicorum consiliis utamur. Tanti fuit
nomenti apud nonnullos hæc ratio, ut medicos
animarum negotiatores vocaverint per mortes
hominum sua experientia agentes Has tamen &
similes rationum *ἐμπειρίας* sic dissipavit Francisc.
Valleriola enarrat. medic. lib. 4. enarrat. secun-
da, ut ejus verbis addere hominis sit otio abutentis
& transcribendi pruritu laborantis. Monuit Hip-
lib. de morb. mortem morbumque hinc gigni;
cum quis cibis & potionibus quæ maximè confe-
runt, aut multum aut intempestivè usus fuerit.
Scribit Thessalus Hippocr. filius in orat ad Athe-
nien. iis qui vitam erroneam degunt *παρά της βίης*,
pericula & ægritudines magis accidere solitas
quàm iis qui certam vitæ rationem sequuntur,
τεταγμένω ζῶντι. Gal. libro quinto de sanita. tuen-
gloriatur se iis qui prius assiduis premebantur
morbis ea sanitatis præcepta tradidisse, quibus
cum paruissent prorsus morbi expertes multis an-
nis permanserunt. Addit præterea se quidem ex
lassitudine aliquando febricitasse, sed nullum præ-
terea morbum per multos annos expertum. *Quin*
etiam, inquit, percussus certis corporis partibus un-
de alii inflammationibus bubonibusque contractis fe-
bricitarunt, nunquam phlegmonem bubonemve sensi
nec febre laboravi, non aliunde certe quàm ex servan-
da sanitatis arte tanta commoda consecutus, cum alio-
qui nec salubrem corporis statum ab ortu ipso sim nactus,
nec vitam planè liberam sortitus. Illud etiam sponde-
re auderet ne bubone quidem laboraturos eos
qui sanitatis tuendæ præcepta servaverint. Sapien-
ter Arist. Probl. 38. sect. 19. observavit nos cum or-
dinate & laboramus & bibim⁹ & comedimus, na-
turam viresque nostras servare & augere, contra-
vero inordinate cum, agimus depravare naturam

atque de suo statu dimovere *πονοῦντες ἡδὲ καὶ πίνοντες καὶ ἐσθίωντες τὰ τεταγμένα σώζονται καὶ ἀνέχονται τὴν φύσιν καὶ τὴν δυνάμιν, ἅπαντα δὲ εὐδαίμονες καὶ εὐεσταί μεν αὐτῶν.*

Quos autem cruciatus & morbos inducat præpostera victus ratio, copiosè simul & eleganter expressit moralis sapientiæ coripheus Seneca epist. 95. quam legere non pigeat. Senecæ vestigia premens Horat. lib. 2. serm. sat. 2. cecinit.

Accipe nunc victus tenuis quæ quantâque secum
Afferat: imprimis valeas bene, nam varix res,
Ut noceant homini credas, memor illius escæ,
Quæ simplex olim tibi sederit, at simul assis
Miscueris elixa, simul conchylia turdis,
Dultia se in bilem vertent, stomachoque tumultum,
Lenta feret pituita.

Visne Medicinæ fructus tibi aliquot exemplis confirmati? Pollio Romulus senex ille Augusti hospes apud Plin. lib. 22. cap. 24. centesimum annum excedens cum ab Imperatore interrogaretur quam maximè ratione vigore illum animi corporisque custodisset, respondit; intus mulso, foris oleo. M. Cato Græcorum medicorum osor professus est se & conjugem Medicinæ beneficio usque ad longam senectam perduxisse. Cyrus apud Xenophonem eo sermone quem moriens habuit admodum senex, negavit se unquam sensisse senectutem suam imbecilliolem factam quàm adolescentia fuisset. L. vero Metellus post consulatum Pont. Max. ita bonis viribus extremæ ætatis tempore fuisse narratur, ut adolescentiam non requireret. Senectus Georgiæ Leontini produci in adagium solet de optima nec annis exoluta: cum vero ab eo quæreretur quomodo annum attigisset octavum supra centesimum, respondisse dicitur quod voluptatis causa nil sibi umquā permississet face-

Exem-
pla co-
rui qui
sanè vi-
xerunt
& diu.

Pli 1.
29. ca.

re; ἢ δὲν πῶπο τε ἡ δυνῆς ἐνεχε προξίας. Herodicus Medicus teste Plat. dialogo 3. de rep. omnium infirmis sui temporis, artis medicæ opera fere centesimum annum implevit. Joannes de temporibus apud Fulgosium 420. annos vixisse narratur. Plut. notavit multos corpore alioqui parum firmo vitam solâ diligentîâ longam consecutos. Sed paucula hæc exempla ex magno & pleno acervo depromptisse sufficiat.

An senium retardari possit.

Superesset demum ut inquireremus num dari possint quædam medicamenta aut alimenta quæ inventutem prorogare, senium retardare valeant. Equidem neminem fugit apud Gal. lib. de maraf. inventum Philosophum qui artificio medico immortalitatem hominibus polliceri auderet. Democritus apud Diophanem lib. 5. Geopon. cap. 7. rogatus quomodo homines incolumes manerent & longevi, respondit si externas corporis partes oleo, internas melle illinerent; εἰ τὰ μὲν ἔξωθεν ἐλαίῳ τὰ σώματος τὰ ἔνδον μέλιτι χύσονται. Quod observatum quoque habes apud Athen. lib. 2. deipn. cap. 7. quo loco Aristoxenus scribit morbum nunquam sensuros qui pane cum melle quotidie vescerentur. Addit Lycus eo loci πολυχρόνιος esse Corfos quod melle perpetuo uterentur. Jactitant Chymistæ sua κρατὶς τοχειρουργήματα, vividos latices, olea incombusta, potabile aurum, Panacæam, mumiam magneticam, hieras hermeticas, aiptas divinas & nectareas, quibus retardetur senectus, adolescentia conservetur. Gloriat apud eos Artesius se mille & viginti quinque annos vixisse. Refert Rogerius Bacco epist. de secretis operib. probatum fuisse testimonio litterarum Papalium, Germanam captivâ inter Saracenos hausisse medicinam qua usque ad quingentos annos vitam

prorogarit. Notat quoque nemoris alicujus custodem in majori Britannia unguento quodam totum corpus exceptis pedum plantis perunxisse; cujus beneficio trecentos annos sine corruptione & cruciatu, si pedum excipias dolores, vixerit. Sed quid attinet has & similes nugas Alchimistarum, & nova deliria fratrum Rosaceæ crucis enumerare, cum pleni sint veterum & recentium libri, plena monimenta eorum qui beneficio divinæ artis nostræ se à morbis tutos præstitere & in vegeta senectute diu perseveravere? Quid juvat, inquam probare lucere meridie? Consulantur Gal. lib. de Maraf. & de sanit. tu. Aristot. lib. de longit. & brevit. vitæ, Albert. Magn. comment. in parva natural. August. Niphus ibid. Buccaferreus comment. in lib. 2. de gener. & corrupt. Marsilius Inguen. quæst. 17. & Albert. de Saxon. quæst. 13. in eundem lib. Frat. Amadeus Meigret quæst. in eundem locum, Conciliator differ. 113. Petr. Hispan. comment. in lib. Diatarum univers. Isaaci. Dinus de Garbo quæst. 63. lib. 1. Summ. medic. tract. 5. & in tractatu de restau. humido radic. Jacob. Foroliviensis, quæst. 34. Turisa. quæst. 2. & 3. in lib. 3. Gal. de arte parva, Card. lib. 1. De sanit. tuen. cap. 8. & lib. 3. cap. 30. ejusdem operis, & lib. Theognost. Marsil. Ficin. lib. De vita producent. Vales. de sacra Philosoph. & lib. controvers. Anton. Gazius in florida corona cap. 5. & 15. Thomas Philologus de producenda vita ultra 120. annos. Martin. Panca de proroganda vita. Arnal. Villanovan. lib. De conservanda invent. Codron. de annis climacter. Korumannus de miracul. vivorum, Talentonius lib. 2. reconditarum rerum cap. 1. Longius epist. 76. lib. 1.

*SI tibi deficiant medici, medici tibi fiant.
Hæc tria, mens hilaris, requies moderata, diæta.*

Hoc loco fit mentio trium remediorum, quæ in defectu medici, vicem ejus cum apud alios, tum nobiles maximè & excellentes viros supplere possint.

Lætitia.

Primum, animus hilaris ac lætus. Lætitia enim calorem excitat naturalem, spiritus temperat & puriores reddit, virtutem corroborat, ætatem floridam facit, invenile corpus diu conservat, vitam prorogat, ingenium acuit, & hominem negotiis quibuslibet obeundis aptiorem reddit. Convenit autem ut hæc ipsa lætitia, sive gaudium bonæ valetudini commodum, sit temperatum, non excedens modum, neque repentinum. Nimio enim & repentino gaudio, quemadmodum Galenus lib. 2. cap. 5. de Symptomatum causis, & Alexander Aphrodisæus problemate 21. memoriæ prodiderunt, tanta fit cordis relaxatio, ut virtus vitalis unâ cum innato calore tota egeratur, ac dissipetur, adeoque syncope nonnunquam & repentina mors consequatur. Atque hujus quidem rei extant horribilia ac pertimescenda exempla, apud T. Livi. Decad. 3. lib. 2. Valerium Maximum lib. 9. c. 12. Plin. lib. 7. cap. 32. & 33. & aul. Gel. libro 2. cap. 15. At enim cum, juxta tritissimum Scholis Medicorum dictum, contraria contrariis curentur ac depellantur, illis potissimum gaudium adsciscendum est, qui tristioribus animi pathematis immodicè conficiuntur. Quod sanè per illa cum primis consequantur, quæ principes facultatum partes corroborant, sanguinem bonum generant, & spiritus instaurant, eadem quippe & menti, Avicen. 11. 3. tract. 2. ca. 10. teste, gaudium & lætitiâ conciliant

VALETUDINE.

17

ciliant adiunguntque. Hujusmodi potro sunt cibi
suaves & boni succi, vinum subtile ac delectabile,
boni & fragrantis odores, delectabilium rerum
commemoratio, & cum amicis & familiaribus
frequentior & jucunda conversatio. Quare, ut
Eobanus noster disertè canens, admonet.

Vtere convivis non tristibus, utere amicis,
Quos nugæ. & risus, & joca salsa juvant.
Quem non blanda juvent varii modulamina cantus?
Hinc jecur & renes, ægræque corda stupent.
Nam nihil humanas tanta dulcedine mentes
Afficit, ac melicæ nobile vocis opus
Tange lyram digitis, animi dolor omnis abibit,
Dulcisonum reficit tristitia corda melos.

Atque hinc adeo est, quod graviss. autor Plutar.
in lib. de Virtute morum tradit Pythagoram ani-
mo pacando sedandoque ab affectibus & pertur-
bationibus vehementioribus, Musicam adhibere
solutum. Sic Saül quoque per David psallentem
à spiritu maligno liberatum legimus. His similia &
scitu non indigna, lib. 1. & 14. Dipnosophistôn
Athenæus refert. Atqui hætenus quidem dicta
magna ex parte hisce etiam versibus ex Hierony-
mo Fracastorio complexi sumus.

Tu tamen interea effugito, quæ tristitia mentem
Sollicitant procul esse jube curasque metumque
Pallentem, ultrices iras, sint omnia læta-
Alma Ceres te in hoc, Bacchi quoque læta juvabunt
Munera, sic dulces epulæ, sic copia rerum.
Sic urbis, sic ruris opes, & summa voluptas,
Visere sæpe amnes nitidos, jucundaque Tempe,
Et placidas summis sectari in montibus auras.
Accedant juvenumque chori, mistæque puellæ.

Secundum, Animi tranquillitas, nobiles enim
& excellentes viri, ob maximas & diversas curas, Tran-
quilli-
tas.

quas sustinent (si ipsis cætera omnia antè pariter adfuerint) mentis inquietudine magis, quam mediocris conditionis homines, læduntur. Nam si quid aliud, hæc maximè somnum impedit, qui nobilibus, cum biliosæ ferè & siccioris naturæ Vigiliæ. sint, in primis conveniebat. Vigiliæ verò, ut Galenus lib. 7. cap. 6. Therapeu. metho. autore est, magis adhuc totum corporis habitum siccant, adeoque iis, qui alioquin ex siccitate laborant, infestissimæ sunt.

Re-
quies.

Vel requies hîc ad corporis quietem, quæ motui opponitur referenda est. Nam & hæc quoque ad valetudinem necessariò adhibetur. Calorem enim naturalem assiduis laboribus fractum ac dissipatum revocat, vires exhaustas ac penè perditas recuperat, adeoque præstat, ut animal se colligat, ac durare possit. Quod diserte admodum apud Ovidium lib. 1. Epist. 4. Phædra Hippolyto iis versibus significavit :

Quod caret alterna requie, durabile non est,

Hæc revocat vires, fessaque membra levat,

Eleganter autem alternam requiem vocat : sicut enim non semper laborare, ita nec semper quiescere expedit.

Diæta.

Tertium, Moderata diæta, id est, modus, seu ratio vivendi, Græcis communiter *Diæta* dicitur, Latini victus rationem reddunt. Quidam Græcam dictionem retinere, ac Latinis characteribus, *Diætā*, scribere maluerunt, vulgus Regimen sanitatis, sive regulam victus appellat. Complectitur autem in se, non modò, quæ ad cibi & potus rationem attinent : sed reliquas etiam res omnes, quas non naturales medici uno ore vocare solent. Harum enim commodus & moderatus usus saluberrimus est, & corporis constitutionem conser-

vat, intempestivus verò & immodicus sanitatem, adeoque naturam hominis corrumpit. Ut igitur vita morbis omnium minime obnoxia sit, harum legitimus usus sollicitè ac diligenter servandus est Plura infrà.

Animadversio.

ARs medica paucorum olim hominum fuit, & si credimus Diodoro Sic. certarum familiarum: scribit enim lib. I. biblioth. nemini licuisse apud Ægypt. ullum in rep. munus aliud vel artem profiteri, nisi à legibus definita & à parentibus quasi per manus tradita fuisset. Sic Asclepiadarum familia medicorum fuit, sic propagata hæc loquendi forma *ἡτράων παῖδες*. Medicorum filii pro ipsis Medicis. Tum temporis Medicorum penuria erat. At ubi pluribus Ars communicata fuit, & cœpit cibus non ad tollendam, sed ad irritandam famem quæri, & inventæ sunt mille condituræ quibus aviditas excitaretur, in hunc multiplicem medicorum quem videmus numerum crevit. In ortu Academiarum Salern. parrior erat medicorum numerus; ac proinde hoc præceptum concinnatum est ab ea, ut si forte Princeps Robertus comitem medicum perpetuum non haberet cujus consilio uteretur, tria in illo præcepto designata sedulo observaret ad sanitatem custodiendam. Tuta & segura sunt nostra sæcula à paucitate medicorum; tum propter Academias medicas, quæ nullo examine severo, nullo specimine præmisso ad lauream doctorem quovis ignaros admittunt, tum propter Magistratum indulgentiam qui circulatores & Aggyrtas,

Pauci
olim
Medici.

Vnde
multi
tam
medici.

medicā artem profitentes, suis civitatibus non expellunt, sed grassari sinunt in publicam civium perniciem Adeout nostra ætate Pliniana *ἐμπίπτος* nimium quantum verissima est. Itaque Hercule, inquit, in hac artium sola evenit, ut cuicumque medicum se professō statim credatur, cum sit periculum in nullo mendacio majus. Nulla præterea lex que puniat inscitiam capitalem, nullum exemplum vindictæ. *Δι-
scunt periculis civium & experimenta per mortes agunt.*
 Lib. 29 Sed quorū hæ *ἀπό τῶν* Redeo in viam.
 cap. 1.

De Aëre.

CAP. I.

A Er sit purus, sit lucidus & bene clarus,
Infectus per se nec olens fetore cloaca,
Alteriusque rei corpus nimis inficientis.

Optimi
 aëris
 notæ.

Hic quatuor traduntur notæ optimi & habitabilis aëris. Prima, ut sit purus, id est, non infectus à vaporibus, quia impurus alterat cor, secundum complexionem illius quod ei commiscetur. Sicut innuit Hali. com. 16. lib. 3. Galeni artis medicinalis. Secunda, ut sit luminosus. Aër enim turbidus, corpori tristitiam & pigritiam infert, quia commiscet humores, & turbidus ad cor penetrat, unde generantur spiritus turbidi, & crassi, animam contristantes, & pigritiam indacentes. Nihil ergo magis jucundum ac hilarem reddit hominem, minusque gravat, quam si claro aëre ambulet, vel mane surgat. Tertia, ne sit infectus, cujusmodi est in locis cadaverum non cremorum multitudine refertis, quemadmodum in præliis contingere solet, & hunc pestis fere sub-

sequitur: inspiratus enim in corpore spiritus inficit. Quarta, ne fœtorem habeat cloacæ, & sub hoc comprehendūt infectiones particulares aëris, ut latrinarum, fovearum, culinæ, & locorum, in quos cadavera convehuntur, & ossa mortuorum, aut lacuum seu paludum, in quibus linum vel canabis putrescit. Talis enim spiritus nostros inficit, ac maximam cerebro noxam suggerit. Hinc Avic. 2.1. Doct. 2. Et aër quidem dum est temperatus, & clarus, neque substantia extranea, complexioni contraria ei admiscetur, & sanitatem efficiens, & ipsam conservans, & cum mutatur, contrarium suæ operationis operatur.

Verùm quo prædictorum exactior notitia habeatur, sciendum est, aerem pro valetudine tuenda duobus modis esse necessarium. Primò quidem ob refrigerationem cordis. Secundò verò, ob expulsionem fumosarū superfluitatum, spiritum & calorem innatum molestantium. Quemadmodum enim videmus ignem externum ventilatione aëris suffocari, & extingui, ita etiam de spiritu & calore innato imaginandum est. Indigent enim aëre nutriente, conservante, & temperante. Temperatio ergo caloris innati fit per aëris attractionem, & depuratio per aëris expulsionem. Primum quidem per motum attractionis, alterum verò per motum expulsionis. Si ergo aër attractus, fuerit fœtidus & impurus, corrumpitur calor & spiritus innatus.

Quare eligendus est purus, ac liber, qui ex terra, plana vel edita ventorum perflatu undique lustretur optimæ essentix, & cui nihil vaporis seu halitus alieni admisceatur, neque sit turbidus, nec nebulosus. Hic enim humores conturbat, & animā, ut dictum est, contristat. Nec editis montibus in

valle inclusus, qui nullum perflatum recipiat: hic enim suffocans putrisq; est, similis illi qui in domibus quibusdam est inclusus, in quibus ob putredinem & perflatus defectum, plurimus acervatur squalor ac situs. Proinde omnib⁹ ætatibus noxius est & evitandus, Quemadmodum & quilibet inclusus. Hæc fere Gal. lib. 2. de sanitate tuenda.

Tempore tamen epidemiæ, ob generaliore aëris putrefactionem inclusus convenientior est, unde id temporis domi manere, ac fenestras concludere præstat, ne qua putridus aër inspiraret: alias liberior aër magis evitandus. Præterea in conservanda valetudine aer, cui commiscantur halitus stagni & paludis, ac specus profundi, pestilentem auram spirantes, & qui ex animalium, olerum, erucae, ceparum & similium arborum malarum viscositatum, quales ficus & nuces, & leguminum putredine aut fimo coinquinatur. Cavendum etiam ne in aliqua primarum qualitatum excedat, scilicet caliditate, frigiditate, humiditate & siccitate, id quod arte nostra moliemur sicut docet Avic. 2. 1. doct. 2. cap. 5. & 6.

Animadversio.

Aer
quot
modis
confi-
dere-
tur.

HÆc est prima sectio Higeines Aërem complectens, quem diximus revocari à Salernitanis ad alimentum spirituosum. Quia vero nobis consilium est Galeni & aliorum medicorum premere vestigia qui Aërem ad caput *ἡ ἐξ ὧν αἵματι-
μόνται*, id est, rerum foris incidentium referunt; Idcirco non ea ratione tantum qua spiritus nutrit, à me considerabitur, sed quatenus etiam vim habet calefaciendi, refrigerandi, incrassandi,

VALETUDINE 25

attenuandi, aut quovis pacto alterandi & conservandi nostrum corpus. Hæc autem disputatio quoniam proluxa est & diffusa admodum, in certas partes ac veluti membra à me dividetur fugiendæ confusionis gratia.

Aeris
necessi-
tas.

*Aër quis eligendus, quis fugiendus, ut
emendandus.*

M E M B. I.

Aeris tanta est necessitas, tanta dignitas, ut potiore hominis partem Latini Animam ἀπὸ τῆ ἀνέμου à vento seu aëre, Græci ψυχὴ vel ἀπὸ τοῦ ἀναψύχου, quod aëris proprium est, vel ἀπὸ τῆ ψύχου, ab aëris refrigerio; quo, ut habet Chrysippus apud Plut. de placitis, puellus in utero materno indiget, deducam voluerint. Ab ea fortassis mente Varro animam definiebat apud Lactant. lib. de opif. Dei cap. 17. *Aërem ore conceptum: fervefactum in pulmone, tepesactum in corde, diffusum in corpus.* Quod ipsum autem Varronem Chrysippus & Hippocrates dixerant, qui animam spiritum seu aërem vocaverunt; quod una eademque anima & respiremus & vivamus. Lucianus in Toxari Scytharum Jusiurandum ait esse, μὴ τὸν ἀνέμον καὶ τὸν ἀκινάκην, per vētum & Acinacē, quod Acinaces (quod nomen est gladij) ἀποπνίσκειν ποιεῖ; mortis sit auctor, ἀνέμος vero ζῶντος αἵμον, vitæ causa, Observatione digni sunt versus Pacuviani in Chryse de aëre:

Hoc vide circum supraque quod complexu continet
Terram, quod nostri cælum memorant, Grai perhi-
beant æthera.

Quicquid est hoc, omnia is animat, fomat, auget, alit, servat,

Sepelit, recipitque in sese omnia, omniumque idē est pater. Indidemque eadem, quæ oriuntur, de integro æquē eodem occidunt.

Vfus
aëris
triplex.

Si omnib⁹ aliis abstineat homo, neq, cibū sumat neque potum, possit tamē duos dies, vel tres, vel plures ducere, at si cui spiritus viā in corpus intercipientur, in brevi parte unius diei intereat, ut vel hinc quāto usui aër corpori su, liceat aestimare, inquit Auēt. lib. de flatib. nūc tamen usum ad tria capita cū Gal. lib. 8. de placit. Hippoc. & Plat. cap. 8. revocare possumus; ἐμφύειν, φέτιον. καὶ γένεσιν πνεύματος φυσικῆς, refrigerationem, ventilationē, animalis spiritus generationem seu nutritionem. Refrigerat suo appulsu cum sit frigidior corde, cui contemperando à pulmone attrahitur. Aëris substantiam, inquit Gal. lib. an sang. in arter. cont. cor non exposcit, sed frigiditatē solūmodo quo recreari desiderat. Ventilat calorē nativum suo motu tanquā flabello, quo non modo ignis ille, ut loquitur Hipp. tepescit, sed etiā excitatur. Generat autē spiritus sua substātia, nā ab arteriis asperis extrinsecus attractus in pulmonis carne primū cōfiscitur, tum autē in corde & arteriis, iis maxime quæ in plexu sūt retiformi, ultimò ac perfectissimè in cerebri vētriculis, ubi utiq; & animalis primū exacte efficitur ex Gal. lib. 7. de usu partium cap. 8. Cæterum aër hos fructus producit ἀναπνοῇ inspiratu, καὶ διαπνοῇ & transpiratu. Inspiratur duplici viā; ore & arteriis: ore καὶ εἰσπνέω καὶ ἐκπνέω aspiratione & expiratione: arteriis καὶ διαστολῇ καὶ συστολῇ dilatatione & contractione. Transpiratur per cutim universam quæ foraminulenta est & cribri instar, tenuissimis meatibus, quos Græci πόροι vocant, pervia. Itaque cum tot portis ac fenestris corpus nostrum aëre subeat, sedulo nobis laborandum est ut quàm purissimus

ac saluberrimus hauriatur. Quis autem hoc nomine donâdus sit, vix melius intelligi potest quam propositis viriis quibus carere debet; quæ partim in ejus substantia, partim in ejus qualitatibus contingunt. Quoad substantiam nec sit crassus nec putris. Crassus enim impurus, caliginosus, obscurus, nubilus, salutaris nulli, sed noxius. Spiritus quippe obscurat & inficit, calorem nativum opprimit, corpus gravat, mœrorem inducit, mentem deprimit, humores & partes principes graviter lædit. Multum autem interest utrum quis crassum aërem dicat an turbidum. Crassus humoris multum ejusque densi ac opaci per totum obtinet, visionisque aspectum plerumque adimit, ne aut stellas minutiores cernere possimus, aut non nisi infuscatas atque obscuratas deprehendamus. Turbidus partes crassiores multas humore suo constantes ventis turbulentis inter se renum agitas habet, proinde deses non est prorsus ac silens ut crassus, nec totus udus, sed sicci aliquid obtinens. Crasso contrarius est tenuis aër, purus, limpidus, serenus, liber & perflatus, qui omnibus salutaris censetur à Gal. 1. de sanita. tuen. cap. decimo. Putris admodum noxius & pestilens habetur; seu à se putrescat dum non ventilatur; ut qui montibus excelsis undique velut conclusus tenetur: seu aliunde corruptionem acquirat, putà à cœlo & syderibus, à ventis ex locis infectis spirantibus, à tetro vapore & halitu putri stagnorum, cloacarum, cadaverum, aliarumve rerum putrescentium graveolenti inspiratione, & is semper est fugiendus. Sincerus, sub constellationibus benignis constitutus, ventis salubribus agitur, rerum putridarum vaporibus non inquinatus, perpetuo de-

Quis
aër eli-
gen-
dus.

Crassus
aër &
ejus ef-
fectus.

Turbi-
dus
aër.

Tenuis
aër.

Putris,

Sincerus,

Cali-
dioris
aëris
noxæ.

Frigi-
dioris
effe-
ctus.

Aër
quis
salu-
brior.

ligendus. Ratione qualitatuum aër quoque cali-
dior vel frigidior, humidior vel siccior, iis qui
inculpatæ sunt sanitatis minimè expetendus est.
Calidior enim aëris constitutio spiritus accendit,
bilem auget, humores liquat, corpus dissolvit,
sudores movet, sitim excitat, coctionem immi-
nuit, & dissipato calore nativo vitam efficit bre-
viorem ex Avic. fen 2. lib. 1. Doct. 2. cap. 16.
At frigidior cutis meatus occludendo ac perspi-
rationem impediendo febres putridas accersit,
destillationes comprimendo excitat, quæ in ven-
tre sunt obdurat, ex part. 27. sect. 5. lib. 6. epid.
Humidior pituitam & cruditates multas conge-
rit & eos morbos parit qui recensentur aphor. 13.
lib. 3. Siccior humores quidem supervacaneos
absumit, sed febres acutas parit ob humorum
acrium proventum, cutim desiccatur, & sitim ex-
citatur. Enimvero intemperatis hominibus salu-
briores sunt hi qualitatuum excessus quàm ipsa
moderatio: biliosos quippe magis juvat frigidus
aër quàm temperatus, pituitosos calidus quàm
moderatus; ut enim observatum est ab Hip-
pocr. aph. 2. lib. 3. *naturarum quadam ad æstatem,
alia vero ad hyemem benè vel malè habent: & rectè
quidam se habent in æstate frigida & humida, malè
in hyeme*, inquit Philotheus comm. in eum apho-
ris. Quemadmodum igitur temperatis hominibus
& *evaporatis* aër temperatus, hoc est in medio om-
nium qualitatuum velut constitutus magis, conve-
nit, sic Intemperatis Intemperatus, & ad con-
trariam utentium constitutionem despectens. Cre-
didit tamen Gal. temperatis salubriorem esse aë-
ris statum qui ad calidum & humidum vergat; qua
ratione ver illi saluberrimum dictum: est enim
ejuscemodi constitutio amica & familiaris princi-

piis vitę nostrę quę in calido & humido consistit. Probarem tamen magis eam aëris constitutionem quę ad calorem & siccitatem paulò inclinaret : nam & calore vita continetur & siccitate diffiantur excrementa atque consumuntur, putredo quoque prohibetur & corporis partes firmantur ac roborantur. Et sane Hippoc. lib. de aër loc. aq. Orientales regiones *ὀριζωντικὰς* definit; Occidentales vero *ἑσπέριας* νοσηρωτάτας situm morbosissimum obtinere dicit, ob nebulas frequentiores quę humidioris loci signa sunt! non insignem tamen siccitatis excessum laudo, sed eum qui paulò humiditati superemineat.

Quod ergo necessaria sit aëris inspiratio, simulque ejus noxę homini subeunda sint, excogitavit ideo Medicina consilium & artificium emendandi aëris vitia si quę sint, ejusdemque præparandi. Imprimis enim medicinę ductu varia vestium genera adinventa sunt muniendo corpori atque conservando, mox quoque ædificia extructa, ac demum stragula, lecti, peristromata, conopea, & cæteri hujus generis apparatus reperti, qui nos tutos ab aëris injuriis & ab insectorum, quę impurus producit aër, noxis securos præstarent, de quibus nonnihil postea. Sed & alia adminicula homini dedit castigando aëri; cum enim æstuat, docet inspergi pavimenta foliis vitis & salicis, irrorari oxycrato vel rosacea, frondib. & ramis opacari, floribus & fructibus facultate humidis mensas & triclinia onerari, coriis hybernicis parietes circumvestiri, ædes angustas & ad meridiem apertas deserui, laxas, perflatas & ad Septentrionem conversas habitari. Cum vero riget aër & frigoribus exasperatur, emendandum jubet igne luculento, suffitu odorato rerum aroma-

Vt aër
emenda-
dari
possit.

ticarum, suspensis peripetasmatis, inductis supra tabulata tapetibus, clausis ædium meatibus, hypocausto excalefacto, angusto conclavi tabulato, storea instrato, suffito, aulæis exornato & id genus aliis auxiliis. Corruptum ærem & pestilentem castigant succensi ignes ex aromaticis lignis, herbis, floribus suaveolentibus & similibus quæ in curâ pestis à Medicis fusiùs enumerantur.

De Aëris mutatione inductâ ab Astris.

M E M B. II.

NON ineptè quidem meo iudicio Mythologi aëris subitas improvisasque mutationes designaturi, Jovem illum fictitium Deorum hominumque parentem introduxerunt in varias formas sese transmutantem, cumque Aquilæ modò, modò Cygni, Taurialiàs, alias Satyri, nonnumquam auri, cuculi, pastoris rerumque aliarum figuram induentem nobis exhibuerunt, exemplo cum aëre non dissimili, qui momento temporis vix sine varietate atque inconstantia perseverat. Hæc autem aëris frequens mutatio partim à cælo & syderibus inducitur, partim à terra & aqua. A cælo; motu, lumine, atque ut alii volunt, influ-
xu. A terra & aqua, exhalationum vaporumque beneficio ventos & cætera meteora suscitantium. Ac sanè pro rerum istarum varietate exurgit varia aëris constitutio, indeque zonarum, climatum, regionum, civitatum, ædium, locorumque omnium, atque etiam hominum iis in locis degentium diversa temperamenta, multiplicesque inclinationes derivantur.

Vnde
aër im-
mutetur.

Equidem cum ex vario cœli motu ortuque sy-
 derum & occasu, non solum anni tempora distin-
 guantur, sed etiam aër varias ut dixi subeat muta-
 tiones, quibus hominum temperamenta afficiun-
 tur: Idcirco Hipp. 1. de diet. & lib. 1. de aër. loc. & aq. Astronomiam Medico necessariam esse pu-
 tat. Cui suffragatur Gal. comm. 1. lib. 1. epid. Af-
 sentiuntur gravissimi Medici; Fortunat. Fidelis in
 Bisso. lib. 2. cap. 6. Roder. à Castro in Med. Po-
 lit. lib. 2. cap. 2. Hippol. Obicius, lib. Astrono-
 micarum prædict. & Adria. Aleman. comm. in
 lib. Hipp. de aër. locis & aq. text. 13. Cæterum
 quæri hîc posset quot modis cælum in aërem res-
 que sublunares agat, an manifestâ ratione per lu-
 men & motum, an occultâ per influxum, ac per
 motum si agat, an per se calefaciat, vel per ac-
 cidens; si per lumen, an immediatè vel radiorum
 interventu: si denique per influxum, an per ef-
 fluxum substantiæ aut virtutis. Sed quia à philo-
 sophis magni nominis hæc fusissime in utramque
 partem explicata sunt, Zabarell. Cēsalp. Telefio,
 Pererio, Patritio, Bucafer, Pico. Mirandul. Tau-
 rello, Anton. Bernardo, Bartholino, idcirco ni-
 hil transcribam, rerum ipsa experientia cõtensus;
 qua sola Astrorum virtutes nedû a doctis sed & ab
 idiotis deprehenduntur. Soli quidem undi ocello,
 planetarumque principi præcipua auct oritas as-
 cripta, qui suo accessu generationis, recessu cor-
 ruptionis rerum maxima est causa, sicque anni
 tempora distinguit, ut in aëre varia fiant tempe-
 ramenta; in animalibus tam potenter agit, ut va-
 rios humores producat, & ad coitum generisque
 propagationem, quemadmodum scribit Gal. lib.
 3. de cris. cap. 2. sollicitet. Magne quoque sunt lu-
 næ in hæc inferiora vires; nam & mulierum men-

Astro-
nomia
Medi-
co ne-
cessa-
ria.

Cœli
quot
modis
agant
in nos.

Solis
effe-
ctus.

30 DE CONSERVANDA

strua provocat, & Epilepticis nocet, & stirpes fructusque adauget, & animantia saginat, & corpora humectat, emollit, putrefacit; velut eleganter insinuat Gal. loco cit. & Plin. lib. 2. cap. 100. Addit. etiam Gal. mutationes quæ morbis acutis accidunt, diebus criticis lunæ esse tribuendas. Imo vero pro quadruplici ejus forma atque habitu quem induit dum lumen à sole sceneratur, varias aëris mutationes inducit, interlunio quidem atque plenilunio vehementiores, quod illud frigidius sit, hoc calidius ex Aphrod. probl. 64. lib. 1. minores dum curvata est aut falcata. Græci ἀμφοτέρων καὶ μινυομένην vocāt. Cæteros etiam planetas aerem suis qualitatibus immutare, docet Prolem lib. 1. de judic. astro. & ejus comment. Porphyrius. Id ipsum stellarum fixarum proprium esse Hipp. demonstravit, dum Canis, Pleiadum, Arcturi ortum & occasum cognosci à Medico debere docuit lib. de aëre loc. & aquis; quod ab illis magnæ in aëre contingant mutationes & alterationes. Exortu enim caniculæ, quis æstare maria, fluctuare in cellis vina, canes in rabiem agi, ex Plin. cap. 42. lib. 1. quis difficillimas illo tempore esse purgationes ex Hippoc. aph. 5. lib. 4. non observavit? Deinde si Columellæ credimus cap. 2. lib. 1. de re rust. Pleiadum occasu tempestates ventique aquilonii insurgunt, & procellosæ grandines Arcturo emergente. Denique quis nō mirabitur cum Ruell. lib. 2. de nat. stirp. cap. 152. stupendos effectus Aequinoctiorum & Solstitiorum, quorum etiam notas indubitatas signavit natura & eas manibus ipsis Agricolarum ingessit? Floret ipso brumali die suspensa in tectis aridis herba pulegii, & musculorum Jesuscula augentur: Cynocephalum utriusque Aequinoctii tempore per horas

Plan-
etarum
syde-
rum-
que ef-
fectus.

VALETUDINE. 31

diei singulas & duabus itidem noctibus urinam profundere notaverunt Aegyptii: Aestivo solstitio arthritide tentari corvos, obvertique olearum & tiliarum folia, memoria est. Hęc quidem partim Astrologice, partim Medice sunt considerationis; sed ea spectat Astrologus ut fortunas rerumque eventus vaticinetur, Medicus ut temporum aërisque mutationes & ex his nascentes morbos agnoscat.

Medi-
cus ab
Astro-
logo
differt.

De mutatione Aëris penes anni tempora.

M E M B. III.

INter cœli effectus manifestos reponuntur anni Tempora, quibus maxima vis est immutandi aërem. Hic ergo de illis agimus temporibus tanquam de causa quæ sensibilibiter aërem immutat. Est verò Tempus aut annum quod sol metitur, aut menstruum quod à Luna definitur. Annus quatuor partes comprehendit, quas Græci *ἔτη*, Latini tempora seu tempestates vocant; Ver scilicet, Æstatem, Autumnum, & Hyemem. Enimvero quodnam sit harum tempestatum principium & finis, non satis apud omnes constat. Anni tempora ut distinguantur ab Astrologis singulis anni tempestatibus tria Zodiaci signa tribuunt, sicut anni tempus apud eos sit intervallum quo sol tria signa in Zodiaco percurrit: Veri quidem assignant arietem, taurum & geminos; Æstati cancrum, leonem, virginem; Autumno libram, scorpium, sagittarium; Hyemi capricorum, aquarium, pisces. Medici vero anni tempora distinguunt vel penes maximas mutationes ex ortu & occasu syderum primę magnitudinis, vel penes effectus varios illis temporibus

Anni
tempo-
ra ut
disting-
uantur ab
Astro-
logis.

Vt à
Medi-
cis de-
finian-
tur.

contingentes. Primus modus colligitur ex Hipp. lib. de aër. loc. & aquis & 3. de diæt. & ex Gal. comm. in epid. sect. 3. tex. 14. & in lib. de humorib. comm. 3. quibus locis septem partes anni recensentur. 1. est Ver incipiens ab æquinoxio verno ad usque ortum Vergiliarum, quod intervallum non est duorum mensium. Aestas duas partes cõpletens, Oram & Oporam : Ora ab ortu Vergiliarum ad caniculam extenditur; Opora, quæ est anni pars 3. à Canicula ad ortum Arcturi; quod spatium utriusque partis est quatuor mensium; à fine nimirum Aprilis ad Septembris principium. 4. est Autumnus ab ortu Arcturi usq; ad occasum Vergiliarum, hoc est ad ultimum Octobris, exporrectus. 5. 6. & 7. pars est hyems, ob tres quibus constat particulas, quarum primam à principio Novembris ad brumam usque *σπορῆτον* seu sementem vocant, altera Solsitium seu brumam continet, tertia Pythalia dicitur, quæ in æquinoctio verno desinit.

Altera divisio tempestatum est penes effectus quos producant enumeratos ab Avic. sen. 2. 1. doct. 2. cap. 3. quo sensu Ver definitur tempus florum & initium pomorum; Autumnus tempus mutationis coloris foliorum & principium casus eorum; Aestas totum tempus calidum, Hyems totum rigidum. Scio aliter distingui anni tempora à Varone l. 1. de 22. c. 28. & ab Auctorib. 2. 2. l. 1. c. 1. sed quoniam ea divisio ad Agricolas magis pertinet, à me prætermittitur velut minus necessaria.

Tem-
pera-
menta
anni se-
cundū
Astro-
log.

Satius fuerit recensere temperamenta & virtutes anni temporibus tributas, cum ad aëris intelligendas mutationes utilissimæ sint. Astrologi ex triplicitatibus signorum constituunt tempestates, singulasque triplicitates singulis tribuunt elemen-

tis, ut ex his tandem facultates tempestatum colligatur. Primat triplicitas ab aëre aërea dicta, ver facit calidum-humidum; secunda ab igne ignea, æstatem calidam-siccam: tertia à terra terrea, autumnum frigidum-siccum: quarta ab aqua aquea, hyemem frigidam-humidam. Multo accuratius Medici & ad rei veritatem rectius definiunt Ver, temperatissimum & saluberrimum tempus, quod tamen intelligendum est de vere adulto sive medio, novū enim sive primum ver modicum hyemis sapit, ait Gal. cōm. 15. lib. 1. aphor. præcepto vero, cadens & ultimum, æstatis non nihil obtinet. Ut autem sit saluberrimū, temperatum esse debet, non nebulosum, nō pluviosum, sed in omni excessu planè medium, ex Gal. 1. de temp. & cōm. 2. in lib. 1. epid. Aestas omnium sententia est calida & sicca; Autumnus inequalis temperamenti, proinde insalubris & morbosus; Hyems frigida & humida. Sed de mutationibus diversis quæ ex anni partibus proveniunt, tam secundum quàm præter naturam, inter ceteros legendus Hippocr. lib. 3. aphorif. & Avic. sen. 2. lib. 1. doct. 2. cap. 6. & 7.

Ver
quale
esse de-
bet.

Alterum tempus quod luna metitur, dicitur Mensis, in septimanas & dies divisus. Menses partes sunt anni numero duodecim, quorum qualitates ex signo Zodiaci in illis dominante desumi, docent Astrologi, Medici ex iis quæ de tempestatibus anni dicta sunt. Septimanarum facultates nonnulli ex quadris lunæ deducunt; quarum prima humida est, secunda calida, tertia sicca, quarta frigida. Idem de diei partibus enunciant; quarum prior eaque matutina, vernalis quodammodo est, hoc est veris temperiem retinens; meridiana, æstiva: vespertina, autumnalis; nocturna, hyemalis: sed in iis parum momenti constituendum est.

Septi-
mana-
rum tem-
pera-
menta.

Diei
partes
qua-
tuor.

De mutatione Aëris inductâ à Ventis.

MEMB. IV.

INsignes aëris μεταβολαὶ seu mutationes, sunt venti, per quos aëris temperamenta alterantur: sic enim definit Gal. μεταβολαὶ τὰς καὶ πλεοναίαν ἀλλοιώσεις; alterationes quæ fiunt penes temperamentum. Eorum maximam esse Medico habendam rationem docuit Hippocr. lib. de aër. loc. & aq. si enim ab aëre hominum temperamenta afficiuntur, multo magis à ventis qui ipsum aërem alterare & immutare possunt. Attamen non hic ventorum causas efficientes aut eorum investigamus cum Physicis essentiam, sed effectus solos duntaxat ac differentias, quod his ignoratis facultate, singulorum ventorum definiri non possint.

Ventorum
duo genera.

Cardinales
venti.

Hippocr. loco cit. duo genera ventorum constituit, κοινὰ πνεύματα communes ventos, & ἐπὶ χεῖρα particulares seu vernaculos. Communes seu generales aut determinati sunt aut indeterminati. Determinati vel quovis anni tempore spirant, vel certo tantum tempore. Priores illi quod ex certa mundi plaga flent, sunt, cardinales aut collaterales. Cardinalis quadruplex est, quia quatuor mundi sunt cardines; Oriens, Occidens, Meridies, & Septentrio. Ab ortu Æquinoctiali nimirum flit Subsolanus; Germanis nautis ductus est, Italus Levante; ab occasu Æquinoxiali Favonius, Germ. Oüest. Ital. Ponente: A meridie Auster. Germ. Sud. Ital. Ostro: à Septentrione Boreas seu

VALETUDINE.

35

Aquilo, Germ. North. Ital. Tramontana. Collaterales autem sunt Majores seu integri, & Minores seu partiti. Majores quatuor sunt exacte medii inter quatuor cardinales. Qui medius jacet inter Subsolanum & Austrum, nobis vocatur composito vocabulo Subsolanauster quia Subsolanum & Austrum æqualiter participat; ex quo factum est, ut Germanicum appellarint Sudest, Ital. Syroco. Medius inter Favonium & Austrum nobis vocatur Favoniauster, Germ. Sudoieft, Ital. Garbino. Medius inter Subsolanum, & Boream nobis Subsolanoboreas, Germ. Northeft, Ital. Greco. Medius inter Favonium, & Boream Favonioboreas, Germ. Northoieft, Ital. Maestro.

Collaterales venti majores.

Minores vero seu partiti duplices sunt. Dimidiati, vulgò *demy. vents*, & Quadrantes, vulgò *quarts de vents*. Dimidiati octo sunt medii inter cardinales & collaterales majores. Et quidem inter subsolanum & subsolanaustrum interjacet Meso-subsolanus Meridionalis, Germ. Est-sudest, Ital. Siroco levante. Inter subsolanaustrum & Austrum, Mefauster Orientalis, Germ. sud-sudest, Ital. ostro-siroco. Inter Austrum & Favoniaustrum Mefauster Occidentalis, Germ. Sud Sudoieft, Ital. Ostro-garbino: inter favoniaustrum & Favonium Mefofavonius meridionalis, German. Oieft sud-oieft, Ital. Ponente garbino. Inter favonium & favonioboream Mefofavonius Septentrionalis, Germ. oieft north-oieft, Ital. *Ponente*, *Maestro*. Inter favonioboream & boream Mefoboreas Occidentalis, Germ. north-north-oieft Ital. *Maestro-tramontana*: inter Boream & subsolano-boream Mefoboreas Orientalis, Germ. north-north est, Ital. greco-tramontana. Deni-

Minores medietati Dimidiati.

Mino-
res ven-
ti Qua-
dran-
tes.

que inter subsolanoboream; & subsolanum jacet
medius mesosubsolanus Septentrionalis, Germ.
est, north-est. Ital. greco-levante.

Restant Quadrantes ventorum, qui quoniam
inter enumeratos omnes ventos medii interja-
cent, sexdecim recensentur. Primus ab ortu æqui-
noctiali incipiendo dici potest Quadrans Orien-
talis subsolanaustri, vulgò est. quart de sudest. 2.
quadrans meridionalis subsolani sudest quart
d'est. 3. quadrans Orientalis Austri sud-est quart
de sud. 4. quadrans meridionalis subsolanaustri
sud quart de sud-est. 5. quadrans meridionalis fa-
voniaustri sud quart de sud-est. 6. quadrans Oc-
cidentalis Austri sud-oüest quart de sud. 7. qua-
drans meridionalis favonii sud - oüest quart
d'oüest. 8. quadrans Occidentalis favoniaustri
oüest quart de sud-oüest. 9. quadrans Occidenta-
lis favonio-boreæ, oüest quart de north-oüest. 10.
quadrans Septentrionalis favonii north-oüest
quart-d'oüest. 11. quadrans Occidentalis boreæ
north-oüest quart de north. 12. quadrans Septen-
trionalis favonio-boreæ north quart de north-
oüest. 13. quadrans Septentrionalis subsolanobo-
reæ north-quart de north est. 14. quadrans Orien-
talis boreæ north-est quart de north. 15. qua-
drans Septentrionalis subsolani north-est quart
d'est. 16. & ultimus quadrans Orientalis subso-
lanoboreæ, vulgò est quart de north-est. Ex his
colligimus triginta duos esse ventos à Nautis no-
stri sæculi observatos, quorum quatuor sunt Car-
dinales, totidem Collaterales majores, octo Col-
laterales dimidiati & sexdecim Collaterales Qua-
drantes.

Vento-
rum nu-
merus.

In quorum quidem nomenclatura non se-
gutus sum veteres, qui duntaxat quatuor, aut

octo, aut undecim, aut duodecim, aut ad summum sexdecim ventos posuerunt, sed nostros Nautas, non multum de nominibus sollicitus si modo de re constaret. Quod si quis inventa nostra fastidiat & alia nomina veteribus usurpata jam vero obsoleta malit, consulat Fabrici. Paduanum lib. de ventis cap. 5. Ut autem rem ob tam multiplicem Ventorum numerum difficilem & perplexam, planam & omnibus perviam redderemus, placuit schema ventorum exhibere, in quo extimus orbis ac major diversa nomina ventorum cardinalium continet & enumerat à Septentrione semper exordiendo, secundus ab illo nomina Collateralium majorum, tertius Dimidiatorum, quartus & intimus Quadrantium.

Huc pertinet typus Ventorum.

PRædicti venti quovis anni tempore spirant; ^{Anni-} qui sequuntur, certo tantum tempore: unde ^{versarii} Anniversarii vocantur. Qui autem Vere flant dicuntur Chelidoniæ, quod circa adventum hirundinum novem aut interdum triginta dies spirent, modo ab Occidente æquinoctiali, modo à Septentrionali. Æstate flant Ethesiæ circa caniculæ ortum diebus circiter quadraginta à Septentrionis partibus: hos præcedunt Prodromi seu præcurrentes per octo dies. Orithia uno & septagesimo die post brumam ab adventu avium per dies novem spirat. Sunt & alii plures quos videre potes apud Blondum, lib. de navigatione, ubi recenset ventos singulis mensibus spirant.

38 DE CONSERVANDA

tes tam ex natura temporum, quàm ex ortu Syderum.

Regio-
nales
Venti.

Venti
marini.

Venti
terres-
tres.

Vento-
rum vi-
res ex
Hip.

Regionales venti seu *ἐπιχόμοι* vix ullas certas habere possunt differentias. Quis enim singularem regionum naturam novit, aut ventos qui illic flant observavit? Rationes tamen unde excitantur & assurgunt, commodè ad duo capita revocari possunt. Ad marinos seu aquosos, & ad terrestres. Ex mari oriri cardinales & collaterales ventos nonnulli voluerunt, sed quia hi vix ultra mare assurgunt, idcirco à nobis non examinantur. Eorum potior habenda ratio qui dicuntur Sinuales seu Eccolpiæ (qui scilicet juxta flumina fiunt, vel ex sinu quopiam evaporant) & eorum qui è mari exeuntes vicina loca afflant. Terreni vel è terra elewantur, vel à speluncis & cloacis, quos ideo Charonias vocant. Terreni dicuntur Altani Plinio. lib. 2. cap. 43. & auctori libri de mundo, sed cum ad mare pergunt, Apogei dicuntur; cum à mari recedunt, Tropei. Porro Chencrona ventus est proprius eorum qui Phasim accollunt, ex Hippocr. lib. de aëre loc. & aq. Attabulus Apulis est familiaris. Horat. 1. serm. sat. 5. Garbas Siculis, Sciona Atheniensibus, Cagneus Pamphilis, Japix Calabris, Olympias Eubæis, Favonius Germanis Occidentalibus, Circius Gallis Narbonensibus, ut videre est apud Plini. lib. 2. cap. 47. & Senec. lib. quinto natur. quæst. cap. 17. Premissis ventorum differentiis, videndum porro cujus sint facultatis singuli, seu omnes seorsim, seu invicem collatos expendamus. Et quidem sententia est Hippocr. libro secundo de diætâ, ventos omnes natura sua humectandi ac refrigerandi facultatem possidere, propterea quod ex

VALETUDINE. 39

corporibus spirent frigidis & humidis, nive, glacie, fluminibus, stagnis, aqua humectata ac perfrigerata, & similibus; verum propter situm regionum & locorum per quæ venti ad singulas regiones accedunt, aliam atque aliam temperiem induunt. Si quis ergo ventorum ortum contempletur, eos omnes frigidos & humidos constituet magis vel minus prout ex corporibus frigidioribus & humidioribus excitantur. Quia tamen non nisi alterati ad nos devehuntur, quod modo per sicca loca & arentia, modo per longa maria & palustres regiones transeunt; idcirco qua facultate singuli nos afficere longa experientia observati sunt, brevi complectar.

Venti Septentrionales cum vehementer spirant, frigidi & sicci sunt, sereni, limpidi, nubifugæ, & subtiles, in profundum subeunt, obfistunt putredini, & constringunt, densant, superfluos succos consumunt, sensus exacuunt, membris robur addunt, movent appetitum, fluxionem cohibent, urinas provocant, virtutem generativam augent, uno verbo omnium saluberrimi existunt. Habent tamen suas noxas, dolores enim nervorum inducunt, uteri & vesicæ, difficultatem urinæ movent, oculos laedunt & pectus, stupefaciunt, flores & fructus corrumpunt, sementem adurunt, pthificis nocent, venas rumpunt. Sed inter Septentrionales ventos alii aliis sunt potentiores: Boreæ primus locus debetur, cui omnia supra enumerata competunt; huic vicini sunt venti à nobis Dimidiati dicti, Mesoboreas Orientalis, & Mesoboreas Occidentalis; quorum ille à sinistris est, hic à dextris ejus, origine ambo æquè proximi. Imbecilliores sunt Collaterales majores dicti, quorum quidem Subsolanoboreas repidior est ac paulo humidior mi-

Septentrionalis ventus facultas.

40 DE CONSERVANDA

nusque salubris, Favonioboreas vero nebulosior, multoque insalubrior. Eamdem autem penè habet Subsolanoboreas virtutem ac Cæcias apud Græcos, Vulturinus apud Latinos; convenit vero Favonioboreas cum Argeste Græcorum & Coro seu Japyge Latinorum.

Orien-
talis
venti
effe-
ctus.

Tri-
plex
ortus.

Orientales venti moderatè calefaciunt, siccant, que cum à terra spirant, humectant vero cum à mari: aquas præterea salubres efficiunt, sensus vegetant, sæcundant, humores attenuant & expurgant, æquales sunt & mites, salutare denique & parum noxii; ut potè ad exactam temperiem accedentes. Observabis tamen tres ortus ab Hipp. constitui: Æquinoctialem, Aestivum, & Brumalem seu hybernum. Sol enim diversis in locis diverso tempore oritur. Sub Æquinoctiis quidem in circulo Æquinoctiali, sub Solstitio in circulo Canceri, sub bruma in circulo Capricorni: primus ille ortus est Æquinoctialis, alter Septemtrionalis æstivus, seu Solstitialis, tertius Meridionalis hybernus seu brumalis. Multùm itaque interest utrum quis dicat ventum flare ab Æquinoctiali, an ab Aestivo, an ab hyberno, quia intervallum est insigne inter illa tria loca. Nam certè ventus flans ab ortu brumali cum recedat ab Aestivo 47. gradibus, ab Æquinoctiali viginti tribus cum semisse, sanè notabilem quoque temperamenti differentiam obtinebit, sic ut ventus ab ortu hyberno de natura Austri aliquid accipiat, ventus vero ab ortu æstivo borealium ventorum temperamenti nonnihil retineat. Ex his manifestum est Subsolano qui fiat ab ortu Æquinoctiali per omnia similem non esse Eurum qui ab ortu brumali, nec Cæciam qui ab ortu æstivo spirat. Est enim Eurus quod accedat

VALETUDINE. 41

ad Austrum humidum, aquosus & pluviosus, Cæcias vero propter boream frigidior minusque serenus, vulgo enim dicitur nubium coactor.

Meridionales venti calidi & humidi, sunt nimboſi & aquoſi, lenes ſed peſtilentes; omnium denique morboſiſſimi, ut patet ex aph. Hippocr. 5. lib. 3. libris epidem. & lib. de morbo ſacro. At inter meridionales Phenix ſeu Meſauſtero Orientalis minus morboſus Libonoto ſeu Meſauſtro Occidentali quod ille accedat ad Subſolanum, hic ad Favonium magis.

Occidentales demum venti frigidi ſunt & humidi, ſed moderate, quo fit ut ſalubres alicubi ſint, velut in Italia; alicubi ut in Vaſconia tam noxii ut raro ſine incolarum pavore & deſtatione ingruant, referente Scalig. exercit. 285. in Cardanum. Sed cum triplex quoque ſit occaſus; æſtius, æquinoctialis & brumalis, omnes venti Occidentales ejuſdem naturæ non erunt, ſed idem erit iudiciũ afferendum quod in ventis Orientalibus. Proſecto tot difficultatibus & periculis obvoluta eſt ventorum materies, ut qui omnia vel excutere vel obſervare velit, non brevi commentario, ſed amplo volumine opus habeat: acciditque præſertim in hoc ſubjecto, ut qui aliquid ſine dioriſmis definire vult. à rei veritate plurimum aberret. Conſule commentatores Græcos & Latinos Ariſt. in lib. 2. meteor. Olympiod. Aphrodiſ. Buccaſer. Niphum, Federicum, Bonaventuram libris anemologiæ, Ludov. Sptalium, Cardanum, & Alemanum comm. in lib. Hippocr. de aere loc. & aq. Fabrit. Paduanum tractatu de ventis, Paulum Minerva lib. 2. de præſagitura

Meridionales ventis notis.

Occidentales ventis virtutes.

Triplex occaſus.

temporum, Petr. de Peramato lib. de temper. cap. 2. & qui novissimè de ventis egregiè scripsit, Francisc. Baronem de Verulamio Angliæ Cancellarium: & qui volet etiam Astrologos, quos tamen in assignandis ventorum virtutibus minus audiendos esse censeo.

Vento-
rum re-
gioa-
lium
virtu-
tes,

Quod spectat ad ventos regionales, Hippocr. 2. de diæt. rem paucis complexus est. Venti ex mari sicciore quodammodo sunt, ex nive, glacie, stagnis, fuminibus qui moderati sunt, juvant, humectant ac refrigerant, aërem expurgant, & purum spiritum animi veluti pabulum suggerunt: Si immoderati, lædunt, quod magnas mutationes calidi & frigidi corporibus afferant, præsertim in regionibus cavis, palustribus, & magnorum fluminum vicinis. Venti ex terra sicciore sunt quàm qui ab aqua; quoniam & à sole quotidie efficcantur, & à materia sicca elevantur. Qui à montibus, non ita sicci sunt, sed turbant corpora, qui à mineris multum sicci, sed maligni, qui à cloacis & speluncis, ut plurimum pestilentes, & sic de cæteris.

*De mutatione Aëris excitata à
Meteoris.*

M E M B. V.

Superius exposuimus aërem immutari vel à Scælo & syderibus, vel à terra & aqua interventu vaporum & exhalationum sursum ascendentium variaque meteora in aëre exstantium. De syderibus dictum, & de ventis qui inter meteora vehementissimas aëris mutationes

inferunt: sequitur ut breviter ostendamus quare ratione alia aëris meteora ipsum alterent aërem & immutent; quod ab omnibus Medicis video prætermisum.

Ex meteoris alia sunt ignea, alia aërea, alia aquea. Igneum si verè existat, & ut loquitur Aristot. de mundo κατ' ἐξοχάν, non apparenter & κατ' ἐμπαρ, est purum vel impurum. Purum fit ex fumo pingui, viscoso, partim tenui, partim crasso, levi, ac subtili, flammam & fulgorem, facile suscipienti; ex quo ab Aristot. 1. met. cap. 4. ἐκκαυμα vocatur. In hoc genere habentur faces ardentes seu candelæ ignitæ, Trabes seu columnæ pyramidales, ignesque perpendiculares, Bolides, sagittæ seu jacula, capræ saltantes seu stupæ accensæ, stellæ cadentes, ardentes lanceæ, dracones volantes, ignes fatui & lambentes & id generis alia, quæ caliditates siccitatesque aëris immoderatas ejusdemque corruptelam inferunt cum ratione materiæ, tum ratione motus. Eorum enim omnium materia, fumus est quem Aristot. 1. meteo. cap. 3. vocat ἀκαθάρματα θερμὴ καὶ ξηρὰν evaporationem calidam-siccam quæ sit potentia ignis. Quod ergo calida & sicca existat, ac præterea inflammabilis quo loco excitatur, aërem excalefacit, desiccatur, inflammat. exacuit; motus quoque ejus materiæ exustæ vehementer aerem commovet & immutat, dum enim huc & illuc agitur in aëre, attritu suo rarefacit aërem, attenuat, atque adeo calefacit ac inflammat. Quod si præterea malignæ aliquid ac putrescentis auri admistum materiæ illi fuerit, putredinē quoque aëris atque corruptelam infert. Ergo prædicta meteora, æstus, calores, siccitates, tempestates, fulgura, ventos, corruptelas in aëre ex-

Meteororum
divi-
sio.

Ignita
meteororum
genera.

**Ignea
metro-
ra im-
pura.**

**Cometæ
na-
tura.**

citant, quæ postea diversos morbos in hominum corpora inducunt.

Impurum meteorum igneum eandem agnoscit materiam sed fœculentiorem, impuriorem, pinguiorem, ex fumo & vapore mistam; sic ut in ea materies partim calida, partim frigida, partim humida, partim sicca existat, lenta præterea, viscosa, tenax, terrestris & arctè compacta, pinguis, bituminosa adeoque metallaris ac sulphurea multisque nitrosis spiritibus turgens. Ad hoc genus meteori revocantur Cometa & fulmen. De fulmine non est difficultas, sed de cometa magnus est dissensus: alii enim eum inter meteora constituunt alii inter stellas; nusquam major de ullare controversia & adhuc sub iudice lis est. Legendi Thomas Erastus, Marcellus Squarcialupus, Simon Gryneus, Thomas Fienus, Libertus Fromondus, Carolus Piso. Ticho Braheus, Cornelius Gemma, Keplerus, Michael Mestlinus, Hagecius ab Hayck. Franciscus Aguilonius, And. Libavius & alii qui ex professo de Cometis scripserunt. Ergo ut non possum subscribere illis qui inter stellas Cometam reponunt, sic non possum suffragari iis qui eum in suprema æris regione collocant, existimo enim eum generari in cælo, exhalationibus terrenis illuc evectis, à luminibus radiisque stellarum refractis atque reflexis, lucem & splendorem assumentibus. Quo quidem supposito, non arbitror cum quibusdam neotericis à cometis ærem non alterari, imo vero fieri non posse credo, ut ratione materiæ & motus Cometæ, ær non immutetur à cometa, multo etiam vehementius quam à meteoris ignitis puris supra enumeratis, maximè cum cometæ materia copiosior sit, deterior ac impurior, ejus mo-

tus vehementior ac diuturnior, situs elatior; quod signum est magnæ caliditatis: nunquam enim modicus calor tantam materiam ex terra resolvere sursumque educere posset. Itaque eisdem effectus Cometa producit qui passim ab omnibus auctoribus referuntur, ut sunt siccitates, pestis, fames, bella, mutationes regnorum & rerum publicarum, venti, terræmotus, sterilitates, diluvia, æstus & ardores, ob rationes quas afferunt Mar. Frytschius in methodo meteororum, Barrientus in Cometarum explicatione atque prædictione, & Bartholom. Kekerman systemat. physici lib. 6. Aliud meteorum ignitum impurum, est tonitru, coruscatio, fulmen; quæ omnia sic inter se distinguuntur ut tonitru sit fragor editus ex disruptione nubis, à terrendo dictum ut vult Isidorus: coruscatio, fulgetrum seu fulgur, sit exhalatio succensa ex frequenti agitatione instar stupæ quæ exitum querit, vel ut verbo dicam, exhalatio ignita per aërem sparsa in quo consumitur: Fulmen vero sit exhalatio velociter à nube expulsa & cum magno impetu versus terram detrusa. Ut ut sit, eorū omnium materia nō est diversa, exhalatio scilicet tenacior & pinguior, quæ intra nubem ex vapore factam continetur. Ab his mirum in modum immutatur aer, quia confertim & violenter contingunt, movent, agitant, perturbant, incendunt, resolvunt, attenuant, cogunt, exprimunt, liquant & ut plurimum gravem foetidumque odorem imprimunt. Varios effectus fulminum nosse qui voluerit, consulat Conimbric. in lib. Meteor. Arist. Herlicium tractatu de fulmine, Garcæum, & Kekerman. disputatione extraordinaria de fulmine, & Venerab. Bedam lib. de tonitruis.

Comete effectus.

Differtur tonitru, coruscatio, fulmen.

Meteo-
ra aë-
rea.

Terre-
motus,
species.

Ad mereora aërea pertinent venti & terræmo-
tus. Quid venti in aërem possint, supra exposi-
tum, quid possit terræ motus exponendum. Est
vero tertremotus ruptura aut concussio seu tre-
mor terræ factus ab exhalatione interclusa & con-
tenta in visceribus ejusdem, quæ cum per angu-
stiores locum vel obstructum exire nequeat, ter-
ram quatit & pulsatur. Ejus duas species recenset
Aristoteles 2. meteor. cap. 8. *ῥυμόν καὶ σφυγμόν*,
tremorem & pulsus. Possidonius item duas; con-
cussionem, & inclinationem; Plinius lib. 2. cap.
79. quinque, inclinationem, ruinam sive casum,
hiatum, succussionem, sonum vel sibilum, &
tremorem; Senec. lib. 6. natur. quæst. cap. 2.
tres, concussionem, inclinationem, & tremorem:
alii quatuor, casum vel ruinam, agitationem seu
tremorem, hiatum, & exilitionem, quando
magnæ moles instar montis extra terram ege-
runtur, aut aliqua pars terræ subsidet. Raphaël
Volaterranus octo species ex Aristotele propo-
nit, *τρεμώδην* tremulum, *πυλμώδην*, commoventem
seu exilientem, *ἐπικλιντήν* inclinantem, *βεβήλω*
effringentem, *χασματίαν*, hiantem, *ρήκτιν* scin-
dentem, *ῥέων* impellentem, *μύκτιν* mugientem.
Sed ad rem nostram accommodatius erit terræ
motum dividere penes materiā ex qua excitatur,
nam cognita materie, quas impressiones in aëre
efficere possit terræmotus, deprehendemus. Ma-
teria illa aut simplex est aut mista: simplex, pu-
ra vel impura; puta spiritus est seu exhalatio ca-
lida-sicca elevata è locis atque cavis terræ beni-
gnis minimèque putrefactis. Impura sunt fumi
tetriac maligni, putridi & pestilentes, qui ex lo-
cis terræ impuris, fœtidis ac fœculentis eva-
porant. Mista materia est aqua aut ignis: aqua

cum diluvia ex terremotu accidunt; quod no- Aque
subter-
raneæ.
tavit Aristoteles, explicavit Seneca ex De-
moc. & Thalete, loco laudato cap. 6. 7. 8. &
20. & Virgil. forte an designavit 3. Aeneid. his
versibus.

Hæc loca v̄quondam & vastâ convulsa ruinâ
Dissiluisse ferunt Cum protinus utraque tellus
Vna foret, venit medio vi pontus & undis
Hesperium siculo latus abscidit, arvaque & urbes
Littore deductas angusto interluit æstu.

Ignis etiam subterraneus nonnunquam has
convulsiones terræ excitat; quod de Aetna idem Ignis
subter-
raneus.
Poëta observavit, demonstravit apud Senecam
Anaxagoras, rationibus confirmant Agricola
de ortu subter. Conimbricens. tract. de ignibus
subterraneis, & Thomas Lydiat egregia disqui-
sitione physiologica de origine fontium: quibus
quidem propositis nemo est qui faciliè non col-
ligat motuum terr. effectus varios in aerem; aliàs
enim tempestates, ventosque vehementes exci-
tant ob exhalationes continuò de terrâ exeuntes
& ascendentes; aliàs varia meteora producunt
quæ exhalationum naturam sequuntur, interdum
aeris corruptelam inferunt, unde pestes & morbi Pestis
ex ter-
ræ mo-
tu,
maligni. Abbas Sigibertus ex terræmotu quo
concussa est Burgundia ann. 1156. pestem, famem,
& insaniam excitatam narrat. Idem refert Greg.
Turonens. de terræ motu Burdegalam concu-
tiente, & Paul. Diacon. de terræ motu Palesti-
næ. Ut alia interim omittam quæ recensentur ab
Albert Magno lib. 3. meteor. tract. 2. cap. 17. &
18. Plutar. lib. 8. Sympos. quæst. 9. Kekerman
& Ludov. du Thoum. tractat. peculiari de terre-
motu; concludam cum Seneca c. 27. prædicti
lib. *Diximus solere post magnos terrarum motus*

pestilentiam fieri, nec id mirum, multa enim mor-
tiferi in alto latent. At aër ipse qui vel terrarum
culpa, vel pigritia & aeterna nocte torpescit, gravis
haurientibus est, vel corruptus internorum ignium
vitio, cum est longo situ emissus, purum hunc
liquidumque maculat ac polluit, insuetumque du-
centibus spiritum affert nova genera morborum. Quid
quod aqua inutiles, pestilentesque in abdito latent,
ut quas nunquam usus exerceat, nunquam aura libe-
rior verberet? Crassa itaque & gravi caligine sem-
piternaque tecta nihil nisi pestiferum in se & corpo-
ribus nostris contrarium habent. Aër quoque qui mix-
tus est illis, quique inter illas paludes jacet, cum emer-
sit, late vitium suum spargit & haurientes necat.
Lege totum caput 28.

Meteo-
ra a-
quea.

Meteora aquea, ut Pluvia, Ros, Pruina, Nix,
Grando, facultates quoque habent alterandi &
immutandi aëris. Eorum materia est nubes, quæ
prout est vel alba, vel nigra, vel rubra, vel viri-
dis, vel rufa, vel mista ex variis coloribus, vel
etiam ex benignis malignisque vaporibus con-
stans, diversos effectus promit. Quod ad Plu-
viam attinet, si continua est & diuturna, putre-
dinem aëris invehit, plurimosque morbos qui
enumerantur ab Hipp. aph. 16. lib. 3. tempesti-

Pluviæ
effe-
ctus.

Roris
facul-
tates
Pruinæ
noxæ.

va vero moderate humectat & temperat aërem
terramque irrigat & facundat. Ros levem
quamdam & moderatam humectationem aëri &
terræ affundit, serenitatemque ac salubritatem
affert, nisi copiosior & frequentior fuerit: talis
enim solet putrefacere, & vermiculos noxios
generare. Pruina, si credimus Bodino lib. 7.
theat. natur. nullum alium finem habet nisi no-
xium & damnosum, est enim dicta quasi peru-
rina quod penitus perurat & in cineres conver-

rat

tat gemmas vitium, & calamos aristarum nigro colore inficiat. Et re vera pruina plerumque fœtet, quod ex materia fœtida, hoc est ex commistione exhalationis calidæ cum vapore humido de paludibus & locis uliginosis elevato generetur. Hic tamen est distinguendum de pruina quæ accidit commoda tempestate ac propria, quæque alieno tempore ingruit, illa enim quia intus calorem concludit & in radices arborum agit, admodum ad fructificandum disponit, quin etiam insecta & vermiculos enecat, qui solent arborum fructuumque esse pernicioes: At quæ illegitimo tempore, ut Vere, cadit, flores & fructus sua frigiditate & siccitate exsiccat, arefacit & corrumpit. Nix aërem turbidum reddit & aliquantulum clarum, terram fœcundat atque calefacit, est enim ad instar lanei cujusdam velleris terram velut foventis & ejus poros occludentis. Grando quoque messi & fructibus ob duritiem lapideam, ante ejus casum magni & terribiles sonitus in aëre audiuntur propter exhalationum calidarum & siccarum pugnantiam, quæ sepe inclusæ vaporibus & è nubibus erumpere nitentes murmur & fragorem edunt.

Quædam
pruina
utilis,

Nivis
effecta.

Grando.

Meteor
ra ap-
paren-
tia.

Hæc sunt vera meteora quæ aërem immutant & alterant: supersunt apparentia, quæ Græcis φαινόμενα καὶ εἰσέματα vocantur, ut sunt Chasma, Halo, Parelus, Paraselene, Virga, Iris, quorum quoque virtutes & facultates essent explicandæ: Sed quia leviter alterare aërem solent, nec multum momenti in eis situm est ad dignoscendas aëris impressiones, idcirco à nobis omittuntur. Consulat qui velit meteororum scriptores, inter quos commendo Bartho-

De mutatione Aëris penes Zonas.

M E M B. VI.

QUod non solum aëris, sed hominum etiam
temperaciones juxta regionum & loco-
rum situm, aliæ atque aliæ sint, ut docet Gal.
lib. quod animi mores sequi. corp. temp. cap. 7.
idcirco operæ pretium est, quæ sint variæ aëris
mutationes pro regionum & locorum varietate
explicare. Sunt autem regiones vel indefinitæ
& innominatæ, vel finitæ & nomine proprio
designatæ. Ad indefinitas revoco Zonas, Cli-
mata, & mundi Cardines, qui certum aliquem
ac definitum locum non designant, sed diffitas ac
diversas regiones quæ proprio aliquo nomine ap-
pellantur. Finitæ vero & nominatæ, sunt orbis
partes majores, Asia, Africa, Europa, America
& in his regna ac Provinciæ sitæ: vel minores ut
civitates, oppida & in eis ædes extructæ atque
edificatæ, de quibus omnibus paucula subne-
ctam à Zonis exordiendo, & cætera proposito
ordine exequendo.

Regio-
num
divisio.

Zona est spatium globi terreni inclusum duob.
Zona
defini-
tio.

circulis minoribus, & præterea polis mundi. Cir-
culi minores sunt uterque Tropicus, Cancrī & Ca-
pricorni, & uterque circulus polaris, tam Arcti-
cus vel Septemtrionalis, quam Antarcticus vel Au-
stralis seu Meridionalis. Ex his quinque tantum
Zonæ colliguntur. Prior, Torrida quæ inter utrum-
que tropicum jacet: Temperatæ duæ, una Sep-
temtrionalis inter tropicum Cancrī & circulum

Zonæ
quin-
que.

VALETUDINE. 51

Arcticum sita, altera Meridionalis intra tropicum Capricorni & circulum Antarcticum posita; reliquæ duæ frigidæ dicuntur, quarum una intra circulum & polum Arcticum circumscripta, vocatur Borealis seu Septentrionalis; altera intra circulum & polum Antarcticum constituta, Meridionalis appellatur. Amplitudo Torridæ Zonæ est 47. graduum; tot enim gradibus invicem distant Tropici. Latitudo temperatarum est 43. graduum, quia tanta est distantia utriusque tropici ab utroque circulo polari. Frigidarum magnitudo est tantum 23. graduum cum semisse, quo spatium distant poli à suis circulis. Jam ergo Torridæ Zonæ regiones si veterum auctoritati subscribamus, incultæ propter Solis æstum atque inhabitatæ sunt, quæ fuit Arist. sententia lib. 2. meteor. cap. 5. attamen si ad experientiam provocemus, fatebimur nostra ætate in ea zona plurimas regiones esse habitatas & excultas. Nam Africa pars cui præest Prestjanes, Java major, Taprobana, seu Somatra, Molucæ, Burneo, Brasilia, Peruana, Caribana, Hispania nova, nova Guinea, & aliæ nonnullæ commodissimè incoluntur. Illic aër (quod miraberis) hyeme quidem modicè calidus-siccus & serenus est, æstate vero humidus, aquosus, & pluviosus, ut idcirco hæc zona nomine tenus torrida sit non reapse, sed temperata, fecunda, fertilis, aquis abundans, habitationi commoda ut probant Andr. Cæsalp. quæst. peripect. lib. 3. quæst. 8. Zanardus quæst. 48. de univers. elem. part. 3. Vicomercat in. lib. 2. meteor. Arist. & Joseph. Acoft. lib. 2. hist. Indic. cap. 9. 10. & 11. Cujus rei causas sex recensent Conimbri, comm. in lib. 2. de cælo c. 14. qu. 1. ar. 3. Prima est dierum & noctium equalitas, sic enim diurni ca-

Zona
torrida
habi-
tatur.

Cur
torrida
com-
modè
habite-
tur;

DE CONSERVANDA

loris spatia breviora fiunt, nocturnoque frigore diurnus calor infringitur: 2. imbrum assiduitas & pluviales venti: 3. subjectæ terræ habitudo & conditio: quarta, locorum situs vallibus & montibus distinctus: 5. Oceani vicinia: 6. ventorum tam statim quam extraordinariis temporibus leviter flantium aura, quæ cœli æstum temperat & mitigat. Quasdam alias rationes adducit Mag. Albertus de nat. locorum cap. 6. quas ibi lege. At vero regiones in zona temperata Septemtrionali positæ, qualis est anterior Africæ pars, ea scilicet quæ nos versum spectat ad Atlantem usque; Europa universa usque ad insulas Arcticas; magna Asiæ pars, Florida, nova Francia, temperato aëre ac cœlo fruuntur salubri, clementi & innoxio, amœnitate, maxima incolarum frequentia, temperatura insignes, soli fertilitate, frugum, arborum, plantarum, omnis generis animalium, rerum denique omnium copia & multitudine sælices. Regiones tamen Tropico canceri vicinæ vehementius calent, ut Hispania: quæ accedunt ad circum Arcticum, paulò frigidiores existunt; Regionem autem zonæ temperatæ Meridionalis, ut est Java minor, portio insulæ S. Laurentii, Patagonum & Antropophagorum regio, & aliæ non usque adeò adhuc cognitæ, ejusdem sunt conditionis cum prædictis.

**Zona
nostra
tempe-
rata.**

**Zonæ
frigide
consti-
tutio.**

Zonæ frigidæ Septemtrionalis regiones, ut Grinlaudia, Pinmarchia, Norvegiæ & Tartariæ pars, aërem habent admodum frigidum & rigidum, solum parum ferax; quemadmodum etiam regiones, si quæ sunt, zonæ frigidæ Australis; necdum enim tractus ille nobis innotuit.

Cæterum non indigna est scitu quæ stio de zonis proposita, ultra temperatior & ad inhabitandum

commodior existat. Veteres quidem Torridam & duas frigidas intemperatas & incultas credidere, imo & eam quæ Temperata Meridionalis vocatur, licet hanc habitari posse concederent, quæ sententia est Arist. 2. meteor. Ptolem. habitari posse torridam zonam putavit, habitationem enim

Zonarum
quæ sit
tempe-
rari si-
ma,

ultra Aequinoctialem circulum per sexdecim gradus descripsit, quamvis eam incommodam & intemperatam arbitraretur. Ex veteribus Eratosthenes ac Polybius, si Straboni credimus lib. 2. Geog. opinati sunt commodiorem habitationem esse sub Aequinoctiali, quod & ipsum confirmavit Avicenna. in quem acriter insurrexit pro Arist. Averroes cap. 2. in lib. 2. meteor. Pro Avicenna pugnant Bonavent. & Durandus secund. sentent. distinct.

17. aliique non pauci, qui Paradisum terrestrem sub Aequinoctiali velut in loco temperatissimo atque saluberrimo collocant, ut expositum habetur apud Pererium tom. 1. Exod. lib. 3. quæst. 3. & apud Maurolycum sect. 2. Dial. 2. cosmographiæ. Horum omnium rationes fusè admodum explicavit Joan. Bapt. Capuan. tract. 2. quæstionum in sphaeram Jo. de Sacro Bosco pag. 55. quibus tamen assentiri non potest, quod se experientia destitutum dicat. Nos recentiorum navigationibus prudentiores facti atque doctiores, zonam torridam alicubi commodè habitari, alicubi minus commodè coli scimus. Nam tota regio Abyssinorum, Monomotapa, insula S. Thomæ & de Capite-viridi ardore Solis peruruntur; contra regio Americana, Taprobana, & Peruana plerisque in locis temperatæ sunt, & ut verbo dicam, Mediterraneæ regiones ob sterilitatem, terræ ariditatem & aquarum inopiam, incommodè habitantur, maritimæ minus. Et certè temperies

Paradisus ter-
restris
ubi sit-
tus.

Torrida non
ubique
intem-
perata.

vel intemperies loci alicujus non tantum ex vicinia solis, sed ex aliis causis pender, frequentia nimirum vel raritate horum & illorum ventorum, copia vel inopia aquarum seu terrestrium seu pluvialium, situ regionis particulari, elato, depresso, vel denique ex vicinitate aut longinquitate maris. De quibus fusius in sequentibus.

De mutatione Aëris penes Climata.

M E M B. VII.

Clima
quid
sit.

ENimvero quia Zonarum amplitudo est maxima, multorum scilicet graduum & plurimorum milliarium, intra quod spatium diversæ moribus & temperamentis nationes degunt, apud quas variæ aëris observari mutationes solent: Idcirco Clima excogitatum est, quod latitudinis esset angustioris paucioresque aëris mutationes contineret. Est autem Clima spatium lobi terreni comprehensum inter duos parallelos versus eundem polum, ab Æquatore distantes regiones ab invicem determinans semihora diei, sic ut singulæ regiones intra unumquodque clima comprehensæ longissimum diem æstatis, brevior vel longior obtineant tota dimidiata hora. Exempli grat. regiones secundi climatis diem æstatis habent longior dimidia hora quàm regiones primi; regiones tertii longior diem semihora quàm regiones secundi; regiones quarti longior quoque horæ semisse quàm regiones tertii & sic deinceps. Ubi tamen climata magis accedunt ad polos mundi,

VALETUDINE.

55

dies longiores sunt non solum semihora, sed primo hora integra, deinde die toto, mox pluculis diebus, tandem mense integro, ac denique sex totis mensibus: qui enim sub polis habitant annum habent uno die & una nocte constantem; sed dies & nox illa sunt sex mensium integrorum. Porro ad climata constituenda 1. supponendum est 90. esse gradus ab Aequinoctiali circulo usque ad utrumque polum. 2. per unumquemque gradum duci posse circulum parallelum, sed vitanda confusionis gratia ea intercapedine hodie parallelos describi, ut ubi dies per quartam horæ partem crescit & decrescit, novus parallelus ponatur: sicut dies paralleli unius, longissima, alterius paralleli diem quarta horæ parte superet. 3. quodlibet clima constitui tribus parallelis circulis, quorum tamen tertius sit semper principium sequentis climatis. 4. parallelos non designari à nobis nisi ad 66. gradum & 31. scrupulum usque, cum ultra hanc latitudinem non quartis horæ partibus dies maxima augeatur, sed integris horis, dieb. & mensibus, in quo doctrinam sequimur Erasmi, Reinoldi & ejus discipuli Gasparis Peuceri in elementis Astronomicis. 5. & ultimo primum parallelum esse in circulo Aequinoctiali. Quibus quidem constitutis patet à Geograph. recentioribus 48. tantum aut 46. parallelos poni, & 23. vel 24. climata utrinque cum versus polum arcticum, tum polum antarcticum versus; licet veteres Geograph. septem tantum climata agnoscerent, Ptolomæus vel novem, vel quindecim. Primum clima Septentrionale veteribus vocatur est *στὰ μέσην*, per Meroem quæ est insula Nili quæ medium primi climatis transit: at recentioribus primum clima innominatum est vel certè dicitur

Dies
unus
sex
men-
sium.

Num-
rus cli-
matū.

duci per sinum maris rubri Arabicum, inter secundum & tertium parallelum, ubi dies longissima est horarum duodecim cum semisse; elevatio poli octo graduum & triginta quatuor scrupulorum. Secundum clima est per Meroem quod fuit ut dixi primum veterum. Tertium est per Siensem sub tropico cancri, quod fuit secundum clima veterum: ubi dies longissimus est tredecim horarum & quadraginta quinque minutorum, elevatio poli viginti septem graduum & triginta sex scrupulorum. Quartum, quod erat tertium veterum, ducitur per Alexandriam: ubi dies longissimus est horarum quatuordecim cum quarta horæ parte; elevatio poli 33. graduum & 45. minutorum. Quintum, id est, quartum veterum, transit per Rhodum & Babylonem; ubi dies longissimus est 14. horarum & 45. minutorum, elevatio poli 39. graduum & duorum scrupulorum. Sextum, hoc est quintum veterum, est per Romam, Corsicam, & Hellespontum; ubi dies longissimus est 15. horarum & 15. minutorum, elevatio poli 43. graduum & 32. scrupulorum. Septimum, seu sextum veterum per Venetias & Mediolanum, ubi dies longissimus est horarum 15. & 45. minutorum; elevatio poli 47. graduum & 20. scrupulorum. Cætera non recenseo ex Geograph. repetenda, qui totidem climata Australia constituunt & ab istis distinguunt per præpositionem Græcam *ἀντι*, per quam significant Australia climata opposita esse borealibus.

Quod-
nam
clima
tempe-
ratissi-
mum.

Quod ad rem nostram attinet, quero quodnam sit clima temperatissimum; nam eo cognito Zonarum habebimus habitationem commodiorem, & aëris omnium regionum temperatissimi. Equidem præterquam quod res ipsa ex-

plicatu difficilis est, multo evasit difficilior liti-
gantium auctorum discordia, quorum singuli
amore patrię excęcati nullis argumentis, nullis ar-
tibus pepercerunt, ut patriam suam velut omnium
temperatissimam, ac nobilissimam convincerent.
Galenus quidem comm. ad aph. 14. sect. 3. pro
Gnido & Coö Hippocratis patria, hoc est pro
quarto climate stetit: Averroes loco supra lau-
dato, pro quarto & quinto contra Avicennam pu-
gnavit; & lib. 2. sui Collig. pro quinto solum:
Menardus ep. prima lib. 7. pro Ferraria, hoc est
pro sexto climate: Federicus Bonaventura lib. 4.
de octimest. partu cap. 34. & 35. pro Urbino,
Arist. 7. polit. cap. 7. pro Gręcia, Plato in Ti-
mæo pro Athenis, Thomas de Neris pro Tybu-
re, Cardanus pro Mediolano; alii pro Italia, pro
Hispania, pro Gallia, prout quisque patrię sensu
ducitur, cujus fumum alieno igne luculentiorē
prodidit Lucianus extremo encomio patrię. Galē.
quidem clima quartum in quo est Coö & Gnīdus
omnium esse temperatissimum voluit, quod esset
aliorum medium, & quod loca in eo posita non
multum accederent ad Aquilonem vel Austrum.
Sed Gal. quartum clima quod per Rhodum du-
citur medium posuit, quia suo tempore septem
tantum climata constituebantur: at illud clima
nobis jam est quintum ex viginti quatuor clima-
tibus, ut ea ratione Galeni sententia omnino non
sit audienda. Cęteri etiam nonnullis utuntur
argumentis, sed parum firmis ac validis, quę id-
circo prætermitto fundamento tuto magis ac
magis securo innixus. Certissimum est eas re-
giones quę medię sunt inter extremum frigus
& fervorem extremum, temperatories esse, velut
in quadam mediocritate constitutas; quod hoc

uno argumento probatur; quoniam in illis regionibus anni tempora suam constitutionem servant; ver temperatum est, æstas ob viciniam solis calida, autumnus frigidiusculus; hyems denique propter recessum solis admodum frigida, quæ ratiocinatio ex Hippocr. & Galeno defumpta est. At ubi est elevatio poli quadraginta quinque graduum, ibi regiones sunt exacte mediæ inter locum extremi fervoris, & locum extremæ frigiditatis. Etenim siue medium locum accipias, qui est inter circulum æquinoctialem, ubi sol æstuat, & polum ubi gelidissimum est cælum, siue eum qui est inter Tropicum Cancræ & circulum Arcticum, illic medietas erit constituenda: nam ab Aequinoctiali ad polum sunt 90. gradus; à Tropico ad circulum polarem 43. medium autem 90. graduum sunt 45. medium 43. sunt 21. cum semisse, in quem locum incidit elevatio poli 45. graduum. Præterea in illis regionibus sub 45. gradu positæ habentur anni temperatae admodum distinctæ & minimè omnium intemperatae, quemadmodum observare est in Galliæ, Italiæ, Hungariæ, Asiæ partibus plerisque, in quibus adest quidem tempestatum vicissitudo, sed moderata & sine magno ullo excessu, erit itaque illis in locis temperatissimum clima constituendum. Tale vero clima ex nostra supputatione est septimum, quod transit per Venetias & Mediolanum inter duodecimum & decimum quartum parallelum, ubi dies longissimus æstatis est horarum quindecim & 45. minutorum, elevatio polaris à quadagesimo tertio gradu ad quadagesimum septimum usque & paulò amplius. Reliqua climata, prout accedunt magis ad polum, magis sunt in frigiditate *δυσμετέωρα* & intemperata;

Septi-
mum
clima
tempe-
ratissi-
mum.

quo magis ad Aequinoctialem circulum vergunt,
in calore & æstu magis excedunt.

Porro ut hæc veritas dilucidior evadat, tria sunt
animadvertenda. Primum est, quid per tempera-
mentum optimum sit intelligendum. Secundum,
quomodo clima istud cum longas hyemes habeat
temperatius dici possit. Tertium continebit quos-
dam diorismos conclusioni nostræ inservientes.
Quod attinet ad primum, observandum ex Hip-
pocr. lib. de aëre, locis & aquis & ex Aristot. 7.
Polit. cap. 7. Asiæ populos admodum tempera-
tos esse & corporis dotibus præcellentes, miti ta-
men & servili ingenio, Græcos vero regali &
imperioso: ex quo exurgit difficultas quomodo
differat bonum temperamentum Asiæ à bono
temperamento Græciæ. Hanc difficultatem fufif-
simè absolvit Frederic. Bonavent. de octimes.
partulib. 4. cap. 18. ubi bonum temperamentum
ex Hippocr. & Aristot. duplex statuit. Primum in
quo est æquilibrium caloris & frigiditatis, siccita-
tis & humiditatis, sic ut nullam ferè mutationem
perpetiatur: quod temperamentum ad fœcundi-
tatem, magnitudinem, pulchritudinemque cor-
porum conducit, quale est Asianum. Alterum di-
citur de eo quod caloris frigiditatisque vicissitu-
dines admittit magnas, crebras, non tamen om-
nino excedentes si ad tempestates extrema-
rum regionum comparaveris, quarum ratione ha-
beri potest temperatum & moderatum, licet in-
temperatum sit habita ratione prioris illius in
quo nec ullus est excessus nec mutatio: tale au-
tem est Græcum illud, ad animi mentisque ex-
cellentiam admodum conferens. His animadver-
sis dico, nos optimum climatis septimi tempera-
mentum primo modo non usurpare; sed posteriori,

Tem-
pera-
mentū
opti-
mū du-
plex.

70 DE CONSERVANDA

quod ex Gal. lib. quod animi mores seq. temp. corp. deducimus; ubi ille hæc habet. *Quis enim non cernit omnes homines sub Septemtrionibus degentes, corpore & animo prorsus contrariè affectos iis qui torridam prope habitant zonam? Aut quis nescit, qui inter hos medii regionem benè temperatam colunt, & corpore esse, & moribus animi, ingenii fœlicitate & prudentia illis hominibus præstantiores? Vide Aristot. probl. primo sect. 14. & ejus Comment. Septalium, necnon Jacob. Forojulien. quæst. 8. in Avicen.*

Obje-
ctio
dissol-
vitur.

Secunda observatio continet objectionem quam movet Septalius in comment. ad prædictum problema. Ibi enim reprehendit Cardanum quod temperatissimam regionem sub gradu 45. collocarit; cum illa regio, veluti magnis algoribus oppressa extremarum alteri, nempe frigidissimæ, sit adjudicanda; quod frigoris in ea excessus calori dominetur. Cui profecto objectioni sic respondendum censeo, frigus illarum regionum salubritati & valetudini incolarum admodum prodesse. Nam ut observat Theophr. libr. secundò de causis plant. cap. 4. Aquilonia constitutio, hoc est frigida-sicca, plantis cum quibus magna est homini analogia, omnino semper commodior est calida-humida constitutione: ejus enim beneficio plantæ amplius humore sibi oblato potiuntur, reddunturque firmiores, supervacaneus deinde humor detrahitur atque assicatur & ut ait Scaliger comm. in eum locum, *demitur de difficultate concoctionis, exusta materia portione.* Notat præterea Hippoc. lib. de aër. loc. & aq. incolas regionum quas venti frigidi & sicci afflant, diuturnioris esse vitæ quam alios, externa enim illa

frigiditate cogitur intro calor ac augetur; quo fit ut nec congelari nec extinguī possit, tum quia copiosus est, tum quia excrementitios humores non cumulat. In summum, quemadmodum coctio ventriculi frigore ambientī iuvatur, ex Hippocr. primo aphorif. sic & vita cuius propria actio est *πρὸς*. Rem hanc confirmat Aristot. probl. 8. & 16. sect. 14. ubi magna animalia generari in regionibus frigidis docet; quod insito calore abundant, qui est vehemens augendi principium; hominesque illic fortes produci & animosos quod sua concalescant natura, exteriori enim frigore caro densatur, cuius densitate calor colligi intus potest. Vide Petrum Aponens. & Ludov. Septalium in comment. probl. 8. Scio quid obtrudi soleat ex Aristot. de longitudine vitæ eorum qui calidas regiones incolunt, sed cum suspecta sit ea sententia viris doctioribus, multasque difficultates involvat, his tricis me non implico. Consuli poterit idem Septalius loco laudato & comment. secundo in lib. Hippocr. de aëre, locis & aq. nec non Federic. Bonavent. doctissimo opere de octimest. partu, ubi multa ex Plinio, Vitruvio, Ptolom. Cardano, Bodino in hanc rem congerit. Ex his concludo septimum clima temperatum esse; vel eo maximè quod ventis Aquiloniis affletur, non quidem extremè sed moderatè frigidis & siccis qui putredini obfistunt. Restat tertia animadversio sine qua aliæ vix subsisterent. Nostram enim conclusionem de temperatiori climate nolumus sine diorismis intelligi, ut videlicet præter generalem hanc locorum positionem, uniuscujusque regionis situs proprius semper

Dioris.
mi nō-
nulli.

62 DE CONSERVANDA

consideretur : Etenim ratione montium , con-
vallium , maris , fluviorum , paludum , venti ali-
cujus ἐπιτομία & aliarum ejusmodi circumstan-
tiarum , loca quæ propter æqualem distan-
tiam poli & circuli Æquinoctialis temperatiora
esse deberent , fiunt interdum minus tempera-
ta & insalubria. Idcirco Gal. comm. ad aph.
14. sect. 3. ait loca Ægypti & Lybiæ calida esse
& sicca , exceptis iis quæ mari adjacent ; po-
tior enim est particularis conditio loci quam
generalis , quemadmodum causa particularis &
conjuncta efficacior est , quam remota & uni-
versalis. Quo argumento auctoritati Galeni sa-
tisfit , quartum clima temperatum statuentis :
certum enim est eum ex temperamento aliquot
locorum in illo climate positorum idem de toto
climate cōjectasse & pronuntiasse. Sunt enim Coo
& Gnidus temperatissimæ & ex 2. salubribus Æsta-
te & Hyeme optime constitutæ multoque magis
Vere & Autumno , non ratione climatis seu posi-
tionis generalis , sed ratione situs proprii & indi-
vidui , nam aliæ regiones climatis illius admo-
dū sunt intemperatæ ut ante me monuit Brasavol.
comm. ad prædictum aph. Ceterum Cichus Æs-
culanus com. in cap. 3. spheræ Jo. de Sacro Bos-
co , non tantum Astrologicè sed Necromanticè cli-
ma accipit post Zoroastrem pro admirandis vide-
licet quæ cum carne mortuorum & humano san-
guine fideliora dant responsa. Quod attinet ad
climata Astrologica , septem cum Priscis admittit ;
quorum singulis dominantem aliquem planetam
tribuit , cujus naturam atque conditionem sequan-
tur. Primo quidem climati Saturnum , secundo Jo-
vem , tertio Martem , quarto Solem , quinto Vene-

Gal.
expli-
catur.

Et Car.
dan.
con-
trad.
lib. 1.
tract. 1.
con-
trad. 9.
Chi-
chi de-
liria.

rem, sexto Mercurium, septimo Lunam, sed nemo nisi delirus has nugas & deliria admittet, quæ explicantur nihilominus ab Haly de judiciis astrorum part. 8. cap. 34 & 36.

De regionibus mundi Cardinalibus.

MEMB. VIII.

Geographorum propria fuit observatio locorum penes Zonas & Climata: Medici vero ad Captum vulgarium hominum sese accommodantes maluerunt regiones considerare juxta solis ortum & occasum, Meridiem & Septentrionem, quæ loca mundi dicuntur Cardines, quod terrarum orbis iis veluti contineatur & vertatur cardinibus. Ab iis regionum aliæ Orientales, aliæ Occidentales seu occidentæ, aliæ Septentrionales ac Boreales, aliæ Meridionales & Austrinæ nominantur. Quarum quidem temperamenta investigare qui voluerit, ab Hippoc. vestigiis non est quod recedat. Is enim lib. de aër. loc. & aq. rem totam ita digessit ut dubitandi nullus sit relictus locus Notandum tamen est eum ubi Orientalem locum, Occident. Septent. vel Meridionalem vocat, non tam rationem habere loci versus cardines illos positi, quam ejus qui ventis illinc flantibus exponitur. Scio Cichum Aesculanum comm. in sphaeram post vulgus Astrologorum vocare regionem Septentrionalem aut Meridionalem ratione signi sub quo fuit ædificata; ex quo colligit quasdam esse regiones Septentrionales in Australib⁹, & Australes in Septentrionalibus, additque hanc esse rationem cur in

Quid
sit lo-
cus O-
rienta-
lis.

una civitate eodem anno grassentur pestis, fames, & terræ motus, in alia civitate vicina sit gentium salus, fertilitas & quies. Sic docet Galeot-Martius lib. de doctrina promisc. c. 3. Romam pro signo habuisse leonem, quod primus lapis iactus sit pro fundatione illius urbis cum leo ascendebat, hoc est horoscopabat Illudque signum totius fuisse Italiæ, quod ager sequatur fatum urbis suæ quamvis Libram Italiæ signum prius fuisse observet post Manil. 4. astronom.

Hesperiam sua Libra tenet, qua condita Roma;
Et propriis frænâ pendentem nurbus orbem,
Orbis & imperium retinet.

Sed his missis & ad Astrologicæ vanitatis studiosos relegatis, dicamus Orientales regiones hoc est ad ventos Orientales sitas, salubriores esse aliis omnibus: sunt enim temperatæ mediocriter, aquas habent limpidas & splendentes, odoratas, molles, coloratos & floridos incolas, λαμπροφώνους, hoc est clara voce præditos, promptos, ingeniosos, morbis paucioribus & mitioribus obnoxios; mulieres denique σεόδες, ἐναεικύνους, admodum fœcundas & facîle parientes. Illis oppositæ Occidentales, morbosissimæ sunt, aquis præditæ minimè pellucidis sed turbidioribus, inquilinos alunt καὶ ἀχρόους καὶ ἀρρώστους, decolores & infirmos, βαρυφώνους καὶ βεγγυχόδους, gravi voce & rauca. Et vero Meridionales turgent aquis multis subfalsis, sublimibus; & ut loquitur Hippocr. πολλοῖς ὑφάλοις μετρώεσι: sic enim legendum puto, excludendo particulam negativam μή; sic ut sublimes aquæ sint quæ ex profundis locis minimè scaturiunt, sed ex imbribus colliguntur: incolas ferunt capite humido & pituitoso, alvi profluvio obnoxios, imbecilloſ, nec edaces nec bibaces,

Orientalis regio.

Occidentalis.

Meridionalis.

Septē-
triona-
lis.

bibaces, ad infinitos denique morbos proclives; Septemtrionales aquas habent crudas & frigidas, homines alunt siccos, robustos, edaces, longævovos, agrestes, proceros, quibus ventres inferiores duri sunt & ἀπέγαντοι, superiores fluidi & biliosi, capita sana & dura, & aliæ dotes ab Hippocrate loco citato enumeratæ. Ex dictis exurgit quæstio non de Septemtrionali & Meridionali regione, quarum illam frigidam esse & siccam & sanam, hanc calidam, humidam & morbosam nemo hactenus dubitavit, sed de Orientali & Occidentali, utra illarum calidior sit & salubrior. Jul. Scaliger exerc. in Cardanum 99. contendit caliditatis non plus inesse Orientalibus terris quam Occidentalibus, rationibus satis frigidis. Alexand. Aphrodis. & Averroes comm. in lib. 2. meteor. calidiores statuunt Orientales, etiam tam levibus argumentis & inanibus, ut ea referre pigeat. Potior esse videtur ratio August. Niphi comm. in eundem lib. qui difficultatem eam sic solvit. *Aut, inquit, loquimur de ortu & occasu terra habitabilis simpliciter, aut in respectu: si in respectu, res patet; pars enim quæ nobis est ad Orientem, calidior est parte quæ est ad Occidentem, quoniam Sol oriens diutius supra nos stat quam occidens. Sol enim nobis oriens calefacit Orientem nostrum duabus horis antequam ariatur, sex autem post ortum, igitur horis octo: nobis autem occidens sex tantum, quia postquam à Meridie declinavit, sex horis est nobis supra terram, duabus vero sub terra, at cum in illis duabus sit à nobis valde remotus, minus ideo est calefaciens. Sin autem loquamur de ortu simpliciter, dico quod Sol oriens ad partem orientalem magis est calidus quam occidens ad par-*

Verum
regio
Orientalis sit
calidior
Occidentali.

tem occidentalem. Hujus causa est, quia Sol ad orientalem partem proprietatem habet ut Luna ad occidentalem, observatione enim patuit Lunam movere gemas & maria occidentalia, & non ob aliud, nisi quia in regione illa proprietatem habet, & nulla alia causa reddi potest nisi quia Luna est Luna & occidentalis, regio est occidentalis, pariter quia Sol est Sol & orientalis regio est orientalis. Sed potest meo iudicio præter occultam illam causam manifesta hæc adduci, quod Sol oriens multas humiditates & vapores excitet, quos quia viget dissolvit, eos autem quos secum toto die rapit nec dissolvit, quosque rursus in occidentali parte suscitatur, quia occultatur, insolutos deferat; unde frigiditas & humiditas regioni accedit. Addo quoque quod longè plures in occidentali parte excitantur vapores frigidiusculi quam in Oriente; quia longè plura & majora maria in Occidente quam in Oriente, ut Gerardi Mercatoris, Abrahami Ortelii & Judoci Hondii tabulas Geographicas legenti patebit. Huic quæstioni affinis est alia quam proponit Bartholomæus Sybilla speculi peregrinarum quæstionum 1. decadis cap. 3. quæstione 4. ad 7. Quæ sit regio salubrior, gratior & eligibilior, an regio Orientalis quæ est infidelium, an Occidentalis quæ est Christianorum: Quæstionem illam in utramque partem sic ventilavit, sic universa argumenta digessit, ut ad elucidationem nihil me habere libenter profiteat. Rerum bonarum ut suavium eduliorum tandem satias est. Qui hujus cibi avidiores sunt, Jo. Bodinum contreraneum meum adeant methodo sua ad facilem Historiarum cognitionem. Is enim procul dubio cap. 5. vel ipsos famelicos explebit.

An Orientalis regio salubrior Occidentali

De

EX r

alix a

majore

ca, An

gna, R

giones

domini

dum est

Prim

Europa

ridie M

Atlant

ciali re

& duo

nis pol

que ter

arcticu

mundi

statuun

etuum

disciun

artium

tione,

commu

Verum

alia sui

omnia

homine

nora p

De Orbis partibus, Regnis & Provinciis.

M E M B. IX,

EX regionibus quas diximus finitas esse & proprio nomine designarialiæ, naturales sunt, aliæ artificiales. Inter naturales reponimus majores Orbis partes, ut sunt Europa, Asia, Africa, America, Magellanica; & minores, ut Regna, Regnorumque Provinciæ. Artificiales regiones sunt civitates, oppida, & in eis extructa domicilia, de quibus aliquid sigillatim delibandum est.

Prima Orbis pars major quam incolimus, est Europa, ab Oriente mari Ægeo & Euxino, à Meridie Mediterraneo & Gaditano, ab Occidente Atlantico, à Septentrione Hyperboreo seu glaciâsi terminata. Jacet autem inter quintum & duodecimum clima! hoc est ab elevationis polaris 33. gradu cum semisse ad gradum usque fere 60. inter tropicum cancri & circulum arcticum. Eam omnes Cosmographi cæteris mundi partibus nobiliorem, præstantioremque statuunt fertilitate & fœlicitate agrorum, fructuum ubertate, aëris temperie & clementia, disciplina, institutis & moribus, mechanicarum artium studio ac varietate, liberalium cognitione, omnium denique rerum ad usum vitæ communem comparatarum multitudine & copia. Verum Hippocr. lib. de aëre, loc. & aquis in alia fuit sententia: pulchriora enim & majora omnia in Asia nasci scripsit quam in Europa, homines Asianos benigniores & cultiores, pleniora pecora quæ pariant sæpius & pulcherrimè

Euro-
pæ no-
bilitas.

educantur; elegantiores esse incolas, magnitudinis eximiae, minimæque, quantum ad formam & corporum proceritatem attinet, inter se differentes: denique partem eam mundi proximè accedere ad naturam & mediocritatem anni temporum: agnovit tamen virilitatem, laborum tolerantiam atque audaciam, Asianis deesse, sed adesse voluptatem & effœminatam naturam. Quod ad Europam spectat, Hip. eam multis & omnimodis aëris transmutationibus obnoxiam dicit; Incolas ob id plurimum inter se dissidentes & forma & magnitudine; feros, audaces, magnanimos, bellicosos, parumque mansuetos.

Notanda circa Europam & Asiam.

Asia quatenus salubrior Europa.

Enimvero priusquam de Europæ & Asiæ temperamento quicquam definiamus, notandum est 1. ex Hip. non haberi ubique per totam Asiam & Europam omnia secundum eundem modum tam ratione situs universalis quam particularis: quæ enim parte ad Zonam torridam magis accedunt, æstuosissimæ sunt; quæ parte magis ad Zonam frigidam, gelidissimæ: sic ratione situs particularis Asiæ pars Australis & irrigua, tum propter multos imbres, tum propter nivem, fertilissima est ac temperatissima; quæ vero palustris est, ut Phasiana, infœcunda est & insalubris. Observandum secundò Asiam & Europam invicem comparari vel universim, vel secundum potiores partes. Tertio eam comparisonem inter eas institui, aut penes naturales dotes omnes vel aliquas, aut penes acquisitas. Quod ad primum attinet, existimamus Asiæ situm universalem deteriore esse Europæo; tum quod Asia latius ad Zonam torridam propageretur, pene usque ad Aequinoctialem videlicet; tum quia ad Zonam usque frigidam longissimè extendatur; nempe fere ad septuagesimum

elevationis polaris gradum. At ratione situs particularis, cum Hip. admittimus quadam sui parte Asiam salubrius sitam quam sit Europa. Sic, ut dixi, pars ejus Australis & irrigua quia in medio calidi & frigidi sita est ob imbres multos & nivē, fertilissima existit ac saluberrima : atque pars ea videtur esse in eo climate quod temperatissimum constituimus; nam eam partem interpretatur Septalius comm. in eum Hip. locum *frigidiorē regionem Asia, magis nempe proximam Europa & boreali parti*. Quod ad secundum spectat, certum est Asiam ob rationes allatas multo intemperatiorē Europa, ejusque partes tēperatas pauciores esse quā sint partes Europæ temperatæ, quod singulas regiones Asiæ & Europæ expendenti & æstimanti erit manifestum. Ad tertium deniq; quod pertinet, universas Europæ dotes naturales & acquisitas præferimus Asiæ dotibus : quasdā tamen virtutes naturales Asiæ potiores & præstantiores dotib⁹ Europæ agnoscimus. Sic in Alia aromata, gemmæ, metalla, plura & meliora sunt quā in Europa, de ceteris secus est censendum ut videre est apud Plin. lib. 37. natu. hist. cap. ult. Quæ contra ista afferri solent ex Petro Comestore de benignitate solis & salubriori cœlorū influxu in Asiam, de fertilitate terræ promissionis Judæorū, partim ut vana reiicimus, partim cum Barthol. Sybilla dicimus benedictionem antiquæ terræ promissionis Judæorum translatam fuisse per Christum ad populum Christianum occidentalem. Cetera de Africa, America & Magellanica explicata habentur apud Gerard. Mercat. Ortelium, Bertium, Gringum, Nigrum & eos omnes qui de peregrinationibus & navigationibus in Americam scripserunt : si quis enim ut ait Hippoc. de om-

Europa
melior
Asia.

nibus dicere vellet, in immensum excresceret sermo.

Euro-
pæ di-
visio.

Ceterum in illis majoribus Orbis partib. minores continentur; hoc est regna & Provinciæ, quib⁹ Cosmographi quamlibet Orbis partem distinguunt. Sic Europam dividunt in Insulas & in Continentes. Insulæ Oceani sunt Anglia, Scotia, Hybernia Grunlandia; maris Mediterranei, Sicilia, Sardinia, Corsica, Creta, Majorca & Minorca; Peninsulæ, Norvegia, Gothia: Continentes, si in regiones partiari, novem sunt præcipuæ: Gallia, Hispania, Germania, Italia, Sclavonia, Græcia, Hungaria, Polonia, Russia: si in regna, decem: Hispanicum, Anglicum sub quo Scoticum & Hybernicum, Danicum sub quo Norvergicum, Suecium sub quo Gothicum, Polonicum, Hungaricum, Bohemicum, Germanicum, Gallicum, Italicum. Eadem divisio in aliis Orbis partibus observatur, quam tu potes ex Geographis repetere. Interim observabis in illis prædictis regionibus ac regnis, particulares quosdam tractus & Provincias contineri; ut in Gallia, Turonensem, Pictaviensem, Andegavensem, Santonicam, Armoricam, Normanicam, Picardicam, Burgundicam & ceteras; quibus propriæ sunt & genuinæ aëris constitutiones, soli situs, animorum inclinationes, mores, ingenia, temperamenta, studia, quæ qui vellet exequi & inquirere, opus sanè humeris suis impar aggrederetur. Hieronymus Turlerus lib. primo de peregrinatione cap. 4. proprietates quatuor præcipuarum nationum Europæ, velut in typo depinxit. Landus quidam Hortensius sub Philalethis Polytropiensis civis nomine, Forcianas quæstiones duobus libris emisit, quibus varia unius Italiæ ingenia

describuntur; quorum summam gratia exempli ex
 Joseph. Scalig. quadam epistola desumptam ex-
 hibeo. In Consiliis, inquit, Mediolanenses præ-
 stantes, Veneti prudentes, Lucani temerarii, Pi-
 sani inconstantes, Placentini providi, Florentini
 læti, Genuenses ignari, Lucenses utiles, Volsci ma-
 ligni, Brutii stupidi, Patavini ambigui. In Victu
 Florentini parci, Lucenses elegantes, Mantuani vi-
 les, Aretini tenues. Papienses agrestes, Novoco-
 menses luxuriosi, Astenses opipari. In Vestē Me-
 diolanenses splendidi, Genuenses elegantes, Man-
 tuani sumptuosi, Veneti magnifici, Florentini ridi-
 culi. In Mercatura Florentini callidi, Genuenses
 tolerantes, Mediolanenses aperti, Lucenses fide-
 les, Veneti splendidi. In Oratione Florentini inepti,
 Perusini faceti, Veneti putidi, Bergomenses agre-
 stes, Senenses suaves, Spolertani celeres, Novoco-
 menses balbi, Romani elati, Cosentini dicaces,
 Narnienses prompti, Umbri leves, Novarienses
 rustici, Mediolanenses rudes, Genuenses inexhau-
 sti, Brixiani duri, Bononienses jucundi, Fulgina-
 tes versuti, Capuani graves, Pistorienses festivi,
 Neapolitani jactabundi, Piceni varii, Apuli bar-
 bari, Ligures mendaces. In Bello Perusini strenui,
 Calabri precipites, Spoletani callidi, Senenses
 fœlices, Bononienses feri, Neapolitani animosi,
 Pratenenses sacrilegi, Cossenses libidinosi, Piceni
 rapaces, Aemiliani inconsulti, Placentini crude-
 les, Romani truces, Mediolanenses intrepidi, Vi-
 centini ultores, Pistorienses sanguinei. Quid plura
 recēseam? Cōsule eam epistolā, Lādū & Turlerū
 locis citatis, præterea Jo. Barclaiū in icone ani-
 morū, Antonium Zaram de anatomia ingeniorū,
 Pet. Anchoanum lib. 4. de rerum inconst. Bi-
 sciolam horarum subsicivarum lib. 12. cap. 8.

72 DE CONSERVANDA

tom. 2. ubi ad ostendendum quid possit cœlum ad ingeniorum diversitatem efficiendam, multa cumulat.

Nonnulla quoque in hanc rem habent Joan. Bapt. Persona comm. in lib. Gal. quod animi mores, & c. Jo. Huartes in examine ingeniorum; & ex Firmico, Tholosano, Pontano, Cornelio, Kiliano, Boissardo & aliis Petr. And. Canonherius comment. politico in aph. 2. lib. 1. Hippocr.

De Civitatibus & Ædibus.

M E M B. X.

Duo in
condē-
dis ur-
bibus
obser-
vanda.

IN condendis urbibus ea cautio est adhibenda quam in extruenda Alexandria habuisse Alexandrum Magnum refert Strabo Geogr. lib. 17. & Vitruvius præmio lib. 2. ut scilicet & commerciis & aëris salubritati prospiciatur. Per commercia ditescunt incolæ, per aëris clementiam vitam ducunt beatissimam, saluberrimam, & longissimam. Scitum est illud Musici Stratonici scomma apud Eustrat. in Dionys. de situ orbis, qui cum Caunios omnes aëris vitio luridos pallidosque videret, exclamavit ibi mortuos ambulare. Qui navigationem Guillel. Schouten in Australem partem descripsit, meminit eum ad insulam quandam appulisse, cujus indigenæ omnes deformi & monstroso essent corpore: alios enim videre erat cæcos, alios varos & valgos, alios protuberanti aqualiculo, alios tumentibus brachiis & humeris, alios alio corporis vitio insignes, quod fuit argumentum regionis admodum insalubris. Porro quibus ventis exponi debeat aliqua civitas ut saluberrima sit, docuit Hippoc. lib. de aër. locis

& aquis & ex iis quæ de ventis, & de regionibus mundi cardinalibus supra docuimus, intelligi facile potest. In summum hanc regulam benè constitutæ civitatis proposuit Hippoc. Cum scilicet *ad Solem & ad ventos benè obversa est & aquis bonis mittur*: contrà malè constituta est quæ aquis palustribus & lacustribus utitur, & non benè sita est ad ventos & ad Solem. Exempli gratia, civitas omni ex parte montibus conclusa ad ventos & ad Solem non benè se habet, nam æstate torretur radiis solaribus reflexis, hyeme quod Solem non excipiat, torpet. Positio autem locorum particularis interdum facit, ut venti qui habentur salutares sint alicui loco noxii & pestilentes; & e contrà. Sic Aquilo serenissimus est Europæis, Lybicus oris nimbofus; Auster Europæis noxius, Lybicus gentibus salutaris: Subsolanus saluberri-
 mus Asianis, Europæis insalubris, Zephyrus Vascōnibus perniciosus, Græcis & Italis tam gratus, tam suavis, ut nullum habeas apud Poëtas magis laudatum aut commendatum. Conditori ergo urbium non solum universalis, sed particularis situs observandus; de quo regulæ certæ dari non possunt. Legi tamen potest Vitruvius lib. 1. Architect. cap. 4. & 6. ubi agit de arcis, plateis & angiportibus prudenter disponendis. Consuli quoque poterunt ejus commentar. Guillel. Philander, Cæsar Casarianus, & Daniel Barbarus patritius Aquileiensis.

Situs
civita-
tis ad
ventos.

Parti-
cularis
situs
obser-
vādus.

Quod ad Ædes attinet, dicam cum Vitruvio lib. 6. cap. 1. *Animadvertendum primo est quibus regionibus aut quibus inclinationibus mundi consti-
 tuantur. Namque aliter Ægypto, aliter Hispania, non
 eodem Ponto, dissimiliter Roma, item cæteris terra-
 rum & regionum proprietatibus oportere videntur con-*

Ædium
situs.

94 DE CONSERVANDA

stitui genera adificiorum; quod alia parte solis cursu premitur tellus, alia longè ab eo distat, alia per medium temperatur. Debet vero eadem esse consideratio ædium atque ipsarum regionum ac civitatum, ita ut ratio quatuor cœli cardinum maximè habeatur. Alia enim æstivis, alia hybernis temporis extrui debent domicilia: æstiva majora spatia requirunt, hyberna si angustiora fuerint non improbantur, æstivis umbræ & flatus, hybernis soles debentur.

**Ædes
æstivæ
& Hy-
bernæ.**

Deinde ut observat Aristot. primo Oecon. cum sol æstate altiùs incedens domos ad meridiem versas non intret, hyeme vero propinquiùs, accedens totus per fenestras infundatur: debent ædes averso borea æqualiter esse latæ, hoc est non versæ ad omnes partes, sed oblongæ ad meridiem spectantes. Si credimus Vitruvio lib. sexto cap. 7. hyberna triclinia Occidentem hybernorum spectabunt, ideo quod vespertino lumine opus est uti, verna triclinia & autumnalia Orientem, æstiva Septentrionem. Apud Columellam libr. primo de re rust. cap. 6. cubicula hyberna ad Orientem brumalem obvertuntur, cœnationes ad æquinoctialem Occidentem; æstiva spectant Meridiem, cœnationes Hybernorum Orientem. Scribit Palladius lib. primo de re rust. cap. 9. quæ hyemi parantur mansiones ita constitui debere ut possit eas hyberni Solis totus propemodum cursus hilarare, sed & si æstiva sunt Orientem solstitialem, partem Septemtrionalis aspicere debent. Didymus apud Auct. R. R. cap. 2. cap. 3. domum quæ ad Orientem spectat præstantiorem & meliorem pronunciat, *διὰ τὸ τὸν νότον ἀπὸ μεσημβρίας πνέοντα, ὑγρὸν καὶ ἀνώμαλον, καὶ νοσηρώτατον εἶναι, quod, inquit, Anster*

à meridie spirans, humidus & inequalis; & morbosissimus existat. Sed vix aliquid certi definiri potest nisi particularium quorundam situum ac positionum qualitates & naturæ expositæ sint. Eas itaque breviter proponamus.

De aliquot locorum particularium constitutionibus.

MEMB. XI.

VT intelligamus quæ regiones, civitates, & ædes salubriores sint, locorum situs & positus particulares qui in quavis regione reperiri possunt nobis sunt examinandi. Atque imprimis situs potest esse altus, profundus petrosus, apertus, montosus, nivosus, fluvio vicinus, paludi aut mari, &c.

Loca mediocriter elata & libere perflata, ut humilibus & profundis, sic sublimibus & montanis ad sanitatis integritatem viteque diuturnitatem aptiora omnino existunt. Eorum enim incolæ, ut ait Avicen. sani sunt, vivunt quippe in aëre puro & defecato à sole & ventis; robusti sunt, quia nō turgēt humidis excrementis nervos & articulos laxantibus. laborum sunt patientissimi, quod soleant ascendere & descendere frequēter, labor autē articulos firmat: sunt deniq; longevi; tum quia raro ægrotant, tum quia calor eorum natus superfluis excrementis non suffocatur. Declivia loca & inter altos montes depressa atque abdita, radiis solaribus reflexis æstate suffocantur; cum sole non illustrantur humore nimio madescunt, crassis vaporibus polluantur, hyeme frigore obrigescunt: eorū itaq; locorū incolæ imbecillo sunt hepate ob aquarum crassitiem, pituitosi & melancolici ob aërem tenebro-

Loca elata.

Loca declivia.

Loca
plana.

sum. Notau. Albert Mag. lib. 1. de natura locor. cap. 13. locum planum & se habentem decenter undique, non habere proprietatem ullam nisi eam quam diximus ex climatum observatione desumi. Petrosus locus & apertus æstate aëre gaudet calido, hyeme frigido atque adeo subtili ut nulli aut pauci vapores ex petris eleventur : incolas alit duro & solido corpore, sicco cerebro, malis moribus, solertes, ingeniosos, bellicosos. Montosus & nivofus ventis obnoxius est, per nives quidem salubribus; dum liquantur nives, nimbofis. Hujus tamen loci varias fecit differentias Albert. Mag. loco prædicto quas his recensere non erit absurdum, hanc enim doctrinam mirum in modum illustrent.

Loca
humida.

Ergo locus montosus aut est in humili monte aut in excelso : montes humiles non admodum mutant naturam locotū, alti vero nivofus sunt, atque quod notandum est, vel ad Aquilonem siti sunt, vel ad Meridiē, vel ad Orientem, vel ad Occidentem. Cū sunt ad Aquilonem positi loci naturam calidam reddunt, quia reflexio radiorū solarium ad illos montes, calefacit locum vehementer, quo fit ut vina generosa in parte Meridionali locus ille producat. Cum montes plurimi sunt ad Meridiem & à Septemtrione flant venti, locus est valde frigidus, tam propter nives quam ventos : erit præterea siccus & sanus nisi alia prohibeant accidentia. Montes in parte Orientali positi locum reddunt frigidum & humidum, ejusque aërem crassum, impurum & insalubrem. Frigidus quidem locus erit, quia tectus ab Oriente, crassus vero aër, tum quia vicinus montibus, tum quia ventis Occidentalibus apertus est. Denique cum montes ad Occidentem positi sunt, locus salubrior

Montosa
loca.

Occidentalia.

Orientalia.

est, quod ventis affletur Orientalibus. Porro locus situs in medio magnarum sylvarum vel iuxta sylvas aërem, habet spissum & suffocatum, nebulosum & turbidum: fundus enim sylvarum vaporosus est; vapor autem illic arboribus conclusus & inspissatus aërem turbidum efficit. At inter arbores nocent præcipuè nux & quercus, necnon illæ quæ vel amaritudine sua aërem inficiunt, vel proceritate velut suffocant, prohibita ejus eventilatione. Loca fluviis vicina nimium humectant. Palustria & lacustria tetricis vaporibus nocentissima sunt, & morbis contumacibus generandis opportuna, ut scribunt Vitruvius, Avicen, Rhasis, & ipse Varro lib. 1. de re rust. c. 12. *advertendum etiam, inquit, si qua erunt loca palustria, & propter easdem causas, & quod arescunt, & quod in iis crescunt animalia quedam minuta que non possunt oculi consequi & per aëra intus in corpus per os ac nares perveniunt atque efficiunt difficiles morbos.* Hæc ille, qui per animalia minuta videtur intelligere eas aëris impuritates quas Hipp. *μάσματα* vocavit. Marina loca suadebat Plato lib. de rep. fugienda esse, is tamen animi potius quam corporis rationem habebat, nam ea loca pituitosis prosunt, appetentiam excitant, vitam protrahunt, humidum enim primigenium aëre sicco & falso conservatur & à putredine vindicatur. Quod autem ad mores spectat; maritimi pro pessimis in proverbio sunt, & filii Neptuni dicuntur crudeles. Si quæ tamen loca à mari exiguo intervallo distanti gravioris sunt halitus ex Colum. lib. 1. de re rust. & pestilentibus morbis obnoxii. Cardanus lib. 2. contradist. loco supra adducto, ex Averroë refert mare quatuor modis salubrem

Loca
sylva-
sa.

Loca
fluvia-
lia &
Palu-
stria.

Loca
Mari-
na.

Maris
vicinia
salu-
bris.

Differe-
ntiæ
loci
Mari-
norum.

reddere habitationem : primo, quia falsedine corruptioni resistit; secundo, quia humore confert ad vitæ longitudinem; tertio, quia spirant semper venti perpurgantes aërem; quarto, quia temperat aërem, hyeme enim & in frigida regione tepidiorem reddit, æstate & in calida temperatorem. *Flumina vero inquit, velociter currentia aërem attenuant, faciuntque corpora macilentia, tenuia, mobilia, crudelia, infida.* Cœnosa vero & quæ tarde moventur ut Padus; corpora minus valida reddunt & sana, contentiosos homines mansuetiores atque fideliores. Ostia vero ubi flumina mare ingrediuntur aërem corrumpunt. Causa est quia dum mare aëstuat fluminis aqua retinetur & in halitus transit, aëremque non leviter corrumpit. De Marini loci natura distinguit Albert. Mag. lib. citato enim eo ex quod mare calidū sit tum propter partium terrestrium exustarum admixtionem, tum propter multam radiorum divaricationem, colligit loca mari vicina vel esse calida & sicca, vel calida & humida, vel frigida & humida. Loca enim meridionalia in mari sita, quia velut aduruntur reflexione radiorum & multiplicatione luminis ad littus, arenosa sunt, calida & sicca; mare autem in illis locis divisum æstu convertitur in salem redditque locum terrestrem ob adustionem & exsiccationem: quo fit ut vina illius loci sint calidissima & siccissima velut Cypria. Loca autem marina remota à meridie & accidentia ad climata frigidiora & temperatiora, efficiuntur calida & humida nimio humore corrumpente. Habent enim plus humidi quam calor consumere possit; idcirco sunt ut plurimum vaporosa, pestilentia, tonitruis & coruscationibus ot noxia, unde pestes & mortes subitæ:

alia etiam loca paludosa sunt frequenter ex humore diffuso super terram & corrumpente habitationem. Demum loca marina Septemtrionalia frigida sunt & humida ob vapores frigidos & crassos: estas in illis locis non multum calida, nec hyems multum frigida; quod crassus & spissus aer nec calorem facile nec frigiditatem suscipiat; hujuscemodi autem loca, quamvis pestifera non sint, salubria tamen non existunt. Postremo loco monendum est ex Cardano Aquas Thermarum calidas loci aërem vitare; sed non adeo male afficere ut robusta corpora quæ calida non sunt, lædant; quoniam à putredine procul absunt: ipsam tamen ac febres in debilibus accersunt, vitiata coccione, & in calidis ob intemperiem. Atque hæ sunt particularis cuiusque loci conditiones pene omnes, sed simplices tantum, sunt enim compositæ aliæ & conjugatæ; ubi scilicet duæ vel tres simplices invicem concurrunt positiones, puta dum concava regio, palustris simul est & maritima & sic de ceteris. Porro quos incolas cuiusque temperamenti & ingenii singula illa loca producant scire qui voluerit, Albertum Mag. poterit consulere lib. 2. de natura locorum cap. 3. & commentat. lib. Hipp. de aëre, locis & aquis.

De vestibus.

MEMB. XII.

Licet vestis victus habeat vicem ut ait Labæo Jurisc. victusque nomine, si Ulpiano credimus, contineantur quæ esui potui, cultuique

corporis necessaria sunt : attamen non ea ratione vestium usus à nobis hic explicatur , sed quod vestimenta excogitata sint ad defendendum corpus ab externis nocumentis , calore , frigore , humiditate , siccitate quæ ab aëris injuriis inducuntur . Est ergo hujus sectionis pars , indumentorum consideratio , Medicis omnibus penè intacta . Hippocrat. quidem lib. 6. epid. sect. 8. part. 33. indumenta ponit loco aëris ambientis inter res non naturales , de vestibus quoque nonnulla præcepit lib. de salubri diæt. Galenus autem necessarium agnovit aliquod corporis tegumentum externis aëris injuriis infringendis ; sed ipsum voluit esse naturale , cutim videlicet quam lib. 1. de sanit. tuen. præparat sale modicum asperso ad indolentiam & tolerantiam . *Quoniam jam editus infans* , inquit , *in frigore , calore , atque inter corpora multo se duriora versetur necesse est , ob hæc ipsa nimirum naturale ejus tegmen præparari quodammodo à nobis , reddique ad indolentiam & tolerantiam quam aptissimum , par est .* Quo consilio Ligures apud Arist. 7. polit. Spartani apud Alex. ab Alex. li. 2. c. 25. Itali apud Virg. 9. Aeneid recens natos in fluvium frigidum & rigentem demergebant .

Durum à stirpe genus , natos ad flumina primum
Deferimus , sævoque gelu duramus & undis .

Quo quidem artificio opus non esset homini si cutis illi esset ex unguiū materia parata , quemadmodum Adam fuisse cutim priusquam peccaret , narrat Rabbi Eliezer . Sed profecto tenerior longè est , mollior , delicatior , sensusque exquisitioris ; proinde conservari sedulo debet illo velut munimento quod vocamus vestem . Non hic inquiri cum Ulpiano lib. 34. pandect. l. vestis

Rab-
norum
deliria .

§. de

§. de auro & argento, An vestis & vestimentum differant, An vestis sit ex pellibus, vestimentum ex lana, serico, bombyce; An vestimentum sit virile & muliebre simul. Stola tantum mulierum, quid enim ista ad rem presentem? Usus vestium investigamus, quem Tullius lib. 3. de Orat. geminum constituit, *Vestis*, *Vsus* inquit, *frigoris depellendi causa reperta primo*, *vestiū* *post adhiberi cœpta est ad ornatum etiam corporis* *du-* *& dignitatem.* Theologi qui primum vestium auctorem agnoscunt Deum, ad Honestatem, Necessitatem, Utilitatem comparatas fuisse vestes docent. Honestas postulat ut partes obscœnæ totumque corpus integatur quo aliquod discrimen inter hominem & belluam intercedat. Necessitas suadet ut imbecillitati corporis humani provideatur, calor internus externo tegumento foveatur, homo ipse ab externis rerum injuriis & impressionibus defendatur. Utilitas triplex est: Physica, Ethica, & Politica. Physica naturæ humanæ infirmitati ac indigentia, vestium beneficio consulit, idcirco hominem tantum nudum & in nuda humo expositum à Natura conquerebatur Plinius proœm. lib. septimi; Ethica de peccato & ejus fœditate, cujus ergo vestes inventæ sunt admonet, & de Dei erga nos *pietatis* atque benignitate. Politica inservit distinguendis viris à mulieribus; Magistratibus à Subditis, Sacerdotibus à profanis, Nobilibus à Rusticis, Militibus à litteratis. Sed & adversus vim ab hostibus illatam nos tuetur, quod telorum ictus vestitum corpus quam nudum facilius sustineat. De vestibus primorum parentum nonnulla habent Theodoret. in Genes. quest. 39. Barcephas in lib. de paradiso. Georg. Venet. problem. in Genes. Pererius

& Marinus Mersennus comment. doctissimis in
cap. 3. Genes.

Vestitū
confi-
deratio
du-
plex.

Univer-
salis
confi-
dera-
tio.

Cæterum vestimenta considerantur à Medico, vel universim, nulla habita ratione partium corporis, temperamenti, habitus, ætatis, tempestatis, generis, consuetudinis, sexus, dignitatis elegantia: vel particulatim, habita ratione virorum, mulierum, magistratuum, subditorum, populorum diversorum, infantia, pueritia, adolescentia, virilis ætatis, senectutis, capitis, pectoris, abdominis, pedum, hyemis, æstatis, veris, autumnii, noctis, diei, biliosorum hominum seu calidorum, atque pituitosorum seu frigidorum, pinguium, macilentorum, divitum, pauperum, litteratorum, Artificum & similium. Primum præceptum universale est, quod indumenta omnia calefaciant aliquatenus nostrum corpus, idque tribus omnino modis. 1. prohibendo ne aër frigidior corpus nostrum attingat. 2. impediendo effluxum calidum nostri corporis: quem effectum explicavit Gal. lib. 2. de simpl. medic facult. cap. 24. *Infarcit, inquit, corporis meatus vestis, prohibetque foras effluere magnam vaporosi intus caloris partem, à quibus vaporibus incallescens vestis nos demum calefacit.* 3. inducendo proprium & germanum calorem, qui calor secundum Villa-novan. de regim. sanit. c 17. duplex est; actualis & virtualis. Actualis calor vestibus accidit per ignem cui exponuntur antequam induantur, virtualis in actum reducitur per calorem nostri corporis, ut ex Galeno dictum est. Secundum præceptum ducitur ex substantia, quantitate & qualitate vestimentorum propter quæ unum alio magis calefacit. Usus & effectus ex substantia vestimentorum satis appo-

site expressit Isaac Arabs lib. 50. Theoricæ cap. 105. Lineum vestimentum si laxum fuerit refrige-
 rat; alias calefacit & humectat; Bombicinum ma-
 gis calefacit, cum subtile est ac tenerum, emollit:
 Sericeum quo magis villosum est, eo calefacit po-
 tentius, ejus enim multæ sunt differentiæ: undu-
 latum, heteromallum, villosum, rasile, floribus
 variatum, scutulatum, &c. Laneum multum
 calefacit & exsiccatur. Pelliceum denique, si pilis
 multis sit refertum, omnium maximè calidum existit.
 Sed & inter pelliceas vestes, quæ cutim solidiorem
 habet pilum quæ molliorem, calidior est: sic, inquit
 Villa-nov. *pellis caprina minus calida, deinde pelles
 de grypho, vulpina multum calida, ut & leporina; mi-
 nus tamen exsiccatur, castorea quoque.* Ovina calida &
 humida, Sabellina & Mellina molliusculæ, -
 dalina, Thoina, Genetina, odoratæ, Acumorum
 nostratium pellem pulmones offendere scribit
 Avenzoar l. Theisr. Lupina fugat pulices, leoni-
 na tineas, Cervina serpentes. Cygnorum & vul-
 turum pelles si Cardanus audiatur, siccitate plus
 obsunt quam caliditate prosint. Caprina noxia est
 epilepticis ex Hipp. lib. de morbo sacro: hyeme
 tamen calefacit si pilos ad corpus convertas, æsta-
 te refrigerat si invertas; quemadmodum scribit
 Aelian. lib. 6. Histor. animal. Densæ autem & duræ
 vestes minus calefaciunt, molles & raræ magis,
 densæ & opacæ, si molles sint, calidiores sunt te-
 nuioribus & subtilioribus, duplices & compositæ
 simplicioribus. Vide Galen. comm. in lib. de salub.
 diat. tex. 11. Quoad copiam vestium, certum est quo
 plures fuerint eo fore calidiores. Ad qualitatem
 demum revoco colores & odores præsertim. Inter
 colores coccineus & quisquiliatus habetur cali-
 dior, evocat enim à centro ad circumferentiam

Mate-
 ria ve-
 stium.

Quan-
 titas
 vestiū.
 Quali-
 tas.

spiritus & humores cum quibus analogiam habet, qua occasione in febribus purpuratis & erumpentibus variolis involvi pannis purpureis ægrorum cubilia mos est. Oleo & aromaticis rebus imbutæ vestes mundis & minimè odoratis calidiores: formidandæ tamen sunt iis qui cerebro sunt calidiori, omnes enim odores *κατὰ βαρυνοί* caput tentant & gravissimam cephalalgiam inducunt. Lintæ & byssinæ calce dealbatæ mordicant & scabiem excitant. Cannabinæ sicciore lineis existunt; utraque quo recentior & minus trita eo quoque minus calida, aspera magis. Jam vero si singula & particularia præcepta tradere meditarer, quando finis commentarii? Summa capita leviter delibabo. Vestes ætati, temperamento, habitui, consuetudini, tempestatì consentiant. Senes pluribus & calidioribus indumentis egent quàm juvenes, pluribus pueri & calidioribus quàm adulescentes: Calidi & biliosi pauciores minusque calidas vestes postulant quam melancholici aut pituitosi. Qui carnosus sunt corpore & pingui, pauciores quoque quàm macilenti, qui raro corporis habitu, plures quàm qui denso. Qui in locis calidis aut in ædibus clausis degunt, cum se committunt aëri, operire corpus multis integumentis debent, velut ii qui otio torpent: contra, qui exercitantur aut ex frigidis locis ad calidiora progrediuntur, paucioribus. Hyeme chimastrum, æstate theristrû opportunum est: æstate, inquam, sericeæ, rallæ, undulatæ, leves & laceræ vestes conveniunt, hyeme lineæ, byssinæ, laneæ, sericeæ, hispidæ, ac villosæ, pelliceæ diploides, contextæ villo sericeo, aut pelliceo. Uno verbo tempore calido veste magis tenui utendum quàm frigido, magis vero crassa noctu per somnum quam interdum vigilando. Ra-

Parti-
cularis
confi-
dera-
tio.

VALETUDINE.

85

tione partium corporis variæ sunt vestes. Capiti pileolus proprius est, pectori thorax, abdomini & cruribus femoralia, tibiis tibialia, pedibus calceoli. Caput tegi debet pileolo nec gravi nimium nec levi, plus tamen noctu quàm diu: tegmen capitis grave fragile caput reddit, tenuius, nimis compactum; quod observatum est apud Synefium in calvitio & Herodot. lib. 3. de Ægyptiorum & Persarum capitibus: Illorum enim capita quod aperta sint, dura & firma, horum quia nimium operata, fragilia fuere. Non probo calanticas ex capillis emptis compactas & miro artificio ornatas, quarum à paucis annis magnus & frequens est usus apud Parisienses, nisi subsit calvitium, aut caput fuerit externis quam internis injuriis magis obnoxium; id quod aliquando monstravimus edito in Calanticam vulgo Calotam carmine elegiaco. Vultus multo non eget tegmine nisi severissima hyeme, regione frigidissima, & insigniter flante Aquilone, tunc enim *omnis* necessariæ ex gossipio etiam muscato, quia exangues aures, & cuculli pellicei ad oculos aperti, imo quia ventus oculis noxius, necessaria sunt perspicilia ex crystallo ita secto ut objecta nec justo majora, nec justo minora transmittat. Pectus quia osseum, operimenta multa desiderat, præsertim hyeme quæ illi infensa, ex Hipp. aph. 24. sect. 5. Muniri itaque debet contra frigus primò linea subucula (nam & mundior & ad cutim mollior quavis alia materia) dein perizomate plumario, pelle agnina, aut ut quidam faciunt vulturina, demum Thorace. Eadem cura afferenda fovendo ventri, cujus calor coquendis cibis occupatur. Plura quid recenseam usu communi cognita & usurpata: sufficiat digito quasi omnia quæ ad vestes

Capitis tegmen.

Pectoris indumentum.

pertinent indicasse. Quisque inter legendum poterit observare vestimenta propria Gentium, Regum, Sacerdotum, Magistratum, Militum, Studiosorum, Artificum, Rusticorum. Pleraque habentur apud Zuingeros in Theatro vitæ humanæ, Bayssum de re vestiaria, Cœlium Rhodig. passim, Textorem in Officina, Alex. ab Alex. Sabel. exempl. lib. secundo; Bulengerum opusculorum tomo primo, Valturium lib. 10. Crinitum, Isidorum & alios.

Signa cognoscendarum Aëris mutationum.

M E M B. XIII.

Provi-
dentia
Medi-
co ne-
cessa-
ria.

Medico satis non est scire Aëris dari mutationes, easque hanc vel illam facultatem obtinere hominum temperamentis alterandis & afficiendis, debet quoque præscire venturas & futuras anticipare iudicio. Quemadmodum enim bonus Gubernator paratior est & erectior adversus tempestatem quam prævidit, sic Medicus facilius occurrit & tutius, prævisis ex aëris constitutione ortis morbis, quam minimè prævisis. Verissimè quippe dictum est communi adagio, tela prævisa minus ferire, deterioraque esse mala quæ incogitantes adoriuntur.

Astro-
logia
Medi-
co ne-
cessa-
ria.

Ad hanc vero cognitionem obtinendam magna Astrologiæ necessitas Medico; cum sine ea impossibile sit futuras aëris mutationes prævidere, nec ego possim seclusis Astrologiæ fundamentis ulla certa tradere præcepta tempestatum. Sed ut verum fatear, hæc *κατάστασις* esset ἀνὰ γὰρ & in-
tempestativa, cum viri longè doctiores ante me id

diffusè & prolixè explicarint. Eum ergo qui signa futuræ alicujus aëris mutationis, venturæ pluvix, serenitatis, siccitatis, æstus, ventorum, pestilentix, fœcunditatis aut sterilitatis anni, atque adeo popularium morborum præscire voluerit, remitto ad Theophrasti 4. opuscula de signis pluviarum, ventorum, serenitatis, tempestatis, ejusque illustratorem Federicum Bonaventuram, ad Ptolomeum de significationibus stellarum inerrantium, Alboazen Haly lib. 8. de judiciis Astrorum, August. Niphum libello de signis tempestatum, Cardanum in aphorif. Astrologicis, Paduanum de ventis, Zanardum de universo elementari part. 3. Goclenium de Astrolog. gener. part. 2. Gratarolum de prognosticis tempestatum, Guidonem Villariensem Medicum Parisinum de temporis & astrorum animadversione, Mizaldum de signis tempestatum, & omnium novissimum ac fufissimum Paulum Minervam Barensem opere de cognoscendis temporum mutationibus juxta triplicem viam, cœlestem, meteorologicam, & terrestrem; ut interim omnes Astrologos omittam, & veteres RR. scriptores.

Tandem ut prolixum hunc commentarium concludam, observabis me ex fide manuscript. emendasse duos priores versus, tertium omnino restituisse, quod maximè consentit explicationi Villa-novani; qui quatuor hoc præcepto contineri voluit, aëris puritatem, luciditatem, corruptionem à se ipso, putredinem aliundè inductam, ut à cloaca rebusque similibus.

Finis primæ Sectionis.



SECTIO SECUNDA.

DE CIBO ET POTU.

DE ADMINISTRATIONE
generali ciborum.

CAP. I.



*Vale, quid, & quando, quantum, quor-
ries, ubi, dando*

*Ista notare cibo debet Medicus benè do-
ctus;*

Ne malè conveniens ingrediatur iter.

Hic traditur à Medico sex esse consideranda in administranda diæta. Primum est, Quale, Id est cuius qualitatis debeat esse cibus, quia in ægritudine calida exhibendus est cibus frigidus; in frigida calidus; in humida siccus; in sicca humidus, in sanis tamen simili, non contraria qualitate præditus cibus exhibendus est, ut testatur Galen. in arte Medic. cap. 86. Calidiora corpora, calidioris victus rationem exposcunt; frigidiora, frigidioris.

Secundum est, Quid, id est, cuius substantiæ: athleticis enim & rusticis cum vehementius exercentur, cibus exhibendus est crassus, quia vis digestiva eorum est fortis, nec convenit eis cibus

subtilis, ut pullorum, caponum, vitulorum, five hedorum caro: hec enim in eis vel adureretur, vel nimis citò digereretur, quare & sepius comedere cogerentur: nobilibus verò & otio deditis, exhibendus est cibus subtilis substantiæ. Virtutem enim digestivam habent debilem, quæ nequeat crassis resistere cibis, cuiusmodi sunt carnes porcinae salæ, & bovinæ, & pisces sole exsiccati. Similiter in ægritudinibus acutis tenuiori diætâ utendum est quàm in Chronicis, id est, longis, ut quar-
tanis.

Tertium est, quando, id est, quo tempore sit assumendus cibus, quia in sanis maximè conservanda est consuetudo. Unde & in æstate hominibus mane surgentibus, & consuetis bis duntaxat in die cibum accipere, comedendū est hora decima, vel paulò antè, nec expectandum dum meridies prætereat, ob nimium diei calorem. Similiter cœnandum est eis hora sexta, vel paulò post. In hyeme verò prandendum est hora undecima, ob longitudinem somni: & deinde cœnandum hora septima vel paulò post, & maximè servanda est consuetudo. In ægris quoque habenda ratio temporis, siquidem in febribus in ipso paroxysmo, vel paulò antè sive post, abstinere, id est, nō nutrire oportet. Quia si statim antè paroxysmum vel in ipso paroxysmo detur cibus, natura impeditur, ac divertitur à digestionem materiæ febris, eo quod digestionis cibi magis sit intenta. Neque dandus est statim post paroxysmum. Virtus enim adhuc nimis debilitata est ex paroxysmo immediatè præcedenti. Exhibendus igitur cibus tamdiu antè paroxysmum, ut possit digeri priusquam ille accedat. Vel exhibendus est aliquantulo tempore post paroxysmū. Et hoc nisi timeatur magna debilitas virtutis: tum

enim dandus est cibus etiam quocunque tempore. Nam ubi casus aliquis intervenerit, robur naturæ dissolvens, nutrire cogimur, inquit Galenus commentatio. 9. libro primo Aphorif.

Quantum est Quantum, id est, quantitas sumendi cibi, quæ in æstate, ut dictum est, minuetur; quia calor naturalis tum debilior est ob nimias resolutiones. In hyeme vero cibus augendus est, virtute digestiva tunc forti existente, cum calor naturalis sit unitus propter frigus circumstans.

Quintum est, Quoties, id est, quoties in die sit cibus exhibendus. Est ergo æstate sæpius exhibendus quàm hyeme, autumno, seu vere, sed minori quantitate, ut dictum est suprâ. Similiter digestiva existente debili, sæpe parva quantitate cibus exhibendus est. Existente autem forti, exhibendus est quantitate magna, sed rarius.

Sextum est, Ubi, id est, in quo loco, quia cibus non est sumendus in loco frigidiori, neque nimis calido, sed temperato.

Animadversio.

Alimenta generatim considerantur vel speciatim Generalis consideratio quatuor omnino complectitur, substantiam alimentorum, quantitatem, qualitatem, & utendi rationem; ad quæ capita, sex illa à Salernitanis proposita facili negotio revocantur. Quid enim pertinet ad substantiam, quantum ad quantitatem, quale ad qualitatem, quoties, quando & ubi ad utendi rationem. Ratione substantiæ alimentum dicitur εὐχρύον vel κακόχρυον boni vel mali succi, tenuis vel crassi, facilis vel difficilis coctionis. A

Alimentorum consideratio.

quantitate dicitur multum, paucum, moderatum. A qualitate calefaciens, refrigerans, &c. Utendi autem ratio primo designat preparationem alimenti, secundo quoties in die ingerendum sit, uno verbo tempus idoneum edendi; tertio ordinem servandum in assumendis cibis, postremo consuetudinem, de quibus omnibus sigillatim & ordine est agendum.

De cibis bene nutrientibus.

CAP. II.

Ova recentia, vina rubentia, pingua jura,
Cum similâ purâ natura sunt valitura.

Hic recensetur tria alimenta, quæ parva quantitate multum nutriunt.

Primum ova recentia, de quibus Avicen. 2. Canon. cap. 530. & 4. cap. 1. Nutriens inquit, parvæ quantitatis, & multi nutrimenti, sicut ova & gallorum testiculi. Idem multum aliis in locis repetit. Electio: Ova gallinarum, perdicum, & phasianorum juvenum & pinguium conferunt in victus salubris ratione: & aliis simpliciter sunt meliora, eligenda autem parvula, oblonga, & candida, ut habentur in hisce vulgaris versiculis: Ovum.

Filia presbyteri jubet hoc pro lege teneri,
Quod bona sunt ova hæc, candida, longa, nova.

Ova item tremula, id est, per decoctionem nonnihil inspissata, ut in manu tenentis in cortice suo videantur tremere, sunt meliora duris, & sorbilibus; multi nutrimenti, probæ & facilis digestionis, & generant sanguinem cordi maximè propere.

Difference-
rentia
ovorū
ex co-
ctura.

tionabilem. Unde convalescentibus, fenibus & debilibus maximè conveniunt, & in primis vitelli. Unde Avic. in lib. de viribus cordis, Tract. 2. cap. de ovis, testatur vitellos ovorum, bonas carnes avium, velut gallinarum, perdicum, & phasianorum, licet non sint medicinæ cordis, ipsum tamen confortare, & citò in sanguinem converti, & post transmutationem parum superfluitatis relinquere, sanguinem generare subtilem, clarum, quo maximè confortatur cor, multumque valere in dissolutione substantiæ spiritus, & diminutione sanguinis cordis: Sorbilia verò ova facilis sunt digestionis, leniunt pulmonem & pectus, & alvum dejiunt, minus tamen nutriunt quàm tremula. Cocta seu durata ova difficilis sunt concoctionis, & tardi transitus, crassamque corpori exhibent alimoniam. Ovorum item ex cocturæ diversitate magna differentia est. Nam quedam sunt assata, aut elixa; aut frixa, aut in jure cocta. Assata elixis sunt crassiora, & duriora, ac difficilioris concoctionis; focus enim substantialem humiditatem exsiccat. Et fiunt duobus modis. Aut enim cum corticibus, ferventibus inferuntur cineribus, aut in testis franguntur. In testis fracta, reliquis sunt pejora. Illa verò, quæ cum corticibus, ferventibus inferuntur cineribus, dupliciter fiunt. Aut enim toto cinere cooperiuntur, aut super carbones nuda collocantur. Quæ cinere cooperiuntur, pessima sunt, quia calor foci circumfusum, fumositatum exhalationem prohibet. Nuda super carbonibus collocata, fumositatem emittunt, & emundantur. Elixæ in aqua meliora sunt assatis, quia aquæ humiditas, calori foci, in siccanda humiditate repugnat. Fiunt & hæc dupliciter, aut enim cum testis elixantur, aut in

aqua franguntur : cum testis elixata, reliquis pejora sunt, quia testæ fumositatum & crassitie resolutionem prohibent. In aqua verò fracta calor penetrat, crassitiem attenuat, & odoris gravitatem aufert. Unde ejusmodi ceteris omnibus sunt laudabiliora. Frixæ, quia pessimos generant humores, ceteris pejora sunt, stomacho diutius inherent, unde sequuntur fumi, corruptio, & fastidium. In jure cocta, inter assata & in aqua fracta, media sunt, ut colligitur ex Isaac diætis universalibus.

Est etiam ovorum secundum partes diversitas. Nam vitellus in caliditate temperatus existens, bene nutrit; albumen verò frigidū est & viscosum, durèque digeritur, & sanguis qui inde generatur non est bonus, ut testatur Rhazes. 3. ad Almanso- rem, cap. 14. Et ut ova prædicta, scilicet gallinarum, perdicum, & phasianorum, conveniunt in victus salubris ratione, ita anatum, anserum, struthionum, & similium volatiliū, minus conferunt.

Ovi
partes.

Secundum vinum rubrum. Vini secundum co-
lorem magna est differentia. Nam quædam sunt
alba, quædam rubea clara, quædam citrina, &
quædam nigra. Vina alba ceteris sunt imbecillio-
ra, minus calida, minusque nutrientia, verum
caput minus feriunt, urinam provocant, & me-
tus aperiunt. Quod autem ceteris sint imbecillio-
ra, patet secundum Galen. com. 1. li. 3. de victus
ratione in morbis acutis, ubi inquit : Vinum po-
tens vehementer celeritèrque corpus calefacit,
caputque ferit : imbecillum contrario agit modo.
Cum ergo minus calefaciat, minusque repleat ca-
put ceteris, ut patebit, erit & imbecillius cæte-
ris. Quod autem vinum album ceteris minus cale-

Vinorū
varia
genera

Album

94 DE CONSERVANDA

faciat, docet Galen. com. 6. lib. 3. de victus ratione in morbis acut. Nempe, inquit, ex vinis albis nullum valenter calefacere potest; quod enim summe calidum est, id continuo & flavum existit, veluti & quod ab ipso est fulvum, mox fit rubrum, & deinde dulce. Album autem minus quidem his omnibus calefacit. Et hoc verum est, si invicem compares vina ejusdem territorii. Quoniam vina rubra & rufa Gallica, non sunt tam potentia, nec ita calida, sicut multa alba, quæ in aliis territoriis reperiuntur. Quare comparanda sunt inter se vina ejusdem territorii. Quod verò & ceteris minus nutrant, probatur per Galen. com. 11. lib. 2. Aphor. ubi sic scriptum reliquit: *Vina aquosa* (sic autem nominat alba & tenuia) sicuti aquæ similem formam habent, ita etiam vim: quare urinam cient, & minimè nutriunt. Item in com. 18. ejusdem libri, *Vina*, inquit, *aquosa*, exiguum præbent corpori alimentum: sunt hæc colore quidem alba, tenuia verò substantia. Quod item minus caput feriant, probat Avic. 3. 1. Doctor. 2. cap. 8. *Vinum*, inquit, album & subtile calefactis est melius, non enim caput efficit dolorem, sed fortasse humectabit, & dolorem capitis alleviabit, qui ex stomachi ardore provenit. Item teste Galen. com. 1. lib. 3. de vict. rat. in morbis acut. Ratio autem, cur minus feriant caput, est quod minus fumosa ac vaporosa sint cæteris. Quod autem aperiant, urinamque cient, docet Hippocr. Canon. 6. lib. 3. de victus ratione in morbis acut. *Ad vesicam*, inquit, *vinum* album magis penetrat, urinæque provocat, & perpetuò purgat: atque multa ad opem his morbis ferendam facit. Ex hoc sequitur, vina alba tenuia, magis convenire calidioribus sive à natura, ut cholericis & sanguineis, sive ab accidenti, ut ex ira vel

mora in sole. Studiosis præterea magis conveniunt, & quibus exhibendum sit vinum minimè cerebrum perturbans; & habentibus cerebrum imbecillum, idque per naturam, si ve ex accidenti; ex potenti enim vino facillimè inebriantur, ut innuit Avic. 3. 1. doct. 2. capite octavo. Attamen si uti voluerint vinis potentibus, necesse est ea copiosiore aqua dilui. Conveniunt quoque vina imbecilla hepar calidum habentibus & stomachum, & habitantibus in regione calida, quia calida vina in ipsis æstuationem facerent. Vina vero rubra clara, sicut Bellovacensia, calidiora sunt ceteris, ut autor est Galen. com. 6. lib. 3. de victus ratione in morbis acut. *Quod summè, inquit, calidum est, id continuò & flavum existit.* Et hæc vina etiam cæteris magis nutriunt, ut habet Galen. com. 11. lib. 2. Aphor. ubi dicit: *Crassa verò & colore rubea, plus alimenti habent, quàm reliqua vina.* Inest autem eis, & citissimè implere corpora evacuata: quod ita est intelligendum, Vina rubea dici nutritiora, quia ex eis plus in substantiam membrorum convertitur. Vina tamen nigra possunt dici nutritiora cæteris, quod magis nutriant, & tardius à membris resolvantur. Unde Galen. com. 8. lib. 2. Aphor. *Crassa, inquit, & fusca, multò magis corpus alunt quàm aquosa.* Tantùm vero vincuntur à nigrioribus in nutriendo plurimum, quantum superant in præstando universum & velox alimentum. Ita enim intelligitur dictum Isaac in diætiis particularibus, ubi contendit, vinum nigrum plus nutrire quàm rubeum. Et ista vina rubea magis feriunt caput quàm alba, minusque urinam cient. Hinc imbecillum habentibus cerebrum non conveniunt, ut dictum est, sed bene habentibus: forte, quod vapores ad se

elevatos non suscipit, ut dicit Avicen. 3. 1. Doct. 3. cap. 8.

Vinum
acuit
ingenium.

Sciendum præterea, quod ingenium hominis fortis cerebri magis clarificetur & acutatur, si bibat vinum bonum, quàm si non biberet, ut Avic. test. loco citato. Ratio, quia ex bono vino plus quam ex quocunque alio potu, generantur & multiplicantur spiritus tenues, clari & puri. Quare Theologi in contemplatione circa altissima deligunt vina bona. Conferunt item hominibus frigida complexionis, & phlegmaticis, Avic. ibidem teste. Corrigunt enim frigiditatem, & aperiunt opilationes, quæ solent evenire frigidis & phlegmaticis, digeruntque phlegmata ad conversionem in sanguinem, & ipsa facillimè digeruntur, citoque penetrant, præbentque alimentum purum, & spiritus plurimos. Vina verò citrina, minus calefaciunt quam rubea clara, ut testatur Galen. com. 6. lib. 3. de victus ratione in morbis acut. Magis verò calefaciunt quàm alba, quare magis etiam caput feriunt, teste eodem Galen. com. lib. 3. de vict. rat. in morbis acut. Minus etiam nutriunt quàm rubea, excellentius tamen quàm alba. Et à quibusdam hæc vina etiam alba vocantur. Hinc quidam dicunt, vina alba cito plurimum calefacere; vina verò nigra minus calefacere quàm citrina, ergo etiam minus ferire caput, sed quia tardius descendunt in ventrem, urinamque minus cient quàm alba, vehementius caput feriunt quàm alba, ut habet Galen. loco paulo antè citato. Et ipsa vina plus etiam nutriunt quàm alba & citrina, minus tamen, quàm rubea: ut dictum est.

Iura è
carni-
bus.

Tertium, sorbilia facta ex jusculis carniū, & præcipuè pullorum. Hujusmodi enim naturæ amica sunt, quia facillimè in sanguinem commutantur,

tantur, & sanguinem bonum generant, maximè si præparentur ex similia, id est, ex subtilissima parte farinæ: quia similia, tritici præsertim, plurimum nutrit, & bonum nutrimentum præstat, ut patet ex Raze 3. ad Mansorem cap. 3. Hæc tria alimen. Avic. 21. Doct. 1. Summa. 1. cap. 15. circa finem, compendiosè enumerat. Exemplum, inquit, subtilis, multi nutrimenti, boni chymi, ovorum vitelli, & vinum, & aqua carnis. Unde concluditur hæc tria naturam humanam maximè confortare.

Animadversio.

Hoc generale præceptum Villanovanus restringit, & accommodat ad ova, ad vinum rubrum & ad juscula, cum Salernitanis propositum esset alimentum *ευχμουν* describere, & aliquot exemplis illustrare. Perperam itaque excurrit in laudem & virtutes ovorum, cum peculiare caput de ovis adjectum sit, in quo locus erit de illis differendi. Idem puta dictum de vino rubro.

Proponamus itaque quale debeat esse alimentum in sua substantia. Substantia in forma & materia consistit, ex quibus corpus naturale constituitur. Forma rei est id, quod est & agere potest, quæ à Medicis tota substantia, seu totius substantiæ proprietates appellari solet, diversa quidem à temperamento, sed quæ tamen aliquando apud Galen. ut cap. 1. lib. 3. de temper. & cap. 1. lib. 1. & cap. 15. 4. simpl. ex calido, frig. hum. sicco certa proportionem inter se mistis constare dicatur, quod temperamentum præcipuum fit formæ instrumentum. Verum cap. 3. lib. 6. de sanit. tu. &

Villanov. carpitur.

Alimentum conditionis penes substantiam.

cap. 10. lib. 4. simpl. temperamentum à tota substantia distinguit, cum ait conveniens alimentum aliud esse secundum qualitates, aliud secundum totam substantiam: illud sensu, hoc usu discernitur. Ab hac totius substantiæ proprietate suus cuique animantium generi cibus est familiaris, Asinis quidem & Equis palea, fœnum, Coturnicibus elleborus, Sturnis Cicuta, homini panis ex Galen. cap. 6. lib. 2. de aliment. & cap. 3. de sat. tuen. Etenim oportet toti nutriendi substantiæ cum tota nutriti natura communio aliqua & similitudo intercedat, teste Galen. cap. 2. lib. 3. de temp. quod fieri non possit ut assimilentur & mutantur inter se ulla, nisi societatem aliquam cognitionemque habuerint. Quod si alimentum familiare est, dulce etiam erit comparatum ei quod nutritur: dulce inquam, saltem potentia, cum nihil nutriat quod non sit particeps dulcedinis, ut docet Galen. cap. 1. & 15. lib. 4. simpl. Et hæc de forma. Materia alimentiprehenditur ex ejus durtie, mollitie, gravitate, levitate, densitate, raritate, crassitie, tenuitate, lentore & similibus, quas notas esse Consistentiæ monet Galen. 9. simpl. cap. de terra samia; quoniam hæc qualitates ex varia proportionem humidi cum sicco consurgunt, quæ duo sunt omnium mixtorum materia ex Aristot. cap. 1. lib. 4. meteor,

Alimentum
appellatur
à substantia.

Porro propter familiaritatem & dulcedinem alimenti majorem vel minorem quæ ex forma resultant, Alimentum est & dicitur *εύχυμον* & *κακόχυμον* boni vel mali succi, *πολύχρον* & *ὀλιγόχρον* multum vel parum nutriendum. Pro conditione vero consistentiæ bonæ vel malæ quæ sequitur materiam, alimentum *εύποπτον* & *δυσπαστον* nominatur, facilis vel difficilis coctionis ac distributionis. Est ergo

VALETUDINE.

99

εὐχυμος cibus qui in omni excessus mediocritate consistens, laudabilem aut saltem vitii evidentis expertem sanguinem gignere potest, ex Galen. cap. 14. lib. 2. de alim. Ejus generis sunt lac, panis, ova, vinum. Contra se habet *κακόχυμος*: is enim vitiosum sanguinem, crassum, lentum, pituitosum, melancholicum producit, ut caseus, caro cervina, bovina, leporina. Alimentum *πολύεσθρον* vocatur ex quo plurimum sanguinis generatur. Quod si & valentissimum & purissimum corpori præbeat nutrimentum omnes bonitatis partes implet, si purissimum, sed paucissimum, negligendum non est, si vero & copiosissimum & crassissimum, prorsus est vituperandum. Ex quo quidem patet cibum omnem *ὀλιγόεσθρον* non esse vituperandum, si quidem paucum, sed purum sanguinem gignat: at si parcum ac male nutriat, primus malitiæ locus tribuendus illi erit. *εὐπεπτός* cibus idem fere est qui *εὐστόμαχος* ventriculo gratus, quique faciliè ab eo coquitur & in chilum mutatur, mutatus ad jecur faciliè distribuitur: contrarius illi *δυσπепτός* & *κακόςτόμαχος*: hujus dura & contumax, illius tenera mollis, & minimè viscida est substantia.

Cibus
euchy-
mus.

Caco-
chy-
mus.

Multū
nutriēs.

Hæc omnia vera sunt de alimentis inter se collatis, non autem ad varias hominum naturas, & vitæ genera relatis. Sic bubuli & rustici qui sunt *θερμικώτεροι* calidiore ventriculo, duriora alimenta facilius coquunt & conficiunt quàm teneriora. Novi hominem qui carnibus vitulinis & vervecinis admodum juvabatur, perdice aut columba lædebat, adeo ut & vomitu & diarrhoea prehenderetur. De se narrat Christoph. à Vega lib. 2. de arte medendi cap. 3. sardenas salitas sibi veneficas esse, sic ut parva quantitate ingestæ in mortis periculum deducerent cum symptomatis vene-

Hipp.
6. epid.
lect. 4.

Histo-
ria.

natorum propriis. Legatur aphorif. Hippocr. 38.
lib. 2.

*De cibis bene nutrientibus & impin-
guantibus.*

CAP. III.

N Viri & impinguat. triticum lac, caseus infans,
Testiculi, porcina caro, cerebella, medulla,
Dulcia vina, cibus gustu jucundior, ova
Sorbilia, & ficus matura, neq; recentes,

Hic referuntur, res duodecim, unde corpus
humanum & nutriri & impinguari perhi-
betur.

Prima est triticum, id est, panis triticeus, de quo
Avicen. 2. Cano. cap. 172. *Panis, inquit, qui est de
frumento novo, impinguat velociter.* Razes vero. 3. ad
Manforem, cap. 2. *Triticum, ait, temperamento vici-
num est, licet caliditati parum attineat.* Quod autem
ponderosius invenitur & solidius, majoris est nu-
trimenti. Hominibus quoque omnibus aliis granis
magis conveniens, & magis proprium invenitur.
Sanguis etiam ex eo generatus, omni sanguine qui
ex aliis generatur granis, temperatior existit. Et
cap. 3. ejusdem lib. *Panis, inquit, qui ex tritico fit, plu-
ribus hominum convenientior est.* Electio autem triti-
ci sumitur partim à sua substantia, partim vero à
præparatione. A substantia quidem, ut dicit Avic.
2. Cano. cap. 250. melius est illud, quod est me-
dium inter duritiem & raritatem, magnum, pin-
gue, recens, planum, quod est inter rubedinem &
albedinem. Frumentum vero nigrum est mali nu-

VALETUDINE.

107

trimenti. Electio ex præparatione. Sciendum, quod omnia quæ sunt ex farina tritici frixa, tardè à stomacho descendant, crassos humores generent, vias hepatis oppilent, splenem augmentent, & calculum generent: multum quidem nutriunt, si digerantur. Triticum vero elixum in cibo gravat, & difficulter digeritur: quod si tamen digeratur, vehementer nutrit, & eorum roborat virtutem. Panes autem ad concoctionem appositissimi sunt, qui plurimum fermentati, & probe elaborati, in clibano igne moderato percoquuntur, teste Galen. lib. 2. cap. 2. de alimentorum facult.

Secunda res, lac est, & potest intelligi de lacte Lac. acetoso, cui butyrum detractum est, quod si comedatur cum pane recenti, sive calido, maxime impinguat. Intelligi etiam potest de lacte caprino.

Tertia res, est caseus infans, sive recens, de quo Caseus. Avicen. Cano. 2. cap. 127. dicit, quod nutriat & impinguet. Et licet caseus recens nutriat & impinguet, non tamen convenit in victus salubris ratione, quia sequuntur ex eo nocumenta infrà enumerata.

Quarta res est, testiculi, quod imprimis de gal- Testi-
lorum pinguium testiculis intelligendum est, de culi.
quibus Avicen. 1. Canon. cap. 719. dicit quod sint valde boni, & plurimi nutrimenti. Et quarta 1. cap. 1. testatur, eosdem quantitate multum nutrire. Idem sentiri potest de testiculis porcorum admodum pinguium, Venerem nondum expertorum. Etenim quanto horum caro aliis præfertur, tanto horum quoque testes aliorum animalium testibus. Galen. lib. 3. cap. 6. de alimentorum facult. Est hic quoque diligenter notandum, testiculos animalium provectorum, in quibus semen jam fermentatum est, non esse boni nutrimenti.

101 DE CONSERVANDA

sed testiculos animalium juvenum, non Venerem expertorum, quibusque semen nondum fermentatum est, laudabilis esse nutrimenti, si probe concoquantur.

Quinta, caro porcina, de cujus electione & effectu satis superque dictum est infrà.

Cerebrum.

Sexta, cerebella, pro cujus declaratione observandum, quod cerebrum stomacho sit inimicum nauseam concitet & cibi fastidium, pituitosum & crassi succi: Si tamen probe confici possit, alimentum corpori non infimæ notæ præstabit. Attamen cavendum, ne in cibis postremo loco sumatur, nimirum ipsa loquente ex perientia nauseam post consecuturam. Neque injuria plerique cum origano sumptant, uti nonnulli cum apparato variis modis, sale: quippe cum crasso succo & superfluo constet, incidentibus, & calefacientibus contemperandū est. Quod quidem antequam comedatur, super ardentibus carbonibus assandum est. Nocet autem iis quos frigida infestare solent agritudines. Hominibus vero complexionis calidæ minorem noxam præstat, teste Rhaze. 3. ad Mansorem, cap. 11. In summa, parum convenit in victus salubris ratione. Aliquando tamen convenit ut medicina, sicut cerebrum capreoli confert contra venena & morsum venenatorum, & cerebrum leporis contra tremorem, & ut quibusdam placet cerebrum pulli & caponis ad memoriam & acumen sive vigorem ingenii. Circa electionem tamen sciendum, meliora esse avium, & præcipuè montanarum. Ex cerebris autem quadrupedum, præfertur arietis, deinde vituli, ut testatur Avicen. 2. Can. cap. 329.

Medulla
la ob-
scura.

Septima, est medulla, quæ multi nutrimenti est, si quidem bene digeratur, ut dicit Avic. 2. Can. cap.

496. Etiam facile in sanguinem convertitur, hoc tamen mali præstat, quod provocat nauseam, & cibi fastidium. Quare Avicenna teste, seminibus & pipere condienda est in cibo; quod delicatuli quidam & Apitii faciunt ciconiis & passulis. Electio Dicit Avicenna: Convenientior est medulla vitulorum & cervi, deinde tauri, & postea caprarum, deinde ovium.

Octava, dulcia vina, de quibus infrà.

Nona, cibus gustu jucundior, hic enim maxime nutrit, juxta Aphor. 38. lib. 2. Hipp. Parum deterior potus, aut cibus, suavior autem, melioribus quidem, sed minus suavibus est preferendus. Et Galen. in comm. ait: Quæcunque cum voluptate adsumuntur, ista ventriculus avidius amplexatur, facilius concoquit, sicut illa quæ displicent, refugit; unde & nausea, & flatu, & fluctuationes subsequuntur. Hinc quidam majus nutrimentum consequuntur ex cibo malo quam bono, quia malo magis delectantur.

Decima, ova forbilia, quæ parva quantitate multum nutriunt. Sed de his suprà.

Ova
forbi-
lia.

Undecima, maturæ ficus, quæ dulcedine suæ multum nutriunt & impinguant. Et licet nutrimentum habeant imbecillius nutrimento carnis & granorum, vehementius tamen omnibus aliis fructibus & nutriunt & corroborant, teste Avicenna. 2. Canon. cap. 233. ubi sic inquit: Ficus quidem nutritibilior est ceteris fructibus. Idem. 3. 1. Doct. 2. cap. 7. Fructus, inquit, nutrienti magis similes sunt, ficus, & uvæ valde maturæ, & datyli. Electio. Avicenna 2. Canon. cap. 233. Melior est alba, deinde rubra, deinde nigra, & quæ vehementer matura est, melior est, & proxima ad hoc ut non noceat.

Ficus.

Ficus item humidæ & recentes, magis velociusque nutriunt quàm siccæ, & citius de stomacho ad hepar pertranseunt, ipsumque magis humectant, & lenius reddunt quàm siccæ: siccæ vero minus inflant, & magis conveniunt stomacho quàm humidæ. De siccis Avic. loco jam citato sic inquit: Sicca quidem in suis operationibus est laudabilis, verùm sanguis ex ea generatus, non est bonus, & propter hoc facit pediculos: verùm si sit cum nuce, tunc ejus chymus fit bonus, & post nucem cum amygdala. Sequitur in Avic. Administratio siccæ cùm jejunium adest, est mirabilis juvamenti in aperiendo vias cibi, & proprie cum nuce & amygdala, cum tamen ejus nutrimentum cum nuce sit plus quàm cum amygdala. Utræque ficus in hoc conveniunt, quod inflent, leniant, superfluitates ad cutem expellant, sudorem provocent, asperitatem gutturis emendent, & leniant pectus, pulmonem, & cannam ejus, obstructions hepatis, splenis, & renum tollant.

Vva-
rum
triplex
genus.

Duodecima, uvæ recentes, id est, dulces & maturæ. Porro, triplex uvarum genus est, nam quedam sunt immaturæ & acerbæ; unde fit agrestis, quæ stringit ventrem, choleram rubeam, atque sanguinem reprimit. Plurimum item confert in fluxu ventris cholerico, Aliæ sunt maturæ, virides, recentes, ex quibus vinum exprimitur. Hæ præcipuè, si albæ fuerint, sine nucleis & cortice, ventrem laxant, & præ cæteris fructibus plurimum nutriunt, quemadmodum & ficus, minoris tamen nutrimenti sunt, quàm ficus. Avicenna 2. Canon cap. 737. Attamen ventositatem, inflationes & ventris dolorem generant. Si per duos vel tres dies à collectione aëri suspensæ ex-

ponantur, donec cortex detumescat; melius nutriunt, minusque laxant, neque tantum inflant. Habentibus autem stomachum plenum cibo, & malis humoribus, nullo modo conveniunt uvæ, & in primis recentes, & sine acinis. Citò enim in stomacho immundo & pleno cibus corrumpuntur, quia citius quàm par est digeruntur, nec possunt digestæ è stomacho ob cibum nondum concoctum descendere, quare cùm ipsæ corrumpuntur, tum alium cibum in corruptionem trahunt. Ita & de aliis fructibus laxativis sentiendum est. Si quis velit uti uvis viridibus ac recentibus, prius per horam in aquam ferventem infundantur, deinde in aquam frigidam, ac tandem utatur. Rhazes vero 3. ad Mansorem capite 20. testatur velociter corpus impinguare, & augmentare erectionem virgæ. Quæ autem ex eis corticem habent tenuem, citius descendunt, minusque inflant. His contrariæ, contraria operantur. Aliæ uvæ sunt siccæ, quæ passulæ vocantur, hæ in calore sunt temperatæ, bene nutriunt, & confortant stomachum, & hepar; autore Avicen. 2. Canon. cap. 737. & oppilationes remonent. Dicitur quoque hepar. ex eis impinguari, & maximè si munden-
tur ab acinis. Et ita intelligenda sunt quæ hic dicuntur de uva matura, recenti & de uva sicca quam passulam vocant.

Animadversio.

QUos impinguantes cibos Salernitani vocant, nos cum Græcis πολυββος multum beneque nutriendos exponimus: quod ex subje-

Cibi
multū
nutrien-
tes.

Quo-
modo
quis
im-
pin-
guari
possit.

Etis in hoc capite exemplis cuius licebit depre-
hendere, ubi omnia *ἐνχυμα* sunt *καὶ πολύτερα*.
Unum restat exponendum omisum à commen-
tatoribus, & à paucis demonstratum; quomodo
quis & quibus cibis impinguari possit. Equi-
dem Villanovanus rem exposuit lib. de regim.
sanit. cap. 7. sed meo quidem iudicio non satis
accuratè. Nicola. Taurellus comm. in illud cap.
totum negotium breviter & eleganter absolvit,
cujus verba priusquam adducam, observabis dis-
crimen esse inter pinguem habitum & corpulen-
tum; nec enim *εὐσπαρκία*, *πολυσπαρκία* junctam per-
petuo habet *πιμάλω* pinguedinem, à qua pingues
& obesi dicuntur Polluc. Onoma. lib. 2. cap. 4.
πιμάλωδες καὶ σπαρτικοί, sicut à copia carnis alii di-
cuntur *εὐσπαρκοί*, *πολύσπαρκοί*, *σάρκινοι*; Aristoph. *παρκώδεις*
Hippocr. lib. de salubri diæta hoc est carnosì,
crassì, corpulenti, membroso. Uterque autem ha-
bitus pinguis & corpulentus videtur apud Hip-
pocr. vocabulo *παχυσμήν* designatus, nam Galen.
& Hippocrat. vocant sine discrimine pingues &
corpulentos *πάχους*; licet ut dixi corpulenti om-
nes non sint pingues, nec omnes pingues mem-
broso. Porro & caro & pinguedo easdem omnino
habent causas materialem & efficientem, ma-
terialis est sanguis à quo & caro & adeps gene-
rantur, efficiens est alteratrix virtus partium &
assimilatrix, quæ sanguinem convertit primo in
carnem dein in pinguedinem. Explicat autem
modum Taurellus. *Natura*, inquit, *primum*
carnem generat, ut pote cujus opus magis ad vitam
necessarium existat, ubi vero certum & definitum
natura modum nacta fuerit sanguinis alterationis
non auget quidem, sed quod generatum est nutrit, at-
que conservat. Cum autem multum adhuc milis ali-

menti superfit, ex hoc natura non carnem generat
(ut omnia facit optimè) sed pinguedinem; his potif-
simum de causis, tum ut eorum animalium quæ sunt
esui destinata caro suavior & nutritioni magis
accommodata redderetur, tum ut alias levi & aë-
rea (ne gravitas motui esset impedimento) pingue-
dinis substantia, naturalis partium calor foveri pos-
set. Hæc ille. Si quis rationem procurandæ
vitalis scire desideret, legat Galen. lib. sexto
de sanit. tuen. cap. 8. Turisan. quæst. 59. lib. 2.
in artem parvam; & multa alia apud Aemil. Pa-
risan. lib. 9. nobilium exercitationum de subti-
litate exercitat. 3. Epiph. Ferdinand. lib. ob-
servat. hist. 82. Thomam Minadom cap. 41.
& 42. lib. 3. de humani corporis turpitudini-
bus. Explicationi particularium exemplorum ni-
hil addo, licet multa castiganda essent, multaque
addenda, sed fortean commodior locus dabitur
examinandi singula. Pergamus ergo.

*De cibis vitandis mali succi & difficilis
coctionis.*

C A P. I V.

Persica, poma, pyra, & lac, casens, & caro
salsa,

Et caro cervina, & leporina, bovina, caprina.

Atra hæc bile nocent, suntque infirmis inimica.

Hic recensentur decem ciborum genera, quæ
sanguinem serosum & melancholicum effi-
ciunt, quæque infirmis nocent.

Primum, persica, de quibus lib. 2. cap. 19. de

aliment. facult. disertè ita Galenus scribit. *Ipsorum succus, & veluti caro, facilè corrumpitur, pravaque omnino est. Quocirca (quod quidam facere solent) non sunt post alios cibos mandenda: corrumpuntur enim in superficie natantia. Sed in omnibus, quæ pravi quidem sunt succi, verùm humida sunt ac lubrica, & quæ subduci facile queant, id communiter tenendum, ea ob hoc ipsùm ante alios cibos esse sumenda. Ita enim fiet, ut & citius subducantur, & aliis cibis viam muniant. Quæ si sumpta postrema fuerint, unà secum alia quoque corrumpent. Atque inde sanepatet, hoc dictum de iis intelligendum persicis quæ matura post alios cibos ultima eduntur. Præsumpta enim stomacho conferunt, ventrem leniunt, & ciborum appetentiam præstant. Dioscorides etiam lib. 1. idem testatur, in eum modum scribens: Persica matura tam stomacho, quàm ventri utilia sunt. Acerba alvum cohibent, sed sicca vehementius. Decoctum è siccis alvi stomachique fluxiones sistit. Simeon quoque Sethi de persicis hæc refert. Persica, inquit, quidam in tertio ordine refrigerantium humectantiumque posuerunt: alii in primo, alii vero in secundo, quod etiam certius est, phlegma generant, non facilè concoquuntur, celeriter in ventriculo corrumpuntur, propterea qui crebrius ad sanitatem his utuntur, in febres incidunt, lædunt & nervos proprietate quadam. Oportet verò hæc ante cætera cibaria assumere, & super his meracum bibere. Quæ ex his matura sunt, ventrem dncunt, immatura contra sistunt, eoque efficacius sicca. Foliorum succus in potu sumptus, lumbricos ventris perimit; idem persicis si cum foliis umbili-*

*Persica
prima
mensa
eden-
da.*

co apponatur. Suscitant quoque ciborum appetentiam persica, profunt & inflammato ventriculo, & genitali semini adjiciunt, serosum tamen sanguinem parant, sæpiusque post unum vel alterum mensem ob putredinem febres tum longiores, tum etiam difficulter solubiles gi- gnunt.

Illud etiam observare oportet, ne super hæc aqua bibatur. His amplius addit Plinius Valerianus, persicorum foliis siccis, & in pulverem redactis, plagas cruentorum vulnerum claudi, quam facultatem Serapion ipsis etiam persicis siccis attribuit. Quanquam autem persica jam dictis viribus prædita sunt, quia tamen humor inde genitus faciliè corrumpitur & putrescit, noxia sunt infirmis, & maxime si præpostero ordine ac in- tempestivè sumantur. *Infra.*

Secundum, poma, sive mala: In quibus, autore Simeone Sethi, multa differentia est: quæcunque enim astringunt, frigidum habent & terreum suc- cum. Quæ acria sunt, frigidum quidem, verum tenuem illum habent. Medii autem temperamen- ti sunt dulcia, quæ ad caliditatem magis vergunt. Omnia certè quadam peculiari proprietate ner- vis nocent, nocent & quæ matura non sunt. Di- cuntur & lapidem seu calculum gignere iis, qui ad satietatem iis utuntur, verùm utilia sunt ad *λεπροδυσίαν*, id est, animi deliquia, & cordis debilitatem. Spiritum quoque flatulentum in secun- da concoctione generant, eoque infirmis nocent, sicuti de pyro mox dicetur, & hoc de crudis ma- xime intelligendum est.

Neque vero ab his solum fructibus ægrotos ab- stinere convenit, sed ab omnibus etiam, quæ san- guinem seroso ac ebulliente succo replent. Ejus-

110 DE CONSERVANDA

modi plane sunt recentes, & qui ante perfectam maturitatem eduntur: cum enim humidius alimentum, ob idque excrementosius præbeant, non secus in corpore humano fervent, & ebulliunt, atque vinum, quod nuper ex fructibus vel uvis expressum est in doliis, & hoc quidem ob caliditatem ipsis à sole cum maturescerent, ingenitam; quemadmodum lib. 4. cap. 3. de usu part. Galenus attestatur.

Et hoc certè, Avicen. 3. 1. doc. 2. cap. 7. teste, commune est omnibus cibariis, quæ sanguinem seroso succo implent. Porro etsi verò hoc interim spatio, quo manduntur, humectent, ob succi tamen ebullitionem prompte in ventriculo corrumpuntur, & sanguini putrido gignendo accommodatissimi sunt, qua de causa non temere Avicen. 1. 4. Tract. 2. cap. 7. fructus recentes omnes febricitantibus interdixit. Plura Galenus lib. 2. cap. 21. de alimento facult. & infra.

Pyra.

Tertium, pyra, quæ sanè, perinde ut & alii fructus recentes ac crudi, communiter hoc possident, ut seroso ebullientéque succo sanguinem expleat, eumque putrefactioni obnoxium reddant, quò sit ut eorum cibus, Plin. lib. 23. cap. 7. teste, non ægrotis solum, sed valentibus etiam onerosus sit. Inflationes quoque excitant, & ob id crebrius esitata colicos affectus suscitant. Sed innoxia fiunt, si unà cū carminativis vulgò dictis, hoc est, calefacientibus, tenuantibus & flatum expellentibus comedantur, vel super his vinum vetus & odoratum bibatur. Quod Galenus lib. 1. cap. 26. de aliment. facult. palam etiam ita scribens confirmat: Quicquid omnibus cibariis inest flatulentum, id per calefacientia & tenuantia corrigitur. Pyris præterea ea facultas inest, ut inter cæteros fructus

quàm maxime impinguent, quare sues ipsorum esu magis, quam quorundam aliorum fructuum pinguescunt. Laudatiora sunt odorata & dulcia, & ex ipsis cocta, quàm cruda, meliora. Coquenda verò cum fœniculo, aniso, & saccharo. Infrà.

Quartum, lac, hoc enim facile corrumpitur, in- Lactis
usus.
que nidorem aciditatémve in impuro ventriculo transit. Quapropter putrida febre correptis exhibendum non est, quia plurimo calori conversa-
tum, in nidorem statim abit. Huc accedit quòd in ventriculo febricitantium haud concoquatur, sed potius corrumpitur, adeoque febres augeat. Caput quoque dolentibus malum est, quod confirmat Galenus, qui lib 3. de alimen. facult. cap 14. Lact. capiti, nisi quis ipsum habeat admodum firmum, non esse accommodum tradit. Cujus quidem rei causa alia non est, quàm quod lac sit nidorosum ac facile evaporet, caputque petat, adeoque dolo-
rem augeat. Nocet præterea sitibundis & aliis nonnullis, de quibus Hippocrates apho. 64. lib. 5. & ibidem Galenus. In phthisi tamen, hæctica, & aliis quibusdam passionibus, ut Hippoc. loco jam citato autor est, utilissimè conceditur. Qua de re copiosius infrà.

Quamquam autem lac infirmis ex usu non sit, in sanis tamen ad bonos humores gignendos, ex iis præsertim animalibus, quæ bono corporis habitu sunt, probatissimum habetur, & hoc quidem si in ventriculo & hepate perfectè concoquatur. Tunc enim mordaces succos, quoscunque invenerit, expurgat, qua de causa in urinæ difficultate & acri egestionem alvi, non solùm bibere conducit, sed etiam infernè per clysterem infundere. Ad acres enim & mordaces fluxiones commo-

diffimum est, non solum abluens ipsas de partibus infestatis, atque hoc per exterioriam humiditatem, quam in serosa sui parte complectitur, sed etiam crassitie ac pinguedine sua corporibus oblitum ac inductum, non finit influxum aerem nudis ipsis allabi. Ad pulmonis itaque ac intestinorum ulceram, Item renum, vesicæ ac uteri, & ad papularum eruptiones, & furunculos, & alias cutis asperitutes convenientissimum est in potu, adeoque cutē ipsam pulchram ac nitidam reddit. Ad hæc, lancinamenta ex Veneni potione, & quæ in urinæ meatu fiunt, compescit.

Item ad eos qui cantharidas hauserunt, aut buprestini, & in summa ad medicamenta erodentia ac exulcerantia, & ad hyosciamū, velut peculiare remedium est. Nam statim respiscere affectos facit. Ceterum in gutturis exulcerationibus, quæ cum ob alias multas causas, tum ex anginis fiunt, & his qui ephemerum sumpserunt, lac gargarizare conducit.

Corporibus præterea temperatis, quorum ventriculis nihil biliosi & phlegmatici humoris insidet, utilissimum habetur. His enim bene concoctum multum nutrimenti summitit, probum succum generat, bonam carnem longè meliorem reddit, & corpus convenienter humectat.

Hoc tamen in primis cavere debet, qui lac bibere voluerit, ut interim à reliquis cibis ac potibus abstineat, donec concoctum sit ac secesserit. Si enim ante ejus concoctionem, alium cibum quisumat, necesse est & ipsum lac corrumpi, & cibum qui superingestus est. Præstat autem manè bibere recens mulctum, & tunc plures labores detrudere, quietè ac sensim ambulare, & interim cessare citra somni admissionem. Qui enim hoc

modo

modo se gesserit, potum lac excernit, idque inutilia secum educet. Opus est enim si quid aliud, primum acceptum secedere, quo facto aliud bibere. Principio igitur secedit alvo, commodè purgans non totam corporis molem, sed quæ in alvo & intestinis sunt, partibusque vicinis. Post hæc jam in venas defertur, optimèque nutrit, & non amplius secedit, sed ventrem sistit.

Corporibus verò distemperatis infestum inimicumque est. In calidioribus enim cito in nidorem atque bilem, in frigidioribus verò in aciditatem & putredinem commutatur.

Circa electionem denique lactis sciendum, pro ipso animalium specie haud parvam esse differentiam, Boum namque lac, crassissimū ac pinguis-
Lactis
varia
genera.
 simum, & concoctu difficile est, & ob id in ventriculo in flatus vertitur, venarūq; obstructionem parit. Liquidissimum autem ac minimè pingue, est camelorum, moxè quarum, deinde asinarum, mediæ autem consistentiæ, est caprarum, hoc crassius ovium. Lac igitur caprarum, cum inter cætera lactis genera moderatè se habeat, neque pingue admodum, neq; crassum sit, meritò in victus salubris ratione præfertur. Quin & caprarum inter se invicemque collatarum, & secundum anni tempora, non parva differentia est. Earum enim quæ modò pepererunt, lac liquidissimum est, sed temporis progressu, magis semper ac magis incrassescit; ætate verò media, ipsum etiam in medio suæ naturæ consistit, post id tempus sensim jam crassescit, quoad penitus deficiat. Vere autem ut liquidissimum, ita etiam copiosissimum est. Quo fit, ut eligendum sit lac caprarum, non quidem prægnantium, sed enixarum, quæ tamen, quod ad partum ipsum attinet, medio-

criter se habeant, hoc est, quæ neque nuper enixa sint, neque multum à partu recesserint, hoc interim non neglecto ut ipsis etiam alimenta propria affatim suppetant.

Ac ne illud quidem silentio prætereundum hoc loco, quòd lac caprinum sine melle sumptū, haud citra periculum sit. Plerisque enim qui purum illud hauserunt, coactum est in ventriculo in speciem casei, quod quidem quum accidit, mirum est quàm aggravet hominem ac strangulet. Ob eam causam, lac ubi sumunt nonnulli, ne in ventriculo coaguletur, mellis, aquæ & salis nonnihil admiscunt. Atq; hæc quidem hoc loco de lacte sufficiant. Plura Galenus lib. 3. cap. 14. de aliment. fac. & lib. 10. ca. 7. de med. simpl. facult. & in lib. de cibis bon. & ma. succi. cap. 6. Paulus lib. 1. cap. 86. & 87. & Ætius lib. 2. cap. 92. & 93.

Caseus

Quintum, caseus; quod quidem cum de omnibus caseorum genere, tum de inveterato cum primis intelligendum est. Hic enim ob coaguli & salis dum pararetur injectionem, temporis progressu acrimoniam assumpsit, humiditatemque omnem deposuit, quare seipso etiam acrior, & manifestè calidior, atque ardentior evasit, & ob id ipsum peioris quoque & crassioris succi, & ægrius concoctilis effectus est. Præsumptorum quidem concoctionem adjuvat certè, sed ipse difficilior concoquitur. Atque hinc adeò jam vulgò dici solet:

Caseus est nequam. quia concoquit omnia, se quam

Nutrimētum habet exile, stomacho nocet, & ubi forte fortuna in corpore supercalefactus fuerit, quemadmodum disertè Galenus libro tertio cap. 6. de locis affect. scribit, facilè melancholicum humorem parit, Recens flatuosus quidem minus est, sed ventrem magis sistit, magisque siticulosus

est, nec ad calculorum in renibus procreationem minus existit noxius. Deterrimum præterea edulium est iis, quemadmodum hoc ipsum Hippocrates lib. 4. de vict. rat. in morb. acu. Apho. 92. clarissimè ostendit, qui se potu repleverunt. Gravatur si quidem os ventris, primùmque corrumpitur, & alia deinceps secum corrumpit. Fugiendus igitur est ejusmodi, ut qui nihil conferat, neq; ad coctionem, neque ad distributionem, neque ad movendam urinam, neque ad ventris dejectionem, ceu utrique nec ad succi probitatem.

Porro recens ac mollis caseus; frigidi humidique temperamenti est, & duro siccoque flatuosior existit, sed eo minus astringit, minúsque crassi succi est, nihilominus tamen ægrè conficitur, obstruitque & calculos gignit.

At verò qui inter utrumq; , recentem nimirum & inveteratum, glutinosum & friabilem, durum ac mollem, rarum laxumve & valde densum coactumve medius existit, quique dulcedine nonnulla participat, modicèque salsus est, neque lachrymas, cum inciditur profundit, neque tardius alvo secedit, sed odore & sapore jucundus, moderatèq; pinguis est, atq; ex bono lacte pulcherri-
mè elaboratus, is utiq; reliquis omnibus longè multumq; præstat. Verum post alios cibos ultimo loco, & exigua planè copia ingerendus est, alioquin & ipse, nihilo secius ac reliqui casei, ventriculum gravatur, coctionem impedit, alvum cohibet, crassos humores atque flatus in corpore, lapidemque in renibus parit. Solus igitur

Caseus ille bonus, quem dat avara manus.

Plura de hoc apud Galenum libro tertio, capite decimo sexto, de alimen. facul. & libro decimo, capite 9. de simp. med. facul. & in libro de cibis

boni & mali succi, cap. Paulum lib. 1. cap. 39. & cap. Aetium lib. 2. cap. 101.

Caro
falsa.

Sextum, caro falsa. Caro enim salè condita, atque sole deinde aut vento, sive fumo exarefacta, cujuscunque ea generis, vel animalis fuerit, substantia cum duriore, tum ad coquendum etiam difficiliore constat, & tardius permeat. Alimentum quoque corpori præbet exiguum & mali succi, ideoque sanguis inde generatus crassus existit atque melancholicus, ac proinde, si frequens ejus usus fuerit, non solum infirmis, verum etiam sanis officit, quemadmodum id ipsum ex Galeni lib. 3. cap. 6 de locis affect. & comm. 18. lib. 2. aphor. & post eum ex Avicennæ 2. 1. doc. 2. in fine cap. 15. apertè colligitur.

Cerv-
na.

Septimum, caro cervina, cui & ipsi sanè cum omnibus duris & siccioribus carnibus hoc commune est, ut succum vitiosum, cōcoctu difficilem, ac melancholicum generet. Id quod Gal. in lib. de rerum affect. digno & medicat. cap. 16. clarissime ostendit. Cervinam, inquit, carnē vitabis, quippe quæ dura sit, concoctu difficilis, & melancholica. De ea hoc amplius Simeon Sethi scribit: Unice cavendum, ne quis carne vescatur cervorum, qui per ætatem capiuntur, quod eo nimirum tempore viperas sæpè & serpentes devorent, atque ideo sitibundi admodum fiant: attamen, cum naturæ instinctu edocti noverint, sibi futurum exitio, si ante illorum cōcoctionem aquam hauserint, fortiter sitim tolerant, eaque incenduntur. Cervorum igitur carnes eo anni tempore venenosæ ac valde noxiæ sunt, & idcirco observandum, ne quis eis per ætatem vescatur: At verò hyeme tutius sumuntur, meliusque ab innato calore superantur. Nisi enim probe concoquantur, crassum humo-

rem generant, jecurque & splenem obsepiunt obstruuntque. Quinetiam corpus tremulum atque infirmum evadere ex frequenti & immoderato hujusmodi carnis esu traditur.

Octavum, caro leporina. Hanc Paulus, Psellus, Leporini & Rhazes inter cibaria atram bilem gignentia rina. connumerarunt. Simeon Sethi, quasi colligens quæcunque à veteribus dicta erant, in hunc modum de ea scribit: Leporum carnes, his qui exsiccare corpus volunt, sunt valde utiles. Qui vero temperatura sunt sicciore, minus conferunt, sanguinem enim crassarum partium & melancholicum gignunt, alvum cohibent, & urinam proritant. Quod si tamen probè concoctæ fuerint, non omnino malè nutriunt. Contrà verò, obstructionem hepatis ac spleni efficiunt, pulmonique nocent, & immodicis torquent vigiliis Isaacus in diætis universalibus, leporinam pro pharmaco potius quàm alimento habendam censet. At ne hoc quidem ignorandum, quod tum hæc caro, tum cervina quoque, si fuerint animalium ætate declinantium, simpliciter sint evitandæ. Si quis tamen comedere omnino expetat, ei sanè partui propinquiore sunt eligendæ, quo nimirum naturalis earum siccitas ab ætate temperetur. Eadem ratione & pinguiore longè cæteris antecellunt. Siccitas namque pinguedine correctæ ad mediocritatem in ejusmodi animalibus inflectitur. Verùm de hac ipsa Joanne Manardo, lib. 13. epistola. 4. diligentius nemo disseruit.

Nonum, caro bovina, circa quam notandum in primis, & fæminam ipsam, quæ vacca dicitur, & utrumque marem, tam eum, qui castratus est, quàm eum etiam, qui integer ad speciei propagationem reservatus nominatur, communi hæc

Bovina.

boum appellatione significari. Atque hi sanè non parum inter se ætatis ratione differunt. Extrēmæ namque ætates, ut in aliis non paucis, ita in his quoque vitiosæ sunt; mediæ vero optimæ & saluberrimæ. Vitulorum igitur recens editorum caro nimis mucosa & excrementitia est. Bimestres autem, quique paulo ultra citraue eam ætatem consistunt, temperamento viciniore sunt, & carnes habent ad concoquendum perfectis bobus præstantiores, & multum alimenti corporibus exhibent, bonique succi habentur. Proiectiores vero, qui tamen florentem ætatem nondum attigerunt, temperamento sunt quàm senes minus sicco, magisque iis juvenibus conveniunt, qui bono sunt corporis habitu. His perfectæ ætatis boves valentius ovidem alunt, sed ægrius tum concoquuntur, tum in membra distrahuntur. Porro ad senium vergentium atque ipsorum etiam senum carnes, duræ, siccæ, nervosæ, concoctionique rebelles sunt, & melancholicum humorem efficiunt, solisque ventriculos habentibus calidiores, atque illis insuper, qui vehementer sese atque immoderatus exercent, concedi possunt. Quod lib. 4. de vict. ratio. in morb. acut. aphor. 99. Hippocrates etiam ita scribens attestatur. Bubulæ carnes melancholica proritant *παθιματα*. Nempe harum natura insuperabilis est, nec quivis ventriculus eas concoquere potest Galenus quoque lib. 3. cap. 1. de aliment. facult. iisdem ferè confirmat verbis: carnes bubulæ alimentum quidem & ipse corpori suggerunt non mediocre, neque dissipatu facile, sanguinem tamen generant, quàm conveniat, crassiozem. Quod si quis temperamento naturali melancholicus magis fuerit, affectu aliquo melancholic oppressus, si largius his vescatur,

Affectus autem melancholici sunt, cancer, elephas, scabies, lepra, febris quartana, & quæ peculiari nomine Melancholia nominatur: Lien itē quibusdam à tali succo intumescit; quam rem *καχξία* id est, pravus habitus & hydropes sæpe numero consequuntur.

Cæterum qua ratione incommodis, quæ frequentiore earum esum excipere solent, providendum sit, luculenter & perspicuè Simeon Sethi in hunc modum scribens edocuit. Si quis eas edere velit, summaque cupiditate appetat, vel cogatur etiam, is medeatur nocumento quod inde futurum speratur, aceto & alliis cum ruta intingens. Idem quoque autor est, earundem jure sive brodio, *ζαμὰ* Græcis appellato, fluxus ventris ex flava bile cohiberi.

Vaccinæ, cū præter succi pravitatem etiam **Vaccina** sexus ratione frigidiores sint, merito à sanitatis tutela eximuntur. Non tamen ab eis, quemadmodum nec ab aliis, quæ hactenus dicta sunt, ex toto abstinendum est, sed omnibus interdum, optimis vero, quantum fieri potest, sæpius utendum.

Decimum, cæro Caprina, de qua idem fermè, **Caprina** quod de bovina dicendum. Hædi enim perinde ac vituli, carnes ad conficiendum perfectis capris meliores, & tuendæ valetudini accommodatiores habent. Moderatè nutriunt, sanguinemque tenuem & humidum gignunt. Præstantiores & probioris succi sunt lactentes adhuc, & maximè si neque tenelli admodum, neque natu grandiores fuerint. Simeon Sethi rufos & glaucos; Rhazes vero rubros in nigrum inclinantes, ac pingues præfert. Baldacho fœmellæ quàm masculi carnem temperatiorem, & à siccitate remotiorem esse placet. Mirificè calidis & siccis temperaturis, at-

110 DE CONSERVANDA

que insuper delicatis & otiosæ vitæ deditis, conferunt. Hirci carnem quidem habent minimum humidam, pituitosam, ac lentam, ob fœtorem tamen ingratam, & stomacho inimicam: agre concoquitur, & ad succum bonum generandum parum idonea est.

Arietina.

Hanc sequitur Arietum, post, taurorum. Porro in iis omnibus carnes castratorum sunt præstantiores: senum autem pessimæ. Caprina in tota valetudinis cura observationeque vitanda est. Nam Hippocrate lib. 4. de vict. rat. acutorum, aphor. 101. teste, habet mala, quæ in bubulis sunt omnia, & cruditatem, estque flatuosior, & ructus magis generat, acris est, malumque succum efficit. Incunte tamen æstate, & circa ejus medium, capræ melius agunt longeque seipsis in cibo præstantiores evadunt: tunc enim arborum & fruticum surculi & germina, quæ iis maxime idoneam præbent alimoniam, frequentissima sunt; ac proinde habiliores etiam, ac pingues, nobisque alendis accommodatiores fiunt.

Quod autem alimonia ad carnis bonitatem plurimum possit, argumento sunt evidentissimo vulpes, quæ autumnno probatissimam ob uvas habent carnem. Sic passer & ficedula per idem tempus maximè laudabilem carnem obtinent. De caprina plura Galenus lib. 3. cap. 1. de aliment. facul. & de attenuante diætâ cap. 6. & comm. 101. 102. in lib. 4. Hippoc. de vict. ratio. in mor. acut. & Paulus lib. 1. cap. 84. & Aëtius lib. 2. cap. 119. Atque hætenus quidem de cibis & carnibus vitandis.

Exigit nunc ordo, ut de electione alimenti, quod partim à jam dictis, partim verò ab aliis quibusdam animalibus sumitur, nonnihil etiam dicatur. Si quidem de eo haud parva inter ipsos artis medi-

cæ scriptores controversia est. Galenus enim ut & alii nonnulli, porcinae palmam detulit: Rhazes verò, Avicenna & Averrhoes hædinam prætulerunt. Sunt etiam quibus vitulina præstantior videatur. Porro electio hæc & præstantia multipliciter attendi potest. Et primò quidem ration, etum similitudinis, quam cum humanis obtinent carnibus, tum majoris quoque & discussu difficilioris alimenti. Quo sanè modo

Porcina cæteris omnibus longè antecellit. Maxima enim illi cum humano corpore similitudo Porci-
est, quemadmodum Galenus lib. 3. de aliment. fa-
cul. cap. 1. disertè iis verbis ostendit. Suillæ carnis
similitudinem cum humana ex eo poreris intelli-
gere, quod quidam carnes humanas pro suillis si-
ne ulla in gustu vel olfactu suspitione comede-
runt, id enim ab improbis hospitibus, & aliis qui-
busdam factum fuisse jam compertum est. Idem
lib. 10. de simpl. medica. facul. cap. 2. Sanguis,
inquit, suillus humano maxime temperie similis
est. Siquidem & carnes suum humanis sunt similes.
Comperti enim sunt hospites & coqui complures,
qui humanas carnes pro suillis venderent: tametsi
qui eas edissent, nullum omnino discrimen perci-
pere potuerint. Quin & ipse narrantes audi vi-
ros fide dignos, sese in diversorio publico jus usti-
tasse delicatum cum carnibus suavissimis: cæte-
rùm cum jam pene saturi essent, invenisse digiti
partem anteriorem, quæ videlicet ad unguem est,
quo perculsi ac metuentes eos qui agebant in di-
versorio, ne scilicet se quoque vorarent, ceu ei rei
assueti, protinus quidem illinc exiere, ac vomitu
redditis quæ ederant, ita iter denuo ingressi sunt.
Sed & in ipso facinore homines maetantes depre-
hensos, non ita multò post referebant. Itaque jure

quispiam existimet suillam carnem humanæ esse simillimam.

Suilla
nutriēs.

Quod deinde suillam carnem validissime nutrire diximus, hoc Galenus lib. 3. cap. 1. de aliment. facult. in eum modum scribens confirmat. Omnium ciborum, suum caro potentissime nutrit. Cujus rei athletæ certissimum tibi præbent judicium. Si enim paribus exercitationibus parem molem alterius cibi pridie totum diem comederint, postero die statim sentient sese redditos imbecilliores. Quod si pluribus deinceps diebus id fecerint, non imbecilliores motu, verum etiam alimentum penuria macilentiores palam conspiciuntur. Idem lib. 7. method. medendi, cap. 6. iis etiam testatur verbis: Omnium, quos novimus ciborum, maxime nutriens suilla caro est. Quin & ipse Hippocrates lib. 6. epidem. part. 3. Aphorif. 4. quum jam corpus ex multis exercitiis conciderit, suillas carnes assatas exhibere præcipit,

Porro alimentum, quod inde sumitur, firmum esse, neque dissipatu facile, satis confirmat Galenus in libro de attenuan. vict. ratione, capite 6. ubi sic scriptum reliquit: Suum domesticorum caro, omnium aliorum ciborum firmissime nutrit. Multum enim in seipsa habet lentorem, tum propter vitam desidiosam, tum propter cibi humidioris affluentiam. Et similiter in libro de renum affect. agnosc. & medic. cap. 26. Pedestribus optimi succi est caro suilla, & hominib. maximopere familiaris, maximèque tum nutribilis, tum corroborans, sed glutinosum quiddam habet & crassum, ob id qui diutius ea victitant, jecoris & renum obstructione corripiuntur, quibus hæc à natura astrictos meatus habent, eoque longiori ab ea intervallo abstinendum.

Quia verò glutinosum, ut dictum est, & crassum succum generat, ideo Hippocrates assatam exhibere iussit, quo nimirum viscositate ac crassitie, ab ignis caliditate nonnihil consumpta, minus humida ac glutinosa edatur. Idem lib. 4. de vict. ratio. in morb. acut. aphorif. 103. ejusmodi carnem absque pelle, hoc est cute mandendam esse docuit. Cutis enim animalis, utpote frigidior, carni similiter concoqui nata non est. Quæ autem ob assationem ambusta est, tum ad succi bonitatem, tum ad concoctionem inhabilis existit, choleramque parit propter eam, quæ huic accidit acrimoniam. Ibidem pinguis- simam quoque suam carnem ea, quam medii & bene carnosæ habent, deteriore existimat, suspicionem humiditatis habens, ob quam pinguedo omnis carne sui generis deterior tum ad concoctionem, tum ad nutritionem existit.

De Suilla hoc amplius Galenus in lib. de cibis boni & mali succi cap. 4. Suilla caro, si exactè in ventriculo concoquatur, tum in sanguinem à jecinore convertatur, probatissimos humores gignit. Quod intelligendum utique, non de carne suum vetustissimorum, ea enim ob siccitatem & duriciem ægrè concoquitur, ac succum vitiosum generat, neque porculorum lactentium. Nempe hi terrestrium ferè omnium, quæ vorant homines animalium, maxime humidam & excrementitiam obtinent carnem; atque ob eam rem plurima inde generatur pituita: sed ætate mediocrius, anniculorum videlicet, vel bimorum. Idem Galenus etiam libro paulo ante citato cap. 12. attestatur; Ex animantibus, inquit, quorum natura ad bonos humores gignendos aptis-

124 DE CONSERVANDA

fima est, sues mediocris ætatis habentur; qui enim ad summum creverint, hominibus vigen-
tis ætatis, seque exercentibus, qui vero adhuc
increscunt, iis quorum ætas inclinat, idonei
sunt. Caro ex porcellis parvulis, excrementis
scatet.

Quare ex pedestribus animantibus suilla caro
probatissimus cibus est. Et hoc quidem, tametsi
in utroque genere, tam domesticorum, quàm
agrestium vere dicatur, agrestes tamen à Gale-
no longè cæteris anteferuntur. Atque hinc adeo
in libro de attenuan. vict. ratio. cap. 6. sic in-
quit: Apri suis domesticis in cibo sunt ante-
ponendi. Et lib. 8. method. meden. capite 2.
Ex ipsis suillis carnibus optima est montana.
Cujus causam Galenus lib. 3. de aliment. fa-
cult. cap. 13. hanc esse tradit. Domestici, in-
quit, sues temperie humidiores sunt, quàm
agrestes, tum ob aëris, in quo degunt, humi-
ditatem, tum verò etiam ob vitæ ignaviam.
Qui verò in montibus degunt, multum exer-
centur, ac fatigantur: præterea in aëre siccio-
re vivunt, quapropter eorum caro est durior,
nulliusque prorsus pinguedinis, aut paucissi-
mæ particeps, & alimentum quod inde pro-
venit, minus habet excrementi: contra exere-
mentitium est, quod à domesticis sumitur. Ne-
cesse igitur est, alimentum ejusmodi nutrire Va-
lentius quàm alterum, succùmque gignere
multò meliorem. Addit præterea Avicenna libro
secundo cano. capite centesimo quadragesimo sex-
to, eosdem hyeme meliorem sanguinis habi-
tum consequi, longèque seipsis in cibo evadere
præstantiores.

Ex omnibus hætenus adductis, satis jam li-

quet, hominibus ætate florentibus, fortibus, & quamlibet fortem ac vehementem actionem obeuntibus, ut pote fossoribus, agricolis, messoribus, cæterisque id genus operariis, modò ab oppilationibus puri atque vacui sint, ac denique iis etiam, qui impinguari cupiunt, suillam potissimum exhibendam. Adejussmodi enim corporum conservationem alimento plurimo, firmo, atque ægre dissipabili opus est. Rectè itaque Rhazes lib. 3. ad Alman. cap. 9. Crassa, inquit, caro multum sese exercentibus convenit, iis verò, qui vitam in majori ocio ac quiete degunt, subtilis & extenuans. Quod Avicenna quoque 3. 1. doc. 2. cap. 7. ita fermè scribens confirmat: Vehementet sese exercentes, multoque labore fatigati, firma magis & crassa alimenta requirunt.

Secunda verò carniū electio à temperamento, concoctione, ac succi inde geniti probitate sumitur, atque ea quidem ratione hœdinae longè cæteris præferuntur. Nam, ut Rhazes loco paulò antè citato autor est, temperatura sunt mediocri, nullius pravitatis participes, facilè concoquuntur, tum sanguinem quoque inter subtilem & crassum, calidum ac frigidum temperamentum efficiunt. Illis tamen, qui multum exercentur, in cibo minus idoneæ sunt, siquidem alimentum, quod corpori summittunt, forti exercitio, sine labore celeriter discatitur. Juvenibus temperatis mediocri exercitio utentibus, quemadmodum & illis quoque, de quibus supra dictum est, magis conveniunt,

Porro quemadmodum hac ratione inter animalia domestica caro hœdina præstantior est, sic inter agrestia quoque capreoli facilè primas ob-

tinent. Post hœdinam autem secundum locum arietina sibi vendicat, si quid Rhazæ atque Averrhoi credimus. Quorum ille quidem lib. 3. ad Almanso. cap. 9. ita scriptum reliquit: Caro arietina quàm hœdina crassior est, virêlsque magis auget, sed plures efficit superfluitates, in bonitate tamen hœdinam sequitur carnem. Hic verò lib. 5. suorum collecta. cap. 32. de eadem hęc ferè prodidit. Post carnem, inquit, hœdinam est arietina, atque ita omnes propè medici sentiunt, præter Galenum, qui arietum carnes abominatur, persuasum enim habet, vitulinam arietina longè melioris esse nutrimenti. Sed Galenus forsan hanc præstantiam ex eo attendit, quod vitulina plurimum nutriat, & nutrimentum ejus ægrius dissipetur; Arietina verò insigni humiditate prædita sit. Nam humidius alimentum; ut distribuitur, ita etiam discutitur celerius. Locus Galeni, quem Averrhoës citat, est (ni fallor) in lib. de cibis bon. & mali suc. cap. 12. Verba Galeni sic habent.

Ex pedestribus animantibus caro suilla probatissimus cibus est, deinde hœdina, mox vitulina, Agnina verò humida lentorem mucorémque in se habere censetur. Quod idem in libro de attenuan. vict. ratione cap. 7. velut repetens, inquit: Ex terrestribus animalibus: hirci, & arietes, & genus omne ovium, ac caprarum, non undequeque laudabilis sunt alimenti; solis autem hœdis innoxie utare: Agnorum esus propter insignem humiditatem est fugiendus. Ex quibus utique locis fit hoc etiam perspicuum, apud Rhazen atque Averrhoën, agnos mæculos, qui aliquantulum increverint, per arietes esse intelligendos; id quod ipsemet Aver-

rhœs his verbis confirmare videtur : Magna pars medicorum laudat carnes arietum juvenum, &c.

Tertia demum carniū electio sive præstantia, in eo sita est, ut neque insuave, neque mali odoris, neque glutinosum quicquam gustu præsentent. Tales autem imprimis vitulinæ sunt, quemadmodum Averrhoës loco citato iis ferè verbis ostendit : Carnes inquit, vitulinæ bonæ sunt, minus enim quàm boum ætate declinantium carnes, habent tum viscositatis, tum frigiditatis ac siccitatis, tum odore quoque cæteris carnibus suaviores & jucundiores sunt. Quæ certe consideratione ipsis etiam hœdinis præferuntur. Siquidem in coctura hœdinarum mucago, hoc est, lentor, sive viscositas quædam apprehenditur, quæ in vitulinis non apparet. Hœdinæ tamen vitulinis succi probitate præstant.

Ex omnibus, quæ hætenus adducta sunt, liquido jam constat, non esse tantam inter medicos de carniū electione controversiam, quanta prima facie apparet.

Hoc quoque scire in universum oportet, quod siccorum animalium carnes in prima ætate, quæ humidior est, præstantiores sint, & minori momento conficiantur : cùm vero adoleverint, ob siccitatem agrè concoquantur. Contra humidioribus animalibus carnes progressu temporis consumpta humiditate superflua, aptiores & ad concoquendum, & ad nutriendum fiant. Quod Galenus etiam lib. 3. de alimen. facul. cap. 1. in hunc scribens modum, innuere voluit. Iis, inquit, animalibus, quæ natura temperamento sunt sicciore, adolescens ætas ad mediocritatem

ipsam confert: humidiorum verò natura, quod sibi ad probam ac convenientem temperiem in est, ab ætate florenti adsumit. Non modo itaque vituli carpes habent ad conficiendum perfectis bobus præstantiores, sed etiam hœdi capris: velut contra verveces anniculi agnis lactentibus, & porci anniculi vel bimi porculis parvis. Hinc non temerè ab Avicen. 3. 1. doc. 2. cap. 7. dictum est: Oportet ut cibus, nimirum sanitati conveniens, sit qualis caro est, & præcipue hœdorum, vitulorum lactentium, & agnorum anniculorum.

Ex quibus omnibus sequitur tandem, carnes hircorum, caprarum, arietum, ovium, boum, atque verrium antiquorum, non unde quaque laudabilis esse alimenti: Carnes vero vitulorum juvenum, agnorum anniculorum, majalium anniculorum vel bimorum, valetudini tuendæ esse accommodatissimas.

Hoc quoque ignorandum non est, quod carnes naturali temperamento sicciore, sint elixandæ: quo nimirum ab aquæ humiditate contemperentur: Elixatio enim siccitatem temperat. Humidiores verò assandæ, nempe ut earum humiditate ab ignis calore attenuatâ non nihil atque immutâ, mediocritatem consequantur. Assatio enim ex Galeni sententia, humiditatem moderatur. Quo fit, ut carnes leporum, cuniculorum, cervorum, boum, & capreolorum elixæ; porcellorum vero ac vervecum assæ, sint præferendæ. Eadem etiam ratione in ætatibus, temperaturis, atque anni constitutionibus humidis, sicciore & assæ carnes magis conveniunt: In siccioribus vero humidæ atque elixæ.

Animad.

Animadversio.

HOC capite exempla proponuntur alimentorum vitandorum quorum substantia & qualitas vitiosa est. Sed re vera hic mentio tantum esse debet eorum quæ substantia peccant, quorum differentias omnes qui habere voluerit, in memoriam revocet necesse est ea quæ ad caput secundum hujus sectionis animadvertimus. Ibi ad substantiam alimenti pertinere diximus formam & materiam, formamque consistere in multa familiaritate ac dulcedine, materiam vero in consistentia, cujus aliquot modos attulimus. Alimentum ergo parum familiare bonum succum non generat, sed prævum & malignum; ex quo etiam morbi pestilentes generentur, ut ostendit Galen. lib. secundo de alim. facult. cap. de cucumeribus. Cum enim quod amicum est naturæ paucum sit & exile, robur corpori non addet, quia non assimilabitur, longo igitur tractu cunctando in venis sensim putrescit, morborumque occasionem præbet. Quod si ejuscemodi Alimentum aliquid dulcedinis admistum habuerit, quod dulce est nutriet, reliquum abibit in excrementum, ex quo fit ut alimentum parum dulce, parumque familiare, sit excrementosum. Ergo ratione formæ duplex vitium in alimento exurgit: pravitas que κακοχημία dici potest, & excrementi copia quæ ὀλιγοτερεία. Ratione vero materiæ seu consistentiæ multa exoriuntur vitia: si enim duræ est consistentiæ, difficile est concoctu, corruptu facile: si gravis, densæ & crassæ, terrenum succum, crassum & nimis

Vitiosa
alimenta

Excremento-
sum
alimentum.

fibrosum cumulat; si viscidæ & lentæ, difficili negotio in venas distribuitur, sed hæret, & obstruit. Cardan cap. 29. & 31. lib. 1. de sanit. tuend. Galenum infectatur quod omnes differentias pravi alimenti ad crassum & serosum revocaverit, plures vero ipse recenset, sed sine methodo; ex quo non minus ipse quam Galen. reprehendendus venit. Vitium alimenti desumendum esset ex ejus substantia, materia & forma; de quib. est dictum; qualitate si calidius, frigidius, humidius, siccus, si amarum, falsum, acre, austerum, & si færens ac graveolens, preparationis denique ratione quæ cibos etiam laudabiles efficere potest vitiosos. Atque hæc vitia simplicia sunt, alia sunt conjugata; cum scilicet vitia formæ concurrunt cum vitiis materiæ, qualitatis, & preparationis; omnibus simul, aut aliquibus seorsim, in quorum investigatione laborare debent studiosi, & conjugationes illas aliqua velut tabella digerere; quo in promptu omnes vitiosorum alimentorum differentias habere possint cum lubet.

De quantitate ciborum.

C A P. V.

„**P**One gula metas, ut sit tibi longior ætas,
 „**V**i medicus fatiur, parcus de morte levatur.

Animadversio.

HOc caput ex manuscrip. nostro supplemus; quo quidem quantitas alimentorum defini-

tur quæ sit moderata & mediocris, nec in excessu peccans nec in defectu, quod videtur ex Hippoc. desumptum part. 22. sect. 4. lib. 6. epid. ubi salubris diætæ caput esse refert, non satiari cibis. Est enim parens morborum nutrixque medicorum intemperantia, vel Platone teste qui civitatem quæ multos aleret medicos, intemperantiæ accusabat. Cæterum Galen. comm. ad aph. 4. lib. 1. triplex alimentum secundum quantitatem constituit: plenum, tenue & mediocre, quæ ægris potius accommodantur, quam sanis. Tenuis enim cibus convenit iis quorum vitia emendare ac imminuere studemus, plenus iis quos reficere & roborare, mediocris iis quos conservare. Commodius alimentum dividitur in nimium, parcum, moderatum. Nimium morbos parit ex aphor. 4. & 17. lib. 2. ex eo enim cum humorum & excrementorum proventus exurgat, inde obstructions cruditates corruptionesque fiunt, nativique caloris oppressio. Docet Galen. lib. de venæ sect. adversus Erasist. nimiam cibi quantitatem naturæ potius esse oneri quàm nutrimento: quod enim copiosius est in corpore, deterius in ventre venisque concoquitur, hinc multa supersunt excrementa & cruditates plurimæ, quod ante perfectam coctionem alimentum in ventrem & venas rapiatur quemadmodum videre est apud Galen. cap. ult. lib. 4. de sanit. tuen. Est vero nimia cibi quantitas duplex si credimus Gal. comm. ad aph. 17. lib. 2. una quæ ad vasorum capacitatem, altera quæ ad vires seu naturam nos gubernantem refertur. Utraque calamitosa est, quamquam enim illa vires non premit, sed tota in sanguinem facessit, lubrica tamen est ob nimiam humorum abundantiam quæ vasorum

Ali-
mento-
rum
quan-
titas

Nimia
cibi
copia
duplex

ruptionem, caloris suffocationem, aut mortem
 repentinam minatur, auct. Gal. comm. ad aph. 3.
 lib. 1. Posterior quia supra vires est, integre coqui
 non potest: idcirco cruditates multas parit, &
 infinitos morbos, ex aph. 17. 1. 2. Rectè ergo scrip-
 sit Celsus cap. 2. lib. 1. nunquam utilem esse ni-
 miam satietatem. Paucum alimentum cibi copia,
 qualitate vel numero consideratur: copia cum
 quis paucis cibis utitur, qualitate cum *ὀλιγοδύσοις*
 tenuiter nutrientibus; numero cum ex longo in-
 tervallo assumptis. Quaecunque sit autem, vires
 semper minuit; quia nostræ substantiæ effluvium
 non reparat, febres acutas parit, corpus tabefa-
 cit, calorem denique nativum extinguit: defe-
 ctu siquidem humoris temperantis calor noster
 exacuitur, ex quo dein siccescit corpus & mar-
 cescit primigenii humoris consumptione. Vide
 cap. 8. lib. 8. meth. & cap. 7. lib. 7. Hipp. sent. 24.
 lib. 2. de vict. in acut. Avic. cap. 7. doct. 2. fen. 3.
 lib. 1. Denique moderatus cibus & ad naturam cu-
 jusque accommodatus, corporis substantiam ca-
 loremque nativum & humorum symmetriam
 tuetur, excrementis modum adhibet, facultates
 functionesque omnes corroborat, ut licet collige-
 re ex Galen. cap. 5. lib. 12. meth. Is autem assu-
 mendi cibi modus esto cum nondum satietas cœ-
 perit, sic enim melius conficietur, præsertim si
 valentius nutriat, ut monet Actuarius. cap. 9. lib. 2.
 de spirit. animali. Ac temperatis quidem æqualis
 est coctione appetitus; calidiores vero minus ap-
 petunt quæ coquere possunt, frigidiores magis ex
 Galen. in arte parva. Idcirco frigidiores ante ex-
 pletam appetentiam à cibo arcendi sunt, ut me-
 lior fiat coctio. Cujus tanta vis est ad vitæ inco-
 lumitatem, ut Galen. cap. 3. lib. de cibis boni &

Pauci-
tas ci-
bi.

Mode-
ratus
cibus.

mali succi, affirmet nullis eos morbis corripere qui vitæ fundamentum jecerint temperantiam. Sapienter ergo dictum est à Salernit. injicienda esse gulæ fræna iis qui vitam longævam ducere volunt.

De qualitatibus alimentorum ex saporibus dignoscendis.

C A P. V I.

HI fervore vigent tres: *salsus, amarus, acutus*:
Alget acetosus, sic stipans, ponticus atque;
Unctus & insipidus, dulcis, dant temperamen-
tum:

„ *Lenit & humectat dulcis benè mundificatque.*

HOc loco recensentur cujusque saporis qualitates.

Et primò dicitur hos tres, *salsum, amarum & acutum* calefacere corpus utentis. Dein hos tres, *acetosum, stypticum & ponticum* infrigidare. Tertio vero loco, hosce tres, *unctuosum, id est, pinguem, dulcem, & insipidum, quem Græci αἰσίου, id est, qualitatis expertem, esse temperatos, adeo ut corpus neque refrigerent neque calefaciant.* Avicen. 2. Canon. Tract. 1. cap. 3. Octo sunt, inquit, veri saporibus, qui sequuntur *insipidum, ut sunt dulcedo, amaritudo, acuitas, falsedo, acetositas, ponticitas, stypticitas & unctuositas.* Enumerando tamen *insipiditatem pro sapore, sicuti fit hoc loco, erunt novem saporibus.* Accipitur autem *sapor pro omni eo, quod gustu dijudicatur.* Horum

134 DE CONSERVANDA

Sapor. tres sunt calidi, falsus scilicet, amarus, & acutus. Avicenna ibidem, Acutum, inquit, est calidius, dein amarum, ac dein falsum: quoniam acutum est fortius ad resolvendum, incidendum, & abstergendum, quam amarum, & inde falsum est sicut amarum constractum cum humiditate frigida. Tres sunt frigidi, scilicet acetosus, stipans, id est, stypticus, & ponticus. Ponticus tamen ceteris frigidior, dein stypticus, hinc acetosus. Et propter hoc in omnibus fructibus qui dulcescunt, prius est ponticitas vehementis frigidationis, dein postquam per calorem solis digestivum, aliquo modo digesti sunt fructus, sentitur in eis stypticitas, & declinant ad acetositatem, sicut agrestia, & tandem dulcescunt. Acetosum vero, quamvis sit minus frigidum quam stypticum, tamen propter subtilitatem & penetrationem suam in pluribus majoris est infrigidationis. Ponticum & stypticum, eodem Avicenna teste, sunt in sapore propinqua, sed stypticum nihil contrahit linguæ præter superficiem extimam. Ponticum verò contrahit & exasperat, & superficiem extimam, & interiora ejus.

Acetosum.

Ponticum.

Postremo vero, saporum tres sunt temperati, id est, non excedentis caliditatis sive frigiditatis, dulcis scilicet, unctuosus, & insipidus. Dulce enim licet calidum sit, tamen in eo non apparet fortitudo caliditatis, sicut dicit Rhazes 3. ad Mansorem cap. 1. Porro unicuique saporis propriæ assignantur operationes, sicut testatur Avicen. & Rhazes.

Operationes enim dulcis, inquit Avicen. sunt digestio, & lenificatio, & multiplicatio nutrimenti, & natura diligit ipsum, & virtus attractiva at-

rahit ipsum. Et Rhazes inquit: Qui dulci usus fuerit, multa bilis in eo generabitur & sanguinis multitudo. Oppilationes quoque generat, & apostema in hepate & splene: & precipue si hæc membra ad hoc fuerint præparata, ventris itidem fluxus ex eo sequitur, & mollificat stomachum. Pectori verò & pulmone confert, corpus itidem impingat, & augmentum spermatis tribuit.

Operationes verò amari (secundum Avic.) sunt abstersio, & exasperatio: secundum Rhazen amarum calefacit & desiccatur fortiter, citòque sanguinem ad adustionem & malitiam perducit, bilem quoque rubeam in sanguine augmentat.

Operatio pontici, juxta Avicennæ sententiam, est contractio, si ponticitas fuerit debilis: aut expressio, si fortis.

Operationes styptici, secundum Avic. sunt contractio, inspiratio, induratio, & retentio. Secundum Rha. verò, stypticum corpus infrigidat, & desiccatur, carniū quoque ac sanguinis minorationem facit si quis eo multoties utatur, stomachum confortat, ac ventrem secundum plurimum constringit, & sanguinem generat melancholicum. Videtur autem Rhaz. ponticum sub styptico comprehendisse, quia de Pontico nihil expressit.

Operationes unctuositatis, secundum Avic. sunt lenificatio, lubricatio, & coctio, id est digestio parva. Secundum Rhaz. unctuosum stomachum mollificat, & ventrem fluere facit. At satietatem adfert, antequam homo cibi quantitatem sibi necessariam adsumat, & calefaciat, maxime tamen febricitantes, vel habentes hepar, vel stomachum, calida. Corpus præterea humectat atque lenit; Phlegma verò auget, & cogitationem

136 DE CONSERVANDA
reddit hebetem, & auget somnum.

Operationes acuti secundum Avicennam, sunt resolutio, incisio, & putrefactio. Secundum Rhazen vero, acutum calorem auget, & corpus velociter inflamat, ac sanguinem adurit, ipsumque prius in bilem mutat rubeam, postea in nigram.

Operationes falsi, secundum Avicennam, sunt abstersio, ablutio, exsiccatio, & prohibitio putrefactionis.

Operationes acetosi, secundum Avicennam, sunt infrigidatio & incisio. Secundum verò Rhazen, acidum bilem rubeam & sanguinem reprimat, atque ventrem stringit, si stomachus & intestina munda fuerint. Si autem phlegmatis in eis fuerit multitudo, ventris efficit fluxum, & corpus infrigidat, virtutem quoque debilitat digestivam, propriam in hepate. Nervis vero, & nervosis membris nocumentum adfert, & corpus desiccatur, virtutem autem appetitivam excitat. De operationibus insipidi, dicit Rha. aliquid esse insipidum quod magis nutrit scilicet quod æqualitati vicinum est. Aliud verò, quod temperate infrigidat, cum quo multa fuerit humiditas, humectabit; cum autem fuerit siccum, desiccabit.

Animadversio.

VT de qualitatibus alimentorum agant Salernitani; proponunt saponem; ex quibus ut medicamentorum sic alimentorum temperamenta & facultates colliguntur, sicut ostendit Gal. cap. 1. lib. 1. & cap. 61. lib. 2. dealim. Ut vero alimentum sua substantia nostræ substantiæ

effluxum reparat, ita suis qualitatibus ei quod alteratum est in nostro corpore medetur, docente Gal. cap. 10. lib. 4. simpl. Ejusmodi autem qualitates primæ, sunt calor, frigus, humid. siccit. à quibus alimentum denominatur calidum, frigid. humid. siccum, aut à primis ortæ quæ maximè à saporibus denominantur, licet & visu & olfactu & tactu. percip. possint quemadmodum demonstrat Gal. c. 1. l. 1. de alim. Et quidem alimenta tēperata quæ in mediocritate qualitātū omnium consistunt, propriè & verè aliment adicūtur; quia corpora temperata nullo modo alterant aut immutant, sed nutriunt solum atque conservant.

Quali-
tates
ciborū.

At alimenta quæ excessum alicujus qualitatis obtinent, quia vim habent alterandi & immutadi, dicuntur à Gal. Alimenta medicamentosa quæ ad emendandas contrarias intemperies debent usurpari: sic calida alimenta frigidis naturis exhiberi debent, frigida calidis; ut præter alimoniam, emendationem quoque excedentis qualitatis præbeant. Quamobrem alimenta temperata necessaria quidem sunt, sed intemperata magis, quia plures sunt intemperati homines quàm temperati. Ex intemperatis verò habetur primo Calida, quorum proprium est crassos humores attenuare, viscidos incidere, flatu discutere, obstructa liberare, menses & urinas movere, in frigidiorib⁹ naturis; in temperatis verò aut calidiorib⁹ bilem augere & sitim excitare. Secūdo frigida quæ quidē æstum sanguinis & vetriculi tēperant, somnum cōciliant, sitim sedant, venerem extinguunt, sed flatibus materiam suggerunt. Tertio, Humida quibus siccitas partium emendatur, alvus subducitur ob lubricam eorum substantiam. Quarto, Sicca quæ ægrè co-
quuntur & distribuuntur, sed firmiter alunt,

Alimē-
tū me-
dica-
mento-
sum.

Calidū
cibi,

Frigi-
di.

Sicci.

Saporū
tempe-
ries.

alvum sistunt succoque melancholico generando sunt idonea ex cap. 18. lib. de alim. Atque hæc alimenta denominantur à primis qualitatibus, à saporib. nomen habent Dulcia, pingua, insipida, acria, amara; salsa, austera, acerba, acida, quorum priora tria temperata sunt, tria sequentia calida, postrema tria frigida. Modus autem quo Gal. temperamentum saporum collegit, affertur lib. 4. simpl. his ferme verbis. Illis saporibus frigiditas inest à quibus lingua contrahitur, densatur, asperatur; certum enim est à solo frigido contrahi, constringi, condensarique corpora. Atqui ab austero, acerbo, acido lingua contrahitur, ut experientia patet, ergo austerus, acerbus, & acidus, frigidi sunt saporis: distinguuntur inter se, quod acidus tenuium sit partium, austerus & acerbus crassarum & terrenarum, quod sic probatur. Terrena corpora inæqualiter linguam desiccant & exasperant; Sapor austerus & acerbus id efficiunt: sunt ergo terrenæ substantiæ. Quæ sunt tenuium partium, velocem habent transitum per sentientes partes, magisque in alto agere videntur: Acidus sapor id præstat; est ergo tenuium partium. Jam vero Amara dulcibus calidiora esse hinc probat; quod quæ summe sunt dulcia, si aut alieno colore aut proprio per vetustatem excoquantur amara fiant, quodque dulcia in naturis biliosis amarescant. Salsa quia vim detergendi & abluendi habent, calida habentur; minus tamen quam amara: aquam enim salisam si coquas amaram reddis: medius itaque est salisus sapor inter dulcem & amarum. Acer quia exedit, urit, crustamque molitur, omnium calidissimus est. Dulcis, quia temperatis naturis familiaris & amicus, moderate calidus habetur: ca-

lor enim temperaturum moderatus existit. Pinguis est ex genere dulcium; crassioris est tamen substantiæ, dulcis tenuioris. Insuper ad dulcem & pinguem accedit; nisi quod aquosæ magis est consistentiæ. His præmissis quivis intelligit alimentorum à saporibus denominatorum facultates. Siquidem sola dulcia, pingua & insipida vim nutriendi habent, alia nequaquam nisi dulcedinem aliquam admixtam obtinuerint, vel ab insito suo calore, vel adscititio, ut cum ab igne præparantur, vel à nostro dum coquuntur; auctore Gal. c. 11. lib. 4. simplic. Bona ergo alimenta ratione qualitatum secundarum sunt. Dulcia; quæ quidem copiosum præbent alimentum, maximè si compactam habeant substantiam. Hoc unum tamen nocumētum afferunt, quod jecoris & lienis obstructions efficiant & inflammationes augeant. Cum enim hepar dulcibus delectetur, ea avidissime trahit, priusquam absolutam coctionem sint consecuta. Alia alimenta minus laudabilia sunt, veniunt tamen in usum vel ad voluptatē, vel ad utilitatē. Ad voluptatem quidem propter ventriculi intemperiem. Soli enim hi qui præter naturam afficiuntur; eduliis tum amaris, tum austeris, tum acidis oblectantur ex comm. ad sent. 14. sect. 5. l. 6. epid. Quam ob causam Gal. cap. 3. lib. de sanit. tuenda observat iis qui inæqualem temperiem sortiti sunt, diversa alimenta idonea esse; quod alterum alteri jucundius existat. Utilitas autem est duplex: una ut sua contrarietate impediunt ne dulce nimium alat aut in summo emineat, uno verbo ut sint velut condimenta, ex Aristot. lib. de sensu cap. 4. altera ut sua facultate tum partibus, tum humoribus opem aliquam conferant. Eandem enim cibi facultatem habent atque medicamenta, cum quibus

Dulcia
alimen-
ta.

140 DE CONSERVANDA

in sapore conveniunt, ex Galen. cap. 1. lib. 1. de aliment. Quare Salsi cibi putredine arcent, crassos humores attenuant, sed usu nimio sanguinem urunt & pruritum excitant. Amari tergent & roborant, incidunt & crassos humores attenuant. Actia. Acres obstructa liberant, potentissime incidunt, ventriculum mordicant, bilem augent & acres halitus emittunt. Acida. Acidi refrigerant, incidunt, attenuant, succum crassum deorsum subducunt si simplices acidi fuerint, at si dulcem habent admistam qualitatem, ut cerasa si dulcedo superet, alvum leniunt; si aciditas aut acerbitas, sadstringunt. Acerbi & austeri astringunt, sed magis acerbis; proinde stomachum roborant & confirmant, alvumque sistunt si aliis cibis premittantur; solvunt si postremis epulis assumantur; quemadmodum probat Galen. quibusdam exemplis cap. 21. & 22. lib. de aliment. Cætera repetantur ex comment. Villanov.

*De ciborum præparatione variisque
coquendi modis.*

CAP. VII.

„ **L**ixa fervent, sed frixa nocent, assata coercent,
„ Acrida purgant, cruda sed inflant, salsaque siccant.

Animadversio.

Hoc caput de præparatione alimenti ex nostro manuscripto assumimus. Præparatione autem

pertinet ad utendi rationem, quæ ut diximus quatuor capita comprehendit, præparationem, tempus edendi, ordinem in cibis assumendis servandum, ac denique consuetudinem, adeo ut utendi ratio aliud nihil sit quàm certa quadam ratio in exhibendis & assumendis cibis observanda. Præparatio cibi duplex: est una utilis, alia jucunda; utilis circa coquendos cibos occupatur, jucunda cibis condimenta parat; illa necessitatis est, hæc voluptatis; illa hoc capite, hæc sequenti explicanda.

Julius Alex. l. 18. salubrium priorem videtur ad Obsonium, alteram ad ἡδυσματα & ἀρτύματα condimenta referre: illam ego ad τέλει & ἐφήσιν ad Cocturam, hæc ad ἀστύσιν & ἡδυσμόν ad condituram revoco: nam ut rectè observat Pollux onom. lib. 6. cap. 3. inter officiacoquorum duo hæc habentur; ἐφήσιν coquere, & ἡδύμωσιν dulcorare seu condire. Est igitur Coctio alimenti quam præparationem utilem vocavimus, ratio artificiosa præparandi per ignem cibi ad excrementosas & noxias ejus partes mitigandas & ita elaborandas ut efficiatur proximè mutabilis in hominis substantiam. Quo loco primò exurgit quæstio an satius homini sit crudis carnibus quam coctis vesci. Nec enim exempla desunt non hominum tantum, sed gentium crudas carnes mandentium. Laertius in vita Zenonis Cittici tam continentem eum scribit ut crudis vesceretur, Suetonius in Nerone Polyphagum quemdam Ægyptium narrat crudas carnes & quicquid daretur mandere solitum. Abyssinos refert. Scalig. exer. 22. qui in regno Angot. agitant crudis ali carnibus. Nomades & Scythas semicrudis carnibus vixisse memoria est; postremosque etiam non igne aut sole coxisse, sed calore equorum sub quorum

Utendi
ratio
qua-
tuor
com-
prehen-
dit.

Præpa-
ratio
ciborū
duplex;

An sa-
tius uti
crudi
quam
coctis
cibis.

ephippiis recondita carniū frusta macerabant.
 Porphyrius lib. 1. de abſtinentia animatorum
 ὠμορῶρον crudivororum fuiſſe hominū genus ſcri-
 bit ante ignis uſum. His ſuffragatur Cardani au-
 thoritas lib. 2. de ſubtil. qui carniū & ovorum
 crudorum eſum ad vitæ diuturnitatem non parum
 conducere affirmat, cauſamque eam eſſe cur qui
 in ἐρήμῳ habitauerunt, ad longam ſenectutem dedu-
 cti ſint. Rationem autem ſubjungit ex præpara-
 tione petitam; quod ſcilicet ignas ſubſtantias ali-
 mentorum ſeparando & tenue à craſſo ſejungen-
 do deteriores eas reddat. Verum philoſophus
 Diogenes exemplo ſuo demōſtravit quam noxi-
 uſ eſſet crudarum carniū eſus; cum crudo polypo
 devorato propius nihil factum eſt quàm interiret.
 Egregiè vero Cardanum caſtigavit Scal. exerc.
 22. docuitque ex Hippocr. πάντα τὰ ἐφ' ὁμοῦ, αἶμα
 γλυκέα, dulcia ſemper evadere quæ coquuntur,
 modoque malitiam ſuam amittere, modo bonita-
 tem aſſumere ex 2. de diæta. Ariſt. probl. 4. ſect.
 20. quærit rationem cur alia cocta, alia cruda co-
 medantur: docet vero ea quibus ſapor protinus
 gratus exiſtit, cruda edi, quib. ingratus, cocta;
 ſuccus enim eorum decoctus dulcior redditur à
 calore. Quo loco Aponenſis obſervat calorem ſe-
 cundum diverſitatem patientis diverſè operari,
 nam ſi inveniat materiam crudam, inſipidā, ama-
 ram, acidam, eam decoquit & dulcificat; ſi dul-
 cem in amaram & acutam permutat. Sed non eſt
 quod in Cardanum rationes vel auctoritates con-
 geramus, cum ipſe palinodiam cecinerit, & lib. 1
 de ſanit. tuen. cap. 41. ſtatuertit cruda maximè
 adverſari naturæ noſtræ, nec ſe moveri exemplo
 huius Adoleſcentis cuius meminit Galen. lib. 1 de
 Alim. cap. 25. qui cum per annos quatuor crudis

Coctio-
nis spe-
cies,

Arist.
4. meteor.
cap. 4.

Affatio

Frixio. Instrumentum quo assantur carnes commodissimè, est veru, minus commode sub craticula subditis prunis; ex qua sequitur potius adustio quam assatio, escharam enim contrahunt carnes quæ ita coquuntur, Mixta assatio, est frixio quæ fit ἐν τῷ πυρὶ in sartaginibus, in hac enim adest humidum externum, cujus tamen siccitate potentiali assantur & siccantur carnes.

Elixatio. Elixatio est concoctio humidi superflui quod est in alimento, facta à calore conjuncto cum humiditate aquosa & in illud humidum superfluum agente, ipsumque vincente & contemperante. Si fiat in aperto dicitur libera & diffusa; si conclusis undique diligenter spiraculis, suffocata, ad quam pertinent pastatorum quæ vocant genera, & carniū inter duos catinos cocturæ. Quanam est eorum omnium facultas?

Assa edulia.

Assa sicciōra seipsis sunt foris, Elixā humidiora, Assa minus sicca intus, elixa magis. Exteriorum itaque partium comparatione Assa interiorum humidiora sunt, elixa vero sicciōra, absolute tamen assa dicuntur desiccare, elixa humectare. Siccum ergo solidumque alimentum præbent assa, alvum adstringunt, & excrementa sæpe morantur.

Elixā. Elixā vero humidius alimentum largiuntur & coctu facilia sunt & calori nostro convenientia, facile alvum subeunt, minusque excrementorum gignunt.

Frixa. Frixa suavia quidem, sed insalubria: suavia propter humidum pingue in quo fit frixio: insalubria, quia humidum internum superfluum non ita convenienter emittunt, quin potius plus adhuc externi redundantis attrahunt & imbibunt; sunt coctu difficilia, alvum stringentia, nidorulenta, obstruentia, sanguinem exassantia. Suffocata quia æqualiter cocta, laudabilem

Suffocata.

dabilem

labilem succum generant, temperatum, permeabilem, non hærentem in descensu, in excessuum omnium mediocritate consistentem. Cum autem dixerunt Arabes suffocata veneni vim habere, intellexerunt affatas carnes, quæ ex veru extractæ si protinus undique concludantur ne exhalare possint, non leves noxas contrahunt ex retentis vaporibus. Consule Iul. Alex. salub. lib. 19. cap. secundo & sexto.

Venio ad alterum hujus capituli versum, ubi acria purgare, cruda inflare, falsa siccare prohibentur. Multa quidem hic dici possent de vi purgatrice medicamentorum; an ea à tota, quod aiunt, substantia & forma, an à qualitatibus primis & secundis proficiscatur. Nullus est alicujus in medicina nominis qui rem istam multis difficultatibus implicitam explicare & enodare non sit aggressus, sed minimo profectu. Alii enim vim illam à cælo deducunt, ut Mesuæus & Fernelius; alii à forma seu tota substantia, ut Galen. & Aphrodisæus; alii à manifestis qualitatibus, ut Erasius & Puteanus eleganti libello duplici de medicament. purgantium facultat. alii aliunde, ut videre est apud Valeriol. comment. in librum Galen. de constitut. artis, & Sanctorum à Sancto. libro 8. methodi vitandorum errorum. Nos prætermittam thesi consistemus in Hypothesi, an & quomodo purgent acria; quæ est Salernitanorum sententia. Docuit Galen. lib. 4. simpl. cap. 8. ex essentia Acrorum esse excalefactionem, nec veterum aut recentiorum quemquam philosophorum extitisse, qui acres sapes omnium calidissimos non sit arbitratus. Cum autem amara omnia & acida, acria sint, hujusmodi tamen propriè non vocanda sunt acria, sed ea tan-

Purgã-
tia me-
dica-
menta.

An
Acria
purgēt.

**Acrium
diffe-
rentia.**

**Ad pur-
gandū
quæ ne-
cessa-
ria.**

tum in quibus vehementem comperimus acrimo-
niam. At ex acribus alia edi possunt, alia esui sunt
inepta: illa dulcem quamdam saltem obscurā ad-
mixtam habent qualitatem, quibus interdum pro
obsonio, vel condimento utimur, pro vero cibo
nunquam. Ista vel tota substantia nostræ naturæ
summe adversantur, & vocantur putrefacientia, ac
deleteria, vel caloris dumtaxat immoderationem
obtinent, suntque simpliciter medicamenta. Rur-
sum, inter acria quæ simpliciter medicamenta sunt,
alia crassam & terrenam habent consistentiam,
alia tenuem: crassa si introsumentur exulcerandi
vim habent, tenuia urinam movendi, sudores-
que ciendi, incidendi præterea & digerendi per ha-
litum. Si vero foris admoveantur tam crassa quam
tenuia, exedunt, urunt, crustamque molliuntur: ex
quibus habemus Acrium naturam calidam esse ac
igneam, subtilem, attenuantem, mordicantem, ul-
cerantem, attrahentem, incidentem, purgantem,
ac infarctū liberantem. Hæc erant ad conclusionē
eliciendam à parte acrium considerata, quibus
majus accedet lumen, si omnia quæ ad purgandū
conferunt, in acribus esse ac reperiri demonstra-
verimus. Galen. lib. 5. simpl. cap. 20. duo purgan-
tium genera constituit: alterum quod quovis modo
excrementa purgat; alterum quod per vomitum
tantum & ventris dejectionem expurgat: quæ-
cunque autem purgant, trahendi vim habent, vel
unum, vel duos pluresve succos, sed prioris gene-
ris purgantia improprie sic dicuntur, proprie vero
vel bechica, vel diuretica, vel menses moventia &
id generis: posterioris differentia purgantia pro-
prie sic vocantur quod vim habeant familiarium
succorum attractricem. Ea est Galen. sententia
ad quam acrium facultatem reducemus. Prima

conditio ad purgandum est attractio, quæ si credimus Galien. cap. 17. ejusdem libri, reperitur in corporibus calidis tenuium partium, proprium enim est calidi semper attrahere, quacunque hæreat in substantia, in crassa quidem minus, in tenui vero vehementius. Atqui acria calida & tenuia sunt, vim ergo attrahendi vehementem possident. Altera conditio cathartici est excretio alicujus succi vitiosi, quam Galen. cap. 20. ad familiaritatem quandam atque substantiæ similitudinem nescio quo consilio revocavit: nec jam locus est explicandi aut refutandi Galeni; atque satius est cum illo lib. 3. simpl. cap. ult. excretionis expulsionisque causam constituere in purgantis medicamento mordicatione. Cui intelligendæ supponendum est ea quæ purgant à nostra natura non posse concoqui, neque in alimentum converti: ac præterea odiosa illi esse, infesta, ac perpetuo eam irritantia; quod ut acutè sic doctè observavit Aristot. prob. 47. sect. prima: quo loco duo requirit in medicamento purgante: primum ut sit *απερτον* ut concoqui non possit, alterum ut sit *κινητικόν* commovens & alterans, sicut exercitandi ratio per motum alienam excernens materiam. Certum enim est ea quæ nutriunt & alunt non esse purgantia, verum quoque ea naturam non irritare ac commovere, nisi forsan copiosius ingerantur, tum enim ut advertit ibi Arist. lac ipsum ac mustum corpus purgant: quamobrem necesse est ut purgantia minimè nutrientia sint, sed sint à coctione aliena, ac insuper molesta atque irritantia sive moventia, id est, quemadmodum exponit Petrus Apon. com. in prædictum problema, ut egrediantur extra corpus per inferius aut superius, calefaciant partes, aperiant poros, superfluitates dissol-

Attractio unde.

Mordicatio.

vant in sudores & transpirationem insensibilem; moveant humores & liquent, ut ipsis stimulantibus expellantur à natura. Duo igitur in purgante desiderantur medicamento; ut corpus omnino non alat, ut corpus stimulet ac irriter. Revocare autē debemus in memoriā duo esse acrium discrimina: unum esui aptum de quo hīc non est sermo, aliū ineptum quod purgantis medicamenti conditiones omnes habet; quod enim penitus non alat verē incoctile est; quā autem incoctile, ventriculo ac corpori infestum est, atque molestum. Plura qui voluerit legat Guillel. Putean. lib. 2. de purg. medica. facult. cap. 8. & 9. ex quo discet acria, sicut volunt Salernit. purgandi facultatem obtinere. Si quis autem sciscitetur cur Salernit. Acrium hīc mentionem faciant, ubi de præparatione, non de qualitate ciborum agitur, sciat id ab illis fuisse propositū ut significarent quædam esse acria quæ coctione mitescunt, ut sunt allia & porri quibus pro cibis utimur, alia vero quæ acrimoniam suam etiam admota ignibus retineant, à quibus vis omnis nutriendi exulat, alterandi & purgandi facultas nunquam recedit. Sed quoniam duo omnino sunt crudorum genera quæ à calore nostro non superātur, alterum quidem eorum quæ prorsus coqui non possunt, qualia diximus esse acria; alterum eorum quæ apta quidem ut coquantur existunt, cruda tamen remanent; tum quia vel difficilis sunt coctionis, vel calorem ignavum & imbecillum nanciscuntur: idcirco addiderunt Salernit. cruda inflare, quo significarent hoc postremum crudorum discrimen. Certum enim est crudos cibos & flatus & fluctuationes in corporibus nostris excitare. Equidem si flatus causas omnes rimari velimus, eas partim ad efficientem, partim ad materialem

Cruda
quæ.

Flatus
ausæ.

licebit revocare. Efficies est calor modo intensus, modo remissus & languidus; nunquā frigus; quod cum extenuare non possit, vapores quoque excitare non valet. Intensum calorem flatus efficere docet Galen. 12. meth. med. præsertim cum in humorem crassum, lentum & frigidum agit: fundit enim & liquat eos humores ac in flatum vertit, nisi quoque vim digerendi valentem possideat. Visus est contrariam tenuisse sententiā lib. 6. de sympt. causis, ubi nec calorem intensum, nec frigus flatus generare scribit; sed remissum solum calorem: vel hoc exemplo quod per constitutionem frigidissimam ac calidissimam purum serenumque aërem videamus, per medias autem constitutiones nebulosum. Verum eo loco Galen. rationem tantum habuit efficientis causæ, non etiam materialis: quæ cum cruda est, glutinosa, lenta & frigida, quemcunque calorem illa repererit, intensum, remissum, quosdam semper flatus ex se promit; quod ætate media observare est quando per Solis ardores & æstus vehementissimos, procellæ & tempestates suscitantur. Materialis causa flatuum est frigida, crassa, lenta, & cruda quævis substantia, quam dū calor vult subigere, primo attenuat, innox in flatum vertit, ut demum dissipet ac digerat. Ejusmodi sunt leguminum, seminum cerealium, & fructuum maxima pars; & iis multo magis, inquit Galen. lib. 2. de aliment. facult. quæ ante exactam maturitatem mādimus. Flatulentos cibos pene omnes recensuit Corn. Cels. lib. 2. cap. 26. his verbis, *Infant, inquit, omnia fere legumina, omnia pingua, omnia dulcia, omnia jurulenta; mustum atque etiam id vinum cui nihil adhuc ætatis accessit. Ex oleribus allium, brassica, cepa omnesque radices excepto cicere & pastinaca, bulbi, ficus etiam arida, sed*

Locus
Gal. ex-
plica-
tus.

Flatus
exci-
taatia.

magis virides, uva recentes, nuces omnes, exceptis nucleis pineis, lac omnisque caseus, quidquid deinde subcrudum aliquis assumpsit, qua conclusione nihil illustrius esse potest ad confirmandam Salernit. sententiam. Porro quæ debeant vel non debeant coqui & præparari alimenta, explicavit Galen. cap. 16. lib. 4. simpl.

Apud
Gal 3.
de alim.
facult.
c. 32.

Superest ut tertium hujus versiculi membrum exponamus, quod præcedentibus oppositum est: nã illa agunt de crudis cibis, hoc de cibis impendio coctis & ex coctione in falsedine degenerantibus. Nam quemadmodum Protagoras & Philotimus optimè senserunt, quo diutius unumquodque elixatur, caloréque magis exercetur, eo decoctum falsius evadit, deinde si vehementius excoquatur, amarum. Alimenta ergò salsa ex coctione seu etiã ex salis admistione, aut naturali compositione vim liccandi habent: *Sal enim ut ait Galenus lib. 11. simp. quidquid corporibus humidum inest quodammodo absorbit, & quod reliquum est substantiæ solidæ adstrictione contrahit, ac proinde etiam conditura sua corpora siccat & à putredine tuetur.* Supra diximus salsa omnia terrea esse, crassamque habere substantiam, propterea desiccare, sitim afferre & adstrictione quadam cogere. Hippocr. modo salsa ait alvum stringere, modo laxare: quod ut intelligatur, legendus Pamph. Herilacus de aquarum facultatibus lib. 3. cap. 7. & Smetius lib. 3. miscellan. Addamus longæ huic disputationi de alimentorum coctione, ex cibis alios præparationem aliquam atque coctionem postulare, alios nullam: quæcunque enim edulia nutriendorum naturæ simillima sunt, quæque dulcedinem summâ præferunt, à natura satis excocta sunt & apparatus: sic ut nullus alius apparatus debeat adhiberi, quem-

admodum notat. Galen. 4. simpl. cap. 16. & Isaac lib. de diæta. particul. c. 62. lectione 3. Hujusmodi est lac & maturi fructus; lac enim in uberibus animalis satis excoctum est, fructus quoque liquidi & molles nullum apparatus desiderant, sed duri quique crassarum sunt partium. Alia edulia in quibus natura actiones suas non explevit, quæque temperaturam nacta sunt remotiorem à natura nutriendorum, vel coctione, vel conditura, vel utroque indigent. Nullum enim alimentum teste Galeno habere debet saporem stomacho noxium, nec odorem fœtidum ac cerebro nocentem, nec duriorem substantiam stomachum fatigantem, nec mordicationem aut vellicationem nervis inimicam. Ubi adfuerint hæc vitia emendari poterunt coctione aut conditura. Et quidem coctionis beneficio tria in alimentis præstamus: primum est ut quæ subtilia sunt & liquida in crassitiem convertamus, ut ova assata: alterum ut dura & crassa tenuiora & molliora reddamus, ut assas carnes: postremum ut superflua & flatulenta digeramus ut in leguminibus coctis apparet. Hæc fere Isaac loco laudato, apud quem & ejus comment. Pet. Hispanum de foci & ignis differentiis ac conditionibus nonnulla proponuntur.

Lac co-
ctione
non
get.

Coctio
cibo-
rum
cuid af-
ferat.

De generali ciborum condimento.

CAP. VIII.

Salvia, lac, vinum, piper, allia, petroselinum,
S*Ex his sit salsa, nec erit commixtio falsa.*

H*ic habetur modus conficiendi salsamenti communis, si in mensa specialia deficient, & varia.*

Salsa-
menta
Varia.

152 DE CONSERVANDA

recensentur quinque ex quibus fieri possit. Primum est. **Salvia**, qua fit condimentum in assatione sive decoctione anseris. Anseres enim sive porcelli cum assantur, salvia fere impleri solent ut humiditates superfluae sive viscosae exhalent, & salvia odor anseribus vel porcellis imprimatur. Post assationem tamen salvia rejicienda est & non comedenda. Ex salvia etiam condimentum conficiunt rustici, quo in anserum esu utuntur: contundunt enim allium cum vino & Salvia, ut auferatur aliquantulum de sapore alii. Secundum, **Sal.** cum vino estque salsamentum divitum, sive nobilium. Ipsi enim deficiente sinapio, vel verjuto, imponunt salsario vinum, & parum salis. Tertium, **Piper**, estque salsamentum rusticorum, commiscunt enim Piper cum fabis & pis. Similiter etiam ex pane asso cum cerevisia, vel vino & pipere, fit salsamentum nigrum ad modum pultis, quod etiam piper vocant, & hoc effundunt super carnes, aut pisces. Quartum, **Allium**, ex quo etiam fit salsamentum rusticorum. Miscunt enim cum molli caseo & lacte, terendo allium, & ita comedunt cum cibo sive asso, sive elixo, sive salso, sive dulci, & cum ovis duris. Quintum, **Petroselinū**, ex cujus foliis contusis cum verjuto, vel albo vino, fit viridis salsa, quam cum assis edunt. Et hic notandum, salsamenta, sive salsas secundum temporum diversitatem vario modo confici. Temporibus enim calidis inclinant nonnihil ad frigus, vel parvam caliditatem habent. Temporibus vero frigidis, contrà.

Aestate. Materia igitur Salsarum æstate sit verjutum, vel agresta, de summitatibus vitis, vel acetum, succus limonum, vel citrangelorum, vel granato-

VALETUDINE. 133

rum, cum saccharo, & aqua rosarum. Quibus interdum addi potest aliquantulum serpilli & petroselini, ad prædictorum frigiditatem temperandam. Materia verò fassarum temporibus frigidis sit sinapium, eruca, zingiber, piper, cinnamomum, caryophyllum, allium, salvia, menta, serpillum, petroselinum, vinum, jusculum carniū, acetum non forte, sed vini naturæ propinquum. Temporibus vero temperatis, fassarum materia sit inter caliditatem & frigiditatem temperata. Secundo, variantur ratione cibariorum: cibarium enim alia aliis indigent condimentis, id quod cœci non ignorant. Mutonum enim, vitulorum & capreorum salsa debet esse viridis, in æstate quidem ex aceto & agresta, cum paucis speciebus sine Allio, cum Petroselino, Zingibere albo, & agresta, & pane asso in acetum vel agrestam infuso.

Hyeme fiat eadem cum pluribus speciebus, paucō allio, optimo vino, & pauca agresta, hyeme, vel sufficiat sinapium & eruca. Salsa autem pro carnibus bovis elixis est piper coctum ex pipere, pane asso, jure carniū, & pauca agresta, & hæc eadem satis convenit carnibus porcinis in hyeme. Possunt etiam carnes porcinae comedi æstate in principio refectionis cum aceto & petroselino. Si verò prædictæ carnes pastilentur, præsertim bovinæ & porcinae; Hyeme quidem adponatur cepe, allium cum pulvere specierum dulcium parva quantitate: Aestate verosine cœpis cum verjuro, vel cepæ parvæ in pauca quantitate. Si autem pastillatura fiat ex carnibus subtilioribus, non adponatur cepe. Aestate quidem lac amygdalarum, cum verjuto, & paucō pulvere specierum dulcium; in fine adponatur ovum con-

quassatum cum agresta. Hyeme vero loco agrestæ fumatur vinū cū speciebus dulcibus. Assaturæ autem cuniculorum, & pullorū convenit condimentum ex Cinammomo & mica panis. Aestate quidem cum agresta: Hyeme vero cum vino. Assaturæ porci convenit liquor inde descendens, conquassatus cum optimo vino & cepis, idque in hyeme: Aestate vero salsa viridis, cujus supra facta est mentio. Assaturæ phasianorum, columbarum, & turturum, nullo alio indigent condimento præter salem. Caponum vero & gallinarum elixatarum conveniens condimentum, est aqua decoctionis earundem, cum aliquantulo pulveris specierum dulcium, & præcipuè si addantur in decoctione salvia, hyssopus, petroselinum, idque in hyeme. In æstate sufficit sola aqua cum succo summitatum vitis. Verùm pro salsa caponum & gallinarum pinguium pastillandarum, nihil penitus apponendum est præter pauculum pulveris specierum, & in fine agresta supra dicta in æstate, optimum vinum in hyeme. Pisces vero quanto sunt carnis crassioris, difficilioris digestionis, majoris superfluitatis, & humidioris naturæ, tanto indigent salis calidioribus, & acutioribus, quod etiam in carnibus observandum.

Piscium
salsa.

Animadversio.

Condi-
tura ci-
borum.

Altera ciborum præparatio ad voluptatem magis quam ad necessitatem comparata grecis dicitur ἀρτυσις καὶ ῥιόδυσμός Latinis conditura vocatur, ex qua deductum nomen ἡδύματος καὶ ἀρτύματος quod vulgo Condimentum nuncupamus. Est vero Conditura ciborum præpara-

tio quedam : cujus beneficio suaviora non minus quam salubriora redduntur edulia , quam descriptionem ad scopum medicum accommodavi , non tam additione vocabuli suavioris , quod solius videtur esse voluptatis & luxus , quàm salubrioris , cujus rationem semper Medici sibi propositam habere debent. Finis ergo condimenti duplex est : ciborum suavitas quam edaces & cupediarii unicam sibi proponunt , & eorumdem salubritas , quæ considerationis est medicæ. Utrumque finem ex Galen. lib. 4. simpl. cap. 16. deduximus quo loco ait condimenta *suavitatem in augere per quæ ipsa præparantur , & eorum admixtione emendari vitiosa edulia , calida quidem frigidis condimentis , frigida calidis.* Porro condimentorum aliud est suave & jucundum , aliud in suave ; aliud suave & insalubre , aliud suave & salubre simul. Suave est saccharum & mel ; insuave menta , & salvia ; suave & insalubre est piperatum omne & acre edulium ; suave & salubre acetum & agresta. Sed advertit Galen. loco laudato ex cibo insuavi & insuavi condimento suavius & incundius effici obsonium : *fieri enim potest , inquit , ut immoderatis duob. coeuntibus id quod ex ambobus mistum sit commoderatum evadat , ac proinde quoque dulce appareat cum immoderata minimè sint talia.* Officium itaque est boni Conditoris seu obsonatoris , nosse rerum misturas & compositiones , ut illa salubria , illa insalubria evadant , qui solam suavitatem attendit Coci nomen , qui cum suavitate salubritatem , Medici appellationem meretur , ac proinde Cæl. Apitius coquinæ , Platina medicinæ magister habendus est. Habet ergo rationem medicus in condiendis cibis , suavitatis simul & salubritatis : suavitatis , quia paulo pejor , sed sua-

Condi-
turæ fi-
nis.

Condi-
menti
divisio.

Coci "
& Me-
dici
discrimen

vior cibus & potus, quemadmodum decernit Hippoc. Aphor. 38. lib. 2. *meliori quidem, sed ingrato preferendus: qua enim libenter & magna cum voluptate summus, ea arctius amplectitur omnique ex parte appressus concludit & retinet ventriculus atque multo facilius concoquit*, ait Galen. in comment. salubritas etiam maxime attendenda, sic ut ex conditura, cibi ætati, sexui, temperamento, consuetudini, regioni, conditioni consentiant. Ex omnibus autem condimentis famem optimam esse dixit Socrates, Antiphanes significavit hoc senario:

Cicer.
11. de
finib.

Ἄπαντ' ὁ λιμὲς γλυκίαι πλεὺς αὐτῷ ποιεῖ,

Fastidiebant enim viri prudentes gulæ hæc irritamenta quæ maxime esse solent valetudinis nocumenta: condimentis enim ut plurimum utuntur luxui dediti homines adeo pravis, ut coctioni plus noceant quam commodent, voluptati plus consulant quam saluti; quasi homines illi ideo vivant ut comedant, non è converso ideo comedant ut vivant. Cæterum condimentum omne seu utile & suave sit, seu insalubre, simplex est aut compositum. Simplex quod ex unius rei admixtione exurgit, compositum quod ex duab. aut pluribus rebus conflatur. Placet vero simplicia condimenta pro facultatibus quibus pollent dividere, easque ad primas qualitates & secundas revocare; qui mos est medicorum rerum naturas perscrutantium. Sunt ergo simplicia condimenta, vel calefacientia, vel refrigerantia, vel temperata. Calefacientium alia acria, alia amara, alia salsa: refrigerantium alia acrida, alia acerba, alia acida. Temperata sunt dulcia, & pinguis. Acrida penè omnia aromatica sunt, quorum maximus est usus in condituris, cum pro-

Simplex
condi-
men-
tum.

Acrida
condi-
menta.

priorum qualitatum, tum vero jucundi saporis
 atque odoris gratia: cibus enim eo odore im-
 butus & intro delatus, emendata succorum ma-
 litia securum corpori alimentum præbet; non
 modo quod faciliè non putrescit, sed etiam quod
 humorum putrefactioni occurrit. Ad hæc perti-
 nent cinnamonum, acre, odorum, suave, cali-
 dæ, siccæque naturæ, substantia tenui sed levi-
 ter subadstringente ac roborante, piper, zinzi-
 ber, Caryophilli, nux moschata, macer, ma-
 cis, crocus, sinapi, allium, salvia, serpillum,
 menta, majorana, petroselinum, semen anisi,
 cymini, anethi. Inter amara habentur amy- **Amara.**
 dalæ amaræ & cappaes. Inter Salsa Sal **Salsa.**
 ὄλον καὶ ἡ δυσμῆ. obsoniorum atque condimento-
 rum omnium obsonium ac condimentum. Ex **Acer-**
 refrigerantibus acerbis est succus cerealium im- **ba.**
 maturorum, ex quo fit salsa, viridis vulgo dicta.
 Ex Acidis acetum, omphacium, succus limo- **Acida.**
 num, oxalydis, auranciorum, & citriorum. Dul- **Dulcia.**
 cia sunt saccharum, mel, pingua, butyrum, **Pin-**
 oleum, adeps; quorum omnium facultates pas- **guia.**
 sim describuntur à Medicis. Venio ad composita
 condimenta, quorum multiplices differentiæ re-
 censentur ab Apicio & Athenæo veteribus usi-
 tatæ, non pauciores in usu sunt apud nostros Co-
 cos, sed lautiores & suaviore; quas ne volumi-
 ne quidem integro quis possit complecti si velit,
 adeo voluptas hominum ex gula ingeniosa est &
 artificiosa. Vulgò tamen commendantur intin- **Com-**
 ctus, & Embammata omnis generis, Saccha- **posita**
 rata, Salviata, alliata, cepata, oxypora à digni- **condi-**
 tate & præstantia regia & Imperatoria, à gente **menta.**
 Germanica & Lusitanica, sunt & pretiosa am-
 barata, moschata, perlata. Vulgaria quoque sunt

Acetaria, non modo ex herbis & radicibus, sed ex floribus & fructibus nonnullis, non tantum ex sale sed ex saccharo quoque concinnata & condita, cruda modo, modo cocta. Quid recenseam Tyro-tarichos, Tuceta, toma ^u 1, succidia, capnistas carnes, jura atria, pulmenta, vitulos, porcellosque trojanos, pernas, minutalia & trunculos, ventres salifcos, apexabones, escas conditaneas & muriaticas, cæterasque cupedias & scitamenta quæ græcis *varandiana* vocantur? Obsonatoris officium est nosse quo condimento singula gaudeant edulia, alia enim omphacio, aceto alia, alia saccharo, sale alia aut pipere suaviora & gratiora palato redduntur. Illius quoque est partium gustum & palatum utentium tenere, nec ignorare temperamentum; ne calidis naturis calida condimenta exhibeat, aut frigidis frigida. Sunt ergo hæc universim consideranda in condimentis. Primo ut sani & valentes paucis admodum condimentis utantur. Secundo, nullo modo iis condimentis utendum, quæ plurimum à temperamento nostro distant. 3. iis maximè utendum quæ ad temperamentum ciborum quibus vescimur proximè accedunt. Quarto, æstatis tempore & biliosis naturis frigidiora condimenta, hyeme & pituitosis calidiora concedenda. Quinto, admiscenda condimenta quibus, ut suaviores sic meliores & salubriores cibi reddantur. Ultimo sic utendum condimentis ut nusquam plures cibi ingerantur quam calor ventriculi coquere possit. Atque hæc sufficiant ad doctrinam universalem condimentorum, quæ de singulis condimentis à Salernitanis proponentur, explicabuntur deinceps.

Obser-
vanda
in con-
dimen-
tis.

De Sale.

CAP. IX.

V*As condimenti praponi debet edenti.
 Sal virus refugat, rectè insipidumque sa-
 porat,
 Nam sapit esca malè, quæ datur absque sale.
 Vrunt res falsæ visum, semenque minorant,
 Et generant scabiem, pruritum sive rigorem.*

H*Oc loco tria discutiuntur. Primo ponitur
 præceptum generale, nemini hæctenus non
 observatum, ut videlicet vas condimenti, id est,
 salis, quod salinum dicitur, primum in mensa
 apponatur, juxta vulgatos hosce versiculos.*

Sal primo poni debet, primoque reponi.

Non bene mensa tibi ponitur absque sale.

*Secundò, recensentur duo commoda salis.
 Primum est, salem resistere veneno. Cujus
 duplex potest assignari causa, vel quia sal exsic-
 catum cum sit, siccitate sua exsiccat humidita-
 tes, unde sequi solet corruptio. Galen. lib. II.
 de simpl. Medic. facult. Nam sal, inquit, quic-
 quid in corporibus humidum inest, id quodam
 modo absumit, & quod reliquum est substantiæ,
 adstrictione contrahit: ac proinde etiam condi-
 tura sua carnes servat, & à putredine tuetur. Vel
 quod sal exsiccet & reprimat humiditates à cor-
 pore extrahendas, porosque claudat, per conse-
 quens penetrationem veneni, quæ fieri solet per
 poros, prohibeat. Secundum est, salem cibis
 saporem inducere. Nam quotidiano discimus ex-*

perimento, nulla cibaria sine salis commixtionē sapere.

Tertio loco enumerantur nocumenta salis sive cibariorum nimis salforum. Primum est ea utere, id est, lædere visum, & iidem duplex causa assignari potest: Quod res nimium salisæ vehementer exsiccantes inimicæ sint oculis, visus instrumentis. Oculi enim sunt de natura aquæ, ut testatur Aristot. cap. 2. de sensu & sensibili: vel quod cibaria admodum salia, pruritum excitent & mordicent, à cibariis autem mordicativis in stomacho existentibus eleuantur & fumi mordicativi, mordicatione sua oculis plurimum nocentes, ipsosque tabeficientes. Unde videmus ebullientes salem rubros ferè habere oculos. Secundum est, cibaria saliora imminuere sperma. Quia multum exsiccāt omnes humiditates, unde etiam sperma exsiccatur & imminuitur. Tertium est, generare scabiem, quia sal humorem gignit acutum, mordicativum, & adustum, unde scabies nascitur. Quartū est, augere pruritum, quia generat humorem mordicativum pruritivum. Horum 4. nocu-mentorū meminit Rhazes 3. ad Mansorem cap. 17. Eorum, inquit sanguinem, qui multam ex eo sumunt quantitatem, adurit, visum quoque debilitat, atque sperma minuit: generat pruritum & scabiem. Per salia præterea gignunt serpiginem, impetiginem, morpheum, & lepram in dispositis, & vias urinæ diu continuata excoriant. Moderatè tamen salia fastidium auferunt, ciborum adpetentiam faciunt, atque acuunt.

Animadversio.

Animadversio.

EX omnibus condimentis Sal proponunt Sal-
 lernitani ejusque vires explicant, cujus tanta Salis
laus.
 est apud universas gentes utilitas, ut eo ad condi-
 menta utantur & ad saliturationem, ita ut *siccitate ea*
carere elegantior hominis vita nequeat quacumque. Qua-
tuor
quæru-
tur de
sale.
orbis in parte, inquit Jul. Alexan. salub. lib. 18.
 cap. 7. Quæritur autem à Plut. lib. 5. Sympos.
 probl. 10. unde tanta sali accevit opinio atque
 honos ut ab Homero *ἑῖος* id est divinus vocetur,
 ut à Platone salis substantia legum autoritate
 sacro-sancta diis gratissima καὶ θεοφιλέατος pro-
 datur, ut ei à nonnullis Gratiarum, seu χαρίτων Primū;
 nomen tribuatur, sicut ab eo orta Venus ἀλυσμένη
 denominetur. Sale vero divinum haberi docet
 communi nomine cum iis quæ quod publicis com-
 modis serviunt & ad varios usus accommodata
 sunt, divina nuncupantur. Tanta autem est salis
 utilitas ut sit nutrimenti τρῖσκαμα, cibo robur
 solidumque temperamentum ad urgendam ap-
 petentiam præbeat. Adde quod mortua corpo-
 ra à putredine vendicando atque corruptione, Secundū;
 Deorum immortalitatem imitari videatur. Gra-
 tiarum quoque appellationem sortitus est, quod
 sit ἡδιστὸν ὄψον delicatissimū obsonium, potissimam
 cibi partem suavitatis condians. Nec male opinor
 Venus à sale denominata fuit, cum sal γόνιμος exi-
 stat & ad genituram non parum conferat: solent Tertiu;
 enim canes in Venerem seigniores salis muriaque
 conditis carnibus ad Venerem excitari, circumfe-
 runturque maritimæ gentes & salaciores & ad Quartū;
 Venerem libidinemque procliviores esse quam

mediteraneæ. Si quis salis præconia legere voluerit, adeat Guillel. Stuchium l. 2. antiquit. convivial. c. 8. Levin. Lemnium lib. 2. de miraculis naturæ c. 36. & l. 4. cap. ult. Erasimum in Chiliadib. Langium epist. 97. Mercurial. l. 3. Variar. c. 2. & Bernardinum Gomefium opere peculiari *diogenas*.

Salis
diffe-
rentia.

Sal ter-
renus
& fossi-
lis.

Am-
monia-
cus.
Gem-
meus.
Niger.
Viridis.
Petre-
us.

Cæterum quia salis non una est differentia, sed multiplex; idcirco ejus discrimina breviter adducenda sunt, ut quæ potior in condimentis sit species definiatur. Sal aut verus est aut apparens. Verum dico qui præter colorem saporem quoque salis habet atque facultatem siccandi, calefaciendi, adstringendi, abstergendi, dissolvendi, exsurgendi superfluitates, à putredine vindicandi, corrodingi etiam atque mordicandi. Apparens præter colorem & concretionem salis nihil fere retinet. Verus duplex: est natiuus & factitiuus; ille vel è terra, vel ex aquis eximitur, Terrenus ut plurimum fossilis est, seu cadatur ex montib. seu effodiatur è campis, seu ex arenis educatur. In India plerosque esse salis montes testatur Plinius, & Herodotus narrat lib. 4. in Mediterraneis partib. Africæ Incolas esse Atlantas, hoc est Sales dictos: quod ibi non minus quam metalla sales effodiantur. Juxta Cracoviam & in mediterraneis Germaniæ Provinciis è campis eximi saltem nemo nescit, in Cyrenaico tractu sub arenis reperiri salem Medici non ignorant, quem idcirco Ammoniacum vocat Dioscor lib. 5. cap. 75. Est & sal saxeus quem salem Gemmæ dicunt, est & Niger, qui Naphricus seu Indus, est & viridis, qui Cappadocius, costus, metallinus, seu Salquem Taburem vocantur. Petreus nitrum nominatur, quod à regione in Armenium, Africanum,

Romanum Ægyptiacum, Babylonicum dividitur. A colore in album & nigrum, vulgo ab Rabbuth. i. Ex aquis Sal. erumpens dicitur fontanus, putealis, fluvialis, lacustris, marinus. In sinu maris Adriatici teste Polybio septem sunt fontes uno excepto falsi. Puteos quosdam Germaniæ falsis scatere aquis narrat Agricola. Ochus & Oxus Fluvii apud Bactros corrasa salis ramenta deferunt. Elacu Tarentino, Tarentinus sal nomen habet, si credimus Plinio, Medicinæ usibus expetitus. Denique è mari marinus sponte emergit, ubi mare fervens æstu spumas agit, easque ad littora & scopulos appellit, quæ abscissæ & in scopulis dimissæ, pro solis, pro aëris, pro loci natura in candidissimum & longe uavissimum omnium sale concrescunt. Hunc Agricola Salem Virgineum vocari posse docet. Factitius sal seu arte elaboratus multiplex est: alius enim est marinus ex aqua factus marina, alius ex muria nativa fontium, lacuum, aut aquarum falsarum; alius denique Chymicus qui non modo ex lignis, sed ex herbis atque ex omnium fermè arborum frondibus; imo ex rebus penè omnibus: quin etiam ex ipsis hominum & brutorum stercorebus ac fæcis educitur ac paratur. Sal porro minimè verus, sed veri colorem mentiens, dicitur. Indicus Paulo Agein. l. 2. c. 54. ex Archigenis mente, vulgo Saccharum, quod an veteribus cognitum sit, vix constat. Manardus Epist. 5. lib. 15. Joa. Baptist. Theodos. Epist. 4. Leonard. Puchius paradox. lib. 1. cap. 35. Ruellius lib. 3. de natur. stirpium cap. 22. Jul. Alexand. salub. lib. 19. cap. 14. cognitum negant, mellisque genus esse quod veteres Sacchar vocabant, asserunt: quibus repugnant Guil-

Fontanus.
Fluvialis.
Putealis.

Lacustris.
Marinus.

Sal Virgo.
Factitius.

Chymicus.

164 DE CONSERVANDA

lel. Stukius com. in Artiani periplum maris Eri-
thraei, Cardan. lib. 1. contrad. tract. 1. contrad. 15.
Andr. Mathiol. com. in lib. 2. Dioscorid. cap. 75.
Joa. Gorreus junior in definition. medic. lib. 2.
Joa. Langius epist. 64. Aloysius Mundella annotat.
in examen. simpl. Antonii Musæ Brafa. Joan. Cor-
nat. in Diosc. lib. 2. Emblemate 71. & alii quibus
libenter subscribo ob rationes quas cumulavit
Mathiol. epist. lib. 1. epist. ad Jacobū Bosellum, &
Joa. Brodeus Miscellan. lib. 4. cap. 22. Plures salis
differentias videre qui voluerit, legat Andreā
Chioccū. sect. 2. Musæi Calceolariani Veronensis.

His ita constitutis dicamus quis ex salib⁹ potior
Sal op- suaviorq; existat; quæ ve utilitates ex eo depro-
timus. mantur. Ex veris salib⁹ ut omnium perfectissimus
eligendus est candidus, pellucidus, crystalli instar.
dēsus, inodorus; quiq; æqualem & cum quadam
veluti suavitate temperatam habet acrimoniam;
qualis ut plurimum est fossilis ex montib⁹ cēsus, in
quo omnes perfecti salis proprietates & effectus
reperiuntur. Nam & caliditate & siccitate pollet
paulo ultra secundum à temperamento recessum,
resiccat vehementer & supervacaneum humorem
exsugit, ita cogit, adstringit & densat ut extrinse-
cus ingruere noxa putredinis non valeat: extenuat
quoque, dissolvit & humorum crassitiem absumit;
adstringendi facultate & mordicat & corrugat os
ventriculi superius, ita ut appetitum moveat. Mul-
ta alia addi possent in salis commendationem non
contemnendæ eruditionis, & à Baccio lib. 5. de
Thermis & ab Alfario Crucio de quęstis per epi-
stol. centaria tertia, & ex Viginerio com. in Phi-
lost & tractatu proprio de sale, & ex Beringuccio
Pyrotech. lib. 2. cap. 8. propositi nisi me animad-

versiones scribere non commentarios recorderer.

Unum addo, salem idcirco in condimentum ciborum advocari; 1. quod omnium saporum primus excitet ex palato salivam, sine qua non fit bona præparatio cibi in ore. 2. quod viscosa cibatria & crassarum partium temperet & attenuet. 3. quod cibus omnibus qui ferè insipidi sunt respectu gustus, suavitatem & sapiditatem conciliet. 4. quod humidos cibos & superfluo turgentibus succo exsiccet; postremo quod ciborum graveolentiam ac fœtorē sit quis ad se tollat aut emendet. Ex his quæ de sale dicta sunt, cujus facultatis sint salita quivis intelliget: attamen qui rem exactius nosse voluerit de falsis aquis, consulat Baccium lib. 5. de Thermis, Herilacum de aquarum natura lib. 3. & Georgiū Vernherū de aquis Hungariæ. De garo & muria veterum videat Jul. Alexand. salub. lib. 16. cap. 16. & inter alios Lælius Bisciolam appendice ad postremum librum tomi secundis horarum substitutarum. Ceterum locus hic esset commemorandi & explicandi singula condimenta à Salernitanis prætermissa, sed à Calcographo urgeor, variis alioquin negotiis distractus; ab iis igitur velut à rebus minus necessariis impræsentiarum abstinere, ubi tamen occurrerint non omissurus.

Sal cur-
condi-
men-
tum.

*De tempore assumendi alimenti penes anni
tempestates.*

C A P. X.

Temporibus Veris modicum prandere juberis.
Sed calor Æstatis dapibus nocet immoderatis.
Autumni fructus caveas, ne sint tibi luctus.
De mensa sume quantum vis tempore Bruma.

Veris
cibus.

HIC agitur de cibi mensura secundum anni tempora convenienti. Et primo de Vere: Vere siquidem modice prandendum est, paululum cibo demendum, adjiciendumque potioni. Avicenna 2.1. Doctr. capite sexto. Ratio. Quia tempore hyemis propter ejus gulositatem & exercitii parvitatem, & resolutionis prohibitionem, humores crudi, & maximè phlegmatici ex temporis proportionem generati in interioribus corporis, ob ambientis aëris frigiditatem, sive *al-naselsam* coadunantur; Ver autem superveniens illos eliquat, & diffundit per totum corpus, quare natura per id tempus plurimum circa illorum digestionem occupata est. Si itaque in Vere daretur magna cibi mensura, natura à digestionem prædictorum humorum impedita diverteretur, ut pote per humores, & magnam ciborum copiam plus æquo gravata, unde humores in corpore crudi & indigesti relictæ facillime membrum aliquod invadentes ægritudinem inducerent. Quare summopere conandum est, ut id temporis cibo nonnihil dematur. Diminutio enim ciborum maximè præservat ab ægritudinibus Veris, teste Avicenna ibidem. Et hoc quidem de adulto & extremo Vere intelligendum; novum enim Ver Hyemi adsimilatur, unde & hyemis ritu per id tempus cibus administrandus est. Intelligendum item de corpore humoribus phlegmaticis & crudis repleto. Corpori enim temperato in humoribus, cibus exhibendus juxta mensuram caloris innati, & resolutionem quæ fit à corpore: ablata enim causa est diminutionis cibi, Unde Hip. Aphor. decimo quinto, libro primo: Ventres Hyeme & Vere, natura calidissimi sunt, & somni longissimi: quare per ea tempora alimenta copiosa sunt exhibenda. Etenim tunc

calor innatus plurimus est, unde & pluribus eget alimentis.

Secundò, de Aestate, quod nimia cibi sumptio in æstate noceat. Virtus enim digestiva tum debilis est: spiritus enim & calor innatus, instrumenta virtutum debilitantur, minusque ob caloris externi excessum, & attractionem ad exteriora resolvuntur, & multum cibum digerere nequeunt. Sciendum tamen propter vehementiam resolutionis humiditatum, tam substantialium, quàm nutritimentalium corporis, æstivo tempore crassiorē ac majorem cibum exhibendum esse, si virtus digestionis sufficeret. Verùm cum non sufficiat uno eodemque tempore multum digerere cibum, parum sæpeque de eo exhibendum est, juxta illud Galen. comm. 17. lib. 1. Aphor. Aestivo quidem tempore, quantum ad temporis rationem attinet, sæpius pauca danda sunt, quoniam & pluri egent adjectione, ut qui sunt dissoluti, & vires habeant imbecilles. Et licet æstate cibo nonnihil demendum sit, potioni tamen adjiciendum est: tum enim maxima fit resolutio & exsiccatio corporis, calor etiam humidum longè exuperat, unde & sitis major exoritur. Elixix itaque utendum, cibisque frigidis ac potione tum multa, tum diluta. Vinum autem vinosum & purum evitandum, ut quod faciliè inflammetur, & violento æstu vehementem calorem intendat.

Aestatis
cibus.

Tertiò de Autumno, ut scilicet per Autumnum à fructibus autumnalibus, uvis scilicet, Persicis Ficibus, & similibus abstineatur, vel modicè saltem de iis edatur: generant enim sanguinem putrefactioni accommodum, ob ebullitionem, quam in corpore & humoribus faciunt, quod maximè in stomacho immundo in Autumno sæpius accidere

Autum-
ni cibi.

168 DE CONSERVANDA

solet: unde malæ sequuntur ægritudines, nimirum variolæ, morbili, & pestilentia. Pro majori notitia victus salubris per autumnum, cavendum est, ne famem & sitim patiantur, vel cibo una hora repleantur, ut præcipit Rhazes 4. ad Mansorem cap. 26. de regimine corporis secundum anni tempora. Vinum autem quod bibitur, sit paulò liberius dilutum, neque tamen immodicè, ut corpus humectet, & calorem reprimat: minus etiam quàm in æstate bibendum, ne natura per id tempus debilitata digerere renuat, & calor obtusus, ventositates & colicam generet.

Hye-
mis ci-
bi.

Quartò de hyeme. Tempore siquidem Hyemali tantum edendum quantum volumus, id est, plus quàm cæteris temporibus, teste Avicenna Fen. 2. 1. Doctr. 2. capite sexto; & Galeno, in comment. 17. libri primi Aphorif. Hyberno, inquit, tempore multa quidem danda sunt propter robur virium, sed raro, quia non valde multa indigent adjectione laborantes, ut à quibus non multa fiat evacuatio. Et ratio est, quia calor innatus hyeme intèrior est, tum quia unitus, tum quia fortificatus *διὰ τὴν ἀντιθέσιν*, id est, juxta positionem sui contrarii, videlicet, frigidi aëris corpora circundantis: quod veritatem habet in robustis & corpulentis, & non in raris ac debilibus, in hujusmodi enim corporibus intensum hyemis frigus non modo non confortat calorem, sed magis debilitat. Et hoc innuit Hippocr. Aphor. 15. lib. 1. Ventres hyeme & Vere, natura calidissimi: quare per ea tempora, alimenta copiosiora sunt exhibenda. Etenim hinc calor innatus plurimus est, unde pluribus egent alimentis, quæ quidem & crassiora, ac difficilioris digestionis exhibere licet, quia calor intensior est. Vino autem utendum est meraciore & rubicundiore.

Notandum tamen, quòd licet consideratione habita ad fortitudinem caloris & virtutis digestivæ in hyeme crassiores & densiores cibi convenient, attamen quia corpora per id tempus ob phlegmatis abundantiam facillime replentur & obstruuntur, & parva à continente sit resolutio; tutius est uti cibis inter solidum & rarum mediis, sicuti sunt caro hœdina, vitulina, mutonis, lucii, percarum & cancrorum. Crassioribus vero ut sunt bovina, porcina, agnina, concharum, astracrorum, caponum & similes, abstinendum aut una saltem comestione utendum, adhibitis sæpius rebus aperitivis & diureticis, ut petroselino, nasturtio, apio exercitio forti.

Animadversio.

PRæparationem ciborum sequitur tempus ingerenti alimenti. Tempus illud est innominatum aut nominatum. Innominatum rursus generale est aut particulare. Generale comprehendit victus rationem singulis anni temporibus convenientem; de qua hoc capite agitur. Particulare designat tempus quo assumenda sunt alimenta de quo proximo dicetur capite. Nominatum tempus prandium ac cœna, de quibus suo ordine.

Quod spectat ad victus rationem secundum anni tempestates definiendam, observandum imprimis alimentum debere semper comparari cum calore, sicut major copia ingeratur cibi ubi, major adfuerit nutritiarum partium calor innatus, atqui hyeme & vere uberior adest ventriculi calor, par-
cior autumno & æstate; ergo hyeme major copia

Funda-
men-
tum
notan-
dum.

alimenti ingerenda est deinde vere, minor autumno, omnium minima æstate; ut colligere licet ex Aphorif. Hippocr. 15. lib. 1. Quocirca idem Hippocrat sive Polybus lib. de diætâ commendat hyeme victum uberiores ex cibis satis solidis, carnibus assis, calefacientibus oleribus, potum vero parcissimum ex vino meraco ut corpus calidum & siccum efficiatur, est enim cibi copia necessaria ob caloris copiam tum vigentis, solidi quoque debent esse cibi ut magis nutriant. Assi præterea quibus facultas inest calefaciendi simul & exsiccandi. Molliora olera interdici debent quia phlegmatica, non duriora & calidiora ut suppetfluæ corporis humiditates aliquo pacto absorbentur. Vinum debet esse calidissimum & multi nutrimenti, quale est crassiusculum, rubrum, flavū, sed parcè assumi debet, quia reficanda sunt corpora, non humectanda. Quod si quis objiciat hyeme largiore potu utendum, tum propter ciborum copiam quorum vehiculum est, tum propter eorum qualitatem solidam, aridam & assam, ex quo per angustas mesenterii venas difficilius distribuuntur, respondeo parcum potum intelligi respectu aliarum anni partium, non alimentorum quæ assumuntur. Quæri hic etiam potest cur victus ratio calidior hyeme exhibeatur, cum ventres tum sint calidiores. Dicendum calidiores cibos hyeme convenire, propterea quod hyems corpus pituita impleat ob aëris quem assidue spiramus frigidam & humidam intemperiem; ex Hippocr. lib. de natura huma. ut igitur constitutio illa emendetur, cibi calidiores assumendi sunt; nulla enim est in toto corpore caliditas præterquam in organis coctionis. Idem esto iudicium ætatis in qua omnes partes calidiores sunt, excepto ventri-

Obje-
ctio.

Solu-
tio.

Obje-
ctio
alia.
Solu-
tio.

culo. Porro ineunte Vere composiori & dilutiori potu utendum & paulatim, cibis mollorib. elixis, idem Polybus consulit; æstate vero potu aquoso & multo, cibo pauco & elixo: Autumno denique cibo paulo pleniori & ficciori quam æstate; potu parciore & meraciori: quæ omnia paulo fufius explicat Galen. in comm. Hier. Triverus & Joann. Placatomus. Caterum totum hoc caput defumptū est ex Avicen. Fen. 3. lib. 1. doct. 5. cap. singulari; quem locum mirum in modum illustrat Jacob. de Partibus suo commt. Adiquoque Galen. comm. in Aphor. 15. lib. 1. Aphor. 2. & 18. lib. 3. & in Aphor. 47. lib. 6. Non omittendum est quod monet Cato lib. de re rust. cap. 56. & 57. familiæ villici hyeme paulo minus cibi præbendum quàm æstate, & æstate plus vinidandum quam hyeme. Est ne Cato Hippocrati contrarius? Ita est, sed Hippocrates minime deferendus. Cato enim rationem habet operariorum qui per æstatem necessario plus laborant; Hippocrates hominum qui sanitatem fartam rectam conservare cupiunt.

Cato
ad ver-
fus Hip.

Caterum hic locus exigit ut de antiperistasi aliquid adjiciamus; cum ejus beneficio calorem nativum hyeme intendi omnes perhibeant, ad eamque confugiant in enodandis difficillimis quæstionibus. Equidem vox ipsa Arist. primo meteor. cap. 12. Olympiodoro praxi 14. ejusdem libri, cæterisque Aristotelis interpretibus Græcis & Latinis usurpata legitur, usus ejus apud Hippocr. Galenum, aliosque Medicos frequens est sic ut eam in rerum natura esse nemo dubitare debeat: αἰὲν ἐπειδὴ ὁ ὥρεός, inquit Arist. ὅπ γίνεται ἀντιπερίστασις τῷ θερμῷ καὶ ψυχρῷ ἀλλήλοις, quod ipsum pene repetit Olympiod. intelligunt Hippocr & Galen. in Aph. 21. lib. 5. Sed nec ab ea mente recedunt ἂν

Antipe-
ristasis
cogni-
ta Phi-
loso-
phis &
medi-
cis.

Defini-
tio An-
tiperist,

Quæ-
stiones
tres cir-
ca An-
tiperist.

qui frigori vim urendi tribuerunt ut sunt inter Poëtas Virgilius & Lucanus, inter Oratores Tullius, inter Physiologos Galeot. Martius, Hieronym. Magius, & Brodeus, quorum recensendis verbis parcimus ne Medica Grammaticis videamur interferere. Describenda potius est Antiperistasis & ejus ratio explicanda. Describitur autem *calidi & frigidi mutua undique compulso aique consilio*, vel si mavis *coarctatio, cohibitio, seu compressio mutua duorum contrariorum, maxime calidi & frigidi, per quam contrarium obfessum compressumque ab altero contrario multum intenditur*. Etenim cum unum contrarium alteri contrario opponitur puta calori frigus, calor qui est contrarium ita oppugnatur ut nequeat obistere frigori: fugit ergo calor, fugiendo sese colligit, seseque colligendo vires sumit evaditque valentior eo in loco ubi collectus est: ibique tum demum resistit frigori cui ante collectionem cedere cogebatur. Notum est vulgare illud axioma simulque verum, unitam virtutem ipsa dissipata fortiorem. Sequitur examinandum an ille calor qui ob frigus obsidens interius fugit augeturque, sitne substantia an qualitas: secundo utrum intensio illa sit secundum gradus: ac denique fiatne intensio hæc caloris, vel a calore ipso sic ut se ipsum augeat, vel à frigore ita ut augeatur calor ab eo quod calorem destruit. Multæ hic rixæ & contentiones inter philosophos, & si ullibi subtilitas emicuit, maxime in hoc argumento in quo Richardus Suisset vulgo Calculator dictus, Pet. Pomponat. Benedict. Victorijs Faventin. Joa. Marlianus, Alvarus Thomas præ cæteris enituerunt. Ego ut multa paucis complectar, intricata evolvam, obscura

illustrem & à sensibus abstracta ad usum & experientiam revocem, arbitror primo calorem illum ob frigus intro recurrentem non esse substantiam sed accidens. Quod ut intelligatur, supponendum ex Galen. comment. ad Aphor.

Prima
quæ-
stio.

14. sect. 1. aliud esse τὸ θερμὸν aliud θερμότης, aliud inquam calidum, aliud caliditatem. θερμὸν duo significat corpus caliditate præditum, & ipsam caliditatem quod exemplis demonstrat, θερμότης, vero solam caliditatem denotat. Galenus ergo comm. ad Aphor. 15. ejusdem sect. notat frigido balneo πρὸ θερμότητος εἰς τὸ βάθος καταβύσσων ἀθεσιζέσθαι, & postea ἐπανερχέσθαι, calorem in profundum fugientem colligi; & mox reverti ad extimam superficiem, quod exemplum adducit demonstrandæ antiperistaseos. Ex hoc sequitur Galenum intelligere antiperistasi augeri calorem nativum penes qualitatem, non penes substantiam cum vocabulo τῆ θερμότης usus non sit, sed τῆ θερμότητος, quam Aristot. in problem. definit περιεχλὸς τῆ θερμότητος, idest caloris excessum. In qua quoque sententia fuit Oribas. comment. in eundem locum ubi scribit μέγιστον τῆ θερμότης ἐμμετὴς θερμότητος causam esse majoris appetitus & melioris coctionis. Ait præterea quod hyems frigida sit, & ver ei vicinum, hanc ob rem necesse est ut cavernæ illa invisibiles quos poros appellant, concludantur & omnino constipentur. Atque hinc fervor noster naturalis (θερμότης dicit non θερμὸν) non invenit per quod exhalari & egredi possit. Continet ergo omne quod est intrinsecus & celeriter obit ciborum coctionem, ceu princeps & dominus qui cuncta disponat. Et re vera calor qui retrocedit non fixus ille est ac substantialis, sed so-

174. DE CONSERVANDA

lum influens & accidentarius; *fixi enim caloris ait Liebantius scholiis ad prædictum Hippocr. Aphor. nulla potest accessio, nullumque incrementum fieri, alioquin immortale foret animal.* Præterea destitutas partes illo calore influente ob frigoris appulsum nemo dixerit privatas fixo ac implantato; quod tamen admittendum esset si quidem substantia ipsius caloris relictis externis partibus interiores petere cogeretur. Scio Galen. loco adducto videri contrariam tueri sententiam; cum copiosius penes substantiam augeri calidum nativum dixerit, sed tum rationem habuit sanguinis & spiritus influentis, qui pabulum calori influenti subministrant, sic ut tum dicatur esse copiosior calor ubi copiosius pabulum subministratur; quod tamen materialiter non formaliter est intelligendum. Idcirco Thom. Erastus comm. in eum Aphorif. 15. ait, *dicatur calor auctus hyeme, non quia calor singulis membris concessus fiat auctior; sed quia natus cum calore singulorum membrorum junctus augetur.* Ne autem alicui scrupulus hæreat, quot modis augeri dicatur & possit calor natus explicandum est. Hollerius in Hippocr. Aphor. 14. quatuor modis calidum innatum augeri docet: *penes substantiam, quantitatem, qualitatem, & efficaciam seu energiam.* Substantiam caloris nativi multifariam intelligit: primo penes generationis nostre principia. 2. penes sanguinem & pituitam. 3. penes sanguinem & viscera. 4. & per antonomasiam penes cor, ubi sedem obtinere dicitur. A quantitate calor dicitur, *vel multus, vel extensus.* A qualitate *blandus, acris, languidus*: ab energia, *vel magis intensus, vel magis symmetros.* Rodericus à Fonseca comm. in eundem locum, quinque

Galeno
respon-
detur.

Quot
modis
augea-
tur ca-
lor.

modis aliquid calidius dici posse innuit: *substantia*,
quantitate, *qualitate*, *robore* & *tactu*. Substan-
 tiæ nullas dat differentias, quantitatem consti-
 tuit multitudinis & extensionis; qualitatis unam
 ratione caloris simpliciter ut calor est, alteram ra-
 tione innati quâ mitis est. Efficacia etiam caloris
 duplex: prior ratione innati, posterior ratione ca-
 loris: tactui nullam speciem tribuit. Ex his colligit
 augeri calidum innatum hyeme secundum effica-
 ciam, non ratione caloris, sed ratione innati; qua-
 si statuatur auctum calidum hyeme secundum
 quantitatem; æstate vero secundum qualitatem,
 Sed meo quidem iudicio Hieronym. Cardan. eo-
 dem comm. difficultatem eam luculentius eno-
 davit. Scribit enim calorem innatum augeri non
 simpliciter, sed bifariam: primo *juxta corporis*
proportionem quod accidit nunquam; deinde *quoad*
opus. Opus autem duo quoque designat, vel
substantiam, vel *opus* tantum. Quoad substan-
 tiam calor naturalis augetur, 1. *ex cibis & potibus*.
 2. *exercitatione*. 3. *somno* ut auctoritatibus Hip-
 pocr. demonstrat. Quoad opus tantum augetur
 primo calor *ab ira & verecundia*. 2. *medicamentis*
calidis 3. *contractione caloris ob frigus*, id est, an-
 tiperistasi. Ex his, ni fallor perspicuum est *deperuari*
 esse quæ augeatur non *deperuari*. Sed restat altera
 difficultas an calor ille qui augetur, secundum
 quantitatem intendatur an secundum qualitatis
 gradus, hoc est major ne reddatur an acrior. Con-
 sensus omnium est eam intensiorem juxta quan-
 titatem contingere. At cum quantitas sit duplex;
 una *numeri*, altera *extensionis*, fit hæc intensio
 quantitativa non penes extensionem, sed pe-
 nes multitudinem. Cujus quidem intensiōis mo-
 dus hic est. Calor natus qui per æstatem non

Altera
quæ-
stio.

solum per partes internas, sed externas quoque diffundebatur, superveniente hyemis frigore ab externis partibus cogitur & comprimitur in internas; diminuitur ergo calor ille juxta extensionem: tot enim partes non occupat quot antea: sed augetur juxta numerum: calor enim exempli gratia qui erat in pedibus, manibus, vesica, partibusque exanguibus, continetur in visceribus à quibus prius aberat. Rem placet familiari exemplo illustrare. Sint in foco novem aut decem carbones igniti, sed à se invicem distiti & longius remoti; dubio procul numquam poterunt expositam illis ollam fervere facere donec eos circa ollam cogas & unias: tunc autem carbonum calor formaliter non intenditur, sed propter unionem & colligationem majoris est energie, quia quod non potest unus, à multis prestatur. Quod si accedat præterea ut in foco calido illi accendantur, minorem tunc calefaciendi vim obtinent, quia calor libere diffilatur & expirat; at si loco mediocriter frigido colloquantur qui calorem illum cogere non extinguere possit, denuo intendi calorem illum contingit quia numerus radiorum expirantium multiplicatur: exhalationes enim ignis ob appulsum frigoris circumstantis & obfistentis denuo reflectuntur; eademque ratione multiplicantur & augentur atque radii solares reflexi. Ex illa suppositione omnibus difficultatibus patet solutio; maximè tertiæ questionis qua petebatur utrum intensio illa fieret ab ipsomet calore seipsum intendente aut à frigore constringente. Assentior enim Latino Tancredo disput. 2. de omnigena antiperist. cap. 2. asserenti non intendi augerive calorem à se ipso neque à frigore. *Verum, inquit, frigoris antiperist.*

Tertia
quæ-
stio.

ristasis locum habet, quatenus ventres ambiens occludit constringitque corporis meatus, & impedit ne spiritus cum calore foras exeant, & dissipentur. Plura habet idem Tancredus toto suo opere, Petr. de Peramato cap. 14. lib. de elementis. Soares sect. 9. disput. 18. in metaphys. Pet. Garcias Carrero disputationibus medicis super fen. primam primi lib. Avicen. disput. 5. cap. 6. Thom. de Garbo lib. 2. summæ medic. quæst. 3. maxime vero Joan. Marlian. quæst. de caliditate corporum human. tempore hyemis & æstatis, & de antiperistasi.

De tempore particulari assumendi alimenti

C A P. X I.

TU nunquam comedas stomachum nisi noveris esse

Purgatum vacuumque cibo quem sumpseris ante.

Ex desiderio id poteris cognoscere vero;

Hæc sint signa tibi subtilis in ore diata.

Hic traduntur præcepta quædam ante cibi sumptionem servanda.

Primum, ne sumatur cibus, cum ventriculus quibusdam humoribus vitiosis adhuc plenus excitatur. Corruptur enim simul alimentum, quod insuper ingeritur, una cum pravis humoribus, qui prius sunt in corpore, ita ut ipsorum quidem quantitas augeatur, qualitas verò servetur. Eos igitur ut lib. 6. cap. 9. de Sanitate. tuen. Galenus autor est, vomitione, in iis, qui suapte natura facile vomere possunt, ex-

M

pellere prius, quàm cibus ingeratur, oportet. Impura namque corpora & vitiosis humoribus rsferta, vacuatione potius, quàm ea quæ per cibos fit refectione egere, testatur cum primis Hippocrates Aphor. 8. & 10. lib. 2. & ibidem Galen. in comment.

Ventriculum vero vitiosis humoribus esse plenum, è nidoribus & ructibus deprehendi potest, quemadmodum Galenus lib. 1. cap. 4. de locis affect. docet, ad quem sane lectorem nunc ablegamus.

Secundum, ne priore cibo nondum concocto, necdum in alvum demisso, alius sumatur, qui enim eo modo supereditur, naturam à prius ingesti concoctione deturbat, quo fit, ut quicquid ejus confectum ex ventre à venis mesarais ad hepar deducitur, reliqua statim omnia etiam incocta secum in corruptionem trahat, adeoque tum vasa ipsa, tum totum corporis habitum, cruditatis, & vitiosorum humorum multitudine repleat, ac ob id ipsum morbis non raro tentet. Proinde rectissime Galenus lib. 7. cap. 6. metho. meden. præcipit, ut vacuus purusque ventriculus secundum cibum excipiat. Quin etiam Avicenna. 3. 1. doc. 1. cap. 7. idem præscribens, ita fere inquit: Nemo sanitatis suæ studiosus aliquid comedat, nisi ad hoc certe prius incitante desiderio, & ventriculo una cum reliquis superioribus intestinis à præsumpto cibo vacuatis: priore enim cibo nondum concocto, alium insuper ingerere, corpori perniciosum est.

Porro ex ructu nullam alimenti prioris qualitatem referente, ventriculi tumore jam submisso, excrementorum dejectione, & urinarum colora-

tione, licebit conjicere, num prior cibus ad unguem confectus, ac in alvum demissus sit, quemadmodum Gal. lib. 7. c. 6. metho. meden. & post eum Paulus lib. 1. c. 97. luculenter & perspicue docuerunt. Urina enim quæ aquæ speciem præfert, crudum adhuc in venis succum esse indicat eum qui à ventre submittitur. Quæ rufa & biliosa, jam dudum concoctum esse hujusmodi succum portendit. Quæ modicè pallet, peractæ modo secundæ concoctionis est signum, quemadmodum eleganter Cornel. Celsus lib. 1. c. 2. & Plinius lib. 28. c. 6. docuerunt. Imperfectæ autem concoctionis, ut testis est Sect. 6. Aphor. comm. 1. Galenus, acidus ructus certum indicium est.

Signa etiam, quibus certo comprehendi possit, utrum à vitiosis illis humoribus, ac prius ingesto cibo vacuus sit venter nec ne, & hic duo subjunguntur.

Primum, desiderium certum, hoc est, vehementior & vera novi alimenti appetentia si ve fames. Nam de medicorum fere omnium Fames. sententia duplex fames est: una quidem vera & naturalis, altera vero mendosa. Veram describit Galenus Aphor. lib. 2. comment. 16. sic inquit: Famefcere illos dicimus, qui ob ciborum inopiam ad extremam esuritionem perveniunt.

Idem lib. 1. cap. 7. de caus. Sympto. disertè admodum & copiose harum appetentiarum rationem & diversitatem describit, quem locum, utpote scitu dignissimum, hic integrum subicere placuit. Nam quoniam, inquit, cute tenus unumquodque animal in ambiètem aërem digeritur, accidit ut membra, quæ sub ea sunt, prima vacuentur, quorum ingenuita vis ex proximis suum alimentum trahit,

180 DE CONSERVANDA

id scilicet quo vacuatur reficiens, deinde rursus illa ex iis quæ sibi sunt proxima, sicut quæ tertio loco sunt posita, ab iis quæ sibi. Atque ita semper per continuum, veluti in choro quopiam translatione celerrimè facta, ad venas, quæ ad ventriculum pertinent, vacuatio pervenit. Hæ verò & solent pariter, & natæ sunt ex ventriculo nutrimentum trahere, perinde ut stirpium radices, quæ in terram sunt demissæ, ab ea. Cum enim hoc opus universum naturale sit, non animale, similiter in stirpibus, & animalibus perficitur. At in stirpibus quidem, terra perpetuò paratum largumque alimentum rigantis ritu subministrat: quando cœlitus temporum status pro natura se habet; quando autem ex terra squaloris excessu siccatus est humor, stirpes nutrimenti penuria marcescunt. Animalibus autem, ut pote terræ non affixis, præter utique pauca quædam, natura ventrem pro nutrimenti veluti penu fabricavit, quemadmodum stirpibus terram. Dedit autem animalibus & penuriæ sensum, quo scilicet ad cibum potionemque proritata, in tempore expleantur, vocaturque ejusmodi implendi desiderium appetentia. Fit autem ex penuriæ sensu, cum scilicet venæ ex ipso ventriculo, veluti emulgentes sugentésque aliquid trahunt. Non ferens autem eum suctum ventriculus, sed veluti divulsus, offensæ ejus medelam cibum comparat. Quippe venæ hoc pacto ad objectos cibos convertuntur, atque ex iis nutrimentum trahunt, nequaquam ex ventriculo. Fitque post cibi sumptionem, ut & venæ simul ad cibos se convertant, & ventriculus ex iis, quantum prius per venas est exhaustum in seipsum trahat. Ac suctus quidem ipsius sensus fames est. Hæc Galen.

Cùm igitur ventriculus non appetit, signum est, membra nondum refectione indigere, sed satis adhuc alimentorum in promptu habere. Quod certè & ipsum Galenus lib. 3. cap. 13. de facult. natural. innuere voluit, inquiens: Venter si melius paratiusque nutrimentum habet, externum non postulat. Cibi igitur exhibitio diutius adhuc differenda est, nam quicquid tum ingeritur, gravat naturam, non juvat.

Porrò mendosa fames, est cibi appetentia corpore non indigente. Quæ quidem, ut idem Galenus lib. 1. cap. 7. de causis Sympt. docet, tum maximè fieri solet, cùm acidus quispiam & vitiosus succus ventriculum mordet. Vitiosus namque succus, qui frigidus est, similem suctui morsum infert; appetentiam verò prorirat, naturalis affectus similitudine. Alimenti autem, non potus desiderium excitat propter frigus. At vitioso succo, qui salsus & biliosus sit, ventrem mordente, potio magis, quàm cibus appetitur, præterquam enim quòd calefiat sicceturque ab eo ventriculus, quæ utrique sitis causa sunt, etiam liquari fundique tum in eo, tum venis succos contingit, fundendorum autem succorum Symptoma, ea quibus continentur implet, quemadmodum frigiditas vacuat. Itaque etiam non parum ad esuriem, frigiditas eorum, quæ in ventre habentur, confert. Cùm & corpora eorum, tunicasque vacuet, & cogendo constringendoque ad appetentiam irritet. Atque ita quidem vitiosus succus, acidus, stypticus & frigidus mendosæ famis existit causa.

Fames
men-
dosa.

Secundum veræ famis signum, est subtilis diætæ, videlicet præcedens, hoc est, parva cibi exhibitio, quando enim & hanc fames sequitur, tunc il-

Diætæ;

182 DE CONSERVANDA

lam & veram & naturalem esse significatur. Unicè igitur semper cavendum, ut numquam, neque prandeatur, neque cœnetur, nisi consueta hora, ac illiciente prius appetitu, nec eo cibum exigente differatur. Omnis enim mora illi nociva est, nisi suspectus sit esse mendosus, qualis ebriorum & fastidio laborantium esse solet. Nam si ventriculus alimentum postulat, ut Galenus lib. 3. cap. 13. de facult. natur. autor est, nec ejus copia est, excrementis impletur. Ea sunt sanies quædam biliosæ, pituitosæque, atque ferosæ, quas solas trahenti illi tum scilicet, cum nutrimento indiget, jecur remittit. Hinc non temere hæcenus hoc usurpatum est. Diutius tolerare famem, ventriculum malis ac putridis replet humoribus, quos attrahit ad se loco cibi. Et hoc quidem experientia constat. Quando enim jejunamus, tunc per noctem aviditate quadam ad cibos invitari solemus, sed illis denegatis, nullam omnino appetentiam postero die percipimus. Unde satis liquet, ventriculum, & maxime orificium ejus, jamdudum vitiosis humoribus esse plenum, quæ tamen non vera, sed mendosa repletio est, & ob id paucò assumpto cibo regreditur statim appetentia.

Cibo-
rum ra-
tio.

Cavendum etiam, ne cibus assumatur non præeunte corporis exercitio. Neque enim temere ab Hipp. 6. epid. par. 4. aph. 28. dictum est, *πρὶν αὖ στίον ὑγίσθωσαν*, id est labores cibos præcedant. Nam qui cibus manè, antequàm prior descenderit, vel paulò ante exercitationem ingeditur, is Galen. lib. 3. c. 1. de cau. Symp. teste, & intempestive sumitur, & cruditatis etiam causa existit. In ciborum præterea ratione, quemadmodum c. 24. meth. perven. ad medi. Leon. Fuch.

diligenter admonet, id quoque unice observandum, ne illi præpostero ordine ingerantur: id quod fiet, si concoctu facilia, iis quæ difficulter concoquuntur, præmittantur, etsi liquida solidis & ardis, & lubricantia astringentibus antecedant. Ordo verbi gratia præposterus erit, si cotonea aut punica mala primum ingerantur, postremum olera ex garo. Debent etiam ea præmitti, quæ facile & nullo ferme labore subsidunt, ut sunt liquida, quæ verò tenacius hærent, & difficulter labuntur, ut solida & arida postremò, idque si ventriculus naturaliter se habeat. Nam si cui ventriculus sit natura laxior, huic præstiterit adstringentia magis lexantibus præposuisse, quo ab illis roboratus ventriculus reliqua melius conficere possit. Hæc eadem ferè docent Cornelius Celsus lib. 1. cap. 2. & Galenus lib. 2. cap. 11. de aliment. facultatibus.

Jam verò cautio etiam sit, ne in una eadèmq̃ue refectione multi simul & varii assumantur cibi, ac tempus deinde comedendo ultra quàm satis est producat, præsertim si diversis illi consent facultatibus. Ex eo autem genere cum primis fuerint cibi variæ substantiæ, ut exempli causa, ab Avicenna ponuntur, carnes & pisces, vel pulli & suilla, &c. Nam quæ ad istum ingeruntur modum, varie corpus pro succorum diversitate afficiunt, & concoctionem non ut par est, sortiuntur, Postremo enim accedente cibo, jam primi incepta concoctio est, atque ita partes quidem in coquendo redduntur dissimiles, adeò ut primo loco ingestæ, confectæ fere sint prius, quàm ad extremum sumptæ medium concoctionis suæ attingant, unde sæpenumero posterius coquendorum sequitur corruptio. Id quidem Avicenna quoque in-

nuere voluit 3. 1. doc. 2. cap. 7. in hanc ferme sententiam scribens: Nihil quidem deterius est, quam si multa simul ac varia ciborum genera conjungantur, atque iusto longius deinde in comedendo tempus protrahatur : cum enim postremum accedit nutrimentum , primum jam aliquo modo confectum est, partes ergo in coquendo non admilantur. Atque inde sane morborum scaturigo, qui ex repugnantium sibi humorum discordia nascuntur.

Cibi
varij.

Jam ipsius quoque varius coquendi modus bonæ corporis temperaturæ non parum officit, ut si in eadem refectiōne multi elixi, frixi, & affi cibi sæpius invicem modò liquidi, modo solidi & aridi, ministrentur. Atque hinc est, quod Horatius lib. 2, Serm. Sat. 2. ubi victum frugalem ac simplicem pro dignitate laudasset, hanc saporum condimentorumque acervationem, ut perniciosam, his versibus detestatus sit:

Accipe nunc victus tenuis, quæ quantaque secum

Attende. In primis valeas bene; nam variæ res

ut homini, credas memor illius escæ

dux olim federit, at simul assis

4, simul conchylia turdis,

in vertent, stomachoque tumultum

Vides ut pallidus omnis,

¶ omne corpus onustum.

quoque prae gravat una.

articulam auræ.

cap. 52. hanc saporum
ini inquit, cibus
pestifera,

Lequel est un temple-
qui se à
quelque chose

multo varioque cibo & potu non impleant solum, sed etiam distendant, adeoque cibum cibo excipiant, & toti sint in computationibus, cum nihil tamen inde mali percipiant, imò verò multis incommodis difficultatibusque afficiantur, si vel minimum ab ista consuetudine deflexerint. Huic Gal quidem respondebit, qui in lib. de cibis boni & mali succi. cap. 21. ita scriptum reliquit. Hæc enim quamvis protinus nullam juvenum corporibus sensibilem læsionem inferant, sensim tamen occulteque crescente vitio, cum jam ætas progressu temporis inclinârit, articulos nervosque, & viscera iis morbis vexant, qui vel difficulter admodum, vel omnino tolli non possunt. Neq; id quidem temere, namque ea pars corporis, quæ natura imbecillissima est, à lædente quolibet patitur. Quod autem vitiosi humores, morbique gignantur, cruditas assidua in causa maximè est, si ve ea ex boni, si ve ex mali succi oriatur cibus. Quin Avicen. quoque 3.1. doc. 2. cap. 7. idem confirmans sic ferme inquit. Ille cui mala nutrimenta concoquantur, non gaudeat ex hoc. Noxa enim etsi ad tempus fortasse delitescit, temporis tamen successu sese exerit, & gravissimam certissimamque neglectæ artis medicæ pœnam adfert. Atq; hinc adeo pauci eorum, qui istum vivendi modum sectantur destinatam senectutis metam contingunt, sed crudis ex intemperantia acervatis succis, podagra, calculo, lepra, carcinomate, frebribus, aliisque id genus malis prius torti, vitam cum morte commutant. Præstat igitur, ut disertè à Fuchsio nostro scribitur, temperantia & parcitate animum corpusque vegetum ac sanum servare, quam crapula, crebrisque computationibus & immoderatione infirmum, morbo-

sum, Deoque & hominibus odiosum reddere.

Eden-
dum
quam-
diu.

Ac ne illud quidem silentio prætereundum hoc loco, quod protracta ad unam fere horam mora, ac justæ commanducationis & deglutionis gratia comestioni interposita, non laudabilis modo, sed ad tuendam etiam valetudinem utilissima censetur. Cibus enim qui exactè dentibus manditur, extenuatur & molitur, ac sensim deinde atque tardè deglutitur, etsi imperfectam ac modicam omnino; aliquam tamen, ut in suo genere æstimandam alterationem in ore consequitur, quemadmodum lib. 3. cap. 7. de natu. facult. Galeno & Avic. 1. 1. doc. 4. cap. 2. visum est.

Cæterum imperfecta commanducatio ut concoctioni contumax est, ita etiam horrorem quendam & insuavitatem adferens, ciborum appetentiam avertit. Mora verò quæ inter edendum, multis ultro citroq; sermonib; collocutionibq; interpositis, ad duas vel tres horas protrahitur, admodum noxia est, eamq; nocumenta hætenus enumerata sequuntur. Ultimus versus in quibusdam exemplaribus hoc etiam modo legitur.

Hæc sunt signa tibi subtilis in ore saliva. Nec malè quidem; nam saliva quæ subtilis & nulla qualitate infecta, sed perinde quasi aquosa gustui offertur; tum concoctionis, tum absolutæ sanitatis etiam indicia ostendit: Gal. lib. 3. cap. 6. de locis affectis teste.

Animadversio.

TEmpus particulare assumendi alimenti statuitur cum priore confecto & in alvum demisso appetentia ex sensu indigentia nata

novi necessitatem declarat : alioqui coctio turbatur & vitiosis humoribus corpus repletur , inde morbi & continuo mortes , ut docet Hippocr. lib. de affectionibus & Apho. 37. lib. 2. ubi dicit *Impura corpora quo magis nutriuntur eo magis ladi*. Duo itaque ante sumptionem novi cibi observanda sunt. Primum , ut prior cibus è ventriculo descenderit , alterum ut puritas adsit corporis. Discessus cibi à ventriculo cognoscitur si ventriculus non turgeat , si ructus præteriti cibi aut perturbatio corporis non adsit Si quis enim in ferventem adhuc , & quasi fermentarum ventriculum , hoc est circa cibi prioris coctionem occupatum cibos novos ingerat , statim is gravitatem sentiet , & hiatu , osciratione , fluctuatione , ventris denique torminibus tentabitur. Puritas autem coporis , crudorumque humorum defectus , florida corporis constitutione , motus agilitate , naturali denique appetitu deprehenditur. Optima siquidem natura quantum appetit , tantum coquit sicut docent Hippocr. lib. de veteri medici. & Gal. in arte med. Quam differat autem fames seu appetitus naturalis à non naturali , explicavit Villanovan. in comment. & exposuerunt Salernitani sequentibus versibus quos ex manu script. nostris reposuimus.

Duo
ante
cibum
notanda,

Quæ fames ingerendum cibum suadeat.

C A P. XII.

Non bibe non sitiens , & non comedas saturatus.
Est sitis atq; fames moderata , bonum medicamen.
Si superexcedant , important sæpe gravamen.

Animadversio.

HOc caput præcedentis est explicatio. Primo enim jubet nec edendum nec bibendum esse sine fame & siti; at cum appetitus ille edendi & bibendi duplex sit; moderatus & immoderatus, probat moderatum, immoderatum improbat, quasi velint Salernitani insinuare semper appetui nostro non obsequendum cum depravari interdum ita possit, ut cogat nos sumere plura cibaria quam calor noster nativus coquere possit atque conficere Egregia est Avicen. sententia licet barbara lib. 1. Fen. 3. doct. 2. cap. 7. *Nihil est, inquit, in corpore deterius quam nutriens super nutriens quod non est digestum mittere: & præterea nihil est deterius quam fastidium ex malis nutrientibus, cum inde Ilias morborum oriatur.* Cum verò dictum sit non bibendum sine siti, quærendum est utrum omni potu abstinendum sit iis qui nunquam sitiunt. Esse vero animalia quæ omni potu abstineant jamdudum docuit Aristot. lib. de hist. & de partib. animal. quibus frustra potus offeratur, cum ad hoc nata sint & à natura producta. At de aliis non ita sentiendum. Quamvis enim narret Pontanus in Chronicis puellam quandam decem annorum in pago Roedt natam anno aridissimo nunquam bibisse, referatque Plinius lib. 7. cap. 18. equitem Rom. ut aquam intercutem evaderet, adeo siti ferendæ assuevisse ut in senectâ potu caruerit: scribat præterea Volaterranus se Romæ ann. 1585. novisse hominem qui plures dies impotus transigeret. aliique non pauci observentur qui suo arbitra-

Qui
num-
quam
bibe-
runt.

tu menses & annos sine omni potu degant, attramen non est existimandum salubrius esse omni potu abstinere. Quamobrem qui non sitiunt aliquando ad potum sunt invitandi; tum quia potus desiderium naturale est & necessarium; tum quia potu assumpto cibus comminuitur, atteritur & in venas defertur. Hoc fusè expositum lege apud Marsilium Cognatum de sanit. tuend. lib. primo, capit. 30. ubi quoque de iis qui sine cibo vivunt agitur.

Cæterum tolerantia sitis & famis interdum utilis est cum nimirum modum non excedunt. Quod enim ad famem attinet, ex cibo nullus est ita replendus ut non sit ibi locus superfluus alteri cibo, cuique adhuc dendi desiderium non supersit, ut ait Avicen loco citato: sed hæ famis reliquæ post unam horam destruuntur. Necessaria quoque fames est postquam quis se ingurgitavit, ne occupatus calor coquendo illi cibo distrahatur, avocetur aut extinguatur adventu novi cibi. Denique fames phlegmaticis inutilis non habetur, tempore enim famis calor naturalis digerit crudos humores & in sanguinem convertit, emendatque partium constitutionem frigidam & humidam. Sitis quoque tolerantia adveniente somno confert frigidis & humidis naturis. Notus est Apborisf. Hippocr. lib. 5. *Quibus noctu bibendi est aviditas, iis admodum sitientibus obdormiscere, bono est, Coquetur enim, inquit Galen. in comment. & descendet per somnum siti causa, quacunque ea sit tandem.* Non est tamen admodum tutum sitim & famem tolerare: hinc enim virium oritur dejectio, febres nascuntur acutæ, partes tabescunt, calor nativus extinguitur, humidum primigenium deficit unde mors. Quoties tamen sitis vel

Fames
utilis.

fames præter naturam urget, tali moderatione est utendum, ut quantum appetitus postulat non comedatur, sed quantum sustinendis viribus sufficiat, aut nativus calor domare possit De symptomat. famis & sitis agitur in Pathologia & apud Galen. lib. de sympt. causis & differentiis.

De Cæna.

CAP. XIII.

EX magna cæna stomacho fit maxima pœna,
Vi sis nocte levis, sit tibi cæna brevis.
„ Cæna brevis vel cæna levis fit raro molesta;
„ Magna nocet, medicina docet, res est manifesta.

PRæcipitur hoc loco sanitatis suæ studiofis, ut instante somni tempore frugali cæna contenti, ventriculum vario ciborum genere non distendant, sed ea copia ingerant quæ vires haut gravet. Nam qui noctu multum ingerunt, primum quidem somno destituti corporis inquietudine agitantur. Deinde vero pustulas faciei, gravedinem capitis, graveolentiam oris, coli, calculique dolores & podagram sibi acersunt.

Neque solum immodica hæc sub noctem ingurgitatio bonæ valetudini officit, sed alia etiam qualibet, ut quæ cruditatem incoctionemque, obstructions, putredines, febres, apostemata, & lepram haud raro genetet. Atque ejus sane rei gravissimus testis est Avicen. qu. 13. 3. tract. cap. 36. ubi scribit ex rebus ventriculū maximè lædentibus esse immoderatam cibi ac potus ingestionem; & ob id fieri non posse, ut intemperantium vinoso-

rumque ac ventri gulæque deditorum corpora alantur atque augeſcant. Concoctio enim per vitæ intemperantiam impedita neceſſario humorum cruditatem efficit. Cruda verò tantum abeſt, ut incrementum corpori ſufficiant, ut omnino ne alere quidem poſſint, quo fit, ut per vitam variis etiam ægritudinibus conſiſtentur. Qui vero temperantes in victus ratione frugalitatem ſectantur, ii inculpatam uſquequaque ciborum appetentiam conſervant, optimeque non in ventriculo modò, verumetiam per univerſi corporis molem cibos conſciunt.

Cavendum igitur unicè erit, ne venter torqueatur, adeoque ingeſtis diſtendatur, ut pulſus velocior fiat & vix ſpirare liceat. Cui enim ad eum modum vorare in deliciis eſt, variis ſeſe periculis exponit. Simili modo & naſeofa ſatietas, non ex craſſis & pravis ſolùm, ſed etiam ſubtilibus, & boni ſucci alimentis, vitanda eſt. Hæc enim tum febres acutas & malignas, tum etiam maximi cruciatus apoſtemata: illa vero articulorum & renum dolores, podagram, aſthma, hepatis atque lienis obſtructionem, ac *σπίρρον*, & ægritudines phlegmaticas & melancholicas inducere ſolet. Proinde optimo quidem jure non nocturna ſolùm, ſed quælibet etiam ad naſeam uſque progrediens ſatietas, à ſanitatis tutela excludenda eſt.

Summo opere igitur hoc ſemper curandum, ne deſideriũ edendi penitus expleatur, ſed locus aliquis vacuus, & edendi voluptas ventriculo relinquatur. Quod Avicenna quoque 3. 1. doct. 2. cap. 7. præci- piens, hanc ferè ſententiam ſcribit. Cibo nemo ita replendus eſt, ut nihil loci ſit reliquum, ſed à menſa ſemper cum fame recedendum eſt. Hinc ſimile etiam vulgo dicitur: nunquam adeò ventrem cibis

expleo, quin apud amicos edenti cella mihi super-
 sit vacua. Et hoc præceptū eos cum primis tangit,
 qui natura vehementiorem ad cibos aviditatem
 consecuti sunt. Quibus vero hæc debilior exi-
 stit, iis fortasse concedi potest, ut largius paulo inge-
 rant, quàm appetunt. Apparandi autem, ex sen-
 tentia Cornelii Celsi lib. 3. c. 6. & Aëtii. l. 9. c. 20.
 cibi plures & varii ac optimo apparatu, & ultra
 dulcedinem etiam illicientes & appetitum irritan-
 tes. De cœnæ frugalitate nonnulla etiam cap. 1.

Usitata hoc loco & à multis agitata oboritur
 quæstio: Utrum videlicet uberius quidem pran-
 dendum, parcius vero cœnandum sit. Quæ sanè cum
 ad hanc materiam propriè pertineat, prætereunda
 non est. Breviter igitur hic subjungemus: primo
 quidem argumenta, quibus Conciliator plus cibi
 in prandio assumendum esse probat: deinde verò
 Leonardi Fuchsii, quibus è diverso colligit cœ-
 nam ut plurimum prandio pleniorē esse debere.
 Conciliator igitur differentia 121. in hunc fere mo-
 dum scribit: Juxta corporum diversitatem major,
 minorve sibi copia exhibenda est. Illa etenim, aut
 jam in morbum lapsa sunt, aut sub latitudine sa-
 nitatis adhuc existunt. In morbum vero lapsa, aut
 junctum habent humoris vitium, aut non. Si sine
 humoris vitio fuerint, tum liberius est cœnan-
 dum. Natura enim in eis ciborum concoctio-
 ni solummodo, non etiam superfluitatum, quibus
 carent, maturationi intenta est: Sin verò humo-
 ris vitium adjunctum habuerint, largius prandium
 concedendum est. Quod Avicenna 1. 3. Tract. 5.
 cap. 11. iis verbis significare voluit. Ille, inquit,
 cujus consuetudo non sustinet, ut solū semel in
 die reficiatur, dividat cibum suum in tres partes,
 & sumat duas tertias in prandio, & reliquam ter-
 tiam,

tiam scilicet partem, in cœna post leve exercitium, Eo namque tempore, quo calor solaris vivificus naturæ in concoquendo debili opitulatur, & major superfluitatum fit resolutio, uberior cibus sumendus est. Hoc autem circa horam prandii magis, quàm cœnere contingere solet. Ergo, &c.

Ad hæc interdiu ob præsentiam caloris vitalis solis & lucis, melior fit concoctio. Sol enim Aristotele lib. 2. cap. 2. Physicor. & lib. 2. cap. 10. de generat. & corrupt. teste, est vitæ principium. Concoctio itaque diurna duplex habet calidum, nocturna vero non. In ejusmodi etiam natura noctu circa superfluorum concoctionem magis occupata est, quare multi cibi exhibitione impedienda non est. Et quamvis calor noctu spirituum ad interiora retractatione, & somni reductione in quibusdam confortetur, duo tamen simul, alimentum videlicet, & superfluitates conficere non potest, ob hoc itaque cœnæ nonnihil subtrahendum est.

Corporibus verò, quæ sub latitudine sanitatis adhuc robusta & sufficiente sana consistunt, ac sensibilibus superfluitatibus carent, cum eas propriis meatibus omnes expellant, uberiore cœna uti expedit, vel, quòd eorum natura ciborum concoctioni tantum, non etiam superfluorum, quibus carent, mutationi intenta sit, vel quòd soli corporis robori studeant. Hoc autem noctu magis acquiritur, tum enim amplior fit & sanguificatio, & distributio, atque hinc deinde spirituum generatio.

Corpora verò si à prædicto temperamento ac robore nonnihil recesserint, sicuti plurima in ægitudinem usq; nunc prolapsa; ejusmodi aut fatigantur exercitio laborioso, vehementi, & continuo, aut non. Si quidem fatigantur, ut sunt eorum

qui victum manibus quærunt, ipsis largius prandere quàm cœnare convenit. Expeditur enim alimentum, non tantum ut nutriat, sed etiã ut humectet & irriget membra, ne arescant ex forti motu, & ut resolutioni ex caloris incendio proveniente resistat. In prandio igitur uberior cibus assumendus est: ejusmodi enim corpora, propterea quod ita consuerint, ob exercitiã à concoctionis opere non cessant. Usus namque, quemadmodum Avicenna 3. 1. doct. 2. cap. 7. testatur, res est extra rationem. Calor etiam ex motu auctior redditus, concoctionem ipsis accelerat. Quare ter in die illiciente appetentia cibum ingerunt, & ingestum probè conficiunt.

Sin vero laborioso, vehementi, & continuo exercitio, quemadmodum prædicti, non agitentur: hoc impresentiarum dupliciter contingit. Aut enim eo interdum solummodo & non continue fatigantur, aut debili tantum utuntur, quod utique superfluitatum copiam parit. Si exercitio plurimo, vehementi, ac laborioso utantur, sicuti viri complures civiles, & plebei circa fortunæ bona negotiantes, aut sanitatis conservationi intenti, vehementi nonnunquam & laborioso exercitio, diu nimirum equitando, iter pedibus faciendo, vel aliud quiddam à consueto fortius agendo, fatigantur, his largiori utique cœnæ, quàm prandio indulgendum est. Nam si prandium augerent, cum sicuti priores illi, consueti non sint exercitio adeo vehementi ac laborioso agitari, concoctio ipsorum impedita pravos humores generaret, horum etiam calor superfluo motu dissipatus debilitatur, cujus quidem circa interiora aggregatio potissima fortitudinis & concoctionis causa existit. Hæc autem noctu magis, quàm interdiu

contingit, quare cœna instante nocte copiosius alimentum expetit.

Eorundem etiam corpora, propterea quod tam vehementi motu ante agitari minime soleant, humilitatibus referta sunt, ipsis itaque ad resistendum resolutioni & exsiccationi, quæ per motum interdiu occurrentem fiunt, parvus cibus sufficit.

Si vero exercitiis & occupationibus paucis & levibus in vita utantur, præcipiendum est eis, ut uberius prandeant, quàm cœnent. Et ratio ejus eadem est cum illa, quæ in corporibus nunc ægrotantibus adducta est. Hi namque, cùm debilem virtutem concoctricem habeant à calore vivifico & luce Solis plurimum adjumenti percipiunt inde enim spiritus propter suum simile confortatur. Ipse enim, ut testis est Avicenna in lib. de viribus cordis, Tract. 1. cap. 2. & lib. 6. naturalium, part. 4. est lux, aut effigiem habet lucis. Adjumentum etiam ex eo percipiunt, quod superfluitates interdiu poris apertis melius, quàm noctu expellantur. Non oportet præterea eos noctu vel ob id multo cibo distendi, quod tum natura magis occupetur circa concoctionem crudorum humorum, quos somnus maximè conficit & benignos reddit. Licet enim virtus concoctrix noctu confortetur, tanta tamen esse non potest, ut simul & cibum & superfluitates superare queat.

Insuper quoque animadvertendum est, in exhibitione copiosioris, aut minoris cibi in prandio, quàm cœna, nonnihil etiam dandum esse consuetudini: Hæc enim cùm in tuenda sanitate, tum etiam in profligandis ægreditudinibus, plurimum valet, Hippocrate lib. 2. de victus ratione morbo acut. Apho. 20. & sequentibus, & ibidem Galeno testibus. Quod vel ex eo ostenditur, quod omnis

subita mutatio si modum excefferit, non parvam læsionem afferat. Hinc non temere Damascenus Aphor. 57. ita scriptum reliquit. Mutare consuetudinem, præsertim veterem, & noxium & pestilentissimum habetur. Quare malas & pravas consuetudines corrigere oportet, sed paulatim ac sensim ad meliora transferre. Neque enim natura patitur eas, quæ subito fiunt alterationes. Galen. cap. 86. artis Medicin. Plura Rhazes lib. 4. cap. 10. ad Almanso. & infrà.

Et sic in universum patet, largius prandendum, cum plurimæ ægritudines sint materiales, & corpora plurima lapsa. Attamen si semel tantum in die comedatur, melius est cœnare, nisi oculi aut cerebrum affecta sint: tunc enim Haliabbate 1. practi. 13. teste, melius est prandere, alias non parum agrotantis oculi & cerebrum læderentur. Exigua namque cœna capiti confert & oculis, Manar. lib. 6. epist. 4. teste.

Hactenus ex Conciliatore adducta, Medici excellentissimi, Odus de Odis Patavinus duobus libris de cœnæ & prandii portione, Hierony. Cardanus lib. 1. contradicentium Tract. 5. contradist. 18. & Leonardus Fuchsius l. 2. paradox. c. 21. magna ex parte falsa esse firmissimis rationibus convincunt. Ex quibus Leonardi Fuchsii rationes hic in oppositum subungere placuit, ut sanitatis suæ studiosis plane constaret, quid in re tam perplexa aut fugere, aut sequi debeant.

Nemo est, inquit ille loco jam citato, qui hodie medendi methodum præscribentium libros vel à limine salutavit, qui nesciat vulgatum atque tritum hoc illis esse decretum, ut nunquam non prandio cœna minor sit. Quantum vero aberrant, facile deprehendet, qui rem altius expendet. Cœ-

nam enim in omnibus, demptis iis, qui morbis nocturnis & catarrhis seu distillationibus affliguntur, prandio pleniorē esse convenit. Qui enim jam nominatis corripuntur morbis, horum cœna omnino modica sit, tenuis, sicca, ac præter aliorum morem, noctemque præveniens oportet, ut ingruentibus scilicet morbis, natura ab omnibus aliis muniis libera, unius morbi concoctioni operam navare queat. Sunt & qui consueverunt, minus in cœna ciborum assumere, quàm in prandio, horum certè consuetudo non temerè etiam immutanda erit. Quæ enim ex longo tempore consuetæ sunt, ut ait Hippocrates, 2 Aphor. 10. etsi deteriora sint, insuetis minus molestare solent.

Cur autem in aliis omnibus plenior cœna salubrior sit, multa in causa sunt.

Primum autem omnium, noctis mox accedens frigiditas, quæ extrinsecus circumstans calorem nativum in profundum secedere, & hoc nomine fortiolem fieri cogit, ita ut necessario ciborum tum melior fiat concoctio. Et certè idem potest noctis frigiditas, quod alias anni tempus Hybernum aut regio frigida potest. Horum enim unumquodque calorem nativum adaugere potis est. Testis Hippocrates, qui lib. 6. epidem To. 6. Aphor. 6. sic inquit: Perfrigidior in tempore & regione frigidis, percalidior erit. In 1. Aphor. 13. quoque, ventres hyeme & Vere natura calidissimos esse asserit.

Deinceps est Somnus, qui cœnam subsequitur: hic autem mirum in modum concoctionem adjuvat. Sanguis enim in somno ad interiora magis refugit, ut testatur Hippocr. 6. To. 5. Aphor. 29. Cum itaque sanguis cumque eo calor natus per

somnum ad interiora secedat, quid mirum si calor auctus fortiore tum ciborū coctionem efficiat? Hinc rectissimè Hippocr. lib. 6. epidem. Tom. 5. Aphor. 10. dixit. Labor articulis & carnibus, cibus verò ac somnus visceribus prodest. Somnum quoque optimè cibum concoquere testatur Galenus lib. 1. de Sympt. causis, cap. 8. ita scribens. Itaque toto hoc tempore, quo quis dormit, animalis facultas quiescere, naturalis vero validius agere videtur. Cujus rei conjecturam ex eo facies, tum quòd ipsa si quando laboraverit, post somnum robustior evadit, idque maximè cum à modico cibo somnum admittimus, tum etiam quod per somnum cibus optimè concoquitur, non solum in ventriculo, verumetiam per universi corporis habitum. Cui subscribit quoque Paulus Aegin. lib. 1. c. 97. dicens: Somnus est animalium facultatum quies, ab utili humore cerebrum madesfaciente proveniens, hunc qui ritè capescit, multa consequuntur commoda: cibos enim conficit, humores digerit. Quòd autem hac ratione plenior cœna esse debeat, testatur Galenus, vel quisquis tandem ejus libri autor fuit, in libro de dissolutione continua, in hanc sententiam scribens: Antiqui cœnam prandio præferebant, præcipientes plus ciborum in cœna sumendum esse, ob caloris circa interiora aggregationem noctis frigiditate, & per somnum factam: calor namque in somno ad interiora corporis revocatur, eadèmq; calefacit, perinde ut in vigilia contrarium plane accedit. Id quod Hippocr. etiam epidem. sexto Tom. quarto Aphorif. 12. iis verbis indicavit. Plane vigilans calidior circa exteriora, frigidior verò circa interiora: Dormiens contrà.

Som-
nus.

Sed hic reclamabunt quidam, pleniorémque cœnam ideò damnabunt, quòd pleno ventre ingrata sit quies, atque adeò somnus minus conveniens. His ita responsum volo. Nemo est tam sine sensu communi, qui nesciat inter cœnam & somnum aliquid temporis intervenire debere, neque quemadmodum in brutis, nullam aliam nisi vorandi ac mox dormiendi vicissitudinem esse, quum omnium medicorum consensu consultum sit, quod aut hora aut amplius intersit.

Neque etiam est, ut pleniorém cœnam quis eam esse putet, quia multa ingeruntur tanta voracitate, ut vix spirare liceat, & periculum sit, ne vel crepent, qui ita sese replent, sed frugalem potius, talem tamen in qua plus, quàm in prandio absumitur ciborum. Quod si tamen hic peccatum fuerit, melius certè in cœna, quàm in prandio fertur, quod somnus post cœnam non diu subsequens, facilius delictum, quàm vigilia, quæ prandium concomitatur, corrigat. In somno enim, ut diximus, calor interior appetit, & qui illic sunt cibis cocoquendis solis vacat. Interdium verò ad exteriora protrahitur, neque iis; quæ intus sunt, prospicere potest, adeò ut verissimè dixerit Hippocrates 2. victus acutorum 59. Vigilia vehemens cruditatem incoctionemque ciborum tum potioris efficit.

Porro cur cœnam prandio pleniorém esse oporteat, & hæc ratio est, quod rara admodum existat corporis facultas, quæ paulo liberalius prandium spatio vel quinque vel sex horarum, quod fere inter prandium & cœnam interest, conficere possit. Quantum autem incommodi adfert, si quis nondum plane concocto eo, quod prius ingestum fuit, aliud ingerit? morbum nimirum facit. Ubi

enim cibus præter naturam plus ingestus est, ut ait Hippocr. lib. 2. Aphor. 17. hic morbum facit.

Et si quis denuo objecerit, quod utcumque somnum à cœna differamus, tamen fieri non possit, quin ad somnum conversis, quod materia tum ad interiora tendat, caput impleatur; huic Galenus quidem respondebit, qui lib. 4. Aphor. 67. ita scribit. Et quidem sicuti à cibo ad somnum conversis impletur caput, sic in plethoricis dispositionibus somni ipsum replentes aggravant cerebrum. Et somni videlicet semper nocerent, quatenus ad profundum & viscera materia confluit, nisi coctionis ratione plus afferrent utilitatis, quam sit damnum, quod ex motu ad interiora consequitur. Et hæc ad vulgarem multisque communem errorem explodendum sufficiant.

Animadversio.

HOc cap. quod ex nostro manuscript. auxi, agit de horis sumendi cibi quæ vulgo dicuntur Prandium & Cœna. De his autem prius quam aliquid definiatur; primo quærendum est quoties Prisci, Græci & Latini in die comederint, dein quoties nostri edant, quoties denique ad salubritatem corporis consequendam edendū sit. Certū est primos homines nostris continentiores extitisse, nec ita se luxui, delitiis ac gulæ mancipavisse: idcirco habiti sunt diuturnioris vitæ, morum integriorum, fortitudine corporis majori, dignitate, elegantia, pulchritudine, magnitudine: non est tamen existimandum solis glandibus eos usos esse, ut Poëtarum fabulæ testantur, sed fructibus omnis generis, frugibus etiam atque carnibus. Sci-

Quo-
ties in
die
Prisci
come-
debant.

mus enim ex sacris literis pulsos ex paradiso terrestri primos parentes terram coluisse, mactataque tum demum victimas quarum visceribus, & carnibus vescipotuere: obscurum vero est cognituque difficile quoties in die cibo recrearentur. Probabile tamen non semel duntaxat, sed bis sumpsisse cibum; nam cap. 18. Genes. lego Abrahamum in ipso fervore diei tres angelos invitasse ab eum: *Ponam*, inquit, *buccellam panis* ut confortetur cor vestrum; postea transibitis, quod meo iudicio non fecisset nisi moris fuisset sumendi mane cibi ad vires sustinendas. Et certe apud Judæos prandii & cœnæ tempus erat, dicitur enim Tobias cap. 2. prandium reliquisse, mortuum ut sepeliret, nec comedisset nisi post solis occasum. Scribit vero Joseph. lib. 2. captivit. Essenos Judæorum Philosophos prandere circa meridiem aut paulo ante, cœnare vero solitos vesperti. Non alia congero testimonia cum Joan. 20. Christus ipse dixerit. *Cum facitis prandium aut cœnam*. Et Persæ, si credimus Zenophonti lib. 8. de Cyri institutione, primò semel in die comdebant, matutino scilicet tempore quo diem integrum haberent ad labores, sed postea & prandium & cœnam habuere. Græci jamdum ab Homeri tempore edendi tempora distincta habuere prandii & cœnæ. Illud enim vocat Homer. *ἀριστον*, & *δῆνον*, hanc *δῆπνον*. Nec fuisse apud Homer. qui sæpius comederent observavit. Athen. 5. Deipnosoph. Sequenti autem ævo aliam secuti sunt Græci rationem; nam ut colligere licet ex Hippocr. lib. de victu in acutis & lib. tertio de diæta, aliud fuit *ἀριστον*, aliud fuit *δῆνον*: nam *ἀριστον* cibus fuit matutinus seu meridianus, quem vocamus prandium; *δῆνον* cibus vespertinus, quam

Heb
brei bis
in die
edebant.

Græci
quoties
comederint.

262 DE CONSERVANDA

dicimus cœnam. Præterea expressis verbis scribit quosdam semel, alios bis, nonnullos sæpius uno die non solum comedere, sed etiam saturari consuevisse. Vix autem ullus est qui post Homerum voce *δεῖπνον* usus sit pro cœna quod ea vox exolevisset. Plerosque tamen Græcorum non bis duntaxat die, sed quater cibum sumpsisse docet Philemon apud Athen. primo Deipnos. & confirmant voces significandis illis edendi temporibus usurpatæ. Primum tempus *ἀνέγεσθαι* dictum est *πρωὶνὸν ἔμβρωμα* cibus matutinus, vulgo jentaculum, alio nomine *διαγεσθαι*: Secundum tempus *δεῖπνον* seu *δεῖπνον* convivium meridianum, Latinis Prandium: Tertium tempus modo *ἐσπέρισμα*, modo *δελνιον* appellatum est, quæ erant epulæ inter prandium & cœnam quasi vespertinæ, quas Latini Merendam vocant: Postremum tempus fuit *δελνιον* cœna. His tamen non contenta Græcorum ingluvies, à quibus græcari & pergræcari luxuriæ vocabula deducta sunt, quintum tempus edendi nocturnum adinvenit; cujus epulæ *καὶ μοι, ἐπιδεσπίαται, ἐπιδεσπία, ἐπιδεσπιδες*, appellatæ sunt; Latinis Comestationes quæ nihil aliud erant, ut ait Perottus in Cornucopia, quam cibus qui post cœnam sumitur.

Romanorum.

Venio ad Romanos, apud quos pauci uno cibo vespertino contenti fuere, multi duplici, meridiano & vespertino; alii infiniti quadruplici, jentaculo, prandio, merenda, cœna; intemperantes & incontinentes quintuplici, illis enim addebant comestationem, quod multis auctoritatibus confirmare possem nisi id explicatum haberetur passim apud varios auctores, præsertim Marsilium Cagnatum lib. primo de sanit. tuend. cap. 10. 11. 12. 13.

Stuckium lib. 1. antiq. convivial cap. 7. 8. 9. 10. 11.
 Lælium Bisciolam Horarum subsciv. tomi primi
 lib. 9. cap. 10. & 11. Mercurial. variar. lect. lib. 4.
 cap. 7. Beroald. comment. in Servium Manut. de
 quæsit. per epist. quæst. 4. & 5. Guil. Canter.
 novar. lect. lib. 4. cap. 138. Muret. libro quarto
 lect. var. cap. 12. Agellium. Cæli. Rhodiginum &
 alios.

Ab illa veterum consuetudine nostri sæculi ho-
 mines ne minimum quidem deflexere : quater Nostri
quid
agant.
 enim in die editur, frequentius nonnumquam,
 interdum semel, sed quod tota die perseverat:
 Attamen ut verum fatear, plurimi mortalium
 prandio & cœna contenti vivunt, alii adjungunt
 jentaculum; merenda ferè mulierculis & pue-
 ris propria est, & operis quibusdam qui repa-
 rare vires laborando quærunt. Ne unus quidem,
 uno in die cibo recreatur, majores nostri dum
 jejunio corpus macerabant semel duntaxat vi-
 ginti quatuor horis cibum sumebant, meridie
 potius quam vesperi, nos nonnihil hora cœnæ
 ingerimus recreandis potius viribus quam con-
 firmandis.

An vero salubrius sit semel duntaxat in die An præ-
stet se-
mel an
multo-
ties die
come-
dere.
 quam sæpe comedere, hoc postremo loco restat
 expendendum. Apollonius Dyscolus historiæ.
 Commentit. cap. 9. refert ex Aristotel. quæstion.
 naturalibus eos qui semel tantum cibo utuntur
 morosiores esse iis qui bis. Aucta enim in ipsis
 utraque bilis animum magnopere perturbat. Hip-
 pocr. libro secundo de diætâ scribit ex *μονοσυντία*
 corpus extenuari, desiccari, & alvum comprimi.
 Dixit Plin. libro vigesimo octavo capite quinto,
 non prandentium ex ta celerius senescere. Ex quo
 quidem Celsus libro primo capite primo monuit,

bis die potius quam semel cibum capere prodesse, & semper quam plurimum dummodo concoquatur. Amat enim natura ubertatem & luxu gaudet, & in tenui victu gravius peccatum est quam in paulo pleniore solet esse, inquit Hippocr. quint. Aphorif. libro prim.

Omnis
nutri-
tio aut
multa
aut par-
va.

Omnis enim nutritio aut multa est & rara simul, vel multa & frequens; aut parva & rara simul, vel parva & frequens: quæ multa & rara est oneri esse solet & modo torporem ac somnolentiam, modo vigilias inducere, longamque quietem postulare, donec oneris pars coctione ablata sit, minus itaque commoda existit; multo minus ea quæ multa & frequens est; nam copia nativum calorem obruit. Nec utilior esse videtur quæ modica est & rara; nam spiritus & corpus exhaurit, viresque labefactat. Necesse igitur est ut salubris habeatur quæ modica est simul & frequens: nam ea robur virium perpetuo quodam tenore servat, somnum non interturbat, consuetos labores non impedit, sanitatem denique non infringit.

Inter-
vallum
inter
duas
ciba-
tiones.

Sed hic exoriri potest quæstio de frequentia alimenti; quodnam scilicet debeat esse interval- lum duas inter cibrationes; & an satius sit cer- tam semper habere & definitam edendi horam quam incertam. Quod ad primum attinet, su- perius satisfactum est ubi peracta coctione in- gerendum cibum monuimus. Si pergis quærere quot horis illa coctio peragatur; vix habeo quod respondeam: alii enim quibus vegetior & copio- sior est calor ventriculi, celerius cibum confi- ciunt; alii quibus debilior est, tardius. Præterea major copia ciborum ægrius coquitur quam mi- nor, duri & solidi difficilior quam molles & li-

Quot
horis
peraga-
tur co-
ctio.

quidi, insoliti quam consueti, diversi & heterogenei quam homogenei & simplices, ut idcirco certi quid vix determinari possit. Auctor Anonymus in tabulis & quæstionibus quas ad requisitionem Medicorum civitatis Neapolitanæ edidit, quasque manuscriptas habeo, rem istam ita complexus est, ut quatuor digestiones seu coctiones in corpore admiserit, secundum quatuor loca seu partes corporis in quibus perficiuntur, singulisque in digestionibus horas quatuor requirit propter quatuor triangulos triangulares quatuor elementorum elementariumque complexionum, quasi velit singulæ digestiones quatuor gradus habeant quorum singuli singulis horis absolvantur, respondeantque illi gradus quatuor triangulis elementorum varias complexionones ac temperaturas efficientium. *Locus, inquit, primæ digestionis est stomachus, in quo fit coctio confusa, grossa & extensa, primus gradus coctionis una hora absolvendus fit in triangulo ignis concordantiam habentis cum aëre in caliditate & cum terra in siccitate. Alter gradus digestionis per horam quoque perficiendus fit in triangulo terra consentientis cum igne in siccitate & cum aqua in humiditate. Tertius gradus unam etiam horam requirens, fit in triangulo aque convenientiam obtinentis cum aëre in humiditate & cum terra in frigiditate: quartus, denique gradus fit in triangulo aëris sympathiam habentis cum aqua in humiditate & cum igne in caliditate, sicque prima digestio absoluta est horis quatuor. Post quas secunda coctio perficitur quatuor aliis horis & per triangulos quatuor jam dictos in partibus quatuor, hepate, splene, corde & cerebro. Huic succedit tertia magis intensa & exacta quatuor pariter horis & per quatuor triangulos perficienda in aliis corporis partibus, brachiis,*

cruribus, &c. Quarta tandem & ultima digestio quatuor quoque horis indigens ob quatuor prædictos triangulos, elaboratur in genitalibus; idcirco cæteris exactior est, perfectior, delicatior; propterea quod aptitudinem habet ad novam partium coctionem generandam, hoc est ad sperma in quo ipsissimæ sunt partes deductæ in potentia. Hæc ex mente auctoris fere ad verbum, quæ demonstrant digestionem sexdecim horis perfici & absolvi; ex quo sequeretur tantumdem temporis requiri inter duas cibationes si modo ingeri novus cibus non debeat nisi priore cocto penitus & confecto. Ab illo horarum numero non deflectit Jul. Alex. salub. lib. 28. cap. 17. duodecim enim horis primam, secundam, & tertiam concoctionem fieri docet, sed primam qua cibus in chylum convertitur sex septemue horarum spatio peragi vult, hoc argumento quod post id tempus neque ructus sentiantur, & descendens inferius cibi non obscurus prorsus sensus quidam sese aperiat. Quapropter temperato homini bis eodem die capiendum esse cibum interpositis inter utramque cibationem duodecim æqualiter horis: *nec sane*, inquit, *nisi impedimento aliquid se opponat aliud, fieri aliter debet*. Addit tamen postea cap. 19. habendam esse rationem somni qui noctu peragitur, cujusque beneficio felicius & exquisitius coctionis opus procedit, tum ob longiorem moram, tum propter noctis frigiditatem, qua concluditur in penetrabilibus calor, tum denique propter ferias animalis facultatis. Quamobrem necessarium esse ait ut commodum illud coctioni tempus longius protrahatur, sitque tempus à cœna ad prandium sexdecim horarum, tempus à prandio ad cœnam octo tantum, cibusque cœnæ uberior sit, prandii par-

cior. Verumenimvero ut optime observavit Marfil. Cagnat. cap. 24. lib. laudati, Medici veteres hanc horarum subtilitatem prætermiserunt. Nec expectandum omnino est ut ille doctè & eleganter ostendit disputatione de ordine in cibis servando impressa Romæ anno 1581. ad ingerendum novum cibum ut prior prorsus è ventriculo in intestina descenderit, cum cibus eodem tempore totus non coquatur, sed veluti per partes; ex quo sequitur eum quoque partiatum è ventriculo delabi & in intestina defluere: modo itaque signa manifesta cruditatis ac repletionis non adfuerint, cœna poterit à prandio quatuor, quinque sexue horis distare, prandium à jentaculo levi duabus, tribus quatuorve horis.

Sine
Seme-
per ea-
dem
hora
come-
den-
dum.

Quæres. Estne eadem semper hora comedendum? Equidem Hippocr. Aphorif. quinto libri secundi ad insolita faciendam esse mutationem jubet; cui assentitur Galen. in comment. dum exactam consuetudinem quam Græci *μετριοειδὴν* vocant, parum esse tutam scribit, quod omnium hominum vita inopinatis incertisque rerum casibus sit subjecta. Ne igitur insolitis rebus & ex improvviso occurrentibus graviter offendamur, consulit Hippocrates ut in consuetis rebus immoremur semper, sed insolitas quoque interdum & contrarias experiamur. *Quemadmodum enim ferrum*, ut ait Triverus in eum Aphorif. *quod aqua submergitur & rursum aqua incalcescit, congelatur fortius: sic qui modo delicatis, modo duris alimentis utuntur, minus ad morbos proclives evadunt.* Ab hac mente eleganter Celsus libri primi capite tertio. *Sanus homo qui & bene valet & suæ spontis est, nullis obligare se legibus*

debet, hunc oportet varium habere vitæ genus, &c. Ut sit tamen mihi videtur commodius tum valetudinis tum etiam honestatis gratia eadem semper hora cibum sumere, honestas enim suadet ut sicut in aliis actionibus muniſque obeundis, sic in cibi sumptione certum diei tempus eligamus. Valetudo autem non permittit nos incertam, inordinatam, & tumultuariam vivendi rationem sequi, assueta enim & ordinata infuetis & inordinatis minus molesta, cum ordo sit naturæ opus, ex Hippocr. Aphorif. citato.

Satis
fit ob-
jectio-
ni Hip.

Quid ergo respondendum Hippocrati, Galeno, & Celſo? Eos dicimus locutos non tantum de hora assueta in victu, sed de cibis, potibus, somno, vigilia, quiete, motu, aliisque Higeines capitibus, in quibus bonum non est sic exactam & uniformem servare rationem, ut ne minimum quidem ab ea deſectatur. Vix enim vitæ nostræ casus diversi possunt ferre longo tempore tam eximiam & exactam consuetudinem. Hinc fit ut subita ingruens mutatio naturam imparatam inveniatur, deque statu illo lubrico dejiciatur. Holterius in prædictum Aphorif. videtur distinguere consuetudinem in nativam seu gentilitiam, & in accidentariam ac coactam: priorem non esse mutandam, posteriorem cum Hippocrate mutari posse concedit. Verum de consuetudine postea.

Ad concludendam prolixam hanc Animadversionem examinanda esset celebris quæstio de prandio & cœna; utrum eorum scilicet levius vel uberius esse debeat, sed quia agitata fuit copiosius à Curione & Crellio in comment. in hoc caput, multoque etiam diffusius à nobilissimis Medicis

genus,
nodius
tia ca-
neltas
unif-
m diei
rmit-
altua-
im &
lesta,
honi.

Gale-
utum
bus,
cines
ctam
num
oftraz
cam
c sic
ntam
fol-
tin-
tilli-
cio-
hyp-
lue-

ver-
de
vius
co-
hoc
mis
icis

HIC TYPVS PERTINET AD PAGINAM 36.
 Boreas alijs Septentrio
 Tramontana
 North.



Medicis Jul. Alexandr. toto fermè lib. vigesimo nono salub. Marfilio Cagnato capite 20. & 21. de sanir. tuend. Stuckio lib. primo antiq. conviv. cap. 14. Matth. Curtio, Andrea Turino, Dino de Florentia, Odo de Odis, Petro Toletto, Bernard. Paterno lib. de prandio & cœna scriptis, idcirco à me prætermittitur, ne actum agere videat.

De secundis mensis, seu Bellariis.

C A P. XIV.

Post pisces nux sit, post carnes caseus adsit.
Unica nux prodest, nocet altera, tertia mors est.

HOC loco duo in primis traduntur præcepta.

Primum, ut post esum piscium, casei loco sumantur nuces. Nux enim siccitate sua impedit generationem phlegmatis, quod ex piscibus generari solet, hinc etiam in jejuniis quadragesimalii, summo loco exhibentur nuces. Alia ratio, quia pisces, quandoque veneni nonnihil in se continent, difficulter concoquuntur, & facile putrescunt ac corrumpuntur. Nuces vero juvant digestionem, quia quando sunt venenosi, ut dictum est statim, nux remedium præstat contra venenum. Ergo pisces temperantur per nuces, & sic sanum est, sumere nuces post pisces.

Secundum, ut post esum carniū sequatur caseus, non nuces. Caseus enim facit, ut cibus des-

cendat ad fundum stomachi, ubi viget digestio. Et hoc intelligendum de caseo, medium inter recentem & veterem locum sortito. Deinde posteriore versu ostenditur, quod unica nux, scilicet myristica, naturæ humanæ proffit, bonum enim odorem oris efficit, visum, hepar, splenem & stomachum confortat, & maxime orificium ejus; secundum Avicennam. 2. Can. cap. 506. Sed altera nux, scilicet Avellana sive communis, nocet. Avellana quidem quoniam in ipsa inflatio est, & generat ventositates in ventre inferiori, & facit sodam, id est, dolorem capitis, tardæ est digestionis, & excitat vomitum, inquit, Avicen. 2. Canon. cap. 41. Nux verò communis, quia & ipsa facit sodam, difficulter digeritur, infesta est stomacho, & maxime calido, ob caliditatem suam. Dioscor. lib. 1. cap. 141. Tertia nux, scilicet balistæ, est mors, id est, mortem infert, hæc enim homines interficiuntur. Vel intelligi potest de nuce methel, quæ autore Avicen. 2. Canon. cap. 512. venenum est stupefactivum, cito mortem inferens. De qua plura Rhazes 3. ad Mansorem cap. 30. Serapion c. 305. de simpl.

Avella-
na

Animadversio.

IA M à priscais sæculis mos invaluit convivia distinguendi in primas & secundas mensas, quas Græci κατ' ἐξοχὴν τραπέζας vocant. Primis mensis, ut notat Celsus lib. primo cap. secundo, salsamenta, olera, carnes cum elixæ tum assæ apponebantur; secundis fructus suaves & delicati, ut fames convivarum pene ex-

Prii-
mæ &
secun-
dæ
mensæ.

VALETUDINE. 211

uncta, rursus accenderetur, & irritaretur: unde non minus eleganter quàm verè secundæ mensæ *ἡδυνία ἡδονῆς*, hoc est voluptatis solatia seu irritamenta à Platone denominata sunt.

Fuerunt autem varia synonyma significandis illis mensis. Nam & Epitrapezomata & Epiphoremata, & Epidorpiasmata & Epidipna, & Catachusmata, & Trogata, & Hypotrimmata, & Tragemata, & Pemmata, & Bellaria, & fructus *τετραῖς δούτεγς* designant. Pind. vocat *ἀμύδι δούτα* circa ultima, id est, circa exitum convivii: Clemens Alex. *ἡδονήματα*, nam ut obsonia adjiciuntur pani, sic bellaria obsoniis deliciarum causa acciduntur, ait Casaub. lib. 14.

Bellariorum nomina.

animadvers. in Athen. cap. 11. Bellariorum autem inventio ab ionibus fluxit, si credimus Valer. Max. lib. 2. cap. 1. titulo de civitate Spartana. Audierant, inquit, Spartani lautitiam ex Asia, & immodicos sumptus & omnia non necessaria voluptatis genera fluxisse; primosque Ionas unguenti coronarumque in convivio dandarum, & secunda mensa ponenda consuetudinem haud parva luxuria irritamenta reperisse. Quamobrem primus finis bellariorum fuit voluptas & luxus. Deinde vero ad concoctionem & digestionem ciborum destinatus fuit. Aristot. probl. 6. sect. 22. quæritur cur usus secundarum mensarum adjiciendus sit. Respondet ut satis bibatur, non enim sufficit bibisse per mensas primas ad extinguendam sitim, sed juvat postea aliquid præterea haurire, putà delectationis gratia, inquit Conciliat. different. 118.

Inventio.

Finis.

Quamobrem primus finis bellariorum fuit voluptas & luxus. Deinde vero ad concoctionem & digestionem ciborum destinatus fuit. Aristot. probl. 6. sect. 22. quæritur cur usus secundarum mensarum adjiciendus sit. Respondet ut satis bibatur, non enim sufficit bibisse per mensas primas ad extinguendam sitim, sed juvat postea aliquid præterea haurire, putà delectationis gratia, inquit Conciliat. different. 118.

Bellariorum vero materia quæ fuerit veteribus, Materiam non inquiri, cui enim usui potest esse studium hoc à Stuckio jam perfectum lib. 3. antiq. convivial: vide

ria.

lod

Vvilli-
chium
in arte
magi-
rica.

Digeramus si placet materiam eorum quæ nobis hoc sæculo sunt usitata. Est ergo materia Bellariorum, vel ex plantis, vel ex animalibus deprompta. Ex plantis radices, ut petroselinii radix tubera, radix Chrysanthemi, indicii strumosi, &c. flores ut auranciorum; violarum, rosarum: fructus, vel herbarum ut melones, fraga, cynari; vel fruticum ut cappares, & bacca, uvæ transmarinæ: vel arborum, ut poma, pira, cerasa, semina anethi, fœniculi, coriandri; summitates asparagi, lupuli; succi, ut vina, & succi fructuum expressi ac conditi. Ex animalibus excrementitia, ut lactis omnia genera, ova, partes ut carnes è quibus fit gelatina & id generis. Ea autem omnia, vel solitaria, simplicia crudave apponi solent & comedi, vel composita condita aut cocta. Simplicium ac crudorum facilis est cognitio atque iudicium, coctorum quoque ubi non est mixtura varia; sed compositorum, ac conditorum, ut multiplices sunt differentiæ ac varietates, sic difficillimæ sunt prorsus cognitionis, & enumerationis. Quis enim omnia placentarum genera enumeraret, de quibus integrum opus delineatum habemus ac magnam partem affectum? Unius sacchari tam fecunda & admirabilis natura est, ut à quo plus voluptatis & deliciarum gulæ accedat, non habeant coquinæ magistri. Solvitur in embammatis, cogitur in orbiculos, digeritur in panes, pinxitur in placentas, tornatur in crustula, fingitur in castella, in aviculas, & in omnium rerum simulacra, coquitur, aspergitur, duratur, incrustatur, adeo ut in eo monstrificum sit gulæ ingenium.

Vfus
bella-
rio-
rum.

Porro ea esse debet bellariorum ratio & moderatio, ut coctioni juvandæ inserviant, seu emendan-

do pravas assumpti cibi qualitates, seu calorem ventriculi cogendo ac augendo. Si itaque calidiores cibi ingesti fuerint, bellaria refrigerantia convenient; si frigidi, calida. Itidem si edulia phlegmatica fuerint & excrementis redundantia, quæ digerunt & humiditates absorbent bellaria ex usu erunt. Ea propter videmus à Salernitanis alia prescribi bellaria assumptis carnibus, alia piscibus ingestis; alterius enim sunt conditionis pisces, quam carnes, alterius quoque usus sunt nuces quam caseus. Scio hic multa objici posse contra doctrinam Salernitanorum & Villanovani, sed ex his fluctibus difficultatum facile enatabit quisquis casei & nucis facultates notas habuerit; de quibus erit postea locus disputandi.

De ordine in cibis servando.

C A P. XV.

V T vites pœnam, de potibus incipe cœnam.

HIC docetur, cœnam inchoandam esse à potu. Sunt qui hoc modo exponant: Si vis vitare pœnam, id est infirmitatem, prius bibas in principio cœnæ quam comedas: sed hæc expositio inepta est prorsus ac invalida. Secundum medicos etenim conducibilius est, à cibo cœnam auspicari, quam à potu. Nec ipsi Angli, quibus presens liber dicatus est, istum morem sive consuetudinem servant. Communiter quacunque diei hora bibere voluerint, bolum sive morsum panis præsumunt. Videtur itaque hunc habere sensum: Incipe cœnam à potu, id est à cibo liquido &

facile digestibili quemadmodum & Hipp. 2. lib. aphor. 11. potū usurpavit, inquit, ubi sic: *Facilius est impleri potū quam cibis*. Ratio autem hæc est, quia si cibus liquidus & facile digestibilis postremo sumatur loco, cum nocte superveniente fortificetur calor digestivus, cibus ille liquidus & facile digestibilis longe ante digeretur quam crassus & concoctu difficilis. Qui non inveniens exitum ob cibum crassum nondum digestum minus aduretur; vel si exierit, crassum cibum nondum ad plenum digestum secum corripiet. Melius est ergo ut cibus liquidus & facile digestibilis præsumatur, ut digestus exitum habeat nullo repugnante.

Animadversio.

Licet Salernitani videantur hoc caput ad cœnam restringere, sicque ab Arnaldo intelligatur & exponatur; re vera tamen latius accipiendum est & ad ordinem qui in cibis sumendis observandus est, accommodandum; sive sit in cœna sive in prandio. Hunc autem in cibis servandum ordinem tertium fecimus eorum quæ ad iis utendi rationem pertinent, qui tam magni in vita est momenti; ut pravum victum emendare cum legitimus est valeat, optimum vero corrumpere si præposterus & illegitimus existat. Iis autem verbis expressum est hoc præceptum, ut tam de potu quam de cibis liquidis intelligi posse videatur. Jampridem enim agitatum est inter Medicos utrum bibendum esset prius quam comedendum. Apud Græcos quidem memoria est morem eum receptum fuisse. Scribit Ephippus Olynthius lib. de exequiis. Hephæstionis & Alexandri,

An bi-
ben-
dum
prius
quam
cōden-
dum.

Macedonas statim vel in ipsis propinationib⁹ vini plurimum hausisse. Quod confirmat. Hippoloch. apud Athen. l. 4. Deipnos. ubi conuivis accumbentibus viginti dono datas fuisse argenteas phialas narrat, quibus siccatis panis & carnes tum demum appositæ sint : sed multo evidentius idem Athæn. demonstrat frugalitatem Cleomenis Lacedæmoniorum Regis describens eodem lib. scribit enim ante cœnam *πρὸ τοῦ δεῖπνου* cyathum unum conuivis datum fuisse ; quæ bibendi ratio veteribus *πρόπομα* appellata est ; teste Isa. Casanbono lib. 2. animadver. in Athæn. cap. 17.

Propo-
ma.

Usurpatus etiam mos ille à Latinis, sed paulo tardius, sub Tiberio nimirum Cæsare. Sic Plinius lib. 14. cap. 22. *Tiberio Claudio Principe ante hos annos 40. institutum ut jejuni biberent, potusque vini antecederet cibos, externis & hoc artibus ac medicorum placitis novitate aliqua sese commendantium. Qua propter Plut. lib. 8. sympoſ. quæst. 9. inter causas novorum morborum recenset *πρόποματα*. Antiqui, inquit, ne aquam quidem biberunt antequam edissent, nunc ante cibum caput, vino oppleti humectato & fervente corpore cibum aggrediuntur.* Ejusmodi vero potus vinum fuit mulsum seu dulce, quod græci & *γλυκός* & *γλυκὴν* & *σίκεον* & *ἑλνικὴ* & *γλυκὴν* vocarunt ; quod coquendo ea dulcedo pararetur ut annotat Camerarius in secundum cap. Aëtior. & jusque parandi rationem docet Columel. l. 12. c. 29. Florentin. Geopon. l. 6. c. 16. & Plin. l. 14. c. 9. Hanc ingerendi ante cibum vini consuetudinem attigit quoque Juven. sat. 7.

----- tandem illa venit rubicundula, totum
Oenophorum sitiens plena quod tenditur urna
Admotum pedibus, de quo sextarius alter

O iiii

Ducitur ante cibum rabidam facturus orexim.

Observabis tamen alias mulsum, aliàs vinum deterioris notæ epotum fuisse: mulsum quidem, quod vacuis & inanibus venis dulcem portionem hauriendam esse existimarent; quod colligitur ex Horat. 2. serm. saty. 4. reprehendente Aufidium qui stultè austerum mulsum pro dulci miscbat:

Aufidius forti miscbat vina falerno
Mendose, quoniam vacuis committere venis
Non nisi lene decet, leni præcordia mulso
Prolueris melius

Vinum autem pessimum quod Juven. loco adducto pedibus admotum vocat, bibebatur ad appetentiam proritandam, primo enim vinum illud insuave vomitum excitabat, dein evacuato per vomitum stomacho edendi bibendique orexis provocabatur. De orexi illa locutus est Juven. saty. 7. versibus supra allatis,

-----de quo sexarius alter
Ducitur ante cibum rabidam facturus orexim.

Dum redit & terras luteo ferit intestino
Marmoribus rivi properant, aut lata falerno
Pelvis olet, nam sic tanquam alta in dolia longus
Deciderit serpens, bibit & vomit, &c.

Id ipsum est quod dixerat Seneca: Vomunt ut edant, edunt ut vomant. Alios tamen in usus ejusmodi bibendi consuetudinem ante cibum, Medici introduxerant. Aliquando enim refrigerando stomacho, aliàs roborando, nonnunquam alvo laxandæ, interdum stringendæ, vel certè alicui corporis imbecillitati corrigendæ ea *πεπομα-
τα* seu ut loquitur Aëtius *πεποτισματα*, Medici consulebant. Hinc multiplex eorum exitit varietas quod ad diversos tenderent fines. Pal-

Vfus
proma-
zum.

ladius l. 3. tit. 32. meminit propomatis absyn-
thiati, rosati, tit. 27. myrtitis, tit. 28. Thyriaca-
lis. Nicolaus Myreps. sect. 28. sex & viginti
differentias propomatis recenset, quarum Paul.
Æginet. & Alex. Trallian. sapius meminerunt.
Quod itaque salutis gratia excogitatum à Medicis
fuerat, mox ad voluptatem & ad luxum traductum
fuit non si nemagno sanitatis detrimento. Nam ut
notat Jacob. Præfectus lib. de vini natura pag.
52. *Vinum jejuno stomacho potum podagram gene-
rare potest, substantiam nervorum promptissime offen-
dere, & actus immoderatos veneris excitare.* Pos-
sumus autem existimare dulce Vinum seu mulsum
ante omnia assumptum fuisse ad evitandam ebrici-
tatem. Docet enim Arist. probl. 12. 13. & 28. sect.
3. Itemque lib. 4. meteor. cap. 9. Vinum dulce
non inebriare quod sit lene, crassum ac viscosum
vias obstruens quibus vapores ascendant, inodo-
rum, præterea proinde ad effumandum ineptum,
minusque *κατασκευάζειν* : quod ante Aristot. scripse-
rat Hippocr. lib. 3. de rat. vi&it in acut. sed rem
omnem eleganter exposuit Plut. sympot. lib. 3.
prob. 7. Mercurial. variarum lect. lib. 1. cap. 17.
Jul. Guastavin. comm. in prædictum Arist. pro-
blema, Septalius ibid. Ludo. Buccaferreus &
Francis. Vicomer. in 4. Meteor. Sed his omissis
atq; veterum cōsuetudine ante cibum bibendi re-
lictâ, insistendū esset propositæ quæstioni, an con-
suetudo illa sanitati sit utilior, & an salubre sit
bibere prius quàm comedere, nisi eum morem an-
tiquatum & obsoletū animadverterem, neminem-
que extare tam parum salutis suæ studiosum, qui
jejun⁹ bibat. Insuper res ita examinata fuit à Con-
ciliatore, differētia 118. & à Jul. Alex. salub. lib.
30 c. 8. ut doctorum animis nullus hæere scrupu-

lus præterea possit. Ad alia itaque progrediamur.

Potus
nomi-
ne duo
intel-
ligi.

Ante-
cæna
quid.

Serm.
l. 2.

Dictum est voce Potus liquidum quoque omnem cibum intelligi, quem præmitti volunt Salernitani in cæna, fuit enim mos veteribus ad nos usque transmissus, ut ante cænam; seu ut verius, dicam ante carnes quidam cibi apponerentur velut ad cænae *προεισιμιον*, ut loquitur Alexis Poëta apud Athen. li. 2. Deipno. quæ ciborum appositio prima modo antecæna ex Macrobio Saturn. lib. 3. c. 13. modo gustatio & gustus ex Martiali ep. 53. lib. 11. modo promulsis, quod ante mulsum daretur ex Lips. lib. antiq. lect. modo prandium ex Horatio saty. 4. modo denique *πρωπομα*, dicitur vulgo *l'entrée de table*. Cæna enim duplex fuit: una quæ primas mensas contineret, altera quæ secundas. Primarum mensarum pars duplex, *πρωπομα*, & cæna ipsa: ex quibus duo si placet observabis. Primum *πρωπομα* dupliciter usurpari, nimirum pro potu ante cibum sumpto de quo supra egi, & pro antecæna seu gustatione: alterum est, antecænam vocari interdum prandium; quod ex unico Horatio colligere est qui loco laudato sic scribit.

-----Ille salubres

Aestates peraget qui nigris prandia moris
Finiet.

Nam quod velit Horatius, ultima mensa mora ingerenda esse, credibile non est; um Gal. doceat lib. 2. de alim. facult. mora si sumpta post alios cibos fuerint, aut prævum succum in ventriculo offenderint, celerrimè una cum aliis cibis corrumpi novo quodam corruptionis genere quod verbis explicari nequeat. Non est quoque verisimile consulere Horatium nihil sumendum in prandio præter mora: si enim seriem illius loci attendas facile judicabis eum aliter sensisse. Docet enim

quomodo convivio excipiendus sit hospes ex improviso adveniens. Pro cœna jubet gallinam apponi, quæ ne dura sit viva mergatur falerno, pro secunda mensa fungos pratenses laudat, pro antecœna seu propomate mora ante æstum lecta. Restat igitur ut per prandium antecœnam significatam voluerit, in qua esitata mora saluberrima sunt; vel Galen. teste loco supra adducto cap. de sycaminis & moris; quos quidem fructus celerissime ait pertransire, cibisque aliis præire si in ventriculum purum inciderint & sumpta primis epulis fuerint, atque ut loquitur *ἐν τοῖς προπώμοις*.

Verum enimvero quemadmodum cum veteribus convenimus in propomatis, sic dissentimus in genere ciborum præmittendorum: Illi enim fere edulia sicca & frigida præponebant; à quibus antecœna etiam *ψυχρὰ τεγνίζου* dicta est; cujusmodi erant radiculæ, olivæ, sænumgræcum ex garo, ostrea, echini, cruda olera & cætera quæ enumerâtur ab Athen. l. 3. Nos verò ferè humida & calida præsumimus, ut sunt juscula & jurulenta omnia. Nec abs re equidem, cum doceat Galen. loco adducto, & post eum Medici omnes *ὑπερπὰ δυσπότηις*, liquida solidis, lubricantia adstringentibus, quæ facile descendunt & subducuntur, iis quæ tarde permeant præmittenda esse; quod celerius alterentur, facilius coquantur, commodius distribuuntur atque reliquis viam parent. Optimum tamen esset diversi generis cibis non uti, sed unius generis ejusque simplicis. Sic enim visum fuit Clement. Alex. lib. 2. præd. cap. 1. Plut. sympo. 4. probl. 1. Macrobi. lib. 7. Saturn. cap. 4. & 5. qui omnes cibum *απλὸν καὶ ἀπερίεργον* velut *ἀκνιστὴ καὶ ὡς ὑπὸ κούρῃ* *μαλιστα τὴ πέφει* commendant, damnant *ποικίλως ὅρως*, velut *γασώδη, ταρραχώδη; βλαῖβας, καρχήϊας, σαμά-*

Hora-
tii lo-
cus ex-
posi-
tus.

Qui ci-
bi præ-
mitten-
di.

Sim-
plex ci-
bus
præfe-
rendus.

των, καὶ ἀπὸ ἑσπέρης σωματικῶν inducentem. Quod colligere licet ex Hippocr. lib. de flatib. Avicen. 3. 1. doct. 2. cap. 7. Christoph. à Vega. lib. 2. methodi, med. Med. Senec. epist. ad Lucilium, Stuckio lib. 3. antiq. conviv. ex Gesneri mente, & aliis innumeris. Sed quoniam ii non sumus qui uno cibi genere contenti vivamus, nobis maxime laborandum est, ne toto genere diversis utamur eduliis. Quod si ad multiplices genere & facultate dapes vitæ nostræ institutum nos cōpellat, eum ordinem servare par est quem ex Galeni & Medicorum consilio proposuimus. Nec enim meo iudicio audiendi sunt qui alimenta difficilis coctionis præmittenda suadent *εὐπεπτοῖς*, vel qui nulum prorsus ordinem servandum præcipiunt. In quos tamen prolixius non declamo; quod eorum doctrinam à viris clarissimis explosam velut futilem & inanem animadverto; maximè à Christoph. Avega lib. 2. de arte med. & à Marsilio Cognato libello peculiari de ordine in cibis servando; licet & hi aliquid diversum à doctrina Galeni passidere videantur.

Tem-
pus in-
ter pri-
mas &
secun-
das
men-
sas.

Ad ordinem quoque pertinere videtur intervallum quod inter primas & secundas mensas ponitur. Breve illud esse debet, imo continuum debet esse totius cœnæ vel prandii tempus, quod sufficiat bene mastigandis cibis, & sedandæ appetentiæ: si longius fuerit, odiosum est & damnosum, dum enim postrema edulia apponuntur, priora ferè excocta; sunt quo fit ut cruda coctis misceantur, quo deterius, saluti nihil esse potest.

De consuetudine in cibis servanda.

CAP. XVI.

Omnibus assuetam jubeo servare dietam;
 Approbo sic esse, ni sit mutare necesse,
 Hippocrates testis, quoniam sequitur mala pestis.
 Fortior est metâ medicina, certa dieta.
 Quam si non cures, fatuè regis & malè cures.

Hic præcepta quædam traduntur de diætâ:
 quorum primum est, omnibus convenire, ut
 servant consuetam diætâ. Per diætâ vero in-
 telligitur administratio cibi & potus. Ratio est,
 quia transgressio à cōsuetudine nocet nocumen-
 to magno; consuetudo enim est altera natura.
 Quod ergo diu adfuerit, est in naturam ferè tran-
 sivit. Quemadmodum igitur naturam custodire
 oportet, ita & consuetudinem; præcipue si lauda-
 bilis fuerit. Et quemadmodum servanda est con-
 sueta administratio cibi & potus, ita & consue-
 tudo aliarum rerum non naturalium eadem ra-
 tione. Unde si quis consuetus multum laborare,
 velit hanc consuetudinem immutare, ocioque
 indulgere, minusve laborare, vel aliud laboris
 genus adsumere, idque alio & tempore & modo,
 ille proculdubio multum ex hoc debilitatur.
 Idem intelligendum de cibo & potu, somno & vi-
 gilia, repletionem & inanitionem, & animæ acci-
 dentibus. In quibus omnibus observanda est con-
 suetudo, si sit laudabilis, vel parum laudabilis sive
 indifferens in bonitate & malitia respectu illius
 ad quod fieri debet permutatio.

Diætâ.

Con-
suetu-
do.

Sciendum autem hoc loco debiles & senes fa-

cilius ferre consuetos labores, quàm fortes atque juvenes inconsuetos. Id quod his verbis confirmat Hippocr. lib. 2. Aphorif. 49. Qui consueti solitos labores ferre, etsi fuerint imbecilles & senes, non consuetis, fortibus atque juvenibus facilius ferunt. Quod verò dicit, inquit, Philotheus tale est. Sunt autem quidam, hic quidem **senex**, hic autem in vigore ætatis, uterque incipit fodere terram, & seni quidem fodere bene cedit, illi autem qui in ætatis vigore est, minimè: illi quidem ob consuetudinem, etsi imbecillis, huic autem ob inconsuetudinem, etsi robustus sit.

Subita
muta-
tiono-
cer.

Notionem enim universalem esse oportet, quod exercitatæ partes aliis fiunt robustiores, & propter hoc faciliè subeunt consuetos labores. Secundum est, malam pestem, id est, maximum incommodum sequi permutationem consuetæ diætæ, ut testatur Hippoc. lib. 2. de victus rat. in morbis acut. nisi fuerit necesse eam permutari, quando est illaudabilis; ita ut inde sequantur pessimæ ægritudines, qualis est prandium sive cœnam pravis cibis terminare. Hujusmodi enim consuetudinem necessarium est corrigi & permutari, non quidem subito, sed paulatim & ordinatè. Nam omnis subita mutatio vehementer nocet, maximè si à consueto ad inconsuetum fiat permutatio.

Deinde etiam necesse est eam permutari, ne si forte ad inconsueta fiat translatio, sequatur læsio. Nam qui se ad omnem diætam adsuëfacit, minus lædetur, cùm se ad inconsueta transtulerit. Idem etiam intelligendum de aliis rebus non naturalibus, id quod testatur Hippocr. lib. 2. Aphorif. 50. Quæ ex longo tempore consueta sunt, etsi deteriora sunt, insuetis minus molestare solent.

Oportet igitur ad ea insueta permutari. Unumquodque enim ipsorum, inquit Philosophus, consuetum eff. Etum minus lædit, eò quod natura quidem magis innocuum, sed in consuetudinem nondum venerit: ut consuetus comedere manna, in boni mutatione cibi injuria afficitur, propter desuetudinem: & consuetus bibere aquam, si in meri portionem mutaverit, læditur, quoniam à consuetudine aberrat. Sic & in his quæ particularia sunt. Similiter autem oportet & ad insueta permutare, ut si quando fortuna coegerit, ea ferre possimus, cum enim qui usus est multo nutrimento, oportet & parum comedere, ut causa adveniente ferat & illius usum.

Quapropter quisque cavere debet, teste Rhaze lib. 4. cap. 10. ad Man. ne alicujus rei si consuetudinem faciat, quam ipsum observare oporteat, ex cujus observatione constrictionem patiatur. Ut si quis uno cibo consuetè semper utitur, vel aliquo potu, vel omnino ab eis abstinere, vel dormire, vel coire consuescat: & ex aliquo istorum graviter constringatur, maximum incurrit nocumentum, si ab eis abstinuerit.

Quapropter quisque corpus suum sic disponere debet, ut caloris & frigoris patiens esse possit, & ad munitiones & cibaria sibi necessaria aptum reddatur, & ut somni & vigiliarium horas, atque mansiones & domos sine læsione permutare possit. Fortassis enim ex necessitate hoc aliquando agere cogetur. Quod quidem fieri poterit, si consuetudo non observetur ad unguem, sed interdum ad inconsueta transeamus.

Con-
suetu-
do va-
rianda.

Tertium est, fortiorem ac potiore metam mendi esse certam dietam, quam si Medicus non curaverit, ac aliam indebitam administraverit, fa-

Ali-
mento-
rum
triplex
genus.

tue regit ægrum & malè curat.

Est porro triplex diæta, siue alimentorum genus. Alimentum scilicet plenum, alimentum modicum, alimentum tenue. Alimentum plenum, est sanorum cibus, qui non solum vires conservat, sed auget. Alimentum modicum ad sanos etiam spectat, vires quidem conservat, sed non auget. Alimentum tenue, id est, quod vires imbecilles reddit. Hoc vero alimentum quod tenue dicitur ab autoribus in multas partes divisum est; nempe in tenue sine aliquo addito; in tenue exquisitè, in tenuissimū & in tenuissimū in extremo. Tenuissimum, in extremo alimento est, nihil penitus dare. Et si dubitabis, quomodo alimentum dici potest, cū nihil datur? Respondemus, ita esse illius vocabuli usum apud Medicos. Tenuissimum verò est, dare melicrarum solum. Tenue est ptisanæ succus, qui si etiam in pauca quantitate sumatur, est exquisitè tenuis. Sanos homines non solum conservare debemus, sed etiam augere, propterea victus plenus illis comperit. Qui vero ægritudine longa laborant, vires augere non debent, sed bene conservare; aliter usque in finem non sufficerent: propterea hi modico victu cibandi sunt, qui etiam, sanis convenit in quibus vires augere non cupimus, sed illas solum conservare animo est, quos etiam in longo morbo totis viribus servare studemus. Cum vero ægritudo brevi terminanda est, si quarto die finire debeat, aliquid dare non est opus. Imo si vires sufficerent & in septimo terminanda esset, nihil penitus dandum esset nisi post illum terminum. Unde Hippocr. lib. 1. Aphor. 6. Extremis morbis extrema exquisitè remedia optima sunt.

Animadversio.

Animadversio.

HOc est ultimum caput quod ad utendi rationem pertinere diximus, in quo agitur de consuetudine, quam tanti fecerunt Philosophi omnes & Medici, ut eam natura non inferiorem duxerint. Aristot. lib. de mem. & rem. cap. 2. ait ὥσπερ γὰρ οὖσι καὶ τοῖς ἀνθρώποις, *tantum enim natura jam consuetudo est.* Lib. etiam 7. de morib. cap. 11. ob id scribit difficile esse mutare consuetudinem, ὅτι ὥσπερ οἰκεῖν *quod natura perquam similis sit; quem-* admodum probat ex his Eveni versibus:

De cō-
suetu-
dine.

Φαίη πολυργόνιον μελέτων ἔμμεν φίλε καὶ δὴ
ταύτῳ ἀνθρώποισι τελευτῶσαν φύσιν εἶναι.

Multos, quod partum est meditando, permanet annos;
Atque in naturam tandem convertitur usus.

Quod ipsum quoque affirmavit Michael Ephes. comm. in Arist. de mem. & rem. unde eleganter Galen. comment. 3. in lib. Hippocr. de officina part. 21. consuetudinem vocat ex maximorum medicorum mente ἐπίκτητον φύσιν, *adventitiā naturam*, quam appellationem post Gal. ei tribuit Melet. lib. de structura hominis cap. quot facultatib. homo præditus est. Ex eo factum esse reor, ut à Sext. Empiri. advers. Mathem. c. 10. consuetudo habita sit nec ars pura, nec mera natura; ὅτι τέχνη ὅτι φυσικὴ σωείδεια sed aliquid medium inter artem & naturam. Imò vero tantum consuetudini tributum Hippocratis ætate, ut consuetudo pro ipsa naturâ usurparetur. Testem habeo Galen. comm. 2. in prognost. Hippocr. part. 11.

Con-
suetu-
do al-
tera
natura.

Cōsue-
tudo
naturæ
nomi-
ne ap-
pellata.

ἀλλὰ ἐπὶ τῆς ἱπποκράτους χρόνων, inquit, ἐκ ἀλλοῦ τοῦ ἐν κτ' ὀφείν. ἀλλὰ δὲ τὰ ἐξ αὐτοῦ. *At vero temporibus Hippocratis non aliud fuit ex natura aliud in cōsuetudine.* Ex qua quidē analogia consuetudinis cum natura, idem penē concessum utrique Imperium, eadem potestas attributa: licet enim natura omnibus hominibus insita sit & ex primordiis generationis enata, consuetudo vero adventitia, externa & aliunde comparata, iis tamen interdum pollet viribus consuetudo, ut naturæ nomen induat, natura consuetudinis appellatione delectetur. Si quis tamen consuetudinē definire voluerit melius fecerit per ἐξ ἡμετέρας, sive habitum, cum Aristotel. probl. 14. sect. 21. quam per naturam acquisitivam cum Galen. Non enim consuetudo sequitur naturam, sed experientiam; cum experientia fiat ex crebra & frequenti actione, in hoc enim differunt experientia & consuetudo secundum Eustatium 1. de arte dicendi cap. 10. quod consuetudo ex actione, experientia ex observatione suboritur. Vide Francisc. Bonamic. lib. 1. de motu cap. 1. & Crassotum Ethic. lib. 2. Consentiant vero quod fiant ex frequenti & sæpius repetita rerum singularium eodem modo sese habentium usurpatione. Est autem consuetudo duplex: una propria, eaque scripta; *secundum quam civiliter agimus*, inquit Aristot. 1. Rhetoric. cap. 10. altera communis minime scripta, quam singuli hominum observant, quia sæpe & crebro observant. Illa dicitur νόμος lex, hæc θυσός, ἐδος & ἔθος, propriè consuetudo. Priorem illam à postrema nasci voluit Plato lib. de legib. 3. scripsitque lib. 7. consuetudines bonas, leges esse non scriptas, & scriptas leges efficere firmiores. Addit Perithus apud Stob. serm. 37. consuetudinem bonam tutio-

Con-
suetu-
do ut
defi-
niatur.

rem esse lege. Architas Pythagoreus lib. de lege & Just. legibus præfert mores, quod leges efficiant nihil, nisi in mores transeant. Nemo ergo mitari debet quod tanti ab omnibus consuetudo facta sit, quodque à Medicis religiose cautum sit ne quis temere à consuetudine semel concepta deflecteret. Quod ut clarius etiamnum elucescat, querendum nobis est quod à multis video prætermisum, sed à Galeno expositum libro de consuetudine, quid consuetudo possit & valeat in naturam, & utrum facultates nostri corporis assuefieri possint. Scribit imprimis Galen. 2. cap. lib. de consuetud. ea quæ longa consuetudine sunt comparata, vim fere proprietatis naturalis contrahere, adeo ut omnes facultates naturales, vitales, animales assiduo & consueto rerum naturalium usu sic alterentur, ut cursu temporis infinitos status possint recipere. Nam biliosi homines evadunt in pituitosos, & frigidi in calidos, timidi in audaces, bellicosi in meticulosos: quod exemplis per facultates omnes ductis facili negotio demonstrari possit. Ad facultatem naturalem pertinet nutritio per alimenta familiaria & amica, necnon generatio seu formatio fœtus: at ejuscemodi functiones legibus consuetudinis obnoxie sunt. Quid enim aliud demonstrant ii qui nulli cibo aut potui assueverunt, aut assueverunt veneno? Mago Carthagenensis, Lasyrtha Lasionensis, Andro Argiensis, Jul. viator Eques Romanus ut antea memini vitam absque potu transegerunt etiam salis eduliis usi: Galen. tertio simpl. cap. 18. Anum Atheniensem memorat ab exigua cicutæ portione auspicata magnam assumpsisse portionem nullo detrimento. Fama est aliquos ita à teneris assuevisse veneno, ut ipsi corpore essent

Quid
possit
consue-
tudo in
naturā.

Vis
consue-
tudinis
in alimen-
tum fa-
cultatem.

Visejus
in ge-
nera-
tri-
cem.

Vis
ejus in
vitalē.

Vis in
oculos.

venenato & lethali; quod experiebantur muscæ cum eis insidebant. Venena nostris corporibus generari quæ diu sine noxa lateant, jampridem ex Galeno nobis persuadere sunt conati gravissimi auctores. De forma fœtus ex consuetudine introducti illustre exemplum habet Hippocr. lib. de aër. locis & aquis in macrocephalis, qui cum rotundo ante capite nascerentur, hominum instituto & artificio acuminato capite in lucem prodire. Novi ego nobilem mulierem, quæ quod frequenter auriculam dextram mariti sui vellicaret & extenderet, puellulam edidit dextra auricula multò prolixiore atque longiore. Vidi quoque puerulum qui quod mater perpetuo digitis comprimeret pollicem pugnoque semper contracto esset, simili configuratione natus est; vixque potest jam grandior à tali consuetudine removeri. In facultate vitali eadem alteratio observatur: sic qui frequenter irasci solet ad iracundiam paratior est; equos videmus atque etiam homines tubarum clangoribus exilire ac velut deletari, quibus antea perturbabantur. Meticulosi assuetudine belli audaces fiunt, audaces contrà rebus plerumque inexpertis contremiscunt. Nonne lacenæ mulieres corporis nuditatem sine pudore tulerūt, quam ne scorta quidem nostra sine rubore non sustinerent? Vultum, frontem, oculosque mulierum in quibus pulchritudinis sedem natura collocavit, apertos pudice contemplamur, obscœnas partes nemo sine libidine intueretur. Quemadmodum consuetudo hos animi motus emollit & temperat, sic actiones mentis & sensus aliquo pacto moderatur. Tam imperiosa est in oculis consuetudo, ut solito objecto plus oblectentur quam alio quovis. Europæos candor delectat, nigror Mau-

ritanos, quo fit ut in signum lætitiæ atque ornatus uigras vestes assumant; quæ apud Europæos mætoris sunt & funeris monumenta. Invenustarum mulierum deformitatem familiaris & convictus sic lenit vel dissimulat, ut pro ornatu haberi possit. Ad quod non male accommodaveris illud Lucretii de amore lib. 4. de rerum natur.

Multimodis igitur pravas turpesque videmus
 Esse in delitiis summoque in honore vigere.
 Nigra *αλιζεος* est; nervosa & lignea, *ακατως*;
 Cæcia *παλαδιον*; immunda & fœtida, *δερκας*;
 Parvula Pumilio, *χαειτων* ἰα, tota morum sal;
 Magna atque immanis, *κατιπαλης*, plenaque
 honoris,

& illud, Ovid. lib. secundo amorum eleg. 4.

Candida me capiet, capiet me flava puella.
 Est etiam in fusco grata colore Venus
 Seu pendet nivea pulli cervice capilli;
 Læda fuit nigra conspicienda coma.
 Seu flavent, placuit croceis Aurora capillis
 Omnibus historiis se meus aptat amor.

Quod dixi de oculis, idem puta dictum de aliis Vis in
 quoque sensibus. Catadupani fragorem præcipi- aures.
 tantis se Nili nulla molestia auribus sustinent:
 fabri raucos limarum sonos, alii pelvium &
 tintinnabulorum pulsus, nulla potiori ratione Vis in
 quàm consuetudinis. Indi ferculis assam fœti- nares.
 dam immiscent conciliandæ fragrantæ, rustici
 allia; nobiles moschum. Sunt qui ex odore am-
 bari in lipothymiam incidunt, stercoreis fœtore
 excitandi, quales multi habentur inter foricarios Vis in
 & scarabeos artifices. Si quis Gallis nostris pul- lin-
 lum gallinaceum aut perdicem sine lardo as- guam.

Vis in
tactu.

Vis
con-
futu-
dinis
in mo-
tum.

ſam appoſuerit , inſuave illi edulium præbe-
bit ; quod tamen ſapidiffimum eſſe qui aſſueve-
runt teſtabuntur. Panis inſulſus Pariſienſibus
placet diſplicet Piſtavienſibus , arridet azimus
Hungaris , Italis naſeam movet. Quærerem li-
benter cur media hyeme una facies ventis aper-
ta non obrigeſcat ut cæteræ partes ? Quid ha-
bent religioſi & Deo ſacri homines à cæteris di-
verſum , quod hyeme rigida nudis pedibus ince-
dentes diſtillatione perpetua ac tuſſi non exer-
ceantur ? ſi conſuetudinem excipias quod reſpon-
deas nil invenies. In motu vero quot ex conſue-
tudine miranda deprehenduntur ? Contemplare
funambulos , circulatoros aſpice & agyrtas , enu-
mera ſi potes omnes ſaltuum & chorearum diſfe-
rentias ac varietates , numeroſos illos pedum fle-
xus , circuitus , meſuras , librationes , expanſus ,
pauſas , micationes onetire , ambulantes manibus
homines aſpice , intuere manuum geſticulationes
& ut ita dicam locutiones digitorum ; nonne
cum Poëta exclamabis ?

Tot linguæ quot membræ viro , mirabilis ars eſt
Quæ facit articulos ore ſilente loqui.

Sed mirabilis conſuetudo quæ hominum motibus
tam certos ac definitos motus imprimat.

Vis in
princi-
pem ſa-
cultu-
rem.

Quod ad principes attinet facultates , in eas po-
tentius conſuetudinis micat imperium ; quod viſus
eſt Hippoc. declarare lib. de aëre locis & aqu. ubi
ait virilitatem & laborum tolerantiam , non tam à
natura quàm à conſuetudine accedere. Et certe ſi
veritati ſicum demere liceat , fatendum eſt nos
non niſi conſuetudine vivere , ſapere conſuetudi-
ne , mentemque ipſam conſuetudine moderari , non
ratione. Nullibi hodie regnat ratio à conſuetudine
ſejuncta , paſſim conſuetudo triumphat abſque ra-

tionē. Epulæ, instituta, ceremoniæ, studia, fama, divitiæ, honores, religio, omnia ex consuetudine. Aliorum vestigia omnes premimus, & alieno vivimus exemplo. Non quàm bene aliquid fiat aut sapienter advertimus, sed quàm sæpe & quàm à multis. Nemo veritati studet sed frequentiæ. Hi Platonis Philosophiam, Aristotelis alii dogmata sequuntur non ratione sed instituto. Quam primum quis ex occasione sectam aliquam arripuit, illic firmiter instituitur, nec si affulserit veritas, ab illa hæresi receditur. Id ipsum est quod Arist. insinuavit 2. Metaph. tex. 15. his verbis: *Consuetudo maximè impedit veritatis cognitionem; quod leges declarant in quibus puerilia & fabulosa magis possunt quam veritas in se.* Quo loco ait Aphrodis. usque adeo consuetudinis quam veritatis maiorem esse vim, ut cum falsa sit veritatem tamen superet consuetudo. Hanc ob rem Pindarus eam appositè orbis dominam ac Reginam vocat, alii Tyrannum, alii dæmonem, nec aliter Cretenses hostes suos diris devovebant quàm ut pravæ ac perversæ consuetudini assuescerent. Sed quorsum hic tam longus de Consuetudine excursus? nimirum ut ostendamus magnam esse ejus vim ac imperium in omnes nostri corporis facultates, eosque sapienter collimasse qui eam velut in alteram naturam converti voluerunt, ubi fixa est & inveterata, semper sequendam minimeque nisi cum periculo deferendam. Verum enimvero multi concedere non possunt consuetudinem abire in naturam; quod ea quæ agunt naturaliter nequeant alio modo agere: sic lapis deorsum semper tendit, nec si crebro sursum torqueatur, consuetudinem assumat sursum ascendendi. Huic objectioni satisfacit Aponensis comment. in Probl. 26. sect. 4. statuitque naturalium dupli-

An cō-
suetu-
do ab-
eat in
naturā

cem esse motum & inclinationem. Prior quidem sequitur commistionem primam elementorum dominantium in mixto, & formam datam à generante, & secundum hoc nullam acquirit consuetudinem in contrarium, cum secundum hoc omnia sint inanimata: posterior sequitur formam posteriorem resultantem ex mixtione elementorum aut de foris advenientem, & sic potest habere inclinationem & motum ad id quod fuit primo contrarium per repetitam sapius actionem. Franciscus Math. Fernandez tractatu secundo de facultat. naturalib. quæst. 1. actionem aliam facit viventium, aliam non viventium. In non viventib. constituit duplicem formã: unam substantialem quæ dat esse specificum imperfectiorem forma viventium; ut pote cum ab ea nulla alia forma dimanet: alteram accidentalem, temperamentum scilicet ortum ex mixtione alimentorum. In viventibus vero ut pote perfectioribus tres formas admittit: primam substantialem dantem esse specificum, & duas accidentales quæ adveniunt enti in actu. Sic in homine est anima rationalis per quam homo est homo, est præterea potentia ad nutriendum, attrahendum, movendum, &c. emanans ab anima rationali, est denique temperamentum ex miscella elementorum natum. Hoc posito primo statuit viventia operari substantia, facultate, & temperamento; non viventia vero, substantia tantum & temperamento. Secundo docet ad hoc ut ignis generet alium ignem, non esse necessariam ei potentiam generativam; cum hæc solum inveniatur in viventibus, sed sufficere ut per suam formam substantialem & temperamentum producat similem effectum; cum etiam in igne sit tantummodo forma substantialis ignis & tem-

peramentum calidum-ficcum quo talis forma conservatur. Ex his concludit non viventia consuetudinem non acquirere; cum enim consuetudo sit habitus qui contrahitur in potentia non in substantia quæ determinat potentiam, manifestum est non viventia consuetudinis habitum non contrahere, cum ea privata fuisse omni potentia adstructum fuerit. Enimvero ut mentem meam aperiam, Fernandes pro fundamento supponit quod maximè in controversiam adducitur. Nondum enim satis constat inter Philosophos utrum subiecta agant immediatè per substantiam an per facultatem aliquam mediam ex forma resultantem; quis enim novit utrum magnes attrahat ferrum immediatè per formam suam an an mediate per facultatem aliquam seu potentiam à forma magnetis prodeuntem? Nullus enim dubitat attractionem illam non fieri per temperamentum, cum temperamentum manifestam habear causam, attractio illa occultam; parum itaque valet Fernandes ratio. Dicendum ergo est, in reb. naturalibus potius ex passione quam ex actione consuetudinem contrahi: sic ferrum aut lignum curvum & arcuatum redditur ubi frequenter patitur contractionem atque curvationem, panni quacumque in formam diutissimo tempore complicati & convoluti fuerint, si semel explices ad eandem formam redire nituntur: ex diuturna enim passione convolutionibus illis assuescunt, id quod præsertim in undula quod vulgo Camelotum dicitur observare est; à qua Proverbiū Gallicum fluxit: *Il ressemble le camelot, il a pris son ply*, quod ad eos transfertur qui consuetudinem aliquam imbiberunt. Lapis autem projectus in altum, vix à me creditur esse in passione sed in actione violenta, proinde non est mirum

Nostra
opinio.

234 DE CONSERVANDA

si non assuescat, agit enim violenter lapis in aërem; à quo quid patitur quæso? nihil, nisi levem obfistentiam. At cibus in ventriculum non agit, sed fortiter à ventriculo patitur adeò ut ab eo superetur & reddatur tandem ventriculo similis: quid inde accidit tandem? nimirum ut illi cibi sic assimilati convertantur in ventriculi substantiam, producantque humores qui similitudinem obtinent cum cibus ex quibus sunt geniti. Ex hac similitudine repetenda est causa minoris alterationis & facilioris conversionis seu majoris familiaritatis atque convenientiæ. Semper ergo patiendi sit consuetudo, sed passio esse debet rei cui assuescimus, actio & victoria ejus qui assuescit. Quare homo assuescere nequit cibo ex metallis deprompto? quia metalla nonquam ita possunt pati à ventriculo ut ventriculus superior evadat. Quare quidam assuescunt venenis? quia virtutem habent ventriculi satis robustam alterandæ atque domandæ venenorum substantiæ. Quare venenis calidis, ut ait Galen. nemo assuescit assuescunt autem nonnulli frigidis? Quia venena calida quarto gradu talia: sunt ac calor ventriculi qui benignus est & in gradu multo inferiori quam venenatus, vincitur potius quam vincit, dissipatur citius quàm dissipat. At frigida venena licet sint in quarto gradu, vincuntur à calore nativo, non intensione sed extensione, ad id enim ut extinguant calorem nativum, debent non solum insitum parti quam afficiunt extinguere, sed aliunde etiam influentem: sed quia mole & quantitate paucum est frigus veneni; idcirco non potest diu resistere calori perpetuo affluenti & succurrenti insito laboranti. Ex. grat. esto frigus veneni assumpti potestas & sufficiens intensione

sua ad extinguendum calorem insitum ventriculi, non sufficiet tamen secundum molem, cur ita ? Quia calor ventriculi insitus fovetur calore hepatis, vesiculæ felleæ, sanguinis arteriosi, partium circumjacentium ; quorum concursu calor ventriculi qualitate minor frigore veneni, redditur quantitate & mole major unde exurgit tandem caloris ventriculi in frigus veneni victoria. Addo qualitates secundas veneni calidi deteriores esse qualitatibus veneni frigidi naturæque nostræ magis molestas. Venena calida comitantur acrimonia, mordicatio, urendi, divellendi, putrefaciendi facultas, erodendi quoque ac corrumpendi, adeout nec sapore, nec odore, nec tactili ulla qualitate delectent; frigida venena præter cruditatem summam vix habent aliquid naturæ nostræ inimicum. Scio quam frigidis argumentis Sanctorius à Sanctorio. l. 4. Meth. vitandorum errorum conetur ostendere consuetudinem non esse aliam naturam : non ignoro quoque quam pertinaciter Steph. Rodericus Castrensis lib. 2. de Meteoris microf. cap. 12. impugnet historias quæ docent nos posse assuescere venenis, quamque futilem & inanem substituat opinionem, sed plura non addo ne in imensum crescat opus de consuetudine : & quod paulatim mutanda sit prava consuetudo, non confertim, videndus Sanctorius loco citato, Valles. lib. 8. controvers. cap. 5. Bened. Victorius Favent. comment. primo in prognost. Hippocr. part. 14. & comment. 2. part. 11. Villanovan. in speculo introduct. medicin. cap. 82. Christoph. à Vega de arte med. lib. 2. sect. 2. Cardan. de sanit. tuen. cap. 4. Aver. & Sehégk comment. in cap. primum lib. 2. moral. Aristot.

Joan. Bapt. Sylvatic. controvers. 14. & 15. Jacobus comment. in part. 10. lib. 2. coac. Hippocr. Stuckius antiquit. conviv. lib. primo cap. 13. Jul. Alex. salub. lib. 28. cap. 4. Et hæc sufficiant ad doctrinam generalem eduliorum intelligendam. Singula edulia deinceps proponuntur à pane ducto exordio.

De eduliis in particulari ac primo de Pane.

C A P. XVII.

Panis nec calidus nec sit nimis inveteratus;
*Non bis decoctus, non in sartagine frixus,
 Sed fermentatusque oculatusque ac bene coctus,
 Et salsus modice, & frugibus validis electus
 Non comedas crustam, Choleram quia gignit
 adustam,
 Et panis salsus, fermentatus, benè coctus,
 Purus sit, sanus, non talis sit tibi vanus.*

DUO circa Panis electionem tenenda esse hoc loco præcipitur. Primum, ne actu calidus ingeratur: talis autem existit recentior, & jam primum è furno extractus. Nam cum lentorem quendam adhuc retineat, vehementer inflat, visceraque obstruat, necesse est: eoque ad sanitatem inutilis habetur: quod 2. Can. tract. 2. capite 572. in hunc prope modum scribens Avicenna, innuere etiam voluit. Non comedatur calidus, sicut est, quando videlicet è furno extrahitur, hujus enim, quemadmodum & reliquorum similium usus, propterea quod inflat

& immodice viscera obsepiat atque obstruat, naturæ adversus, insensasque est. Hic idem, ut lib. 2. de vict. ratio. in morb. acut. Aphorif. 34. Hippocrates scriptum reliquit, & loco citato Avicenna confirmat, manifesta caliditate & recenti fuligine sitim facit, celeriterque vaporosa humiditate satiat, sed supra suspenditur, & tarde descendit. Interdum tamen (reliquis accidentibus circumcisis) facilius concoquitur, quippe cum sit humidior: idque duobus potissimum modis cognoscitur. Primum ex pueris, fere enim ii maxime eo delectantur, utpote simili. Alterum testimonium ab ætate sumitur. Nam si verus est siccissimus, eum qui recentissimus est humidissimum esse oportet. Attamen hic etsi victus salubris rationi ut alimentum minus congruit, odoratu tamen præstantissimum habetur. Valenti enim ac suaveolenti vino imbutus & naribus admotus cor ipsum mirum in modum recreat ac roborat: atque hac sane ratione syncope correptis utilissime adhibetur, imo vero & solo ejus olfactu vitam prorogari, nonnulli memoriæ prodiderunt. Quod proinde à Democrito factum esse Diogenes Laërtius lib. 9. in ejus vita his testatur verbis: Cum jam ex senio deficeret, & propinquus videretur morti, morientem sororem, quod ille in celebritate Cereris moriturus ipsa deæ vota exolvere nequiret, bono animo esse jussit, panesque calidos sibi quotidie afferre: eos igitur naribus quum admovisset, vivum se, dum ea celebritas transieret, servavit. Ubi vero dies illi transierunt (tres autem erant) quietissime ac minimo dolore conclusit vitam 109. ætatis anno. Extat super hac re Græcum ejusdem Laërtii Epigram-

Panis
odor.

ma, sic Latine conversum :

Quisnam tam sapiens visus, qui tale parrarit
Vnquam, quale sciens omnia Democritus?
Qui per tres tenuit præsentia fata dies, &
Illa recens cocti panis odore aluit.

Plura hac de re Conciliator differentia 155. &
Manardus lib. 18. epist. 6. Secundum, ne vetu-
state induratus sive mucidus edatur. Naturæ enim
humanæ, propterea quod nimium exsiccet, me-
lancholicumque succum generet, pro alimento
non convenit.

Panis
electio.

Secundo loco quinque enumerantur panis ele-
cti conditiones. Prima, ut sit bene fermenta-
tus: Siquidem concoctu inter panes, ut lib. 1.
de alim. facult. cap. 9. Galenus attestatur, sunt
facillimi qui plurimum sunt fermentati & pul-
cherrime subacti, quique in clibano igne mo-
derato fuerunt assati. Porro qui fermento om-
nino caret, nemini prorsus est accommodus.
Qui vero parum habet fermenti, hic juxta Avi-
cennæ sententiam ubertim quidem nutrit, sed
nisi multo exercitio ac labore fatigetur qui eo
utitur, promptelæditur. Jecoris enim meatus,
per quos fertur alimentum, obstruit, lienis im-
becillitatem auget, calculos denique in renibus
gignit. Secunda, ut sit oculatus, id est, rarus,
porosus, & minimum ponderis magna mole no-
bis præstans: huic enim viscositatem omnem
sublatam esse perspicuum est. Parum tamen, si
Avicennæ credimus, alit, ventrem excrementis
implet, & facile per intestina descendit, quem-
admodum ille quoque, qui, quod ex farina à
furfure non separata & furfure à pura farina non
separato fiat, *αυτοπυρεος* sive *συνκομισδς* à Græcis,
à Galeno vero, *πιτυειας*, id est, furfuraceus,

& à Cicerone cibarius appellatur. Furfur enim cum nonnihil facultatis habeat absterforiæ, merito intestinis irritatis velox fit ejus dejectio. Iis autem contrarii quidem sunt panes purissimi, plurimum ponderis exigua mole habentes; omnium vero panum tardissime dejiciuntur. Tertia, ut plurimum ab artifice sit subactus, & in clibano mediocriter calido belle percoctus: male namque coctus, cum ægre conficitur, tum ventriculum etiam gravat. Quod Avicennæ etiam testimonio confirmatur, qui loco citato ita fere inquit: Panis qui non probe percoquitur, plurimum quidem nutrit, sed si quis privatus & ab exercitatione alienus eo uti voluerit, celerrime in obstructionis periculum incurret. Hujus etiam generis est in patella coctus; nam partes ipsius intimæ minus belle elaborantur. Sed de hac conditione abunde supra capit. 9. in Tritico dictum est. Quarta, ut mediocri sit sale conditus: dulcior enim obstruit, salior exsiccat: qui vero in utriusque excessus medio consistit, si ipsi cætera omnia ante pariter adfuerint, optimum præbet alimentum. Modus vero salis gustu judicandus est; qui namque in longiori hujus mistura offenderit, parvus existit. Quatenus igitur gustus nullum adhuc sensum tristem ex ea mistura percipit, eatenus ipsius copiam augere præstiterit. Quinta, ut ex optimis granis, laudatissimo nimirum tritico sit confectus: de quo satis superque dictum est capite nono. Tertio demum loco præcipitur, ut ab esu crustæ panis, propterea quod choleram adustam atque succos melancholicos generet, abstinemus: quatenus enim ipsa adusta & sicca est, succum etiam inde genitum adustum & sic-

Crusta
panis.

cum esse oportet. Quod Galeni testimonio confirmatur, qui in 4. Hippocratis lib. de victus ratione in morbis acutis commentar. 103. ita scriptum reliquit: Ob assationem ambusta, tum ad succi bonitatem, tum ad concoctionem sunt inhabilia, choleramque pariunt, propter eam quæ his accedit acrimoniam. Merito igitur nobiles qui natura biliosi sunt utramque sibi crustam, tam superiorem, quam inferiorem auferri à pane curant: quos præcellentes Ecclesiarum præceres atque delicatiores obsonatricis speculationis magistri imitantur. Deligenda itaque è pane medulla est: quippe quæ melius, firmitus atque velocius quam crusta præstet alimentum. Iis tamen qui sani adhuc sunt, sed ventriculum habent humidiores, quique extenuari cupiunt, crusta nonnumquam post alios cibos vesci conceditur: ut quæ præsumptos cibos deorsum subducatur, & os ventriculi roboret. Ultimi duo versus optimi & saluberrimi panis quinque notas continent: nempe, ut sit probe salitus & fermentatus, ut bene percoctus, ut purus ac sanus, id est, confectus ex granis mundis & validis ac bona messe collectis, quæ imbrium multitudine vitiata non sint. Quod Avicenna loco citato his fere verbis innuere etiam voluit: Oportet, inquit, ut panis sit mundus, salitus, belle subactus, fermentatus, probe coctus & hesternus, hoc est post biduum non repositus, Minime præterea silentio prætermittendum, quod major panis portio ex comparatione semper sumenda sit ad pisces, herbas, & fructus humidiores, quam ad carnes & ova: rursus ad carnes major, quam ad ova: & ad mollia ova copiosior, quam ad dura. Addam tritum in scholis

Medico-

Medicorum dictum ; Differtionem utique omnem esse incommodam ; verum quæ ex pane fiat, pessimam. Quod sane desumptum est ex 3. 1. doct. 2. cap. 7. Avicennæ, ubi inter reliqua sic ferme scribit : Panis impedimentum, ubi non percoquat venter, maximum cenferi debet : carnis vero non ita. In stomacho quippe residet diu onere imprimis molesto : quod si non concoctus sat tandem dilapsus fuerit, hepar præfarcit ac mesaraicas. Caro autem majorem ducit cum humano corpore similitudinem : proinde ex ea minus provenit nocumenti, & hepatis aut mesaraicarum præfartio levior, ac curationi minus minusque obstitens, imbibentibus membris longe proclivius ob cognitionem quandam carnis succum, quam panis. Hæc Cælius Rhodiginus lib. 5. cap. 26. lection. antiq. Sciendum præterea, quod panis ex farina cribro secreta & à furfure repurgata majus ac purius præstet alimentum : furfuraceus vero, id est, cui fursuris non nihil commistum est, minimum quidem omnium nutriat, sed facilius, ceu antea quoque diximus, per alvum subeat. De pane plura Galenus lib. 1. c. 9. & 10. de alim. facult. & lib. 5. cap. 8. de sanitate tuenda.

Animadversio.

HUcque eduliorum consideratio generalis fuit, quæ restat particularis erit, & circa singula hominis alimenta occupabitur. Quæ sint autem edulia homini propria atque convenientia quibusve ex rebus eruantur, scire is debet qui singula edulia examinanda sibi proposuit. Ad quod

Q

Edulii
defini-
tio.

Edu-
lium
ho-
minis
quale.

Acci-
dens
nutrire
nequit.

Elemē-
ta ali-
menta
esse
non
pos-
sunt.

quidem constituendum uno argumento opus est ex edulii ipsius definitione desumpto. Definitur edulium, id omne quod propter convenientiam atque familiaritatem naturæ, substantiam hominis alere, hoc est reparare atque augere aptum natum est. Quicquid ergo toto orbe terrarum ejusmodi erit, ut familiaritatem naturæ cum homine habeat, ob idque substantiam hominis alat, reparet atque augeat, id omne homini proprium & conveniens edulium statuetur. At vero quicquid toto orbe existit, aut est substantia, aut accidens. Accidens quidem quodcunque illud sit, ad augendam reparandamque substantiam prorsus ineptum est: cum enim simplex sit ens, non mistum corpus, cujusmodi debet esse alimentum, certè homini conveniens cibus esse non potest. Quæ ratio deducta est ex Aristot. lib. de sensu & sens. cap. 5. contra Pythagoreos statuentes odore ali quædam animalia. Præterea cum alimenti rationem obtineat id solum, à quo caloris ope per coctionem segregantur excrementa; coctionis autem opera nullum excrementum nec sensibile nec insensibile separari possit ab Accidentibus, restat ut Accidentia edulia esse non possint: quam demonstrationem attulit prædicto loco Aristoteles.

Sequitur ergo ut edulium sit in genere substantia. Est autem omnis substantia physica, continuo etiam corporea, seu ea sit simplex seu mixta. Ad simplicia corpora pertinent quatuor elementa, quæ alimentorum censum nullo quoque pacto augere possunt. Cum enim alimentum compositum esse debeat & heterogeneum, ut familiaritatem cum corpore hominis quod mistum est & heterogeneum, habere possit, elementa autem simplicia

sint & homogenea, profecto elementa nunquam poterunt esse alimenta.

Ac primo quod ad ignem attinet, is ejus conditionis est, ut destruere atque consumere potius hominis substantiam possit quam reparare aut fovere: Atque inter Auctores nullus hucusque eum inter alimenta reposuit; quo fit ut longiori refutatione non indigeat.

Ignis
non
alit.

Aërem autem plurimi veterum atque Neotericorum opinati sunt inter alimenta annumerandum. Hippoc. & Gal. multis in locis triplicis alimenti meminerunt; solidi, liquidi, & aërei; quo postremo spiritus nostros ali & reparari voluere. Theophrastus libro tertio de caus. plantar. cap. 8. & 14. terram ait effodi ab Agricolis ut subingrediatur aër ad radices plantæ, quo postea nutritur. Olympiodorus comm. in Phædonem Plat. & alicubi ni fallor apud Photium in biblioth. refert Aristoteli visum hominem quasi omni alimentis abstinere & aëre solummodo ac sole victitaret. Fuerunt è Platoniceis qui assererent alicubi amplissimas esse terræ plagas in quibus homines viverent solo aëre. Astomorum gens, sine ore habitantantum & odore quem naribus trahit, vivere circumfertur: nullus illis cibus, nullus potus est; solis radicum florumque odoribus vescuntur, sylvestriumque malorum quæ secum portant longiore itinere ne desit olfactus. Apud Tertullianum in pallio fertur & *Quadrupes* quædam tardigrada, *agrestis*, *humilis*, *de mediocribus oppido*, *sed nomen grande*, *Chameleontem qui audierit haud amegnarus jam timebit aliquid amplius cum leone*, *illa jejuna semper & indefessa pellicula vivit*, *oscitans vescitur, follicans ruminat, de vento cibus*. Scaliger exerc. 229, art. 2. *Manucodiatam avem atque Ca-*

Aër an
nutriat.

Aër
non
nutrit.

nem levem aëre solo aut vapore vivere admittit. Argenterius ipse comm. 2. in primum Aphor. quibundam hominibus solum aërem sufficere ad vitam dixit, *Tunc*, inquit, *sub aëre vivitur qui simplex non est, sed ex aliis elementis compositus & propterea non ineptus ad levissimam nutritionem.* Quod ipsum videtur quoque probabile Rondeletio primo de piscib. cap. 13. Verum enim verò licet his similibusque argumentis satis confirmati opinio illa videatur, attamen si ad libellam veritatis expendatur, parum eam tutis firmisque adminiculis innixam observabimus. Quod enim spectat ad Hippocratem & Galenum, qui aëre nutriri spiritus asserere visi sunt, eos metaphoricè ac improprie locutos pronuntiandum est, sic ut alimenti nomine usi sint ad significandum quodcunque adjumentum quod ex inspirato aëre spiritibus accedit. Et certe Hippoc. lib. de diat. distinctionem affert inter verum & improprie dictum alimentum. *Alimentum*, inquit, *non alimentum, si alere non potest, nomine alimentum, re autem non: opus alimentum nomen autem non.* Quem locum exponens Fortun. Licetus lib. 2. de his qui diu vivunt sine alimento, ait duo esse alimenti nomine donata: alterum est alimentum nomine tantum, non etiam re ac opere; alterum vero est alimentum non solo nomine, sed re atque opere. Primi generis alimentum est alimentum æquivocè dictum quod nutrire non potest; secundi vero generis est proprie dictum alimentum quod verè nutrit. De priori illo aër inspiratus dicitur, quia conservat viventis substantiam temperando æstum caloris nativi, atque adeo prohibendo ne humidum nostri corporis celesiter absumatur: hoc autem dum præstat, quis

aërem propriè nutrire dicat : nemo sanè , sed æquivocè. Idcirco eodem libro subjunxit Hipp. *Pulmonem contrarium corpori alimentum trahere , reliqua vero membra idem alimentum.* Omne enim alimentum , ait Gourmelanus in comment. calefacit augetque caloris nativæ substantiam , aër autem omnino refrigerat. Deinde omne alimentum coquendo crassescit , aër vero quo magis elaboratur eo magis attenuatur. Non est ergo aër , vel Hippocr. teste , verum propriumque nutrimentum , sed improprium & metaphoricum , quale chylus dicitur esse ventriculo , serum sanguinis renibus. Simili explicatione satisfieri potest auctoritati Theophrasti scribentis aëre plantas nutriri , id est juvari : aëris enim beneficio attenuati liquores & succi terræ per fibras plantarum tenuissimas facillimè disseminantur atque derivantur. Quod ergo aëris tenuitas pro vehiculo alimenti existat , dicitur à Theophrasto aër plantarum esse alimentum. Porro miror quomodo Olympiodorus dixerit Aristotelem vidisse virum solo aëre victitantem , cum nullibi apud Aristotelem verba illa extent : imo vero cum ipse Aristot. lib. de sensu & sensili , cap. 5. expressis verbis contrariam opinionem secutus sit , contendens adversus Pythagoreos nulla animalia solis odoribus nutriri. Sed si ipse est Olympiod. cujus meminit Photius in biblioth. non valde mirum est si hoc Aristoteli affinxerit , cum dicat Photius ejus hominis orationem indignam esse quæ historia annumeretur , *Figmenta Platoniorum & Plinianæ de Astomis fabulæ nec fidem nec auctoritatem merentur.* Commemoratur vero Jacob. Dalechampius comment. in

Theo-
phra-
sto res-
ponde-
tur.

Chama-
leon
vesci-
tur
mus-
cis.

An aër
sit mi-
stum
corpus.

Mi-
stum
& im-
purum
diffe-
runt.

Plin. cap. trigessim. tert. libri octavi, post Joseph. Scaligerum & Gesnerum, Chamæleontem locustis, formicis, muscis, aliisque insectis vesci, quæ lingua sua corripit, retineat, & ad se adducat. Quod ipsum compertum habemus de Cane levi & Manucodiata ave, de cuius victu agit Ulyss. Aldroand. Ornith. lib. duodecimo, cap. vigesimo primo. Superest ut Rondeletio & Argenterio satisficiamus, asserentibus aërem nutrire quod simplex non sit sed mixtum corpus. Verum aut aërem concipiunt sub natura elementi puri, aut quatenus à nobis quotidie hauritur & inspiratur. Si primo modo, nunquam diffitebuntur aërem esse corpus simplex, proindeque nutritioni ineptum: Si secundo modo sumpserunt, tum distinguant necesse est inter corpus mistum & inter corpus impurum: mistum enim corpus dicitur quod ex pluribus constituitur secundum minimas partes inter se ita confusis, ut nullius earum natura integra sensibusque conspicua seruetur, sed coeant omnes in unum compositum novæ speciei ac diversæ ab elementis simplicibus ex quibus compinguntur. Impurum verò corpus vocatur, cui additur aliud corpus diversæ naturæ; à quo alteratur quidem ac in sua puritate labefactatur, sed non secundum naturam mutatur. Jam vero aëri, quem haurimus, vapores quidam admiscuntur quibus puritatem labefactant, sed ejus naturam minimè commutant: non faciunt enim sua admistione, ut naturam aëris exuat aër, quod facere tamen deberent si novum corpus mistum constituerent. Igitur aër impurum corpus dici quidem potest, quia vaporum admistione purus ac sincerus non permanet, qualis debet esse sua natura.

ra : sed non potest dici mistum corpus , quod ex illa admistione uovam corporis speciem non constituat. Ex his sequitur falsam esse Argenterii assertionem , indeque colligitur aërem ex censu alimentorum prorsus esse eliminandum.

Quod dictum de igne & aëre , id transferendum ad aquam & terram : In eis tamen major videtur difficultas constitui, quod hæc corpora non sint ad sensum ita simplicia & homogenea atque sunt ignis & aër. Et aqua quidem gravissimos habet sui fautores , rationesque sibi ministrantes nec jejunas nec leves , quas tamen in caput de potu aquæ rejicimus , ubi commodissimè inquireretur num aqua nutriat , aut quem usum homini epota adferat. Superest ergo ut examinemus utrum aliquod alimentum ex terra depromi queat. Non hic desunt gravissimorum virorum auctoritates terram animalibus in alimoniam cedere asserentium. Ac primo quidem Aristot. lib. 8. de hist. anim. cap. 5. lupos ait esurientes certam terram devorare. Scriptum est 3. Geneseos inter maledicta serpentis, *Quod super pectus graderetur & terram comederet cunctis diebus vita sua;* quo fit ut tota hyeme serpentes in latibulis degant sola terra victitantes. Idem Arist. lib. eodem cap. 26. observat elephantes agrotare si comederint terram , nisi ea frequenter utantur , tum enim nihil sentiunt mali. Addit insuper lapides etiam eos interdum devorare. Nemesius Episcopus & Philosophus magni nominis, lib. de natura hominis cap. 1. notat Galeritas, columbas quoque & perdices terram edere: *κόπος οὐ γὰρ ἴδ' inquit, καὶ περὶ τῶν ποταμῶν καὶ περὶ τῶν πτερυγίων γὰρ οὐκ ἔστιν.* Quid plura? Scalig. exer.

Terra
an nu-
triat.

Quæ
anima-
lia ter-
ram
come-
dant.

cit. 182. art. 1. in terra degere, & è terra vivere vult Bufones; Cardan. lib. 7. de rerum variet. cap. 27. multa animalia cœnum edere ait, alia vero lapides ut Indicus Lacertus & vitulus marinus: at nullum animal tot lapides devorare addit ac Lacertum Indicum, in cujus ventriculo maxima copia arenæ & lapillorum inveniri solet. Nicolaus Monardus apud Clusium exoticorum lib. 10. cap. 37. Armadillum memorat (quem Brasiliiani Tatou vocant) animal porcellimagnitudine sub terra talpæ ad instar degens & è terra vesci creditum, quod foris nihil edere conspiciatur. Omitto Strutiochamelum, Mures parios, pisces fossiles, inclusas imis saxi ranas, aliaque subterranea animalia, quæ terra pro alimento uti perhibentur. Subjungo unam aut alteram rationem quæ terram nutrire posse confirmat. Prima ex Cardano depromitur loco citato in hunc ferme modum: Illud omne nutrire potest quod humido pingui constat, atqui omne mistum seu terra fit, seu lapis, humido pingui præditum est, ergo & terra & lapis nutrire potest. Altera ratio Plutarchum habet auctorem Opusculo de capienda ex hostibus utilitate; quo loco scribit animalium ea quæ validissimo sunt ventriculo & sanitate firmissima, lapidibus & testis ali posse, propter spirituum vehementiam & calorem. Tertia ratio omnium firmissima apparet cum ex familiaritate terræ cum animalibus desumpta sit, sic verò se habet: Iisdem rebus nutriuntur animalia quibus constant, atqui animalia multa terra constant, cum plurima sponte è terra nascantur, neque solum imperfecta sed perfecta etiam: imo si Avicennæ, Pomponatio, aliisque philosophis credere licet, homo ipse. Ergo &

Proba-
tur ter-
ram
alere.

homo & animalia tam perfecta quam imperfecta terra nutriri possunt. Nonne Galen. 1. de Sympt. causis cap. 7. & Alex. Aphrodis. Probl. 73. lib. 2. mulieres gravidas interdum cimoliam terram, nonnumquam testas vel extinctos carbones appetere monuerunt? Hippoc. 2. Prorhet. decolores ad longum tempus ait capite dolore, lapides ac terram comedere, & hæmorrhoidibus tentati. Imo vero lib. de superfætatione subdit, ex capite nati infantis se deprehensurū num mater dum grvida esset terram esitaverit. Ut ut se habeant tantorum virorum auctoritates, nunquam tamen apud me impetrabunt, ut terram edulium esse hominum concedam. Quod ad Arist. attinet lupos terra vescentes introducunt, suam ipse non protulit, sed alienam sententiam; deinde ut observat Scalig. comm. in eum locum, notant rusticilupum famelicum non terra vesci ut alatur, sed ut equum aggressurus pondere suo aggravet atque prosternat, deinde terrā remove ac præda exple-ri. Quæ sententia est etiam Alberti Magni lib. 7. de animal. cap. 5. Sed cum Arist. dicat lupos non quamvis terram vorare, sed *in* certā terram, suspicio est eos per famem a terra quamdam viscosam, glutinosam & argillosam recurrere, qua non pro alimento sed pro medicamento utantur: ejuscemodi enim terra corrugatum præ fame & exasperatum ventriculum lenire optimè potest, sicque ad tempus famis molestiam temperare, ut eleganter annotavit Fortun. Licetus lib. 2. de iis qui sine cibo vivunt cap. 103. Serpentes autem qui 3. Genes. dicuntur terram comedere, ad demones transferuntur qui homines è limo terræ formatos perpetuo appetunt, ut inferno devorandos præbeant: Maledictio, inquam, illa non ad ve-

Respon-
detur
prædi-
ctis ob-
jectionibus.

Cur lu-
pi terrā
edant.

Serpen-
tes ter-
ra non
alun-
tur.

rum serpentem, sed ad diabolum referenda est, quemadmodum sentiunt D. August. lib. 11. de Genesi ad litter. cap. 36. Rupertus lib. 9. de Trinitate cap. 18. & D. Gregorius comm. in Psal. 101. Verum ut dem hoc ad serpentes & colubros pertinere quibus apud Esaïam pulvis pro pane esse dicitur, quique apud Micheam lingere perhibentur pulverem; si tamen vim verbi Hebraïci expendamus, non erit quod multum miremur. Tribus enim illis scripturæ locis vocabulum *Aphar*, positum fuit, quo *Humus*, terra limosa, seu lutulenta designata est quæ in se varia insectorum, plantarumque semina continet quod experimento quotidiano innotescit. Si enim terram limosam, hoc est terram aqua madidam ac subactam aliquo vase reponas & exponas aëri, nullis præjectis seminibus. intra aliquot dies & herbulas & vermiculos excrevisse deprehendes. Quid ergo mirum est si serpentes dicantur ea terra vesci cum in ea reperiant vel herbas, vel vermes, vel eorum semina ad esum aptissima? Deinde cum formulæ loquendi sacræ Scripturæ ad hominum captum ut plurimum conformatæ sint, dictum hic est serpentes terra vesci, quia multis mensibus in terra sine cibo vivunt. Vix autem credidissent Israëlitarum tandiu hoc animal posse sine cibo vivere cum viderent cætera animalia quotidiano cibo uti. Quod tamen absurdum non visum est Aristoteli aliisque Philosophis, præsertim cum experientia constet plusquam sexcentos colubros invicem complicatos & conglobatos media hyeme reperiri in terræ cavernis & educi velut mortuos & inanes: qua forma impossibile erat ut aliquo uterentur. Licet autem hæc divini Legislatoris menti non repugnent, attamen existimo serpentem dictum esse vesci terra metonymicus pro eo

quod est vesci iis quæ terra producit, sic enim & eodem capite Adamo præscriptum est secundum 70. interpretum expositionem ἔμικα τὰ ἔσθαις ἡ γῆ ἐν τοῖς ἔργοις σου : ἐν αὐτοῖς φάγη αὐτὴν πᾶσις τὰ ἐν ἡμέρᾳ τῆς ζωῆς σου : *Maledicta terra in operibus tuis, in tristitiis comedes eam cunctis diebus vitæ tuæ.* Nemo non videt dictum Adamo ut comedat terram hoc est ea quæ è terra producantur, idem igitur putandum dictum fuisse serpenti. Venio ad Elephantem qui lapides interdum devorare fertur & impune edere terram. Hic primo si Aristoteli Aristotelem oppo-
no, credo neminem mihi fore succensurum nec multum in ejus auctoritate positurum. Qui ergo dixit Aristot lib. 8. de hist. animal. cap. 26. Elephantem terram comedere, idem eodem lib. cap. 5. dixerat uni lupo hoc evenire solique illi proprium esse. Sed expendamus verba Aristote. Elephas, inquit, ἐδὲν τὴν γῆν, καὶ τὰ πᾶν τῶν λίθων, edit terram, & saxa devorat. Bene dixit saxa devorare ut ostenderet mandi & coqui non posse in ventriculo, sic putari devorant nucleos ceraforum & prunorum; non nulli aurum quoque sed nec coquunt nec conficiunt. Edit autem terram à qua redditur invalidus si ejus esum intermiserit, si non intermiserit nullo documento afficitur. His verbis nemo non videt terram edi ab Elephantem non in cibum, nullus enim cibus dum intronmittitur nocet, sed in medicamentum. Obnoxius est Elephas flatuosis agritudinibus, urinæ suppressioni, & alvi adstrictioni: his domandis malis quidni utatur eo terræ & lapidum genere qui incidendi, detergendi, attenuandi-que facultate præditi sunt? Idcirco dixit Scalig. in eum locum, *Elephantum, inquit, sunt alvini intercepta etiam urina. Terra assuatione præveniunt morbum hunc.* Ut enim instinctu naturaliorum animantes

Elephas
cur ter-
ram
edat.

Aristo-
teles
expli-
catus.

Aves
arenas
edunt.

Histo-
ria no-
tanda.

brutæ suos morbos ita sua noverunt remedia. Nemo ergo curiosius sciscitetur quam terram Elephantum comedant & à quo instincti sint, id enim perinde esset, ac si quis quæreret cur natura sit natura, cur pisces natent, volent aviculæ, quadrupedes incedant. Quod ægrotanti Elephantum est terra, id perdicibus, gallinis, columbis aliisque pulveratricibus avibus sunt arenæ, lateres & nitrum, iis enim rebus aves illæ delectantur non ut alimentis, sed ut condimentis. Idcirco monet Aldroand. Ornithol. lib. 15. cap. primo art. de pastoris Columbarum officio, salsa tam avidè appetere Columbas, ut hospitia non commutent si argillam parietum sale condiveris. Videas itaque eas aves nitrosum pulverem comedentes, qui rimis & foraminibus parietum adhærescit; non ad nutritionem, sed ad deterfionem eorum quæ nauseam eis movere possunt. Ut autem demonstrarem ejuscemodi arenulas in succum alimentarium non converti, sed integras nonnunquam per totum corpus avium illarum deferri, placet referre historiam ex Jul. Cæsar. Scalig. comment. in lib. primum Aristot. de plantis pag. 28. *Perdices, inquit, in ea parte Vasconia cujus ager sabulosus est estivi, offensi sunt dentes inter mandendum, lapillorum duritia, primum ibi cum misero coquo putata est ratio ejus opera non sine jurgio. Ille negare, Atque ut innocentiam securiorem fecerat sui conscia sedulitas, poposcit alam ac momordit. Illico tantumdem causatus sectaminius ostendit lucidissimis arena grumulis differtam, postridie narravi ordine quasi miraculum amicis. Quos inter Regulus quidam aucupii studiosus, Quid mirum inquit si in sabuleis vicitians avis sui cibi refert primordia? ubi factæ sementes sunt, inops pabuli alio se confert Perdix.*

Proinde sues secuta sub sub eribus aut illieibus, glandis, aut Acyli micas qua ex illorum cadunt ore, sabulo obductas vorat Quis dubitabit amplius arenulas illas non confici ac dissipari in ventriculo illarum avium? Profecto si dandum est aliquid nostris conjecturis, crediderim terram, sabulum, arenam, lateritiumque pulverem & alia ejusmodi appeti per famem & devorati à prædictis avibus ad refrigerium caloris nativi: cum enim calor ventriculi earum urgente fame vehementer æstuet, adeo ut colliquationem penè inferat, ad ejusmodi corpora terrea ut pote admodum frigida & difficulter incalescentia refugiunt, quo fervor ille ventris infringatur & aliquo pacto contemperetur, non ut eo veluti cibo recreetur ac foveatur.

Ab his avibus pergo ad bufonem, & lacertum indicum, cujus ventriculua lapidibus & arenulis turgescere narratur. Ac bufo quidem non magis terra nutritur quam serpens, certè cum araneis, & vermibus insidiari sæpe deprehecti: hyeme cum vix appareant corpusque habeant totum emaciatum, nescio quem succum alimentarium è terra depromant, eos potius sine cibo degere tunc temporis concedendum videtur, cum naturam habeant seu temperamentum à serpentibus non admodum dissimile. Ridiculum autem est putare lacertum indicum ali terra, quod ventriculum lapillis refertum obtineat: idem enim erit dicendum de homine in cujus membris omnibus quotidie lapillos & calculos videmus succrescere quemadmodum ex multis auctoribus collegerunt Schæcius in suis observationibus & Donat. Marcellus lib. de Medica historia. Quod vero convincit lapillos eos non nutrire, illud est, quod ii quotidie

Bufo
edit
vermes.

non atterantur, coquantur, dissipent, minuantur, sed potius augeantur ac multiplicentur. De Tartro animali brasiliano, quod nihil edere creditur præter terram, mera fabula est, nam Gesnerus appendice quadrupedum vivipar. hoc animal in nostram Galliam vivum allatum fuisse prodidit, ubi seminibus & fructibus vesci visum sit: ex quo certè eorum hominum sortem deploro qui non nisi alienis oculis vident, aliorumque relationibus nimium fidunt. Strutio chamelum ferrum consumere jam nulli credunt, nisi qui nondum ære lavantur. Mures, pisces fossiles & inclusæ saxi ranulæ quia sine cibo vivunt, idcirco terra vesci creduntur, sed ex dictis quam futilis illa sit ratiocinatio, satis intelligitur. Diluamus modo Cardani syllogismum adstruentis terram & omne mistum humido pingui constare, proindeque nutriendi potestatem possidere. Imprimis falsum est omne mistum humido pingui & aëreo præditum esse: docet enim Aristot. duplex esse humidum: aliud pingue & aëreum, aliud vero aqueum, & aërium quidem humidum nutrire potest, aqueum vero nequaquam, quia est vitæ principii omnino adversum. Sic ut ergo corpora mista naturam suorum principiorum retinent, ita alia sunt humida aërea & pingua, alia humida aquea; ex quo colligitur non omnia mista humido pingui constare, cum aliqua humido aqueo prædita sint. Ac certe inter ea quæ humido aqueo constant, habentur lapides, arenulæ, calculi, quorum materia immediata, si philosophi audiantur, est siccum terreum cum humido aqueo commixtum, quæ occasione lapides ex alimentorum censu expungentur. Quamvis autem dazemus terram hu-

Omne
mistum
non
constat
humido
pingui

humido pingui & aëreo constare, nondum tamen obtineret Cardanus eam nutritioni aptam esse: non enim omne humidum pingue nutrit. Omne quidem quod nutrit humido pingui abundat, sed quicquid humidum pingue habet, protinus nutriendi facultatem non obtinet. Venena enim omnia & medicamenta, pleraque etiam metalla humido pingui abundant, & tamen non nutriunt. Quid ita? Quia nonnulla illorum tam pravis vigent qualitatibus ut calorem nostrum dissipent ac obruant; Nonnulla humido pingui adeo ex igno, aut tam tenaciter confuso, cum sicco terreno prædita sint, ut non nisi ab ingenti & vehementi calore fundi, liquari, ac separari valeant. Talis autem non est calor noster natiuus; imo potius blandus est ac mitis, non est ergo mirum si ea corpora succum alimentarium nobis suppeditare non possint. Concludo ergo contra Cardanum lapides & arenulas humido pingui non abundare, vel certe tam exiguo & tam tenaciter cum sicco terreo fixo, ut calore nostro miti & benigno coqui non valeant, separari, atteri, comminui & in substantiam nostram converti. Quod attinet ad Plurarchum asserentem nonnulla animalia ali testis & lapidibus ob ingentem eorum calorem: hoc doctrinæ gratia aut veritatis ergo non protulit, sed per quandam similitudinem à qua diversum aliud deduceret ac probaret: Quem admodum inquit, qui valido sunt ventriculo serpentibus ac lapidibus ingestis non offendantur, qui autem sunt debili, pane & vino læduntur: sic stulti corumpunt amicitias, sapientes vero etiā simultatibus proficiunt Ex his nemo colligat velle Plurarchum lapides alere, sed quosdam homines tam vivido calore nativo esse, ut quævis edulia conficiant & quævis excrementa &

Pingue
mistum
omne
nō alit;

Plutar-
chi lo-
cus ex-
poni-
tur.

corpore excludant nullo inde accepto detrimento. Restat ultima ratio, qua velut Achille fortissimo ac validissimo utuntur adversarii. Eadem, inquit, generationis & nutritionis est materia, iisdem ergo nutriuntur animalia quibus constabunt: atqui animalia constant terra, alias numquam animalia sponte à terra producerentur, ergo animalia, saltem ea quæ sponte à terra producuntur, terra nutriuntur.

Ani-
malia
sponte
à terra
nas-
centia.

Home
sponte
à terra
produ-
ctus.

Equidem negari omnino non potest, quin pleraque insecta ex terra sponte prodeant absque ulla maris & fœminæ conjunctione. Aristoteles, *Ælianus*, *Olympiod.* *Diod. Siculus*, *Strabo*, *Plinius*, *Mela*, *Oppianus*, *Theophrast.* *Macrobi.* *Jean. Grammaticus* inter veteres, *Fortunius Licetus* lib. de spontaneo viventium ortu; *Guilandinus* in comment. de Papyro, *Baptista Porta* lib. de magia, *Avicenna*, *Cardan.* *Scaliger*, *VVendelinus* lib. de Nilo, *Lipsius* de stoica Philosophia, *Bodinus*, *Pomponatius*, *Casalpinus* inter Neotericos tot exemplis scatent ut de ejus rei veritate nemini dubitare liceat. Sed quod nonnulli velint etiam perfecta animalia atque hominem ipsum eadem ratione produci citra maris & fœminæ congressum, hoc ipsum est quod nec credibile est nec possibile. Verus tamen ea opinio *Platonis* & *Aristotelis* autoritate roborata. Siquidem *Plato* in *Politico* narrat Saturni tempore nulla marium fœminarumque extitisse conjugia; quod omnes ex terra reviviscerent, *ὅς δ' ἐκ τῆς γῆς αἰνῶν κ' ἡ παῖδ' ὅν ἐκ γῆς ὅς ἀνέβησαν οὐκ ὅντο πάντες*. Subdit in *Menexemo* primum hominem *Atticæ* regionis potius de terra quam de matre productum, hac conjectura quod non terra mulierem conceptu partuq; imitetur, sed terram mulier. *Aristoteles* multis in locis preceptoris

ceptoris sententiā amplex⁹ est. *Verisimile est*, inquit libro secundo polit. c. 8. *priscos illos homines, sive ex terra geniti fuerunt, sive ex corruptione aliqua servati, ignaros fuisse & insipientes.* Problemate vero 15. fecit. 10. ut rationem reddat animalium quæ sine coitu maris & fœminæ nascuntur, docet magnas mutationes temporum causas esse generationis majorum animalium, parvas vero minorum. Sed & libro septimo metaphys. cap. 7. vult in iis quæ fiunt natura eadem, & ex semine & absque semine fieri. Denique suam mentem clarius expressit libro tertio de generat. animal. cap. 11. his verbis. *Quamobrem de prima hominum atque quadrupedum generatione, si quando primum Terrigena oriuntur, non temerè existimaveris vel ex verme, vel ex ovo oriri, sed minus rationis est ut ex ovo prodierint, nullam enim generationem animale[m] talem videmus, sed alteram ex verme; scilicet tum sanguineorum, tum exanguium, tum testaceorū.* Hauserant, ni fallor, Plato & Aristotel. ex Ægyptiorum mominentis eam opinionem; persuaserant siquidem sibi Ægypti spontaneo ortu cum reliquis animantibus primos homines in Ægypto velut plantas succrevisse: quod observatum habes apud Diod. Sicul. lib. 1. bibl. cap. 1. Theodoretum sermone 5. de natura hominis, Euseb. preparat. Evangel. lib. 7. cap. 17. Justinum historiarum lib. 2. Justinum Martyrem in Parænesi, Jacobum Martinum Scotum de prima generat. cap. 17. & apud Ottonem Heurnium Lugdunensem Profess. mihi amicissimum egregio opere de Philosophiæ primordiis cap. 13. Indici. Sed cum opinio illa vetustate ac senio deficeret, eam Arabum scholæ renovarunt & ad nos usq; transmiserunt. Algazeles enim, & Avicenna lib. de diluvio, Albert. Magnus lib. 8. Phys. & 2. Meteor.

Petrus dein Pomponat. in Apologia & in libro de immortal. animæ, Joan. Bodinus comm. in lib. 2. Oppiani de venatione, Joan. Fernel. lib. 1. de abditis rerum causis cap. 8. Cefalpinus lib. 5. disquisit. peripatet. cap. 1. Cardanus lib. 9. de subtilit. & comm. in lib. Hip. de aëre, locis & aquis, omnes uno ore asseruerunt animalia, atq; etiam hominem beneficio cœlestium corporum sponte ex terra generari posse, ob multas rationes quas Pet. Aponensis colligit comm. ad probl. Aristot. 15. sect. 10. Picus ipse Mirandulanus inter 900. conclusiones quas Romæ disputandas proposuit, hanc quoq; ex Avicennæ doctrina emisit, *possibile esse hominem ex putrefactione generari*. Denique VVillemus quidam Aneponymus Philosophus non deterioris notæ, industria Guillelmi Grataroli ab interitu vindicatus, generationem illam spontaneam animalium his verbis explicavit lib. 3. de substantiis physicis. *Corporibus, inquit, stellarum sic creatis, quia ignea sunt natura, cœperunt moveri atque ex motu aëra sibi subditum calefacere, quo mediante, aqua est calefacta: ex qua per ebullitionē ignis diversa animalium genera sunt creata: quorum quedam quia plus habuerunt superiorum elementorum aves cœli sunt, quæ ex levitate superiorū & instrumenti habilitate modo sunt in aëre, modo ex gravitate inferiorum in terram descendunt: quæ vero plus aqua habuerūt, pisces sunt, unde in hoc solo elemēto vivere possunt. Istis effectū superiorū sic ex aqua creatis, ubi fuit tenuior aqua ex istorū creatione & superiorum calore est desiccata: apparueruntq; in terra quasi quadā macule in quib⁹ hodie homines & cetera habitant animalia: sed superficies terræ quæ ex superposita aqua erat lutosa, ex calore bulliens, diversa animalium genera ex se creavit; & si in aliqua parte dominabatur qualitas ignis, inde biliosa nata sūt anima:*

lia ut leo; si terra, melancholica ut bos: si aqua, phlegmatica ut porci. Ex quadam vero limo in quo elementorum qualitates convenerant, hominis corpus in orientali regione est factum, est enim ceteris regionibus temperatior. Hæc ille ex quo facile omnes deprehendunt fuisse Philosophos qui non modo imperfecta animalia, sed perfecta omnia oriri sponte ex terra posse, proindeque etiam terra ali & nutriri arbitrati sunt. Verum locus hic non postulat ut in impugnanda impia hac opinione diutius immoremur, quam viri ante me doctissimi expurgarunt; Bernardus Mirandulanus in Monomachia, Pererius de principiis physicis; & Licetus opere proprio de spontaneo viventium ortu: is enim destinatus esse videtur ad ostendendum animalia iisdem rebus non nutriri quibus constant. Quamvis enim illud axioma Aristotelicum recto sensu usurpatum à veritate non abhorreat, attamen sic exponi & intelligi potest, ut falsitatis jure merito arguatur. Quis enim nescit hominem quatuor elementis simplicibus, atque etiam ut paulo altius progrediar, materia & forma velut primis principiis constare? & tamen nullus est qui principiis illis prioribus, vel igne, aere aut aqua puris putis elementis nutriri nos dicat. Deinde si perpetuæ veritatis esset axioma, nutriri nos iisdem quibus constamus, verum quoque esset asserere non nutriri nos iis quibus non constamus, sicque falsum esset panem & vinum nos alere, cum pane & vino non constemus; quod tamen veritati & experientiæ repugnat. Præterea si nutriamur quibus constamus, audiamusque Chymistas nos sulphure, sale & mercurio constare affirmantes; alemur profecto tribus illis; quorum postremus, Mercurius scilicet, in catalogo Venenorum repositus est, sicque Mercurius

An iisdem
dem
nutriamur
quibus
constamus.

Tri-
plex
alimen-
tum.

eodem respectu nobis erit alimentum & venum, hoc est naturam simul fovebit, simul destruet, quod contradictionem prorsus involvit. Sensus ergo huius axiomatis ejusdemodi est, ut nutriamur proxime iis quibus constamus, quasi quis dicat succum alimentarium proximè in nostram substantiam convertendum, habere naturam affinem ac familiarem nostræ naturæ: aliàs impossibile esset ut repararet substantiam nostram, viresque nostras augetet. Idcirco Hip. triplex alimentum constituit: nutriens, quasi nutriens, & nutriturum. Nutriturum alimentum est panis, vinum & caro in chylum cōversa, quæ quia multum remota sunt à natura nostra nondum proximam habent nutriendi potentiam: Alimentum vero quasi nutriens est panis ille, vinum & carnes in sanguinē jam mutatæ, quod enim magis accedant ad nostrā substantiam, dicuntur alimēta quasi nutrientia, hoc est habentia vicinā nutriendi potestatem. Deniq; alimentum nutriens dicitur cum succus alimentarius ex pane, vino & carne multoties alteratis eductus assimilatus fuerit & in corporis substantiam conversus: tumque alimentum illud simile est nostræ substantiæ qua cōstamus, ex quo recte postea infertur iis quibus constamus nos ali; ejusdemque esse rationis materiam generationis nostræ atque nutritionis. Demus vero animalia quædam esse sponte è terra nascentia, quodnam erit eorum alimentum? an pura terra & elementaris, an quid aliud terræ permistum? E quidē quemadmodum ex terra elementari frigida, sicca, & arida manifestum est animalia illa non erumpere, sic certissimū est ea terra non ali; E terra certe animalia illa educuntur, humente, incalescente, spiritib; ad generandum aptis turgente, rerum quoque se-

minibus variis pruriente : etgo eadem ipsa terra automata illa nutriuntur. Ut igitur omnes prædictæ rationes nos non urgent, sic multum non promouent auctoritates Galeni, Aphrodisiensis & Hippocratis, afferentium quasdam mulieres gravidas, necnon iuvenes quosdam, terram, calcem, lapides, absurdaque alia appetere & devorare. Nam aliud est aliquid appetere, aliud appetitis iuari; aliud est devorare, aliud devoratis nutriri & ali.

Appetunt quidem lapides, calcem, terram qui pica laborant, sed rebus illis non nutriuntur, nec reficiuntur. Quod si quis inquirat cur ergo si ea non nutriunt tam avidè expetantur, curve devorata & assumpta perpetuo non lædant, sed recreent, delectent, atque solentur; Imprimis supponendum duco appetitum illum non esse naturalem sed vitiosum ac depravatum, proindeque errare circa suum objectum, non minus quam depravati alii sensus in suis objectis delinquant. Nonne lingua biliosis humoribus imbuta, amara omnia dijudicat? nonne icterici flava omnia intuentur? nonne voluntas ipsa depravata vitiis turpitudinibusque incumbit, & vitiatus intellectus falsis atque absurdus opinioibus acquiescit? Appetitus quoque ipse propter organum, hoc est ventriculum pravis succis atque fœculentis humoribus obsessum depravatumque, res obscœnas, absurdas & insipidas, pro legitimis, sapidis, succulentisque eduliis avide exposcit & affectat: sicque terra, calx & similia appetuntur sub ratione boni quamvis re vera bona non sint nisi erranti atque depravato appetitui. Quod ad alterum attinet, quo petitur cur terra, calx, carbo & similia devorata, cum non dicantur altere, perpetuo non lædant sed sæpenumero solatium delectationemque afferant; non est sine magna difficul-

Cur ab-
surda
appe-
tantur.

tate, quam tamen paucis verbis conabor explicare. Sequar autem ratiocinationem Capivaccii, Latini Tancredi, & Augenii. Hieron. Capivac. Practicæ lib. 3. cap. 7. dicit discrimen quod quis male affecto ventriculo appetat capones, alius carbones appetat, repetendum esse à causa morborum quæ sit vel minoris vel majoris activitatis. Minoris est activitatis quotiescumque minus recedit à naturali statu, nec tam pertinaciter mali succi adhærent ori ventriculi. Majoris est activitatis dum magis recedit à naturali statu & præterea altius in hærent succi ori ventriculi. Itaque succi quatenus sunt præter naturam in ventriculo, sunt causa appetitus cōtrarii: sed quatenus sunt exiguæ activitatis, sunt causa appetitus contrarii, sed boni: At si succi illi præter naturam sint insignis activitatis, erunt causa appetitus contrarii non boni, id est non alimentatis, sed medicinalis. Ratio est, quia pravus succus potius à medicamento quam ab alimento corrigitur: verbi gratia calx est efficacior ad absumentum materiam impactam quam panis bis coctus: urina etiam magis strenue absument succum vitiosum quam aqua, nam alimentum magis à corpore paritur quam agat, medicamentum magis agit quam patiatur Latinus Tancredus lib. 3. de fame & siti cap. 4. vestigia Capivaccii premens scitabit humorem illum prævium impactum ventriculo, quia alendo corpore aptus non est, pariter ea expetere quæ inepta sunt nutritioni, sed sunt medicamina magnæ efficacitatis: carbones enim, calx, terra & alia ejuscemodi succum vitiosum destruunt, sunt quippe sicca, & detergentia, idcirco absument, corriguntque detestandam materiam. Horatius Augenius tomo primo epistol. medicinal. lib. 3. pag. 427. docet eos qui

rebus illis absurdis non læduntur, uti illis rebus non velut alimentis, sed velut medicamentis morbo oppositis. Ex quibus omnibus tandem colligimus non esse validum argumentum ad probandam è terra nutritionem si ex Hippocr. & Galen. producantur nonnulli qui terram appetant, & comedant: primo enim naturalis non est, sed morbosus & depravatus ille appetitus; deinde comestio illa non est ut alimenti, sed velut medicamenti ut ex clarissimis viris satis dilucide probatum arbitror. Tandem igitur concludo terram elementarem nec animalibus brutis, nec ipsi hominialimentum esse.

Cæterum ex rebus quæ toto orbe continentur, adstruximus nec accidentia nec simplicia corpora in censu alimentorum esse reponenda: restat igitur ut mista corpora vim nutriendi possideant. At mistorum cum duo sint genera; inanimata & animata, examinandum insuper est utrum mista inanimata, edulia homini esse possint. Ad inanimata autem mista revoco omnia mista imperfecta quæ *ὑπὸ φύσιν* nomine designantur, & perfecta mista quæ metallica sunt & fossilia, ut succi metallares & lapides omnis generis. Porro si probavero perfecta mixta inanimata nutrire hominē non posse, puto quoque & eadem opera me satis probaturum mista imperfecta minime etiam nutritura. Ad hoc autem constituendum nonnulla pro fundamento supponenda sunt, ex quibus deinde certa elicietur conclusio. Primum suppositum petitur ex parte alimenti; quod quidem debet esse primo amicum familiareque corpori alendo, secundo coctile & superabile, tertio humidum, pingue & aëreum, quarto lapidum, quinto ejusdem rationis cum iis quibus corpus alendum constat. Secundum sup-

Concluditur terram non alere.

An mista inanimata nutrant.

1. Fundamentum.

Alimenti conditiones

2. Fundam.

Metal-
la vitæ
adver-
sa.

Metal-
la in-
cocti-
lia.

Metal-
la sicca
& ari-
da.

Metalla
insipi-
da.

positum est à parte corporis alendi ; cuius quidem proprium est ut quo delicatius , præstantiusque existit, eo delicatiori præstantiorique cibo alatur, & quantum fieri potest, maxime simili & conformi. His jactis fundamētis, primo nemo ignorat omnia metallica terreaque corpora nullā familiaritatē cum corpore humano possidere, sunt enim ea omnia desiccantia atque ut plurimum frigida ; ergo adversantur principiis vitæ quæ in calido & humido consistunt. Secundo loco incoctilia sunt atque insuperabilia à calore nostro nativo ; eorum enim consistentia tam firma est, dura, tenax, & fixa, ut nonnisi vehementissimo igne dissolvi possint. mirum ergo non est si à calore nostro qui mitis & benignus est, coqui & superari non possint. Tertio; tantum abest ut substantiam habeant humidam, pinguem & aëream, ut vice versa siccam & aridam hæc obtineant : Siccitas autem illa terrea, mista & conjuncta ut plurimum est cum pauco humido aqueo sicque nullam alimenti conditionem retinet ; interdum tamen cum humido quodam viscoso ac tenaci colligata est, cujus gratia alere credi posset; attamen humidum illud adeo tenax est ut benigno calore dissolvi non queat, quia longa diuturnaue coctione partiumque tenuissimarum & benignissimarum firma evaporatione coaluit ; sicut videmus accidere in tophis aut tumorib. scirrhis, qui rerum calidiorum admotione & applicatione sic interdum obdurescunt & coalescunt, ut nullis malacticis medicamentis, nullis emollientibus solvi queant: quarto, nullum terreum metallicumque corpus sapidum est, sive per se sumatur, sive assatione, elixatione, frixioneve appareatur. Potest quidem aliquod alimentum verum, per se sumptum nihil aut

etiam malè sapere, sed si apparatus fuerit aut co-
 ctum, gratum jucundumque saporem acquirit.
 Idcirco dedit natura gustum animalibus anima-
 lem. naturalem vero plantis; ut nihil quod sibi sa-
 peret, attingerent. Quod dico plantas gustum
 naturalem habere nemo turbari debet, nam si
 duas plantas diversæ naturæ aliquo loco posueris,
 ambæ nihil attrahent nisi quod illis lapidum est,
 ubi quædam earum nihil quod sapiat invenerit,
 tum nihil suget amplius, nutrieturque ad tempus
 suo succo, donec tandem tabescat & exarescat.
 Id observantur in alliis & violis, quorum illa vio-
 larum vicinia gravius fœtent, hæ aliorum præ-
 sentia suavius redolent. Unde hoc? quia violæ &
 allia sibi lapidum & conveniens alimentum alli-
 ciendo, defœcant & repurgant alimentum vicini
 sui. Nemo autem ignorat quo quid alitur purius
 eo fœlicius valere, & actiones suas edere: hinc
 est quod allia quia purius aluntur, melius valeant,
 hoc est gravius fœteant ad quod destinata sunt:
 violæ vero suavius oleant, quæ est earum natura-
 lis dispositio. Quæris autem qua ratione vicinæ
 hæ plantæ alimentum sibi purius reddant; res-
 pondeo quia minus excrementosum faciunt. Eo
 in loco si solæ violæ aut allia succrescerent, tra-
 herent quidem succum sibi convenientem & sa-
 pidum, sed fieri non posset quin succus ille secum
 raperet aliquid minus amicum ac familiare violis
 aut alliis: At ubi duæ illæ plantæ eodem loco
 crescunt earumque singulæ conveniens alimen-
 tum trahunt, quia naturæ contrariæ sunt, con-
 trarium idcirco alimentum trahentes, faciunt
 ideo ut alimentum vicinæ minus alieni succi &
 excrementitii retineat, quo autem excremento-
 sum minus est alimentum, continuo purius, va-

Datus
gustus
in plan-
tis.

Cur
violæ
alli vi-
cinia
suavio-
res.

Metalla
ut con-
veniunt
cum
homi-
ne,

Obje-
ctio
gravis.

Solu-
tio.

lidius, jucundiusque evadit, unde vigor, & salu-
britas. Postremo metallica ejusdem rationis non
sunt cum iis quibus corpus constat, nec proximo
genere conveniunt, quod tamen est necessarium:
propterea quod nutrimentum oporteat converti
in corporis nutriendi substantiam. Conveniunt
quidem metalla & hominis corpus genere remo-
to, quia sunt corpora perfecte mixta, at diffe-
runt proximo, quia metalla sunt mixta inamina-
ta, corpus hominis mixtum est animarum. Scio
Cardani & aliorum quorundam eam fuisse sen-
tentiam, ut metalla crederent animata: sed quod
videam eos ob omnibus deferi philosophis & ex-
perientiam communem reclamare; propterea in
ea oppugnanda sententia minime immorari ne-
cesse est. Urget magis quæ ex dictis educitur ra-
tiocinatio: siquidem verum est ea tantum esse ali-
menta, quæ proximo genere conveniunt, alimenta
oportet omnia animata esse, nihil enim nutritur
quod animatum non sit: atqui ut datur hominem
ali brutis, bruta plantis quæ animatæ sunt, sic ne-
gari non potest plantas ali succo terræ qui minime
animatus est: non ergo perpetuæ veritatis est
axioma, alimentum & alitum proximo genere de-
bere convenire, cum succus terræ inanimatus non
conveniat cum plantis quæ animatæ sunt. Huic
difficultati enodandæ confugiendum est ad suppo-
situm nostrum secundum, quo adstruximus, eo
præstantius ac nobilius esse alimentum quo id
quod nutritur excellentius nobiliusque est. Ab
hac suppositione habemus primo terrea corpora
& metallica, alimenta non esse hominis; cum ho-
mo nobilissimus sit omnium viventium, metalla
inferiorem gradum obtineant quam plantæ &
brutæ animantes. Secundo colligitur brutas ani-

mantes convenientius esse nutrimentum hominis
 quam plantas, quia plantæ inferiores sunt ani-
 mantibus brutis. Tertio, constat inde ex ani-
 mantibus brutis eas optimum esse cibum homi-
 nis quæ magis homini temperamento affines sunt
 & conformes. Sic *suilla caro* teste Galen. lib. 3. de
 aliment. *omnium ciborum potentissime alit*, quod
 carnis humanæ similitudinem maximam possi-
 deat. *Suilla carnis*, inquit Galen. loco citato cap. 1.
similitudinem cum humana ex eo poteris intelligere,
quod quidam carnes humanas pro suillis, sine ulla in-
gustu vel olfactu suspicione comederunt, id enim ab
improbis hospitibus & aliis quibusdam factum fuisse
jam compertum est. Quarto: inde quoque deduci-
 mus ex plantarum partibus eas magis hominem Nota
 nutrire quæ magis excoctæ fuerunt, sic fructus
 magis nutriunt quam radices, quia secundam
 quamdam coctionem adeptæ sunt: semina & gra-
 na adhuc magis quam fructus nutriunt, quia
 tertia quadam coctione sunt ematurata. Denique
 quemadmodum ex ea suppositione colligimus
 proprium conveniensque alimentum hominis esse
 brutas animantes ac præterea plantas quæ ani-
 matæ sunt & conveniunt cum eo in genere pro-
 ximo viventium quorum nutritio propria est:
 deinde vero brutarum animantium nutrimentum
 proximum esse plantas: sic fatemur succum terræ
 alimoniam esse propriam plantarum. Sed suc-
 corum terræ duo sunt genera: alii enim sunt fœ-
 cundi, humentes, spiritibus turgidi, rerum se-
 minibus referti, atque ut ita dicam in proxima
 potentia ut sint animati: alii vero sunt steriles,
 aridi, jejuni, rigentes, ac ut ita dicam emortui.
 His non aluntur plantæ, quia potentiam nullam
 habent ad vitam, illis maxime delectantur atque

Terra'
 duplex.

Aristo-
telis
exposi-
tus lo-
cus.

reficiuntur, quod conformitatem maximam seu
affinitatem cum plantis habeant, sintque in proxi-
ma potentia ad vitam. Quod confirmatur ex prin-
cipe Philosophorum Aristot. lib. 2. de anima text.
46. Scribit enim eo loci. *Quoniam nihil alitur quod
vita particeps non sit & animatum, idcirco alimen-
tum dicitur ad animatum esse & non ex accidenti: id
est, quia corpus alendum tale est per vitam & animā,
ideo alimentum habitudinem & relationem habet ad
corpus illud quatenus animatum est & vivum, non
quatenus est corpus; ergo relatio illa alimenti, cum
sit per se non per accidens, erit secundum esse, non
secundum dici: quod si ita est, omne alimentum erit
animata rei vel pars vel fructus vel id simile, eo-
que maxime quod tale nutrimentum materiam obti-
neat aptam induere immediate formam & animam
ejus quod alitur, in cuius substantiam commutari ejus-
que formae subijci per nutritionem ipsum oporteat,*
sic enim Aristotelem explicavit Fortun. Licetus
cap. 10. lib. 2. laudati operis. Possset hic examinari
gravis difficultas de auro potabili Chymistarum,
quo sustentari vita ad multos dies creditur, sed
nolim obvia quæque quasi ex occasione arripe-
re. Legatur Thomas Erastus dispositione de auro
potabili, Licetus libro quarto prædicti operis
capite quinto, Dessennius adversus Georg. Fe-
dronem & alii quos brevitatis causa omitto. Con-
cludo corpora mista inanimata, siue perfecta sint
siue imperfecta homini nullatenus esse posse ali-
menta, tum propter rationes à me adductas, tum
propter multas alias quas attulerunt licetus li-
bro citato capite tertio, & Hieronymus Dandinus,
in libro secundo de anima comment. 53. digres-
sione 75.

Desinivimus tandem sola mista animata ho-

mini edulia esse : jam ergo facilis erit alimenti distributio & divisio ut ordine de unoquoque edulio disputetur. Alimentum igitur hominis, vel à plantis, vel ab animalibus desumitur : **A** plantis, herbis, fruticibus, arboribus, quæ vel totæ vel secundum quasdam partes in cibum veniunt. Animalia sunt terrestria, volatilia, aut aquatilia, quæ etiam secundum se tota, aut secundum quasdam partes suas aut secundum excrementa in edulium assumuntur.

Porro ut ab herbis exordiamur, aliæ sunt fruges, aliæ legumina, aliæ hortenses. Ad fruges pertinet triticum ex quo Panis componitur ; de quo cum Salernitanis hoc capite nobis est agendum. Cerealium enim seu frugum alimentum penes panem maximè attenditur, licet alia quoque ratione fruges mandentur. Nam & frumentum, & hordeum, & oriza, & milium, interdum cum aqua coquuntur, interdum cum lacte, imo farina ex illis frugibus aliquando coquitur in pultriculam, sed commodior earum præparatio & utilior est in Panem.

Triticum vero cum dico, intelligo excellentissimum illud reginæ naturæ templum, atque habitaculum vegetabile balsamumque pretiosum, quod ab ignis figura pyramidali aut pari cum eo utilitate *πυρὸς* græcis denominatur. Ejus autem nomine generaliter *frumentum* significatur quod ex *spicis tritum ac trituratione repurgatum est*, ex *Significatio.* Diodon. in histor. frumentum cap. primo. In jure etiam civilitriticulum videtur quam sepius pro toto frumenti genere usurpatum l. triticum. ff. de verborum oblig. ubi Accursius generale nomen esse dicit omnium quæ in area teruntur, quod confirmat Stephan. Forcatulus tractatu de alimentis.

Divisio
feu spe-
cies.

c. 6. Est autem Triticum apud Colum. lib. 2. c. 6. tritium generum. Primum genus durum solidumque atque rutilo colore non solum extrinsecus, sed interius etiam splendens *Robus* appellatur, pōdere & nitore præstans. Alterum mollius est, lenius, interiori medulla laxius, candidumque, quod veteres *Siliginem* vocaverunt. Tertium genus *τρίανθος* & *σπένδιος* dicitur Latinis *trimestre triticum ac seranium*, Gallis *Martium*, quod Martio mense feratur. Ex omnibus vero laudatissimum habetur, cui prædensa confertaque est undique substantia, sic ut dentibus vix queat confringi, colore autem subflavo est: observant tamen nostri Pistores ex candido tritico panem lautiolem fieri quam ex rufo, sed leviolem & qui minus alat. Dioscorides triticum laudat recens, perfectè maturum & colore luteum, deinde trimestre, è cuius farina paratum panem leviolem cibum præbere & qui facile in membra digeratur, asserit lib. 2. cap. 78. Porro quod Columella *Trimestre* vocat triticum, id Plinius *trimenon*, Pollux *ἐπίτιος*, Cicer. *Hornotinum*, Diocorides *τεμνινάιον καὶ σπένδιον*, appellavit; quæ vox trimestre quoque significat. τὰς enim (ut notat Cornarius emblem. 74. in lib. 2. Dioscorid.) designat ἐν τῷ δὲ τῷ ἔτει. Dore autem σπένδιος dicunt; unde σπένδιος *πυρός*, quod apud Hippocratem Galenus exponit in glossis, τὸν ἐκ τῷ ἐννεκῷτος ἔτος, τὰτ ἐστὶ τὸν τῷ τὸ ἐπὶ ἐσπαρμένον. Adeout *seranium* triticum *hornum* dicit queat, cum Vere seminatum, æstate metatur. Matheolus comment. in cap. 78. lib. 1. Dioscorid. triticum optimum censet quod est *fructu contumax*, densum, grave, colore aureum, lucidum, lave, trium mensum, maturum, mundum pinguique terra oriū. Improbatur fractu facile, rarum iustus, subinane & laxum. Si quis de colore

quærat, flavum magis laudatur, cum ab eo triticum Græcis *πυρρός* dicatur, quasi *πυρρός* & Latinis *Robus* ab eodem colore flavo quem veteres *Robeum* prima syllaba producta & *Robeum* appellabant, quemadmodum ex Servio probat Dalechamp. libro quarto histor. plant. cap. 1. Licet autem tres solum tritici differentias attulerimus, plures tamen existunt aliæ, seu ex loco, seu ex viribus, seu ex forma, seu ex aliis circumstantiis depromptæ; quarum meminerunt post Theophrastum Matheol. & Dalechampius locis citatis.

Cæterum tritici integri partes tres potissimum: *Tritici arista, gluma, & granum.* *Arista*, seu *spica*, velut acus tenuis eminet è gluma apicis instar, dicta *arista* quod prima arescat, & à spe vocata *Spica*. *Gluma* folliculus est grani à glubendo quod eo folliculo deglubitur granum, quod propriè triticum est. Tritum & comminutum triticum *farina confusanea* dicitur; cuius partes tenuiores ac puriores generali nomine *farina creta* vocantur, crassiores ac impuriore *Furfur*. In priorè parte, quod purissimum, mollissimum, tenuissimum & ab omnibus furfuribus exactissimè repurgatum, *Flos* & *Siligo*, translato à candidiore tritico nomine nuncupatur, Græcis *σλίγης καὶ ἀλδοῦν λεπτὸν*; quod autem nec omnino purum ac tenue nec penitus crassum ac impurum residet, *Similago* & *Simila*, vulgo Græcis *σμιδαλὶς* vocatur, quæ tenuis est quædam farinæ pars siligine seu flore impurior, cum ex ea non omnes excussi sint furfures sed crassiores tantum repurgati. Uno verbo medium quoddam genus videtur esse inter florem & farinam confusaneam.

Tritici
partes.

Farinæ
partes

Jam autem *Furfures* seu crassiores farinæ par-

172 DE CONSERVANDA

tes sunt vel reliquæ floris seu filiginis excussæ; Pollen Corn. Celso dictæ, vel reliquæ Similaginis, quas prisca Canicas, Græci πτυες, Palladius creturam, plerique utriculos & extra tritici nominant, sicuti relatum est à Dodonæo in historia frumentorum.

Panis
ethy-
molo-
gia.

Hæc fuerunt necessario præmittenda ad panis optimi notas ac differentias constituendas, quæ ex genere tritici desumuntur. *Panem* qui dicit, dicit lautissimam aquæ, fermenti & farinæ mixturam, suavissimumque hominum edulium, qui quia uno gentium consensu in usum & esum admittitur ἀπὸ τῆ παντός nominatus est: *Panis*, inquit Isidorus libro vigesimo Ethym. dictus, quod cum omni cibo apponatur, vel quod omne animal eum appetat. Becmanus appellatum vult quod instar omnis alimenti & maxime necessarij existat. Nonnulli ob alimenti copiam quam præbet sic vocatum crediderunt apud Athen. libro tertio Deiphos. Nam Messapii καὶ τὴν πλησμονὴν πανίας vocabant, καὶ πάντα τὰ πλοῦματα: ἀπὸ τῆς πανίας vero deductus πανός Panem designans & denominans. Græci philosophi à perfectione, Pani ἄρτος nomen dederunt, est enim inter omnes figuras circularis perfectissima, & absolutissima, ut ait Asclepiades apud Athen. libro undecimo. Rem eleganter exposuit Aristophanis Scholiastes in Pluto ad scenam quintam act. 2. ἄρτους, inquit, ὧς τὸ ἄρην, προσφέρειν ὅθεν καὶ προσάρματα αἱ ἑσφαὶ διὰ τὸ τῆ χήματος ἄρπον, ὃ ὅτι τέλειον. οἱ γὰρ ἄρτοι κυκλοτερεῖς εἰσὶν εἰς ὁμοίωσιν τῆς τῆ παντός σφαίρου δέξας, ἢ καὶ ἄρτοι λέγονται, οἷον αἱ ἄρτοι, διὰ τὸ τῆ χήματος ἄρπον, ἣν τέλειον, quod repetitur & ab Eustatio in libr. Iliad. 2. & ab auctore magni Ethymologici in voce ἄρτος. Quod ergo rotunda figura panis fieret, idcirco dictus

ἄρτος

ἄπρος Græcis & Panis Latinis, πᾶν enim universum seu mundum designat, quem esse rotundum nemo nescit.

Sed his omiſſis expendamus qui panis omnium laudatissimus existat, quosque usus homini afferre soleat. Differentiæ panis desumuntur vel ex materia è qua paratur, vel ex ejus præparatione. Materia aut pro necessitate est, aut pro condimento. Materia necessaria est *triticeum* in farinam comminutum, *fermentum*, *Sal* & *Aqua*.

Panis
diffe-
rentiæ.

Cum dixerimus quatuor esse in *farina confusaneas* A feri-
na.

partes, necesse est ut totidem genera panis existant. Ex flore farinæ quæ *Siligo* dicitur, paratur Panis *Siliginæus* ac *μαλγυνός*; ex *similagine* quæ post florem purior est farinæ pars, *Similaceus*, seu *σμιδαλίτης* conficitur: ex polline quæ pars furfuris minus impura & crassa est, *Cibarius* coquitur, ater, gregarius ac sordidus Græcis *πύραρος*. Ex *furfure* fit *Furfuraceus*, *Canina-cæus*, Pacuivio, Festo *Acerosus* καὶ *πυρναίος*. Denique ex *Farina confusanea*, constat Panis *Domesticus*, αὐτόπυρος, συγκομιστός, ἀλδεΐτης, ζετυπυεΐτης, *πιερός*, καὶ *χαρύτης*, quem nonnulli *Cibarium* vo-

A Fer-
mento.

cant. Jam vero ratione *Fermenti* alius cum fermento dictus *ζυμῆς* & *Fermentatus*; alius sine fermento *ἄζυμος* vocatus & à Nicandro *διζατος*.

A *Sale* alter dicitur *Salitus* qui cum sale est, alter *Non salitus* qui sine sale paratur. Ab *Aqua* nulla panis differentia, licet magnum habeat in pane momentum, nam à laudabili aqua panis lautior, suavior & laudabilior evadit. Sic apud Parisinos cum idem sit genus tritici ex quo Pistorum urbis & Pistorum pagi Gonetii (qui aliquot duntaxat milliaribus ab urbe distat) panem conficiunt, suavior semper est & salubrior *Gonetia-*

A Sale,
Ab
Aqua.

rus panis quam *Parisinus* non alia ratione quam propter aquas quæ Gonetii meliores sunt & salubriores. Similiter aqua si frigidior fuerit, aut paulo calidior, bonitatem panis imminuere potest, proinde semper cavendum est ut moderatè calida existat, tam in dissolvendo fermento, quam in subagitatione. At vero materia panis condimento apta, varia est, varias idcirco Panis differentias atque species constituens. Nam à Butyro *Butyriatum* panem, à Caseo *Caseatum*, à Croco *Crocatum*, à Saccharo *Saccharatum*, ab ovis *Ovatum* denominant, quas species revocare soleo ad Placentarum genera quibus peculiarem disputationem designamus.

- Mistio**
Panis. Porro preparatio panis spectatur ante coctionem, in ipsa coctione, & post coctionem. Ante coctionem mistio & subagitatio considerari debent. In mitione fermenti & salis addit modus quem gustu deprehendes, ex quo *Sapidus* dici potest Panis aut bene mistus, vel Insuavis ac male mistus. Subagitatio nec nimia esse debet, nec pauca, sed moderata, moderata tamen est plurima, plurimum enim subagitari debet panis optimus, à qua preparatione Panis vocari solet bene, vel male subactus aut subagitatus. Coctio pro ratione loci in quo peragitur Panem denominat. Locus est *Furnus* aut *Focus*, ab illo *Furnarius* panis, ab hoc *Focarius* nomen sumpsit. Prior ille duplex est: *Clibanites* seu *testaceus*, in testis, seu furnis portatilibus; & *isyrinus* in majori furno coctus. Posterioris multiplex est differentia. Prima, *εσχαεῖτης* super craticulam tostus: secunda, *ἐπαντεγνῆς* super cineres calidos excoctus: tertia, *ἐγκρυοῖας* seu *ἐγκλειστος* *Subcinericius* qui cineribus obductus coquitur,

Denique post coctionem variæ denominationes Panitribuuntur: Alius enim est *Coctus*, alius *Incoctus*: *Coctus* vel semel, vel bis. *Biscoctus* vocatur διπυεῖν καὶ διέστος, cujus duplex est differentia. Prior est *Siligineus* ex tritico puriore confectus, posterior *Sordidus* & *Nauticus* ex impuriore. Quidam vero *Recens* est aut *vetus*. *Recens* rursus, *calidus* seu *tepens*, vel *refrigeratus*. Nonnulli quoque dicuntur *magni*, *parvi*, *spongiosi*, *solidi*, *leves*, *ponderosi*, & sic de cæteris. Jam vero cujusnam sunt facultatis singulæ illæ Panis species? *Siligineus* purissimum corpori tribuit alimentum atque plurimum viresque auger: cui proximè accedit *Similaceus*; *Cibarius* & *Ater* minus quidem alit, sed magis per ventrem descendit ob admistos furfures quibus vis inest detergendi. Idcirco memini virum doctissimum *Pet. Milon* Archiatrum *Henrici Magni* Regis Christianissimi, in jentaculo atrum semper panem assumpsisse lubricandæ alvo. *Furfuraceus* minimè omnium nutrit, sed maximè omnium per alvum secedit. αὐτόπνεος satis optimè quidem nutrit, citoque alvum petit, sed nutrit minus quàm *Siligineus* & *Similaceus*; magis vero quàm *Ater* & *furfuraceus*; nec tam cito secedit quam duo isti postremi; at citius quàm priores duo. *Fermentatus* levior est & coctioni distributionique aptior quam *azymus*, aut *acrizymus* qui δύσπεπτοι sunt, ventriculum gravant, venasque obstruunt: sed magis *Azymus* quam *Acrizymus* in quo aliquid inest fermenti; sed minus quam oporteat. *Salitus* salubrior, jucundior, levior non salito qui difficilioris coctionis habetur. Insalubres autem sunt omnes qui præter salem aut fermentum, caseum, buty-

Panis
facul-
tates.

rum, vel quid simile admittunt; evadunt enim *Νύκτες*, ventriculo graves; generandisque obstructionibus opportuni. *Sapidus* panis insipido præferendus, maximè cum ex modulo mistionis suavitas illa exurgit. Male *subagitatus* panis obstruit, inflat, onerat. *Clibanites* *ἑσπερίος* omnium optimus est, quod, ut ait Galen. 1. de alim. facult. cap. de tritico *per totum seipsum aequaliter coctus sit*. Quo loco observabis ex Mercuriali libro primo var. lect. cap. 12. errare eos qui credunt eum panem in majoribus furnis, Iphitem verò in minoribus coqui solitum: ac proinde eum panem magis similem fuisse pani nostro biscocto, quam nostro vulgari. Erat enim Clibanus, ut scribit Cassiodorus in psal. 20. *coquendis panibus aenei vasculi deducta rotunditas quæ sub ardentibus flammis ardet intrinsecus*: quem Cato lib. 2. de Rep. cap. 74. testum visus est appellare. Quod autem Clibanus major furnus esse non possit, colligimus ex Aristoph. in Acharnensibus, ubi Dicæopolis legatum irridet, qui bones è clibano integros in convivio appositos jactabat, quod tamen à ratione alienum non fuisset penitus, si furnis nostris majores fuissent Clibani. *Furnarius* panis præcedente paulo deterior est, quia in profundo non similiter asatur. Tostus super craticulam, cineres calidos, aut foci pavementum, pravus; ut qui inæqualiter se habeat, exusta namque superficie partes intimæ crudæ relinquuntur. *Subcinericius* omnium deterrimus, quod cineres pravitatem illi aliquam aspergant. *Biscoctus* vim habet desiccandi & cum siligineus est, minus omnium excrementi relinquit. *Recentes calidi* siticulosi sunt, flatusque pariunt atque suffocationes:

Recentes frigidi salubriter atque jucundè effi-
 tantur : biduani triduanique neque gustui grati
 sunt, neque utiliter eduntur ; quod præ siccita-
 te concoquantur ægrius, minusque nutriant.
Vetus panis durus & mucidus situmque reci-
 piens, humorem melancholicum generat, alvum
 adstringit, ægreque conficitur. *Magnus panis*
 & maximæ molis valde nutrit, quod ignis ejus
 humidum non excoxerit, gravitatem tamen af-
 fert ventriculo & flatus excitat quod æqualiter
 coctus non sit undecumque. In *parvo* & mi-
 nori ignis violentia crustam justo majorem un-
 dique inducit, proinde sanguinis assati materia
 est, & siccitatis causa : *Mediocris* itaque *ma-*
gnitudinis panis magis laudandus. *Spongiosus* &
levis, *solido* & *gravi* præstantior ; nam & le-
 viteralit, & obstructions in visceribus mini-
 mè creat. Ex his colligimus panem siligineum
 ex tritico maturo non admodum recenti nec
 vetusto, solo pingui enato, tineis, pulvere,
 lolii semine, nigella aut pruina minime vitiato,
 non imbre madido, aut ex asservatione fœti-
 do confectum, benè pertritum, fermentatum,
 salitum, coctum, omnium esse ut lautissimum
 sic saluberrimum. Primo enim non parum in-
 terest quo solo triticum provenerit considerare ;
 macrone an pingui, humido ac uliginoso, an
 sicco ac perflato : nam planè vitia soli secum
 triticum refert, ex quo redditur aridum nimis
 aut tenue, vacuum aut pingui nimis humore
 densatum, cortice furfurisque parte plurima,
 farinæ exigua constans. Sic ex commentariis
 decurionum Parisensum colligimus, quatuor ge-
 neribus tritici, ut electissimis ac probatissimi
 uti Parisenses ad Panificium, quæ ex agris qua-

Panis
opti-
mus.

Solum
tritici
confi-
deran-
dum.

278 DE CONSERVANDA

Triti-
cum re-
cens.Mola-
rum
discer-
mina.

tuor urbi vicinis asportata sint; *Belfico*, *Francico*, *Bryao*, & *Namierreo*, *blé de Beauce*, *de France*, *de Brye*, & *de Namerre*. Secundum observandum, ne triticum quamvis laudabile statim ex area ad molam mittatur, sed aliquo tempore asservari debet in loco sano minime fœtido aut humenti, sed alto & perfato, ut excrementitius humor exsiccetur. Cum recens ex area molitur, plusculum farinae reddit sed excrementitiæ; cum diutius asservatur, siccam farinam & modicam exhibet. Ipsum præterea repurgabis rebus inutilibus, ut pulvere, loligine, nigella & aliis quæ vitiosum alimentum generare possunt. Sic mundatum tum demum molæ committitur, sed molarum haud parva sunt discrimina, penes duritiem, soliditatem & colorem. Probantur ex durissima lapidum materia, nam molliores & teneriores, ut ait Bruyerinus de re cibaria libro sexto capite secundo, *atteruntur*, *eroduntur*, *semperque relinquunt aliquos calculos versando ac rotando*, qui farina confusi ac misti gratiam & salubritatem panificio adimunt, & plerumque dentibus admodum noxii sentiuntur, cibisque ex ea confectis commendationem detrahunt. Laudantur quoque ex solidis lapidibus. Circa Tholosam fiunt molæ ex saxo arenaceo, rubro, candidis maculis distincto, in quo raræ rubræ, quas Græci *τροειπλωος* vocant generantur: quocirca id genus saxa omnia (si credimus Guilandino comment. in Plinium) priusquam molas ex eis faciant, *perfringunt*; quod ni fecerint, rana ubi cum molæ versantur concaluerint, inflari solent, & disruptis molis frumenta veneno inficere. Hactenus Guiland. Color quoque necessarius in molis; quo fit ut molis candidis triticum comminuant, ni-

gris fruges minutas frangant. Præterea videntur qua vi impellantur molæ, nam pistrinorum alia vivis aquis agitantur, alia per rotas pensiles vi æolica hoc est ventorum flatu versantur: dicuntur autem farinæ Aeolicorum pistrinorum deteriores farinis aquatiliū pistrinorum. Credo quod uniformis est ac pene semper æqualis agitatio molarum per aquam, inæqualis valde per ventos, qui modo validius modo lenius spirant, itaque pistura tritici per aquam æqualis, æqualitatem partium in farina parit, inæqualis per ventum, & inæqualitatem & diversitatem maximam. Tertio è molendino fatina cribris transmittenda est, à quibus differentias præcipuas panificii desumimus, prout scilicet spissioribus minutoribusque foraminibus aut rarioribus ac patentioribus incernicula constant. Sic alia dici possunt *Siliginaria* quæ siliginem ex farina subducunt, alia *Similaginaria* quibus similigo cernitur, alia *Pollinaria* & sic de cæteris. Quarto notandum, farinæ modum fermenti addendum esse ante subagitationem. Est autem fermentum sic dictum quod fervendo crescat. Græci ζύμωμα ἢ ζύμωον vocant, quod nihil aliud est quam farina subacta ad pultis modum decocta, & relicta donec acescat. Ejusmodi fermentum optimum est sine additione, quod nonnulli faciunt, aceti, succi acerbi, omphacii, &c. sicque servari potest in decimum quintum diem, ultra si protrahatur corrumpitur. Pridie itaque quam panis fiat aqua ferventi diluunt versantque cum farina fermentum; quod hyeme multa veste tegunt & velant ne vis evanescat. Ejus opera pasta fermentescens excrecit & turgēt, & glutinositatem atque crassitiem

pistri-
norum
gene a

Incer-
nicula
varia.

Fermē-
tum.

Celsi
locus
diffici-
lis ex-
plica-
tus.

nimiam deponit, sicque attenuatis partibus glutinosi quædam aëreæ inducuntur, à quibus levis rarusque ac spongiosus redditur panis. Galen. primo de aliment. panem qui fermento omnino caret nemini prorsus esse accommodum scribit. Celsus tamen libro secundo capite vigesimo quarto, panem sine fermento posuit inter res stomacho idoneas, & cap. 25. fermentatum panem inter res stomacho alienas, rursum cap. 28. panem fermentatum dixit facile intus corrumpi, non fermentatum difficile. Et ut Galeno Celsus videtur contrarius: utrumque tamen possumus conciliare, si dixerimus Galenum locutum fuisse de pane velut alimento, Celsum de pane velut medicamento. Proinde Celsus *ἀσώμαχον* vocat panem *ἀζυμον*, quia ut ipse innuit cap. 30. sequenti, adstringentis est facultatis: scimus autem ex Galen. adstringentia *ἀσώμαχα* esse, cum sint roborantia. Pari modo Galen. libro secundo de alimentis cap. de rubi fructibus, *βατρία* monuit, licet admodum adstringentia, capiti & stomacho nocere; si sine lotionem sumantur; quia, ut dixerat capite de sycaminis, aliud est alimentorum, aliud medicamentorum facultates exponere. Quod autem de medicamentis eo capite egerit Celsus, ex eo patet quod illic Acida posuerit inter *ἐνσώμαχα*, cap. vero 21. eadem Acida posuerit inter res mali succi; quo loco nemo dubitabit eum de alimentis agere, de quibus solis dicitur aliquid esse boni, vel mali succi. Similiter cum cap. vigesim. quinto alienum stomacho dixit panem fermentatum, locutus est de eo velut medicamento, quia certissimum est ea remedia quæ rara sunt & spongiosa, qualis est panis fer-

mentatus, laxare robur ventriculi, proinde stomacho esse aliena; idcirco eo capite lac & omnem caseum aliena fecit stomacho, quæ boni succi esse dixerat capite vigesimo. Idem de cæteris est dicendum & concludendum cum Celso capite vigesimo quinto; *non quicquid boni succi est, protinus stomacho convenire, neque quicquid stomacho convenit, protinus boni succi esse*, quia multa bona sunt ut *medicamenta*, quæ ut *alimenta*, mala existunt. Ex quo sequitur Celsum Galeno nullo modo esse adversum, quod omnes tamen hæctenus sunt arbitrati. Est ergo fermentum in pane utilissimum, si ea quidem quantitate ponatur quæ nec excedat nec deficiat: consulo tamen ut potius in excessu peccetur, præsertim, si ex trimestri tritico aut recenti panis paretur, quia in illis plus semper glutinositatis deprehenditur. Nihil autem mali aliud ex fermenti excessu accidit quam minor alimonia ob nimiam raritatem, raritas enim & laxitas nimia addita pani facit ut minus alat, & ut alimentum citius dissipetur: at ubi in defectu fermenti peccatur, gravissimæ noxæ contingunt, cruditas, tardus descensus, meatuum prope omnium infarctus; unde morbi tandem gravissimi.

Quinto animadvertendum est, cum fermento totam farinam multum diuque subagitandam esse ac versandam, cum multa aqua tepenti optima, & salis eximii momento, sicque versatam pastam tribus horis veste tegendam, priusquam secta & divisa in fragmenta & in orbes modicos tornata clibano aut furno coquenda exponatur. Subagitatio in omnem partem crebra sit, assidua, & exacta, quo fermenti, salis, & aquæ vires quoquo-

Subagitatio.
nis ratio.

A quæ
modus.

Salis
moderatio.

versum insinuentur : sic fiet ut disrupto glutino & visciditate evicta panis bene solutilis reddatur, neque ori vel stomacho repugnet : cum versatio exacta non est , post cocturam panis , reperiuntur partes etiamnum farinaceæ ; interdum aliæ nimium salitæ , aliæ insipidæ porsus restant. Juvat autem subagitationem *Aqua*, quæ cum copiosa est pastam auget, quia ejus beneficio minus densata, sed spongiosa magis ac levior evadit, ex qua fit panis maxime omnium coctu facilis quamvis exiguum corpori alimentum parumque firmum ac permanens suggerat. Aqua minus justo si admisceatur, massam reddit solidiorem, duriores, graviores, ex qua facti panesimenti plus exhibent ipsumque durabilius sed concoctu magis difficile. Cum vero frigidior aqua infunditur, vitium exurgit quod rustici Parisienses vocant *Laqueux*, quæ est aquosa concretio ac velut congelatio micam panis obsidens. Salis interim moderata aspersio utilis, imo necessaria; tum quod gratiam palato addat & ventriculo acceptiorem reddat panem, tum quia nimium humorem exsiccet, sicque panem & coctioni & distributioni aptiorem efficiat : ejus exuberantia plus justo siccescit panis ac durefcit, retorridumque in corporibus sanguinem cumulat. Detestandus eorum est error qui loco salis aqua marina panem subigunt, nam inde morborum ilias exoritur. Puniendi quoque pistorum qui ut panis gravior fiat, salem detrahunt, norunt enim salis admistione leviores panem fieri, cujus rei causam postea dabimus. In summum *salutis* panis non salito jucundior est ac salubrior ; quam obrem laudare non possum *Lutetianum* panem qui sine sale paratur, dicique non potest quam morborum multitudinem civibus accersat. Credide-

rim calculorum generationem quibus obnoxii Calculi sunt Parisienses, hanc præcipuam habere causam: Veram enim esse Galeni sententiam arbitror lib. 1. de alim. c. de Pane loto, asserentis *cibos omnes boni succi & multi alimenti eos qui ipsis assidue utuntur, ledere, obstructions in hepate parere & in renibus calculos gignere.* Cum enim, inquit, humor erudus lentorem assumpsit & transitus per renes quibusdam natura sunt angusti, ibi quod crassissimum est ac maxime lenium diutius moratum, *πύρεν*, id est, topium promptè gignit. Nemo autem est qui ignoret panem Parisiensem vulgarem, ut boni est succi, sic multum nutrire, succumque alibilem suggerere diu perdurantem, maxime cum magna copia ingeritur: exinde quoque contingit ut plenitudine Parisienses laborent ac *πολυαιμία* quæ coerceri nullo aptiori remedio potest quam phlebotomia frequenti, quod observare debent ii qui Parisiensibus Medicis injurii eos *αἰματόπιδας* vocant, propter sanguinis detractionem quam frequenter præscribunt. Ultimo considerandum, ut exacte Panis coquatur, quod fiet si furnus rite incaluerit, & panis moderatæ fuerit molis. Incalescat furnus lignis siccis & sanis, non cariosis, putribus, fumidis aut gravem odorem habentibus; Incalescat autem moderate, non tenuiter, non supra modum. Ex imbecilli coctione vitium Pani accedit contumacitatis cujusdam in ore ac tenacitatis, sic ut commodè mandi non possit, sed palato hæreat & visciditate quadam os oblinat. Ejuscemodi Panem Galli vocant, *Pain gra-cuit*, quasi dicas crasse coctum. Fit id interdum Pistorum avaritia dum pondus in pane quærunt. Certum enim est minus coctos ponderosiores esse ob humoris copiam intus aranentem. Vitium huic contrarium

Calculus mor-
bas fami-
liaris Pa-
risien-
sibus.

Parisiens.
plenitudi-
ne labo-
rant.

Coctio-
nis mo-
dus.

est tostio ex immodico ignis calore, non alienum tantum humorem ac supervacaneum absumentem, sed & nativum, succulentū & alibilem. Probandus ergo moderatus furni calor cujus beneficio sensim per totos seipsos æquabiliter panes coquuntur; maxime si neque prægrandes fuerint, neque minores. Atque hæc de pane laudatissimo cognoscendo dicta sufficiant. Omnia quidem scrupulosius & minutius exequuti sumus, sed in te talis momenti & in alimento tam communi & necessario, levissimæ observationes magnum pondus habent.

Alia
panis
species

Non ignoro alia panificii genera recenferi, singulisq; urbibus ac Provinciis sua esse ac propria; sed quæ diximus omnium norma esse possunt, ad quam proprietates & temperamenta cujusque panis examinari debent. Solum panem triticeum intelleximus non ex hordeo, secali, milio, aliisveerealibus confectum. Non est vero quod longius divagemur in exquirendis hordei & secalis speciebus, virtutibusq; earum investigandis. Breviter dicamus, *Hordeaceos* panes triticeis multo minus alere: qui tamen ex præstantissimo hordeo conficiuntur, minus à triticeis absunt, qui vero ex laxo & levi, panibus furfaraceis respondent: magis vero refrigerant quam triticej ac detergent, ut idcirco alienum non sit interdum tritico hordeum admiscere. Plura lege apud Bruierinum de re cibaria libro quinto capite octavo. *Secalini* panes ad alvum emolliendam primo cibo sumpti prosunt, sunt tamen atri & ponderosi, quia mandendo lentorem dentibus representant, & stomacho ingratissimi sunt, quod gravitatem insignem afferant, otiosis præsertim, difficillime conficiantur, obstructions viscerum pariant, in renibus calculos gignant, mali succi, crassi, lenti & melancholici existant. Cete-

ros panes ex aliis cerealibus paratos non moror quod vitiosum succum producant.

Panis
partes.

Cæterum quæ dicta sunt de pane, de toto & integro pane intelligenda veniunt, non de ejus partibus sigillatim sumptis, quæ diversas penitus facultates obtinent. Partes autem panis duæ sunt μέλος καὶ ἐρύμα, *Medulla & Crusta*. *Medulla* seu μερίται τοῦ ἄρτου mollior est pars, candidior, humidior, crustis undique obducta ad quam præsertim pertinent omnes illæ virtutes à nobis de panib⁹ enunciatae: *Crusta* vero est duplex: superior quam

Græci *ἡετταγον* vocant, Latini *Hettam* licet proprie *hetta* seu *hecta* & *ἡετταρον*; non sit ipsa crusta superior, sed *λυσταται* pustulæ quæ vi ignis in illa crusta erumpunt ac efflorescunt quas nonnulli *ψυχας* appellat ut notat Hesych. in lexico. Crusta inferior proprium nomen non habet, denominari tamen potest à pustulis quæ in ea quoque protuberant, quas Græci nominant *ἐψόβιας*. Crustæ proprium est desiccare, humiditates superfluas absorbere, calorem acuire: si retorrida sit, humorem generabit adustum & atrabilarium, quod colligi potest ex Gal. comm. 104. in libr. quart. de victu acutorum; ex emplocarnium quæ ob assationem ambustæ tum ad succi bonitatem, tum ad concoctionem sunt inhabiles, choleramque pariunt propter eam quæ eis accidit acrimoniam. Quo nomine *cholera* non intelligendus est humor biliosus quem vulgo cholericum vocant, non Ira quam nostrates appellant choleram, sed cholera morbus sine febre (ut ait Gal.) acutissimus & periculosissimus. Non ea tamen est crustæ malitia, ut morbum illum producere dicatur, nisi ex exustione nigra fuerit, vetus ac mucescens, & multa copia ingesta.

Hetta
quid

Crusta
facultas.

Pro coronide hujus prolixæ animadversionis nonnulla de pane problemata proponemus ac dissolvemus.

Primum est: cùm glande primi homines vixisse perhibeantur, unde Panis in usum primò venit? Certum est barbaras quasdam gentes ante cultum glande usas esse; ac inter cæteras, Arcadas; quos Plutarch. glandiphagos non ineptè idcirco vocavit. Hinc Oraculum.

Glande satur multa obsister tibi plurimus Arcas.

Quod videre potes apud Ælian. de var. hist. lib. 3. cap. 3. & Pausan. lib. 8. Sed omnium gentium primus hic cib⁹ non fuit: Appii enim & Tirynthii pyra, Athenienses ficus, Mæotici milium & lotometram, Medi Amygdala, Ichthyophagi pisces, locustas Æthiopes, Indi arûdinum fructus, Getuli ferinam carnem, Chelonophagi testudines, Persæ cardamum, palmulas Cormani, alii alia pro cibis panis loco primum habuerunt, ut ex Æliano, Strabone, Solino, Herodoto, Mela, Philostrato, Diodoro Siculo, Plinio, Arriano collegit Alex. ab Alexand. lib. 3. genial. dier. cap. 11. & ejus commentator And. Tiraquellus. Attamen ut verum fatear, hi omnes cibi pane multò posteriores sunt ac recentiores. Ex libris quippe Moysis Hebræorum legislatoris qui rerum omnium origines complectuntur, constat Panem cibum esse vetustissimum, ac ut ita dicam, à fructibus primum, fructus quippe arborum Adamo alimoniam præbuere in terrestri paradiso degenti, ubi vero loco illo exclusus est ob transgressum Dei præceptum, coactus fuit terram colere & arare, uno verbo agriculturam exercere, panemque in cibum præparare; sicque commutatus est victus Adami ex fructibus arborum sponte ortis in victum ex herbis agro-

Panis
primū
alimen-
tum.

rum magna diligentia excultorum. Nam ante peccatum non fuisset opus homini terram colere ad percipiendos fructus degende vite necessarios, cum Paradisi terra in qua versatus fuisset homo, per se fertilissima, quaecunque ad hominis victum pertinuissent, sponte natura suppediasset lagissime: at eo solo exterminatus homo, ex multis ac diversis terris plerumque sterilibus aut agre fructus optatos ferentibus, alimenta sibi petere coactus fuit, ait eleganter Perer. in cap. 3. Genes. quo loco imperavit Deus Adamo ut in Sudore vultus sui vesceretur pane: Hunc autem Sudorem Aben Ezra refert ad eos labores quibus Sudor maximè excitatur, ut est ventilatio, commolitio, subactio farinae, pinfio, coctio: unde colligere est tum Adamo supplicium & industriam datam panis conficiendi. Ab eo tempore ad diluvium usque, panis usquam intermissus; cum non defuerint nec Agricole nec frumeta. Sed post diluviū propagata hominum gente & in diversas orbis partes disseminata, plurimis populis panis defuit, tum ob agrorum sterilitatem qui triticis generandis inepti erant; Nec enim omnis fert omnia Tellus: tum propter desidiam aut ignorantiam incolarum, qui terram colere aut nescirent aut detrectarent, ex quo contigit ut aliud alimentum magis obvium quidam eorum usurparint pro commoditate soli & terrarum quas incolebant. Sed glandium nullus usquam esus fuit apud Hebræos, sed solius Panis; cuius etiam quærendi gratia Abrahami Nepotes relicta patria in Ægyptum descenderunt. Prout autem frequens institui inter gentes cœpit commercium, sic usus panis ad omnes pervenit, illique attributa fuit Panis inventio qui usum illum primus docuisset, sicque multi habiti sunt Panis Inventores, quia unus non potuit ad

Panis
inven-
tores.

diversas gentes illius usum deferre. Proinde Diosdorus Siculus libro primo Isidi Panis inventionem tribuit apud Ægyptios, Pausanias in Arcadicis Arcadi Triptolemi filio apud Arcadas, Plinius lib. 7. cap. 56. Cereri apud Atticos, Italos, & Siculos; Justinus Triptolemo apud Eleusinos, Macrobius & Eutropius Saturno apud Latinos, Trogus Habidi Hispaniæ Regi apud Hispanos, alii Pani, alii aliis prout observare est in Historicorum lectione. Sed origo prima ab Hebræis, Hebræi à Noaco, Noacus, à Majoribus qui ante diluvium fuerunt; hi tandem ab Adamo & Caino qui primi omnium nascente mundo & Agriculturam excoluerunt & panificium excogitaverunt. Quo loco reprehendendus est Possidonius philosophus qui Sapientem in pistrinum usque deduxit & philosophiam panificii inventricem finxit. Philosophus, inquit, rerum naturam imitatus panem cœpit facere. *Receptas in os fruges concurrens inter se duritia dentium frangit, & quicquid excidit ad eosdem dentes lingua refert: tunc vero saliva miscetur ut facilius per fauces lubricas transeat. Cum pervenit in ventrem aqualiculi fervore concoquitur, tunc demum corpori accedit. Hoc philosophus aliquis secutus exemplar, lapidem asperum aspero imposuit ad similitudinem denium, quorum pars immobilis motus alterius expectat. Deinde utriusque attritu grana franguntur & sæpius veteruntur, donec ad minutiam frequenter triturare digamur. Tunc farinam aqua sparsu & assidua tractatione perdomuit, finxitque panem quem primo cinis calidus & fervens testa percoxit, deinde furni paulatim reperti & alia genera quorum fervor serviret arbitrio.* Hæc Possidonius apud Senecam epist. 90. qui philosophiæ tribuit quod fuit tribuendum Deo, qui quidem scientiarum & artium

tium omnium atque adeo agriculturæ ac Panificii
notitiam gratuita liberalitate Adamo infudit,
quemadmodum docet D. Thom. 1. parte quæstio.
94. artic. tertio & quæst. 101. articulo primo.

Secundo problemate quæritur quo tempore, ex
qua materia, & à quibus Panis confici solitus est
apud Græcos & Latinos? Athenienses dicuntur
usum panis accepisse à Triptolemo sub Erichtheo
rege, quod incidit in annum mundi 2528. regnan-
to apud Hebræos Moyse. Romani vero Pistores
per annos fere sexcentos usque ad Persicum bel-
lum nullos habuere, teste Plin. lib. 18. cap. 11.
pulteque non pane victitabant: notatque Festus
Pompeius cocum & pistorem eundem fuisse.
Materia autem ex qua Panes facti sunt primo
apud Græcos, Hordeum fuit: nam Dionys, Halicarnass.
lib. 2. scribit putasse Græcos Hordeum
fuisse *Frugem vetustissimam*, quod innuit quoque
Plinius libro octavo capite septimo, & Theocriti
interpres ad Idyll. 7. velut explicat diffusius Mar-
sil. Cagnatus libro primo variarum obser. cap.
28. At Romani ex farre primum panem confe-
cerunt. Ovid. 6. Fast.

Panis
invento
apud
Græ-
cos.

Mate-
ria pa-
nis.

Sola prius furni torrebant farra coloni
Tradit Plinius in tertio libro 18. capite septimo,
farre tantum & frumento populum Romanum tre-
centis annis usum, quod idcirco *vetustissimum fru-
ctum* vocabant, teste Halicarnass. loco laudato:
Porro cum veteribus Romanis molarum nullus
usus foret, sed fruges igne tostas in pilas conje-
ctas pinserent, inde dicti *Pistores & Pisones*, qui &
idem *Coci* erant, quibus cura fuit parandi panifi-
cii: sed mox eam sollicitudinem mulieres susce-
pere, exemplo credo aliarum nationum apud quas
mulieres etiam Regiæ pistrices erant, ut observare

est apud Herodotum lib. 8.

III. Cur in pane rei alimentariæ summam natura posuit? an quia panis merum est alimentum, cibi cæteri alimentum medicamentosum? Certe Galen. 6. de tuend. valet. panem tanquam simplicissimum alimentum laudat, & Aphrodis. probl. 66. libri secundi, panem omnium ciborum maxime nutrire censet. An quia cum frequentissimè edatur, nullum unquam fastidium parit sicut cæteri etiam delicatissimi cibi? Hoc autem eum naturæ nostræ familiarissimum esse demonstrat: etenim non nisi à temperatissima causa universalissimus ejuscemodi effectus provenire potest, idcirco Galen. 7. de usu partium cap. 8. *natura nostræ familiarissimum* illum constituit, & laudatissimum facere succum docuit lib. 3. de alimentorum facultatibus. An quia cibi nomine apud Catonem lib. de re rust. panis significatur, quodque Græci *σῆτον* & *σῆτος* genere neutro cibum vocant, *σῆτος* verogenere masculino frumentum quasi *σῆτος* dictum sit, quoniā illius materia est *σῆτος*? An quia triplex homini alimentum suppeditat, spirituosum, liquidum & solidum? Nemo ignorat Democritum solo panis odore vitam per triduum prottraxisse, quod etiam de Demetrio Cydonio narrat Athen. secundo Deipnos. Sua itaque spirituosa & odorabili substantia spirituosum est alimentum panis. Instar quoque potus cum juscule sumptus sitim sedat: solidus solidum nutrimentum præbet, ut annotavit Zuingerus ad lib. Hippocr. *De Locis* Aph. 32. An quia Panis nomine omne genus cibi sacræ litteræ comprehendunt? Id certè admonuit D. Hieronym. exponens votum Jacob cap. 28. Genes. conceptum, quo quidem à Deo expostulat *Panem ad vescendum & vestimentum*

ad induendum. Verum panis ille triplex erat si credimus Ruperto in eum locum: panis scilicet *vita aeterna* de quo dicit Dominus; Si quis manducaverit ex hoc pane, vivet in aeternum. Panis intelligentia, de quo dictum est; Non in solo pane vivit homo, sed in omni verbo quod procedit ad ore Dei: & panis vitalis confirmans hominem, quem solus ipse producit de rore cœli & de pinguedine terræ. Ex his omnibus de pane licet concludere quod Galen. de cera: hanc enim quod aliis medicamentis misceretur materiam appellavit medicamentosam; Nos quod Panis omnibus modis aliat, omnibus alimentis misceatur, omnium gentium sit cibus, summam rei alimentaria contineat, denique quod sit Panis, jure eum appellare possumus materiam alimentosam.

IV. Cur Panis tam conformis est naturæ humanæ? An, ut ait Francisc. Georg. Vener. sect. 7. tomi sexti probl. 246. quia temperatissimus est cibus? An quia est cibus jovius hauriens vim à Jove qui semper juvat? Nobis autem propitius est Iupiter, ob fontem pietatis & bonitatis divina, cui directè ipse subest, ut secretiores Theologi docent. Hinc Christus voluit præbere nobis cibum caelestem corporis sui sub panis specie, tanquam perfectissimum alimentum & super omnes cibos humana vite accommodatissimum. An quia ambo Panis & homo ejusdem sunt originis? homo enim ex terra eductus, velut Rex & Imperator viventium, Triticum ex terra genitum velut vegetabilium omnium princeps; nec melius luxuriat ullibi, quam ubi oleto humano, aut humanis cadaveribus agri pinguescunt.

V. Cur Plautus in Curculione dixit ventris stabilimenta esse panem & carnem bubulam? An quia ad robur confert? Sic scriptum est primo

Reg. cap. 28. *Et robur non erat in eo, quia non comederat panem tota illa die.* An per panem intellexit azymum, aut acriazymum quibus Melfores & Athletæ utuntur, ut robur sibi concilient diuque nutriantur? est enim ille panis ut solidus sic ubi confectus est solidum nutrimentum præbens. An quia panis siccus comestus serofas ventriculi superfluitates ebibit, quibus sæpe sapius languet & laxatur. Sane Jul. Capitolinus auctor est Antonium Pium Cæsarem senem jam ac silicerniū manē solo pane sicco robur virium sustentasse.

Panis
edendi
quantitas.

VI. Estne comedendi panis certa quantitas definienda? Ita est: nam panis multum probeque nutrientis quantitas minor esse debet: calor ventriculi quo major est, ut hyeme eo panis copiam maiorem expetit: corpori superfluis humoribus carenti & vehementi exercitatione utenti, copiosior Panis conuenit: denique maiori quantitate edi debet cum alimentis quæ minus nutriunt, ut sunt fructus, herbæ & pisces, quam cum carnibus *πολυσποῖς*. Porro observat Marsil. Cagnat. libro primo de sanit. tuend. capite decim. oct. apud veteres vulgare demensum panis quod pro diurno cibario viritum dabatur, fuisse *Chœnicem*, seu quantum Chœnice capiebatur. Fuit autem Chœnix genus mensuræ quam Hebræi Homer, vel Komer vocabant. Eam Pollux libro quarto & decimo Onomast, tres cotylas habuisse refert, fuisseque cibum diurnū. Addit Angelocrator doctrina de ponderibus sicut Romanis sextarium castrensem. Hinc proverbium *super Chœnicem ne sed eas*, dicitur in eos qui in diem vivunt nulla cura futuri. Credidit Budęus libro quinto de asse, Chœnicem fuisse duorum sextariorum, sextarium vero duodecim cyathorum, cyathum un-

ciarum duarum, sic ut in chœnice uncia quadraginta octo fuerint, ex quibus Athenis quatuor magni panes conficiebantur, octo vero parvi ex Interprete Aristoph. in vespis. Cibus igitur diurnus & vulgaris quatuor panes fuere, quorum singuli ex farina tritici libra vel libræ sextantibus quinque constabantur. Notandum tamen est eos qui libras panis quatuor singulis diebus absument, & paucio obsonio usos, & magna exercitatione. Apud Parisienses primarius panis & candidus est unciarum duodecim, secundarius quatuor librarum. Sunt autem multi qui tres panes candidos singulis diebus edant, nullus qui possit uno die secundarium panem conficere, quia solo pane nemo contentus vivit, sed una carnes assumit, adeo ut mirum non sit, si nostris temporibus tantum panis quantum olim, non absumentur.

Panis
diurnus.

Panis
Parisiensis
pondus.

VII. Cur Hippocrates repletionem panis pessimam dixit? Nusquam divini Senis ea fuit sententia, nec quid simile in ejus monumentis reperire est. Præterea nullus est ejus rei insignis auctor, nisi forsan producat Avicenna fen. 3. primi Doct. 2. cap. 7. ad finem, ubi scripsit hæc verba: *Amplius scire debes quod impedimentum panis cum non digeritur est multum. Sed carnis impedimentum cum non digeritur, est minus hoc Quo loco Jacob. de partibus ait repletionem panis esse malam, quia stomacho diu injacet gravans ipsum plurimum & opprimit pectoralia; quod si descenderit tandem de stomacho non bene digestus, oppilabit hepar & meseraicas: at Carnes, inquit, minori nocumento sunt, quia plus proportionantur humano corpori & minus premunt pectoralia: & si transeant indigestæ ad hepar & meseraicas, minus stabiles & magis cura-*

Reple-
tio pa-
nis ma-
la.

*biles oppilationes inducunt quam panis; trahentibus
membris avidius succum carnis propter similitudinem,
quam succum panis.*

VIII. Estne ergo repletio panis pessima, ob id-
que vituperandusne est panis? imo vero licet pa-
nis repletio pessima sit, id tamen potius ei laudi
esse debet quam vitio. Primo quia hoc ex copia
alimoniarum quam firmam & durabilem suggerit Pa-
nis, advenit, sic ut usu illius nimio sanguinis
exuberantia distendantur venae, totum corpus
majorem in molem assurgat, meatus obfarcian-
tur, ac perspiratio impediatur, quod quidem ex
bona & laudabili causa periculosus est ac damno-
sus effectus. Secundo quia quaecunque optima
sunt, si propter copiam corrumpantur, eorum cor-
ruptela multo est deterior quam eorum quae mi-
nus bona sunt; quemadmodum Baptist. Sylvatic.
controvers. 6. & Vincen. Alsatius libro septimo
de morbis lectione quadrages. sext. referunt ex
Hippocr. lib. *περὶ τρώων*. Cum ergo hoc panis vi-
tium sic excessus bonitatis non malitiae, nequa-
quam inde Panis vituperandus venit. Audiendum
potius censerem Ichthiophagi illius apud He-
rodot. libro tertio de Pane censuram. Is cum
sciscitatus esset quibusnam rebus vesceretur Rex
Cambyses, & quodnam longissimum tempus vi-
tae Persis esset; audissetque vesci Regem pane,
cujus totam historiam acceperat, nec Persas ultra
octoginta annos vivere; tandem pronuntiavit;
*Nihil se mirari si stercore vescentes Persae paucis vive-
rent annis, ἔστιν θαυμάζειν εἰ σπρώδικοι κόπρον, ἐπεὶ
ὀλίγα ζώουσιν.* Alludebat autem ad finum & oletum
quo stercoreari agri solent ut fecundiores red-
dantur, ex quo interdum non leve tritico vitium
adnascitur utentibus perniciosum.

Histo-
ria.

IX. Estne nutritio panis an carnis melior? Nutritio panis & carnis, quæ melior. Respondet Petrus Hispanus comment. in lib. Isaaci diatar. particul. panem magis vel melius nutrire accidentaliter, quod tardè convertatur & multum immoretur: carnem vero magis nutrire naturaliter, quia citius digeritur & citius dissolvitur à membris. Vel dicendum est quod caro magis nutrit naturaliter & accidentaliter; naturaliter quia magis & citius convertitur in substantiam membrorum; accidentaliter, quia tardius separatur à membris: & hoc patet, quia natura magis allicit nutrimentum carnis quam panis, & sicut plus allicit etiam tardius finire abire, & ita plus moratur in membris & sic plus nutrit accidentaliter. Quod si dicatur in pane esse cibum & potum, aquam scilicet & farinam: dicendum quod verum est, sed illa humiditas est aquosa, unde non nutrit, carnis autem humiditas aërea, calida & humida, cujus ratione nutrit.

X. Cur repletio carnis minus nocet quam repletio panis? An ob rationem à Jacobo de Partibus allatam & problemate septimo propositam? An ejus rei repletio minus timenda est, quæ minus nutrit tardiusque convertitur in substantiam membrorum, ex quo levior argui potest panis repletio. Anne dicendum est ejus rei tantum repletionem minus esse timendam, quæ minus nutrit ratione tenuitatis substantiæ, non ratione impuritatis, quo sensu asserendum panem minus nutrire ratione impuritatis ac viscositatis suæ, ejus idcirco repletionem magis timendam? Vide Petr. Hispan.

XI. Cur magis nutrit siligineus panis & candidus quam ater & surfuraceus? An quia candor

De al-

bo &

atro pa-

na

296 DE CONSERVANDA

ex medulla tritici, nigrities ex cortice: nutrit autem triticum non cortice sed medulla? An quia albus magis attrahitur ad membra ob conformitatem naturæ quæ in colore consistit, ater vero conformitatem illam non habet propter furfures qui frigidi & sicci sunt? An quia albus diutius immoratur in membris, cum natura sit magis avida in ejus retentione? Nec dicendum est atrum magis nutrire, quod crassarum sit partium; sicut dicitur caro bovina magis nutrire quam caro pulli: nam ratio hæc locum habet in rebus ejusdem generis, iisdem observatis conditionibus: at panis ater non nutrit ratione furfuris, sed medullæ quam parciolem habet quam candidus.

Panis
opti-
mus in
Scotia.

XII. Cur in Scotia optimus omnium panis esse dicitur? An quia terra levis est, idcirco quod producit triticum leve? An quia singulis regionibus, aliquid singulare & eximium innascitur ratione soli & cœli? An quia triticumoticum minus terræ retinet propter terræ levitatem & raritatem; quemadmodum Theophrastus dixit libro quarto de causis plantarum cap. 10. trimestre triticum levius esse, quasi minus terræ retineret propter temporis brevitatem à semente ad messem! An quia gelido solo nascitur & diuturnis nivibus operto, sicut idem Theophrast. refert de Pontico tritico quod *λεφωτατον & σκληροτατον* vocat, *facillimum & durissimum*, tum ob solum leve, tum ob gelu & nivem cujus commoda recenser Scaliger comment. in libr. secund. Theoph. de caus. plant. cap. 2. *Nix*, inquit, *postquam incubuit, duo facit, dum manet αἰσχυροῖ fermentat locum ipsum, itaque etiam cruda terra dicitur inepta. Imus igitur calorem concludens quem deprehendit coquit arvum. Deinde cum solvitur & macrescit*

Nivis
est & α

sensim subit. Adderet nivem fumi vicem gerere. Omnino enim ex nive fit aliquid lufum. Ad hæc ita censeo, nivem multum concepti aeris continere, tota namque spuma est. Omnis autem aer principium cuiuspiam pinguedinis est. Nix vero ita gelat tellurem, ut non compilet, sed potius dissipet. Sub nivibus enim solum non solidum stipatumve, sed solutum invenimus. Hæc Scalig.

XIII. Cur panis sine alio cibo sumptus in ventriculo corrumpitur & acescit, curve in ventriculo minus? An quia substantiam admodum lentam & pituitæ proximam producit? An quia acor fermenti caloris vehementia acidum humorem invehit, qui pituitæ sapor est? An hoc tantum contingit in pituitosis stomachis aut pravo humore oppletis, quorum calor debilis temperamentum panis ad calorem inclinans & aliquo pacto biliosum superare nequit, unde corruptio & Aciditas? Certum enim est bilioso stomacho homines hoc non pati cum panem conficiant, teste Galen. lib. secundo de temperamen. cap. 6. propter siccum & igneum ventriculi calorem. Idipsum confirmat Avicen. fen. 3. Doct. 2. cap. 7. dum ait eos qui igneo sunt stomacho, validos & difficiles coctu cibos digerere; subtiles vero & coctu faciles corrumpere. Vide Aphrodis. probl. 17. libri secundi.

Panis
solus
corrū-
pitur.

XIV. Cur panis calidus frigido humidior sitim excitat? An quia plus humoris quidem habet, aërei, sed non aquei, cuius proprium est sitim sedare? an quia humorem habet aqueum actu & potentia calidum, proindeque vim desiccandi habentem? an quia porositate sua ac raritate succos ventriculi ebibit & exsugit?

Panis
calidus
sitim
excitat.

XV. Cur panis calefactus frigido suavior? An Calidus

panis
suauior
frigi-
do.

quia calore blando dilatatur & attrahitur foras humor intestinus & è centro circumquaque diffunditur? mediocriter autem humida, sapidiora siccis? an quia calore gustus acumen excitatur, frigore infringitur, quo fit ut meatibus linguæ per calorem patefactis ac veluti reſeratis dulcedo panis altius ſubeat? an quia calor viſcoſum panis humorem eliciens, facit ut aliquo pacto ori & linguæ adhæreat, diutiusque in partibus gustus retineatur? Conſentaneum autem rationi eſt; ut aliquid dulcius ac ſuavius ſentiatur quo diutius guſtatur, aut in ore detinetur.

Calidus
frigido
nigrior

XVI. Cur panes calidi frigidis nigriores apparent? An quia calidis uberior ineſt humor; qui quidem cauſa eſt nigroris, poros opplendo, ſicut ignis cauſa eſt albedinis partes rarefaciendo? An quia calidi effumant exhalationeſque emittunt, à quibus pori obſtruuntur quæ obſcuritatis eſt cauſa?

XVII. An veteres calido pane uſi? Sic videtur Hieronym. Mercurial. libro ſexto variarum lect. cap. 5. & prælectionibus Bononiensib. in lib. Hippoc. de rar. vict. in acutis ob auctoritates & rationes quas cumulavit.

XVIII. Cur panis parum tritus & ſubactus & panis multum tritus facile franguntur? An quia parum tritus partes habet male unitas ac invicem colligatas; unde diviſio atque ſolutio facilis? an quia hic multum humiditatis continet, humida autem facile diffluunt? an quia panis multum ſubactus ſiccior primò fit agitatione, deinde coctione ſicciffimus, unde humoris inopia cum contingit, facili negotio ſolvitur atque frangitur?

XIX. Cur panes frigidi humectati & madefa-

Et, si se tangunt non cohererent, calidi autem cohererent? Causas repete ex Arist. Probl. 6. sect. 21. & ex Pet. Aponensi in commentario.

XX. Cur Hebræi pane azymo usi? fermentone semper abstinerunt? Quod ad postremum attinet, Cornel. Tacitus historiar. lib. 5. existimat eos à tempore cladis & famis hierosolymitanæ omni fermentato pane abstinuisse *Longam*, inquit, *olim famem crebris adhuc jejuniis farentur & raptiarum frugum argumentum panis Iudaicus, nullo fermento detinetur.* Falsa tamen ea opinio est ab ignoratione rerum Hebraicarum nata. Et sane, ut ait Lipsius in comment. hujus libri, *Strabo, Plutarchus, Democritus, apud Suidam multo majora deliria delirarunt contra hanc gentem & libros sacros.* Equidem verum est Hebræos pane azymo usos certis diebus religionis ergo, sed non ad victum quotidianum. Legimus Exod. 12. ob Angeli & Judæorum ex Ægypto transitum præceptum fuisse à Deo ut incipiente quarta decima die mensis primi à vespera Judæi comederent panem sine fermento ad vesperam usque diei vigesimæ primæ. *Septem dies, ait Dominus, fermentum non invenietur in domibus vestris. Omnis qui comederit fermentatum, peribit anima illa ex congregatione Israël. In omni habitaculo vestro comedie azyma:* ex quo factum est ut Hebræi festum illud vocarent azymorum. Sed cur potius pane azymo usi quam fermentato? an quia festinati cibatus erat symbolum, siquidem eodem loco scriptum est Judæos ex Ægypto fugientes coxisse farinam in subcinericios azymos: non enim fermentata fuit; quod ejecti ab Ægyptiis non potuerint expectare, neque pulmentum sibi facere ad viam. Fermentatio autem lenta & morosa res est, & à festi-

Institu-
tio pa-
nis azy-
mi.

Iudæi
cur pa-
ne azy-
mo usi.

nantibus aliena. An quia panis azymus sincerior puriorque habitus est & adhibitus in sacris tam apud Judæos quam Ethnicos? D. Paul. 1. Corinth. 5. *azyma* vocat *sinceritatis*; *fermentum* vero *malitia*, & Christus jussit ut discipuli caverent à *fermento Phariseorum*. Plutarchus in quæst. Roman. quæst. 109. Flamini Diali non licuisse fermentum tangere observat, aitque: *Fermentum cum ipsum natum est ex corruptione, tum farinam cui admiscetur corrumpit ut languidior fiat & inefficax; omninoque fermentatio purefactionis speciem gerit, quasi modum excedat, plane aridam reddit & perdit farinam*. Galen. ipse 1. de facult. alim. azymum festis usurpatum docet. Porro, inquit, qui fermento omnino caret, nemini prorsus est accommodus. Quod si casei aliquid insuper addatur, ut rustici apud nos festis diebus solem apparare, eosque panes ipsi vocant *αἰῶνους*, &c. An quia epulis celebritates exhilarari debent? at azymus panis dulciarius est inter *τιμωτά*, seu bellaria enumeratus à Græcis, quemadmodum demonstrat Lang. epist. 56. l. 1. De aliis significationibus panis azymi ac mysteriis, videnti Philo. Judæ. lib. de cong. quær. erud. gratia; & libro de sacrificiis Abelis & Caini, Pererius in cap. 12. Exodi. & Francis. Georg. Venet. harmon. mundi Cantic. 2. toni 3. cap. 20.

Azy-
mus
panis
venerē
excitat.

XXI. Cur panis azymus venerem excitat? Hæc enim fuit sententia Didymi libro 2. Geop. cap. 31. *πάντα, ἃ οἱ ἀπὸ τοῦ αἵματος τοῦ ζυμώματος ἐκέρχονται τῷ αἵματι, εἰς τὸν αἶμα ἐκέρχονται. In universum, inquit, panes absque fermento facti efficacissimi sunt ad venerem: An quia viscositas frumenti & crassities in flatū vertitur? an quia multum nutrit, præsertim corpora valida & robusta? an quia *πυρρὸν* dñ existit à critici spiritibus, qui inter se fortiter uniti non dis-*

Tipantur nisi in secunda coctione quæ sit in corpore? an quia succum melancholicum generat, melancholici autem libidinosi?

XXII. Cur Rhafes lib. 1. Aphorif. Aphor. 46. excitavit eos qui panem azymum comedunt corda parva & hepata habere? an rationem habuit pravæ nutritionis quam affert, ex prava autem nutritione attenuatio partium & marcor hepatis & cordis tabem adferens? an per cor & jecur intelligendus est sanguis venosus & arteriosus, qui in illis partibus elaboratur, quotum exigua generatur quantitas in debilibus corporibus quæ pane azymo nutriuntur? an per corda parva pusillanimitas audienda est eorum qui eo pane vescuntur? sunt enim illi melancholici, quia melancholicum succum, crassum scilicet & frigidum sanguinem panis ille adauget? an vero jecur parvum dixit lienis comparatione, quod lien infarctu humoris melancholici intumescat in hominibus pane azymo utentibus? Notum autem est vulgare illud, partes omnes tabescere, ubi lien semel luxuriat.

Pane
azymo
utentes
corda
parva
habent.

XXIII. Cur Ægyptii sacerdotes pane salito olim abstinebant? an quod, ut ait Plutarch. sympos. lib. 5. Probl. 10. sal fugiebant ceu *delicatissimum obsonium ac condimentorum jucundissimum*? an propter castitatis studium, cui contrarius est sal, ut pote qui caloris vi libidinem proriperet? an quia Sacro-sanctus & divinus salex istimabatur, quem idcirco in prophanos verebantur deducere usus?

XXIV. Cur salitus panis minus ponderat quem non salitus, cum salis adjectio ad pondus facere aliquid videatur? an quia sal depopulatur atque deficcet omnem humorem qui a ca-

lore solet putrescere ? humoris autem absumptio levitatem inducit ; hinc fit ut panes pridie facti leviores sint quam cum essent calidi : an vero quia sal sua adstrictione poros & meatus panis externos ocludens, extraneam humiditatem aditu & ingressu repellit , ex quo & levior panis redditur & integrior minusque ad corruptionem aptus ?

Creta
addita
pani.

XXV. Quomodo vero pondus pani additur ? Triplicem modum proponit. Joan. Baptist. Porta lib. 4. magiæ natural. cap. 19. Primus est, cum res additæ frumento pani pondus addunt, quemadmodum creta inter Puteolos & Neapolim in colle Leucogæo inventa. Secundus est, cum res quædam siccæ glutinosæque natura , refractum elementum in panis substantiam conspissant, impediuntque , ne inter versandum , cribrandum, subagitandum , tenuior ac levior farina evolet, talis est oriza & milium. Tertius modus est per fermentum, quod velut tritici anima vegetat, cresci tut vivens. Rationem hujus fermenti lege apud eundem.

XXVI. Cur Panes Perdicæ Macedonum Regis dum mercenarius esset Regis Lebæorum in duplum crescebant ? Herodot. in Urania historiam recitat ; ac scribit uxorem illius Regis sua manu cibaria coxisse, retulisseque ad Regem, Perdicæ mercenarii panem dum coqueretur in duplam molem quam esset excrecere solitum ; idque semper contingere ? an vero prodigium fuit ac signum regiæ potestatis, quam adepturus erat Perdicæ ? an vero ipse Perdicæ nonnihil fermenti suis panibus addebat regina inscia ac ignorante ? an loco aquæ lacte pastam subagitabat à quo panis intumesceret ?

XXVII. Cur panis albissimus lumbricos gignit? an quia dulcedinis multæ particeps est, abstergendi vero facultate caret quia furfuribus caret: dulcia autem quæ minimæ detergent, apta sunt generandis lumbricis? an quia magna quantitate sumitur, ex copia vero cibi nimia cruditas, ex cruditate putredo, ex putredine vermis? an quia diu cunctando in ventre propter furfurum absentiam putrescit? Hoc loco non possum non reprehendere Sancto- à Sanctorio meth. vitandorum errorum lib. quinto cap. undecim. qui ut probet lumbricos nasci ex pane albissimo, nititur auctorit. Galen. comm. 7. in libr. sext. epid. tex. sept. cum eo loco Galen. de albissimo pane non sit locutus, sed de impuro atque atro. Hæc sunt verba Galen. ex interpret. Baptist. Rasarii, cum Græco exemplari destituar quod cum aliis Galen. operibus impressum non est. *Generantur fera (id est Lumbrici) inquit, à crudo succo vel à pane, vel à leguminibus, vel ab oleribus: ipsæ vero & tormina, & morsus faciunt. Quocirca si quis pane impuro & cum leguminibus facto utatur, cumque frequens cruditas male habeat & edat ea in quibus sit aliqua corruptela, is lumbricos in ventre habet sine dubio, vel generabit.* Hactenus Galen. apud quem panis impurus idem est atque candidus Sanctorio.

Sancto-
rii ex-
tor.

XXVIII. Cur ater panis tenebras inducit? an quia impurum fœculentumque sanguinem gignit à quo spirituum impuritas? an quia exiguum alimentum suppeditat & parcissimum sanguinem à quo spirituum inopia? an hoc tantum scurriliter & parasiticè dictum à Philoxeno Cythereio qui cum in cœna quadam atrio-rem inferri panem animadvertisset; *No multum, in-*

quit, apposueris, ne tenebras forte inducas. Zuinger. volum. 9. theat. vitæ humanæ lib. 2. pag. 2239.

Lotus panis. XXIX. Quæro quid sit Panis lotus, quæ ratione lavatur? Lege Mercurial. lib. 6. Varia. lect. cap. 17. Silvaticum controversi. 6. & Joannem Baptist. Theodosium epist. 7. Interim lotum panem differre ab Aquatico Plinii discas, lotus enim non est novum genus panis aut nova præparationis ratio ante, sed post cocturam: Sed Aquaticus is dicitur qui multa aqua elaboratus ante coctionem levis & spongiosus redditur.

Aquaticus panis.

XXX. Cur panis aqua aut vino madens efficacius sitim tollit quam si duo illi liquores seorsim aut conjunctim ebiberentur? nonne propter moram quam trahit panis in ventriculo? ut enim aliquid siti adversetur, in ventriculi orificio superiori aliquantisper inhereat necesse est, quod panis suo lentore melius præstat quam aqua aut vinum quæ leviter idem orificium irrigant ob celerem eorum transitum.

XXXI. Cur Panis vino intinctus citius inebriat quàm vinum potum? an quia ut ait Pet. Hisp. in Isaac. lib. diæt. comment. panis solas partes vini vinosas ebibit, aquosas relinquit? an propter moram longiorem panis in ventriculo quam vini cito elabentis; quare diutius panis effumat è stomacho ad cerebrum, quam vinum ipsum.

XXXII. Cur Panis aqua madidus febricitanti datus ei restituit appetitum, ut scribit Avicenn. fen 12. 3. tract. 2. cap. septimo? an quia sua mora stomachi inflammationem ardoremque delet, qui cibi appetentiam prosternebat? ratione quippe

quippe aquæ subbucit ichores biliosos aut reprimat vapores malignos stomachum ferientes & appetitum dejicientes : an ratione solius aquæ quam βορρὸν vocavit Hippocr. 6. epid. sect. 4. an quia sanguinem in ventris tunicis contentum modicè cogit & constringit? quæ autem id præstant, appetentiam augere & procreare possunt, ut exponit Galen. comment. in locum Hippocr. prædictum.

XXXIII. Quamobrem vino cum pane febricitantibus oblato febris per calorem vini non intenditur, sed minor esse incipit? Rationem reddit Alex Aphrod. problem. 66. libr. 2. quam ibi lege.

XXXIV. Cur qui Panis frustum grandiusculum devorarunt iis singultus supervenit? Causam repete ex eodem Aphrod. problem. 47. libro primo.

XXXV. Quis erat Panis Doricus, quo nutritum Herculem narrat Theocrit. Idyllio 31. his verbis.

Δείπνον 'τε χρίαν' ὅππῃ, καὶ ἐν κενέῳ μέγας ἄρτος

Δωρικὸς ἀσφαλῆως καὶ φυτοκάρφον αἰδέει κορίσσαι.

In prandio carnes assæ pro cibo sunt, & magnus è cænistro panis Doricus qui probe satiare posset rusticum fossorem? An idem est atque ἀκιδάρτος καὶ εὐτελής sordidus & vilis, ut exponit Apollonii interpretes; quique similis esse possit Cilicio Panni quem apud Athenæ. lib. 3. cap. 27. Plato Comicus vocat μεγάλην καὶ ῥυπαρὴν magnum & sordidum? an Doricus Theocrito est qui Aristophani in Lufistrata ἄρτος νεανίας appellatur, id est, καρτερός καὶ μέγας solidus & magnus adeo ut saturare valeat νεανίαν καὶ αἰδέει φυτοκάρφον; Juvenili robore constantem virum & robustum

quemvis fofforem? Si quis autem cur ejufce³ modi Panis Doricus à Poëta dicatur interroget, refpondebo id factum, vel quod Dore^s alloquendo vulgarem panem designaret quo utebantur, vel quod muficæ Doricæ rationem haberet cujus modus ex Athen. lib. 14. erat ἀνδράδης, μεγαλοπρεπὲς ἢ σφοδρὲς, feverus, majestate plenus ac vehemens: quafi innuat poëta Herculem non fuiſſe delicatule fed viriliter enutritum.

XXXVI. Quis dicebatur panis Popanus? quis gradilis? quis ſpouſtitius? Scholiaſtes Ariſtophan, in δεſμοφορεῖαζ. τὸ πόπανον ſic deſcribit. πόπανον λέγεται πλακύνον π πλατὺ, ἢ λεπτόν, καὶ πτερυγῶδες. τέτοις γὰρ τοῖς ποπάνοις καὶ πλακυντοῖς ἔδος εἶχον αἱ γυναικες τεſμοφορεῖαζονται ταῖς διαῖς περιτύνειν ἢ εὐπρυγεῖν καὶ εὐπρυγεῖν. *Placentula eſt*, inquit, *lata, tenuis, rotunda quam mulieres Cereris feſtum celebrantes ſolebant offerre.* Eam idcirco inter ἀναθήματα recensuit Pollux Onomaſt. lib. 1. cap. 1. quæ ut Favorinus Camertes in lexico obſervavit, alio nomine ab Atticis dicitur φθός. Idem Favorin. τὸ πόπανον deducit, vel ἐκ τοῦ πίπῃ ſeu πέπτω, vel φθός τὸ ποπος, ὃ ὄρεός τεός καὶ ἀνάξ, ἵνα ᾖ πόπανον, ὡς καὶ περιερίεθν, τὸ ἥν πόπω ἀνακτι ὀπύμαρον. Alii popanos panes derivant à Popa ſeu Popax qui in veter gloſſ. immolator καὶ εὐπρυγῶς exponitur, id eſt, is qui victimas ad aram alligabat feriebatque & ſeceſpita jugulabat: ſed eedem gloſſæ Popam interpretantur πλακύν καὶ πόπανον, unde popinæ, popinones, & popani panes. Perſius ſatyr. 6. popam videtur uſurpaſſe pro pingui, quia ejufcemodi erant popæ miniſtri, vel certe pro guloso, quales ſæpe ſæpius erant ejus farinæ homines, qui ut ait Turneb. adverſar. libr.

29. capit. 7. *se hostiarum visceribus bene curant.*

Quoad panem Gradilem, putavit Turneb. ad-
vers. lib. 26. cap. 34. eum fuisse qui in gradili
templo Genii publici viritim dividebatur, de
quo quidem templo Marcellini testimonium pro-
ducit lib. 23. hanc tamen viri doctissimi senten-
tiam reprehendit Francisc. Juretus notis ad lib. 1.
Prudentii contra Symmachum, scribitque panes
gradiles dictos, quia dividebantur populo cura
præfecti urbi & præfecti annonæ è gradibus qui
in unaquaque regione urbis Romæ erant ad pi-
strina. Quatuor autem luculenta testimonia de iis
panibus referuntur. Primum est Prudentii libr.
1. in Symmach.

Panis
Gradi-
lis.

Et quem panis alit gradibus dispensus ab altis,
Alterum est ejusdem Prudentii lib. 2.

Quæ regio gradibus vacuis jejunia dira
Sustinet? aut quæ ja niculo mola nota quiesci?

Tertium est Cassiodori Variar. lib. 9. epist. 5.
*Hæc igitur vota damnantes præsentibus direximus
porritores, ut sive in gradu, sive in aliis locis fru-
mentorum condita petuerint invenire, &c.* Postre-
mum habetur libr. 14. Cod. Théodos. tit. 7.
de annonis crivicis & pane gradili. Consulatur
Cujacius ad tit. de conditis in public. horr. lib.
10. Cod.

Cæterum panis Speusticius à festinatione dici-
tur, *ἀπὸ τοῦ σπευδῆν* quod est accelerare. Hujus
mentionem & preparationem videtur Cato cap.
74. de re rust. docuisse, loco enim depstici legen-
dum puto Speustitii: quid enim panis depsticus
deplere est subigendo manibus aliquid molle &
tenerum reddere: nonne omnis panis subagita-
tione mollis & tener evadit? nonne omnis panis

Speu-
sticius
panis.

depsiticus est, id est subactus, tritus, subagitatus? Illic ergo Cato modum docet citissime præparandi panem. *Manus*, inquit, *mortariumque bene lavato*, *farinam in mortarium indito*, *aqua paulatim addito*, *subigitoque pulchrè*. Nihil hic novi in præparatione nisi propter festinationem, nam non apponitur fermentum, aqua non calefit, post subagationem nulla mora interjecta pasta igni committitur. Qui locus revocat mihi in memoriam cap. 12. Exod. ubi Israëlitarum *Aegyptum* deferentes sine fermento coxerunt farinam in subcinericios panes. Ex hoc patet spirituum panem eundem esse cum Azymo.

Cur panis
nis
mu-
cescit.

XXXVII. Quamobrem panis mucescit? An propter siccitatem? nam vetustissimus tantum panis situm trahit, quo vero vetustior est panis, eo siccior ac durior, adeo ut idem pani accidat atque Senibus hominibus qui ob siccitatem longis annis contractam marcescunt ac moriuntur. Quod igitur est tabes ex senio in hominibus, id mucor est, & situs in panibus vetustis. An potius ob humiditatem externam ac superfluam, quæ, vel ex loco ducitur, vel ex ambienti? humor autem ille superfluus cum à calore panis debili conservari atque contineri nequeat, corrumpitur, & partes quas imbuat simul corrumpit, quod ex eo manifestum est, quoniam partes molliores panis & partes vacuæ ac inanes primæ omnium mucescant, quod in iis major humiditas asservetur. Accedit quod in loco clauso ac minime perspirabili, atque in valde humenti, citius situs contrahatur. In summum situs putrefactionis species est, iisdem ergo de causis panis mucescet, quibus alia corpora solent putrescere.

XXXVIII. Cur si vetustare humescit ac mutescit Panis, mutari tamen in lapidem potest? Non desunt lapidosi panis exempla. Fabius Vericosus apud Senec. secundo de benef. panem lapidosum, hoc est, ut ait Lipsius, in lapidem duratum comparabat cum beneficio acerbo hominis duri & crudelis. Joa. Crassotus comment. ad lib. 4. meteor. narrat nostro ævo panem cum incluso pisce per cocto cum terra diu fuisset obtectus, postea deprehensum esse lapideum. Asservantur in Museo Calceolariano Veronensi duo panes lapidosi: unus miliaceus, alter ex secali qui adeo veros & germanos panes referunt, ut vulgus ignarum facilè deciperent. Unde illa mutatio? an panis terra obrutus succum lapidescentem imbibit, à quo postea induratur in lapidem? an hoc vehementi frigore terræ contingit, à quo panis velut congelatur? An virtutem seminalem terræ tribuamus, aut lapidi, qua formam suæ similem in materiam dispositam imprimit? An in peculiarem terræ illius naturam, qua panis obruebatur, rationem hujus effectus conjiciemus, quæ omnia in lapides convertere potest, sicut Vincent. nat. hist. lib. 8. cap. 5. tradit lapidem lunæ suspensum ex arbore fœtificare, aut quemadmodum Arist. lib. de mirabilib. cap. 42. refert in Myloinsula terram excavatam rursus concreescere ac generari? An forsitan nunquam panis ille verus fuit, sed lusit natura in imagine, eadem ratione qua videmus alios lapides rerum diversarum simulachra referentes, quæ nunquam alia sub forma extiterunt? Hujus rei causæ repetendæ sunt ex Fortunio Liceto opere de spontan. viventium ortu.

XXXIX. Cur cavet Pythagoras ne frangatur An frā-

gendus
panis.

Panis? An, ut ait Georg. Venet. probl. 468. scilicet. 5. tomi quinti, significat non esse frangendam amicitiam? Panis enim ex multis granis in unum collectis, unionem amicorum designat, hinc fomentum illud celeberrimum vitalis cibi nobis à Christo cælius administrati; sub specie panis datum est, ut indicaretur teste Augustino amicitia, conjunctio & unio qua esse debet in suscipientibus ipsum. An in rebus omnibus agnovit harmoniam, quam non frangendam esse jubebat ne virtus rerum simul dissolveretur? Certe Diog. Laërt. in ejus vita scripsit eum opinatum esse omnia per harmoniam constare. An id dixit propter metempsychosin & transmigrationem animarum, non in animalia solum, sed in viventia etiam? Cum itaque in triticum admitti posset anima atque in panem usque migrare, species illi crudelitatis videbatur, fractione uti minime ad edendum necessaria: Panis tamen usum non prohibuit, quia ad vitam necessarius, nec mandi dentibus vetuit, quia dissolutione illa anima panis ore recepta migrabat in nobilius corpus, nempe in corpus edentis.

XL. Cur apud Græcos & Macedonas sponfus & sponsa nuptiarum die panem gladio divisum gustare cogeantur? an ut discerent fugiendas esse rixas & contentionem quæ amicitiam inter sponfos dissolvere nata est, sicut gladius panem in se unitum discindere potest? an eo more ostendebatur, inquit Curtius libr. octav. parco & parabili victu conjunctos fide & opibus contentos esse debere?

XLI. Quid Punis per somnium edi visus significat: an defectum nutrimenti, ut vult Hippocrat. libr. de Insomniis simulque animi tristi-

tiam? Nam cogitatio ducitur natura sensu, ubi igitur egemus cibo, ejus imago in appetitu excitatur: quia vero cibo indigemus, idcirco tristamur, quoniam in paucis humido pauci spiritus, in paucis spiritibus animus demissior, inquit Scalig. in comment. An significat in ægris aut gulosis hominibus præteriti diei memoriam? ægri enim perpetuo cibum respirant quo sanitas recuperetur, gulosi defixam semper habent mentem in cibos quos unicè diligunt. Hinc Theocritus in Idyllio vigesimo quinto sub persona piscatoris dixit,

— — — — — καὶ γὰρ ὕπνῳ
 Πᾶσι κύνων ἄρτος μαντεύεται, ἔχτωα, καὶ ἀγῶν.

Id est, in somniis omnis canis panes somniat & ego pisces. Sane quæ cupimus somniamus atque id ipsum quod fatigavit vigilantes, pene semper se ingerit dormientibus, ex quo eleganter cecinit Claudian.

Omnia quæ sensu voluntur vota diurno
 Pectore sopito reddit amica quies,
 Venator defessa thoro cum membra reponit,
 Mens tamen ad sylvas & sua lustra redit:
 Iudicibus lites, aurigæ somnia currus,
 Vanaque nocturnis meta cavetur aquis.

Cæteras panis significationes ex somnio apud Artemidorum & Synefium positas lector curiosus videre poterit apud Cardanum libro primo de somniis cap. quadragesimo quarto. Jam enim tempus est ut somniis nostris modum imponamus & finem huic prolixæ animadversioni sed necessariæ propter dignitatem & excellentiam panis, cui hæctenus, quod viderim, nemo Doctorum peculiare opus dicavit cum de Nota;

vino & aqua eorum qui scripserint, infinitus penè sit numerus.

De Vipa & Offa.

C A P. XVIII.

B Is duo Vipa facit, mundat dentes, dat acut^{um}
Visum, quod minus est implens, minuens quod
 abundat,
 „ Ingeniumque acuit: replet, minuit simul Offa.

Vipa.

H Ic quatuor recensentur commoda Vipæ:
 Primo dentes mundat. Panis enim vino
 imbutus diutius circa dentes moratur, atque
 eam ob causam facilius etiam sæculentam ma-
 teriam ipsis adherentem abstergit ac consumit:
 quam vinum per se sumptum. Deinde, visum
 acuit: malos enim fumos, qui è ventriculo ce-
 rebrum petunt, suæque permistione spiritus visi-
 vos obscurant, reprimunt: adeoque materias pra-
 vas stomacho inhærentes concoquit, incidit &
 deorsum pellit. Tertio, cruda concoquit: quia os
 ventriculi leni quadam adstrictione claudens con-
 coctoriam facultatem roborat, plurimumque ali-
 menti corporibus exhibet. Quarto vero, vitioso-
 rum humorum multitudinem minuit: eos enim
 concoquit, incidit, exsiccat, & deorsum expel-
 lit: idque maxime, si panis assatus prius, aut super
 prunis exsiccatum fuerit. Quin eodem modo etiam
 superflue concocta ad *suppuratæ* fevocat. Porro
 de Vipa quam Gallice *Soupe au Vin* vocant,
 Hermolaus Barbar. cap. 65. libr. 5. corollarii

in Dioscoridem ita scribit: Erat veteribus jentaculum, buccæ ex vino, quod genus Barbari à vino & pane Vipam vocant. De eo Athenæus lib. 1. Deinops. sic ait: τραϊνὸν ἐμβρωμα, ὃ ἡμεῖς ἀκρατισμὸν καλεῖται, διὰ τὸ ἐν ἀκράτῳ βόσκειν, καὶ παροίεσθαι φακὲς, id est, matutinum edulium sive jentaculum, quod nos ἀκρατισμὸν vocamus, propterea quod panis buccellæ merò tingantur. Lege de eodem Plutarchum in Sympoſ.

Animadversio.

DE pane sicco qui vel cum obsonio, vel sine obsonio edi solet actum, est capite præcedenti: Nunc vero disputatio est de pane madenti seu vino tincto, seu jusclo, seu aliquo alio liquore fuerit. Panis vino imbutus dicitur Vip̄a barbaro nomine à vino & pane deducto, quam ad dentes detergendos, acuendum visum, & ingenium nobis proponunt Salernitani. At panis jusclo seu brodio tinctus, offa vocatur; quam aiunt & replere corpus per nutritionem, & minuere per excrementorum absorptionem. Est ergo Vip̄a nihil aliud quam panis buccæ, seu bolus puro vino madidus; quem in veterum jentaculo præsumptū monuit Athen. 1. Deipnos. cap. 9. & Plut. lib. 8. Sympoſ. probl. 6. Quæstio autem est num eas habeat dotes Vip̄a quas illi Salernitani tribuunt. Nam ut docet Andreas Baccius lib. 2. de natur. vinorum hist. cap. 18. *Vinum sic a vide imbibitum, à jejuno stomacho in hepar diffusum, præter id quod calorem in eo exitat igneum & qui comburit sanguinem redditque humores febribus indoneos: verum etiam acres illi vapores cœa cervati paulatim in cerebrum convul-*

Vip̄a
unde
dicta.

Vini
noxæ.

siones, deliria, epilepsiam, & apoplexiam inferunt, & præterea omnium morborum sunt communes causa. Quam quidem sententiam deprompsit ex Gal. comm. 2. in lib. 2. Aphorif. Quo loco Gal. ait vinum meracum ante cibarium esum liberaliter haustum, calamitates illas inferre. Verum Gal. & de vino locutus est metaciori, & de ejus liberaliore potatione & ipse Baccius de vino potenti sermonem habet; adeo ut inde nihil concludi possit contra Salernitanos, qui de Vipa quidem verba faciunt, sed ea quæ generoso & potenti admodum vino sit imbuta. Tale vero alimentum quidniis polleat dotibus quas illi Salernitani assignant præsertim in pituitosis & frigidiori temperamento hominibus & per constitutionem aëris frigidioris? Quod enim ad dentium munditiam attinet, certum est, ea quæ liquidiora sunt, non tam cito hæsuræ dentium intermediis quam crassa & viscosa. Præterea cum è capite ichores multi in dentes decidunt, à quibus redduntur & impuri & nigri; ea quæ gingivis robur addere nata sunt, dentibus mundandis mirum in modum erunt utilia: at & beneficio vini liquidior fit panis ac minus viscidus, seu inhærens; & ea virtute qua pollet, est enim vinum, ut ait Simeon Sethi *οἶνος ὑποσώζειν ἡ πένα* *substringens placide*, gingivas firmat & fluxionis impetum cohibet. Quod autem Vipa visum acuat, manifestum est; idque duobus præsertim nominibus, quod minus est supplendo, & quod abundat minuendo. Duo sunt maximè quæ oculorum aciem infringunt: paucitas spirituum, & vaporum copia. Vipa quia est *πρωτόγον* alimentum, tam panis quam vini ratione spirituum materiam suggerit, sicque exinanitos spiritus cito reficit. At vero quia caliditas tenuitasque par-

Vipa
doles.

tium vino inest, idcirco crassos vapores dissipat, intercipitque fumosas exhalationes quæ è stomacho ad oculos feruntur, ubi produciunt eam speciem ἀμβλυωπίας καὶ ἀμυγδαλῶν, quæ per sympathiam ex metastasi causæ morbificæ generatur. Duos illos modos acuendi visus tegerunt Salernitani secundo versu, quod miror ab interpretibus observatum non fuisse. Tertius effectus Vipæ qui principio tertii versus à nobis ex manuscriptis nostro additi continetur, Acumen est ingenii quod à Vipâ procuratur, depuratione & defæcatione spirituum animalium. Dum enim moram trahit longiorem in ventriculo, blandos vapores in cerebrum immittit, qui cerebri varios anfractus penetrando in ejusque ventriculos meando, frigidiuscula si quæ sint excrementa atque pituitosa placidè excalefaciunt, calefacta digerunt, digesta depurant; sicque rectificant & recreant spiritus animales operationesque intellectus perficiunt. Verum quia hæc effecta potius pertinent ad vinum quam ad panem; idcirco plura non addam donec ad caput de vino perventum sit.

Cætera pertinent ad Offam quam glossæ veterum *Offa* rer *μαζαν* interpretantur. Plurimum ramen differunt inter se veterum Maza & Offa nostra. Erat enim *μάζα*, vel ex hordeo panis, vel ut Erotiano placuit, farina quævis cum oxymelite, posca, mulsa, aut aqua mixta; sic ut parum à pulve dissentiret. At Offa nostra panis est assulatum sectus & calenti jusculo aspersus. Offam quoque veteres vocabant massam escæ in modum pulvis redactam; Sed nostra est jusculenta, quæ pro ratione jusculi quo madescit varias

Offæ
vires.

facultates assumit. Etenim si juscula sint butyrata, si oleata, si adipata, hoc est cum butyro, oleo, aut aliqua pinguedine cocta, si cum carnibus præparata, si herbis & oleribus saporata, dubio procul nonnihil virtutis retinebit ejus rei

Panata.

cum qua jusculum paratum fuit. Offæ genus est *panata*, infriatus scilicet panis minutatim ac frustatim fressus atque in jus seu decoctum optimarum carniū conjectus, quo cum interdum commiscetur minutal, reparandis viribus aptissimum pulmentum. Est & aliud genus novum & suavissimum quod Bisquam vocant. In plurimo jure armī vitulini panis immergitur & incoquitur, jusculum ex decocto columbarum, cristarum Gallinacearum, ac testiculorum, palati bovilli seu stulati concisi, uvarum corinthiacarum, cariophyllorum & similium admiscetur, sitque ex arte *Offa*, & scitissima & nutritioni aptissima. Porro offarum genera admodum nutriunt; præsertim jusculis carniū madentia. Nam ut ait Celsus lib. 2. *tum res eadem magis alit iurulentia quam assa, magis assa quam frixa*. Enimvero si id censeretur magis nutrire quod plus alibilis succi continet, certè Offa multo magis nutriet quàm succus panis, cum præter nutrītium panis succum, alibilem quoque substantiam jusculi contineat. Non sine ratione igitur Offa corpus replere dicitur, cum τροφήσος sit ac plurimi nutrimenti particeps. Quomodo autem corpus minuere perhibetur si ita repleat? an augendo bonos humores dicitur minuere vitiosos? an de Offa id subintelligendum est, quæ aquâ frigidâ simpliciter imbuta est, quæque propriè *Panis lotus* nominatur? is enim admodum tenuiter nutrit, quemadmodum ait Cornel. Cels. lib. 2. cap. 18. ob idque

idque corporis substantiam minuit. Nam teste Galen. comment. in lib. 1. Aphorif. Hippocratis; quæ multum alunt corpus implent & impinguant, quæ mediocriter nutriunt, corpus in eodem statu conservant, at quæ tenuiter & leviter alunt, corpus imminuunt & attenuant.

De Pisis & Fabis.

CAP. XIX.

Pisum laudandum nunc sumpsimus ac reprobandum.

*Est inflativum cum pellibus, atque nocivum,
Pellibus ablatis sunt bona pisa satis.*

„ *Manducare fabam caveas, parit illa podagram.*

Inquisitione dignum videtur, quod de pisis hoc loco traditur, nempe ipsa laudem mereri quandoque, nonnunquam vero & vituperium. Ubi scire ante omnia convenit, ipsa duas habere facultates, adstrictoriam nimirum & purgatoriam: quarum hæc certè in ipsorum velut carne est, illa vero in corticibus. Laudantur igitur quæ adempto cortice manduntur, culpantur quæ non decorticata ingeruntur. Prior enim modo sumpta, ut in diætis universali-
Pisa.
bus Isaacus id ipsum confirmat, ventrem subducunt: altero vero magis condensant & adstringunt, plurimumque flatulenti spiritus pariunt, ita ut pugna quædam actormina in intestinis excitentur; purgatoria quidem facultate succum

excernere volente, adstrictoria vero retinente: hinc que intus affligitur natura, ab utroque horum divexata. Porro si pisa cortice spoliata manduntur, tunc purgatoriæ actioni maximè conferunt. Quod de Pisif hic dicitur, idem de omnibus ferme leguminibus, puta fabis, lentibus, phascolis, & si qua sunt similia, præcipue tamen corticem habentibus crassiore, ut de fabis & ciceribus nigris intelligendum est. Hac namque ratione legumina omnia, quemadmodum lib. 4. de vict. rat. in morb. acut. Aphor. 95. Hippocrates attestatur, flatuosa sunt, & cruda, & cocta, & fricta, & macerata, & viridia. Cortex præterea in omnibus pejorem generat succum, quam quæ ipsorum velut caro est. In ipsorum genere reperiuntur quædam alba & rotunda, cortice tenui, levi ac fragili, quæ tametsi una cum corticibus innoxie mandi queant, præstat tamen ut decorticentur. Legumina viridia adhuc & nondum exacte matura valde tenuem habent corticem, ac minus ipsis discrimen inest, quo ad corticem saltem & carnem attinet, faciliusque concoquuntur: quare ea nonnulli sanis corporibus, quam matura atque exsiccata magis convenire arbitratifunt; quod tamen à veritate alienum videtur. Nam ea admodum esse excrementitiæ substantiæ & corruptioni magis obnoxie constat; quo fit ut à sanis non usque quaque citra noxam sumi queant. Hoc tamen negari non potest, quod matura & exsiccata cum ab extimis corticibus purgata fuerint, ad victus salubris rationem, quam recentia non decorticata accommodatiora sint: & è diverso viridia, quam exsiccata cortice non spoliata. Porro cum omnium leguminum substantia inflat, concoctioni renitatur, crassique &

pravi succi alimentum in corpus diffundat; merito à victus salubris ratione excluditur. Brodium tamen sive jusculum eorum, eo quod flatum cum omni & alimenti & concoctionis pravitare deponat, ventrem subducatur, utinam cieat, venarum atque viscerum obstructions amoliat, adeoque advasorum etiam, quæ colatoria vulgo vocantur, nempe hepatis, renum & vesicæ emundationem sit efficacissimum, non parum commoditatis in victus salubris ratione habere dignoscitur. Cujus proinde usum jejuniorum tempore, quando crassis atque obstruentibus utimur cibis, frequentiore esse convenit. Multiplex porro ac varius hominibus leguminum usus esse solet. Nonnulli enim cum salis carnibus esunt: quem modum Galenus lib. 1. cap. 25. de aliment. facultat. non probat. Nam hæc quoque sanguinem crassorem & melancholicum magis generant. Quapropter non est his copiosius utendum, & maxime si cui corpus sit aut melancholicum, aut crasso, vel pravo succo abundet. Pessimè autem coqui divitibus legumina sapa apparant: quandoquidem legumina haud quaquam incrassantium mitionem postulant, sed humidiores potius, & quæ ipsorum crassitiem incidat. Quibus vero sapa commiscetur, jecoris obstructions solent gignere; viscerisque hujus ac lienis inflammationes inauget, nisi melle addito meliora fiant. Perspicuum autem est, quod & scirrhosos visceris utriusque affectus sapa exacerbat: Ut autem legumina esui accommodatiora fiant, magis nutriant, & crassum parvumque succum amittant, in hunc fere modum coquenda veniunt: Sub nocturnam in aquam ferventem infundantur, ac pri-

Pisorum
coctio;

moquidem in manibus diutulè confricentur, ut à cortice separentur, deinde per totam noctem in eadem macerentur, sequenti vero die duabus, vel tribus ebullitionibus in eodem liquore, dum tertia quartave aquæ portio absumatur, percoquantur. Aquam autem adhibere oportet levissimam, ceu pluvialem. Nam & hac citius coquuntur & molliora evadent, & concoctioni minus faceissent negotii. Jus decocti colo tandem transfundendum, & ad usus reservandum. De quo ubi & quantumcumque libuerit, accipiendum, cùmque cinnamomo denovo & croco temperandum ad lentum ignem. Hoc enim pacto terream naturam magna ex parte deponet. Nonnulli duas partes zinziberis, unam piperis, aliquantum etiam cymini adjiciunt, quo facilius secedat: ad extremum aliquid aceti vinive, & butyri admiscent, atque unica iterum ebullitione coquunt, spumam interea diligenter auferentes. Quod quidem in principio refectiois potissimum sumendum. Illud postremo minime prætereundum, quod brodium sine jusculum cicerum & pisorum alborum multo sit præstantius & humanæ naturæ accommodatius, quemadmodum & tota eorum substantia.

Animadversio.

Cerealibus herbis succedunt legumina seu legumenta, quæ quod non secentur sed velendolegantur id nomen sortita sunt. Recensentur quidem inter cerealialia, sed inter ea ex quibus panis non paratur. Sic enim Gal. definivit lib. 1. de

VALETUDINE.

321

de aliment facult. ὁσπρια, inquit, καλῶς ἐκεῖνα τῷ
 δεικνύειν σπεμάτων ἐξ ὧν ἄρτος ἐ γίνεται. *Legumina ap-*
pellant ea cerealium semina ex quibus non fit panis. Di-
 cuntur vero ὁσπρια ὑπὸ τῷ ἀπείρω, quod est sero &
 semino, cujus perfect. med. ἐσπερα hinc σπείρειν καὶ
 κατ' ὑπερβίασμον ὀσπερον. Græci ad mentem Lati-
 norum legumina χειροπότῃ vocant quasi χειροπότῃ
 manu lecta & sine falce, ut explicat Nicandri Scho-
 liastes ad hos versus theriacorum.

χειροπότοι δ' ἵνα φῶτες αἴτερ δρεπάνοιο λέγονται,
 ὁσπρια χειροπότῃ τ' ἄλλα μισοχλός ἐντος αἰετοῦρης.

Quos sic vertit doctissimus Gorraeus,

Agricolæ si quando manus cerealium carpit,
 Semina, & è terra sine falce legumina vellit.

χειροπότοι, inquit, Scholiast, ὃ γὰρ οἱ ταῖς χειρὶ
 δρεπάνοις ἢ γὰρ δρεπανοῖς ἀντὶ δρεπάνου dicuntur *χει-*
ροπότοι, vel qui manu legunt, vel qui metunt sine falce.
 His semina soleo ego appellare, *Cerealium succe-*
danea, quod in usu hominum cibario cerealibus
 succedant & ab eis secundas obtineant partes,
 cum plerumque vicem panis suppleant excocta,
 & in usum multiplices ciborum convertantur, je-
 juniorum præsertim tempore, quo vix ullus eis
 carere potest.

Porro leguminum differentias ad duo summa
 capita soleo revocare, ad *Siliquosa* & *Capitata*. Sili-
 quosa tam ratione siliquarum in quib⁹ nascuntur
 quam seminum, maiora sunt vel minora. Inter ma-
 jora enumerantur Pisis, Fabæ, Lupini, Phaseoli,
 Cicera, Cicerculæ, Lentesc, Arace. Inter minora
 habentur Ervum Aphaca, Vicia, fœnum græcum,
 Etysimû, sesamus, lolium. Ad ea quæ capitata sunt
 & in siliquis non nascuntur pertinent papaver sati-
 vum, linum, cannabis, Orminû, vitex &c. de quo-
 rum omnium facult. agit Galen. lib. 1. citato de

Legu-
 minum
 species.

Legu-
minum
facul-
tas.

alimen facult. Cæterum legumina omnia asser-
tore Hippoc. lib. 4. de ratione victus in acutis
part. 92. *ποσά δ' αὖτ' εἰσὶ καὶ ὥμα καὶ περὺμένα, ἢ βεβρεγ-
μένα, ἢ κλοεζ'*; flatulima, inquam sum, & cruda & co-
cta & frixa, macerata & viridia: hanc enim le-
ctionem puto retinendam expungendo particu-
lam *ἡκίστα* ut monuit Gal. in comment. Natura
ergo leguminum est ut sint statulinta quacumq;
ratione sumantur; cruda, & cocta, recentia, sic-
ca, præparata, non præparata, propter nimirum
substantiam eorum terrenam, crudam, crassam,
& excrementitiam, quam calor nativus ventriculi
antequam digerat, in flatum vertit; quemadmo-
dum antehac à nobis observatum est. Hanc
Hippocrat. sententiam confirmavit Gal. in com-
ment. his verbis, *ἐμπέλησι τὴν κοιλίαν πάντα τὰ
ὄσπρια καὶ δυσπεπτοτάτ' εἰσι*: ventrem implet legu-
mina omnia coctæque difficillima sunt. Huic vitio
alterum succedit; generatio pituitosi humoris cras-
si & fœculenti, quem qui vescuntur leguminibus
toto corpore cumulant, unde crurum potissimum
imbecillitas contingit. Cujus quidem sententiæ
auctor est Hippocrat. tum lib. 2. Epitem. sect. 4.
part. II. tum lib. 4. sect. 4. part. I: quibus locis ob-
servat. *In Aeno per famem assiduo leguminum usu
tam viros quam feminas cruribus non constasse, sed
imbecillitate laborasse. Nimirum cum terrestria du-
raque omnia propemodum sint legumina, ut ait Jacob.
Steve in comment. crassos humores terreosque cum
quadam acrimonia ac flatu accumulanti, qui sensim suo
pondere deorsum ad crura ferantur, quo fit: ut quemad-
modum Aristot. problem. 5. sect. I. dicebat, quibus per
famem crura tabescunt non aliam ob causam id accidit,
quam quod nullum planè capiant nutrimentum aut
sane exiguum, ex cibis qui suapte natura parum nu-*

VALETUDINE.

329

trium; cuiusmodi legumina omnia sunt. Imbecillitas ergo crurum in Aeno accidebat tum ob crassum succum in crura paulatim subsidentem, tum ob paucitatem laudabilis succi & alibilis illuc affluentis, tum denique ob nervos crurum crassis humoribus occupatos ac pene resolutos. Atque hæc communia sunt leguminum vitia, quibus alia magis, minus alia laborant: singula autem *ιδίαι νοσήσεις*, ut loquitur Hippocrat. suas habent nocendi artes & lædendi ingenia, quæ in singulorum historia recensentur.

Quod autem dixi æquè noxia non esse legumina omnia, id peculiari observatione dignum habetur. Certe cruda legumina deteriora sunt coctis; inter cocta, frixa & exassata elixis minus flatulenta. Sicca vero magis quam viridia; diu macerata aquis meliora non maceratis. Fresca autem & decorticata integris benigniora; Condita rebus aromaticis, attenuantibus, flatumque discutientibus potiora habentur. Denique si absque aliis cibariis ac pane multa copia edantur & frequenter, omnium deterrima. Præceptum est Gal. & Hippocrat. Quarto de acut. Leguminibus utendum non esse, nisi cum cibariis; hoc est cum pane triticeo, ut eo artificio malignitas leguminum panis bonitate castigetur.

Hæc erant meo iudicio de leguminibus in universum definienda, priusquam de singulis disputaretur. Inter hæc vero imprimis occurrit Pisum quod Græci *πίζον* vel *πισον* quasi *πισσον* vocant *πίζον* τὸ πίνον quod est *καθαρίζον*, ac si quis dicat, legumen è siliqua purgatum, aut purgandi vim habens; quæ facultas pisco tribuitur. Favorinus tamen pisum dici vult, quod magna copia in Pisa Elidis urbe succrescat. *ὅτι ἐν πίζῃ τῆς ἡλίδος κατὰ κόρας φύσκει.*

Pisum,

Diffe-
rentia
piso-
rum.

Differentia Pisi multiplex; à magnitudine, colore, figura, regione, maturatione, coctione. A magnitudine alia magna sunt, alia parva. Magna nonnulli Romana vocant, alii ramularia, quod pedamento gaudeant; ubi viridia sunt rotunda, ubi reficcata angulosa, colore alias candido alias fordido. Parva Græci *ὠχρὺς* vocant, ut placet Dodonæo qui Ervilia cum pisib. minoribus confundit: hæc autem majoribus deteriora sunt, maximè cum majora hortensia sunt & exculca. A colore pisum aliud viride, aliud album, aliud rufum sive cinereum, aliud ceruleum quod rarius existit, aliud rubrum & Americanum: sed candida & viridia aliis præstant. A figura quoddam est rotundum, quoddam angulosum. A maturatione, aliud cito, aliud tardè perficitur ac maturescit: à coctione, aliud ad primam vel alteram ebullitionem coquitur, estque bonitatis eximie, aliud vero vel difficulter coquitur, vel ebullitione indurescit; quod omnium est deterrimū. Græci autē vocāt legumina coctibilia hoc est quæ cocturâ sunt teneriora ac molliora, *τέτραμνα* hoc est *ωπαλά* καὶ *ὀψανα*: dura vero & coctioni inhabilia *ἀτέτραμνα* id est *δυσήπανα* de qua leguminum affectione egit Theophr. lib. 4. de causis plant. cap. 13. Usus pisorum maxime spectatur in jusculis, æstate quidem & cum adhuc viridia sunt ac tenera; vel simul cū folliculis, jusculo admiscetur, tumq; dicuntur *λεπτολόβα*, vel siliquis extricata. Hyeme autem & post maturitatem non comeduntur nisi exclusis folliculis, cortice per longam ebullitionem amoto. Pridie enim quam jusculum paratur, macerantur pisa in aqua tepenti, ut plurimum fluviali (observatum enim est puteanâ aqua pisa coctioni reddi contumacia) tum diutissime coquuntur novam aquam af-

fundendo donec cortex sponte secedat : Mox decoctum illud percolatur & leviter exprimitur, colatura nominatur *Depurata gallice, la purée*: quæ tandem cum butyro, sale, radice petroselini; aliisve herbis coquitur in jusculum, pauco affuso croco admodum suavi & colore aureo. Extra jusculum eduntur quoque pisa viridia quidem ac recentia excocta cum butyro, & panea satureia, serpillio aut thymo, vel etiam cum multa lactuca cocta. & concisa : sicca vero frixa modo cum cepe, modo cum thymo, modo cum solo butyro aut oleo. Jam ulus invaluit ut quovis anni tempore in conviviorum lautiorum intermediis dapibus quæ inter secundas & ultimas mensas apponuntur, integra pisa & λεπτολογία exhibeantur; ætate enim artificiosè reconduntur & conservantur à coquis, non minus quam cæteri fructus. Jucundissimum est edulium pisum cum carne porci salita, præsertim quæ cum vertebis coctum, quod Galli vocant *Pois au lard*.

Quod ad tēperamentum & facultatem Pisi attinet, cū Gal. lib. 1. de alim. facult. dixerit pisū substantia tota cum fabis quādam habere similitudinem, fatendum est pisum tēperamento esse frigido & sicco in primo ordine, idq; cū exsiccātū est, nam viride & recens humidum existit. Auctor tamen thesauri sanitatis pisa humida & calida constituit, ac bilem flavam augmentia, qua authoritate innixus nescio, cum Galen. contrariū senserit, Oribasium habuerit repugnantem, Dioscoridem fautorem proferre nequiverit cum de pisīs uihil scribat, Hippocratis denique testimonio gloriari non possit qui de primis qualitatibus pisorum non egit. Subscribam potius Balthasari Pisanello libr. de potulent & esculent. facultatib. Pisa gradu primo

Piso.
rum
cultas.

Hippo-
cratis
& Ga-
leni dis-
sensus.

frigida constituenti & humida temperatè esse di-
centi; ac propterea calidis temporibus juvenibus.
& cholericis convenire. De aliis autem facultati-
bus Pisorum non convenit inter Hippocratem &
Galenum. Nam Hippocrates lib. 2. de diætâ, Pisa
scribit inflare quidem minus quam fabas; sed per
alvum magis secedere: Οἱ πασὶν inquit, *εὐσπῆσι μὲν*
ἥσσον διαχωρέουσι δι' μάλλον. At Galenus lib. 1. de
alimentorū facultat. cap. de Pisis, notat his duabus
rebus à fabis Pisa discrepare, tum quod non æquè
ac fabæ sint flatulenta (atque in hoc convenit cū
Hippocrat. Galen.) tum etiam quod detergendi fa-
cultatem non habeant, ideoque segnius quàm illæ
per alvum secedant, *διὰ τὸ τοῦ* inquit, *βρωτῶτος πορρωτέρως*
ἢ καὶ μᾶλλον καὶ γὰρ εὐσπῆς εἶσιν, quod etiamnum repetit
cap. 7. libri de cibis boni & mali succi. Certè non
est dubium, Galen. hîc ab Hippocrate dissentire
sed an à veritate discrepet, non ita cuique obvium
est. Ex recentioribus enim nonnulli, ut sunt nostri
Interpretes, Ruellius, auctor Thesauri sanitatis,
Pisanellus & alii, pisorum decoctorum cremorem
alvum ciere volunt, quo factum est ut purgatio-
nis die tribus horis à sumpto cathartico decoctum
pisorum exhiberetur proluendæ alvo, observante
Fuschio in paradoxis: Multi vero ut Delcham-
pius, Fuschius, Matheolus, secuti Galenum, hanc
facultatem eis denegant; sed meo quidem judi-
cio perperam. Constat enim experientia deco-
ctum pisorum alvum ciere, quippe cum multi qui
alvo sunt adstricta, quadragesimali jejuniorum
tempore quo frequenter jusculis pisorum utuntur,
fluidam habeant alvum, quotidieque dejiciant
excrementa minus dura quam alio tempore cum
pisis abstinent. Ergone Galenus deceptus est? Er-
gone ab Hippocratis doctrina deflexit? minimè:

Hippocrates enim pisi decoctum consideravit, Galenus substantiam. Decoctum pisi haustum magis laxat quam decoctum fabæ: ratio est quia faba magis quidem deterget, sed deterfionem illam habet non in superficie sed in imis profundisque partibus ac idcirco difficulter & ægrè eximitur quavis ebullitione facultas illa *ἡνελμὸς*: Præterea fabæ duriores solidiorē & contumaciorē habent substantiam, proinde magis fermentatam ægriusque dissipabilem: At Pisi vim detergendi habent in superficie, substantiam præterea minus compactam magis vero laxam *καὶ χαλρόν* ut loquitur Paul. Aegin. lib. primo capite 79 proinde vis deterforia levi ebullitione separari potest à pisis, & migrare in eorum decoctum, unde fluida sit alvus sumpto eo decocto potius quam fabaceo, ut voluit Hippocrates. Verum quia Galenus pisorum & fabarum intelligebat secundum totam substantiam, ut ipse loquitur, non penes decoctionem, ideo contrarium protulit, nec injuria: nam decoctione pisorum vis detergendi in superficie posita abit in decoctum, remanent ergo pisa ea vi privata: At fabæ quia eam in profundo sitam habent, idcirco penè totam ac integram post ebullitionem conservant; Hinc tandem contingit ut fabæ secundum substantiam assumptæ, magis detergeant quam pisa, & ex consequenti non ita tardè secedant. Est itaque utraque sententia Hippocratis & Galeni verissima; adhibito hoc diorismo, quem miror neminem Medicorum qui contradictionem illam observarunt, hæcenus olfecisse: quod tamen necessarium erat ad determinandam pisorum facultatem inter Medicos controversam.

Ad Pisorum naturam accedunt *Cicera*, Græcis *Cicera*.

Cōci-
liatur
Hippo-
crati
Galen.

ἑρέβιντοι, Gallis *Pois ciches* appellata. quidam autem cicer deductum volunt à voce Hebraica Kiccar, cicar, qua circularis seu orbicularis aliqua portio designatur, quasi Cicer ob formam circularem atque rotundam id nominis sortitum sit. Ejus duas species constituit Matheol ad lib. 2. Dioscorid. sativum & sylvestre. Illud trium est generum; candidum, seu columbinum, rubeum seu venerem & nigrum seu arietinum. Candidum, inter omnia dulcedine præstat, rubeum ad excitandam venerem aptius est, nigrum præ cæteris urinam ciet. Silvestris tres quoque differentias facit Bauhinus ex varietate folliculorum desumptas; quas ut minus necessarias prætermittimus.

Vnus.

Ufus Cicerum, ut Pisorum est, non ita tamen frequens nec suavis esu, medicamentis opportunior. Temperamentum, ut ait Simon Sethi, θερμόν ἐστι, καὶ ὕγρον καὶ πῦρ πρῶτον ἀπόστασιν: calidum est & humidum excessu primo; substantiæ particeps est partim salis, partim dulcis: inflationes excitat non minus quam faba; sed valentiùs nutrit, venerem quoque stimulat & semen auget; cuius gratia admissariis equis olim exhibitum observat Galenus. Vim præterea habet abstergendi potentem, adeo ut nigra cicera contractos in renibus calculos evidenter frangant atque comminuant. Aëtius lib. 1. cicer dicit esse ὁσπερ ψωτὸς δὲς, ὑγρὸν, ἀκοιλίον, ἐρηπικὸν γάλακτος, καὶ σπέρματος, καὶ κατακλυτὸν ἁγῶρον, legumen flatuosum, alimentiosum, ventri commodum, urinam ciet, lac. & semen generant mensesque ducens, facultatis insuper attrahentis, discutientis, incidentis ac extergentis δυνάμειος ὀπαστικῆς, διαφοροπικῆς, τμητικῆς, ριπτικῆς. Simeon Sethi cicer ait διὰ τὸ ἀλυσκώδες ὁμῶς, partibus suis salugumifis ventrem stimulare διὰ δὲ τῆς γλυκύτης

ποιότητος; sua vero dulcedine, urinas provocare. Minor autem Liliū Gyraldum. Simeonis Interpretē scripsisse nigrum cicer contra venena velere, cum nemo veterum id observarit, nectale quid in Græco Simeonis reperiatur. Hæc sunt Simeonis verba: οἱ δὲ μέλανες φαρμάκῃ τὸ πόνον ἔχουσι διὰ τὴν ἐνέργειαν διὰ τὴν πικρότητα τοῦ εἶναι, καὶ οὗτος ἐν τοῖς νεφροῖς καὶ τῇ κύστει λίθων δημιουργοὶ. Hæc sic vertit Gyraldus. *Nigrum vero cicer medicamenti vim habet adversus venena & maxime lotium ciet, & franget calculos renum & vesicae.* Deceptus est vocabulo φαρμάκῃ, quod credidit positum pro veneno; Nec animadvertit mentem Simeonis esse describere tantum alimenta inter quæ reposuit cicer. Sed cum scirer cicer alimentum esse admodum medicamentosum, idcirco subjunxit; Nigra cicera propter virtutem alterandi maximam non tantum alimenti sed medicamenti quoque locum obtinere, cum potentissimum sit diureticum, & lithonthypicum medicamentum. Addit Simeon cicer rubrum calidius esse albo & crassiorē generare humorem: Nigrum vero cum faba sumptum σπύματος δυνάμει καὶ λιποσαρκίαν inducere. Porro notandus est alius error Gyraldi in fine illius capituli ubi verba hæc Simeonis; οἱ δὲ χλωροὶ ἐρεβινθοὶ ἐπισώδης εἶναι καὶ δύσπεπτοι, τινὲς δὲ ρασοὶ, οἷς καὶ εὐχολίας πυχάνουσι πεποιητικοί, sic vertit, *Viride vero cicer instat, difficulter concoquitur, malumque, ut quidam alunt, colorem facit.* εὐχολίαν πεποιεῖν, estne malum colorem facere an potius bonum colorem commendare, fovere, tueri? Certe si Gyraldus legisset Dioscorid. lib. 2. cap. de ciceribus, observasset ea ipsa verba quibus utitur Simeon apud Dioscorid. esse, sic enim loquitur ἐρεβινθος ὁ ἡμεῖς, εὐκοίλιος, ἐρητιμός, πιδυμάτων θρυπτι-

Gyraldus
di-
er-
ror.

Alius
error
Gyraldi.

Amabo

κὸς εὐγχοῖας ~~καὶ ποικίλους~~, &c. *Cicer sativum albo idoneum est, urinam ciet, inflationem parit, colorem commendat, &c.* quod quidem animadvertisse oportuit, ne Medicinæ studiosi interpretibus fidem tantam adhibeant, ut græca exemplaria negligant consulere. Et vero à Dioscoride & Siméone non dissentit Isaac lib. dictarum particul. cap. de cicere; cum scribat eos qui cicere utuntur, pulchra cutis fieri, quod dilatata & extensa caro luceat & clarificetur. Quæ postrema verba sedulo observanda sunt ut intelligamus an εὐχχοῖα illa & ευχία corporis ex bonitate succi alibilis qui est cicere oriatur an aliunde. Equidem Isaac eam ευχίαν καὶ λιποσπικίαν, non refert ad bonitatem succi alibilis, imo potius ad statum quem excitat toto corpore cicere: *Nutrimendum, ciceris inquit Isaac, quam fabarum majus est; non tamen bonum, sed ad digerendum durum, ventositatem & inflationem faciens, in tantum ut carnem inflat & dilatat, & in ea idem faciat quod acetum in sicco luto, aut fermentum in pasta: unde qui eo utantur pulchra cutis sunt, dilatata enim & extensa caro luceat & clarificetur* Quod apud Athenæ lib. 2. deipn. cap. 14. Diocles significaverat ἰσχυρὸς vocās ζυμωτικὸς τῶς σαρκὸς, hoc est esu cicerum veluti fermento quodam molem carnis turgescere.

Dubi-
tatio-
nes.

Ex his quæ dicta sunt nonnullæ occurrunt dubitationes diluendæ circa cicerum naturam. Prima est de eorum temperamento, quod diximus esse calidum humidum. Est enim in oppositum sententia Avicennæ lib. secund. tract. secund. cap. 132. existimantis cicer calidum esse & siccum in primo gradu, cui non repugnat Galen. libro sexto simplicium scribens, calidum esse & modicè siccum cicer sativum, sylvestre vero tanto calidius & siccius

quamo & aerius & amarius. Est autem apud Gal. norma & index temperamenti calidi & sicci amator, qui cum in ciceribus reperiatur demonstrat ideo ea sicci esse & calidi temperamenti. His objectionibus respondemus duplicem esse in ciceribus substantiam duplici qualitate perfusam, ut ex Simone Serhi protulimus. Prior extima & superficialiarsa falsedine prædita est, ac ut ita dicam nitrositate: ἀλμυρ vocat Theoph. cap. 6. lib. 8. histor. plantar. Posterior est intima, profunda, atque ut barbari loquuntur centralis dulcedinis particeps; à qua vim humectandi habet modicè atque calefaciendi; quemadmodum vim siccandi obtinet à priori illa per quam solum urere dicitur: & à Plinio libro decimo octavo capite duodecimo & à Tremellio apud Columell. lib. 2. de re rust. cap. 14. Tremellius, inquit, obesse maximè ait solo virus ciceris & lini, alterum quia sit salsa, alterum quia sit fervida natura. Avicenna igitur superficialiarsæ illius qualitatis rationem habens siccum cicer dixit, alii ratione dulcedinis intimæ ac plurimæ, humidum, Quod ad Galen. spectat, versio latina Theodorici Gerardi siccum cicer ponit, at exemplar Græcum Galen. & Venetian. & Basiliense υγρόν habet, seu humidum. Altera dubitatio est de ventris stimulo; cur scilicet, venerem excitent cicera. Respondet Isaac, tribus maximè nominibus, ratione Caloris, Nutrimenti, & Flatu. Inde occasionem arripit Pet. Hispanus sciscitandi utrum cicer his qualitatibus præditum magis excitet venerem, quam caro & vinum: Negat vero Hispanus, licet enim cicer plures causas contineat excitandæ veneris, non tamen æquæ potentes ac caro & vinum, quia quod materiam spermaticam copiosorem producant, inferiora non sunt

Alteram
diffi-
cultas.

ad venerem irritandam ipsis ciceribus. Admittit tamen in ægris & in quibus appetitus veneris languet cicera potentiora esse, & ut ipse loquitur, *in viâ Medicinæ*, at non ita in fanis & *in viâ dietæ*. Tertia dubitatio petitur ex Simeone & Isaaco qui cum diureticum fateantur Cicer, monent tamen ulceribus renum & vesicæ ipsum esse admodum noxium. Unde hoc? an quia falsugine sua mordicat exulceratas partes doloremque parit? an quia secum rapit in renes una cum materia urinæ sordes multas, humoresque biliosos à quibus ulcera sordida fiunt, & ipsi meatus obfarciantur; unde inflammatio & urinæ suppressio interdum contingit? Addo pro ἐμπέτρῳ à Salernitatis & à Villanovano pisa & cicera confundi, quemadmodum fecit etiam Isaac ex observatione Petri Hispani. Restat pars capitis ex manuscript. nostro addita de *Fabis* examinanda discutiendaque. Ergo quod Latini *Fabam* vel à Falisca voce haba vel à Græca φάβιν dicunt, Græci nominant κύαμον ὡς τὸ κύειν αἶμα ut ait Eustathius. Etenim si quis, observante Luciano in vitarum auctione, elixam fabam certis lunæ diebus deponat, sanguinem fecerit αἶμα πρῶτον: Vocantur & fabæ φάβα κ' φαβατα & à rusticis ἑτινος. Ceteras ethymologias & verbi κύαμος significationes non moror, cum ad naturam fabæ intelligendam nihil faciant. Satiùs erit fabam constituere duplicem: Ægyptiam & Græcam: Ægyptia nobis minus ut cognita sic utilis, Græca quæ & nostras est, vel est sativa vel sylvestris. Prior duplex; major & minor de quibus videndi Botanici.

Inter legumina *maximus honor faba*, inquit Plin. iibr. decim. octav. cap. 12. quippe ex qua *gentius sit panis*, frumentaceis misceri fabaceam

Tertia
diffi-
cultas.

De fa-
ba.

Vide
Stuc-
cium in
lib. 2.
antiq.

Fabæ
us in
fabis.

farinam apud quosdam populos ut solidior panis fiat, etiam hodie mos invaluit. Frequentius ejus decoctum usurpatur aut manditur, frixa apud rusticos & pauperes solum, cum à ditiorum mensis hodiè expungatur, nisi forsan æstivo tempore cum recens est adhuc & viridis, tum enim decorticata & cum oleribus ac butyro cocta aut frixa suavissimè editur. Sicca interdum exassatur à rusticis, sed minimo profectu: licet enim minus flatulenta reddatur assatione, non faciliùs coquitur aut alvo secedit, sed tardius ac segnius. Est ergo elixa faba assatà potior; quamvis Isaac contrarium senserit; Est quoque viridis minus noxia quam sicca, quia magis alvum lubricat ac humidat, nutrit tamen minus.

Faba virens ac recens temperamento est frigido & humido, resiccata sicco: Dioscorides tamen medio ait esse temperamento inter calidum & frigidum, cui sententiæ consentire Galen. Paulum

Fabæ
tempe-
ramen-
tum.

Aeg. & Aetium, contendit Jan. Conarius lib. 7. dolabellarum in Paulum Aeginetam ad quem locum lectorem remitto. Hippocrates 2. de diætâ, eam alere, sistereque alvum ac inflare scribit, inflare quidem, quod impediât meatus ne superveniens aliud alimentum suscipiant, sistere vero alvum, quum totam alimèti fecem habeat. Galenus 1. de alim. facult. in faba flatulentum cibum agnoscit, etiam si coctus diutissimè fuerit ac quovis modo paratus: lib. vero 7. simpl. carnem fabæ detergentis esse facultatis monet, corticem adstringentis; quum obrem sine cortice ingesta

Facul-
tates

ventrem non cunctanter permeat. Dioscorid. lib. 2. inflationem excitare ait fabam, agrè concoqui, tussimulosa somnia facere, tussi conferre, & carnem generare. Oribasius synop. lib. 1. eam veneri com-

fabæ,

mendat. Actuarius lib. de Spiritib. cap. 5. ejus usu interdicit ob crassum sanguinem & flatum non dissimilem quem creat. Simeon Sethi notat, nonnullos arbitrari fabas mali esse succi; quod bestiolas quasdam gignant quæ omnino ex putredine ac sordibus quibusdam humescentibus nascantur. Accedit ad hoc, quod fabas tradunt non solum mentem perturbare, sed & aciem ingenij hebetare eorum qui diutius in locis ubi plurima proveniunt, versantur: ea videlicet causa quoniam mali vapores & ferè pestilentes ex his redduntur, qui quaquaversum aërem inficiunt & corrumpunt, qui continenter illatus cerebri temperaturam subvertit, qua subversa infectaque, rationalis facultas ac vis hebeatur. Hæc ille.

Fabæ
venerē
stimu-
lant &
extin-
gunt.

Ceterum querit. Pet. Hispanus cur cortex fabarum adstringat, cortex vero tritici, ut dictum est, detergeat & laxet. Respondet autem id fieri propter corticis fabacei duritiem atque crassitiem, quæ impedit ne calor cœlestis imprimat in eum caliditatem atque raritatem; unde vis oritur deterforia. Animadversione dignum est quod fabæ intro sumptæ venerem stimulent, adnora vero puerorum inguinibus, compefcant; assumptæ flatu & nutrimento libidinis stimulos exacunt, admotæ vero & frigiditate sua & obstructione pororum, non sinunt materiam spermaticam in membra genitalia descendere. Hac etiam de causa appositæ locis ubi sucrescunt pili, faciunt ut illi subtiliores atque tenuiores nascantur; constrictione enim pororum subtilior evadit pilus. Inter fabarum utilitates, Plinius, Dioscorid. & Galen. recensent facultatem juvandi pectus & pulmones, quod intelligendum est de fabis frefis & excorticatis, quibus vis inest detergendi. Quem

profecto usum dum commemorat Lelius Bisciola, tom. 2. horarum. subficiv. lib. 16. cap. 17. ad finem gravissimum errorem commisit in Paul. Error Biscio-
la. Æginetam quem sibi contradicere asseruit: affirmat enim Paulum Æginet lib. 3. cap. 28. de vaucedinis cura inter alia remedia proposuisse fabas cum suis corticibus alixas, quod certè Æginetæ verbis omnino repugnat. Verba Ægin. hæc sunt: *ὕγρατος δὲ καταλιφεῖσθαι ἐν τοῖς μωκοῖς ἐν τῇ ρυτίνῳ πτερῇ ἐρχομαι, ὅσον ὅτι κοῤῥυμνον ἔτνος*, &c. id est, humiditate vero in partibus relinqua, ad qua magis extergum deveniendum est, velut est puls fabacea: vel Bisciola per *ἔτνος* corticem fabæ intellexit, quod non crediderim, adeo supina est ignorantia: vel ex aliorum relatione transcripsit inconsulto Æginetæ quod factum credibile, cum hodie maxima scribentium pars ex aliis transcribant. Quid autem per *κοῤῥυμνον ἔτνος* voluerit Paulus, satis accuratè expressit Cornarius in versione ejus loci; interpretatur enim, *fabam f. esom elixatam*, seu pulmentarium ex fabis fressis & deglubitis confectum: sic enim definit *ἔτνος* Galen. lib. *περὶ εὐρυμ. καὶ κοῤῥυμ. cap. 5.* *τὸ ἐκ τῶν ἐπερχόμενων ὁσπερίων τε καὶ χερσίων συνδεδεῖσθαι*, quod ex decorticatis & fressis leguminibus paratur. Nominatim vero Gal. comment. in part. 18. lib. 1. de vict. rat. in acut. *ἔτνος κοῤῥυμνον pulment fabaccam*, recenset & comparat cum priffana, pullicula, seu cremore hordei, prout cibus est non potus.

Ceterum Salernitani cum sum fabarum prohibeant, mihi revocant in memoriam symbolum Pythagoræ quo *κοῤῥυμνον ἀπέχεσθαι* id est, *fabis abstinendum esse* jubet. Multæ autem & gravissimæ rationes à multis adductæ sunt hujus præcepti Pythagorici, quas in unum veluti fascem colli-

Ejus fabæ interdicitus.

1. Ra-
tio.

gere non pigebit. Marc. quidem Tull. lib. 1. de divinat. hanc causam produxit. *Iubet igitur Plato sic ad somnum proficisci corporibus affectis, ut nihil sit quod errorem animis perturbationemque afferat: ex quo etiam Pythagoreis interdictum putatur ne faba viscerentur; qua res inflationem magnam habet. Is cibis tranquillitatem mentis quarentibus constat esse contrarius.* Et certe hæc ratio à veritate prorsus aliena non est, cum ex Dioscoride constet fabam gravia somnia inducere, & ut aiunt Psellus & Simeon Sethr. *turbulenta & non vera; ὁνειρὸς τὰ πονήεις νοὶ ἐκ ἀνδρῶν*, tum ob flatulentiam ejus materiam tum ob *κακὰ χυμῶν*. Cujus quoque sententiæ fuit Plinius scribens, *fabam hebetare sensus. eximatam, & insomnia facere.* Nonnulli vero opinati sunt

2. Ra-
tio.

voluisse Pythagoram hoc præcepto à rei venereæ proluvio discipulos submovere, allusione facta ad testiculos quos Græci non minus quam fabas *κνῆμα* vocant, quod sint *τὰ κνῆμα ἄπρον*; hoc est *parien. di auctores*, vel *εἰς τὸ κνῆμα δεῖν*, id est, *serendo utro valentes.* Quamobrem Græci, *ὑπὸ τῷ κνῆμα κναμίζειν* dixerunt quod est puellarum ætate maturiorum, cum virum appetunt, ut notat Ascen. ad cap. 11. lib. 4. Agellii, ex Scholiast. Aristophanis. Diogen. præterea Laert. in vita Pythag. ex Arist. lib. de fabis, observat fabas pudendis similes esse vel inferni januis: etenim ut ait Lucian. in vitarum auctione, si *fabam adhuc viridem exuas, videbis eam virilibus membris similem naturam habere*, quod etiam Bapt. Porta lib. 3. Phytognom. cap. quadragesim. quart. præclare demonstravit. Igitur quod fabæ *οὐ πᾶν γόνι εἶσι* ab iis abstinendum censuerat Pythagoras. Non tamen prætermittendum, Laërtium dixisse fabas esse infœcundas, ob idque putasse nonnullos usum fabarum interdictum à

3. Ra-
tio.

Pythagora

Pythagora propter sterilitatem, cuius, cum infœcundæ sint, symbolum existunt. Equidem cum ex omnium pene sententia tum ratione flatulenti spiritus cum alimonix quam fabæ subministrant corpori venerem excitare dicantur; ac præterea ex earum characterismo fœcunditatem promovere: suspicari non possum quomodo & à Pythagora existimatæ & à Laertio vocatæ sint *ἀγοραίοι*. An fabæ infœcundæ.

Dicam tamen quod in mentem venit; Primum est aliquid inesse fabis, ac præsertim earum putaminibus, quod fœcunditati obest. Apollonius Dyscolus Alexandrinus lib. historiæ comm. cap. 46. refert ex Theophrast. lib. 5. de causis plant. cap. 21. *putamina fabarum radicibus arborum apposita, fructus siccare & corrumpere. Sed & gallinas domesticas, si crebro ea edant, steriles fieri? An vero arbores enecant exsugendo succum terræ quo aluntur plantæ, an obstruendo atque cōstipando tum terrā ipsam, tum plantarum radices? an duritia sua ac siccitate plantarum fibras emaciando? Quod ad sterilitatem gallinarum attinet, puto eam à fabarum putaminibus induci tum earum siccitate, tum crassitie à quibus redduntur *δυσπεπτα* & pauci nutrimenti.*

Alterum quod inquisitione nostra dignum est in eo consistit, utrum quemadmodum fabarum putamina plantas & gallinas steriles reddunt, sic fabæ ipsæ homini sterilitatem inferant. Equidem multum interest an quis de viro hoc pronuntiet, vel de fœmina. Aliter enim excitatur venus in muliere quam in viro; aliudque est excitare ad venerem & aliud fœcunditatem promovere. Conveniunt omnes ob flatulentam fabæ substantiam venerem stimulari in hominibus quod penis distendatur & flatu turgescat; sed propterea nec seminis augeatur copia, nec semen ipsum calidius aut spiritu

Nota.

genitali turgidius redditur, proinde nec fœcundius evadit. Excitant ergo venerem fabæ in viris & virgam intendunt, sed fœcunditatem non juvant. Melancholici omnes quia flatibus pleni, idcirco sunt libidinosi, sed parum fœcundi, quia flatus coitus quidem unam conditionem præstat, virgæ erectionem, sed copiosi seminis ejaculationem ejusque fœcundi, quæ præcipua est fœcunditatis causa, ne minimum quidem promovet. Flatus autem in fœmellis non ita potest excitare venerem atque in viris, quia libidinis desiderium in fœminis non exurgit ab extensione aut erectione alicujus partis, sed potius ex attritu atque fricatione, quamobrem fabæ non ita forsitan in libidinem fœmellas irritabunt atque viros, quod propter partium diversitatem alia sit coeundi cupiditas in viris quam in mulieribus. Itaque facile assentior fabas sterilitatis causam esse posse in mulieribus, tum quia frigiditate sua temperamentum mulierum adaugent, tum quia crassitie venas mulierum angustas obstruunt ac infarciunt, quo fit ut materia seminis sanguis & spiritus exigua quantitate ad membra genitalia confluat. Præterea duæ aliæ sunt rationes quæ fabas sterilitatis inducendæ damnare possunt. Altera est sensuum hebetatio ac torpor quam fabæ accersunt, seu ille contingat ex crassitie ac impuritate sanguinis à flatulentis crassisque earum fumis excitata, seu ex spirituum animalium fœculentia, atque pigritia, quam iidem fumi provocant. Altera est frequentia veneris quam flatu suadent. Qui enim flatulentis spiritibus turgent ex virgæ tensione coitum semper appetunt, quem si frequenter celebrent, sane periculum est ne sterilecant ex dissipatione spiritus genitalis & seminis fœ-

Nota.

eundi quod admodum exiguum habent : fit ergo ut ex accidenti fiant fabæ sterilitatis causæ. Et hæc de fabarum sterilitate cujus gratia non existimo Pythagoram earum usum prohibuisse, sed potius ob libidinem quam irritant. Nec enim ab hac sententia repugnat mens eorum qui esum fabarum interdictum putant, non tam fabarum quam ovorum gratia à quibus abstinuisse Pythagoram monet Laertius, quod in eis foret, *ἢ τῶ ζώον κρέας animalium fœtura*. Et profecto Aristoxenus musicus Aristotelis auditor in libro quem de Pythagara reliquit, nullo sapius legumento Pythagoram dicit usum quam fabis, quoniam is cibus & subduceret sensum alvum & levigaret, sed qui Pythagoram ovis dixerit usum nemo existit.

4. Ratio.

Ovis abstinere Pythagora.

Cæterum cum multæ aliæ causæ hujus præcepti Pythagorici onumerentur, quæ nec ad Physicam nec ad Medicinam pertineant, silentio eas involvere mihi consilium est, præsertim cum repeti possint ex Agellio libr. 4. cap. 11. Philippo Beroaldo in symbol. Pythagor. expositione, Stucchio antiquit. convivial. lib. 2. & 3. & lib. de Sacrificiis gentilib. Lilio Gyraldo syntagmar. 17. hist. deorum; Erasmo centuria prim. proverb. chiliad. 2. aliisque non paucis. Satius erit causam perstringere cur earum esum Salernitani prohibeant; ea vero est metus podagræ ob crassos viscidosque humores quos in corpore generant. Bene autem dixere *podagram*, non *chiragram*, quia supra monuimus ex Hippoc. in epidem. Eos qui in Æno leguminibus per famem usi essent, pedum imbecillitate laborasse: crassorum enim eduliorum proprium est deorsum fieri, sicut crassorum humorum ac terrenorum *καταρροήν*. Quamobrem

5. Ratio.

340 DE CONSERVANDA

Arist. lib. 3. de Hist. animal. cap. penultimo, fabas largius datas ovibus, capris, bubus, capellis observat lac copiosum generare: *faciunt enim*, inquit, *ut ubera demittantur*; πρὸν δὲ καθύπερθε τὸ
 3. d. ap.

Priusquam huic animadversioni finem imponam, duo examinabo. Primum est, quid voluerit Lucianos in vitarum auctione cum dixit, *elixam fabam si deponas certis noctibus sanguinem feceris*,
 Loc. Luciani
 Luciani
 difficultas
 posuit
 εἰς ἡμέρας 3, ὡς ἐπαρὼς ἐς τὸ σπλῆν αἷμα. ἢ μετὰ τὴν πρῶτην αἷμα ποιήσῃς. Alterum est quid velit proverbium gallicum, *florent faba*, cuius meminit Gilbert Cognatus. Quod ad primū attinet, interpretes Luciani Martin. Bolerus, quid hęc sibi verba velint non satis expressit: idcirco credo accuratius hoc modo illustrari posse. *Elixam fabam si emitas seu exponas ad lunam certis aliquot noctibus*, (sic enim dimensas noctes explico, quasi certum noctium numerum dimetiri oporteret ut sanguis ē fabis fieret) *sanguinem feceris*. In quo quidem duo examinanda veniunt. Primum de luna, alterum de sanguine. Equidem Pythagoram superstitionibus magicis fuisse addictum qui ejus vitam legerit, facile sibi persuadebit, illudque ipsum & auctoritatib. & exemplis dudum probavit Jacob. Boissardus tractatu posthumo de divinatione in Pythagora. Hanc ob rem mirum non est, si lunę & astrorum supersticiosus observator plantis multas virtutes vanas & ridiculas tribuerit. Imo vero, ut supra vulgum sapere videretur, nonnullas herbas invexit quę Physicis omnibus ac Medicis nomine & facultate ignotę erant; quales sunt hęc à Plinio enumeratę; Coracesia, Callicia, Menais, Corinthas, Aproxis: quarum quidem cognitionem hauserat vel ex Ægyptiis ac Babiloniis, vel

Pythagoras
 magus.

ex libro Mercurii Trismegisti continente *triginta sex sacras horoscoporum herbas*, cujus meminit Gal. proëmio lib. 6. de simplic. medicam. facultatibus. Ejuscemodi autem erant Pythagorica & Ægyptiaca observationes, ut colligendæ essent herbæ vel præparandæ sub signo, Astro, vel Planetæ cui dicatæ erant atque consecratæ; Et quia in signo tres erant decuriæ, quibus singulis singuli decani præsidebant, idcirco herbæ signorum colligebantur sub decano decuriæ ad quam pertinebant; hincque vocabantur *herba decanorum*, ut videre est apud Galen. citato proëmio, quod nemo ante me observavit, idque copiosius epist. quadam ad Carolum Bouvart Doctorem Medicum Parisiensem virum ut in lectione Hipp. & Galen. versatissimum atque in omni scientiarum genere eminentissimum, sic in medicina faciendâ exercitatissimum. Herbæ vero planetarum planetæ sui nomen retinebant, quo factum est ut herbas fecerint, *Saturninas, Ioviales, Martias, Solares, Mercuriales, Venereas, Lunares*, de quibus egit Albertus magnus, Apuleius, Cornel. Agrippa, & Bapt. Porta. Enimvero fabam Pythag. illius vanitatis studiosus inter lunares reposuit herbas, cujus idcirco eliciendis facultatibus lunæ status observandus esset. Mirum ergo non est si lunæ exponeret fabam ad effectus magicos consequendos, quemadmodum Democritus apud Plinium lib. 24. cap. 17. Arianidem colligi jubet cum Sol in leone est. Ex eo vero colligimus fabam Lunarem herbam fuisse, *quod sola frugum*, ut ait Plinius cap. 12. lib. 18. *etiam exesa repletur crescente luna*. Deinde scimus ex phytognomicorum doctrina eas plantas quæ candidis sunt floribus aut versicoloribus, lunares esse, tum quod Lunæ sydyus al-

Herbæ
plane-
tariæ.

Deca-
norum
herbæ.

Faba
lunatis
herba.

bo vel argenteo colore splendet, tū quod luna colore varietur ad etates suas. Addam & rationem tertiam ex ejus effectis depromptam, noxam intelligo quam cerebro (quod lunæ subjectum est) inferre supra observavimus. Quod ad sanguinem spectat quam ex faba elixa lunæ exposita elici dixit Lucianus, præstigium fuit Pythagoræ magicum, qui hæc ipsa & similia facere solitus erat. Cælius Rhodig. lib. 9. cap. 23. Pythagoram id ridiculum factitasse scribit, *ut quæ collibuisse sanguine perscriberet in speculo, moxque litteris ad lunam orbis pleni obversis stanti à tergo, ut in luna exaratas disco, commonstraret.* Hujusmodi præstigium Suidas in voce *ἡ φανερὰ γυνή*, vocat *πύταρον, παίγνιον δὲ κατὰ τὸ πῶταρι.* Sed fortasse non hoc magicum fuit, sed physicum Pythagoræ artificium, quod è fabis sanguini similem liquorem extraheret. Etenim si rei rusticæ cultores manganio possint mala, pyra, citria, albas ficus rubore sanguineo inficere, si pluvias interdum observamus sanguineas, si succi terræ succrescant sanguineo colore saturati, quidni Pythagoras ex alicujus rei additione rubicunditas effecisset fabas, ut ea industria conceptam divinitatis suæ opinionem apud suos conservaret simul & augeret? Et vero si essentielles quasdam proprietates atque substantiales cum Chymicis liceat admittere, crediderim ex interna fabarum substantia educi posse artificio chymico substantiam quandam rubicundam, ac sanguini persimilem, quæ sit velut fabarum elixir & fabalis spiritus balsamum: cum enim apud chymicos per similia omnis actio procedat, effectus vero fabarum ad sistendum sanguinis fluorem comparatus sit, necesse est ut sistendi sanguinis actio fiat per substantiā fabarum sanguini quodadmodo similē. Et

de hoc fortasse interioris substantiæ colore intelligendus est locus Helenii Acronis comment. ad satyr. 6. Horatii lib. 2. Serm. *Pythagoras*, inquit, *legumen omne negaverat comedendum, præcipue fabam veluti parentem coluerat, nã colorem ejus dicebat veluti humano sanguine infectum.* Quod autem fabæ sanguinem sistant, non Paracelsiæ duntaxat, sed & Medicinæ Hippocraticæ sectatores prodiderunt. Dioscorides lib. 2. cap. 9 3. scribit *coctam fabam cum posca, & una cum cortice in cibo acceptum, dysenterias & alvi profluvia cohibere.* Addit *fabam decorticacam in duas partes divisam qua parte ex natura coaluit, ad sanguinis ab hirudinibus eruptiones imponi, ipsasque cohibere si secundum semisectam partem apponatur.*

Transco ad proverbium gallicum *florent faba*, quo significatur florentibus fabis nonnullos insanire, & præsertim fœminas. Ubi ergo quempiam insanientem vident, ut occasionem præripiant querendicur insaniat, Galli dicunt *florent faba*; quasi velint dementiæ obnoxios homines, tum maximè in amentiam incidere cum fabæ in flores erumpunt. Fundamentum hujus proverbiî desumptum est ex effectu fabarum, quas ex Simeone Sethi & aliis diximus subvertere rationalis facultatis arcem sensusque hebetare. Sed ut hoc efficiant necesse est ut maligni earum vapores hauriantur, aut aër iis vaporibus sit infectus. At cum eorum magna pars qui in furias aguntur, longè à fabis distet, idcirco hujus symptomatis causa minimè ad fabarû flores potest pertinere, sed ad aliud quippiam quod communis sit causa tam insanientium, quam florentiû fabarum. Nolim cum Astrologis, Martis & Mercurii accusare aspectus, aut configurationes Solis & Lunæ in secundo, sexto, octavo, aut duodecimo

Prover-
bium
de fa-
bis.

344 DE CONSERVANDA

ab horoscopo loco in mediū proferre, quid enim ista ad fabas? Sed Solem accuso ad nos propius accedentem & vernam tēpestatem afferentem, quo quidem tempore & cū genialis arborum spiritus ac vivificus terræ calor flores fabarum trudit, & nativus hominum calor humorum orgasmum suscitatur atq; commovet; unde tandem ii qui imbecillo sunt cerebro & ad insaniam propensi natura existunt, insanix exacerbationes pariuntur: fit enim tunc tēporis quædam humorum velut ebullitio non minus quam in succis ac in musto, ob aquosa, cruda vel putrescentia excrementa. Cum enim naturales rerum omnium succi, tria excrementorum genera contineant: terrestre, quod in vino faci respondet, aëreum quod flori vini, aquosum & crudum, quod aquosæ vini substantiæ simile est; ipsum est quod calore ferverescens in humoribus & succis ebullitionem facit; præterita hyeme collecti in humoribus aquosi & crudi illi succi superveniente Vere & calore incrementum, turgent, ac veluti ebulliunt. Ignea ergo humorum pars, velut subtilior ac tenuior ad cerebrum viam affectat, in quo cū natura debile est & infirmum, insaniam accendit. Quod autem eo tempore quo humores in corpore luxuriant, exacerbatio insanix contingat, probari potest ex Anglorum consuetudine cujus meminit Bodinus lib. 5. theatri naturæ. Cur, inquit, *Britanni furiosos quartadecima Luna verberibus cedunt? Id maxime ad ades Nazareas Londini fieri consuevit. cuius rei causam cum à custodibus exquirerem, intellexi furorem ista ratione coerceri, id vero Luna decima quarta faciunt quia tunc maxime sanguis ac spiritus effervescent* Verum de hoc fabarum proverbio consulendus est Lemnius lib. de naturæ miraculis cap. 9.

Cur Vere quidam insaniant.

Humorum ebullitio.

Angli quo tēpore insaniant.

Multa præterea de fabis & prætertim de Ægyptia adduci in medium possent, sed earum historiam universam hic non damus. Fabam Ægyptiam Colocasiam multi crediderunt Arum esse Ægyptium, sed eos reprehendit Fabius Columna in parte altera minus cognitarum stirpium cap. 10. Fabam Catharticam describit Balduin. Ronsseus epist. medicinali 28. & Nicol. Monardus hist. simpl. medicam. cap. 49. Fabæ quoque arborescentis meminit Clusius exotic. lib. 3. c. 6. Fabæ suillæ & inversæ historia habetur apud Botánicos.

Concludo cum partibus omnibus fabæ. *Siliqua* Fabæ fabarum sunt *folliculi*; *fabalia* earum sunt purgamenta: Nigrum quod in faba summa visitur, *Hilum*: faba cum cortice vocatur *Solida* vel *Integra*, decorticata appellatur *Fresa*, fabæ farina est *Lomentum*: faba elixa cum suis corticibus *Conchis* nuncupatur, sine corticibus *ἔγγος*, farina fabæ elixatæ *λέκκος*, divisa & semisecta faba *ἡμτόμος*.

De oleribus in genere.

C A P. XX.

„ I U S olerum cicerumque bonum, substantia prava.

Animadversio.

H Unc versum ex manuscrip. nostro addimus; quo præcipiunt nobis Salernitani ut jusculis

Olus
quid.

& decoctionibus olerum utamur; ab eorum vero substantia abstineamus. Est autem *Olus* omnis herba sativa quæ in usu cibario est, unde ab *alendo* olus deducit Isidorus originum lib. 17. c. penultimo. Placuit tamen Varro lib. 4. de lingua latina ab *olla* derivare quod cruda olera in olla coquerentur. Josephus Scaliger olus ab *oleo* dictum putat, quod est cresco, translata enim in ortum herba ex agrestibus cultæ fiunt. Græci olus vocant *λάχανον* vel *ἐκ τῆ λαχάνωνος* quod est fodere, oportet enim *λαχάνωνος ἢ σκηπτέου πτω γυν' ἐπὶ φυτῶσιν ὡς*, vel *ὡς τὸ λάχανον γίνεσθαι πτω γυν' θρυππένω*, vel denique *ὡς τὸ σφόδρα χάνειν εὐπύω σκηπτομένω* ut habetur in magno Ethymologico.

Ole-
rura
usus in
cibis.

Magnus quidem olerum est usus, & si credimus Plinio, abusus quoque, cum in eis luxuria fecerit hujuscemodi discrimina, ut ex illis quædam plebi pauperibusque nascantur, alia plebis mensæ non capiant, sed solis divitibus apponantur. Recte autem observat Jul. Alexandrinus salub. lib. 9. c. 1. *olera, oleracea que & hortensem ubertatem fructusque arborum diversi omnia generis & conditionis, nempe & paucissimi alimenti, probi rectique, mali autem & medicamentosi multi, malitiaque & vitiosissimi succi plurimi: Adeo ut destinata potius olera sint medicamentis, quam alimentis. Exiguam enim habent facultatem nutriendi, plurimam alterandi, hoc est vel refrigerandi, vel calefaciendi, vel desiccandi, vel humectandi, vel duratam molliendi alvum, aut emollitam nimis durandi, vel demum quacumque ratione corpus nostrum adjuvandi. Sane Gal. lib. de aliment, facultat plantarum omnes definit, præterquam quod exiguum corpori præbent alimentum, succum etiam prævium genera-*

re, & ex iis plurimas noxam stomacho adferre. In qua sententia fuit Diphilus apud Athen. lib. 2. Deipnosoph. citra exceptionem enim olera omnia nihil alere scripsit, attenuare præterea, pravum succum gignere, innatare ventriculo, difficulter digeri. Δίφιλος ὁ κοινῶς φησὶν εἶναι πάντα τὰ λάχανα ἄεθρα, καὶ λεπτιωτικὰ, καὶ κακόχυλα, ἔτι τε ἐπιπο-
 ριστικὰ καὶ δυσσικονόματα. In quo quidem errare Diphilum voluit Dalechampius in notis ad Athen. quod olera omnia dixerit *attenuare*, cum frigida & humida non attenuent: sed credidit Dalech. *Notatur Dalechâp.* attenuare referendum esse ad humores, cum referendum sit ad corpora, certum enim est ea corpora quæ ἄεθρα laborant, qualia sunt quæ ἄεθροις & κακόχυλοις oleribus vescuntur, fieri in dies λεπτοσπικίτερον & extenuata, ut sapienter monet Casaubon. ad illum locum.

Cum igitur olera tam pravi sint nutrimenti, sapienter à Salernitanis cautum fuit solo eorum jusculo ac decocto utendum esse, & abstinendum ab eorum substantia, quæ vel porraceam bilem in ventriculo, vel crudum, excrementiumque sanguinem cumulat, melancholicum ac terrenum, interdum acrem, tenuem vel aquosum, unde contumacissimæ obstructions, cachexia, atrophia, morbi longi ac diuturni exoriuntur. Eorum vero decoctum ut parum nutrit, sic vim maximam medicamento habet, seu refrigerando, seu humectando, seu alio quovis modo contemperando

Porro in usum veniunt olera pene secundum omnes suas partes, alia quidem secundum *radicem*, ut pastinaca, rapum, carum, alia, cæpa, raphanus, quibus addi possunt fungi & boleti radique chrysanthemi tuberosi indici: *allia caule & folio*

placent; ut lactuca, portulaca, acetosa, atriplex, spinacia, &c. nonnulla *cymis* delectant, ut feniculum, anethum: quædam *germinibus*, ut asparagus, lupulus; *floribus* etiam non pauca, ut rosa, viola, buglossa, brassica, crocus. Alia *carne ac fructu*, ut cynara, fraga, cappares. Eduntur autem olera, vel cruda, vel cocta. Cruda

Olera
ut edantur.

si per se sola ingerantur, omnino prava ac maligna, præsertim si agrestia sint & minimè excolta. Olim vero apparabantur cum muria & aceto, sicque in totum annum servabantur provocandæ appetentiæ gratia, ex Gal. lib. 2. de aliment. His hodierna die succedunt nostra Acetaria, sale, oleo, & aceto condita, interdum saccharo, quibus olerum crassities ac frigiditas castigetur. In acetariis magnum gulæ irritamentum; imo luxuries præsertim apud Italos, & Romanos Principes qui *credentiariis* suis eam ministerii provinciam munusque committunt, acetaria conficiendi. Hyeme & æstate eduntur, æstivo tamen tempore minus noxia sunt ob refrigerandi corporis necessitatem. Nonnunquam etiam cocta manduntur, vel cum butyro, sale & aceto, vel in jure carniū quo modo minus malefica. In summum pessima sunt cruda & solitaria: minus condita, multo etiam minus cocta, omnium minimè noxia, decocta cum carnibus abjecto magmate, & hæc universim dicta sufficiant de oleribus, sequentia capita nonnulla olera sigillatim exponent.

Acetaria.

Ceterum de Ciceribus nihil hic addo, cum de iis capite de leguminibus actum sit.

*De Herbarum Radicibus, foliis, floribus,
seminibus, ac primum de Buglosso.*

C A P. XXI.

„ **V**inum potatum quo sit macerata buglosso,
„ Mœrorem cerebri dicunt auferre periti,
„ Fertur convivæ decoctio reddere latos.

Animadversio.

QUod innuimus supra, olera non tam ali-
menti quam medicamento rationem habe-
re, id maximè intelligendum est de sequentibus
herbis quarum meminere Salernitani. Paucę enim
ex iis sunt quę sint edules quibusve pro alimen-
to utamur, pro medicamento vero frequenter.
Ac inter eas pauca admodum refrigerantes re-
periuntur, quod existimarent Salernitani cali-
das herbas & calefacientia medicamenta mayo-
rem familiaritatem habere cum calore nostro
nativo, quam refrigerantia, ut alicubi Gal. obser-
vavit. Quas autem herbas confusim & sine or-
dine Salernitani descripserunt, eas ordine certo
digessimus; non quidem ita exacto ut primo de
radicibus, mox de foliis, deinde de floribus, ac
demum de seminibus agatur: sed primarum qua-
litarum, quibus vigent, rationem eam habui-
mus, ut imprimis Calefacientes omnes ac hu- Ordo
mectantes exposuerimus, deinde calefacientes hujus
& desiccantes; tertio loco refrigerantes ac hu- partis.
mectantes: & tandem refrigerantes simul &

desiccantes: & eas quidem primis locis, quæ in primo sunt ordine calefacientium, vel refrigerantium; secundis, quæ in secundo, & sic de cæteris. Mihi si agendum fuisset de omnibus ole-ribus, vel Galeni methodum secutus essem, vel exactiorem quamdam rationem investigassem: hic quia pauca sunt prædicto ordine contentus fui. Est vero primum hoc caput de buglosso ex manuscript. additum, cujus meminisse

De bu- videtur Bruyerinus c. 16. lib. 8. de re cibaria.
glosso. *Tantum, inquit, buglosso veteres tribuisse reperio, quod in vinum coniecta potantibus animi hilaritatem volupta temque auget: licet hoc intelligi quoque possit de Dioscoride ex cujus cap. 123. lib. 4. hæc doctrina desumpta est. Hic autem primo occurrit difficultas de buglosso, quoniam scilicet nomine veteribus appellaretur, & qua hodie donetur appellatione: nec enim convenit inter Botanicos quomodo à nobis appelletur ea herba quæ à similitudine linguæ bubulæ βύβλωσον καὶ βύβλωσος Græcis dicta est. Potior tamen eorum pars & sanior buglossum veterum credit esse eam herbam quam hodie Boraginem vocamus appellatione forsan deducta à Lucanis, qui eam Coraginem nuncupabant, ut observatum habetur apud Apuleium lib. de medicaminib. herbarum cap. 41. Et sane qui descriptionem Buglosi apud Dioscoridem & Avicennam contulerit cum boragine nostra, eandem plantam esse deprehendet. Est enim ut buglossum Dioscoridis, sic borago nostra foliis verbasco similibus nigrioribus tamen & asperioribus, quæ in terram inclinant & bubulas linguas tum forma tum asperitate imitantur. Contrà buglossum nostrum vulgare folia habet oblonga, echio simi-*

No-
men.

VALETUDINE.

351

lia, non ita lata ut bubulas referant linguas; deinde minus in terram vergunt, quin potius surgunt è toto fermè cespite sursum tendentia, nec aliqua ex parte verbascum referentia. Alias rationes omitto quæ fufius exponuntur à Mathiolo, Dalechampio, & aliis Phitoptris: est ergo hoc caput intelligendum de *boragine* nostra, sequens vero de *bugloſſo* vulgò dicto.

Differentiæ bugloſſi Bauhino multiplices: aliud enim est sativum, aliud sylvestre: sativum aliud latifolium; hocque vel vulgatum, cœruleo, albo, roseo flore, vel peregrinum quod vel semper virente folio vel luteo flore, & aliud angustifolium quod sinuato est folio, vel non sinuato, hocque majus & minus: At sylvestre majus & minus est, hocque duplex; latifolium, & angustifolium.

Species,

Temperamentum bugloſſi Galen. lib. 6. simplicium humidum calidumque; est idque primo statim excessu, urinam proritare & sitim sedare voluit Simeon, alvum vero movere expertus est Symphorianus Campegius ex observatione Bruyerini, ex ejus enim frequentiore & copiosiore usu in alvi profluvium aliquando incidit. Mirum vero alicui videri potest quod diuriticum sit, cum humidum & calidum existat; sed in eo duplex est substantia; deterforiam scilicet, quæ ex asperitate foliorum deprehendi potest; alia vero est intima ac profunda; viscosa scilicet & humida cui vis inest emolliendi: alimentum autem eam herbam suppeditare inter cæteras à lactuca optimum plurimi existimant, propter temperamentum quod assine habet cum temperamento humano. Sed præcipua laus in exhilarando consistit, tristitiam submovendo, cordis affectus de-

Temperies.

Bugloſſum ex hilarat.

pellendo. Nam, ut aiunt Salernitani, vel mæcerata in vino, vel decocta ex aqua gaudium & lætitiā creditur afferre, melancholicos morbos avertere, animi deliquiis subvenire, uno verbo, exhilarare ac mœrorem discutere. Vetus ea persuasio est à Trojani belli temporibus ad nostra usque sæcula propagata. Eam enim describi ab Homero Odyss. d, & Nepenthes nomine designari credidit antiquitas. Narrat Homerus Helenam convivis suis vinum exhibuisse in quod pharmacum miserat, & iniecerat.

Nepenthes
Homericum.

Νηπενθὲς τ' ἄρ' ὅλόν τε, κακῶν ἐπικλινδον ἀπάντων,
ὅς τὸ καταβέβηεν ἐπὶ κρητὴι μυγίῃ
οὐκ ἂν ἐφίμειος' γὰρ βάλοι κτ' ἄλκυρ παρσιῶν.

Hoc est, medicamentum absque dolore & ira malorum oblivionem inducens, quod qui degluti-rit postquam crateri mixtum est, non utique tota die profundere poterit lacrymas à palpebris. Hoc vero pharmacum datum fuisse Helenæ à Polydamna Ægyptia Theonis uxore postea Homerus observat, fuisseque plantam aliquam significavit, subdens fertilem terram Ægypti plurima pharmacata salubria producere ac proferre. Ac sane Plutarch. sympot. lib. 1. quæst. 1. buglossum fuisse eam plantam, talemque à veteribus habitam innuit, licet illud ἀλληγορικῶς paulo post interpretetur. In quam quoque sententiam ivit Macrobius saturnal. lib. 7. cap. 1. Sed Cælius Rhodiginus lib. 19. cap. 3. & Joan. Spondanus comm. in Homerum, minimè allegoriam fuisse probant, sed verum pharmacum ac ipsum quidem, ut probabile videtur, buglossum, quod usu buglossi sanguis clarior fiat, expurgatiorque; porro & cor confoveatur, à quo mox & hepar: id autem sic affectum laudabilem sanguinem producit.

inde

unde cooritur latitia. Equidem non desunt gravissimorum virorum auctoritates quæ vim illam buglossæ tribuant. In ea fuit sententia Dioscorid. lib. 4. cap. 123. Galenus lib. 7. simplicium, Plinius lib. 25. cap. 8. Paul. Æginet. lib. 7. & Apuleius Plat. de medicaminibus herbarum cap. 41. quam ob causam Plinio herba illa dicta est *ἐνδορῶνον* ab *efficienda voluptate*. Cæterum quemadmodum Rhetores auctore Antiphonte apud Plutarch. in ejus vita *πῆς ἀλυσίας πῆχυν*, artem qua mœrore & luctu oppressos verbis levarent, excogitasse dicuntur; sic Medici depellendo mœrori medicamenta invenere, quæ *πιστὰ* juxta Æschylum, quasi *ποτὰ*, vel *πόπια* quod ebiberentur, vocata sunt. An vero Borrugo ejuscemodi sit quæ vel vino macerata, vel ex aqua decocta, vel quacumque ratione, tam secundum flores ac folia, quàm secundum radices assumpta lætitiâ pariat, mœroremque fuget, investigatione indignum non videtur. Omnes enim uno ore id pronuntiant, melancholicis affectibus præscribunt, flores ejus inter cardiaca constituunt, certa ratione cordi amicos volunt, denique nullis cordis morbis non opitulari censent: Et tamen nemo quem viderim extitit, qui explicaret quæ buglossæ ratione hos omnes præstaret effectus. Licet autem hæc quæstio therapeutica potius sit quam diæretica, ne quid tamen necessarium prætermisisse videar, quid de ea sentiam breviter expono. Imprimis ex Galen. lib. 5 simplicium, supponendum est inveniri quædam medicamenta quæ *certis partibus præcipue & maxime prosint*, ab inexplicabili temperamenti proprietate; sed *ea non ita esse propria illis partibus*, quin aliis quoque membris prosint, quamvis non ita ma-

Exhi-
laran-
tia me-
dica-
menta.

Medi-
camen-
ta par-
tibus
desti-
nata.

nifeste nec propriè. Ab hoc effectu medicamenta alia dicta sunt cephalica, hepatica, splenica, ophthalmica, stomachica quæ peculiari quodam modo caput, hepar, lienem, oculos, stomachum juvent. Ac profecto potior medicorum pars ab occulta proprietate, formali ratione, acut loquuntur, à tota substantia proficisci hunc effectum volunt, nec alias inquirendas esse causas pari ratione atque non expetimus causas cur à magnete ferrum trahatur. Hanc ob rem facultates istæ nulla ratione, aut epilogismo, sed experientia sola deprehenduntur. Alii tamen emunctæ naris Medici secuti Galen. lib. 13. meth. med. cap. 17. ratiocinatione deprehendi has vires docent, sumpta nimirum indicatione à parte, pro cuius variis conditionibus, fortiora, vel blandiora, validiora, vel mitiora remedia convenire definiunt. *Similia*, inquit Galen. *genere medicamenta ambo viscera, jecur & lien postulant. Caterum tanto valentiora lienis quanto crassiore utitur alimento. Scirrhus igitur laborantibus ipsis convenientia nutrimenta sint genere quidem eadem, sed majori minorique ratione differentia. Quale ergo est jecori medicamentum absinthium, tale est lieni capparidis cortex, quale rursus jecori est cupatorium, tale est lieni scolopendrium. Itaque etsi capparidis ex oxymelite edatur, utilis sane est utrique visceri, ceterum nec ipsa pari modo nec similiter mistum habens oxymeli. Nam & ipsa copiosior & ex minus diluto oxymelite lieni erit utilior.* Hæc Galen. Ex quo inferimus virtutem quæ medicamenta & alimenta partem aliquam juvant, non esse occultam & à tota substantia; sed manifestam & à manifestis qualitatibus repetendam. Etenim si validiora & obstruentia, diffecantia &

VALETUDINE.

355

attenuantia cum nonnulla adstrictione lieni familiaria facit, minus valida jecori; certum est eum non tam qualitarum occultarum quam manifestarum rationem habuisse. Et re vera quoniam per alterationes multas quas in corpore subeunt medicamenta, vis eorum paulatim infringitur ac imminuitur, adeo ut quod, exem. gratia, in jecore prestare possunt, non possint efficere in liene; Cupatorium seu Agrimonia, cum & propter tenuitatem partium, tum & extergendi ac incidendi facultatem citra manifestum calorem, & propter modicam adstrictionem jecori familiaris, sit, agrimonia, inquam, eas omnes vires explicare potest in jecore, ultra jecur & in liene praesertim, non potest nisi quam tenuissimè, quia *agens omne naturale*, ut aiunt philosophi, *agendo defatigatur*, & in fine mollius agit ob patientis resistentiam & reactionem: Scolopendrium vero quia & paulo vehementius adstringit, & potentius multò deterget cum calore paulo majore quam sit in Cupatorio; idcirco vires eas servat incolumes ad lienem usque, ex quo ei dicitur amicum. At vero si incidendum, attenuandumque esset cerebrum, scolopendrio non uteremur, quod ejus vires infringi necesse sit, priusquam in cerebrum agat. Itaque usurpamus betonicam quæ & calidior est, & cum adstrictione incidendi facultatem eximiam habet. Et hæc de medicamentis à parte denominatis, quæ pro fundamento posuimus.

Sed insuper observandum est, partes maxime Roborantia medicamentis quæ vulgo *Roborantia* dicuntur, quæ quidem nonnulli penitus Adstringentia esse volunt, nec alterius facultatis. *Roborantia* enim definiunt, *moderata adstrictione tonum*

Roborantia medicamentis.

membri, seu partis alicujus conservare. Hęc licet vulgo accepta, usuque longo usurpata, viris tamen doctissimis ac solertissimis probata esse non possunt. Etenim si medicamenta illa Galeno *τονωτικά*, seu potius *τονικά* dicta fuere, quæ tonum partibus reddunt, possuntque ut loquitur ipsemet Galen. *πρωτον 1. robur asferre*; quęcumque aliqua ratione parti robur addent eique tonum restituent, ea omnia erunt roborantia. Quę quidem doctrina desumpta est ex Galen. lib. de optima secta c. 5. ubi reprehendit methodicos Themisonis & Thessali sectatores, quod firmitatem corporibus conciliari autumarent sola adstrictoria ratione, cum concilietur iis quæ membrorum vires augent, faciuntque ut partes liberè & facile proprios usus consequantur actionesque suas convenienter exerceant. Ergo cum partis robur in eo consistat, ut ea rectè operetur, ususque proprios obtineat facilè, expeditè, sine molestia, certum est robur à sanitate optima partis, seu quod idem est, ab ejus nativa constitutione ac conformatione non differre. Cum vero pars quępiam, egre, difficulter, tardè, aut cum molestia actiones suas exercet, seu naturales sint, seu vitales, seu animales, imbecilla dicitur, debilis ac minimè robusta. Sic qui robusto sunt stomacho, cito atque perfectè cibos digerunt & in chylum laudabilem vertunt: qui imbecillo, tardè, imperfectè ac difficulter coquunt, vitiosumque chylum generant. Idem de cæteris dicendum. Quo posito vel meridiana luce clarius illucescit, ea medicamenta roborantia dici, quę quocumque modo robustam partem, hoc est sanam, vigentem, valentem, optimèque operantem efficiunt, seu id fiat adstringendo, seu laxando, seu refrigerando,

seu calefaciendo , seu spiritus dissipatos restituendo , seu denique imbecillitatis causam quamcumque removendo. Nec sane roborantium materia , aut differentię multiplices dignosci possunt , nisi quot sint causę imbecillitatis virium sciatur. Eas autem omnes Galen. comm. in lib. 2. Hippocr. de rat. victus in morbis acut. text. 47. enumeravit , ipsasque in tabellam redegit Henric. Smet. Miscellan. lib. 1. ep. 3. & 4. in qua de roborantibus ex doctrina Erasmi copiosè differit.

His præjactis velut disputationis totius fundamentis , non arbitramur à tota substantia cordi buglossum amicum esse & familiare , sed à qualitatibus suis manifestis ; nec per adstrictiōnem robur cordi afferte , sed per aliam facultatem , nec denique omnibus modis , quibus lætitia in corpore conciliatur , gaudium afferre , sed tantum aliquot. Nemo enim nescit quædam præsidia lætitiam afferre augendo spirituum substantiam , ut vinum ; alia depurando spirituum turbulentiam , ut aromatica : alia refrigerando spirituum æstum , ac fervorem , ut succus limonum ; alia spirituum effluxum prohibendo , ut aqua frigida : alia spiritus sopitos ac terrore languentes excitando , exsuscitando , ut suaveolentia omnia ; alia sanguinem arteriosum & venosum superflua humiditate , atque ichorosa expurgando , ut detergentia , incidentia , sudores & urinas moventia ; alia cordis siccam intemperiem ac frigidam emendando , ut calida humida ; alia crassiorem ac terrestrem sanguinem diluendo , ut humectantia ; alia aliis modis , ut legere est apud Avicen. c. 9. tract. 1. de virtutib. cordis. Porro Buglossum lætitiam affert oppugnans.

do succum melancholicum; qui cum frigidus sit & siccus, emendari nullo alio remedio potest quàm calido & humido quale est buglossum. Deinde cum tristitiæ proprium sit, ut ait Avicen. c. 6. prædicti operis, calorem naturalem debilitare, atque in toto corpore spiritus atque adeo humores cogere ac inspissare, quæ affinia sunt calori nativo, quæ diluendi ac detergendi vim habent, ea & calorem nativum augere poterunt, & inspissatos spiritus diluere. Atqui buglossum qua calidum & humidum est, affine est & amicum calori nostro nativo qui calidus quoque & humidus est; iisdem quoque qualitatibus vim habet diluendi, discutiendi, leviter incidendi: qua vero asperum est, hoc est detergens, blandè defæcat, mundat, & expurgat, imo quia diureticum, coactos humores solvit, & quod serosius est atque aquosius per urinas depellit. Quod si quis objiciat facultatem istam cardiacam buglossi, non tantum ab illis causis enumeratis proficisci, sed ab aliis, cæcis nempe & occultis: nam ut negari non potest eam herbam cordis affectibus frigidioribus prodesse calore suo, sic inficiari nemo debet abstrusis & occultis viribus cordi calido & quovis modo affecto prodesse, cum buglossum in calidis, frigidisque cordis morbis, & in affectu melancholico, tam à succo nigro frigido, quàm à bile atrâ calidâ inducto quotidie præscribatur sine delectu à Medicis pene omnibus; huic objectioni primum respondeo, prudentes & rationales Medicos maximum habere delectum medicamentorum in curandis cordis affectibus, nec semper & ubique buglossum præscribere: alia enim remedia conveniunt intemperici frigidæ, alia calidæ: rur-

Obje-
ctio.

Solu-
tio.

sum humidæ alia, alia siccæ, ut videre est apud eos, qui de curandis morbis scripsere. Deinde addo propter moderatum buglossi temperamentum nostræ naturæ familiare, fieri ut in omnibus morbis conveniat, non tam causas morbificas oppugnando, quam nativum calorem fovendo, & excitando nullo noxæ periculo ob æqualis temperamenti moderationem. Porro maceratum vino buglossum potentius exhilarat, & causas mœroris aufert tam ratione sui quam vini, cujus inventor Lyæus, quasi solvens curas ac mœrorem discutiens, à veteribus denominatus fuit. Nec diffiteor virtutes buglossi intendi maceratione vini potius quam alterius liquoris, sunt enim nonnulla quæ his potius quam illis consentiant, sicut diximus fontana aut fluviali aqua coqui facillè legumina, puteali indurari & minimè percoqui. Plena sunt exemplis omnia ab his ergo supersedeo.

Buglos.
si vires
vino ir-
tenduntur.

Ultimo loco testat quæaendum cur Prophetæ apud Dioscoridem & Apuleium buglossum vocarunt *ῥονον αἰλύρις* filium, seu genituram felis. An hoc propter herbæ excellentiam dictum est, quæ apud Ægyptios non minoris fuit dignitatis quam felis? Scimus autem ex Strab. lib. 17. felem pro deo habitam apud Ægyptios. Nam *quædam animalia sunt*, inquit Strabo, quæ Ægyptii universi colunt, quemadmodum ex terrestribus *irra*; bovem, canem, felem, ex aquatilibus duo, lepidorum piscem, & *oxyrynchum*. An vero à Magis sit appellatum buglossum propter similes vires buglossi & excrementis felis à sagis tributas? Observatum ex eodem Dioscoride & Apuleio, decoctum radices borraginis quum tres thyrsos seminis emittit, ter-

Nomi-
na bu-
glossi.

Felem
Ægypti
colunt.

tianis opitulari, quæ autem quatuor thyrsos habet, quartanis febribus mederi, quæ medendi rationi plane superstitiosa est & magica, proinde ex textu Dioscoridis à viris prudentissimis expuncta. Scribit vero Plinius lib. 28. cap. 10. *Iubere magos ut excrementa felis cum digito bubonis quartanis febribus adalligentur, & ne recedant, retineantur ad septenum circuitum*, quod etiamnum commemoratur à Sexto Philosopho cap. 18. lib. de medicina animalium. Annon quoque hæc magica & superstitiosa curatio? Sed fortasse innuere voluerant Magi, hoc est naturæ mystæ, quandam esse inter hanc herbam & felles amicitiam, qualem novimus esse felibus affectum erga radicem valerianæ quam æluron, seu elurion vocari posse monet Gesnerus lib. 1. de quadrupedibus, aut herbam gattæ ut vult Sylvatic. in pandectis: vel erga nepetam, quam vulgus herbariorum catti herbam, cattariam, seu gattariam nominat; cujus odore magnam felles capiunt voluptatem, esuque ejus gaudent, quo solo concipere dicuntur. Non ausim à præstantia seminis felis hanc nominis rationem deductam asserere, licet enim sciam vulgo dici felem Zibethi certo anni tempore incalescere, & ita venere exstimulari, ut se ipsum corrumpat, liquoremque illum odoratum & pretiosum, ceu genitale excrementum emittat; tamen quia non ignoro ignotum veteribus fuisse felem Zibethi, idcirco conjecturam illam nominis asperno; nec insuper ejusmodi est momenti, ut in ejus investigatione laboris multum impendere debeamus.

Semen
Zibethi
odora-
tum.

De Boragine.

CAP. XXII.

Dicit *Borago*, *Gaudia semper ago.* “
Cardiacos auferi, *Borrago gaudia confert.* “

Animadversio.

Pracedenti capite probavimus *Buglossum* Græcorum vulgarem esse nostram *boraginem*. Jam vero dicimus *boraginem* de qua hic agunt Salernitani, esse *buglossam* nostram vulgarem. Non conveniunt autem Botanici quonamine *buglossa* nostra à veteribus fuerit donata. Ludovicus Anguillata sectione 14. in lib. 1. simpl. non aliam esse à *Lycopsi* monuit, cui subscribit *Dodonæus* stirpium pemptadis 5. lib. 1. cap. 10. Alii *echium* volunt, alii *Cirsium*; omnes tamen conveniunt *boraginem* vulgarem à vulgari *buglossa*, viribus & facultate non dissentire. Proinde quod dictum est antea de *buglossa* nunc de *boragine* id subintelligendum. Unum superest examinandum, videlicet quid per *Cardiacos* hic Salernitani intelligant, paulò enim est obscurioris significationis hoc vocabulum. Ejus tamen omnes sensus tam à Græcis quam à Latinis Medicis acceptos & usurpatos sic enucleavit doctissimus Mercurial. Variarum lect. 6. cap. 1. ut nemini scrupulus hæere possit. Ejus itaque insistens vestigiis credo hic non *Cardiacos* Græcorum, sed Latinorum audiendos esse, eos nimirum qui in syncopem

Nomen
bor-
ginis.

delabuntur, qui corde laborant, qui præ mœ-
rore animo deficiunt, quos eadem ratione ju-
vat buglossa, ac vulgaris borago. Vide præcedens
caput, ne bis coctam crambem apponere cogar.
De boragine nonnulla observatur digna habet
Petrus Hispanus comment. in librum diætarum
particularium Isaaci, quem consulere non pi-
geat.

De Malva.

CAP. XXIII.

D*Ixerunt Malvam veteres, quod molliat al-
vum:*

*Hujus radices rase solvunt tibi faces;
Fulvam moverunt, & fluxum sæpe dederunt.*

H*ic igitur de facultatibus Malvæ. Et primo
quidem versu, qui ex lib. 2. cap. 36. Æmi-
lii Macri huc adscitus est, veteribus Latinis
Malva ab emollienda alvo dictam esse traditur.
Cujus sane rei testis etiam M. Varro, qui
Malvam, quasi molvam quod alvum molliat,
dictam esse contendit, quippe quæ clysteribus
infusa vel in cibo accepta ventrem facile mo-
veat. Quinetiam Græcis μαλάχην ab emolliendo
alvo nomen traxit. Siquidem ipsis μαλάττει mol-
lire significat. Antiqui enim ea in acetariis cum
lactuca ad subducendam alvum utebantur. Un-
de Martialis lib. 10. Epigrammaton:*

*Exoneraturas ventrem mihi villica malvas
Attulit, & varias quas habet hortus, opes.*

Et alibi:

Utere lactucis & mollibus utere malvis.

Cæterum hoc olus facile subdicitur, non modo propter humiditatem, verumetiam propter genuinam viscositatem, & potissimum quando quis cum oleo & garo copiosam ipsam sumpserit. Atque ob id inter quatuor etiam emollientia, quorum decocto in clysteribus ad induratarum faciem eductionem passim utimur, primum locum sibi vendicavit. Porro duplex malva est. Una quidem floribus sanguineis, altera vero candidis, & in hac quam in illa major emolliendvis inest.

Secundo deinde versu innuitur, radices Malvæ rasas facibus educendis esse accommodas; & maxime quidem, si inde, perinde atque è radicibus Mercurialis, βαλανοι, id est, glandes sive suppositoria fiant.

Tertio demum versu, Malvam menses ciere dicitur, quod & ipsum sane ob manifestam humectandi facultatem ac genuinum lentorem præstat. In sessione namque uterum emollit, ita ut venena ejus ab acri sanguine promptius fundantur. Quinetiam menses provocare certo se experimento didicisse Platearius adserit. Folia Malvæ trita cum foliis salicis omnibus emplastris commodiora sunt. Nam & inflammari non sinunt, & sanguinem sistunt, & recens vulnus cicatrice includunt. Sed & luxatis ac contusis medentur. Phalangiorum quoque & reptilium plagas curant folia ejusdem, si cepas & porrum triveris, eisque miscueris, ac imposueris. Siquis vero sylvestris Malvæ succo cum

illinatur, à vespis & apibus non pungetur: sed & qui punctus jam est, succo opem sentit: & folia Malvæ contusa & imposita, similiter percussum ab illis sanant. Similiter autem curat Malva illita lichenas, & occulta fœminarum vitia. Succus vero ejus auribus instillatus dolorem aurium sedat. Cum melle acceptum thoracem pulmonemque juvat, & raucam vocem lenit, hepaticos sanat, & comitali morbo apprehensos resipiscere facit. Eodem modo & nephriticis, & ischiaticis auxiliatur. At vero decoctum ipsius potatum difficultatem emittendi urinam emendat, lapides conterit, somnum conciliat, facilemque partum præstat. Prodest etiam erosionibus vesicæ & intestinorum vulvæ sedisque, clystere infusum. Malva illita inflammationes lenit, eaque quæ indurata sunt emollit. Plura Dioscorides lib. 2. cap. 106. Plin. lib. 20. cap. 21. Gal. lib. 7. de simpl. medicament. facult. cap. 95. & lib. 1. de aliment. facult. cap. 42. Constantinus Cæsar lib. 21. de agricult. cap. 11. & Simeon Sethi in syntag.

Animadversio.

Licet Salernitani toti sint in recensendis Malvæ facultatibus medicamentosis, non est tamen existimandum hic eos de Malva agere, velut de puro medicamento, cum curam susceperint describendorum alimentorum. Fuisse ergo eam in cibum usurpatam testatur Hesiodus lib. εργ.

Malva
in cibis.

καὶ ἡμερ.

Πῆπτοι ἐσὶ ἴσκειν ὃ σὺ πλέον ἤμισυ πάντος,

Οὐδὲ ὃ σὺν ἐν μάλα χυτὲ καὶ ἀσφοδέλω μέγ' ὄνειαρ.

Id est, *Stulti neque sciunt quanto plus dimidiū sit toto, neque quam magnum in Malva & Asphodelo bonū.* Huiuscemodi bonum exponit Hesiodi commentator Tretzes his verbis: ἐδὲ γινώσκουσιν ὅσον μέγα ἔφελος ἐν μαλάχῃ καὶ ἀσφοδέλῳ εὐτέλδοσι λαχάροις παρ-
 χαι. *Ignorant quam magnum auxilium & commo-*
ditas existat in frugalibus oleribus, Malva & Aspo-
delo Certe Diphilus Siphnius apud Athenæ. 2. Deipnos. Malvam esse εὐχυλον boni succi, arteriam lenire, acres in corporis superficie succos educere, renum & vesica irritationibus prodesse, excerni facile, & mediocriter alere prodidit. Cujus sententiæ videtur fuisse Horat. Epodon ode 2 salubres Malvas vocans & contra attagenem ionicum jucundiores. Galenus quoque lib. 2. de aliment. facult. eam voluit mediocriter nutrire, succumque præbere crassum & lentum, si quidem conferatur cum Succo lactuca & betæ: hujus enim tenuium est partium tergendique facultate præditus, illius autem inter ærumque est veluti medius. Nihil autem Malvam magis commendat quàm medicamentum illud ἀδίφον καὶ ἀλιμον, hoc est, sitim famemque sedans, cui utilissimè injectam Malvam notavit Hermippus Callimachius apud Athenæ. Eam vero compositionem fuisse ex Asphodelo & Malva ostendit Proclus comment. in Hesiodum ex auctoritate Herodoti & Plat. in legibus. At Tretzes aliam affert descriptionem, simulque ejus pharmaci quo veteres pro cibo & potu utebantur, commo-
 ditatem & usum.

Σκύλλης, inquit, τὸν ὄγκον, καὶ μαλάχης τὴν κλάδον,
 τιμὸν ἐν ὀλίγῳ συνκεράταις καὶ μέλι.
 Καὶ πᾶν π βραχὺ πρὸς ἑφελῶ τῇ τμήματων,
 Οὐκ αὖ πηοῦθης ἢ λιμὴ τὸ πυρφόρον,
 Εἰ συνκεράταις ἀκριβοῦς καὶ πρὸς τέχνῃς.

Hoc est, Scilla cepam, & malva surculos atque germina comundens in mortario mel admiscebis, cujus minimam portionem si pro cibo sumas, famis ignita misilia haud est quod timeas; si modo exactè & ex arte omnia mista fuerint. Aliam alimi compositionem habet ex Plutarcho Jo. Langius epist. 28. lib. 2. apud quem plura lege. Quæ autem esui aptior fuerit ex omnibus malvis, non constat inter auctores. Sativam quam Græci, ἀγρίαν παράχλω, seu ut loquuntur Attici, μολόχλω vocant, Dioscorides χερσαίαν, quod in inculta & inelaborata terra succrescat, alii ἀκοπὴν, hoc est doloris mitigativam, sativæ quæ & hortensis & κηπευτὴ & à nonnullis rosa ultramarina, & rosa hyemalis dicitur, præferunt, inter quos est Diphilus apud Athenæum & Dodonæus in stirpium historia. At Dioscorides & Galenus sativam sylvestrianteponunt, meo quidē iudicio sapientissimè, quemadmodum enim ex cichoriis & lactucis domesticæ suaviores sunt sylvestribus, sic & ex malvis sativa esui longe aptior agresti. Decoquuntur autem malvæ folia, quibus lubrica redditur alvus unde Cicero 7. epist. epist. ad Gallum scribit se à malva deceptum, quoniam ejus esus alvi profusionem concitasset; quo pertinent duo illa loca Martialis à Commentatoribus allata. Nonnulli cymas & cauliculos, asparagorum more ex oleo & aceto prima mensa vorant. Malvæ tamen cibum averfatus est Pythagoras apud Laertium ubi inter ejus symbola hoc habetur: μολόχλω ἐμ-
 ούττω, οὐδὲ δεῖ δέ Malvam sere ne tamen edas. Cujus symboli rationem non satis expressisse videtur Brafficanus, prætermisit Beroaldus. Ego vel id dictum fuisse à Pythagora existimo propter malvæ dignitatem, vel propter effectus ejus nonnullos,

Ex
mal-
vis quæ
melior.

Malva
absti-
nuit Py-
thag.

instituto Pythagoræ alienos. Scribit Ælianus lib.
 4. de varia hist. cap. 17. Pythagoram *ιερώτατον ἴδιον*
τὸ πρὸς μαλάχης φύλλον, *sanctissimum esse folium malvæ*
 dixisse, cujus radicem adoratam fuisse in maximis
 periculis, notat Lucianus lib. 2. verarum historia-
 rum, innuitque sermone adversus indoctum, ada-
 matam à Musis. Sed præterea tanti facta est à ve-
 teribus malva, ut *Omnimorbiam* appellarent, *quod*
ejus succi cyathus dimidiis quotidie haustus, ab om-
ni morbo utentem tueatur; ex Plinio. cap. 21. lib. 20.
 Deinde colligere licet ex eodem Pythagora, eam
 inter donaria atque ornamenta sanorum reposi-
 tam: nam apud Dioscoridem malvam *ἀνὰ θεῖα* vo-
 cavit quasi *ἀνὰ θεῖα* seu *ἀνὰ θεῖα*, quod est delubro-
 rum ornamentum, parietibus columnis aut lacu-
 naribus templi suspendi solitum: cui appellatio-
 ni vicina est Zoroastris, vox qua malvam deno-
 minavit; Est autem illa *δαδερμα*, quod est redimi-
 culū seu corona, cujus usum credibile est habuisse
 malvam in Idolis coronandis, propter quem for-
 tasse adorata est, non minus quam ipsum idolum.
 Denique inter dignitates malvæ hoc postremum
 non est, quod dicatur Osiriaca quasi Osiridi sa-
 cra, ut exponit Humelbergius in Apul. Nam &
ἡλιος ἑρπός existit, quoniam ejus folia cum sole cir-
 cumaguntur ex observatione Theoph. lib. 2. de ^{Cur}
 caus. plantarum cap. 26. Non quod cum Ægyp- ^{malva}
 tiis credamus malvam occulta jungi necessitu- ^{Soli}
 dine cum Osiride aut Sole, cui hymnos ipsa con- ^{sequa.}
 cinit: aut velimus cum Proclo in libro de sacrificiis
 plausum ab ea fieri in aëre adeo suavem, ut si à no-
 bis audiri posset, harmoniam & concentum admi-
 rabilem auribus perciperemus. Sed malumus cum
 Theophrato & cū Marcello Donato com. in Diosc.
 cap. de malva, causam repetere ex multa malvæ

humiditate, quæ dum vi & calore solis exfugitur; qua parte Sol agit, in eam proclive folium inclinat; non aliter quam quæ in vulnus cadunt: vel putamus cum Julio Sireneo lib. 3. de fato cap. 46. cavernosum malvæ caudicem spiritumque intro conclusum; qui illac versus, qua Sol movetur; alteretur, calefiat, rarefcatque, alteratus autem ac rarefactus per corticis meatulos, à Sole (ita dixerim) rapiatur, atque trahatur naturali lumine radiorum. Lumen certe illius natura est, ut reflectatur, calorem generet. Truncum illum propterea, in quo iidem spiritus continentur, & à quo tenuissimi propter calorem expirant; ad eam orbis partem ad quam fertur Sol, secum ita affecti illi & expirantes inclinant. Rationi nempe congruum est, ut ea parte inclinetur surculus, qua jam inclusus spiritus calidus & tenuis factus expirat & evanescit. Sed nec fortasse absurdum erit, existimare Pythagoram non ducendam Malvam in esus & alimenta, quod sacris ejus ceremoniis ac mysteriis, hoc est magicis superstitionibus & curationibus inserviret *Mirum*, inquit Plinius, aquam radice *Malva* addita addensari sub dio atque lactescere. *Mirum* etiam ad alligatam in lana nigra potius quam alba, mammarum vitiiis occurrere: *Mirum* denique tres radices potius quam duas aut quatuor, juxta ad alligatas tenesmo & dysentericis utilissimè infundi. Hæc multos in stuporem adducere possent, nisi vi magica & Pythagorica vanitate effici in memoriam revocarent. Atque hujuscemodi sunt rationes ex dignitate Malvæ deductæ, quibus juduci potuit Pythagoras ut esum Malvæ prohiberet. Quæ sequuntur desumptæ sunt ex effectu Malvarum Pythagoræ præceptis repugnanti. Ea est stimulatio & irritatio ad venerem, cujus usum dicitur Pythagoras perpetuo prohibuisse,

buiffe. Atqui tradit Xenocrates *semen unicaulis Malva aspersum genitali foeminarum aviditatem augere ad infinitum. Quin & semen tritum adalligant brachio genitale non continentium.* Imo vero quod deterius est, credidit Olympias Thebana, abortivas esse cum adipe anseris.

His de esu & usu malvæ, pauca de ejus temperamento adjungo, in quo assignando Medici dissentiunt. Simeon Sethi frigidum & humidum constituit in primo gradu, Isaac lib. diætarum particulare, frigidum in primo, humidum in secundo, aitque Gal. malvam facere medium inter frigidum & humidum. Isaaco assentitur Pet. Hispanus. in comm. conaturque probare minimè calidam malvam. Alii vero inter quos est Gal. & Oribasius, calidæ & humidæ naturæ esse volunt : quibus quoque favere videntur Paul. Æginet. & Ætius qui illi vim digerendi ac leviter discutiendi attribuunt ; atqui docet Galen. vim illam caliditati esse junctam ; vim quoque pepticam concedunt hoc est maturandis inflammationibus idoneam ; sed & vis illa à calore & humore est : omne enim pepticum conforme naturæ humanæ. Ratiocinatio Galeni probantis malvam calidam hujuscemodi habetur lib 2. de alim. Porro succo *Malva lentior quidam inest, qui lactuca non inest, à refrigerandoque abest perspicue, id quod etiam antequam edas intelleges si utrumque olus vicissim calido cuiuspiam affectui cataplasmatibus modo applicueris. Senties enim in hoc cataplasmate lactucam quidem manifeste refrigerare, Malvam autem calorem quemdam habere moderatum ac tepidum.* Quibus verbis nihil esse potest illustrius. His conciliandis authoribus unum est quod apponam ; jam aliquoties à me propositum : scilicet alios loqui de Malva velut de medicamento.

Temperies malvæ an calida vel frigida.

to, alios de eadem velut alimento. Ut medicamentum, modicè calida est & humida, ut proposito Galeni exemplo pater, & virtute Malvæ tam peptica quàm discutienti. Ut alimentum, frigida est & humida, quia humiditate sua aquosa sanguinem aquosum & serosum & continuo etiam frigidum gignit. Huic distinctioni proponendæ lucem mihi prætulit Paul. Ægineta, qui de malva duobus diversis locis egit. Primo quidem lib. 1. de re Medica cap. 7. de alimentis ex oleribus; ubi malvam dicit frigefacere, licet non manifestè: altero vero, libro 7. cap. 3. de facultatibus medicamentorum simplicium; ubi eam moderatè discutere ac mollire astruit: quod argumentum est, duplici consideratione malvam teneri medicamenti & alimenti. Nullus vero mirari debet, gemino illo respectu duplicem tribui malvæ facultatem: nam & vino id accidit, quod ut medicamentum siccare corpus dicitur, ut alimentum humectare ob copiam sanguinis quam gignit. Cæterum malvæ differentias omnes non explico: repetatur ex Botanici ac præcipuè Bauhino: Interim moneamus cum Casaubono cap. 18. lib. 2. in Athen. malvæ semen Phaniam vocare περιμακρόν τύπον, Dioscoridem τὸν καρπὸν fructum, Hesygium & alios placentam, quod orbiculus ille pectinatim sit incisus, ut solent incidi placentarum crepidines. Subjungamus quoque appellationis malvæ rationem ex Bapt. Porta deductam phytognom. lib. 4. cap. 19. Apud Dioscoridem notatum est malvam à quibusdam αἰγὸς πρῶτον hoc est capræ splenem vocari, ab aliis οὐρῶν μύδος, urinam seu caudam muris. Bapt. Porta malvæ folia cum liene similitudinem habere asserit, & easdem facultates possidere quas habet capræ lien, hinc nominis ra-

Semen
malvæ.

Nomi-
na.

tio. Cauda autem muris dicta est ob ejus sureulos tenuiores ac exiliores qui referte aliquo pacto possunt muris caudam. Sed fileo: tædet enim me harum ineptiarum.

De Rapis.

CAP. XXIV.

Rapa juvat stomachum, novit producere ventum,
Provocat urinam, præstatque in deme ruinam.
Si male cocta datur tibi, torsio sic generatur.

HIC tres cum primis raparum recensentur proprietates: Ac primum quidem quod stomachum juvent. Secundum, quod flatum gignant: Tertium, quod urinam provocent. Quæ sanè omnia de iis intelligi debent, quæ bellè & perspicuè cum pinguibus carnibus percoquantur. Ea enim jucundiora ac gratiora stomacho fiunt. Satis tum nutriunt, tum impinguant, sed humentem ac flavam carnem creant, flatum & genitale semen generant veneremque stimulant, urinam provocant, fauces leniunt, atque thoracem ac visum: præterea (ut Anenzoar in lib. de Conservanda sanitate & tract. 8. cap. 21. lib. 1. Theysir, & Averroes lib. 5. cap. 41. collect. testantur) peculiari quapiam proprietate roborant. Fertur etiam quod fibræ illorum sive caudæ, alvum fortiter moveant: Atque hinc sane vulgati excogitati sunt versiculi:

Radix rapa bona est, comedenti dat tria dona,
Visum clarificat, ventrem mollit, bene bombit.

Secundo deinde loco, duo eorundem referuntur incommoda. Nam & dentes lædunt, & torsiones sive tormina in ventre suscitant. Atque his quidem malis cruda maxime obnoxia sunt. Primum enim

non agrè modo dentibus franguntur, verum etiam minus iusto in ventriculo conficiuntur, quo fit ut & ipsa corrumpantur, & fætidus præterea halitus dentibus suggerant: acciditque duplici ita nomine dentes offendi, commanducatione nimirum & halitu. Deinde vero ad istum modum liberalius ingesta concoctu sunt difficiliora, ac flatulenta magis, stomachoque noxia. Nonnunquam autem & ventrem mordicant: Quorum posterius etiam vulgato nobis indicatur versiculo.

Ventum sæpe rapis, si tu vis vivere rapis.

Crebrior raporum usus crassum humorem generat, & obstructions jecoris parit. Ventrem nec sistunt nec movent. Inter radices tamen omnes quæ quidem edendo sunt, rapæ corporis nutritioni vel maximè conveniunt, idque ex saporis jucunditate facile deprehenditur. Ea enim eduliorum omnium natura est, ut amara, & quæ linguam contrahunt, minus; dulcia vero magis alant. Rapa autem cum aliis radicibus dulciora sunt minusque linguam contrahunt, majus etiam aliis præstare alimentum magisque victus salubris rationi convenire consentaneum est. Sanguinem tamen crassorem & melancholicum generat, cum minus iusto in ventriculo ob concoctionis facultatis imbecillitatem conficiuntur. Coctionem autem diuturniorem postulant, eaque sunt laudatissima, quæ primæ ebullitionis aqua segregata & abjecta bis percoquuntur. Cruda ob prædictas paulo ante causas nullo modo edenda sunt. Cymæ raporum decoctæ manduntur, & urinam cient. Rapum muria conditum, vel cum aceto & sale sumptum, minus quidem alimenti sufficit, sed multo magis appetentiam tecreat. Hujus semen tritum & magna copia haustum Venerem suscitatur. Fertur, quod si

quīs hoc ipsum semen cum Calamintha & Lemnia terra commixtum sumat, eo die neque veneno neque morſu venenatia nimalis leđitur. Appensum inguinum morbis peculiari quāpiam proprietate medetur. Plura Dioscorides libro 2. c. 99. Plin. lib. 18. c. 13. Galenus lib. 2. de alim. facult. c. 62. & lib. 6. de simpl. med. facult. c. 98. & Simeon Sethi in Syntag.

Animadversio.

Cum hic radicū primum exemplū habeamus, secuti Galenū nonnulla universim de eduliis quæ ex radicibus sumuntur delibanda sunt nobis. Ac certè imprimis gravis occurrit quæstio ex mente Mnesitheī exorta, an scilicet inter omnes plantarū partes, sint radices deteriores. Existimabat autem Mnesitheus opere de alimentis, radices omnes concoctu esse difficiles, turbamque inferre. Cum enim radices attractum è terra alimentum reliquis plantarū partibus distribuant, accidit ut humorem plurimum in seipsis colligant, eumque crudum, cum fieri nequeat ut ipsum radices coquant, quod ultimam perfectionem & coctionem in singulis partibus expectet. Quæ ratiocinatio Mnesitheī aliena licet à ratione non videatur, probari tamen non potuit Galeno lib. 2. de aliment. facult. nec Julio Alexandrino comment. in eum Galen. locum & lib. 9. de sanit. tuend. c. 2. eam enim variis argumentis oppugnant, ostenduntque in plantis nonnullis perfectiores esse radices, magisque elaboratas quam aliæ sint partes. Et profecto si magna licet componere parvis, ne-

De radicib.
plantarum.

374 DE CONSERVANDA

mosanæ mentis animalium ventriculum multis crudis incoctisque humoribus magis redundare pronuntiabit, quod cæteris partibus cibos apparet & concinnet; si enim excessus non sit (qui nunquam accidit in plantis, quæ naturali tantum appetitu fruuntur,) optime receptas dapes coquit coctasque excludit velut supervacuas virtute sua expultrice, quæ nec inferior est attractrice, nec retentrice. Scimus autem quod animalibus est venter, id plantis esse radicem; ut propterea deterior non sit censenda radix, sicut conditio ventriculi pejor non habetur. Dif- fiteri tamen nullo modo velim? coctu omnes con- tumaces esse radices succi crassi & terrestris, ac ut plurimum excrementosi, non ob rationem à Mnesitheo allatam, sed, propter contactum ter- ræ, prohibitam transpirationem, aëris lumi- nisque solaris privationem, imbrium humecta- tionem, situm gravemque terræ minimè ven- tilatæ odorem, unde inficiuntur ac imbuun- tur.

Radix
instar
ventri-
culi.

Notæ.

Rapo-
rum
No-
men.

Porro inter radices habentur Rapa dicta Va- roni quasi ruapa quod à terra ruerent, vel se- cundum Isidorum à rapiendo, id est compre- hendendo, cum enim radice amplissima sint manu facile comprehendendi possunt. Malo tamen cum Iosepho Scaligero à Græco vocabulo ῥαπὺς ῥαπὺς deducere, quo usos fuisse Speusippum & Glaucum refert Athen. 9. Deipnosoph. Sed & Galenus notat 2. de alimentis Rapa, vulgari appellatione designare agrestem raphanum. ῥαπὺ τε καὶ τὰ ῥῥαφανίδων καὶ τὰ ῥῥα καλυμμένων ἐπιχρῆται φάρμακον ἢ μὲν ῥαπῶν. ἐστὶ δὲ ὡς αὐτὸς πρὸς εἶποι, ῥαφανὶς αἰχρία. Propriè tamen Græci Rapum vocant ῥαπὺν ἀπὸ τῆς ῥαπῆς, quod est ῥαπῆς, quasi

orbiculatum dicas, aut in rotunditatem circum-
actum. Vocat quoque Galenus Rapum *βενιαδης*
ἀπὸ τῆς βένης, qui verrucosum locum collibus &
tumulis exasperatum significat. Ab eadem men-
te, Apollas apud Athen. rapa à Lacedæmoniis
ραπέρας hoc est ventres, dici tradidit: quod in
modum ventris tumeant, licet Nicander eo no-
mine à Bœotis Brassicas intelligi voluerit, di-
xeritque rapas vocari Zeceltidas, forsan ἀπὸ τῆς
ζελκίδος, hoc est ab oleribus, sic ab Hesychio
dictis. Raporum vero plures enumerantur dif-
ferentiæ quas omnes persecutus est diligenter Diffe-
rentiæ.
Bauhinus ad librum secundum Dioscoridis.
Præcipuæ differentiæ sunt in *ἡμέτερον καὶ ἀγρίον*, in
sativum & agreste, in *ἀρσέν καὶ θήλειον*, in mascu-
lum & foeminam, in rotundum & latum. Ro-
tundum masculum est, latum foemina; utrum-
que autem, vel sativum, vel agreste. Galenus
vero rapas & napos confundit *ραπυλίδας* &
βενιαδας, quia, opinor, Napi in raporum ge-
nere videntur esse & raphano ac Rapo similes,
ut forma sic temperamento. Raporum vero
temperamentum ordine secundo calidum est, pri-
mo gradu humidum, cujus rei causa profert
Pet. Hispanus comment. ad Isaac. Quia, in-
quit, mediante radice ordinatur ad hominem, si-
cut quadam planta mediante suo fructu: unde de-
bet esse magna & multum attrahere de nutrimen-
to, & quia attractio fit de calido, ideo est calida:
est quoque humida, quia multum attrahit de humi-
do aquoso. Usus in
cibis.

Usus raporum in victu & medicina. Esitasse
quosdam rapas testatur Plinius Junior cap. 33.
de viris Illustribus, exemplo Curii Dentati, qui
ex vase fictili apud Florum rapas comedere

solitus erat. Romulum quoque rapis victitasse, & iisdem etiamnum in cælo pasci, post Senecam in apocolocyntosi scripsit Martialis. libro 23. epig. 16.

*Hæc tibi brumali gaudentia frigore rapa
Que damus, in cælo Romulus esse solet.*

Euphorio Comicus testis est, Coquum Nicomedis Bithiniæ Regis apuam cupientis, cum longius à mari distaret, pisciculum illum imitatus apposuisse rapas apuis per similes, quod Apicio tribuit Suidas. Raporum non parva gloria; quod unum dicatur in templo Apollinis Delphici dicatum è plumbo, beta una ex argento, raphanus ex auro, ordine quasi dignitatis in cibis. Carius emptum fama est rapum à Ludovico XI. Galliarum Rege, oblatam enim à Conone homine rustico rapam apud quem avidè eo cibo vesci solitus erat, mille aureis emendam duxit & inter pretiosam suppellectilem collocandam. Ex rapis autem, præsertim edulis, radix, & folia & caulis abiici solita, licet nonnunquam penuria melioris cibarii ipsa quoque esitata narret Gall. 2. de alimentis; Cymas etiam ejus mandi decoctas, auctor Dioscorides, Imo & homini non minor rapaciorum suis horis grati quam Cymarum, inquit Plinius, ubi per rapacia, vel cauliculos, vel raporum folia nonnulli exponunt. Minimum nutrire idem Galenus voluit, eodem lib. cap. de rapis, multum plus cæteris nutrire censuit Isaac, quo modo id intelligendum? Respondet Pet. Hispanus rapam loquendo materialiter minus nutrire borragine & lactuca: sed accidentaliter plus, quia tardius convertitur in substantiam membrorum & diutius immoratur in membris. Addit comparatè rapum cum

Difficultas
soluta.

herbis qua nutriunt per radicem non per folia, sicque minus nutrire quam folia herbarum, sed magis quam alia radices. Hæc tamen postrema distinctio nodum non solvit, quia expresse dicit Galeni textus latinus Martino Gregorio interprete, si aqua incoquatur nullam plantarum congenerum minus nutrire. Sed omnis difficultas tolleretur per ipsum Galenum; cuius verba Græca ubi produxero difficile non erit judicare primo gravissimos errores commissos ab interpretibus, contra mentem ipsam Auctorum, deinde Galenum & Isaacum non dissentire. Verba Galeni ex exemplari Venetiano & Basileensi, sic se habent, *ἡ δὲ ἐν αὐτῇ περιχρμένη ρίζα πρὶν μὲν ἐψηθῆναι, σκληρὰ καὶ ἀβρῶτος ὑπάρχει, δι' οὗδ' αὐτὸς δι' ἐψηθείσας θανύσσει, μὲν αὖ ἐπὶ πρὸς τοῦ ὁμοχρῶν φυτῶν, ὅτι αὐτὸν τρέφει*, id est, radix vero que terra continetur priusquam coquatur dura est & minime esculenta, cocta vero ex aqua cum fuerit, mirarer si minus nutriret, quam ulla alia ex congeneribus plantis an ut perbelle cum Isaaci expositione ab Hispano facta Galenus consentit: & ipsi Galeno Oribasius collectan. medicinal. lib. 2. cap. 18. Si, inquit, rapæ minus quam ulla alia planta qua sit ejusdem generis, nutrent; utique mirarer. Et certe Paul. Æginet lib. 1. de re med. c. 76. non est adversus Galen. scribens: *βενιαδέ τε καὶ γογγύλλω περιποιηνομένην δισσεφθὸν ἐσθνομένην ἔσκειμον ἐχ' ἡπὼν ἢ ἄλλων φυτῶν*. Bis coctum rapum in cibo acceptum non minus quam alias plantas nutrire. Quod confirmavit Simeon Sethi his verbis: *Ἐσθίμα ὃ εἰσιν ἰσχυρὰ καὶ διερρηπικὰ, καὶ εὐσώδη καὶ ἀπέρματος ἰσχυρὰ*, Rapa, inquit, abunde nutriunt, urinas provocant, flatum excitant, semen generant. Sed argumentum multi nutrimenti est,

Error Martini Gregorii.

Versio Galeni emendata.

quod nonnullis gentibus primus sit & solus à pane & vino cibus. *A vino atque messe tertius hic transpadanis fructus*, ait Plinius capite decimo tertio libro 18. Omnium tamen raporum non æqualis gloria. Crates commendat rapa è Cephisso Bœotix fluvio, Diocles è Magnesia, Athenæus Thebana, Clem. Alexand. lib. 2. pædag. Mantinica; quo loco errorem Danielis Hienfii Interpretis & Herveti castigatori notabis, qui γογγύλην μαντινικὴν vertunt bolum Mantinicum, nullo sensu, cum vertere debuissent rapum Mantinicum; quod etiam laudatur à Cælio Rhodigino lib. 9. cap. 12. & lib. 28. cap. 7. Certe Diocles prope Magnesiam rapa gigni inusitatæ magnitudinis docet γλυκεία καὶ εὐσώμαχα, *dulcia & virilia stomacho*. Vidit Plinius quadraginta libras excedentia; Jul. Alexandrinus in Bohemia ad Marcomanos plantæ genus raparum facie observavit, radice hominis proceritatem non equans solum, sed interdum superans. Nunc Sabaudis ac Lemovicis palma tribuitur, ut olim apud Romanos Nursinis, quæ ob id à Martiali cp. 20. lib. 13. pilæ Nursinæ vocantur.

*Hos (Napos) Amiternus ager felicib⁹ educat hortis,
Nursinas poteris parcius esse pilas*

Dum autem in bonitatem & magnitudinem raporum incidimus, non abs re erit quærere cum Petro Hispano cur ita magna crescant; quove meliora tempore, hyeme an æstate. Ad primum quod attinet, tres ejus rei causas affert Hispanus. Prima est: attractivæ facultatis fortitudo expulsi vim diminuens: cum ergo valeant attrahendo radices raporum non multum expellunt in folia. Secunda est gratia finis, quia ordinantur ad hominem mediante radice; Tertia est

Error
Hien-
fii.

Rapa
cur
crescunt.

ex philosopho, qui dicit naturam quod addit in una dimensione, diminuere in altera unde quod addit in longitudinem, diminuit in grossitiem. *Hinc videmus*, inquit, *Nobiles præferim Sabandos habere tibias longas & graciles, rusticos vero tibias grossas & breves.* Quod ad alterum spectat, hyeme meliora credit, tum quia gelu ratione suæ frigiditatis substantiam eorum dilatat & remollit eamque magis reddit aptam digestionem: tum quia frigus virtutem eorum attractivam debilitat, & calorem intus nativum auget, sicque perfectius digerit. Quæ doctrina ex priscis auctoribus deducta est. *Frigore*, inquit Plinius, *dulciora fieri rapa existimantur, & grandiora tempore in folia exeunt.* Nicander lib. 2. Georg.

Καὶ τὰς μὲν παύκοσσον ἀποβλυῶας βορέης
Περσικέας χειμῶνι, καὶ οἱ κρεῖσσον ἀερρῆς.

Hoc est, rapas collige boreæ frigoribus jam domitas, hyemi gratas, famulisque tum domi otiosis.

Porro non uno apparatu Rapa elitata sunt, sed diverso, interdum enim cum aceto & sale assumpta fuerunt irritandæ appetentiæ: Interdum cum aceto & sinapi; alias cum musto, & uvis passis, ut videre licet apud Columell. lib. 12. & Athen. lib. 4. picta quoque fuisse coloribus præter suum sex aliis, purpureo quoque notat Plinius, neque aliud in cibis tingi decuisse. Assatione præterea parata manduntur; frequenter autem in aqua decocta; idque utilius.

Ceterum usus in Medicina non est quod exequar, sunt enim ab omnibus pene Medicis & descripti & exarati. Si quis Naporum utilitatem in cibis videre cupiat, legat Bruyerinum lib. 4. de re

cibaria cap. 4. ubi diffusè Naporum historia explicatur: si quis enim omnia exequi velit, amplo is volumine indigeat. Deinde hîc de rapis non de napîs quæstio est.

De Caule.

C A P. XXV.

IUS caulis solvit, cujus substantia stringit,
Utraque quando datur, venter laxare paratur.

HIC agitur de caulibus, per quos nihil jam aliud intelligendum, quam vulgare illud olus, quod καυλίσκη Græcis, Latinis vero Brassica dicitur, atque hoc vel ex Martiali discere licet, qui xeniorum libro eos caules per nitratam aquam virides conservari ait:

Ne ubi pallentes moveant fastidia caules,

Nitrata viridis brassica fiat aqua.

Recensentur autem hoc loco tres ipsorum facultates. Quarum prima quidem est, decotum eorum, & maximè primæ ebullitionis, ventris soluendi vim obtinere. In foliis namque & exterioribus partibus nitrosa quædam & absterforia inest qualitas, quam sane, cum debiliter admodum inhæreat, modica elixatio in aquam facile deponit, eique potentiam adjicit purgatoriam. Atque hinc adeo fit, ut jus primæ decoctionis alvum excellentius, quam secundæ dejectat. Nitrosa enim illa & absterforia qualitas exquisitè per primam segregatur, atque in aquam deponitur. Secunda est, corpus ipsum sive substantiam, communi siccan-

tium ratione ventrem sistere magis , quam ad dejiendum incitare , quia purgatoria potentia per decoctionem aufertur , & relinquitur substantia terrea sicca , quæ sumpta ventrem adstringit , idque multo magis , si non bis duntaxat , sed ter aut quater aquam effuderis . Nam quanto exquisitius in aquam succum suum deposuerit , tanto & illi quidem majorem purgandi vim adjiciet , & reliquam sui substantiam , quæ velut oleris ipsius caro est , restringentem efficiet . Eadem est ratio in beta atque adeo in omnibus ferme , quibus sapor aut acris , aut nitrosus , aut salus inest . Quippe & lenticula ipsa , tametsi satis magnam adstringendi potentiam gustu refert , tamen ejusmodi quid sortita est . Nam & hujus decoctum ventris solvendi vim obtinet . Verum hic succus , etiam si degustes , perspicuam misturam repræsentat , tanquam si nitroso austerum quid commisceas . Sed & conchularum maris cæterorumque fere ostreorum succus plane tum salus est , tum ventrem solvendi vim obtinet : quamvis eorum caro ventrem reprimat . Tertia est , utrumque , nempe decoctum atque substantiam simul ventris subductionem efficere : cum enim vires suas ita retineant , abstergere etiam , & intestina ad expulsionem irritare consentaneum est . Lege hac de re plura apud Galenum , libro 3. de simplic. medicam. facultat. c. 14. & lib. 1. c. 3. & 25. & libro 2. c. 44. de aliment. facultat. Præditum quoque est , Brassicam naturali quadam facultate vino adversari , & curare temulentiam : Unde quærit Aristoteles , 3. Sectio problemat. 17. Quid est cur brassica sedet crapulam ? Nonnulli respondent hoc evenire solitum , quod ex esu ejus fumi eleventur

Brassica remulenti-
tiam
curat.

admodum crassi, qui, cum vini vapores incrascent, ad cerebrum ascendere etiam prohibent. Aristoteles tamen aliam adsignat causam, nempe quod quicquid humores vinosos undique & omni ea corporis parte ad se in alvum trahit, & corpus refrigerat, tollat crapulam. Brassica autem est huiusmodi. Ergo brassica curat crapulam. Minor probatur, quia per succum ejus humores, qui vinosi crudique tenentur, è toto corpore detrahuntur. Ipsa vero substantia frigida, styptica ac terrea, supra in ventriculo remanens, corpus refrigerat, quo fit ut tenues humores ad vesicam labantur. Cum igitur humor utrinque educatur, corpusque refrigeretur, rectè per consequens à crapula liberatur. Evenit ad hæc ut cum humores deorsum ad se trahunt atque excernunt, flatum etiam secum deducant, qui, si per vinum liceat, in caput se efferens gravitatem creat & crapulam: sin autem, deorsum se vertit, corpusque ob causam prædictam refrigeratum est, dolor crapulæ omnis tollitur. Quin & ipsa Brassicæ folia, quemadmodum libro 2. de composit. medicam. local. cap. 5. Galenus attestatur, calida macerata capiti que circumposita ac obligata naturaliter ebrietati resistunt. Porro Brassica, quæ edendo est, calefacit & siccit primo excessu: parvum & melancholicum succum procreat: Æstiva tamen pejor est quam hyberna; Oculorum aciem hebetat, unde Græcis κράμει dicta censetur, quasi κρόμειν, quod pupillas oculorum, quas illi κρόγας vocant, obtundat hebetetque somnum per contraria insomnia interturbat, stomacho incommoda est parumque nutrit, at si cum pingui carne coquatur, plurimum noxæ atque vitii amittit. Urinam ac menses ciet, & lumbricos

interficat. Succus ejus cum melle sumptus magnifice defectiones vocis juvat, & si vulneribus imponatur, ea glutinat, dolosa malignaque ulcera & insturatas inflammationes sanat. Pura Dioscorides libro secundo, cap. 18. Plinius libro vigesimo, capite nono: Galenus locis supra citatis: Simeon Sethi in Syntagmate: Rhazes libro tertio, capite decimo octavo ad Almanforem, & Avicenna 2. Canon, capite centesimo quadragesimo secundo.

Animadversio.

Braffica olus est cujus Medicina populum Romanum sexcentis annis tantum usum jactitant, cujusque solo usu Varronem familiam suam à pestilentia tutam præstitisse aiunt, cui nunc principatus est hortorum. Dictam *Brafficam* vult Varro quasi *passicam*, quod ex scapo minutatim præficceretur, & passa fiat. Festus à præsecando vocatam putat. Hesychius brafficam Italicè *βερίσκην*, vel ut placet Jos. Scalig. *βερίσκην* appellatam innuit, fortasse *ἀπὸ τῆς βερίσκου*, quod est *ἐδίον* edere, *τὸ σώματι ἔλκειν* ore trahere; *ἡσυχάζειν*, id est ingemiscere; allusione facta ad lacrymas Lycurgi è quibus progenitam brafficam narrat Nestor io Alexicepo apud Constantin. Casarem lib. 12. Geoponicè cap 17. Inueni & appellari Gaules necnon privatum olus veteribus Latinis. Græci autem *κράμβη*: dicunt & articè *κοράμβην* quasi *ἀμβλύνοσκιν τὰς κόρας* oculos hebetentem, vel *κοράμβην διὰ τὸ τὰς κόρας βλέπειν* quod oculis noceat, aut certe *κοράμβη* denominata *ἡ τῇ κόρῃ αἰαβαίνουσα*, quod *crapula* et ebrietati insistat, *ὅθεν καὶ πρῶτον ἐν ταῖς συμποσίαις δίδεται, καὶ ὅττι ἀμπύλω ἐφύεται*, inquit au-

Braffica
Nomé.

Tēpe-
ramen-
tum.

ctor Ethymol. ut postea observabimus. Est autem Brassica, ut quibusdam Græcis videtur, calida & sicca. Hippocrates quidem lib. 2. de diæta, *Brassicam calefacere, alvum movere, & biliosa ducere scribit, καί μὲν*, inquit, *ἑρμαίνει, καὶ διαχολέει, καὶ τὴν χολαίαν ἀγείρει*. Libro quoque de affectionibus acrimoniam illi tribuit quæ nunquam à calore semota reperitur. Galenus, Paulus, Oribasius siccare quidem eam aiunt, sed de ejus calore aut frigidityate expressis verbis non loquuntur: colligi tamen facile potest eos calidam brassicam statuisse. Galenus enim lib. 7. de simpl. Medicam. facultatib. cum dicat brassicam agrestem quodammodo calidiorem sicciorumque esse quam sit domestica, innuere videtur calidum esse domesticam, sed minus quam sit agrestis, *cen*, inquit, *accidit secundum utramque hanc facultatem, in herbis domesticis & sylvestribus*: deinde vim illi tribuit acrem & ejus combustis cineribus causticam sive adurentem, ut ex eo liquido constet caliditate quadam brassicam dotatam esse. Eam ipsam sententiam ac pene Galeni verba habet Oribasius collectaneorum l. 15. & Aetius tetrab. 1. Sem. 1. At Oribasius Euporiston lib. 1. cap. 18. brassicam collocavit inter alimenta attenuantia, quæ omnia vel odorata, vel acria, vel perspicue calida dicit. Denique Avicenna familiæ Arabum Princeps lib. 2. tractat. 2. cap. 143. brassicam cōstituit calidam in primo, in secundo gradu siccam; cui non refregatur Serapio tractatu secundo de simplicibus & plantis calidæ & siccæ complexionis in primo excessu. Verum inter eos qui frigidam brassicam statuunt prius est Aristot. probl. 17. sect. 3. quo loco ait obistere ebrietati brassicam, quod *ipsa frigida sit αὐτὴν δὲ βῆσι τοῦ καύου*.

Præceptoris

Præceptoris doctrinam secutus est Avertoes 5. collectan. cap. 41. & ab illo Isaac in diæti particularibus, qui ambo frigidam & siccam crambem constituunt. In eadem mente fuit quoque inter Græcos Actuarius lib. 7. medend. cap. 2. qui hederæ brassicæve succum inter refrigerantia ac reprimentia collocat. Verba Actuarii Græca ex manuscripto nostro codice, egregio sane & elegantissimi, apponam, εἰ δὲ καὶ μετὰ τὴν ἀλγείν τοῖς ἐμψύχοις χηρῶσαι καὶ ἀπτερυγίαις καὶ τῆς κεφαλῆς, τοῖο τε ἐσθίου καὶ αὐτὸ καὶ σὺν ὀξεί, ἢ μετὰ χυλῇ καὶ ἢ κράμβης id est, si vero post coctionem doluerit caput, utendum refrigerantibus & reperiuntibus capiti appositis, quale est rosaceum per se & cum aceto, vel cum succo hederæ aut brassicæ, que omnia pene iisdem verbis repetuntur apud Trallianum lib. 1. cap. 10. Ex hac dissentientium Medicorum enumeratione, quid de ea difficultate sentiendum satis non constat, cum auctoritate & numero alii aliis non cedant. Ex recentioribus Jul. Gustavinus, & Ludov. Septalius com. ad probl. 17. Arist. sect. 3. difficultatem istam viderunt, sed dissolverunt minime. Posterior tamen levem caliditatem superficialiariam agnoscit in brassica, quæ prima coctione evanescit, quod reliquum est, frigidum cum Aristotele credit. Qui diorsimus ex Conciliatore comm. in prædictam probl. & ex Pet. Hispano desumptus est comm. in Isaac ubi hæc iste habet. *Nora quod in canle est duplex substantia: quadam superficialis, calida & sicca; & ista cito resolvitur in prima aqua, & etiam per ablutionem; unde lotus non maturat apostemata, & per istam viam est calida & sicca & principalius competit in via Medicina: quadam est complexio centralis frigida & sicca, & rer istam principalius competit in via cibi & diæta.* Ego vero agnosco quidem cum Gal.

Anbr.
fica ca-
lida vel
frigida,

386 DE CONSERVANDA

lib. 3. de simpl. cap. 15. duplicem in brassica, ut substantiam sic qualitatem aliam: quidem succulentam, ac liquidam tenuemque quæ calida est, alteram vero solidam, crassam ac terrestrem quæ frigida sit. Ac illa quidem non tantum superficialia est (ut viris doctis placuit) sed diffusa, & per superficiem & per centrum; quo fit ut prima ebullitione tota illa substantia non extrahatur, sed secunda, tertia, quartave. Si totam brassicam, inquit Galen. concoquas, primamque ejus aquam in quam succum deposuit effundas, iterumque eam alteri aque injicias, rursumque concocta effundas & ipsam, succum quidem purgare offendes, brassicam vero ventrem adstringere, multoque magis, si non bis duntaxat, sed ter aut quater aquam effuderis. Nam quanto exquisitiùs in aquam succum suum deposuerit, tanto & illi quidem majorem purgandi vim adjiciet, & reliquam sui substantiam, qua velut oleris ipsius caro est, restringentem efficiet. Hæc ille, ex quo parum inter se dissentire auctores, quivis deprehender; observandum interim brassicam sine ulla præparatione consideratam cum Hippocrate, calidam potius quam cum Averroë frigidam definiendam. Ex brassicæ effectualia gravis exurgit controversia inter Hippocratem & Galenum. Ille enim lib. 1. de epidem. scribit brassicam acrimoniam quandam habere ad secessum, simulque boni esse succi. καὶ μὲν δὲ ἐχὲν πρὸς δεινότητα ἐστὶ διακρῆεν, καὶ ἀπὸ εὐχαίματος. At Galenus & cum eo cæteri Medici, succum non bonum habere. ut lactucam, monuit l. 20. de alimentis & l. de differentiis febrium cap. 4. sed prævum & graveolentem, καὶ ὀσφιν καὶ δυσώδην, adeo ut comm. 1. in 3. epidem. part. 14. ab exhalatione brassicæ, carei & buxi circumstantem ærem prævum reddi notaverit. Equidem Palladius Hippocrat. com-

Brassica affectus.

mentator annotatione ad part. 40. sect. 2. lib. 6. epidem. Brassicam ut cibum semper damnari, quippe quæ malum succum pariat, audacter pronuntiavit, qui aliter dixerit extat nemo. Non ignoro quid Nicolaus Rorarius contradicit. septima in medium protulerit ad explicandum Hippocratem. Dici quoque posset tempore Hippocratis tali in commendatione fuisse brassicam, ut id ex vulgi mente proferre non dubitaret. Nicander enim in Georgicis notat Priscos brassicam *inter olera vasem* *μάντιν λαχάνοισι ἱερὰν* vocavisse. Sic Menander *ἱερὰν* sive *sacram* vocavit, adorari solitam addidit Hipponactes in Iambis; ac per eam ipsam multos jurasse. Ananius Teleclides & Eupolis memoriæ prodiderunt quod iusjurandum ionicum fuit, qua dialecto scripsisse Hippocratem constat. Ex hac brassicæ gloria factum est ut Pythagoras, Chrysippus, & Dieuches privatim volumina brassicæ dicaverint: eratque Atheniensibus recepta consuetudo, ut puerperis brassica pararetur; velut *idoneum medicamentum nutriendo corpori*, *ἀντὶ φάρμακον εἰς ἔσθῃν*. A qua mente Cato de re rust. cap. 156. *brassicam omnibus oleribus antistare voluit*, mirifice conquerere, alvum bonam facere, ejusque lotium ad omnes res salubre esse. Imo vero lib. 12. Geoponic. cap. 17. observatum est eam *alimentum corpori abundè præbere, adeoque pueri brassica videntes citius augeant*, *ἔσθιμος δ' ἐστὶν ὅτι τοσὶτον ὡς τε ἀνέξεται τὰ παιδία τοῦ χύτρου κρεμμύνη ἐδίονται*. Hæc inquam omnia plurave alia licet afferri possint ad Hippocratis sententiam emolliendam; frustra tamen adduci credo, cum alia mens fuerit Hippocratis & alio modo legenda ejus verba, loco enim *εὐχυσίμος* restituendum *εὐκοσίμος*, quæ vox brassicam *alvo commodam* esse

Hippo-
crat.
emen-
datus.

designat : quod epitheton illi tribuit Dioscori-
des lib. 2. *καλὸν*, inquit, ἡ φύσις ἐυκόλιος. Id-

Plinius
corte-
ctus.

ipsum dixit Cato de re rust. his verbis. *Id bene fa-
ciat, & male nihil sinet in corpore consistere & al-
vum bonam faciat.* Plinius dixit *utilem stomacho,*
mea quidem sententia malè; cum *κακὸς ὁμαχος* vo-
cetur Dioscoridi : satius fuisset utilem ventri
scribere. Egregium vero exemplum juvandi ven-
tris attulit Hippocrates de brassica lib. 6. epid.
sect. 2. part. 24. Quidam enim æger cum adhuc
difficulter spiraret, septimo die brassicam edens
alvo commota & evacuatis iis quæ circa abdo-
men erant, difficultatem spirandi amisit, quod
aliud non est quam *εὐκόλιον* esse. His ita de tem-
peramento & substantia brassicæ discussis, suc-
currit ut de ejus speciebus ac differentiis variis-
que in medicina usibus aliquid adjiceretur. Ve-
rum ista ut ab hoc loco aliena ad Botánicos rele-
gamus : addimus vero brassicam edi vel crudam
vel coctam ; Crudam olim esitatum tradit Cato,
quo modo vigilias sedare, & imaginationem im-
pedire dictum est, 12. Geoponic. Credo quod
acriores sanguinis fumos non tam frigiditate sua
cogit ac cohibet, quam caliditate discutit ac di-
gerit. Nobis cruda non venit in esum : vertex seu
cimæ brassicæ cypriæ seu floridæ, & ejus interior
medulla bellariorum loco apponuntur, & à non-
nullis suavissimè eduntur cum sale & pipere. Co-
cta autem vel una cum jusculo seu decocto assu-
mitur, vel sine decocto, vel sine ea decoctum :
optimum est ejus decoctum primum, quia ventris
solutivum, bouum quoque decoctum cum bras-
sica sumptum sed sine decocto sumpta bras-
sica, mala est, pravi succi, atrabilarii atque ob-
struentis. Brassicæ caulis durior improbat,ur,

mollior ac tenerior esui est, sed minus suavis : folia prima & antiqua duriora ac sicciora : teneriora vero & quæ Græci κνήματα, Latini Cymata & Cymas vocant, lapidiora sunt & salubriora. Est autem propriè κνήμα fœtus animalium, at hic translatione facta significat cauliculos delicatiores tenerioresque, quos appetente Vere in prima florum germinatione & in summa stirpe hoc olus profert, discretis, verum clausis adhuc florum calicibus, in quibus floris primum, mox feminis fœtus clauditur, ὅτι τὸ κνήμα, inquit Theoph. καὶ ἐν τῷ αὐτῷ ἢ καὶ ὁ καρπός. *Cyma dicitur in qua aut semen aut fructus existit.* Plura vide apud Marcell. Donatum comm. in Dioscor. Probantur autem brassicæ cum carnibus coctæ, quibus earum frangitur malitia : sed & nonnullæ carnes lapidiores sunt coctæ cum brassica, ut perdices & columbæ. Temulentiam avertere brassicas nemo non loquitur ; frustra sim si omnia quæ apud Plinium, auctores rei rust. Athen. Aristot. Petr. Aponen. Septal. Guastaunum, Pictorium, Jul. Alexandr. Brassavol. & alios quam plures extant, congerere voluerim. De Acrepalis (sic Dioscorides vocat ea quæ ebrietati resistunt) plura alibi.

κνήμα,
quid.

De Chærefolio.

CAP. XXVI.

Apposuum cancris irritum cum melle medetur,

Cum vino potum lateris sedare dolorem
Sæpe solet, irritam si nectis desuper herbam,

B b iij

Mac.
lib. r.
cap. 21

Sape solet vomitum, ventremque tenere solum.

Can-
cer.

E Numerantur hoc in loco tres facultates Chærefolii. *Prima*, quod tritum & cum melle appositum cancrum curet. Est autem Cancer tumor durus melancholicus, inæqualis, rotundus, venosus, id est venas habens in circuitu turgidas & exaltatas, livescens sive fuscus, & colore magis quam inflammatione nigricans, calidus, sed non adeo, ut inflammationes subito accrescens, ægros maxime fatigans, & perpetuo fere dolore affligens: Græce *καρκίνος* & *καρκίνωμα* dicitur. Hanc autem appellationem huic morbo indiderunt, tam Græci quam Latini à cancro aquatico animali, quoniam circa hunc implentur & intenduntur venæ, cancrorum pedibus, à glomere illo corporis descendantibus, per similes. Nonnulli vero inde sic nuncuparunt, quod difficillime ab his partibus quas obsederit evellatur, quemadmodum cancer aquaticum animal. Hic enim loco, quem semel apprehenderit, pertinaciter hæret. Adde quod hic tumor, cancri animalis colorem representat, nempe subnigrum. Plura de hoc Paulus lib. 4. c. 26. & Joannes Tagaultius lib. 1. c. 15. chirurg. Instit.

Tor-
mina.

Secunda, Quod cum vino potum lateris dolorem sedet. Tormina quoque ventris mitigat. Crassas enim inflationes, unde dolores isti proveniunt discutit. Præterea stomachi atque aliorum etiam viscerum flatus dissipat, obstructionsque tollit, ad quæ quidem omnia vinum quoque per se sumptum singulare est.

Vomi-
tus.

Tertia, Quod vomitus alvi que profluvia sistat. Calefaciendi enim & exsiccandi vi materiam eorum discutit atque consumit, & maxime quidem,

si à frigido & pituitoso succo oriantur. Urinam & menses ciet, lateris, renum ac vesicæ dolores tollit, cum melicrato exhibitum. Porro Chærefolium, de quo hoc loco agitur, nulla alia herba est quam quæ vulgo nostrati *Carfueil* appellatur. Cæterum medicamenta quæ hic de chærefolio produntur, neque apud Plinium, neque apud ullum aliquem autorem Græcum reperiuntur, sed ex Plinio illo recentiore, qui longe post Galeni tempora exitit, omnia transcripta sunt. Nam is hæc verba de ipso tradit: Chærephyllon canceratis medetur, lateris dolores ex vino mitigat. Quidam illud oleo incoctum *ἀκόποις* ad solvendam frigoris injuriam miscuerunt. Ex aqua mulsa pituitam resolvit. Ex aceto lumbricos & tineas perimit, urinam ciet, menstrua pellit. Tritum cum cera & axungia vetere parotidas discutit. Lege doctissimi veri Jani Cornarii annotationes in c. 22. lib. 1. Mac. Ad hæc succus, sive stillatitius chærefolii liquor, potus cum carbonibus tilix & lapide ex cancerorum capitibus exempto, sanguinem ob casum, percussionem, vel contusionem in grumos concretum certo experimento dissolvit, & renum calculos frangit.

li. 4. c.
37. de
remed.

Animadversio.

OLus familiare & notum nobis quod vulgo chærefolium vocatur, aut veteribus ignotum fuit ac inusitatum, aut quo nomine ipsum designarent nōdum satis apud Botanicos perspectum atque cognitum. Græci quidem suum habuere *Χαίρεφυλλον* ut vox ipsa sonat, sed qui ex Græcis ea usus sit hætenus neminem legi. Columella

Chærefolii
nomē.

& Plinius frequenter eam usurparunt. Ille quidem lib. 10. in horto & l. 11. cap. 3. quibus locis olus esse hortulanum, sativum, atq; esui aptum satis designat, nihil aliud tamen de illo peculiare profert, quam quod sit *breve*, quodque feri debeat eodem modo atque atriplex, papaver, & anethū; quæ omnia nostro Chærefolio congrua sunt. Plinius vero chærephylli meminit lib. 1. c. 8. ubi quoque ipsum inter olera connumerat, ac præterea à Græcis pæderota vocari addit. Sic autem denominatum est illud olus, vel quod multis foliis gaudeat, est enim foliosum: vel quod gaudium atque hilaritatem exciter. Ab illo Græco nomine Chærefoliū vere barbarum deductum est, amphibia, ut ita dicam, vox, ex Græca & Latina coalescens, quæ compositionis ratio apud probatos autores penitus inusitata. Eo tamen vocabulo usi sunt Latini auctores nonnulli notæ melioris, Palladius, Apuleius, Macer: ille in Februario tit. 24. hic c. 27. de herbarum viribus, Apuleius, c. 104. de medicaminibus herbarum, ubi observat vocari à Græcis pæderota, ab aliis boopes, à nonnullis arctophyllon, à Latinis Chærefolium. Certum autem est ob omnibus illius viris designarum & significatum nostrū Chærefolium, cum ipsum inter olera recenseant, sativum à nostro non dissimilem prodant, folio parvo & angusto depingant; sed à quibus Græcis Medicis descriptum fuerit Chærefolium, non assignant. Proinde mirum non est si recentiores Phytologi inter se digladiantur de nomine Græco hoc olus significante. Ruellius enim & Menardus ac ipse Fuschius Gingidium Galeni & Dioscoridis esse volunt; Jan. Cornarius vel Gingidium, vel Scandicem, Ludovicus Anguillara Apium montanum, alii Myrrhim, alii Acanthi

genus, omnes ut opinor perperam quemadmodum ex collatione earum herbarū, cum Chērefolio patere potest; qua de re & Mathiolus, & Dalechampsius & Dodonæus egerunt. Si quis autem expostulet cur *paderos* Græcis Chērefolium vocatum sit, dicam quod mihi videtur verisimile, hoc est propter fucum naturalem quo vultum & genas dicitur tingere. Existimatur enim in esu sumptum vel crudum in acetariis, vel coctum in iusculis puriorem reddere sanguinem & defecationem; à puro sanguine *εὐχροία*, elegantia coloris in vultu efflorescentis, qui vel invitos in amorem trahit; venustas autem illa in adolescentibus, ad *παίδευσιν* ducit, aut invitat. Certe meminit Alexis apud Atheneum lib. 13. deipnosoph. fuci cujusdam quo meretrices utebantur quem *παίδευσιν* vocat, de quo Dalechamp. & Gorreus.

Ceterum non est quod explicando huic capiti diutius immoremur, cum desumptum sit totum ex Macro Pœta cap. 27. nulla voce immutata; ex pluribus tamen versibus quatuor isti selecti sunt. Lege ergo Macri commentatores Janum Cornarium, Georgium, Pictorium, & Guillel. Gueroldum. Paucis autem verbis Montagna facultates & dotes Chērefolii explicavit consilio 15. 16. & 73. dixit enim *calidum esse & siccum in principio secundi gradus, subtiliativum, diureticum, confortativum, aperitivum, stomachale, hepaticum.*

Non possum autem silentio prætermittere nugacissimas facultates quas Leonardus Turneisserus Chērefolio tribuit lib. suo magico de historia plantarum c. 28. præterquam quod enim ducit nomen illud ineptissime à Cerere & folio quasi herba vel folium Cereris dicatur; & à Græ-

κο κυρηκα φύλλον quod etiam Cereris folium significat; tam multa alia de constellatione, signatura, mitione, efficacia Paracelsica, animali, substantiali, elementari, proprietate corporali, materiali, complexionali, naturali inclinatione, magica, spiritali, cælesti & miraculosa adducit, non sine superstitione, ut mirum fuerit ei homini tantum otii superfuisse, ut hæc scriberet, tantum insanix adfuisse, ut hæc meditaretur. Qui insanientem hominem redere voluerit, ejus librum consulat, nec enim tot nugis has animadversiones aspergere nobis consilium est.

De Pastinaca.

CAP. XXVII.

- ¶ **Q**uod pastum tribuat est *Pastinaca* vocata.
 „ Attamen illa parum nutrit, quia non subacuta.
 „ Confortat coitum, non est ad menstrua munda.

Animadversio.

Pastinaca
 nome.

Primus versus hujus capituli penultimus est cap. 17. apud Macrum; quo quidem Ethymon *Pastinaca* continetur. Dicta enim est à *pascendo*, seu quod sponte in agris nascatur, seu quod eam sepiissime plebs *depascatur*. Turnebus tamen ad- versar. l. 8. cap. 23. *Pastinacam* piscem nomen invenisse dicit, quod telum quasi *pastinum* habeat. *Pastinacam* autem herbam, quod *pastinum* referat & tamquam habeat, forsan vero deducta est à

pastino quod Palladius accipit pro *terra pastinatione renovata*, quia in ea terra solent *pastinacæ* feri. Eam Græci *σαφυλῖνον ἤμαρον* vocant ad differentiam *ἀγρίου* seu *agrestis* & *incultæ*: nomen traxit ex eo quod non abfimilis sit *scaporadicis Bryonia*, quæ vocatur *σαύλος*. Porro cum multiplices sint *pastinacæ* differentiæ, nec inter se convenient Medici in assignandis propriis generibus, factum est, ut contrarios ac inter se repugnantes habeamus eos, in describendis *pastinacæ* facultatibus, *σαφυλῖνον* enim Theophrastus, *δαῦκον* nominat, Galenus *δαῦκον σαφυλῖνον* composita dictione, Isaacus *Bauciam*, seu *Elaphoboscum*. Nonnulli penes colorem in radice distinguunt, aliam enim faciunt *candidæ* radices, aliam *Luteæ*, aliam *rubræ ac sanguineæ*. Placet rescindendæ omnis ambiguitatis gratia Dodonæi doctrinam sequi historię stirpium pemptadis §. 1. 3. c. 8. 9. & 10. Is ergo *Pastinacam* dividit in *sativam* & *sylvestrem*: *Sativæ* duo genera constituit; *tenuifolium* ac *latifolium*. *Tenuifolium* duplex: alterum radice *lutea*, quod Galli vocant, *pastenade laune*, alterum radice *saturato rubore nigricante*. quod vulgo *Carotam* vocant. At *latifolium* unius est generis cui radix *candida* est. *Sylvestris pastinaca* duplex quoque existit: *Tenuifolia* quę pro *Dauco* habēda est, radice *albida*, vulgo *Pastenade sauvage*, & *latifolia* quę *ἐλαφόβοσκον* est Dioscoridis, licet nonnulli eam ad *Panacis* speciem, alii ad *brancam leoninam*, pleriq; ad *Bauciam* (quæ autore Jacobo Manlio in luminati majore *pastinaca* est Diosc.) revocari posse contendunt.

His ita constitutis conciliemus dissentientes vsus medicorum sententias, hinc enim pugnat *Diphilus* apud *Athenicum* l. 8. & *Artemidorus* *oniro-* in ci- bis

criticon l. 1. cap. 69. ille σαφυλινον vocat *ingvōs*
σπερμικον, καὶ εὐσόμαχον μέσως, satis nutrientem & me-
 diocriter stomachum juvantem, pastinacam recen-
 set inter *ἐσθιμα*, hoc est ea quæ probe nutriunt. Ad
 hæc Dodoneus addit alimentum conferre am-
 plius quam rapam, idque etiam paulo crassius; non
 tamen vitiosum aut reprobum. Ex alia vero parte
 Paul. Aegin. lib. 1. de re med. c. 76. scribit pasti-
 nacæ radices minus quam rapam nutrire. Idem
 asserit Oribasius collectan. l. 2. cap. 23. Assentitur
 Simeon Sethi *δαυκία ἢ γογγυλίων ὀλίγη ἐσθώτερα* con-
 stituens, quibus non repugnat Isaacus & ejus
 commentator Hispanus. Quorum quidem om-
 nium sententiam secuti sunt nostri Salernitani, qui

Conci-
 liantur
 Aucto-
 res.

parum nutrire pastinacam volunt. Equidem mani-
 festa est in his viris contradictio, nisi dixerimus
 hos postremos locutos fuisse partim de pastinaca
 tenuifolia sativa, partim de agresti tenuifolia: Il-
 los vero de pastinaca sativa latifolia. Paulus &
 Oribasius de sativa tenuifolia rubra radice intel-
 ligendi, quæ ex observatione Dodonei alimentum
 non multum præbet, fereq; editur, non cum car-
 nibus cocta unde potest ejus malitia emendari, sed
 fere cum oleo, sale & aceto in acetariis. Simeon
 autem Isaacus & Salernitani verba fecere de pa-
 stinaca agresti, quam diximus Daucum esse, seu
 Bauciam, ex quo etiam Simon vocavit *δαυκίον*,

Ob-
 jectio.

Isaacus Bauciam. Quod si quis obtrudat impossi-
 ble esse, ut pastinaca edulis pravi sitimenti, cum
 temperate calida sit, & non nihil humida: respon-
 deo cum Hispano, id repetendum non ex parte
 complexionis, seu temperamēti: sed ex parte com-
 positionis seu consistentiæ. Quo modo vero ea
 quæ temperata sunt in qualitatibus, consistentia
 prava esse possint, altioris est philosophiæ & con-

Solu-
 tio.

templationis, quod opportuno loco exponemus.

Porro antequam ex differentiis pastinacæ exeam, Paulus
emen-
datos.
notandus est error insignis apud Æginetam, qui li-
brariorum potius ignorantia quam Cornarii in-
terpretis vitio irepsit. Leguntur enim in versione

Latina Æginetæ cum Medicæ artis principibus ab
Henrico Staphano impressa, hæc verba, lib. nimi-
rum septimo pag. 641. in voce σταφυλίνος. *At syl-
vestris pastinaca ad omnia debilior sativa est. Quæ*
sententia repugnat textui Græco & ipsi veritati.

Hujusmodi & textus Græcus in exemplari
Veneto & Basiliano constans, ὁ δὲ ἀρχίος ἰσχυρότερος
εἰς ἅπαντα 7 ἡμέρας. Sylvestris vero valentior est ad
omnia quam sativa. Quæ lectio consentit Galeno,

& Aetio. Sic Gal. lib. 6. simpl. loquitur de dauco,
ὁ δὲ ἀρχίος ἔηλον ἐδάδιμος τῶ ἡμέρῃ σφοδρότερος εἰς
πάντα. ὁ δὲ ἡμέρος ἐδάδιμος μὲν ἀδυνέστερος δὲ. *Agre-
stis Daucus domestico minus est esui idoneus, sed in
omnibus valentior, at domesticus esus aptus sed im-
becillior.* Ac rursus lib. 8. σταφυλίνος ὁ μὲν ἡμέρος
ἀδυνέστερος, ὁ δὲ ἀρχίος ἰσχυρότερος εἰς ἅπαντα. Quæ ip-
sissima Galeni verba repetuntur ab Aetio lib. 1. in

voce δαῦκος & in voce σταφυλίνος. Atque hæc dicta
sufficiant ad intelligendos duos priores capituli
istius versus: unum tamen est quod satis non in-
telligo, cur scilicet dicant Salernitani parum nu-
trire pastinacam *quid non sit subacuta*. Num for-
san intelligunt eam non esse tenuium partium, sed
crassarum & terrenarum quarum opera fit ut diu in
ventre hæreat, nec ad jecur feratur sanguinis of-
ficinam? An insipidam significant ejus substan-
tiam qua torpet appetitus; hinc apparari solet illa
cum aceto ut appetentiam excitet, atque ut tenui-
tate aceti distribuatur per venas mesaraicas ad
jecur. Quod ad postremum carmen attinet, illud

pastinacæ complectitur facultates quas illi omnes uno ore attribuunt. Dioscorides ait *συνκομίαν παρρημάν*, Galenus *ἢ ἀρεθ διαστικόν* obtinere, καὶ τὴν *παρεξωτικόν*; & ut loquitur Diphilus *διεγερτικόν ἀρεθ διαστικόν*. Hinc factum est, ut à nonnullis *φίλ' ἔγν* appellata sit. Certe Orpheus apud Plinium libri vigesimi capite quinto amatorium ei inesse dixit, quoniam venerem stimulari hoc cibo sit certum. Et vero cum duo genera sint præsidiorum quæ venerem excitare creduntur, alia quidem intro sumpta; alia foris admota & imposita; pastinaca ad priora pertinet, nam & ratione nutrimenti, & ratione temperamentum calidi, & ratione partium flatulentatum venerem accendit; addunt Phytognomonici excitandæ veneri aptam pastinacam, quod æstate crescat, & uberi semine turgeat: at medicamenta foris imposita *ἐν τῇ περὶ* vocantur *ἀπὸ τῆς ἐν πύσιν*, quod tentiginem virilium excitent, vel dicuntur secundum Africanum in Astrophistis *συρίδαι*, ab arrectionis facultate *ἀρεθὰ τὸ σύνη*. De quibus videre potes Eustathium ad Iliad. 5. & Junium Adrian. animadvers. lib. 4. cap. 13.

Alia
nomi-
na pa-
stinacæ.

Non obmittendum est à Dioscoride & Apuleio pastinacam alio nomine vocari *κέρως καὶ κόμην*, cornu & comam. Ac certe cornu vocatur, vel quia radice velut cornu terram findat, vel quia radice formam & longitudinem cornu imitetur, vel quia ferrata & capillata non solum radice sed umbella existit; *κέρως* enim, ut testatur Plutarchus, libello an terrestribus aut aquatilibus major prudentia, significat apud præcos Græcos *τρέχα*, id est capillum, unde *κείραδες* tondere, καὶ τὸν *κέρως* & apud Archilocum Poëtam *κείρατος*, id est, ὁ περὶ κόμην καλλωπίζων, qui in ornanda coma occupatur, quod mihi videtur ve-

κέρως
quid.

risimile, nam vocatur quoque *κόμη*, quasi dicas comatam ac *capallatam* instar fœniculi, inquit Apul.

De Absinthio.

C A P. XXVIII.

Nausea non poterit quemquam vexare marina, *“*
Antea commistam vino qui sumpserit istam. “
Confortat nervos & causas pectoris omnes, “
Serpentes nidore fugat, bibitumque venenum, “
Auris depellit sonitum cum felle bovino. “

CUM plerisque necessitas incidat navigio per mare proficiscendi, hic etiam remedia quedã adversus nauseas & vomitiones, quibus premi solent, qui navium insueti primum jam navigare incipiunt, enumerare placuit. Nempe, si divites illi fuerint, ut per dies aliquot antequam navem conscendant, vinum suum aqua marina temperent: si pauperes, aquam marinam absque mistione bibant. Sic enim fiet, ut nauseas citra ullum negotium evitent: Nam vinum & præcipue aquosum, quod Paulo Æginetæ *ὀρυζακρον* Græce dicitur, stomacho vomitionibus turbato maxime convenit. Aqua vero marina, salsa & adstrictoria sua vi os ventriculi claudens, vomitiones præcidit atque impedit. Porro vomitionibus primum jam oborientibus, nec facile, nec utiliter resistitur; ut quæ omnino magna ex parte præsidio esse soleant contra magnas & vehementes ægritudines, nimirum elephantiasin, aquam intercutem, apoplexiam, &

Ori-
bas.
s. c. l.
3. Sy-
nopf.
ad Eu-
stathi-
um.

stomachi tum frigiditatem, tum inflationem. Si quidem ab his non solum præservant, sed eadem etiam jam obortas vel curant, vel certe levant. At si diutius crebriusque urgeant, adeo ut navigantes vehementer debilitentur, comestione stypticorum & acidorum fructuum, cuiusmodi sunt mala cydonia, mala mariana hoc est, ut interpretatur Jacobus Sylvius, poma sylvestria, ut vero Janus Cornarius, poma arantia & nostra orbicularia, & curtipendicula poma, quæ Epyroticis malis respondere putantur, vulgo Capenduta sit *Pommes de Capandus* Gallice vocantur, & punica sive granada acida, restringentia sunt. Hæc enim os ventriculi corroborant & humorem sursum repentem deorsum revellunt, ac inferne per ventrem evacuant, fluentemque stomachum sistunt. Quin & ipse stomachus ab hisce roboratus fructibus, humores ad se undarum exagitatione confluentes reprimit. Apii quoque semen torrefactum ac in vino potum confert. Absinthium quoque tam in cibo quam in potu sumptum nauseas tollit. Panis item assatus si ex vino aquoso & odore maceratus ingeratur, prodest. In summa tota victus ratio, tum ex acidis & ventriculum roborantibus, tum vapores etiam sive fumos ad caput ascendere prohibentibus, constituenda est; in quorum numero & lenticulis comprimis in aceto vel succo vix acerbæ incoctæ reponendæ sunt. Plura Paulus Ægineta, lib. 1. cap. 56. & Avicen. 3. 1. doctrin. cap. 7.

Vapores
stomachi
prohibenda.

Adnimadversio.

Animadversio.

IN exponendo hoc capite graviter omnes commentatores hallucinati sunt, illud enim intelligendum proposuerunt de aqua marina potanda cum vino adversus nauseam eorum qui se primum mari committunt, cum explicandum esset de Absinthio, & ejus facultatibus. Nam ut taceam meos cōdices manuscripti. qui titulum de absinthio circumferunt, omni exceptione major est Macri auctoritas, ex cujus cap. 3. de absinthio omnia capituli hujus præcepta desumpta sunt: imo vero duo priores versus & ultimus ad verbum ex eo descripti fuerunt, vix mutata litterula. Observatum autem à nobis est, nonnullos versus ex Macro deprompsisse Salernitanos Medicos, cujus forsā exemplum & scribendi characterem imitati sunt in hoc opere elaborando. Non diffiteor ad nauseam marinam evitandam hoc caput insertum: cum *ejus principis* ratio habebatur, qui se frequenter mari committeret, cujus tamen odorē sine nausea, fastidio ac vomitu forsā ferre non poterat. Sed persuaderi non possum aquam marinam pro remedio illi esse præscriptā, tum quia à nullo auctore ejus præsidii mētio fiat, tum quia nauseam potius ob ejus gravem odorem excitare possit, stomachi phlogosin suscitare, sitimque accendere. Ut ut sit, intelligendum hoc caput de absinthio mea est sententia. Est vero absinthium Græcis & Latinis dictum, ἀνὶ πικρῆς hoc est à *contrēctando* per antiphrasim, quod nullū animal ob eximiam amaritudinem hanc herbā attin-

Ab-
sin-
thii
nomen.

gat aut depascatur. Simili modo à com icis quibusdam ἀμύδιον quasi ἀμύον denominatum¹, ὃ ἐκ ἀνέρεος διὰ πικρότητος; quid bibi non possit propter amarorem. Ego absinthium dictam puto ab privativa, & à voce ἄλινος, quam hesychius τέλει hoc est delectationē & oblectationem significare dicit, quasi ἄλινος sit, sine delectatione, sive quod gustum non delectet. Quid si etiam dixerimus vocatam ἀλινδιον ἀπὸ τῆ ἀμύεως quod est gustare & esitare: quod nimirum ea herba gustari & edi debeat, propter ejus insignes dotes. Hinc quoq; factum, ut ejus sapor in vina olim transferetur, & propinaretur quadrigæ victori, apud Plinium, dicereturque Dioscoridi appetētiam vel intermortuam excitare. A nonnullis alio nomine vocatur βαδύμνεον ἢ βαρύμνεον à gravitate amaritudinis, totum herbæ corpus perfundentis. Genus absinthii varium, adeout Joa. Bauhinus caput magnū quod libri instar esse potest, in lucē emiseric de plantis absinthii nomen habētib⁹, Gaspar vero viginti differentias in Phytopinace recensuerit, cōmendatur tamen Ponticum, Romanū, vulgare, Santonicū & marinū. Ponticum, non à sapore pontico hoc est stiptico & adstringenti, ut quidam volunt, denominatum fuit, sed à Ponto regione proximisque illi Cappadocia & Tauro monte ubi præstantissimum nascitur. Romanum nonnulli appellatum putant, quod in antiquis Romæ ruinis copiosissime proveniret: alii quod in sacris Romanorum ceremoniis usurparetur, & victorib⁹ quadrigarum propinaretur; sed ridicule. Ea enim appellatio defluxit à barbaris Arabum Interpretibus, qui Absinthium Rumi & Rom apud Arabes invenientes, putarunt illis vocibus Romanum Absinthium designari, nec intellexerunt his vocabulis designari Græcum seu Ponticum.

Differ-
rentiæ.

Equidem Arabes & etiamnum hodie Turci per *Rumes*, *Rumeca* & *Rumelia* Græciam totam, Asiam minorem & Armeniam, quarum incolæ græco fere omnes idiomare vituntur; ac pro operculo capitis, *Tiaris* seu *Turbantibus*; significant ac designant; per *frangi* vero omnes Occidentales regiones intelligunt, quarum incolæ & comati omnes & pileati existunt. Ubi ergo Arabes dicunt absinthium *Rumi* seu *Rom*, vertendum est *græcum* aut *ponticum* quod optimum habeatur in regionibus *Rumi* hoc est *Græcis* & *Asiaticis*. Id licet obscure, tamen diffusè expositum lege apud Claudium Rochardum tractatu de absinthiis. Porro *vulgare* absinthium dicitur non distincta quædam species ac particularis, sed respectu eorum apud quos nascitur, & in usu est. Sic quia ponticum absinthium in usu fuit apud Dioscoridem & Græcos Medicos, ideo eis Ponticum vulgare vocatum fuit; apud nos quia usitatum Santonicum, idcirco ipsum nobis vulgare est: vulgare enim dici solet id quod inventu & usu facile existit. At *Samonicum*, quicquid alii aliter sentiant, à Santonica regione, seu Galliæ civitate appellationem sumpsit: velut *Marrinum*, à mari, in quo aut ejus finitimis locis luxuriat; præcipuè vero in Taphosiri Ægypti regione: Illic enim & optime notæ est, & magno in honore habetur; cum ejus ramum Iſiaci sacerdotes pro olivæ ramo præferte solenne quondam habuerint, observante Dioscorid. lib. 3. cap. 24. & Plinio lib. 27. cap. 8.

Expositis absinthii differentiis, ejus temperiem, facultatesque explicemus. Nonnulli calidum in primo gradu, siccum in secundo; alii vero calidum in secundo, in tertio siccum constituunt. Galenus sexto simplicium exalfacere pariter & extergere,

Temperamentum.

404 DE CONSERVANDA

roberare & desiccare dicit, qualitatemque possidere adstrictoriam, amaram & acrem simul. Ponticum autem absinthium gratum est & amicum stomacho, marinum vero inimicum : proinde Theophrast. lib. 9. hist. plant. cap. 18. & Plinius lib. 27. cap. 7. pontico absinthio *pecora pinguescere & ob id sine felle reperiri docuerunt; neq; aliud præstantius esse, cujus medulla sit dulcis.* Rem tamen alimentariam auxisse absinthium non credo : si quæ ex eo utilitas, quam agnosco maximam, petitur qua medicamentum est. Nam licet pro præmio honorifice potandum daretur victori quadrigarum in latinorū feriis, id erat velut ad sanitatem conservandam ; quamvis etiam sapor ejus in vina transferatur nec familiarius ullum sit quam absinthites : attamen hæc medicamenti semper non alimenti rationem obtinuisse nemo nescit. Quapropter non est quod diutius in recensendis ejus omnibus facultatibus medicamentosis, quæ extra pensum nostrum sunt, insistamus ; aliunde repetantur nisi eæ quæ perstringuntur à Salernitanis, & à nobis susceptæ commentationis gratia, strictim annotantur.

Vfus
Medi-
cus.

Mare
nauseā
cacitat.

Prior usus absinthij est in sedanda ac prohibenda marina nausea : fastidia dico illa ac vomitus crebros, quibus obnoxii sunt ii qui mari sese commitunt, nec sunt illi assueti. Equidem admiratione non caret maris hic effectus, qui sive manifestam sive occultam causam habeat, quotidiana experientia fidem facit paucos admodum esse homines, qui viso mari & lustrato, statim nauseam ac vomitū non incurrant. Primus Hippocrates aphorif. 14. sect. 4. eum effectum maris agnovit, *οἱ δὲ καὶ ἡ ναυτική* seu ut nonnulli legunt, *ναυτὶν ὅτι κέμῃσι τὰ σώματα τοῦ θάλασσης.* Nam inquit,

navigatio seu nausea indicat motione turbari. Paulus quoque Ægineta vomitionibus premi navigantes meminit cap. 56. lib. 1. Diocles etiam apud Oribasium Synopf. lib. 5. cap. 33. Ætius retrabl. 1. sermonis 3. cap. 6. Celsus cap. 3. lib. 1. Avicen. fen. 3. 1. doctrin. 2. cap. 3. Rhaſes lib. 6. ad Almanforem cap. 14. & qui non alii? Cauſam ejus effectus retulit Hippocrates Cauſa in motum; & omnes fere Neoterici eum ſecuti: nauseæ Avicenna fen. 3. 1. doctrin. 5. cap. 8. ait *viato* prima.
ri in mari plerumque accidere vertiginem, & re-
volvi cum ea & commoveri in eo nauseam & vo-
mitum, ob agitationem vehementem humorum &
ſpirituum ex motu navigationis, inquit Jacob de partib. in comment. at cum varius ſit motus antrorſum, retrorſum, dextrorſum, ſiniſtrorſum, ſuſum, deorſum, ac in gyrum factus, probabilis videtur Didaci à Mendofâ ſententia apud Chriſtoph. à VVega comment. in Aphoriſ. 14. ſect. 4. qua vult motum ante & retro, dextrorſum & ſiniſtrorſum, vomitum non provocare, ſed eum quo corpora ſuſum feruntur moxque deorſum præcipitantur, aut etiam in gyrum circumferuntur, quod accidit navigantibus qui quidem

Nunc ſummo in fluctu pendent, nunc unda dehifeens.
 Terram inter fluctus aperit.

Quo motu inæqualior nullus eſſe nequit præſertim ubi maximis tempeſtatibus & fluctibus mare commoveretur. Obſervat Oribas. collect. lib. 8. cap. 6. eos quos ad vomitum provocare volumus collocandos in lecto penſili inæquali, *ut* Secun-
motus navigationi ſimilis efficiatur. Alii autem da cau-
 cauſam iſtius vomitionis in odorem maris viroſum ac gravem rejiciunt. Cujus ſententiæ fuiſſet ſa.

se videtur Diocles apud eundem Oribas. cap. 33. libr. 5. Synopf. & Paul. Ægineta libr. 1. cap. 56. qui adversus graves navium odores, vel mala cydonia, vel thymum, vel pulegium naribus admovenda suadent. Sanè experientia constat quotidiana gravis esse maria odoris ac ut plurimum abominanda, crassa, terrestri ac impura scatere aura, halitibus fœdis ac pestilentibus ut plurimum infici, quâ forsan ratione Plato maritima loca fugienda esse monebat, & profitebatur Homerus, Odyss. 9. *non prius aliud mari esse ad hominem debilitandum, etiamsi valde fortis esset.*

Tertia
causa.

Οὐ γὰρ ἐγὼ γέ π' οἶμι κακώτερον ἄλλο θαλάσσης,
Ἀνδρά τε συγχέουσι, εἰ καὶ μάλα χεῖρεσσ' εἶν.

Plutarchus vero quæst. naturali 11. tetro huic odori aliud adjungit, *συνάτιον*, pavorem scilicet atque timorem nec enim sine metu periculi degunt navigantes si non præsentis, saltem futuri. Quam causam eleganter exaggeravit Ætius loco citato his verbis *verum gestatio per pelagus vehementissima est & mutationes plurimas ac maximas facit, nimirum cum anima mixtos affectus habeat ex tristitia & spe, timoreque ac periculo, modo gaudentibus & letis, modo in agone existentibus navigantibus.* Quam rationem attulit quoque Avicen. fen. 3. 1. doct. 2. cap. 3. & luculenter

Quarta
causa
& no-
stra.

expofuit Jacob. de partibus, quem consulere potes, necnon doctissimum Mercurial. ad Aphor. 14. sect. 4. His omnibus rationibus alia superaddi arcana causa potest tam admirabilis effectus; qualitatem intelligo *καθατηκνύ* ac purgatoriam, qua non secus ac à se immunda omnia ac morticina excutit & foras protrudit mare; sic in animalibus in eo navigantibus sustinere nequit

Mari
via put-
gandi
inest.

corruptorum humorum copiam, quin statim vomitu excludat: Imo vero ejus fluxus seu exundatio, nausæ instar est ac vomitus, quo se exonerare quærit superfluo aquarum crudarum acervo, quæ ex rivis, fluminibus, fontibus, imbribus, nivibus in ipsum confluunt. His enim crudis serosisque liquoribus affusis & commistis aquæ marinæ calore & spiritibus turgenti, fit primo perturbatio dein ebullitio totius massæ; sicut fieri solet in musto & in omphaciorum succo; ebullitionem sequitur motus, quem segregatio partium alienarum à propriis, crudarum à coctis, frigidarum à calidis, tenuium à crassis excipit, & beneficio segregationis atque separationis superfluarum rerum rejectio ac veluti evomitio foras facta: & hæc est quam vocamus exundationem, Græci *πλημύεσις*. Hoc peracto reciprocatur mare, in suum recurrit alveum, æstus ille nausæabundi maris sedatur, sed non ad longum tempus: quod enim novæ semper aquæ crudæ in ipsum confluant, quodque perpetuo mare aquis se illis expurgare contendat, idcirco denuo æstuat, & ejus exundatio in continuum orbem recurrit, atque revolvitur. Nec meo judicio alia est marini æstus causa, quam alias Deo dante si per otium & vitam licuerit fusius explicabimus; crebrisque experimentis illustrabimus, demonstraturi hanc in omni mari causam veram esse ac perpetuam; cæteras vero rationes ab aliis philosophis adductas multis difficultatibus involvi, & aliqua semper exceptione teneri. Sed redeo à diverticulo isto in viam, & causam marinæ nausæ assero repetendam ab ipsa vi maris purgatrice, qua id ipsum in navigantibus efficit quod in seipso, nimirum super-

Fluxus
marini
causa
nova.

Nota,

Sal mi-
stus
om-
phacio.

fluorum humorum evacuationem. Equidem nonnulli observant in navibus non esse hominum cadavera retinenda propter tempestates quæ inde excitari dicuntur. Addunt quoque Mumias ex Ægypto effossas, ubi mari devehuntur, mare irritare & procellis perturbare, nempe quod tolerare non possit mare corruptionem ullam aut putredinem, adversus quam vi cathartica à præpotenti Deo donatum fuit. Ego vero sæpe sæpius miratus eram cut rustici nostri ac mulierculæ in uvarum immaturarum atque acerbarum expresso succo salis quantitatem aliquam commiscerent, licet id adversus putredinem factum causarentur: sed in animum non poteram inducere meum; succum illum post ebullitionem atque purgationem putrere posse, quod vinum quoque post ebullitionem non putreret. Tandem cognita hac maris facultate purgatrice, prudenter à rusticis misceri salem illi succo animadverti, ut pote cujus beneficio exigui alias caloris, multi vero aquosi teri succus iste incalcescat, effervescat, ebulliat, & exactius omni cruditate expurgetur, unde vigor sine corruptione diuturnus. Eandem ob causam existimo olim observante Plutarcho 10. quæstione naturali, marinam aquam vino affusam, aut loco marinæ aquæ gypsum; sed generosum illud non credo fuisse vinum, at tenue, aquosum, acidulum: cum enim hujuscemodi vinum multas partes aquosas, atque crudas obtineret, paucas vero vinosas, exacta non poterat fieri ebullitio atque expurgatio nisi addita marina aqua, cujus erat proprium calorem augere ac irritare, ebullitionem procurare atque quod omnium maximum est, serosa, superflua atque phlegmatica expurgare. Igitur si

id efficiat aqua marina in vino, quidni in corporibus humanis præstabit? profecto cum è peregrinatione mea Polonica per mare Balthicum, Norvegicum, Scoticum & Anglicum in Gallias redirem anno domini 1612. nautæ nonnulli per jocum aquam marinam fatuo cuidam famulo bibendam exhibuerunt, ex qua in alvi profluvium incidit: quam virtutem memini tributam fuisse marinæ aquæ à Paulo Ægineta lib. 7. de re med. cujus verba libenter adducam; ne quis meauctoritate veterum destitutum dicat, θαλάσιον ὕδωρ δριμύ καὶ θερμαντικὸν μετρεῖας καὶ ξηραντικὴν ὄσιν, καὶ κακοςόμαχον μὲν πινόμενον, κοιλίας δὲ παραμπλὸν καὶ φλεγμάτων ἀγωγόν, δριμύν δὲ καταντλήμενον, ἐπιπᾶται καὶ διαφορεῖ. *Aqua marina*, inquit, *acris, calesfactoria, mediocriter desiccans, & pota stomacho quidem contraria est, ventrem autem turbat, pituitamque educit; si calida superfundatur, extrahit & discutit. Quæ doctrina desumpta est ex ipso Dioscoride libro quinto capite decimo quinto, ubi quoque* θαλάσιον ὕδωρ vocat κοιλίας παραμπλὸν ἄγον πλέγμα καὶ, ut habent nonnulli codices *χολῶν*. Addit eam injici, πρὸς τὰ κενώματα, ad evacuandum & exinaniendum, darique insuper, vel per se, vel cum oxycrato πρὸς κάταρσιν ad *purgandum*. Consultatur Plinius libr. 31. cap. 6. Porro adversum nauseam & vomitum quem dicimus & agnoscimus à mari excitari, præsidium maximum est in vino absinthio soporato atque medicato: nam & vinum *εὐσόμαχον* est, & absinthium virtute sua adstrictoria stomacho robur conciliat: præceptum tamen est Avicen. non esse sedandum ejuscemodi vomitum, donec pituitosus humor & biliosus exclusus sit. Si quis autem per commistum vino absinthium, absinthites vinum

*Aqua
marina
purgat.*

*nauseæ
remedia.*

410 DE CONSERVANDA

intelligere voluerit, non me habebit refragantem, easdem enim illi dotes tribuunt & Medici & rei rusticæ auctores omnes, qui ejus parandi modum docuerunt.

Vfus
absin-
thii.

Altera utilitas absinthii est ad nervos, & ad pectus: ad nervos quidem quia discutit, siccatur, adstringit, roborat: imbecillitas enim nervorum fere ab humiditate superflua, & à serosa illuvie illabente secundum tenues & porosas nervorum partes, unde relaxatio, & ut loquuntur, mollities nervorum. Sed in universum quæ debeant esse medicamenta *nervalia* exposuit fusissime Galen. lib. 3. de compos. medicam. pergenerat. Quod ad pectus attinet, quia detergentis est facultatis absinthium, ideo pectus juvat occupatum crassis viscosisque humoribus; maxime si cum iride sumatur, ut docet Plinius & Macer.

Ser-
pentis
signi-
ficatio

Tertio, narratur absinthium nidore serpentem fugare, & adversus venena prodesse, at serpentis nomen hic improprie usurpatur pro insectis videlicet, ut sunt culices, pediculi, cimices & id generis alia; Plinius enim & Macer odore suo culices fugare observant. Quod autem serpens interdum transferatur ad hæc insecta significanda, colligi potest ex Plinio & Apuleio qui pediculos serpentes appellavere, ubi scribunt Pherecydem Syrum Pythagoræ præceptorem serpentibus periisse, quem tamen constat pediculis esse enecatam. Venena autem quæ expugnat Absinthium, sunt fungi, venenatus chamæleontis succus, quem Plinius viscum vocat, cicuta, muris aranei & draconis marini morsus, nec non scorpionum ictus. Succo absinthii ex aceto epoto serotinum virum centenarium evasisse cum

esset à fungis tentatus, meminit Apuleius cap. 100. de absinthio. Non est vero quod fungos, aut alia à me enumerata, venena esse probem, cum id luculenter demonstratum fuerit à Dioscoride, Galeno, Plinio, & inter recentiores à Sante Ardoyno, Ferdinando Ponzetto, & Petro de Abano opere proprio de venenis; ubi quoque Alexipharmaca eorum venenorum recensentur, ut & apud Henricum Abra de curandis venenis.

Postremo aurium tinnitum curat absinthium cum bovis felle mistum: discutiunt enim illa duo, digerunt, inflationes remouent, flatuumque materiam omnino dissipant ac evacuant, sed de *omnibus* medicamentis consulendi Medici.

De Abrotono.

C A P. XXIX.

„ **A** Brotono crudo stomachi purgabitur hu-
 „ mor.

Animadversio.

ESt & nostro è manuscripto adscitus hic versiculus, quo unica Abrotoni facultas exprimitur. Breviter certe sed consulto factum à Salernitanis, cum herba illa ex alimentorum censu expungenda sit, imo vero noxia admodum existat stomacho puro & mundo. Hinc est quod Græci *ἀβροτον* quasi *ἀβροτον* hoc est inhumanum, aut potius velut *ἀβροτον* dixerunt; quod

Abro-
toni
nomē;

412 DE CONSERVANDA

est cibo inutile esse, ab usu cibario alienum, minimeque gustandum. Nicandritamen Scholiastes dictum mavult διὰ τὸ πρὸς ὀψιν ἀβρὸν καὶ ὀπαλὸν φαίνεσθαι, ἄλλως τε, καὶ διὰ τὸ δύσπεπτον εἶναι, id est, quod conspectu tenerum, molle & delicatum appareat, aut quod gravem acrimie & difficilem balitum spiret. Plurimas alias appellationes sortitum est, quas recenset Dioscorides & ex parte explicat Marcell. Virgilius ad cap. 27. libr. 3. Dioscorid. Ejus vero facultates medicas inter ceteros copiosissimè & doctissimè exponit Galenus cap. 2. libr. 6. de simplicium mediet. facultatibus, ubi inter alia κακόςμαζον esse ait, noxium & inimicum ventriculo: quod intelligendum est si ventriculus purus & mundus ab omni illuvie fuerit: etenim si restagnet pravis, crudisque humoribus, potest illi prodesse abrotonum, incidendo, attenuando, extergendo, expurgandoque vitiosos illos succos, quibus ventriculi tunice imbibuntur. Imo potentissime enecat vermes, qui in intestinis succrescunt, quique interdum ad ventriculum viam affeçant, multo enim amarius est quam sit absinthium. Differentias ejus nihil moror, aliasve dotes cum instituti non sint nostri, sed eorum qui medicamentorum simplicium historias conscribunt.

Facultates.

De Sicla.

C A P. XXX.

SICLA parum nutrit, ventrem consipat & urget.

Animadversio.

QUod genus oleris intelligendum veniat per *Siclam*, non est in procinctu explicare; *Sicla* nam & *Beta* audiri potest & *Blitum*. Etenim est *Beta* apud Isaacum libr. diætar particularium *Sicla* vulgo *Blita* appellatur, ex voce ni fallor *Blitum*, quod Galli *Bletam* vocant. Cum tamen recorder vulgus Medicorum omnem *Betam*, quam Græci *πύλλον* vocant, *Siclam* nuncupare, quasi *Siculam*, quod cognomen à veteribus Græcis illi tributum est; apud me statuo *Siclae* nomine *Betam* potius hic nostram, quam nostram *Blitam* designari: vocatum autem *πύλλον*, seu *πύτλιον* καὶ *σπύλλον* ἀπὸ τῆς σπύνης, quod est impelli ac moveri: erumpens enim è terra hoc olus incrementum capeffit pene arboris, neque ulli hortensium latitudo foliorum major. Latini *Betam* dicunt à figura β. quam dum semine turget referre videtur, quemadmodum monuit Columella in suo horto his carminibus.

Nomine tum graio, seu littera proxima primæ

Pangitur in cera docti mucrone magistri,

Sic & humo pingui ferratæ cuspidis ictu

Deprimitur folio viridis, pede candida Beta.

Est autem *Betæ* (quam Galli *bete*, jotte, & Differenti. porè vocant) duplex genus: candidum & nigrum. Candidum *ῥαλλώτερον* seu *ὀλιγοσπερμότερον* melioris est succi, quam nigrum & paucioris feminis: Siculumque appellatum est, unde sicula beta & detractione unius literulæ *Sicla*. Dodonæus tria genera constituit: *candidum*, *subnigrum*, & *rubrum*, seu Romanum. Eudemus

libr. de oleribus, quatuor: *πρασόν, καυλωτόν, λευκόν*
καὶ πάνδημον, *foßile*, in *caulem erectum*, *candi-*
dum, & *vulgare* quod quidem colore fuscum
 est. Dubitari vero potest, an aliud sit sativum,
 aliud sylvestre. Quod enim nullum sit agreste
 docet Galenus 2. de aliment. facultatibus. *Nul-*
la, inquit, *beta est agrestis, nisi quis lapathon*
ita nominare velit. At vero proprium est agre-
 stium ut post cultum formam, faciem, saporem
 atque omnino indolem sativarum stirpium in-
 duant; quod cum nondum observaverimus in la-
 patho exulto, occasionem præbet concludendi
 cum Galeno nullam betam dari agrestem. Con-
 tra Galenum tamen reclamationem Plato in Timæo,
 qui sativas omnes stirpes olim fuisse feras &
 agrestes credidit, ac idcirco nullam esse sati-
 vam quæ non haberet sylvestrem congenerem.
 Et certe Plinius libr. vigesim. cap. octav. be-
 tam sylvestrem agnoscit, quam & *limonium* &
nevroides vocat. Vulgo *Pyrola* dicitur, quam her-
 bam describit Dioscorid. libr. quart. cap. de-
 cim. quart. Plinio assentitur Diocles Carystius
 libro primo de tuenda valetud. qui elixari scri-
 bit hæc agrestia; *πῶτλον, μαλάχη, λεύκον, be-*
tam, malvam, lapathum. Ex quo duo contra
 Galenum eliciuntur. Primum, dari agrestem
 betam; alterum, betam illam agrestem non esse
 lapathum.

Betæ temperamentum calidum est & siccum
 in primo gradu ex auctorit. Actuarii, Simeo-
 nis, Isaaci, Arnaldi Villanovani, frigidum ve-
 ro & humidum ex mente quorundam Neote-
 ricorum, qui forsan Oribasium secuti sunt lib.
 2. Synops. cap. 9. ubi betam recenset inter ea
 quæ sunt in secundo gradu refrigerantium. Græ-

Dubi-
 tatio.

VALETUDINE.

415

ci autem Medici, Dioscorid. Galen. Paulus, de primis Betæ qualitatibus mentionem non fecerunt, colligere tamen licet ex facultatibus secundis eam calidam & siccam statuuisse. Ad hoc autem ut dissidentes Medici inter se conveniant, 1. expendenda est betæ substantia, quæ ex contrariis facultatibus constare creditur: succus enim ejus θερμὸς καὶ διψιδὸς καὶ γαστρὸς παρὰ γαστρίαν, calidus, siticulosus & alvum succducens; corpus vero παχυμερές καὶ ψυχρὸν, καὶ δύσποσητον, καὶ ψυχρὸν καὶ γαστρὸς ἐφεικτικόν, inquit Simeon, id est, crassum, flatulentum, concoctum difficile, frigidum, & alvum indurans existit. 2. ejus sumendi ratio observanda venit, prout scilicet, vel cocta, vel cruda editur. Cruda quia nitrosam habet facultatem, ideo calida & sicca dicenda: cocta, quia vimillam nitrosam deponit, efficitur contrariæ qualitatibus, frigida scilicet & humidæ. Id docuit Galenus 8. simplic. & post Galenum, Oribasius lib. 2. de virtute simpl. necnon Aetius de trahib. 1. ferm. 1. hienim iisdem verbis scribunt coctam betam τὸ μὲν νετρώδους τε καὶ σπινθὸς πᾶν ἀποτίτῃς γίνεταί, ἀφλεγμάντι δυνάμει, id est, quicquid nitrosum est & acre deponere, sic enim facultatis aphlegmantæ hoc est extinguendis inflammationibus adversæ. Ex his colligas licet eos qui calidam betam fecerunt, de cruda intelligendos, qualis in hortis succrescit: qui vero frigidam dixerunt, de cocta interpretandos qualis edi solet; equidem certissimum est post coctionem fatuam reddi betam & insulsam; quod eleganter significavit Martialis lemmate 13. libro 13.

Beta
cruda
calida,
cocta
frigida.

Vt sapiant fatuæ fabrorum prandia Betæ,
Quam sæpe petet vina piperque coquus!

Adeo enim insipida sunt, ut sine vino & pipere, vel sine sinapi, vel sine garo, vel sine aceto omnino non delectent. Hanc ob rem Augustus Cæsar apud Suetonium festivè dicebat *Betizare* pro languere ac vapidè sese habere: Et Cynicus Diogenes per *Betas*, insulsos & fatuos intellexit, quamvis nonnulli cynædos & molles interpretentur. Consule Cæl. Rhodiginum lib. 15. cap. 11. & Erasmus in Chiliadibus proverbio *Betizare*. Cæterum Betam pauci esse nutrimenti & si copiosius ingeratur stomacho, molesti, censent Dioscor. & Galenus. Actuarius lib. 2. de spiritus animalis nutrit. cap. 6. Brassicam bonitate longè antecellere dicit, neque enim melancholicum humorem, sicut Brassica, procreat. Betæ vero radices *καρπούθης τε καὶ ἐρυθρῆς*, subrubras & rubras, valentius addit nutrire, sanguinemque gignere longe quam folia crassiores. Illud insuper obtinere, quod flatum pariant cum faciliè alioqui per alvum descendant, unde fit ut aliquando ipsæ in usum adhibeantur. Quæ postrema verba ideo adjunxi, primo ut monerem in Græco exemplari loco *ἀντὶς*, *ἀντὶς* reponendum; cum referatur *περὶ τὰς πίζας*, secundo ut intelligeremus apud veteres frequentiore fuisse usum foliorum betæ, quam radicum, quas vocabant *συντλόμενα* ex observatione Simeonis Sethi. Meminit Galenus cujusdam edulii ex beta & lente concinnati: *καταβολή* Græci dicunt, quod quidem Heraclides Tarentinus non sanis modo, verum etiam ægrotantibus exhibebat. Est enim edulium medium ex pugnantis composuit in quo beta minus subsidet, lens magis subducitur; libro primo de alimentis capite 18. Ut ergo varius fuit preparandæ betæ modus apud priscos

de quo agit Apicius cap. 9. lib. 3. sic apud nos multifariam concinnatur ; editur enim & in iusculis & in acetariis , quibus per rotulas tenues admiscetur , & in placentis , & in minutalibus : initio conviviorum apponuntur placentæ , quas *tortas* vocant ex oleribus concinnatæ , quibus Germani adjiciunt veterem caseum , butyrum & aromata. Elixī præterea betæ cauliculi rubri etiamnum hodie saccaro condiuntur , reddunturque suavissimi saporis , nec ultimum locum inter bellaria consequuntur. Omnes vero Medici fatentur betam absque suo decocto assumptam ventrem sistere atque constringere , cum suo decocto ingestam alvum laxare , sicut dictum de brassica , quo sensu caput nostrum intelligendum est , ubi betæ duplex illa facultas stringendi & laxandi tributa est. Non est vero omittendum Cornarium apud Paul. Æginetam lib. 1. cap. 74. posuisse betam *obturare hepar & lienem* , quod in exemplari Græco Venetiano legisset hæc verba ἐμφορῆτι δὲ τὰ καθ' ἥπαρ τὸ καὶ σπλῆνᾳ cum legendum esset ἐκφορῆτι *deobstruit* , *aperit* , scribit enim Aëtius lib. 1. τεῦτλον ἐπιτηδεύοντες ἐν μαλάχῃς , εἰς τὰς καθ' ἥπαρ ἐμφορῆτας , *betam præstantiorem esse quam sit malva ad hepatis infarctus : καὶ τοῖς σπληνῶς ἀγᾶδον γίνεσθαι φάρμακον* , *optimumque præsidium esse lienosis* , quod ex Actio transcripsit Simeon Sethi apud quem tamen pro σπληνῶς substituendum est σπληνῶς. Tanti vero olim facta est beta , ut religio esset appositam non degustare : hanc ob rem forte locum in delphico templo habuit ex argento efficta , ut superius monuimus. Mirum etiam

Cornarium
rri error.

Simeon
correctus.

cam vini saporem restituere quem brassica cor-
ruperit, & vicissim brassicam bonitatem vini
reparare quam beta destruxerit. An hoc inter
naturæ arcana reponendum? docti viderint. Ar-
bitror demersam in vinum brassicam aut be-
tam nitrositatem suam deponere per ablutio-
nem illam ex quo sapor vini turbatur; quod si
denuo, vel brassica, vel beta vino demerga-
tur, ebibunt partes vini nitrositate infectas;
ut pote quæ propter tenuitatem partium ac le-
vitatem superiorem dolii partem petant, iis
ablatis vini sapor restituitur. Nonne videmus
vinum aquæ commistum separari ab aqua be-
neficio panis calentis, qui partes tenuiores ac
leviores hoc est vinosas ebibit & secum rapit:
Concludo ubi monuero Platinam libr. 7. de
tuenda valetudine inter *Blitum* & *Bleiam* dif-
ferentiam eam constituere, ut *blitum* nigram
betam nominet, *bleiam* vero albam, quam me-
dii esse dicit temperamenti, ardores præterea
æstatis relevare, fastidio languidos ad cibum
revocare & nutrientes fœminas plurimo lacte
implere.

De Scabiosa.

C A P. XXXI.

- ” **V** Rbanus per se nescit pretium Scabiosa:
 ” Confortat pectus quod deprimit ægra sene-
 ” tus,
 ” Lenit pulmonem, tollit laterumque dolorem.
 ” Vino potatur, virus sic evacuat.

Animadversio.

S*cabiosa* inter eas herbas locum habet, quæ Sca-
biosæ
nomen.
 Sapud Græcos, aut Arabes Medicos non reperitur. Sic autem dictam volunt, vel à *scabro* herbæ habitu, vel quod *Scabiei* medeatur, in quo admirari lubit eam facultatem hoc capite non fuisse expressam. Nisi dixerimus omissam esse, quoniam ex ipso herbæ nomine deprehenditur. Non est autem quod quis cum Manardo & Matth. Sylvatico *stæbem* Dioscoridis eam esse credat, aut *Phleon* Plinii; cum id refutatum fuerit, & à Brassavola, & ab Amato Lusitano, & ab Aloysio Mundella cæterisque Botanicis. Refert Anguillara *Hiosirin* Plinii à nonnullis Græcis, pro Scabiosa habitam, quod tamen ipse non probat. Dubitatur etiamnum an eadem sit cum *Psfora* herba cujus meminit Aetius; conveniunt eundem nomine, utrum autem inter se dissideant, explicatu non est facile; cum Psoræ descriptionem Aetius non dederit. Nonnulli existimant eam esse plantam quæ à Constantino lib. 2. practicæ cap. 36. vocatur *Alcanfangeth* quæ valet scabiosis cum aceto pistata. Ut ut sit, herba est nobis nota in cibum minime veniens, sed medicamentis expectita, adeo ut etiam adversus pestem singulare credatur esse præsidium.

Est autem temperamento calido & sicco in Tem-
peries.
 secundo gradu, ut testatur ejus insignis amaror, excalefacit proinde, siccatur, extenuatur, abstergit. Hos autem versus Brassavolus refert in examine simplicium Urbani Pontif. Maximi tempore compositos, prorsusque ineptos esse, quod

facile admitto ea ratione descriptos quam adducit. Est autem hujusmodi.

Urbanus per se nescit pretium Scabiosæ;
Nam purgat pectus quod comprimit ægra senectus
Purgat pulm onem, laterisque simul regionem;
Rumpit apostemata, lenit virtute probata
Emplastrata, foris rumpit an thracem tribus horis;
Intus potatur & sic unus evacuatur.

Quo
tempo-
re opus
hoc
scrip-
tum.

Vfus
medi-
corum.

Porro ex Brassavoli verbis qui Urbani Pontificis Max. temporibus compositos illos versus narrat, conjectura nostra roboratur, de tempore, quo schola hæc edita fuit à Salernitanis. Vixit enim Urbanus 2. Pontif. Max. circa annum 1099. Isque auctor fuit Belli sancti è quo rediens Robertus Normanniæ dux Salernitanos Medicos consuluit de fistula brachii, quod occasionem dedit Salernitanis componendi hujus libelli. Cæterum nemo diffitetur magnam vim Scabiosæ esse adversus Thoracis affectus præsertim seniles. Cum enim Senum thoracicæ partes frigidis humoribus, crassis & viscidis obsideantur, præfidiis calefacientibus, incidentibus, attenuantibus, detergentibus qualis est scabiosa, admodum juvantur. Est & illi lenitiva quædam virtus qua exasperatæ senum partes ob tussim assiduam lævigantur ac mitigantur, ut idcirco duabus rationibus senibus conveniat; ratione organi quod lenit, & ratione materiæ quam attenuat, & ad expectorationem promovet. Præterea Scabiosa pleuriticis auxiliatur maturando ac digerendo materiam morificam & sputum promovendo. Denique epota veneno narratur adversari, præsertim pestilenti & conragioso cujus creditur esse Alexipharmacum. Marsil. Ficinus in epid. capit. 6.

ejus rei rationem visus est assignare. *Scabiosa*, inquit, *aqua in his omnibus, qua sanis simul & infirmis administrantur admirabilis est, eo quod humiditates exsorbet venenosas: Certe commendatur ab Antonio Guainerio de peste differenti. 2. capit. 3. tractat. 2. Michaeli Savanorola, Pamphilio Florembeno, Antonio Schnebergero, Antonio Suraceno & infinitis aliis. Non prætermittendum scabiosam flores proferre, quibus defluentibus capitulum remittit rotundis ocellis refertum raro naturæ artificio, atque idcirco oculorum albugines auferre.*

De Chelidonia.

C A P. XXXII.

Caccatis pullis hæc lumina mater hirundo,
(*Plinius ut scripsit*) *quamvis sint, eructa reddit.*

Notatu dignum est, quod hic ex Plinio de Chelidonia refertur, nempe ipsam pul- Macer. lib 2. c. 10.
lis Hirundinum visum restituere. Locus est
libr. 25. cap. 8. ubi sic scriptum reliquit: Animalia quoque invenere herbas, imprimisque Chelidonium. Hac enim hirundines oculis pul-
lorum in nido restituunt visum, ut quidam volunt, etiam erutis oculis. Meminit ejusdem etiam libr. 8. capit. 27. his verbis: Chelidonium visui saluberrimam hirundines monstravere, vexatis pullorum oculis illa medentes. Hoc nomen ut lib. 2. cap. 165. Dioscorides testatur, sibi videtur vendicasse, quod adventu hirundi-

num exoriatur, & discessu eniarcescat. Sunt qui narrant hirundines excæcatis pullis, admota hac herba visum restituere, inquit idem. Hinc cognitum est succum ejus, hominum oculis quoque mederi, utique in quibus crassum quiddam in pupilla colligitur, digestionem atque discussionem indigens. Hinc igitur edocti medici Chelidoniam omnibus fere oculorum remediis pro visus claritate admiscere solent. Herba est nota, crocei succi, cujus inventionem hirundinibus ob id quoque attribuunt, quod pulli earum sæpius quam ulli aliarum avium in cæcitate incidant. Hirundinum enim stercore Chelidoniam oppositum præstat: excæcat namque, si calidum in oculos decingat, & præcipue matrum. Quod etiam sacræ testantur literæ: nam Tobie 2. seniore illum hoc stercore excæcatum fuisse legitur. Cor. Cel. lib. 6. cap. 6. fabulam putat, per parentes oculos herba restitui, qui per se sanescant. Chelidonia tertii est ordinis absoluti jam: idque tum in calefaciendo, tum in siccando. Attrahit igitur, discutit & consumit Radix trita & in vino decocta caput columellamque frigidorum humorum à capite descendentium multitudine laxatam, ac linguæ radici atque faucibus incumbentem expurgat: si exurgentem inde fumum infundibulo adhibito æger admittat, & vinum deinde gargarizet. Cum aniso & vino albo pota medetur regio morbo, & ulceribus quæ serpunt: imposita cum vino, aut manducata, dentium dolorem sedat. Plura Galenus libr. 8. cap. 172. de simpl. med. facult.

Animadversio.

Nemo nescit *χελιδόνιον* quam *χελιδονίας βοτάνην* Cheli-
 Oppianus vocat, ab hirundine denomina-
 tum esse, non tam quia, ut voluit Dioscorides, donii
 hirundinum adventu ex terra prodit stirps illa
 aut floret, discessu marcescit: quàm quod hi-
 rundines ea herba utantur ad visionem restituen-
 dam pullis suis excæcatis. Latini Græcos imita-
 ti *hirundinariam* vocant, officinæ *Chelidonium*,
 Chymistæ *Cœli donum* ob quam nominis præstan-
 tiam ex ea herba quintam quandam essentiam
 fieri prædicant non modo ad vanas illas metallo-
 rum transmutationes accommodatam, sed ad
 tuendam etiam hominum sanitatem morbosque
 plurimos profligandos utilissimam. Ejus extracti
 descriptionem tibi exhibet Andreas Libavius
 cap. 24. Alchymix pharmaceuticæ de extractis
 emergentibus, & Joseph. Quercetanus (libr.
 1.) Pharmacop. cap. 25. ubi præter infinitas do-
 tes illi assignatas, *universale præsidium* esse dicitur.
 Hanc forsan persuasionem induerunt Chymici
 quod inter vetera nomina Chelidoniæ observarent
 denominatam, *Pæoniam*, *Cratam*, *Aubium*,
Glancium, *Pandioniam radicem*, *Philomedium*,
Othonion & *Othonam*; quasi illa vocabula non-
 nihil dignitatis & præstantiæ illi adjicerent. Sed
 non ita se habet, dici enim potuit *παιονία* ab
 ejus inventore Pæone, aut à similitudine quam
 cum pæonia habere dicit Marcellus. *κεχταία*
 autem vocata est, vel quod firmiter per multa
 crocea capillamenta, ut loquitur Dioscorides,
 radicata est, vel quia *acrimonia*, geniculis, se-

mine, aut alio quovis modo *Crataegono* similis sit, quam herbam Theophrast. libr. 9. hist. plant. capit. 19. *κραταίον* vocat. Quid sit autem *αἰβιον*, seu *αἰβίον* plane nescio, nisi positum dixerim pro voce *fabium*, qua Romani *Chelidonium* designabant, *fodium* quasi à fodiendo, quod fodi terra debeat si illæsis fibris & radiculis evellere *Chelidonium* velimus. At *γλαύκιον* appellatum est ob ejus folia è cæsis, seu dilutè coeruleo colore virescentia, quæ à Dioscoride nominantur *καὶ γλαυκὰ*, vel à similitudine quod habet succus *Chelidonii* cum succo cujusdam herbæ quam describit [Dioscorides libr. 3. capit. 84. vocatque *γλαύκιον*; de quo consulendus est Matheolus: denique *Pandionium* & *Philomelium* (sic enim legendum non *Philomedium*) nuncupatum fuit à *Pandione* Atheniensium Rege, qui Pater fuit *Progenes* quam fabulantur in hirundinem mutatam, & *Philomela* *Proges* sorore. Porro *Othonnam* [*Chelidoniæ* majoris succum esse aiunt, proinde non est mirum si eo nomine designetur tota planta, & si ejus historiam post *Chelidonium* *Dioscorides* attulerit.

Differe-
rentiæ.

Tempe-
ric.

Est autem *Chelidonium* in duplici differentia; majus & minus quod *Scrophularia* minor à nonnullis appellatur. Majus (de quo hic est sermo) evidenter calefacit, desiccet, & ordine quidem tertio atque una valide extergit, quam ob virtutem ad visum acuendum utile est: præsertim ejus succus qui abstergit & discutit crassa, quæ circa pupillam oculi hærent aciem obtundentia, & quidem ut est apud *Dioscoridem* in areo vase cum melle decoctus. Inde crediderunt veteres ejus herbæ applicatione cæcatis hirundinum

pullis visum restitui, quod tamen falsū esse Corn. An vi-
 Celsus adstruxit l. 6. c. 6 observans, *aciem hirun-* sum re-
dinum extrinsecus lesam interposito tempore in anti- stituat
quum statum redire, unde etiam locus fabula factus pullis
est, aut per parentes aut herba chelidonia restitui; cum hiru-
per se sanescat. Id ipsum confirmavit Arist. l. 6. de dinum.
 historia animalium c. 5. Si quis, inquit, pullis hiru-
 dinum junioribus oculos pupugerit, convalescere ani-
 madvertet, atque iterum visum recipere. Sed ratio-
 nem addidit lib. 4. de generat. animal. c. 6. his
 verbis. *Aves etiam nonnulla imperfectos & cacos pa-*
riunt pullos, videlicet quæ cum parva corpore sint,
multos progenerant, ut cornix, pica, passer hirundo:
& paucipari generis quæ copiam alimenti parere una cum
prole non solent, ut palumbes, turtur, columba. *Quam-*
obrem si quis hirundinum novellarum adhuc oculos
præpungat, rursus incolumes redduntur. Cum enim
 sunt, non facti, jam corrumpuntur, itaq; denuo oriuntur
 ac pullulāt Omnino hac præveniunt generationē perse-
 etam ob alendi inopiā, Generant vero imperfectos quo-
 niā perfectionē præveniunt. Hæc ille ad quem locum
 subjungit Philoponus idcirco convalescere hiru-
 dinum oculos, διότι ἐτι γίνονται, ἀλλὰ ἔχροναι, quo-
 niam etiamnum sunt nec adhuc perfecti sunt: τὸ γὰρ
 γενέσθαι καὶ ἐκκοπῇ ἢ ἐκ κεντρίῳ πάλιν φύει διὰ τὸ οὐ μὲν
 καὶ κίνουσι, ἢ ἐτι ἐστὶ ἀπὸ τῆς δὲ εἰς τὸ δε, quod autē, inquit,
 fit etiamsi rescindatur vel perfodiatur, rursus renasci-
 tur propter impetum seu inclinationem ac motum quem
 habet etiamnum ab hoc, hoc est ab esse imperfecto, ad
 illud, id est ad esse perfectum, ut loquuntur Scho-
 lastici. Sed velim ut docti verba Aristotelis ex-
 pendant, quæ attulimus ex 6. de historia ani-
 malium, ut intelligatur quibus præsertim pullis
 hirundinum hoc contingat. Cum enim eo in
 loco Philosophus moneat ex avibus carniyotis

solam hirundinem bis in anno nidificare & pullos excludere, statimque addat, *ἢ τοῦ νεοτῆρος οὐδὲν* De qui. *πῶς* confossis oculis convalescere, nobis colligen- bus avi- dum relinquit id potius de pullis secundò exclusis telligē- quam de prioribus esse concipiendum. Et certe dus pulli secundæ exclusionis multo imperfectiores Arist. eduntur quam pulli primæ; quia major adest inopia pabuli, & generationis materia parciore ac imbecillior. Quod ideo moneo, quia aliàs confodi acicula pullorum hirundinis oculos, qui nunquam convaluerunt; vel quia forsan primæ erant exclusionis pulli, quos proinde perfectiores habere oculos par fuit, vel (quod verisimilius est) quoniam altius ad humorem usque crystallinum stimulos adegeram, quo effuso nunquam visio reparatur. Certum enim est semel effuso humore nunquam regenerari, cum sit pars similis & spermatica. Quidquid ergo Aristoteles dixit de oculis hirundinum confossis, id intelligendum penes aqueum humorem, non penes crystallinum; effusus enim & deperditus semel aqueus humor potest regenerari, non solum in hirundine & aliis avibus, sed in omnibus animalibus atque etiam in ipso homine quemadmodum probat lib. 5. de oculi fabrica cap. 36. Jul. Casserus Placentinus ex auctoritate Galeni qui Aqueus lib. 1. de symptom. causis cap. 2. exemplum affert pueri qui cum stylo in pupillæ oculo ita fuisset compunctus ut universus aqueus humor effluxisset, visum tamen recuperavit aliquandiu post collecto & regenerato humore aqueo. Itaque non est credeudum pullis hirundinum oculos effossos restitui beneficio chelidonii: nec Vis enim illi vis illa inest; potest quidem caliditate & acrimonia sua attrahere humorem quen-

Nota.

Aqueus
humor
oculi
regene-
ratur.

Vis
Chelid-
onii.

dam aqueum ac ferofum qui multus & toto copite & totis oculis redundat, quo collecto dici potest eum vel eundem usum præstare atque prior aqueus pertusione effusus, vel implere locum aquei, sicque oculum velut integrum ac de novo restitutum exhibere. Plura hic quam voluimus de hirundinum pullis congeffimus quæ tamen *περπυα* dici non debent; cum huius tantum virtutis Chelidoni Salernitani meminerint post Macrum ex cuius cap. 62. duos illos versus transcripserunt. Porro nonnulli existimant facultatem illam non herbæ Chelidonio tribuendam, sed lapillo pretioso ejusdem nominis, aut alteri herbæ prorsus incognitæ. Sic enim scribit Ælian. lib. 3. De animal. c. 25. *huius herba homines quamvis compotes fieri summo cupiant opere, nunquam in hac parte earum studio satisfactum est.*

De Hyssopo.

C A P. XXXIII.

Hysopus purgans herba est è pectore phlegma,

*Ad pulmonis opus cum melle coquenda iugata.
Vultibus eximium fertur præstare colorem.*

Hic agitur de hyssopi viribus, qui quidem desiccant & excalefacit ordine tertio, sed & tenuium est partium. Pituitam manifesto experimento expurgat, facitque ad pituitosos tum cerebri, tum nervorum affectus: quod non modo mundet, sed roboret quoque. Quin & pectus & pulmonem detergit, præsertim senibus, quo-

Mac. l.
i. c. 5.

rum pectora lenta crassaque pituita referta sunt : quo fit, ut decoctum cum ficis, aqua, melle, & ruta, potumque peripneumoniciis, diurnæ tussi, suspitiosis, à capite in subjectas partes distillationibus, & orthopnoicis auxilietur. Ascarides reliquosque interaneorum vermes pari modo sumptum enecat. Idem facit, si cum melle delingatur, nitri tamen addito momento. Decoctum ex aceto mulso epotum, crassum humorem per alvum extrahit. Ad subducendam alvum cum ficis viridibus detritis manditur, vehementiusque addita iri, nausturtio aut irione, dejicit. Mesves exhibet cum jure aut manna mistum, vel cum melle aut auis passis purgatis, vel scilla coctum. Cutis in corpore colorem floridum efficit; Lien & aquæ inter cuti cum sicu nitroque emplastri modo imponitur. Inflammationibus quoque ex vino illinitur. Cum fervente aqua impositum sugillata discutit. In anginis cum sicuum decocto optimè gargarizatur. Decoctum cum aceto dentium dolorem collutione sedat : hyssopi usus inflationes auricularum præsertim vaporis suffitu discutit. Cibi appetentiam invitat, visum acuit, menses & Urinam ciet, & febrium horrores excutit, vinum decoctionis ejus uterum à saperfluitatibus purgat & abstergit. Plura Dioscorides l. 3. c. 27. Aviceu. 2. Cano. c. 365. & Mesves l. 2. sect. 1. c. 18. de med. simpl. purgantibus.

Animadversio.

Hyssopino-
men.

DOctrina hujus capitis & materia desumpta est ex Macro cap. 25. cujus etiam versus ultimus exscriptus est. Hyssopus autem seu

VALETUDINE.

429

ὡς ὥπος Græcis deducta est ἀπο τοῦ ὡς ὥπος, quod est fundo, perfundo, & ὡς ὥπος, id est, aspectus, *vul-* *vsus in*
us, facies, quasi sit χυμένος ἐπὶ τῆς ὥπας quod *vultui* *sacris.*
affundatur, aut *aspergatur*. Quibus verbis duo
 ejus inlignes usus perstringuntur: alter est in
 rebus sacris ad expiationem, alter in Medicis ad
 ἐνζῳίαν conciliandam. Cap. 12. Exodi cum fasci-
 culo hyssopi tinguntur sanguine agni, limen &
 postes ne primogeniti Hebræorum una cum pri-
 mogenitis Ægyptiorum exterminarentur. Cap. 1.
 Levitici leprosi mundantur post asperisionem fa-
 ctam per lignum cedrinum, retortum coccinum
 & hyssopum. Cap. 19. Numerorum purificatio
 quoque perficitur per hyssopum, hinc Davi-
 dis votum illud Psalm. 50. ῥαντίσεις με ὡς ὥπῳ καὶ
 καθαλειώσωμαι, πλυνεῖς με καὶ ὑπὲρ χιόνα λεκαλιθήσο-
 μαι, de quo videndus Genebrardus comm. in
 eum Psalmum. Quod ad usum medicum attinet, *Vsus in*
 hyssopus comesticae inservit fuco parando, cuti *Medi-*
 mundandæ, & conciliando colori, quod ante *cina.*
 Salernitanos & Macrum insinuaverant Plinius &
 Dioscorides qui ait eam καταπολεῖν ἐνζῳίαν *colorem*
eximium fovere Cum vero hyssopus tam vulga-
 ris esset notionis apud veteres, ut ejus effigiē ex-
 hibere nobis dedignati sint, factum inde est ut
 nobis ignota remanserit. Nec enim plane conven-
 nit inter rei herbariæ studiosos, quænam illa
 fuerit herba, numve cum nostra vulgari & horten-
 si convertatur. Inter cæteros qui huic disquisitio-
 ni plurimum studii contulerunt, Fabius est Co-
 lumna cap. 14. lib. de minus cognitis stirpibus, ubi
 concludit vulgarem nostram non esse veterum
 hyssopum. Miror tamen diligentissimum illum
 scriptorem Lev. Lemnii sententiam non impro-
 basse qui c. 26. explicationis parabolarum quæ in

Error
 Levini
 Lemnii.

bibliis ex arboribus & herbis defumuntur, credit hyssopum positam fuisse pro Athiantho seu ruta muraria, l. 3. Reg. c. 4. quod illic dicatur Salomonem locutum fuisse *de lignis quæ erant in Libano à cedro usque ad hyssopum quæ egreditur per parietem* καὶ ἐλάτοις καὶ τῇ ζύλῳ ἀπὸ τῆς κέδρου τῆς ἐν τοῖς λιβάνοι καὶ ἕως τῆς ὑσσώπου τῆς ἐπορευομένης διὰ τὰ τοίχους quasi nulla alia herba præter Adianthum ex muris, hoc est petrosis & saxosis locis oriretur, hæc enim loca per διὰ τὰ τοίχους intelligenda ducō, nisi quis legere velit τὰς, quo vocabulo designabitur Salomonem habuisse cognitionem cedri, hoc est arboris excelssimæ & tardissimè excrecentis, necnon hyssopi, id est herbæ humilis & citissimè ac velocissimè nascentis. Sed nec illa emendatio mihi arridet, cum à lectione vulgari recedat, quam immutare, invertere, imminuere pro piaculo est. De hac hyssopo egit Baronius, & in Baronium Casaubonus quem potes consulere.

Hyssopus
nostra
alia à
veterū
hyssopo.

Vis in
alimen
tis.

Porro vel ex una conjectura adducor, ut credam nostram hyssopum aliam esse ab hyssopo veterum, quod suam veteres inter olera minimè posuerint, nostrā vero non infimo inter ea loco collocetur. Studiosissimè enim colitur in nostris hortis ob eximium ejus odorem ac saporem non ingratum, sic ut juscula nostra aut condimenta non minus sapida efficiat quam salubria. Exigui tamen est nutrimenti ob insignem ejus amaritudinem, propter quam deprehenditur esse calida ordine tertio. Nihilominus reperio duo ejus genera Oribasium constituisse; montanum & hortense primamque bonitatis classē obtinuisse Cilicium, quod ad salis Theriacalis compositionem ammiscet auctor libri de Theriaca ad Piso-

nem. Vini hyssopitis meminit Constantinus lib 8. de re rust. c. 14. quod καθαίρει θώρακα, πύλιν ποιεί, μαλάσσει κοιλίαν, pectus purgat, coctionem juvat, ventrem emollit. Maxime vero commendatur hyssopus ab omnibus ad pulmonis vitia; ubi scilicet ejus bronchia multo & glutinoso infarcta sunt humore, eximia enim substantiæ suæ tenuitate incidit, & attenuat crassum illud phlegma & ἀναγκάθαιραν promovet, si præsertim cum melle sit mista. Cæteras ejus dotes medicas prætermitto, spiritales repetantur ex dicto loco fabri Colum-næ. Certe non sine mysterio fuit, quod Christo morienti acetum oblatum pro potu cum circumposita hyssopo, licet viri docti non convenient in eorum verborum expositione. Alii enim hyssopum pro arundine aut vimine acceptam dicunt, cui spongia aceto plena imponderetur, & extolleretur ad os usque Christi crucifixi: Camerarius vult impositam pilo, quod erat Romanæ militiæ peculiare telum ὑπὸν Græcis dictum, proindeque legēdum suadet non ὕσσωπον περιθέντες, sed ὕσσῳ περι-θέντες. Alii, ut Nonnus Poëta Acetum voluit esse hyssopo mistum, temperatum, atque ut loquitur κεκροσμένον. Theophilactus additam quoque ait hyssopum ὡς δηλητηριῶδες, seu venenatum quid atque mortiferum. Alii velut aliquid amarum, felleum, insuave, in opprobrium. Cæteri denique spongiam seu calicem aceto felleque mistum afferunt cinctum & coronatum fuisse hyssopo per summam conrumeliam atque ludibrium, quemadmodum Christi caput antea corona spinea circumdatum fuerat. Plura habet Stuchius lib. 3. convivial. antiq. cap. 13.

De *Mentha*.

CAP. XXXIV.

MEntitur *Mentha*, si sit depellere lenta
Ventris lumbricos, stomachi vermēsque noci-
vos.

Menthameo nomine non esse dignandam, nisi alvi etiam lumbricos & stomachi vermes enecandi atque expellendi facultatem obtineat, hoc loco adferitur. Amarum enim quiddam in se habet & acerbum: amaro quidem non secus atque absinthium lumbricos interficit: acerbitate vero, si cum oxycrato bibatur recentes sanguinis rejectiones reprimat. Exhibendum autem decoctum ejus, velut absinthii quoque, & non substantia. Est enim, ut si qua alia herba, tenuium partium, gustu acri & facultate calida, ex tertio nimirum ordine excalefacientium & secundo siccantiū. Quare ut medicamento potius, quam alimento ipsa utimur. Hepar enim frigidum & ventriculum juvat, corroborat & stomachum, & concoctionem facit, sedat quoque singultum, & vomitum phlegmaticum atque sanguineum. Prodest quoque ad cordis morsus, & appetitionem suscitatur. Mediocriter item ad Venerem excitatur: id omnibus accidit, quæ humiditatem semicoctam & flatuosam continent. Apetit & jecinoris ac splenis obstructions. Verum ea vesci ad satietatem non oportet: quoniam sanguinem extenuat & serosum facit; & ipsum in flavā bilem permutat, deinde efficit ut sanguis, qui maximè est tenuium partium, discutatur, & crassus ac melancholicus relinquatur;

tur; atque idcirco oportet biliosos ab ea abstinere. Contrita cum sole, & morsui rabiosi canis imposita medicamentum fit salubre. Arida vero trita & post cibum sumpta, ad concoctionem facit, & lienosos juvat. Cum vino pota, difficulter patienti succurrit. Ferunt etiam quod mansa lipienti imposita fiat remedium, quodque ejus decoctum absorptum confestim sanguinem è faucibus ejicientes sanat. Coire lac densarique in caseum non patitur, si folia portionibus lactis immergantur: In summa stomacho utilis est, & in condimentis peculiarem gratiam habet. Hujus semen ventrem purgat, & pulmonem lædit. Plura Discorides lib. 3. c. 34. Plinius lib. 20. cap. 14. Galenus lib. 6. de simpl. med. faculta c. 136. Simeon Sethi in Syntagm. & Avicenna 2. Canonum, cap. 459.

Animadversio.

QUam herbam ob fragrantiam & odoris suavitatem *ἡ μένθη* Græci quondam dixerunt, nunc *μένθον* vocant & Latini mutata litterula MENTHAM, licet Perottus in Cornuco pia à mente dictâ putet, quoniam *ejus herba odore mens, hoc est animus, excitatur, sicut sapore ciborum aviditas.* Docet Oppianus l. 3. de piscatione *μένθον* denominatâ esse à nymphea ejusdē nominis Cocyti filia; quæ quod se illustriorem genere & forma præstantiorē præ Proserpina jactitaret, à Cerere id herbam cōmutata est, quod perstrinxit Ovid. in Metamorph.

Nomen
Men-
thæ.

an tibi quondam

Fœmineos artus iu olentes vertere Menthas
Persephonæ licuit?

Et annotavit Strabo lib. 8. Geog. ob id mutatam

asserens Mintham à Proserpina quod Plutonis effet pellex. Auctor Ethymologici magni narrat mœstam Cererem cum vidisset hanc herbam, execratam esse atque sterilem reddidisse. Est illa genere duplex: sativa seu hottensis quæ *μινθὴ* seu *ἡδύσμος*, & agrestis quæ *ἀγρίος ἡδύσμος* Latinis Mentastrum dicitur. Vult tamen Plutar, sympof. l. 8. prob. 9. *μινθὴ* esse degenerem *ἡδύσμον*, seu vitium esse *ἡδύσμος*, quemadmodum lolium vitium est tritici, Acetum vini, in quibus evidentes contingunt qualitatū mutationes quæ diminuendo elanguescunt, contentione vehementiores fiunt.

Gene-
ra.

Tem-
peries.

Galenus temperamento ait esse calido, gradu tertio, gustu præterea acritenuique, si qua alia herbæ substantia, ordine vero secundo tantum siccatur, ob eam quæ ex cultu habet humiditatem semicoctam ac flatuosam: habet etiam quiddam amarum in se & acerbum; ex quo diversas ac pene contrarias facultates easque eximias dicitur obtinere. Neque vero audiendus est autor Geoponicorum, sive is Cassianus Bassus, sive Florentinus, sive Constantinus Cæsar, seu quisvis alius fuerit, qui l. 12. de re rust. cap. 24. Mentham ait esse *ἀχρησμον* hoc est inutilem, quæ vulneribus etiam adhibita sanari ipsa vix sinit. Sed forte an opinionem illam ebiberat ex male intellecto Oppiani loco supra adducto, ubi Mentha vocatur *ποινὴ τριδαρὴ* id est herba nihili, non tam quia nullius sit usus quam quia, ut ait Scholiastes, *μικρὴ* est, parva & pusilla. Prima ejus utilitas est in cibis, quibus pro condimento multifariam existit, nec enim multi est nutrimenti, peculiarem habet gratiam in acetariis tenella, non adulator, quia prædura odoris suavitare delectat animum.

Vfus in
cibis

& sapore aviditatem excitat in cibis, inquit Plin. non rusticorum tantum sed etiam delicatiorum, Nonnulli eam ex oleo frigunt, & cum pane edunt. alii panem tostum, oleo intinctum mentha aspergunt. Sed ut monet Simeon Sethi, ea vesci non oportet ad satietatem; quoniam *λεπώνει τὸ αἷμα, ὃ ῥῖπ' ὁδὸς ἐργάζεται, καὶ ἄλλοι δὲ τὸ εἰς ξαντὴν χολήν, sanguinem extenuat, serosumque facit, ipsumque in flavam bilem convertit.* Præterea tenuiorem sanguinem discutit ac consumit, crassiorem & melancholicum relinquit, atque idcirco oportet qui flava bile entantur, ab ea abstinere. Dos ejus maxima in corroboratione partium omnium ac præsertim ventriculi sua stipticitate; cujus fastidia & singultum à pituitoso humore inductum sedat. Quod autem Salernitani dictitant eam vermes depellere & enecare, id Dioscorides asseruit l. 3. c. 34. aliique omnes qui de ejus facultatibus egerunt: est enim communi experientia comprobatum amara omnia lumbricis inimica. Sed præter amarorem illud etiam obtinet, ut pituitam detergat, & consumat, quæ lumbricorum solet esse generationis materia.

Porro inter alias facultates veneris exitandæ vim alii menthæ tribuunt, denegant alii. Hippocrates l. 2. de diætâ scribit eam *semen geniale colliquefacere, arrectionem prohibere, & corpus debile facere.* Plinius lib. 20. cap. 14. ait *resistere generationi* cohibendo genitalia densari, *ἀντιστῆναι τὸν ἐν τῷ σπέρματι ἀφορδίσια: ineptam rebus veneris facit auctor rei rust. li. &c. supra adductis.* Quod fortasse innuere visus est Ethymologici auctor, dū observat eam *ἀκαρπον* hoc est *sterilem* à Cerere factam esse. Omnium autem evidentissime id Aristoteles adstruxit problem 2. sect. 10. Quærit enim cur in

proverbio fit mentham belli tempore, nec edendam neque ferendam; respondet vero illud fieri quia mentha refrigerare corpora possit, ut constat corruptione seminis genitalis quam inducit. Aristoli subscribunt Magninus, & Arnaldus Villanovanus. Attamen contrariam tuentur opinionem Dioscorides, Galenus, Aetius, Simeon, Avicenna & plurimi alii qui mentham venerem stimulare & excitare perhibent ob humiditatem semicoctam & flatuosam quam habet; quod certe rationi consentaneum videtur & experientiae; quæ ut ait Avicenna. fen. 20. 3. tractat. 1. cap. 21. ostendit mentham in secundis mensis sumptam *confortare membra spermatis valde, & fortitudinem facere super sperma; unde forte fit coeundi desiderium.* Ad hanc itaque difficultatem dissolvendam, dicendum est mentham usurpari interius vel exterius; exterius admota mentha & genitalibus membris mulierum apposita ante coitum, conceptum adimit, quia cohibet semina densari & coire non minus quam impedit lac densari in caseum, ut est apud Dioscoridem & Plinium. Interius autem assumpta vel exigua ac mediocri quantitate editur, vel nimia copia aut quam oporteat frequentius; prior ille usus tantum abest ut veneri noceat, quin è contra excitandæ veneri accommodatus est, & eo sensu audiendi sunt qui ἀρεδισα ἐρετίζεν mentham dicunt. Posterior esus veneri noxius est ac de eo locutus est Hippocrates, aliique subintelligendi qui ineptam videri mentham voluere. Verba Hippocratis adducam, quia rationem propositionis suæ complectuntur. Mentham, inquit, πολλὰκις ἐδίη τις, τὸν ἀνδρὸς αὐτοῦ τῆκει ὥστε ρέειν, καὶ ἐκτείνει κολῶν, καὶ τὸ σπέρμα αἰσθητὸς ποιεῖ, id est, *Mentha, si quis saepe comedat semen genitale colliquefa-*

Diffi-
cultatis
solutio.

cit ut diffluet, & arrigere prohibet & corpus imbecillum reddit. Causa ergo corruptionis seminis non est frigiditas menthæ, ut falso sensit Aristoteles, sed ejus caliditas nimia quæ ob frequentem ejus esum potenter agit in sanguinem ac in semen genitale, quod fundit ac liquat, quodque coire cogere prohibet; Imo vtro ita extenuat ac serosum reddit, ut etiam sponte exeat ac diffluet, atque hoc est quod insinuavit Martialis lib. 10. epig. 48. dum mentham salacem quidem vocat sed destruatricem.

In quibus est lactuca sedens & sessile porrum,

Et destruatrici Mentha, sed herba salax.

Quasi innuat vim quidem excitandæ veneris inesse menthæ, sed tamen seminis profluvium spontaneum excitare; ubi videlicet eam in usu frequentiori aliquis habet quæ omnia textu illo Hippocratis continentur. Secundum hunc sensum interpretandi sunt quicunque mentham, vel *στιδανίω* vel frugiperdam, vel seminis corruptricem, vel veneri ineptam dicunt. Quomodo vero intelligendus sit Aristoteles frigiditatem menthæ tribuens, vide expositum apud Petrum Aponensem in comment. illius problematis & in Conciliatoris different. 149. ubi agitur quæstio utrum mentha sit calida vel frigida. Jacobus Ferrandus opusculo de erotico affectu cap. 30. apud Aristotelem non legendum esse *καταψύχειν* hoc est refrigerare docet, sed *κατατίνειν* quod est liquefacere, quæ lectio ingeniosa magis est quam vera. De menthæ usu in capiendis piscibus, Oppianus, de abusu in magicis, Cælius Rhodiginus consulendus erit.

De Marathro.

CAP. XXXV.

- » **B**is duo dat Marathrum; febres fugat atque ve-
 » nenum,
 » Expurgat stomachum, lumen quoque reddit acu-
 » rum,
 » Urinare facit, ventris flatuque repellit.
 Semen fœniculi pellit spiracula culi.

Hoc in loco traditur, semen fœniculi, quod ^{μαργαρον} Græce dicitur, flatus dissipare atque expellere, idque maxime ratione caliditatis. Nam ut libro septimo de simpl. medic. facult. cap. 97. Galenus memoriæ prodidit, tam valenter excalefacit, ut ex tertio ordine excalefacientium censeri promereatur: desiccatur vero non æque, sed ipsum quispiam in hoc primi esse ordinis posuerit. Proinde lac procreat: quod si admodum siccaret, non sane efficeret. Suffusus eadem ratione auxiliatur, urinas mensēsque ciet. Ex usu præterea seminis fœniculi manant & alia quædam commoda. In febribus enim nauseam & stomachi fervorem ex aqua frigida potum sedat, stomachum purgat, oculorum aciem reficit & cum vino decoctum virulentorum vermium ictus sanat. Contrariæ radices & cum melle illitæ morsibus canum medentur. Quæ quidem omnia à nonnullis memoriæ iuvandæ gratia hisce versibus inclusa sunt.

Bis duo dat marathrum; febres fugat atque venenum,
 Et purgat stomachum, lumen quoque reddit acutum.

Transcripta autem ea sunt, partim ex Dioscoride libro tertio cap. 71. partim vero ex Avicenna l. 2. Cano. c. 281. Quo sane loco inter alia refert Avicenna, etiam Democritum existimasse, serpentes & vermes venenatos recentis fœniculi semines pastos senectam exuere, oculorumque aciem succo ejus reficere Neris initio, ubi latebris relictis in apricum prodierint. Unde intellectum est, hominum quoque caliginem præcipue eo relevari. Plura hac de re Nicander sub exordium Theriaca. Plin. lib. 8. c. 27. & lib. 19. c. 91. & lib. 30. c. 23. Macer. lib. 1. c. 16. & Mesues c. 1. de ægritudinibus oculorum. Attamen quum concoctioni aliquantulum renitatur, & exiguum pravique succi alimentum corporibus exhibeat, non ut alimento, sed ut medicamento potius, fœniculo utendum est. Proinde aliis interim cibis ipsum vice condimenti, & ut eorum pravitatem corrigat, adhibemus. Quemadmodum enim petroselinum nonnunquam cum lactucis, ut earum humiditas & frigiditas contemperetur, sic etiam cum cucurbitis interdum aut rapis, ut pravitas earum minuat, fœniculū decoquere simul & mādere cōsuevimus.

Animadversio.

TRes priores versus, quia erāt in manuscript. Codice huc adscriptimus, quibus quartum as-
suimus quod ad marathrum pertineret, ut ita ex
duobus capitibus unum efficeretur. Est vero μά-
ραθρον dictum ἀπὸ τοῦ μαραινέειν, quod est marefce-
re, quoniam ejus emarcidi & arentis plurimus sit
usus ad condituras. Actuarius & Simeon μάλαθρον
vocant forsan à vocabulo μάλα, quod est validè &

Vis no-
minis.

αδ εσορ sive *αδ εγρ*, id est densum ac stipatum, quod stipatam ac densam admodum habeat comam seu umbellam, ramosque multos ac densos. Latini fœniculum dicunt, quod satum magno cum fœnore semen reddat, vel quod ad instar fœni in hyemes arefactum & marcidum reponatur. Inter ejus species maximè commendatur sativum vulgare admodum frequens. Et dulce non perinde olim frequens, ut pote cum ejus semen è Syria vel Græcia deferretur, Pharmacopeis & Coquis valde expectitum. Nunc tamen in hortis passim seritur & excolitur etiam ex semine vulgaris fœniculi quod involutum ficus pulpâ mutatur in dulce, ingenioso sed facili mangonio. Vulgare temperamento est calido ad gradum usque tertium, sicco vero ordine tantum primo, gustu acri cum levi secula quadam amaritudine, odore jucundo, substantiæ tenuitate. Dulce non ita calidum nec acre, pauloquam vulgare humidius, fragrantia odoris non dissimili. Prudenter ab Avicenna factum puto quod pravi nutrimenti fœniculum dixerit, condimenti suavissimi ac utilissimi. Ejus usus apud nos frequens, recens coma & nuper enata acetariis additur, radix jusculis ægrotantium admiscetur, semen tum virescens tum maturum & siccum ad commendandum oris halitum ore detinetur, coquendis piscibus interdum adhibetur, ut dum torrentur craticula succum non perdant, & jucundiores fiant. Biscocto pani & nautico & filigineo inditur saporis gratia & flatu coercendi ergo, Seplasiæ & Salgamari totam interdum plantam saccharo condiunt, aliàs semen tantum incrustant musco etiam addito. Crudum semen rustici, pyris, pomisque coctis aspergunt non inutiles obsonio. *Quin & panis crustis subditur, & condimentis prope*

Difference-
rentiæ.

Tem-
peries.

Usus in
cibis.

omnibus inferitur, inquit Plinius cap. 23. lib. 20. Notat Cæl. Rhodiginus lib. 6. cap. 12. fœniculum potius recensendum inter *σύνφωνα* quã *φαρμακώδη*, hoc est *inter ea quæ in usu sunt quotidiano, quam inter ea quæ medicamenta existunt*. Dicuntur enim *σύνφωνα* quæ domestica sunt, quibusque domi quotidie aut sæpius utimur, quales sunt fruges aliquæ & ex horto olera omnia, & ex sylvestribus nonnulla ut satis diffusè exponit Marcell. Virgilius ad Dioscorid. lib. 3. cap. 1. Nihilominus tamen inter *φαρμακώδη*, non ultimum locum fœniculum occupat. Primo enim adversus febres singulare habetur præsidium, earum enim nauseas, teste Dioscoride & ardores stomachi lenit cum frigida aqua potum. Cardanus l. 2. de tuend. sanit. c. 48. fœniculi radices coctas sub cineribus cum oleo, aceto & sale mandi à Principibus ægris in acetariis monet adversus febres, obstructions enim aperiunt, sudorem urinamque provocant, flatus discutiunt, sed & febribus maxime quæ cum typo sunt, auxiliantur. Secundo, fœniculum præsentaneum dicitur esse venenorum alexipharmacum. Nam scorpionum & serpentium ictibus semine in vino potu medetur, rabidorum canum morsus concisa radice & ex melle emplastri modo imposita sanat, atque ut recentiores nonnulli observant, præ cæteris contra Mercurium, Cerussam, Arsenicum, & Auripigmentum egregie opitulatur. Petudius qui ophiaca scripsit, & Miction qui rhizotomumena, adversus serpentes nihil efficacius putavere fœniculo sylvestri. Nicauder in Theriacis scorpionum ictibus commendat, alii omnibus venenis, quo fit, ut ejus semen Theriacæ adhibeatur. Non omittendum quosdam existimare in fœniculo latere naturam veneni cujusdam tenuissimi & acerrimi, propter

Vfus in
Medi-
cina

Nau-
sea.

quod aliis venenis naturali quidam antipathia seu discordia repugnet. Tertio expugnare stomachum narratur fœniculum blanda desiccatione, adstrictione, deterfione, proinde nausæas sedare ipsum dixit Diosc. non eas quas mare excitat, sed morbosas & febriles. Admonet tamen Marcellus Virgil. nausæas proprie dici tantum de iis quæ navigantibus accidunt, improprie autem ad alias referri; deinde significare primario vomendi inanes conatus, secundario vero ipsas vomitiones. Consule virum diligentem ad Diosc. lib. 3. cap. 75. Quarto oculis perhibetur admodum convenire, quod homini præsidium demonstrasse serpentem narrat Plinius lib. 8. cap. 28. & lib. 20. cap. 23. *Fœniculum*, inquit, *nobiliter serpentes, gustatu ut diximus senectam exuendo oculorumque aciem succo ejus reficiendo, unde intellectum est hominum quoque caliginem præcipue eo levare*. Eam ob rem arbitrantur nonnulli fœniculum eam esse herbam, quam Chaldæi idiomate gentilitio Bramhainach vocant, Græc εὐμβρωτακῶ hoc est, *oculos hebetes juvantem*. Scholiast. Nicandri ad Theriaca idem quod Plinius observavit, τὰ ἔρπια, inquit, ὀφθαλμικά ἐξίοντα ἐκ τῆς φαρμάκων ὀφθαλμῶν ἐπὶ τῶν μαλακῶν, διὰ τὸ εὐμβρωπεῖν ἢς ἀποτρώγοντα, ὅθεν ἐκέρχεται γίνεται, καὶ ὅθεν ὀφθαλμοί, id est, *serpentes illico ac è latebris exeunt, festinant ad fœniculum caliginis discutienda gratia, ubi vero ipsum decerpserunt, sunt acutissimi & acerrimi visus*. Movere urinas observatur, quæcumque enim desiccant & calefaciunt, quæque tenuium sunt partium, aperiunt & attenuant, ea urinas provocant quemadmodum ostendit Galenus lib. simplicium. Denique fœniculum, & maxime ejus semen, flatus dissipat, & pellit,

proinde inter *carminativa* collocatur. Dicuntur autem *carminativa* quæ status discutunt, *Carminativa*.
 barbaro nec satis cognito nomine: Renodæus libro primo de mater. medica cap. 32. vel à Græco *κατίζω*, id est discerpo & in minutas partes divido, vel à *carmino* quod est pectus, vel à *Cumino* quasi *cuminativa* dici potius debeant quam *carminativa*, vocabulum illud derivatum putat, quod nihil sit eorum quæ status discutunt, quod viribus eximis cuminum aget. Auctor de virtutibus cordis (quem Cardanus lib. 1. contr. tract. 3. contr. 16. credit esse filium Viri-regi non Avicennam) *carminativa* appellat *frangiva ventositatis*, quibus inesse vult *caliditatem subtilem*, *complementum defectum caliditatis debilis dissolvere nequentis ventosam humiditatem in quam agit*. Græci *διαροπτική ἢ πρὸς ἀμάραν* vocant & singulari nomine *ἀφύρα φάρμακον*, apud Alex. Trallian. lib. 10. cap. 1. seu *ἀφύρα* apud Galen. 8. meth. cap. 5. Aetium lib. 10. c. 21. Paulum Æginetam lib. 3. cap. 41. & Actuarium lib. 5. meth. med. cap. 2. Aretæus autem libro primo de curatione acutorum cap. 2. & lib. 2. cap. 5. *φυσίων ἀφύρα* Celsus lib. 2. cap. 26. *inflationes levantia* nuncupavit. Mirum autem videri potest, quod Dioscorides, Avicenna, Simeon, Galenus, Paulus, Oribasius, Aetius in describenda fœniculi historia facultatis istius dissipandi status omnino non meminerint; cum præcipuam hanc recentiores Medici laudem illi assignent, locumque tribuant inter semina calida vulgo dicta *communia*, quod communem habeant operationem, adeout indifferenter possit poni unum pro altero ut scribunt Monachi in censur. antidotar. Mesuæi distinct. 5. cap. 120. An dicendum cum nonnullis, *fœniculo illam*

non inesse facultatem : tantumque abesse ut sit
αἰσθησι quin potius *φωσφός* existat ? Sane ab esu
 fœniculi statim subsequuntur, vel ructus flatu-
 lenti, vel crepitus ; hoc animadvertentes Medi-
 ci, existimarunt ejus ope pelli eos flatus, proin-
 deque flatulentis omnibus rebus, ac præsertim
 medicaminibus torminosis velut correctivum &
 castigativum admiscuerunt. Sed fortasse alie-
 num à ratione non fuisset, pensitativius examina-
 re, num illi flatus fœniculi vitio excitarentur :
 ob indigestam quandam crudamque humidita-
 tem qua perfusum est, quæ caloris nativi bene-
 ficio calefit, attenuatur, discinditur, expelli-
 tur, si pauca quantitate ingestum fuerit fœni-
 culum : nam majori copia assumptum sic disten-
 dit interdum ventriculum, & totum abdomen
 flatu replet, ut discindi aliquatenus se sentiat,
 quod multis accidere observavi, præsertim qui
 viride adhuc & crudum fœniculum comederant.
 Quapropter non ita laudare possum eos qui fœ-
 niculum cum senna admiscunt, sedandis tormi-
 nibus ; tantum enim abest ut ventos & dolores
 amoliatur, quin è contra auget, & irritat sua ca-
 liditate, & flatulentia, dumque ructus è ventri-
 culo excitat, gravem medicamenti odorem, &
 qualis sennæ inest, abominandum tam frequen-
 ter & acriter repræsentat, ut ad vomendum co-
 gat. Qui frigida & humectantia velut corre-
 ctiva sennæ adjungunt, experientur minus
 molestam, longeque blandiorem purgationem
 quam si fœniculum adjunxerint. Sed hæc omit-
 tamus velut ad Therapeuticam pertinentia.

De Pulegio.

CAP. XXXVI.

Cum vino nigram choleram potata repellit.
Appositam veterem dicunt sedare podagram.

Macet
lib. 2.
cap. 4.

Duo hoc in loco Pulegii recensentur effectus:
prior quidem quod atram bilem cum vino
expurget, cujus rei testis etiam est Dioscorides
lib. 3. cap. 32. Atram, inquit, bilem per alvum
exigit.

Alter vero quod peculiari proprietate quadam
antiquam curet podagram. Crassos enim visco-
sosque humores, unde podagra generari pluri-
mum solet, vehementer calefacit, concoquit,
extenuat & amolitur. In tertio namque ordine
calidum & siccum esse statuitur, quapropter po-
dagris etiam per se subvenit impositum usque
dum rubescat locus. Vi pollere corroborandi
ex bona fragrantia ejus satis liquet, aperit quo-
que, attrahit & consumit ratione tum essentia,
tum qualitatum. Potum menstrua, secundas ac
partus ejicit, pulmonis vitia ex melle & aloë
potum extrahit, convulsis auxiliatur, capitis do-
lores impositum levat. Quin & olfactu capita
tueri contra frigorū æstusque injuriam & à siti
eximere traditur. Nauseas stomachique erosiones
exposca permulcet. Bibitur in vino utilissime con-
tra serpentium morsus, defectos animo recreat
cum aceto naribus objectum. Siccatum præterea
crematumque & in pulverem tritum gingivas
confirmat. Illitum cum pollenta inflammationes

omnes sedat. Cum cerato vermes extinguit, lienosis cum sale utiliter illinitur. Decoctum ejus ablutas pruriges mitigat : & eadem utilitate insidentibus fœminis prodest, inflationes, durities, & muliebrium locorum conversiones corrigens. Plura Dioscorides loco citato, Plinius libr. 20. capit. 14. Gal. libr. 6. cap. 93. de simpl. medicam facult. & Simeon Sethi in syntagmate.

Animadversio.

Pulegii
nomen.

HOc olus Medici *Pulegium*, Tullius 2. de divinat. *Pulcium*, Martialis libr. 12. epigr. 32. *Puleum*, Isidorus originum libr. 15. *Poleium* vocat, derivatione, ut habet Plinius cap. 14. libr. 20. sumpta ex eo quod *flos recentis incensus pulices necet odore*, vel quod multis *usibus polleat* ad vitam. Græcis dictum est γλήχων καὶ βλήχων; seu quod, ut aiunt Dioscorides & Plinius, *gustatum à pecore caprisque, balatum conciet*: seu quod ut Apuleio visum est capit. 91 de virtut. herbarum, *balantium animalium floris sui tempore pascuosa sit herba*; seu denique velut monuit Pena, quod *pulmonibus pituitam crassam, fæctamque extundat*. Ea autem vulgaris cognitionis herba tantæ est utilitatis ac virtutis, ut inter alias appellationes πάντα γὰρ εἶ denominatio- nem sortita sit, quasi *omnibonam* dixeris & ad omnia efficacem. Ejus genera duo: sativum & agreste, mas, & fœmīsa, hæc flore purpureo, ille candido: unde quoque λευκάνθος hoc est *a' biflori* nomen sumpsit, καὶ καλλιόθεος, quod forma sit conspicienda hoc est candida: λευχός enim

apud Græcos idem ac διαφανής, καὶ λαμπρὸς, καὶ
 εὐσωστός, καὶ εὐειδής ex magno ethymologico. Diose.
 Cum vero inter obsoletas appellationes Pulegii emen-
 legeretur Calisophis, seu Gallosophis nullo sen-
 datus.
 su, emendandum duxi Calliopsis apta admodum
 significatione, quod miror non animadvertisse
 Marcellum Virgilium. Vulgatum pulegium ho-
 die Regium, nominatur Gallis *poulliot royal*,
 vel ob præstantiam, vel ob antiquum usum in
 texendis ex eo coronis quæ sunt regię dignitatis
 ornamenta, *Dignior*, ait Plin. libr. cit. è pule-
 gio corona veriigini, quam è rosis, cubiculis nostris
 pronuntiata est, nam & capitis dolores imposita
 creditur levare. Vatum autem eam coronam
 fuisse scripsit Platina libr. 3. de tuenda valetud.
 capit. de pulegio. Observavit quoque Carol.
 Paschalius libr. 1. coronarum capit. 4. ex Flo-
 rentino lib. 6. de re rust. cap. 14. coronam
 ex pulegio, aut calamintha, aut origano, ad
 colla vasorum circumpositam fuisse, ne mustum
 superfunderetur, & ut ipse loquitur ὑποχρίσας:
 præterea mos fuit asservare pulegium in carna-
 riis ad multos annos in coronæ circulum nexum,
 quod notavit Plinius libr. 18. capit. 26. & lib.
 19. capit. 8. significavit Martial adducto epi-
 gram. ubi *pulei coronam quadrimam* vocat, quod
 quatuor annorum esset. Hujuscemodi pulegium
 in tectis ac carnariis ad fumum suspensum, Jan.
 Cornarius emblem. 31. ad Dioscor. monet ab
 Aetio vocari tum παλαιὸν hoc est *vetus & invete-*
ratum, tum γλήχονα εὐσωστόν, id est *pulegium de*
superiore anno: quod autem fumo non est exsicca-
 tum, ἀκαπνον.

Temperies pulegii omnium sententia calida est
 ad tertium usque gradum; sicca quoque vehe-
 Temperies.

menter, consistentia vero tenuis, sic ut potenter incidat & extenuet, acris quoque & subamara ut probat Galen. 6. simplic. Docet Averroes compositum esse pulegium ex ignea substantia cum aliquantula terrestri parte adusta. Ejus usus frequens olim ad condimenta; apud Bæotos præsertim, si credimus Aristophani in Acharnensium fabula, actu 4. in quo Bæotus se inter merces habere dicit, *quicquid boni Bæoti simpliciter habent, storeas, pulegium, origanum, vesbasculum, Anates, Phalarides, regulos, monedulas, colymbos, attagenas.*

Δι τί φέρεis, Βοι ὅς' αὖ ἀγαθα βοιωτοῖς ἀπλῶς,
Οείρανον, γλαχῶ, φαθες, θρυαλλίδας,
Τροχίλους, κολύμβους.

Meminit Columella libr. 12. de re rust. cap. ultimo moreti oxypori, seu oxygari, in cujus compositionem pulegium viride, aut etiam aridum ingrederetur. Potum quoque ex aqua fuisse frequenter post pomorum nimium usum tetigit Aristophanes in Irene. Petit enim Trygæus à Mercurio: *Censen, inquit, male esse mihi Rex Mercuri ex Opera congressu?* Mercur. respondet *Nequaquam; potionem pulegii si sumpserit*, ubi quidem allusio est ad vocabulum Opora quo horti fructus, & scortum designantur. Quærit de scorto Trygæus, respondet de fructibus Mercurius, innuitque ex esu fructuum nullum damnum sequuturum, si superbibatur ex aqua Pulegium. Hanc lucem obscurissimo loco prætendit Scholiastes his verbis: οἱ πολλῶν ἐπώρων ἐθροίντες ἐὰν κυκεῶνα βληχωνίαν πώσιν ἐβλάπτονται, βρέχοντες ἔν γληχῶνα ἐπιπίνουσιν, τοῖς γὰρ ὑπὸ τῆς Ὀπώρας βαρυνομένους ἰάσθαι φασὶν εἰ ἀποβρέξαντες γληχῶνα

ἡνίχονα εἰς ὕδωρ μέλει : ἰαδαὶ γὰρ ἔτω τοῖς καρδίᾳ
 νότοις , qui multos fructus comedunt si potionem ex
 pulegio bibant , non laeduntur , macerantes igitur
 pulegium superbibunt. Dicunt enim eos qui ex usu
 fructuum premi se sentiunt , convalescere si macera-
 tum pulegium ex aqua biberint : quippe cum eo potui
 stomachi dolores sanentur. Vix vero cum pulte
 pulegium convenire ostendit ille Sapiens apud
 Laetium , qui dissidentibus & seditionem mo-
 ventibus civibus suis in pulpitem progressus ni-
 hil omnino loquutus , verum pultem in medium
 afferens pulegio aspersam identidem ramulo com-
 miscuit , & ē concione exivit. Quid autem hoc
 commento significaret ille , exponunt Marcel-
 lus Virg. ad Dioscoridem , & Musa Brassavol
 in examine simplicium. Quamvis autem Gale-
 nus lib. 2. de temperam. pulegium nutrimentum
 simul & medicamentum esse affirmet , testetur-
 que Isidorus apud Indos pipere pretiosius existi-
 matum , tamen : ut verum fatear , tenuissimi est
 aut etiam nullius alimenti. Certe apud nos ho-
 die admodum parvus est pulegii in cibis usus ; ac
 fortasse propter eximiam ejus caliditatem & sic-
 citatem noxius ; proinde Francisc. de Verulamio
 in historia vitæ & mortis , cavendum præcipit à
 Satureia , Origano , Pulegio & omnibus quæ
 ad palatum acris sunt , & incensiva. Illa enim ,
 inquit , præstant spiritibus calorem non fabrilem ,
 sed prædatorium. Conciliandæ fragrantiae cibis
 fatuis & insipidis , ejus momentum aspergi po-
 test thymi loco , serpilli aut salviæ : pari fru-
 ctu.

Porro Salernitani duos hic illi effectus tri-
 buunt quos ex Macro una cum primo hujus ca-
 pituli versu desumpserunt. Primus est nigræ cho-

leræ evacuatio, alter podagricorum dolorum sedatio. Quod ad primum attinet, cum Macro & Salernitanis consentit Dioscorides, qui pulegium *αἰ γειν κατὰ κοιλίαν μέλαινα*, nigra per alvum ducere scripsit, non ulla aliqua cœlesti facultate ac substantiali quam occultam vocant, sed manifesta; ob acrimoniam scilicet cujus supra meminimus. Brassavolus lib. de medicinis purgantibus pulegii periculum se fecisse narrat, tum in minutali exhibitum, tum ex nitro ac cinnamomo, tum etiam decoctum ex aceto & sale gemmeo, ex quo educta sint quædam omnino nigra, quibus & pituita & ichores aliqui admisti fuerint: sed ægrè non egregie educere admittit, multoque imbecillius quam organum. Vix autem crediderim initio podagræ appositum pulegium sedare dolores, cum excalefaciat, attrahatque potentissime in partem affectam, quod omnes præstant phoenigmi. In declinatione utilissime admoventi potest, tum ad discutiendas humoris impacti reliquias, tum ad robur parti conciliandum: hocque sensu intelligendus est locus Dioscoridis, scribentis illitum cum polenta pulegium inflammationem omnem lenire, & podagricis per se propesse impositum dum rubescat locus: maturare ipsum atque coquere, discutere ac digerere ipsemet Dioscorides admonuit; quibus modis inflammationi auxiliari potest.

Non omittendum Pulegium brumale esse herbam, quemadmodum nonnullæ sunt solstitiales quæ solstitii die florescunt: *floret enim ipso brumali die suspensa in tectis arentis herba pulegii*, ait Plinius lib. 2. cap. 41. & lib. 19. cap. 8. post Ciceronem primo de Divinatione. Quamvis

autem Brassavolus falsum id esse suo experimen-
to prodat, hoc tamen non esse impossibile, qui
ejus stirpis indolem noverit, facili negotio con-
cedet. Narrat Valerius Cordus ad capit. 30.
Dioscoridis libr. 1. *tantam & tam miram esse
huic planta germinandi facilitatem, ut etiam mi-
nutim concisa sataque proveniat ac germinet.* Est
ergo illi tam potens humidum primigenium, tam
efficax, tamque validum, ut exigua mole sa-
tum terræ blando complexu adjutum pullulet.
Hujus itaque humidi tenacis ac pinguis benefi-
cio, integrum ac vegetum diu perseverat pule-
gium, tardissimeque arescit senescitve; nisi ex-
teriori superficie, quo demum fit ut hyemali tem-
pore circa brumam frigus ambiens calorem pu-
legii quo humidum illud pingue perfunditur,
cogens ac interius pellens, ipsum aliquatenus
augeat, promoveat, agitet: hic tum otiosus
esse cum non possit, facit id ad quod natum est,
trudit foras aliquid flori simile. Hinc miracu-
lum, de quo legendus etiam Aristoteles pro-
blem. 2. sect. 20. qui parum dissimilia à nostris
protulit. Expetitum olim fuisse in magicis riti-
bus testatur nomen *πάρτυρα* quo ipsum Magi
appellabant, necnon & Plinius & Apuleius, qui
nonnullos ejus effectus Magicos proferunt. *Pu-
legium*, inquit Plinius libro vigesimo sexto ca-
pite nono, *jejunans qui legerit, si post se alliger,
inguinis dolores prohibet aut sedat captos.* Apu-
leius scribit eum qui pulegii ramulos tres lana
involutos odorabit, ante accessionem tertiana libera-
tum iri, quod ex Xenocrate desumptum fuit
apud Plin. lib. 20. cap. 14. Ob suavitatem &
ejus herbæ fragrantiam pulegium à Cicerone
lib. 16. epist. 23. ad Tyron. pro sermonis suavi-

tate usurpatur. Cras inquit, expecto Leptam :
etenim ad cuius rutam pulegio mihi tui sermonis
utendum est. Vide Turnebum advers. libr. 8.
capit. 5.

De Ruta.

C A P. XXXVII.

Macer
l. 1. c.
11.

Nobilis est ruta, quia lumina reddit acuta:
Auxilio ruta vir lippe videbis acute.

Cruda comesta recens oculos caligine purgat.

Ruta viris minuit Venerem, mulieribus addit.

Ruta facit castum, dat lumen, & ingerit astum;

Costa & ruta facit de pulicibus loca tuta.

QUatuor hic recensentur facultates Rutæ:
Ac primò quidem, quod acutam reddat
videndi aciem: commanducata enim, ut testis est
Dioscorides lib. 3. cap. 44. & post eum Avicenna
2. Canon. cap. 578. opitulatur oculis, qui hebe-
tudinem sensere. Præstat idem & succus ejus
cum succo fœniculi & melle inunctus. De hoc
nonnihil quoque alias.

Secunda, quod coeundi desiderium in viris mi-
nuat, augeat vero in mulieribus. Nam quum ex
tertio sit ordine excalescentium & siccantium,
status strenue discutit aboletque, & sic semen vi-
rile, quod tenue admodum & aerëum est, resic-
cat ac prorsum ne esse quidem permittit; ex quo
sane Veneris appetitum in viris cohibet: Sed in
mulieribus semen aquosum & frigidum calefacit,
incidit & extenuat: quare eas ad coitum magis
incitat.

VALETUDINE.

453

Tertia, quod astutiam sive calliditatem, id est, apprehensionem & medii alicujus in subtili causa facilem inventionem usurpantibus conciliet. Calefactione enim ac resiccatione extenuantur & acuantur spiritus, foveatur & illustratur ingenium.

Quarta, quod decoctum ipsius, si domus ea respergatur, pulices depellat. Eos enim, ut uno ore Medici testantur, acrimonia sua necat, & gravi odore fugat. Pamphilus apud Constantinum Cæsarem, libro 13. cap. 15. de Agricultura, longe plura adversus pulicum molestias remedia enumerat. Scrobem, inquit, facito, & rhododaphnas contusas in ipsum mittito, sicque omnes concurrent. Absinthium & cucumeris sylvestris radix aqua marina rigata ac respersa, pulices necant. Disperdit autem penitus Melanthium, aqua maceratum ac respersum: aut Conizæ coctæ decoctum lirroratum. Disperdit eosdem similiter semen sinapeos & Rhododaphnes, ambo fervefacta, & in domo respersa. Calcem vivam cribrato, & postquam locum verreris, inspergito, indeque necabuntur. Idem continget ex amurca pavementis assiduo irroratis. Cyminum item sylvestre tritum ac aqua mixtum, & seminis cucumeris sylvestris drachmę decem tritæ & in aquam demissæ, indeque domo respersæ, pulices crepare faciunt. Item chamelææ radix, & populi nigræ folia tusa, & aqua macerata, & tribulus ex aqua cocta. Pulices etiam muria acris respersa & aqua marina enecant. Quod si in media domo quis pelvim deponat, & circulum machæra penitus ferrea circumscribat, & reliquam domum, præterquam locum circumscriptum, cremore sta-

Pulices
fugan-
tia &
necan-
tia.

Actius
lib 13.
cap. 45.

phis agriæ aut lauri foliorum tusorum conspergat, aut etiam muria aut aqua marina cocta, omnes pulices in pelvim congregabit. Fictile quoque vas defossum, ita ut labra æqualia pavimento habeat & adipe taurino oblitum, omnes pulices in sese congregabit, etiam eos qui adhuc in paleis delitescunt. Sub lecto parvulum scrobem facito, & in ipsum sanguinem caprinum mittito, congregabit eo pulices & ex aliis vestibibus ad se aliciet ac vocabit. Ceterum ex amphimallis & densissimis tapetibus, in quibus plurimi pulices delitescunt, eximi ac evocari possunt, si sic in urna aut dolio ipse sanguis caprinus deponatur. Haecenus ille. Avicenna 6. 4. Tract. 3. cap. 11. de fugatione pulicum hoc amplius addit: Quando inquit, domus colocynthidos infusione aspergitur, saliant pulices & fugiunt, & similiter ex decocto rubi. Referunt quidam, quod si lignum adipe erinacei oblinatur, eo pulices statim omnes concurrent. Fugantur quoque suffitu sulphuris. Est etiamnum herba quædam vulgaris notitiæ, Arabice dicta Chichuanu, id est, herba pulicum, quæ in civitate Chairi pulverizata in lecto circa dormientes ponitur, & ex odore illius inebriantur stupideque fiunt pulices, & non lædunt. Porro nihil æque disperdit pulices, ac graveolentia, velut ruta, mentha, mentastrum, & lupulus, præcipue tamen simus & urina equi. Enecat & pulices seminis rapi decoctum inspersum. Quin & taurini cornu suffitu pulices fugari perhibentur. Fama est, inquit Dioscorides lib. 4. cap. 60. si psyllium virens domum importetur, non sine re in ea pulices gigni. Postremo verò nihil tam commodum est comprehendendis pulicibus, quam

leſto impoſita recens & candidiſſima lanugo zyli-
na. In ea namque congregati facillime capiuntur.
Plura Rhazes lib. 8. c. 8. ad Almanſorem.

Animadverſio.

Rutam denominatam vult Iſidorus quod ſit
ferventiſſima, vel à Græco nomine *ῥυτή* quo
Iolaus antiquiſſimus Græcorum ſcriptor in Pelo-
ponneſiacis ſuis rutam designabat, ſic ut à Pelo-
ponneſiorum *ῥυτή*, latinum *ruta* deductum ſit,
quam vocem reperire licet apud Nicandrum, in
Alexipharmacis & Theriacis, ejuſque Scholia-
ſtem; neenon etiam apud Dioſcorid. lib. 3. cap.
47. ubi vocari à nonnullis *πυγάνον*, ab aliis *ῥυτή*
dicitur. Ethymon *πυγάνον* eleganter expreſſit Plu-
tarchus lib. 3. ſympoſ. quaſt. 2. *φασὶ δὲ καὶ τὸ
πυγάνον ἀπὸ τῆς διωάμεως ἀνομαζέσθαι. πυγῶν γὰρ ἐν ἐότῃ
διὰ θερμότητα τὸ σπέρμα, καὶ ὅλως πολέμιόν ἐστι ταῖς
κυστέσι.* *Rutam*, inquit, à facultate nomen acce-
piſſe tradunt, ſiccitate enim quam vi caloris poſſidet,
ſemen cogis atque coagulat, penitusque uterum geren-
tibus inimica eſt. Duūm eſt ruta generum: ſativa,
ſeu hortenſis, & ſylveſtris, ſeu montana ſativa
formâ ſimili, ſed aciori ſubſtantia, & odore ve-
hementiori, adeoque etiam periculoſo, ut inter-
dum vaporem olfacientis vultui afflet aut tangen-
tis manum inurat, qua ſi faciem attigeris eryſi-
pelas aut ſcabies excitetur. Hortenſis multo mi-
rior eſt ac temperior, cum illa gradu quarto
calida & ſicca ſit, hæc ſecundo aut tertio. Opti-
ma & probatiſſima evadit ruta ſi ſecundum Theo-
phraſtum libro quinto de cauſis plant. &
Plutarch. lib. quinto ſympoſ. quaſt. 9. ſeratur

Rutæ
nomina

Genetæ

Tem-
peries,

in ficu, vel si solum ut Dioscorides, Plinius, & Palladius referunt, juxta ficum plantetur. Hujus rei causam refert Theophrastus in ficum, quæ & lacteo suo succo & calore suo rutæ alimoniam temperat. Plutarchus vult aut dulcedine ficus restingui virosam rutæ qualitatem, vel rutæ acrimoniam à ficu una cum alimento subtrahi. Aristoteles vero problem. 18. sect. 20. rutam inferi in ficum voluit, ut pulcherrima & optima proveniret: quod rutæ radix fomento teporeque indigeat; at ficus calida est; fumum quoque multum emittit; ex quo concludit duplici modo rutam à ficu juvari: primò, ratione coloris; altero, ratione humiditatis. Denique Anton. Saracenus scholiis ad Dioscoridem, causam ejus effectus regerit in amicitiam mutuam rutæ & ficus quæ sit ἀππικτος & inexplicabilis. Attamen meo judicio hujus rei ratio non ita abstrusa est & occulta, ut Saraceno videtur: hoc enim accidit quod ficus pro alimonia succum trahat è terra multiplicem, partim acerbum, partim acrem, partim dulcem partim quoque salsum: constat enim ficus partibus diversis diverso succo gaudentibus, arbor ipsa falsedine quadam ac etiam acrimonia prædita est, folia & novellæ ficus acerbitalis cujusdam participes sunt; fructus dulcissimi existunt: sugunt ergo radices arboris è terra succos nutriendis his variis partibus familiares & aptos: ex quo tandem sequitur ut vicina ficui ruta alimentum suum trahat magis depuratum defœcatumque, quo dum affatim fruitur, altior ac lætior exurgit, addo etiam suavior atque esui aptior; quod alimentum suum omni excremento destitutum melius excoquat, conficiat ac elaboret: Insuavitas enim & saporis & odoris à male coctis, indigestis

Opinio
nostra.

crudisque ac inæqualiter elaboratis partibus; suavitatis vero ab edomitibus omnibus superfluitatibus æquabiliter excoctis succis, universisque partibus eximiè & perbellè confectis ac elaboratis provinit. Certum autem est melius confici & elaborari pura quam impura, defœcata quàm fœculenta, sincera quàm confusanea.

Diximus autem hortensem rutam calidam esse ^{Quo sit ruta temperamento.} & siccam, vel secundo, vel tertio gradu: nec enim inter se Medici conveniunt: Galenus octavo simplic. Raul lib. 7. Oribasius lib. 1. synopsis. Ætius lib. 1. Simeon in syntagm. calidam & siccam rutam dicunt ad tertium usque gradum; Nonnulli vero ad secundum tantum usque. Hanc difficultatem solvit ex Avicenna Michaël Savanarola tract. 2. cap. 6. de reb. non naturalib. ^{Ufus in cibis.} Ait enim *recentem ac viridem rutam secundo excessu tantum calidam, resiccatam vero & antiquam excessu tertio.* Usus rutæ in cibis, Priscis familiaris seu ad visum acuendum seu ad fascinum amolendum præsumerent. Antiqui pictores ad aciem oculorum rutam sæpius edebant, observante Plinio & Simeone. Theopompus Chius lib. 38. suæ historiæ narrat Heracleotas esu rutæ sibi cavisse à Clearcho Tyranno, qui plurimos veneno per insidias è medio sustulerat; præsidio enim rutæ nihil læduntur vel qui aconitum biberint, ait Athenæ. Deipnos. lib. 3. & Stephanus de urbibus. Præterea Erasmus centuria 4. chil. 4. observat ex Aristotele sumpturos olim cibum prius edisse rutam seu remedium adversus fascinum. Locus autem Aristot. est problem. 34. sect. 20. quo quæretur cur ruta fascinationis remedium esse dicatur. Quod autem ad nutrimentum à ruta suppeditatum attinet, Gal. lib. de attenuante victus

rat. cap. 5. rutæ semen ex iis alimentis dicit esse, quæ adeo sunt fortia ut nihil à fortissimis medicamentis dissideant. Michaël Savanatola scribit se non ponere remotionem nocuenti à ruta inducti, quia, inquit, *non invenio nocumentum manifestum in ea, saltem dum accipitur in via cibi.* Cardanus lib. 2. de sanit. tuenda cap. 34. fativam rutam non adeo gustui ingratam proficitur, cum eam inter alias herbas acetarium componentes universa Italia misceat. Addit vero se oleo & sale solam eam libentissime comedere solitum, gustuique gratissimam fuisse, licet eam deprehenderet amaram, adstringentis saporis & subacris. Ut ut sit, auctoritas peculiaris apud antiquos ei fuit. Invenio mustum *rutatum* populo datum à Cornelio Cethego in Consulatu collega Quinti Flamini comitiis peractis. Meminit & vini rututi Plinius & auctor rei rust. lib. 7. cap. 12. Unum autem est quod rutæ usum sequatur, sudorum fœditas & cujus rationem inquit Aristoteles problem. 33. sect. 20. & problem. 13. sect. 2. & Theophrastus libello de sudoribus. Putat Aristoteles id accidere propter odoris gravitatem, quæ est in ruta: quæcumque autem talia sunt, humoribus sordidis hoc est excrementitiis & serosis quæ sudoris materia sunt, admixta, fœdum commune odorem possunt. Quis autem crediderit rutam furtivam provenire felicius, sicut apes furtivas pessime; nec expedire ferro eam tangi? quis putaverit circumscriptam auro & argento, & ebore infraque talum alligatam profluvium mulieris sistere? Nemo sane nisi qui superstitiosis herbarum virtutibus nimium credulus existit.

*non-
sua.*

Sudor
fœdus
à ruta.

Facul-
tates
rutæ.

In præcipuis autem medicaminibus ruta est, ait Plinius, sed ejus universas facultates & effectus

non inquirō : sufficiat eos quorum meminere Salernitani brevissime perstrinxisse. Primus est, visū acuere, & oculorum morbis auxiliari : ad quem usum commendatur & cibo potuve sumpta, & exterius admota. Cum pane vel nasturatio ingestam fuisse propter visum, Plinius retulit cap. 12. lib. 20. Multi vero succo ejus cum melle Attico inuncti discusserunt caliginem, vel cum lacte mulieris puerum enixæ. Existimavit tamen Pithagoras oculis noxiam esse, putavitque Rhazes oculos è sua sede dimovere, quod intelligendum est de ejus esu nimio, à quo incalescunt ita humores & spiritus ut acerrimam periculosamque oculorum inflammationem invehant : at moderato ejus usu inciduntur attenuanturque crassi & visceri humores in ventriculo restagnantes, dissipanturque fumi oculorum caliginis causæ.

Alter rutæ effectus, est continentia, quam in viris excitare dicitur : cum enim calidissima sit, acris ferventisque naturæ, semen genitale exsiccat, deurit & cogit, unde illi nomen : id autem efficit maxime in viris biliosis & calidioris temperamenti ; nam venerem excitare potest in frigidioribus naturis, quibus semen aquosius est & serosius, velut in pituitosis & mulieribus, quæ calidis medicamentis juvantur, quæque solent ex Philosopho avidius coitum æstate quam hyeme appetere. Deinde cum propensio in venerem exciteretur à flatibus, certum est rutam cum sit αῖφρος propter colorem & siccitatem eximiam qua pollet, hujuscemodi propensioni esse adversâ.

Addo demum rutæ vim quandam esse *ναρκωτικὴν* ; sic ut gravissimos dolores & capitis, & ventris, & dentium leniat ac sopiat. Nec obstat quod amarâ

sit & subacris, cum opium ipsum narcoticum amarum quoque sit & subacre: at proprium est narcoticorum, ut venerem extinguant stupore spiritibus inducto.

Tertius effectus est, astutia seu calliditas, quam Græci *πνευπία* vocant, quæ nihil aliud est quam dexteritas ingenii ad quidlibet agendum, tam enim in bonam, quam in malam partem sumitur hoc vocabulum, quamvis usus obtinuerit ut pro deteriori parte accipiatur. Longioris porro est otii examen hujus propositionis, quomodo scilicet medicamenta agant in animum, quave ratione possint vel mentis operationes perficere, aut inturbare, vel mores hominum fingere & immutare. Qui opus Galeni, an animi mores sequantur corporis temperiem intellexerit, is facile ex illa difficultate sese expediet, nec interpretatione nostra indigebit. Tanti tamen rutam non facio, ut ingenio natura rudes & stupidos, acutos & vafros efficere eam posse credam; cum hoc prorsus impossibile sit: sed cum occupatum est multis fumis ac vaporibus cerebrum, cum crassis viscidisque humoribus oppletum est, à quibus operationes intellectus vel inturbantur, vel seignius exercentur; tum usu rutæ, quæ incidit & attenuat crassos humores, vaporesque omnes resolvit, libertas operationum mentis promovetur, cerebro vigor restituitur, spiritibusque animalibus puritas redditur, unde *πνευπία*. Inesse autem rutæ vim cerebri depurandi, auctoritate multorum comprobatur. Dioscorides capitis doloribus subvenire, comitialibusque auxiliari prodidit: Ad crapulæ gravedines decoqui folia, & in cibo vel crudam vel coctam conditamve prodesse, narravit Plin. comitialibusque exhiberi,

Rutam contritam naribus & ori epilepticorum impositam, liberare ægros ac etiam perfectè sanare observat Michael Savanorola tract. 6. cap. 1. de ægritudinibus capitis: subditque hoc præsidium pro *secreto* tenendum, quod tamen omnibus propalandum sit ac revelandum, quoniam talia subticere videtur peccatum in Spiritum sanctum. Ex quibus verbis discent Chymistæ, Agyrtæ, Circulatores, Circumforanei, Arcanorum transcriptores, & quicumque se remedia secreta & arcana habere profitebuntur, pessimè se agere, non solum quia ut plurimum falsa pro veris, inepta pro sinceris, vana pro certis præsiidiis venditant, sed etiam quia quæcumque illa sint tandem, subticent & ægris, & Medicis dogmaticis, qui pro suspectis semper remedia illa *ἀλόγια* aut ab *ἀλόγοις* hominibus suppeditata habent.

Postremum effectum, cum fusius in commentario expositus sit, pluribus non explico. Satius erit defensionem Hippocratis suscipere adversus Lilium Bisciolam lib. 18. horarum subsc. tom. 1. c. 16. quo loco *male sensisse Hippocratem* dicit quod rutam asseruerit lib. 2. de diætâ movere Urinam, cum Dioscorides ad reprimendam urinæ incontinentiam semen rutæ in pulverem tritum præscripserit. Primo enim non unius Hippocratis fuit illa assertio, sed Galeni, Pauli, Oribasii, Aetii, Avicennæ, Averrois, omnium denique Medicorum quorum singulas auctoritates afferre tædiosū nimis esset: contentus ero uno vel ipsius Dioscoridis testimonio qui ab Hippocratis mente non deflexit, scripsit enim cap. de ruta, *ἀμώτερον δὲ καυσικῶς, θερμαντικῶς, ἐλκωτικῶς, ὀριστικῶς ἐμμελῶς ἀγῶγῶς, utramque ruiam sativam & sylvestrem, ferventis esse*

Hippo-
crates
defen-
sus.

natura, calefacere, exulcerare urinas & menses ciere:
 quæ verba ab Hippocrate non dissentire Dioscoridem ostendunt. Deinde vero advertere debebat Bisciola, inter se contraria non esse, movere urinas, & urinæ incontinentiam auferre, sed movere & suppressere urinas esse invicem adversa: potest enim aliquod medicamentum simul & semel movere urinas & urinæ incontinentiam auferre, sed non potest simul & semel movere & suppressere urinas, licet quædam habeamus præsidia ut rheum barbarum quod simul & semel alvum moveat & adstringat. Hoc ut intelligat Bisciola, cogitatione repetat omnia pene medicamenta diversis & contrariis partibus constare, ac continuo etiam diversis contrariisque facultatibus pollere, quod longiori expositione non indiger: deinde revocet in mentem urinæ incontinentiam posse esse simul cum profluvio urinæ copioso, quod cernere licet in diabete; quo in affectu magnâ copiâ egeritur urina, nec ulla ratione ab ægro retineri potest. Sic ἐρμητικαὶ Græcis dicuntur, qui sæpe mingunt vitio vesicæ resolutæ, quo fit ut præter voluntatem diu noctuque urinas fundant. Nonnulli stragulas nocte permingunt, ut senes propter siccitatem, & pueri propter laxitatem & mollitiem; in quibus nemo negaverit urinæ incontinentiam adesse. His positis eritne absurdum dicere semen rutæ movere urinam, & urinæ incontinentiam auferre? Minime gentium. In pueris exempli gratia qui propter laxitatem & mollitiem partium *αὐτοεργον*, ut loquitur Dioscorides, nonne rutæ semen frixum propter vim desiccandi & modicè adstringendi exhiberi consulto potest laxitati & mollitiei partium emendandæ? In resoluta quoque ob frigus vesica nonne idem semen ob facultatem cale-

facien
 nentia
 qua
 crite
 que ra
 ad tue
 dicit
 stinian
 elogia
 rata
 vel co
 gendu

C
 Contr
 Salvia
 Te
 Salvia
 Nativ
 Salvia

P
 tre
 dom d
 cui Sa
 ponder
 in hor
 ni res
 lem,

faciendi tuto præscribi potest ad urinæ incontinentiam, simulque ad urinæ profluvium, cujus aliqua suppressio fiebat ob resolutam vesicæ attractricem? Sed nimius ero si omnia exempla atque rationes congerere voluerim, sufficiant hæc ad tuendam atque sustinendam Hippocratis auctoritatem ac dignitatem, quem Imperator Justinianus *divinum* vocavit, quique Macrobio elogio, *nec fallere nec falli unquam potuit*. De ruta prodigiøsæ magnitudinis quæ à nulla sic vel celsitudine vel magnitudine vincebatur, legendus Josephus lib. 7. de bello Judaico cap. 25.

De Salvia.

C A P. XXXVIII.

C Ur moriatur homo cui Salvia crescit in horto?

Contra vim mortis non est medicamen in hortis.

Salvia confortat nervos manuumque tremorem,

Tollit, & ejus ope febris acuta fugit.

Salvia, castoreumque, lavendula, primula veris,

Nasturi, Athanas; hæc sanant paralytica membra,

Salvia salvatrix natura conciliatrix.

P Ermagnam esse utilitatem Salviæ hoc loco traditur. Ac primo quidem versu per modum dubii quæritur quæ fiat ut homo moriatur cui Salvia crescit in horto? Ad quod ita respondetur secundo versu: Quanquam Medicina in hortis reperiatur, quæ corporis putrefactioni resistat humiditatemque custodiat naturalem, ne citius quam par esset, dissipetur;

nulla tamen invenitur, quæ moriendi necessitatem è medio tollat. Et hoc est, quod Avicenna 31. cap. singulari ait. Ars quidem sanitatis tuendæ nos à morte securos non facit, neque corpus à foris incidentibus nocumentis munit, neque unumquodque corpus ad ultimam vitæ longitudinem, quæ est secundum hominem absolute perducit: Sed de duabus rebus securitatem præbet: putrefactionem enim penitus excludit, & humiditatem defendit naturalem, ne iusto citius resolvatur.

Gall. 1.
c 17. de
sanit.
tuend.

Secundo loco, tres referuntur Salviæ effectus: ac primo quidem quod nervos roboret. Siquidem manifeste calefacit, & leniter adstringit, humorum igitur copiam, qua nervi impediti relaxabantur, exsiccatur, refrigeratosque recalefacit. Deinde quod manuum tremorem tollat. Nam quicquid nervos roborat ac excalefacit, tremorem etiam tollit. Tremor enim ex nervorum imbecillitate & frigiditate potissimum accidit. Atque hanc sane ob causam senes nonnulli & anus decrepitæ cibis ac potibus suis folia Salviæ imponere solent. Tertio, quod acutam removeat febrem: cujus hanc assignaveris causam, nempe quod humores exsiccatur, adeoque putrefactionem, quam acuta febris magna ex parte comitatur, impediatur. Porro Salvia temperamento est evidenter excalefaciente & exsiccante, atque eam ob rem per se in victus salubris ratione non temere usurpanda. Attamen cum nervos excellenter roboret, dupliciter ea homines in sanitatis tutela uti consueverunt. Aut enim inde parant *εμβολισματα*, id est intinctus, quemadmodum ostendimus supra capite 22. appetentiam ita revocantes ei, cui ventriculus

Manuū
tremor.

culus crudis , inconcoctis ac pravis humoribus
 refertus fuerit. Aut vinum ex ea etiam confi-
 ciunt , Salviatum ipsis appellatum , quod in
 mensæ principio potissimum expetitur. Hoc cum
 sibi qualitatem quandam à Salvia calidam si-
 mul ac adstringentem , aromaticamque & exsic-
 cantem adsciscat , tremulis , paralyticis , & epi-
 lepticis mire conferre putandum est : præsertim
 si post purgationem epoto medicamento modice
 sumatur. Quin & ventriculum , cerebrum , ner-
 vos ac reliquas quoque corporis partes præ hu-
 miditate laxas exsiccat ac roborat , idque per
 hyemem maximè. Valet contra renum , vesicæ
 & laterum dolores , rejectiones sanguinis , tus-
 sim , rupta & vulsa. Difficili urinæ auxiliatur,
 & suppressos menses proritat , sed immodera-
 tius : quo circa gravidis non nisi cum timore
 exhibendum est , quippe quod partus facile
 enecet , & abortus faciat. Vaporosum est admo-
 dum , facilèque caput ferit , & cito inebriat : qua-
 re caput debile habentibus , quibusque pluri-
 mum molestiæ catharrhus exhibet , ab ipso in
 roborando ventriculo cavendum est : ne dum
 uni parti auxilium quærunt , reliquas offendant.
 Imo vero nec alias immoderatus eo utendum
 est , neque ad depellendam sitim , neque ad de-
 ferendum permiscendumve cibum : quod uni-
 versum ita cibum ad extremam plane calidita-
 tem ac siccitatem perduceret. Primum enim per
 se calidum & siccum est vinum , deinde vero
 & Salvia sat strenue excalescit , desiccâtque
 & tenuium est partium : quare quod inde fit
 vinum , ad immodicam haud dubie caliditatem
 ac siccitatem inclinabit , atque ob id sanitatis
 tutelæ minus conveniet : ut quod ingestum ci-

466 DE CONSERVANDA

bum permutare atque ante perfectam concoctionem è ventriculo ac hepate ad cerebrum facile & nervos deferre, obstructionemque omnis putredinis matrem, in humano corpore excitare valeat. Plura de hoc Magninus c. 21. partr 3. Regiminis sanitatis & Joan. Michael Savanorala, in majori pract. 2. cap. 4. Rubri 15. Duplex porro Salyia passim in hortis spectatur: Una magnis, latis & asperis foliis. Altera vero foliis minoribus, contractioribus & lævioribus. Græci, quod ipsa verba retorrída semper & exsucca appareat, communi utramque appellatione nuncuparunt ἐλαστεακον, quod quasi in tabem, vel slderationem redacta videatur.

Theo-
phra-
stus l. 6.
c. 2.
hist
plant.

Tertio loco, sex enumerantur medicamenta simplicia παραλυσί curandæ accommodatissima; nempe Salvia, Castorium, Lavendula, Primula, veris, Nasturtium & Athanasia. Hęc namque omnia proprietate quadam membra paralytica curant ac sanant. De Salvia quidem ex modò dictis satis constat, quippe quæ genuina caliditate & siccitate sua pituitosum humorem, quo nervi obstructi resolvebantur, facile consumat, adeoque nervis ipsis robur addat. Castorium calefacit, siccaturque cum extenuandi viribus eximiiis, quibus præter alias actiones, etiam nervorum, qui ex copia humorum male habent, affectibus, nempe tremori, stupori, convulsioni & paralyfi congruit, & refrigeratos facile recalefacit, & extrinsecus applicatum, & potui datum: idque ita, ut nullam aliam offendat particulam; etiamsi mediocriter febris affligat, quemadmodum in veternis & cataphoris: sed & mensibus retentis proficit, & secundas expellit. Juvat etiam, si quis suffitum ejus in prunis im-

Salvia.

Casto-
rium.

positi inspiratione hauriat, maxime ad affectus in pulmone aut capite consistentes. Frigidæ quoque surditati, & auribus ob crassos flatulentosque spiritus dolentibus præclare opitulatur, ad lentis magnitudinem cum oleo nardino infusum.

Oleum præterea castorii non minus contra frigidos nervorum & juncturarum affectus omnes valet, quam Castorium ipsum, præsertim si post materiæ evacuationem applicetur: residuum enim consumit, nervos roborat, paralyti, convulsioni, ac tetano medetur, & acerrimos rigores, & frigora febrium, si spina dorsi eo liniatur sedat. Porro Castorium testiculus est animalis ancipitis vitæ, quod καύσις à Græcis, à Latinis Fi-

ber appellatur. De quo Dioscorides libro 3. cap. 21. Plinius libro 8. cap. 30. & lib. 32. cap. 33. Galenus lib. 11. cap. 11. de simp. med. facult. Aetius lib. 2. c. 177. Paulus lib. 7. Avicenna 2. Can. cap. 125. Lavendula excalescit & exsiccat ordine secundo completo, vel tertio inchoante, viribus à nardo Celtica non longe recedentibus. Confert omnibus cerebri ægritudinibus à frigido provenientibus; convulsis, resolutisque auxiliatur: ventriculum roborat, & jecur ab infarctu liberat: quin & obstructos lienes juvat: uterum calefacit, & menses & secundas educit. Primula

Lamendula.

veris calida est & sicca, nervos roborat, convulsioni, tremori, apoplexiæ, paralyti, cæterisque nervorum atque articulorum vitiis frigidis & humidis auxiliatur: atque inde arthritica etiam à nonnullis & herba paralyti appellatur. Primula veris autem dicitur, quod scilicet Vere inchoante mox erumpat. Per Nasturtium Sisymbrium aquaticum hic intelligitur, quod riguis gaudet & in fontium rivis discurrentibus comite Sio nasci-

Primula veris

Nasturtium

tur, foliis primo exortu rotundis, quum vero adoleverint erucæ modo dissectis, odore ac sapore sativo nasturtio proximis, atque ob id *καρδαμύνη* à nonnullis, id est nasturtium, nominatur. Ea herba cum sicca est, tertii est ordinis excalefacientium & desiccantium: cum humida & viridis, secundi: crassos & pituitosos humores extenuat, incidit, & resolvit: qua ratione nervos à phlegmate purgat, paralysisque causam aufert. Atque hic sane præcipiunt Medici, ut in quadragenaria illa Ecclesiæ abstinencia, propter phlegmaticos cibos, qui per id tempus mandi solent, Nasturtia quoque subinde exhibeantur. Athanasia Tanacetum etiam vocatur. Ea Parthenii species quædam existit, purgandique phlegmatis facultate prædita est: nervos caliditate sua exsiccat. Sive foris imposita, sive intro in corpus assumpta, lumbricos & materiam unde illi generantur, ex ventre pellit. Plurimum igitur Galli primis sanctum post Pascha diebus Athanasia cum ovis fricta ad phlegmatis per jejunium quadragenarium ex esu piscium collecti eductionem utuntur, ne scilicet inde lumbrici in corporibus aptis ac præparatis generentur. Recentiores etiam utuntur ad ventriculi & alvi flatus discutiendos: item ad frangendos renum calculos & ad ciendam urinam. Ultimo tandem versu traditur, Salviam sic dici, quod ad multa sit salutaris, præcipuè ad fecunditatem.

Animadversio.

PRiores duo hujus capituli versus nobis occasionem præbent inquirendi, num dari possint

quædam alimenta vel medicamenta quæ non tantum retardare mortem, sed etiam omnino prohibere possint: secundo vero an inter præsidia illa numerari debeat Salvia. Quod ad primum attinet, nonnulli reperti sunt qui immortalitatem homini conciliari posse crederent ope quorundam medicamentorum; sed & tam rara esse & occulta, ut mirum non sit si vix unus aut alter eorum beneficio uti potuerit. Etenim si ea est naturæ in hominem beneficentia, ut quædam produxerit corpori humano adversus externas omnes injurias, & adversus telorum & gladiatorum aciem muniendo atque conservando: nonne liberalis quoque & munifica, est in elargiendis præsiidiis quæ idem corpus ab internis injuriis, mutationibusque tueantur? Nemo autem est qui nesciat apud Homerum, & Ovidium, Achillem, & Cycnum invulnerabiles fuisse, non (ut volunt) deorum falsorum ope, sed medicamentorum quorundam beneficio. Tithonum quoque memorant auroræ succo perfusum immortalitatem consecutum fuisse. Glaucus vero Piscator esu cujusdam herbæ cujus attactu pisces revixerant, in Deum mutatus est, hoc est immortalis est factus. Hesiodus deos suos Ambrosiæ & nectaris usu morti obnoxios non reddi prodidit, insigni quidem mendacio, quo tamen voluere veteres designare in arcanis naturæ atque Theauris esse pretiosa quædam medicamenta, quibus si quis uteretur, non mortem solum retardare, sed vitare etiam omnino posset. Ac ne solis Poëtarum fabulis duci nos quis suspicetur, proferre in medium possum Chymistarum quorundam opinionem, qui non tantum vitam prorogare suis extractis jactitant, sed mortuos artificio chymico ad vitam revocare posse audacter gloriantur, adeo

An im-
morta-
litas
dari
possit.

ut eorum nonnulli reperti sint, qui ut juvenescerent, se frustatim per ministros suos discerpi ac dilaniari, vitreo vase includi, equino fimo per quadraginta dies obrui, cum nonnullis medicamentis imperaverint, quemadmodum de quodam Marchione Hispano à quibusdam commemoratur. Joan. Ernestus Burgravius in Achille suo panoplo redivivo, ejuscemodi armorum fabricationem commentus est, quæ nulla vi penetrari possint, sed equitem præstent invulnerabilem; talemque insuper & portionem & alimoniam equo bellico præparat, ut multos dies sine cibo transigat, plurima milliaria uno die indefesso cursu absolvat. Trigaltius in historia Chinenfium apud eos invaluisse hanc opinionem narrat, ut artem esse profiteantur, qua se immortales præstare valeant: proinde nonnulli apud eos diligenter eam artem excolunt, suamque industriam accommodant Principibus viris ut eos immunes à morte efficiant. Et vero cum vita quadraginta annorum, & centum annorum vita inter se tamen distinguantur secundum magis & minus; ac Medicina suppeditet homini artificium producendæ vitæ ad annos usque quadraginta; certissimum est eam posse quædam quoque præsidia subministrare vitæ ad annos centum protrahendæ: Quod si possit ad centum annos, poterit ad ducentos, imo ad mille, & plus ultra, cum differentia illa non sit nisi secundum magis & minus. Præterea syncope & apoplexia non distinguuntur à morte, nisi solo tempore, est enim syncope mors momentanea, mors vero syncope diuturna: at habentur præsidia prohibendæ syncopes, & cum incidit, removendæ; erunt igitur etiam remedia impediendæ mortis,

atque tollendæ. Denique Averroes primo de ortu & interitu comm. 38. scribit Alex. Aphrodisiensem existimasse in corpore humano quamdam esse materiæ partem non existentem in continuo fluxu, sed eodem statu permanentem: quod ex vulneribus inflictis in puerili ætate colligere est, quæ ad interitum & ultra perseverant. Ea ergo materia si eodem semper modo foveatur, si convenienti præsidio semper recreetur vitam incolumem semper præstabit & immunem à morte. Quæ Joa. Grammatici quoque fuit sententia, ut explicat Nicolaus Cigninius quæstione Theologica utrum Adam esset immortalis. Sed ne in cummulandis & rationibus & exemplis veterum ac recentiorum longior fiam; dico compendio arborem vitæ quæ in medio Paradisi voluptatis à Deo plantata est, eam habuisse virtutem non supernaturalem ac miraculosam, sed naturalem ac physicam, non solum ante sed etiam post Adami peccatum, tribuendi ac largiendi immortalitatem iis qui ejus fructus comedissent: immortalitatem dico non simplicem aut absolutam, sed conditionalem ac limitatam; adeo ut arbor illa posset, exempli gratia ad mille annos vitam incolumem protrahere, post quos vita defecisset nisi de novo degustata fuisset, tum enim adhuc ad mille annos vita conservabatur; & sic deinceps unde non sequutura fuisset mors nisi quis ab ejus arboris esu abstinuisset. Quæ certe doctrina non est omnium Theologorum, sed saniorum atque probatissimorum. Barcephas enim lib. de Paradiso Terrestri cap. 20. & Eugubinus in Cosmopœia, eam arborem volunt symbolum tantum fuisse immortalitatis. Rupertus, S. Irenæus, Hilarius, Chrysostomus, Epipha-

Arbor
vitæ.

nus, & inter recentiores Bellarminus, gustatam semel arborem absolutam immortalitatem concedere censuerunt. Sed D. Thomas 1. parte, quæst. 97. art. 4. aliter definivit, dixit enim semel sumptam arborem præservare tantum potuisse ad determinatum quoddam tempus; quo finito, vel moriendum erat, vel denuo de illa arbore sumendum; ac præterea non potuisse prohibere mortem quæ ab extrinseco puta ab ictu, casu, gladio adveniret, sed eam tantum quæ ab intrinseco accederet, quæ nostra fuit propositio, quam insuper tenuere D. August. lib. 14. de Civit. Dei cap. 26. Lyranus, Cajetanus, Lombardus, Toftatus, Gregorius de Valentia, & alii. Quod autem vis illa esset naturalis, non supernaturalis, quod etiam ante & post Adami lapsum vigeret, ita luculenter expositum fuit ex variis Theologorum auctoritatibus à Pereriolib. 3. in Genesim, & novissimè à Thoma Malvenda opere de paradiso voluptatis, ut facem quæram meridie accendere, si aliquid velim viris diligentissimis superaddere. Quare amplius nihil addo præter hoc argumentum: Si lignum vitæ vim habuit naturalem concedendi Immortalitatem, asserendum est in rerum natura posse dari aliquod præsidium adversus mortem: Atqui verissimum est lignum illud vim illam habuisse; Verissimum ergo quoque est dari posse in rerum natura præsidium aliquod adversus mortem. Ubi autem sit illud præsidium & unde desumi possit, an ex lapidibus, plantis vel animalibus, nemini notum est; si quod nonnulli asserunt veritati non repugnat, quod est lignum vitæ esse in rerum natura, & quidem vel Thuiam, vel Musam arborem, certum ex ea

arbore repetendum. Enimvero hæc sunt quæ adduci solent ad probandum dari posse aliquod medicamentum morti devitandæ : quæ tamen ad examen revocata, ita vana sunt & inania, ut auctores pudere debeat tam futilis argumentationis. Quod enim attinet ad ea quæ ex poëtis proferuntur, sese vel ipsa destruunt cum invulnerabiles illos viros tandem occisos fateantur; ceteros vero alios pro diis falso habitos, interiisse constet. Chymistarum autem artificia illa, delirantium somnia sunt, Imo vero detestanda deliria cum se ipsos non solum ludibrio, sed infami letho exponant è quo nemo adhuc redivivus illuxit. Ernesti Achilles *πένθος* vere est *πενικός* lymphaticus & nugarum plenus, cum omnia vanis superstitionibus & observationibus magicis aspersa sint. Quod apud nos Chymistæ pollicentur, id apud Chineses immortalitatis illi artifices turpi & infami successu, cum nemo eorum qui artem immortalitatis profitentur alios vitæ diuturnitate excedat. Miror autem prioris argumenti artificium quo à minori concludit ad majus, cum è contra à majori ad minus arguere deberet. Non est enim necessarium ut quis vivat ad mille annos, quod ad sexaginta vivere possit, cum nec necessarium sit ut quis in ventriculo conficiat centum panes, quod unum aut alterum conficiat, quia à minori virtute ad majorem nunquam valuit consequentia. Alterum argumentum validius non est, supponit enim syncopem esse mortem cum sit potius mortis imago. A syncope liberamur quia non datur separatio animæ à corpore, à morte nemo redit quia facta est illa separatio. Falso attribui Alexandro Aphrodis. opinionem

illam ex Averroe allatam, pluribus ostendit Cigninius eamque variis rationibus oppugnat & expugnat citato opere. Plus difficultatis videtur inesse in exemplo de arbore vitæ adducto, id enim totum verum fatemur, & extitisse olim illud præsidium libenter admittimus, cum Adam in statu innocentiae creatus fuit: in quo si perseverasset, usu ejus arboris munitus fuisset adversus omnia senectutis tædia, donec ad meliorem vitam fuisset assumptus. At post lapsum visum est Deo hoc illi præsidium adimere, ne cogeretur in perpetua miseria & hujus vitæ calamitate permanere: ideo unâ cum paradiso terrestri arbor illa à medio sublata est, quæ sola suæ speciei fuit, nec amplius in rerum natura existit. Unde concludere licet cum Salernitanis, nullum jam extare contra vim mortis præsidium. De his consule prædictos auctores ac Martinum Delrio disquisit. Magic. libr. 2. quæst. 23.

Salviæ
vires &
nomen.

Venio ad alteram propositionem, cui non erit difficile satisfacere, definita & explicata priori. Minimè enim dubitandum est *Salviæ* non inesse vim adversus mortem cum nullum extare tale præsidium in rerum natura constituerimus. Et quidem ante Salernitanos nemo tam impense *Salviam* laudavit, nec unde tanta illi accesserit gloria, augurari possum, nisi ejus nominis habitam fuisse à Salernitanis rationem concedamus: quod colligi potest ex ultimo versu ubi eam *Salvatricem* quasi à *Salvando* dicta sit, appellarunt: Humelbergius enim comment. ad Apuleium sic vocatam innuit à *Salvando*, vel quod oculorum claritati & visui profuit, vel quod cordi auxilietur. Unde quoque ab alijs

appellatam *Corsalvium* dixit. Agrippa apud Aëtium eam *sacram herbam* vocat, quod prægnantibus mulieribus cum fluidæ & laxæ sunt, sit salutaris. Continet enim conceptum, vitalemque reddit, si succi ejus heminam cum modico sale, quarto postquam à viri concubitu abstinuerit die, mulier potaverit, deinde viro miscetur, proculdubio concipiet. Aiunt etiam in quodam Ægypti loco post sævas pestilentias, ab his qui supersunt ad eum bibendum succum mulieres cogi, plurimosque inde produci foetus, quam ob causam inducti fortasse sunt Salernitani ad eam *Naturæ conciliatricem* denominandam. Nihilominus alii non à *salvando*, sed à *salivando* Salviam deducunt, quod ore contenta *salivam* moveat, alii vero à *Sale*, tum quod loco salis ad ciborum conservationem esse potest, tum quod ejus usus in salsamentis optimis habetur. Græcis ἐλελίσφακος dicta, quod reterrida semper, exsucca & ob syderationem emarcida videatur, est enim ἐλελίζειν contrahere, inflectere, & σφάνος seu σφάκελος syderatio, malum in plantis. Pena mavult sic vocatam à medendis sphacelo emorientibus partibus, quibus propter benignitatem temperamenti calorem nativum revocat. Ab Apuleio cognominatur etiam *Becion*, & *Crosmis*, Becion quidem vel à candore foliorum quem habet cum tussilagine similem, vel quod tussientibus auxilietur: Crosmis vero quasi crassos à simbriatis foliis & exoletæ attritæque vestis modo asperis. Duo ejus genera à Theophrasto recensentur: Sativum unum quod ἐλελίσφακον vocat, alterum agreste quod σφάκελον Gen-
ra *Salvia*, nos aliam agnoscimus majorem Gallis *grande sauge*; aliam minorem, seu nobilem, vulgò *sauge*.

franche & sauge menue, quæ σράκελος est Theophrasti.

Tem-
pera-
men-
tum.

Temperamento est evidenter calido-sicco, hoc est gradu secundo; licet Avicenna ex auctoritate Damasceni ad tertium usque gradum calidam constituat, quod intelligendum arbitror de antiqua & admodum resiccata Salvia. Est præterea odorata, amara, gustu leviter subastringenti, roborat, incidit, menses & urinas provocat, quodque admiratione dignum est, stupescit. Scribit enim Plin. lib. 21. c. 26. eam pastinacæ marinæ ictus sanare, *torporem obducendo percussio loco*, sed & imposita cum vulnerum sanguinem cohibeat, pruritusque testium sedet decocta in vino, ac suffita menses immoderate fluentes & omnē muliebri profluvium compescat, signum est torporis cujusdam inducendi facultatem illi inesse.

Ufus in
cibis.

Frequens ejus est in cibus usus, non tam utimenti quam ut condimenti vicem gerat. Ejus interdum momentum jusculis condiendis immittitur, hyemis maxime tempore cum olerum penuria est. Dicitur autem peculiare esse bubularum carniū condimentum, ea enim dum assantur, primò perfodiuntur, mox assatæ cum ea siccata, trita, aceto cocta eduntur, puto ut succus earum carniū atrabilarius incalascit, duriorefque fibræ attenuentur. Audio enim adungi eam assatis alaudis; qua utilitate plane nescio. Sunt qui singulis diebus jejuniō stomacho ejus aliquot folia mandunt, vel vinum quo macerata sit hauriunt, roborando stomacho, defœcando sanguini, cerebro expurgando. In quo tamen duo observanda veniunt, 1. ut ante esum sedulo lavetur, propter serpentium & præci-

pue busonum venenatam salivam, quam in eam despuunt, dum sub ejus umbra qua mirum in modum gaudent, stabulantur Ambros. Pareus libr. 20. capit. 24. historiam affert duorum mercatorum qui quod Salviam è proximo horto lectam in vinum mersissent, subita morte correpti sunt, *subterraneum foramen ad Salvia radicem inventum totum busonibus differtum, qui instillata aqua tepida allecti fidem fecerunt, venenum à se in plantam illam & saliva & urina illarum fuisse.* Alterum est ex consilio Savanarolæ desumptum tractatu 2. capit. 4. de reb. non naturalibus, is monet ut caveant sibi qui catarrhum patiuntur ab impositione Salviæ in vino, *propterea quod velociter inebriet; urdo majus nocumentum sequi potest, quam juvamentum.*

Tantè vero est dignitatis in re medica Salvia, ut Nicander in Theriacis ἀλθίατα ἐλαίσθακον vocaverit; hoc est, ut exponit Scholiastes, τὸν εἰς ὑγίαν λαμβανόμενον ὃ ἐστὶ διεγερτικόν, *medicam, & sanitati reparanda accommodatam herbam.* Inter cæteros autem usus commendatur à Salernitanis adversus paralytim & manuum tremorem. Certe in capitis affectionibus à frigida materia originem ducentibus admodum valet, adeout non pauci observante Cardano 2. de sanit. tuenda cap. 33. vertigine aut hemicrania, aut epilepsia, aut paralyti laborantes ex continuo Salviæ usupræservati, imo & curati fuerunt, ante cibum à quatuor ad sex folia recentia ac tenera comedentes, & alii ejus decocto vinum diluentes sanitatem recuperarunt. Cætera prætermitto, tum quod ad Therapeuticam pertineant, tum quia copiose à commentatoribus explicata. Est qui-

478 DE CONSERVANDA
dem edule Nasturtium, sed de eo infra : quod
Tanacetum frixis ovis immisceri dicatur, non
probo, propter amarissimum & ingratiſſimum ejus
herbæ saporem.

De Nasturtio.

C A P. XXXIX.

Macet
lib. i.
cap. ii.

Illius succus crines retinere fluentes
Illitus adseritur, dentisque levare dolorem.
Lichenas succus purgat cum melle perunctus.

Hic agitur de hortis familiari herba Nastur-
tio, quod *καρχήδανον* Græci vocant, quasi
καρχήδανον, quod caput tentet ac domet. Et refe-
runtur tres ipsius facultates.

Prima, quod succus ejus sive stillatitius li-
quor, capiti illitus, aut potus etiam, capillo-
rum defluvia sistat, præsertim si ex densatis in-
fractisque meatibus orta fuerint. Crassos enim
& pituitosos humores calefacit, incidit, & ex-
tenuat.

Secunda, quod dentium curet dolorem, præci-
pue si à frigida materia provenerit, eam enim
Nasturtium discutit.

Tertia, quod succus ejus cum melle illitus
lichenas, id est, imperigines, sive squamas cu-
ti adherentes, abstergat. Nascuntur eæ ex
phlegmate potissimum salso, sed Nasturtium in-
tus assumptum omne phlegma pellit & expurgat:
& mel quoque insigniter abstergit. Nasturtii
femen adurentis, seu causticæ facultatis parti-
ceps est, sicut sinapi. Proinde coxendicis &

capitis dolores, atque adeo quicquid aliud rubrificationem postulat, eo perinde atque synapi excalescunt. Miscetur quoque remediis quæ exhibentur asthmaticis, quippe quod crassos succos valenter incidere valeat, velut & synapi: nam per omnia ei simile est. Stomacho adversatur, alvum turbat, ventris lumbricos pellit, lienem imminuit, partus exanimat, menses ciet, & Venerem stimulat. Illitum cum melle lienem extenuat, favos expurgat. Serpantium venenis potum resistit, atque eos suffitu fugat. Carbunculos ad suppurationem perducit, & rumpit; Coxendicibus cum polenta commodè ex aceto illinitur; tumores inflammationesque discutit. Furunculos cum muria illitum ad suppurationem ducit. Vomitus flavæ bilis citat, eandemque per inferna seducit. Tradunt nonnulli Nasturtium vim vigoremque animi suscitare, ac proinde eos qui ipsum esitaverint ingenio ac mente promptiores fieri. Lege Plinium libro 19. capit. 8. Erasmi Chilides in Proverbio; ἔδος καρδαμου. Porro & herba arefacta similem semini vim possidet, humida vero & viridis propter aqueæ humiditatis admistionem multo semine inferior est, adeoque tunc mordacitas ejus moderata est, ut cum pane ea uti liceat, seu obsonio. Plura Dioscorides libr. 2. capit. 14. Plinius lib. 20. capit. 13. Galen. libr. 7. capit. 8. de simpl. medicam. facultat. Simeon Sethi in syntagm. & Avicen. 2. Canon. c. 509.

*Animadversio.*No-
men.

NOtissima plebi herba *Nasturtium*, à narium tormento dicta, quod instar synapi acrimoniæ vehementia, os naresque vellicet. Inde quoque Græcum nomen καρδαμον, qui enim aliquid acrius comedunt nares rugare, seu conivendo contrahete assolent. Quæque trahunt acri vultus Nasturtia morsu, inquit Virgilius in Moreto. Hinc deductum volunt ὅτι τὸ κόρας κύνει, quod pupillas coeuntibus oculorum palpebris abscondat, unde καρδαμύνην *connivere*. Alii malunt καρδαμον vocatum quasi καρδάμων hoc est κάρη δάμων quod caput tenet ac domet. Cæteri denique ἀπὸ τῆς καρδίας derivant, est enim & utile cordi & animi torporem exacuens, cujus sedes ex Peripateticorum sententia fuit cor. Quod vero animum exacuat, testatur proverbium ἐδνε καρδάμα *ede Nasturtium* in eos dictum, qui ignavi, hebetes & stupidi existunt, quasi esu cardami vigor animi suscitetur. Gallis dicitur *Cresson Alenois*, quia perenni sobole, mediis etiam brumæ rigoribus crescit, tum quia alit & in usus cibarios venit.

Tem-
peries.

Nasturtii sativi, (quid enim alias differentias recenseam?) temperamentum admodum calidum est, & siccum; proinde nonnulli ipsum quarto gradu reponunt, alii tertio, quod verisimilius est, alias commode edi non posset, etiam cum pane; quo cum datur pro obsonio, quod audiendum de humida ac viridi herba, quæ propter aqueæ humiditatis admisionem, acrimoniæ

est

est levioris, incidentis præterea est facultatis, substantiæ stomacho adversæ, alvumque perturbantis: menses quoque ciere dicitur, & ut notatum est, ἐξύπνεον τὴν διάνοιαν ἐμπαιεῖν, *mentem excuere*. Scoliastes Nicandri ejus virtutes sic exponit καρδαμον, δριμύ, καὶ πικρὸν, καὶ πυρρὸν, δὲ λειχῶς ἀποσπᾷ, λέπτει ἐκτείνει, ἀθερραίνει ῥῆσι, ἐμμιώνει κατὰ γαί, πρὸς σωμασίαν ἐπάγει, τὸ νέεσθαι τῇ διρμότητι κινῶσι; *Nasturtium*, inquit, *acre, mordax, igneum*; propterea lithenas exterit, lepras abradit, ambraces rumpit, menses movet, ad coitum invitat, virile mem-

An ex-
citet
venerem.

brum calore suo excitans. Quæ postrema verba expendi sedulo debent, quod vis illa excitandi venerem in controversiam adducatur. Plin. enim lib. 20. c. 13. *Nasturtium* venerem inhibere scripsit, cui assentitur Florentinus Geopon. lib. 12. c. 27. cardamum σωμασίας ἐφεκτικόν vocans, hoc est veneris *compefcenda vim habens*. Adde quod ab Aristophane in *Δεισμοφορίᾳ*. Urinæ stillicidum dicitur invehere. Ait Clisthenes ad Socratem: Multum quidem tempus mingis tu, respōdet Socrates, pro, fecto ὁ miser σε ἀγγεῖω γδ' ἔχῃς ἐφαρὸν καρδαμο, *urina enim stillicidium patior, heri comedi Nasturtia*, ad quem locum Scholiastes ait: ἐπαιχτικὰ καὶ ἐφεκτικὰ ἔρῳσι τὰ καρδαμο καὶ πυσμάτων, *Nasturtia suppressere & cohibere urinas & sputa*. Quapropter fama est Persas *Nasturtio* usos, quod apud ipsos turpe esset ex Xenophonte libro primo de Cyri Institut. palam mingere & mungere, & spuere, quæ signa sunt κακῆξίας, quæque emendari melius non possunt quam *Nasturtii* esu; ἔδῃν δὲ βέλτιον ἐστὶν ἵαμα πρὸς τὸ ἀπείγειν ταύτῃ τὴν ἀμεινότητα ῥήσεως πυσμάτων, καὶ ἀπομυγμάτων ἢ τὸ καρδαμον. Denique apud eundem Comicum in nebulis, vis *Nasturtio* tribuitur attrahendi succum vicinarum

stirpium, earumque alimentum ita subtrahendi, ut emarcescant penitus & emoriantur, quod ex his Scholiastæ verbisprehendes. *καρδαμυξ δὲ τῆς σελαιώτῃς εὐοκίονος λαχάνων τῶν δυναμένων ἐπιπαῖται, καὶ πᾶν τὸ ἐν ἐκείνοις ὕψος ἐπιπαῖται ἀπὸν τῆς ξηραίνεως καὶ δίσουδης.* Atqui quæ tam potenter attrahunt, quæque adeo deficcant, veneri inepta sunt: Erit igitur Nasturtium provocandæ veneri prorsus ineptum. Attamen Dioscorides libro secundo capite quadragesimo primo, Simeon Sethi, Nicandri ut dictum est Scoliaſtes, Avicenna, Serapio, & plerique alii *ἀρεθιδισώσικον* pronuntiant, cum simile sit facultate & erucæ & sinapi, quod certe veritati maxime congruum est, cum id ipsum experientia quotidiana confirmet. Quid ergo respondendum Plinio? Dicendum veram esse sententiam Plinii si sæpe & frequenter aut multa copia ingeratur, ac præsertim si vetus ac siccatum valde fuerit Nasturtium, suo enim tunc fervore, insignique siccitate semen genitale absumit & deficcatur, quemadmodum eleganter insinuavit Macer de Nasturtio his versibus vere Philosophicis.

Dicunt ferventes quod habent Nasturtia vires,
Et siccas, hac re venerem' ceu ruta coercent,
Siccando semen, fuerint si sumpta frequenter.

Ergo si rarus sit ejus usus, si viridis & humens assumatur modica quantitate, dubio procul venerem irritabit suo calore, acrimonia, & flatulenta humiditate.

Vfus in
cibis.

Ad jussum quod attinet in cibis, frequens ille fuit apud Persas & Spartanos: Et quidem Persarum pueri ad magistrum euntes, ferebant domo panes in cibos, Nasturtium vero pro obsonio: quo etiam victu utebantur Ephæbi, licet paulo copiosiore. Ex quo quidem id conſequebantur ut

VALETUDINE: 48

parcius meierent, spuerent & mungerent, sicut dictum est, ob Nasturtii caliditatem & siccitatem absumentis & discutientis superfluas corporis humiditates. Inde etiam Ammian. Marcellinus notavit Persarum cadaveta ob victus parcimoniam durescere stipitum more, nec in faniem liquari; nostra vero mox cesa tabescere ac putrescere, ut mortui nullius facies post quadriduum agnoscat. Apud nos vero editur in acetariis vel conditum sale & aceto, vel aliis oleis admistum, praesertim lactucis, quarum frigiditatem emendat, sic autem apparatus suavissimi est saporis, sed exigui admodum nutrimenti. Esse enim *κακοσομαχόν* asseruit Dioscorides & difficilis coctionis, quod ex ructibus colligit quos longo ab esu intervallo suscitatur. Dolorem quoque capitis afferre, succi esse pravi, in cibo insignem concitare calorem, Aetius & Aegineta prodiderunt: unde mirari subit cur *ἰσχυρὴν διάνοιαν ἐμποιεῖ* circumferatur, nisi id praestet in pituitosis qui crassis viscidisque humoribus op-pletum habent & caput & ventriculum. Inter Nasturtia laudat Dioscorides Babylonicum, Milesium Antiphanes apud Athenum, Nicander Medicum, per quod ejus Scholiastes audiri vult *ἑβαυλώνιον, ἀλλὰ τὸ περσικόν*, Plin. vero Arabi-
Vfus in re medica,
 cum, quod mirae sit amplitudinis. Commendant autem Nasturtium Salernitani ad defluvium capillorum, dolores dentium & impetiginum curationem. Cum autem defluvii capillorum variae sint causae, eam rescindit quae à crassis, pituitosis, frigidisq; humoribus ortum ducit, eos calefaciendo, incidendo, extenuando, abstergendo & absumentando, quibus etiam nominibus convenit odontalgiae, & impetiginibus. Consule Galenum li. κατὰ

καὶ ῥόπος καὶ γέν, ceterosque plantatum historio-
graphos.

De Enula Campana.

C A P. XL.

Mac.li
I. C.
20.

Enula Campana reddit præcordia sana,
Cum succor ruta, succus si sumitur ejus,
Affirmant ruptis quod prosit potio talis.

HIC duæ referuntur facultates herbæ, quam
ἐλέγιον Græci vocant, Latini Helenium &
Inulam, Barbari Enulam, officinæ Enulam Cam-
panam.

Prima, quod curet ac roboret præcordia: Quo
nomine jam extra in homine intelligenda ve-
niunt, nempe os ventriculi, membra, spiritus, &
quæcunque cordi propinquiora sunt. Et hoc sa-
ne radice potissimum efficit; Ea enim calida &
sicca atque odorata est, cum excrementitia hu-
miditate: quapropter in eclegmatis cum melle
temperata crassos ac lentos humores pectori pul-
monique infarctos educit, ruffi orthopnææque
prodest: Omnis iræ dolorisque oblivionem in-
ducit, cor exhilarat ac roborat. Ex ea Vinum
etiam conficitur, quod *venταειτης* Græcis dicitur.
Hoc contra stomachi & pectoris vitia & cordis
ex humiditate & frigidityate imbecillitatem effi-
cax est, excrementa in venis sanguini permista
per menses ac urinas expellit.

Vinum
Enula-
rum.

Secunda, quod succus ejus cum ruta succo per-
mixtus, herniosis, hoc est ruptis, quibus intestina
in scrotum devolvuntur admodum opituletur, &

maxime quidem si herniosi ex flatuum multitudine evenerint : eos enim rutæ atque Helenii succus discutit. Radix præterea Helenii stomacho pravis succis referto utilis est in passo condita, obstructionesque jecoris atque lienis tollit. Trita potaque ad cruentas execrationes singularis est, & serpentium moribus medetur. Ruptis ac convulsis omnibus confert. Folia ejus ex vino cocta utiliter illinuntur frigidis ac diuturnis partium affectibus, ejusmodi sunt nonnullæ coxarum passionēs, *ixiadas* vocant; & exiguæ assiduæque articulorum quorundam præ humiditate procidentię ac luxationes. Plura Dioscorides l. i. c. 17. Galenus l. 6. c. 114. simpl. med. facult. & Avicenna 2. Canon. cap. 240.

Animadversio.

Mirum est quod de hac planta à Salernitanis narratur, cum à Galeno inter venenata reposita sit, Scribit enim lib. de Theriaca ad Pison. cap. 10. si modo is liber Galeno adscribi dignus videatur, Dacos & Dalmatas *Helenium* telorum fuorum cuspidibus aspergere, quod quidem illico ac contingit vulneratorum sanguinem, interimere potest, quamvis comestum innocuum sit, nullumque incommodum ipsis afferat. Addit insuper idem autor cervos his telis confossos si statim à venatoribus comedantur, innoxios esse, sin minus, venenatos & lethales serpente tractu temporis à vulnere per totum corpus tabo. Qui hanc Helenio nocendi potestatem tribuerit, ab illo auctore alius non est præter Paul. Æginetam Galeni epitomatores qui lib. 6. cap. 88. de Helen.

An Helenium
venenatum.

hæc tradit superioribus conformia. φασι δ', inquit, τὴς Δόκας καὶ τὴς Δαλμάτας περιτλάσσειν ταῖς ἀκρίσι το Ἑλένιον τε καὶ νῖνον ἡλιόμυρον, καὶ ὅτως ἠκίλησεν μεν τῷ αἵματι πρὸς τιτρωσκομένον ἀνέρεϊν, ἐδιόμυρον δὲ ὑπ' αὐτῶν ἀβλαβὴς ἔσθ', καὶ μηδὲν κακὸν δράν, id est, ajunt Dalmatas cuspidibus Helenium & Ninum dictum oblinere, idque ubi sanguini vulneratorum obvenerit, hominem occidere, comestum vero ipsis innocuum esse & nihil mali efficere. Quem locum sic legendum credidit Delechampsius, ut pro ἐλένιον καὶ νῖνον, ἐλλέβορον τε καὶ αἰκονιτὸν substitueretur. Cum, inquit, Helleboro albo adhuc Hispani utantur ad eam rem, propterea id vocantes sagittariorum herbam yerva del balestrero. Attamen ejuscemodi viri ingeniosissimi lectio vera nullomodo esse potest, tum quia constans est lectio ἐλένιον καὶ νῖνον apud Galenum & Paulum; tum etiam quod non observatum sit comestum unquam elleborum fuisse, sed per modum medicamenti magna tantum cautione assumptum: tum denique quia non legimus elleborum à quoquam vocatum Aconitum: at ex autore lib. de Theriaca, & ex Ægineta constat ἐλένιον & νῖνον synonyma esse, illud quidem græcorum proprium, istud vero indigenarū; hoc est eorum apud quos hæc planta nascitur.

Quamobrem retinendam esse priscam lectionem existimo, dicendumque Helenium illud de quo auctor lib. de Theriaca & Paul. Ægineta loquuntur, à vulgari herbariorum distinctam esse plantam; ac fortasse eandem cum illa quam Aristoteles, sive quis alius lib. 1. de plantis cap. 27. vocat βελόνιον, quæque si in Perside nascatur ὀληνθαιώδης existit, si in Ægyptum transferatur, edulis est. Hanc autem esse Perseam arborem multis conjecturis adducor ut credam; primo

Dele
châpii
cior.

enim veterum omnium sententia, est Dioscoridis, Plinii, Columellæ, Scholiastę Nicandri, Perseam arborem venenatam esse in Perside, in Ægyptum vero translatam edulem esse ac salutarem: Deinde fieri potuit ut propter venenatam ejus qualitatem Persę tela sua venatoria ea obli-nerent quam ob causam *βελόνιον* denominata est ἀπὸ τῆς βέλεως à vulnere vel à sagitta: à vulnere quidem, quia vulnera ab ea, inflictā lethalia erant; à sagitta vero quod ejus maximus usus ad sagittas inficiendas pertineret, ex quo forsan duo illa Galeni & Æginetæ loca emendari possent, si pro Helenio *βελόνιον* substitueretur, eadem cum Aristotele lectione. Pręterea certum est ex Diodoro Siculo libro primo biblioth. Perseam primo ex Æthiopia in Presidem translatam devictis à Cambyse Æthiopib⁹, à Persis vero missam in Ægyptum quod ea perituros multos existimarent, ut refert ex Rholo Democriteo Nicandri Scholiastes: idcirco arbos ea quod in signum victorię ab Æthiopia in Persidem translata sit, vocari potuit non *νίκιον* ut legitur apud Galenum & Æginetam, sed *νίκιον*, victrix herba ac triumphalis. Quod si conjectura nostra de *βελόνιῳ* pro *ἐλόνιῳ* minus probabilis videtur, erit forsan probabilior ea quę pro *ἐλόνιῳ* *ἐλόνιον* reponendum suadebit, quasi stirpem dixerimus miserabilem. Est enim primo, ut observatum est, apud Æthiopas & Persas venenata, & cum cruciatu primum genita; dein vero pœnarum causa à Regibus Persidos in Ægyptum delata, ut ejus esu multi interirent, quod potentissimum est miserabilis ac detestandę arboris argumentum. Enimvero licet isti de Persea *σοχασμοὶ* aliqua probabilitate non careant, non ita tamen mihi arrident, ut propterea velim asserere Helenium illud Gale-

ni & Æginetæ de Persea intelligendum : Imo vero vel helenium esse duco Ægyptium, cujus meminit apud Dioscoridem Cratevas, vel vulgare nostrum, quod ex Helenæ lacrymis Canopi Amyclei navium gubernatoris ab hæmorroide serpente demorsu exitium descentis natum & denominatum tradunt, quod frequens esse in illis regionibus præter ceteros significat Favorinus in lexico, Helenium definiens *βυτάνιον τὴν ἐν ΑΛΕΞΑΝΔΡΕΙΑ ΧΡΟΜΕΝΟΝ*, herbam Alexandria nascentem, quæ urbs ab ostio Nili Canopico non longè distat, Denominatio autem *τὴν ῥίην*, vel barbara est, quales solent esse pleræque, vel si ariolarilicet, corrupta à voce *ῥέικος*, quæ rixam & jurgium significat, ad quod solent propensi esse qui Helenium ederint. Non abs re erit locum afferre ex Ptolemæi Hephæstionis libr. 4. novæ ad variam eruditionem historiæ qui extat apud Photium biblioth. pag. 247. *ὅτι τῆς ΕΛΕΝΕΙΑΣ βοτάνης, ἢ ἐκ Ρόδου φέρεται; ὅτι τὸ ἀπὸ τῆς ΕΛΕΝΗΣ ἑπὶ τὸν ῥαῖον. Ὅσα γὰρ τὴν ῥαῖον ὠφεῖται, ἀπὸ τῆς ἑαυτῶν ἀπὸ τῆς ΕΛΕΝΗΣ, καὶ αἱ οἱ φαρμακοὶ αὐτῆς πάντως εἰς ἐὺν καὶ δίδανται.* Narrat, inquit, de belenio herba, quæ in Rhodo nascitur, ab Helena nomen hanc sumpsisse, visam enim ad eandem nasci quercum, ex qua se Helena strangularit, quin & eam qui ederint ad rixam omnino concitari. Quod autem dicat Galenus mixtum sanguini vulneratorum animalium Helenium lethale esse, fidem fortasse non excedit, cum multa intus sumpta, salutaria sint, quæ exterius admota sanguinique affusa cum fuerint, solent esse venena. *Venenum serpentis*, inquit Celsus libr. 5. capit. 27. *ut quedam etiam venatoria venena, quibus Galli præcipue utuntur, non gustu sed in vulnere nocent,*

Ideoque colubra ipsa intro ediuꝛ, ictus ejus occidit, & si stupente ea (quod per quedam medicamenta circulatorios faciunt) in os digitum quis indidit, neque percussus est, nulla in ea saliva noxia est. Celso adsentitur Plinius lib. 29. capit. 4. his verbis de veneno aspidum scribens, *Sed & venenum earum si sanguinem attingit aut recens vulnus, statim interimit, inveteratum ulcus tardius: de cetero potum quantalibet copia non nocet, non est tabifica vis.* Itaque occisa morsu earum animalia cibus innoxia sunt. Nonne tuto & impunè sinapi & piper eduntur, quæ cuti affricta rubores vesicasque excitant? hinc factum est ut nonnulli duo genera venenorum constituerint, alia externa foris nocentia tantum, quæ satis accommodato vocabulo à Gallis *Venins* vocantur; alia intro assumpta & devroata, quæ ab iisdem dicuntur *Poisons*. Cæterum locus ille Celsi occasionem nobis præbet sciscitandi quæ essent illa venena venatoria quibus Galli uterentur: Plinius libr. 27. capit. 11. *Limeum* esse herbam ait, qua sagittas suas in venatu tangebant medicamento, quod venenum cervarium dicebatur: Libro vero 25. capit. 6. *album* esse dixerat *helleborum*: Aristoteles autem libr. de mirabilibus auscultationibus, *Xenicum* cujus antipharmacum esset folium *κρηνηνον*: verior autem est eorum opinio qui eos usos *helenio*, seu *Βελενίω* asseruerunt, nomine deducto à Bele, seu Beleno qui prisco Druydarum idiomate Apollinem significat, cui dicatæ erant sagittæ. Dicebatur ergo illa herba vel sagittalis, vel Appollinaris, sed cujus speciei esset, nondum à Doctis definitum, mihi vero prorsus ignotum, quo fit ut omissa hac meditatione prolixius jam à me

instituta, ad Helenii nostratis historiam me convertam.

Quæ ergo à vulgo herbariorum Enula Campana appellata est, eam à Græcis ἐλέγιον, seu ἐλάνειον Nomen Helenii. dictam monuimus, nomine ab Helena illa formosa & famosa muliere deducto, vel quod ex ejus lacrymis enatam fingant ex ethymologio, vel quod juxta eam plantam strangulata sit, ex Hephestione, vel quod ab ea plantata sit adversus serpentium venenum, ex Æliano libr. 9. capite vigesim. prim. & Eust. in 4. Odyss. Malunt tamen alii denominatam ab insula Helena in qua laudatissimum nasci helenium tradit Plinius lib. 21. capit. 10. Latini Inulam Campanam dicunt, vel quod in Campania optima produceretur, vel quod mediis in campis cresceret. Dioscorides addit à Romanis *Terminalium* dictam fuisse; forsitan quod firma non minus esset radice quam Deus ipse Terminus, quem nulli deorum cedere voluisse, narrant Romanorum historia. Differentiæ Helenii duplices sunt: vulgare scilicet Helenium, & Aegyptium. Vulgare denuo duplex, sativum & agreste. Quibus autem notis inter se distinguantur, examinandum Botanicis relinquo, qui ex Plinio libro decimo nono ac vigesimo, capite quinto, necnon ex libro vigesimo primo capite decimo & vigesimo primo, plurimas notas iis quas Dioscorides, Theophrastus & Galenus attulerunt, dissimiles seligere poterunt.

Præstat Helenii vulgaris temperamentum in Temp. medium proferre & usus in re cibaria maximos sics. ad Salernitanorum sententiam confirmandam explicare. Esse vero temperamenti non primo statim occurso calefacientis, siccantisque non

exactè ob humorem excrementitium scripsit Galeus. Radix odorata illi est, subacris, amara, tenuitate partium pollens, qua urinas, menses, hydropicorum aquas movere circumfertur. Eam herbam per se sumptam ut stomacho inimicissimam agnovit Plinius libro decimo nono capite quinto, sed cum dulcibus mista est, saluberrimam. *Pluribus, inquit, modis austeritate victa gratiam invenit, Namque & in pollinem tunditur arida, liquidoque dulci temperatur, & decocta posca aut asservata, vel macerata pluribus modis, & tunc mista defrui, aut subacta melle usque passis aut pinguibus carioris. Alio rursus modo coroneis malis, vel cibus, aut prunis, aliquando pipere aut thymo variata, defectus præcipuè stomachi excitat, illustrata maxime Julia Augusta quotidiano cibo.* Ab ea dulcedine nectaris radix à nonnullis cognominata est; quæ, ut insuper observat idem Plinius libr. 21. cap. 21. *favere creditur formæ, cutem mulierum in facie reliquoque corpore nutrire incorruptam, præterea usu ejus quandam gratiam iis veneremque conciliari.* Attribuunt & hilaritatis effectum eidem potæ in vino, eamque quam habuerit Nepenthe illud prædicatum ab Homero, quo tristitia omnis aboleatur. Quibus verbis Plinius non significat helenium fuisse pharmacum quod Helena apud Homet. 4. Odyss. in vinum conjecit, sed docet ipsum, effectum eundem habere quem habuerit illud Helenes pharmacum quod supra buglossum esse astruximus. Hos vero effectus conciliandæ formæ, augendæ gratiæ, provocandæ hilaritatis, abingendæ tristitiæ, stimulandæ appetentiæ, quomodo præstabit nisi sana reddendo præcordia quibus valentibus humores & spiritus toto corpore luxuriant.

Vfus.

Oribasii
error,

Dioscori
emendatus,

lasciunt, ac exultant, languenribus vero & ægris deprimuntur & exarescunt? Quod autem supra dixi radicem Helenii, amaram esse, tractum ex Oribasio, qui pro *ὑπόκριμα* legisse videtur apud Dioscoridem *ὑπόκριον*, cum verisimile non sit prætermisum à Dioscorid. non levem amarorem Helenii, qui ab auctoribus aliis omnibus huic radici, vel gustu iudice tribuitur ex observatione Sarraceni ad cap. 27. lib. 1. Dioscoridis. Silentio præterea non involvam alium qui in vulgatis Dioscoridis codicibus scripsit errorem, cum ex eo emendato loco verum Helenii ethymon. elici possit. Legitur apud Dioscoridem nasci Helenium *ἐν ἀνίμοις τέποις*, id est locis minimè uliginosis, cum legi debeat *ἐνίμοις*, maximè uliginosis: Præterquam quod enim omnibus compertum est talibus locis Helenium delectari; certum est Serapionem humentibus locis nasci Helenium, ex Dioscoride scripsisse. Nec non etiam Viacentius speculi naturalis libr. 10. cap. 66. *Montuosus*, inquit, *& umbrosis nascitur in locis, & in humidis & in hortis*. Ex quo forsitan non male asseremus dictum Helenium, quod *ἐν ἑλῷ*, hoc est *in palude* nascatur. Video enim à veteribus Helenæ illius Græcæ proprium nomen Echo fuisse, quod aliorum illa vocem imitari egregie posset, sed postea Helenam appellatam, quod eam Leda *ἐν ἑλῷ in palude* edidisset. Cæterum Galenus libr. 8. de composit. medicam. secundum locos capit. 7. meminit alicujus antidoti ad hepaticos & arquato laborantes, quod *Nectarium* vocat ab Helenio quod recipit. Dioscorides quoque libr. 5. capit. 44. modum conficiendi *Nectarites vinum* ex Helenio tradit, quasi ea herba ob singulares effectus

um fictitio illo deorum nectare sit comparanda. Sane eam *Nectarium* illud esse volunt à Mercurio inventum & Ulyssi traditum, cujus prædulcis cremor hilaritatem facit, Hippocratis testimonio apud Hermol. Barbarum in Corollario cap. 28. sed de Helenio satis. Plura vide apud eundem Barbarum, Mathiolum, Marcellum, Cornarium comment. in libr. 8. de compos. medicam. secundum locos, Ruellium, Biscoliam horarum subficivarum. tom. 2. lib. 1. c. 17.

De Capis.

CAP. XLI.

DE Capis Medici non consentire videntur. Fellitis non esse bonas ait ipse Galenus; Phlegmaticis vero multum putat esse salubres. Non modicum sanas Asclepius asserit illas, Prasertim stomacho pulchrumque creare colorem. Contritis capis loca denudata capillis Sape fricans, capitis poteris reparare decorem.

Agitur hoc in loco de Capis: Ac primo quidem dicitur, Medicis de natura earum nondum satis constare. Nam ipsorum quidam phlegmaticis ex usu esse tradunt, quidam vero minime. Galenus libro secundo de aliment. facult. cap. 71. cholericis admodum nocere, phlegmaticis vero prodesse, his attestatur verbis: Abstinendum ab assiduo usu omnium acrium, seu ceparum, porri, & allii, & potissimum eum is qui ipsis vescitur, natura fuerit biliosus. Solis enim qui vel succum pituitosum, vel crudum & cras-

sum ac lentum acervarint, cibi ejusmodi sunt accommodati. Siquidem cæpæ, ut Galeno libro septimo de simpl. medic. facult. cap. 58. placeat, in quarto calefaciunt excessu. Quo fit ut calidis, quales cholericis cum primis existunt, vehementer officiant. Rhazæ vero libr. 3. ad Almanforem capit. 18. superfluos humores & phlegma in stomacho generant. Quod de illis maxime intelligendum, quæ crudæ manduntur. Earum namque essentia crassarum est partium, & mali succi. Porro per fellitos, quemadmodum Cornarius noster in cap. 7. lib. 1. Macri diserte admodum monuit, biliosos hoc loco accipere oportet, id est, τὸν χολώδεις, sicut per phlegmaticos, pituitosos. Deinde vero cæpas phlegmaticis multum prodesse traditur. Corpus enim calefaciunt, humoresque crassos ac glutinosos in ipso coacervatos concoquunt, attenuant, incidunt, ac detergant. Quin eadem etiam ratione, stomacho frigidis, crassis, ac glutinosis humoribus gravato utiles sunt, & ad validum colorem, veluti testis est apud Plinium lib. 20. c. 5. Asclepiades, proficiunt. Neque enim fieri potest, ut vividus ac floridus sit faciei color, ubi ventriculus crudo, pituitoso ac pravo succo refertus fuerit. Tertio demum loco adseritur, contritarum ceparum succo pilos sive crines locis glabris ac denudatis restitui, si eo sæpius perfricentur: & maxime quidem, si ex densatis infarctisque meatibus & materiæ sub cute detentæ corruptela, glabrities evenerit. Cæpæ enim caliditate sua meatus aperiunt, materiamque pravam sub cute detentam non solum digerunt ac resolvunt, sed meliorem etiam in locum ejus substituunt. Quapropter alopecie succo earum convenientissime perfricantur.

Celerius enim, ut Dioscorides libro 2. capite 137. Galenus loco paulo ante citato, & Alexander Trallianus libro 1. cap. 2. testantur, quam Alcyonium pilos evocat. Unde infertur tandem capitis decorem, quem Q. Serenus capitis honorem vocat, eo reparari. Capitis porro decor, capilli sunt. Cephæ præterea semen genitale gignunt, & Venerem stimulant, urinam cient, appetentiam ante alios cibos sumptæ excitant: sed largiore cibo capitis dolores faciunt, sitim movent, fastidium pariunt, ruborem faciei inducunt, salivam multam generant, & rationem, ut aliqui ferunt, lædunt. Succus illarum cum melle illitus, oculorum hebetudinibus, argemis nubeculis, & incipientibus suffusionibus auxiliatur. Quin etiam canis morfibz idem cum aceto, ruta, & melle illitus confert: quare hi quoque duo versus à quibusdam his additi sunt.

Appositas perhibent morsus curare caninos,
Si trita cum inelle prius fuerint & aceto.

Plura de his capite de lethalium venenorum remediis.

Animadversio.

INTER bulbosas plantas & capitatas quas Græci γέλας, ἀγλίτας & ἀγλίδια, Latini capitula, bulbos, nucleos & spicas vocant, primum dignitatis locum obtinent Cephæ, Allia & Porrum; de quibus sequentibus capitulis disputatio à nobis instituetur. Prius tamen meminisse debemus, quos hic bulbos vocamus, de omnibus iis plantis intelligendas esse, tum quæ ex multis capitulis cohæ-

Quid
bulbus.

rentibus coagmentatæ sunt, tum quæ rotundæ suis membranis tunicantur: nec nomen illud ad quandam specialem stirpem accommodandum esse, quemadmodum à veteribus præstitum fuit: habuerunt enim Prisci illi genus plantæ quod *Bulbos* specialiter vocabant, quos nobis esse ignotos certissimum est, quorum in cibis usum descripsit Gal. lib. 2. de aliment. facultatibus c. 66. Diosc. lib. 2. c. 565. Theoph. lib. 7. de historia plant. c. 13. & Martialis in Xeniis, qui stimulandæ veneri eos idoneos insinuat.

Cum sit anus conjux, cum sint tibi mortua membra,
Nil aliud bulbis quam satur esse potes.

Bulbo-
rum vi-
res.

Verum sicut genus illud plantę ad ullam eorum bulborum speciem qui hodie in usu sunt, revocari nequit, sic ejus virtus & facultas ad nostrorum bulborum facultates aptissimè accommodari potest: ut enim bulbi veterum, substantiæ erant crassioris & lentæ, facultatis amaræ & insigniter austæræ, flatulentæ, venerem & cibi appetentiam excitantis, succi non boni, sed crassioris: ita & bulborum nostrorum major pars, quibus etiam acre plurimum ammistum inest, sed in quo differant & conveniant, ex singulorum historia commodius observabitur.

Capæ
nomen.

Est ergo *Capæ*, seu *Capæ* à capitis magnitudine aut similitudine, vel quod in caput crescat, denominata Latinis, quemadmodum Græcis *κρόμμυον*, vel *ῥῆζα τὸ κρομμύειν ἢ ἐδόντων*; quod oculos comedentium feriat ac mordicet, ita ut lacrymas exprimat & connivere cogat ex Aristot. sententia probl. 22. sect. 20. vel *ῥῆζα τὸ ῥῆζω καὶ ὄμμα*, ex oculorum offensione ac læsione quam affert. Galli *Cæ-*
pam

pam vocant, *un Oignon*, quasi *unionem* dixeris, quo nomine appellatam fuisse eam cepam quæ non fruticat, neque habet soboles adherentes, scribit Columella lib. 12. c. 10. sic ut *oignon* dictum sit quasi *union* sonantibus n. & i. velut ign. cujus pronunciationis rudimenta etiamnum extant apud Hispanos quibus sic notata littera *g̃*. sonat perinde ac ign. Porro hæ omnes ethymologiæ formam ac proprietates nonnullas ceparum perbelle explicant. Nam & caput figura sua orbiculari æmulantur, & nonnunquam magnitudine sua caput exequant, quod in plerisque accidit, quæ in agro Aurel. *afferta unionaria* dicto & in Belgio ad D. Altomari oriuntur : deinde quod unæ & singulæ non plures succrescant, *uniones* appellatæ sunt, quod intelligendum de *capitatis*, quæ deponuntur, non de *scetilibus* quæ seruntur, præterea certissimum est cepas lacrymas excitare, cujus rei rationem protulit Aristot. loco adducto. Querit enim cur cæpe & objecta oculis & comesta lacrymas moveat, cum origanum aut nasturtium quod cæpe ipsa acrius est id non efficiat : respondet ergo ea lacrymas excitare quæ mordicant, simul humida existunt, ac etiam lenta ; ejusmodi enim subeuntia ac irreptantia suum ob lentorem atque tenuitatem dolorem movent, ac proinde humorem tabificant. Talis vero est cæpa ut in se humidum vaporosum contineat, deinde calidum subtile ac mordicans ; & demum viscosum nonnihil, quod non invenire est in Nasturtio licet cæpa ipsa acrius existat. Volo tamen te observare Aristot. hoc loco de iis tantum loqui quæ contactu potentiâli, non actuali ac corporali & ut loquuntur Græci quæ *δυσχέως* non *ερεπει* lacrymas movent. Nisi enim ita intel-

Pro-
prietates.

Cur lacrymas eliciat.

ligeretur, ignorantia argui posset, cum certissimum sit; inditum atque admotum oculis Nasturtium lacrymas excitare; quod illi comune est cum aliis omnibus quæ tertio ordine calefaciunt & desiccant; imo vero quo potentius aliquid calefacit & desiccet, eo citius oculis impositum lacrymas movet: est enim illud substantiæ mordacis ac lancinantis, ex quo primum calor, mox dolor, dein humoris expressio excitatur. At ejusmodi calida & sicca dumtaxat, si non immitterentur oculis sed exhiberentur tantum & objicerentur, id non efficerent: tum quia destituta viscoso humore adherere non possunt oculis ad actionem suam promovendam: requirunt ergo illa contactum corporalem seu inherentiam actualem quæ viscositatis rationem expleat: quod quidem non necessarium est in cepa quæ quod humida sit vaporem, de se dimittit in aërem, quod viscida & tenax, aërem vapore suo imbutum & ad oculos delatum sic agglutinat oculis & affigit, ut otium habeat calefaciendi, mordendi, pungendi & premendo exprimendi liquorem oculorum. Denique proprietas cepæ ethymo significata, est oculorum læsio atque offensio, qui tamen effectus absque controversia non est; cum gravissimos habeamus auctores qui oculis cepam prodesse dixerunt. Inter quos primus est Hippocrat. qui l. 2. de diet. *κεφάλιον τῆ ὀφθαλμοῦ*, cepam oculis commodam pronunciavit. Ab eo Dioscorides lib. 2. c. 181. Galenus 7. de simpl. Plin. l. 20. c. 5. eam caligini mederi dixerunt. Unus Scotion apud Constant. l. 12. de re rust. c. 1. *ἀμβλυομένη τῶν ὀφθαλμῶν* τὸ κεφάλιον afferuit; hoc est *caliginem afferre*, non vero ut male vertit Cornarius *ad usum obtrusum facere*. Est enim cepa re vera oculis inimica & capiti infesta ob vapores ac fumos quos susci-

An oculi
s no-
cat.

Cornarii
error.

tat & ad caput emittit. Est præterea pravi succi, crassioris ac flatulenti, ut idcirco mirum non sit si ejus esu largiore offendantur oculi & caput. Esu dixi, quia non assumpta sed admota oculis eos juvare potest: quemadmodum Hippocrat. Galenus & alii observarunt. Sic enim cum Sotione eos conciliari posse existimo, si de illius esu Sotio, si de applicatione alii audiantur. Plin. certe clarissimis verbis rem complexus est scribens, *olfactu ipso & delacrimatione caligini mederi cepam magis vero succi inunctione*, quod & Dioscor. & Galenus annotarunt. Quod vero Sotio de esu ceparum intelligatur, patet ex ejus verbis quæ ex nostra emendatione sic legi debent: *ἀμβλυοπῖαν ἢ πῖσι τὸ κεράμιον δίδωμι, ὅπῃ δὲ βῆχα διεσπύον*, id est, *capa vero exhibita caliginem oculo* *um pari, assata tamen tuſim curare potest*, quo loco *διδωμι* opponitur *διαχειρίναι* de quo ante egerat sicut apud nos *assumptum* *admo*, sed de his abude.

Auctor
geopō,
corre-
Aus.

Differentias ceparum qui voluerit omnes exequi, longa disputatione indigeat; cum aliæ à calore, à magnitudine aliæ, aliæ ab acrimonia, tene-ritudine, satione, mangonio, aliæ à figura, solo, regioneve reperantur. Nobis non tantum otii suppetit, nec video quid inde luminis huic capiti accedat, si omnia ceparum genera veteribus nota recenseam. Contenti simus sola earum enumeratione quarum usus est hodiernus. Has in triplici præsertim observo esse differentia: aliæ enim majores sunt solo bulbo commendatæ, quæ simpliciter uniones vocantur: aliæ minores sunt una radice multiplices, quas *Ascalonias*, sive *Ascalonitides*, *Megaresenses*, *Palestinas*, seu *Setaneos bulbos*, cum Latinis vocare possumus, cum Gallis *des*

Genera
ceparū.

Eschalottes, servatis prisca nominis Aschaloniae vestigiis. Tertiae *festiles* dicuntur quod saepius rescentur, Graecis *νιθια* Gallis, *Ceboules*, *Siboules*, *cives*, & *civons*, quarum folia una cum bulbis expetuntur frequenter in acetariis.

Tempe-
ramen-
tum.

Ceterum temperies in quarto ordine est excelsa facientium; siccitatis autem est non exquisita, tum quia nonnulla humiditate turgent, tum quia flatulenta existunt, crassarum insuper sunt partium, crudarum & lentarum, quibus tamen facultas inest tenuandi, incidendi, ac venerem exstimulandi. Acres vero omnes cepae sunt, quamvis aliae aliis minus. Magnae seu capitatae, acriores ascaloniis, haec festilibus, crudae coctis, recentibus ac virentibus siccatae, albae fulvis, fulvae rubentibus praesertim in Hetruria, ut observavit Mathioli adversus Dioscoridem qui flavas candidis acriores adstruxit.

Mira ceparum commendatio & gloria; cum Vetus in Aegyptiis quondam nefas fuerit portum & cepae cibis. dentibus attingere.

Porrum & caepe nefas violare ac frangere morsu,
O sanctas gentes quibus haec nascentis in hortis
Numina! ait Iuvenalis *satyr.* 15.

Ab illo enim falo cultu quo pro Deo cepam prosecuti sunt Pelusiotae Luciano in Jove Tragædo & Plinio lib. 19. cap. 6. testibus, ea sacerdotibus Aegyptiis superstitio fuit, ut crederent à cepa abstinentium, quia ejus esus neque castimoniam exercentibus commodus erat, neque dies festos celebrantibus: Illis quidem quod sitim crearet, his quod lacrymas eliceret, ac praeterea etiam quod sola haec ex plantis Luna decrescente vigere & augescere soleret, ex Plutarcho opusculo de

VALETUDINE.

301

Isid: & Osiride, & ex Cēlio Calcagnino de rebus
 Ægyptiacis. Contra, quod Ægyptiū senserint
 mandi copiosissime cēpam, visum est Sotioni apud
 Constant. loco citato, cum iis qui singulis diebus
 cēpas tenuiores selectas jejuni cum melle come-
 derint, integram valetudinem polliceatur. Et pro-
 fecto Diosc. l. 2. cēpas appetentiam cibi excitare
 dixit, alvo commodas esse, & expurgare, sed ex-
 citare sitim atque nauseam parere. Quibus verbis
 induci aliquis posset ad sciscitandum quomodo
 appetentiam cibi excitare valeant, cum nauseam
 parere soleant. Cui responsum nolim cum Ruellio
 atque Hermalao Barbaro, ὁπερ illam seu appeten-
 tiam, non de cibi sed de veneris cupiditate audien-
 dam. Hactenus enim nemo est qui ὁπερ ad vene-
 rea traduxerit, sed ad ciborum appetentiam quod
 apprime cognovit Poëta Latinus eo usus vocabulo
 in hunc sensum: *rabidam*, inquit, *facturus orexin*.
 Satius itaque est cum Cornario respondere prius
 illud de moderato, posterius de nimio cēparum
 esu accipiendum. Tam enim certum est, gulæ stu-
 pidæ irritamentum esse cēpam parce sumptam,
 quam verissimum eandem largius ingestam *ἀσθέν*
 esse, hoc est *fastidium ac nauseam facere*. Porro
 cum *ἀσθέν* ægri dupliciter fiant. Primo scilicet
 cum vires à corpore ita gravantur, ut nullam de-
 cubitus formam facile ferat æger, sed anxie se
 jactet & commoveat; secundo cum os ventricali
 à vitiosis humoribus ita commordetur, ut nausea
 & fastidium ciborum sequatur, de priori illa an-
 xietate non est accipiendus ille cēparum effectus
 sed de posteriori, qui proculdubio sequitur vel
 acrimoniam cēparum vellicantium os ventricu-
 li, vel earundem copiam ventriculum ipsum gra-
 vantium, vel denique halitum & flatum qui ab

Anxie-
tas.

eisdem excitatur, & ori ipsi offertur non sine
 tedio ut optime prodidit Plin. lib. 19. cap. 6. Hinc
 Suidas vocabulum *κερμυνοῦρεμίας ἀπὲρ ἀπαφίας*,
 pro cruditate positum observat ex eo, quod acer,
 foetidus & ingratus sit ruscus eorum qui cepas
 comederunt: quin *γύλιος*, hoc est *pera militaris*
δυσωδὴς dicta fuit, hoc est *maleolens* propter ge-
 stationem ceparum in ea repositarum: cepas
 enim ad bellum ferre solebant milites, ac inter
 cibos castrenses enumeratae sunt à Socrate in
 Xenophontis symposio, utpote quae bellatorum
 vires exacuerent. Imo vero à foetore ceparum
 proverbium fluxit, *κερμυνον ἔχεν cepam olere*, ad
 eos detortum, qui sordidi, illoti, & illiberales
 existunt. Probulus apud Aristophanem in *Lis-
 strata* vetulae cuidam dicit, *uolo teo vetula osculari*,
κερμυνον τ' ἀπὲρ κῆδ' cepam enim non edis, ac
 proinde malum odorem ore non spiras. Quocirca
 non absurdum esset ad sententiam Discoridis illu-
 strandam, loco *ἀσώδ' η, δ' ὁσώδ' η* substituere; clara
 enim sententia & à contradictione penitus alie-
 na. Ut ut sit tamen, certum est & delitiis habitam
 cepam, & salubritati non ineptam. Docuit Ascle-
 piades salubrem adeo ut de ea dictum sit *σώδ' η
 ἔχουσι κερμυνον λαβών*; *sanus eris si cape tantum sum-
 pseris*. Quaedam autem gentes cepis delectantur:
 Vascones, Arverni, Belgae, Angli, totaque Ru-
 sticorum natio earum condimento mire capiuntur.
 Quidam etiam gallinaceos pullos, perdicef-
 que ex embammate cepato mandunt: alii crudis
 delectantur; multi sub cineribus coctas ex oleo
 acetove esicant, frigunt plerique, decoquunt
 nonnulli, terunt, exprimunt, torrent, minutim ce-
 dunt, miscent, miris denique modis conficiunt.
 Adjiciuntur salutariter leguminibus, piscibus cras-

Diof-
 corid.
 cori-
 ctus.

sis, flatulentisque eduliis, discutiant enim flatus & crassum crudumque succum qui ab his gignitur dissipant. Sed modus adsit oportet & delectus.

Nec majori copia ingerantur, nec sine coctione. Interdicantur vero biliosis naturis, ventriculo calidiori, inbecilloque cerebro predictis. Ab illis studiosi litterarum abstineant; quum αὐτῶν τῇ λογικῇ βλαπηκοί, hoc est mentis & rationis perturbatrices prohibeantur. Traditum à Mnisitheo Medico apud Plut. 26. quæst. causarum naturalium, eum qui ab initio inflammationis pulmonum cēpas concupierat ex morbo servatum, qui vero ficus optarat, interiisse, præterea quod appetitus ipse temperamenta, temperamēta vero affectiones sequantur. Notum Biantis apophthegma apud Suidam, qui Alyattæ Regi per nuntium missum denunciante, ut quamprimum ad se veniret, respondit ad hunc modum ἐγὼ Ἀλυάτῃ κελεύω κρέμνυα εἶδέναι, quibus verbis rusticitatem homini exprobrabat, cēparum vero inutilem usum præter lacrymas excitandi virtutem designabat, in quotamen errasse Biantem ex dictis notum. Multa alia de cēpis habent Aristot. sectio 20. problem. Mizaldus l. 2. de secer. hortorum & campo. 2. Alexi Kept. Petrus Hispanus com. in Isaacum. Cæl. Rhodiginus & Botanici omnes; ex quibus multa adduci possunt ad probandos omnes effectus qui in hoc capitulo ex Macro Poëta transcripta enumerantur: nobis quæ ad rem alimentariam pertinerent sufficit perstrinxisse.

De Porro.

CAP. XLII.

Mac. l. **R** Eddit fœcundas mansum persape puellas,
 I. c. c. Manantemque potest naris retinere cruorem,
 Ungas si nares intus medicamine tali.

D Uæ hoc in loco porri referuntur proprietates : ac prior quidem, quod imprægnandi facilitatem utentibus mulieribus pariat atque ne abortiant gravidæ prohibeat. Quod sane magni etiam Hippocratis autoritate Plin. lib. 20. c. 6. in hunc modum scribens confirmat. Hippocrates de morbis mulier lib. 1. & 2. & alibi sæpius, sine alia mistura dari jubet, vulvasque contractas aperire putat, fœcunditatem etiam fœminarum hoc cibo augeri. Idque non in cibo tantum sive potu, sed illitum quoque & foris admotum præstat. Ponitur enim in aceto & marina aqua, ejus coma, decoctoquo illo insidentium fœminarum præclusi duratique loci utiliter soventur, folia quoque porri muliebres locos, qui nimio humore madefcentes fœtum haud continere valent, egregie purgant. Item ex abortu profluvia sistit, poto succo cum lacte mulierum.

Alter, aquod sanguinem è naribus erumpentem sistit, & maxime quidem succus ejus cum aceto, addito thure aut ejusdem manna, vel galla aut mentha. Idem quoque sanguinem rejicientibus cum gallæ aut thuris farina vel acacia auxilio est. Quin etiam potæ seminis drahmæ duæ cum paribus myrthi baccis, veteres sanguinis ex pectore

rejectiones sanant. Acrimoniam enim quandam habet porrum, & adstringendi aliquam vini, sed semen acrius est. Plura infra cap. de antidotis venenorum.

Animadversio.

A Ffine cepis est *Porrum*, adeout demptis tunicarum involucris capitulum ejus interius Cor vocatum capam perbelle referat, foliis, aliàs floribus, caule & semine non multum dissimile. A calore Græci nomen illi dederunt *περάσιν* quasi *περάσιν*, sive *περάσινον* hoc est *viride* vocantes, Latini vero vel quod *porrò eat*, & longè lateque propagetur, vel quod callosam ossium capitis ferrumina- torû concretionē æmuletur, denominarunt *porrû*. Dicitur & à Jurisconsulto Scævola l. 58. ff. de usu- fruct. *porrina* eodem Ethymo. Genera ejus non- nullis duo: *capitatum*, & *sectivum*, aliis quatuor ad- ditis, ampeloprasso, seu sylvestri, & primario seu exili, quod Itali purifellum hoc est intactum no- minant. Ut cepa, sic porrum acri virtute donatum est; proinde corpus calefacit, attenuat, crassos in eo humores incidit: est vero calidum & siccum gradu tertio, flatulentum, *κακοστόμαχον*, difficilis digestionis, succi pravi, *κακαλαλγίς*, menti & oculis tenebras offundens. Non possum idcirco probare ejus usum in cibis frequentem, licet non- nulli eo usos saluberrimè se profiteantur. Thadæus Florentinus magni nominis Medicus ante cibum cum sale ipsum præsumebat expurgando à crassis viscosisque humoribus stomacho, provocandæ appetentiæ, alvoque solvendæ. Illi quoque aucto- ritatem dedit Nero mandens ipsum ex oleo statis

Nomé.

Genera.

Tempe-
ries.

mensium diebus ad conciliandam vocis præstantiam, dum pro ea certaret cum Phonasco, per quod tempus nihil aliud ac ne panem quidem sumebat, ut prodidit Plinius lib. 19. cap. 6. Sic & perdicēs narrat Aristoteles porro vesci, canoræ vocis gratia. Locus Aristotelis habetur problem. 39. sect. 11. ubi querit cur porrum conferat. *οὗτος δ' ἐρωτᾷ* ad bonam claramque vocem etiam in perdicibus: Duasque subjungit ejus rei rationes; vim leniendi & expurgandi instrumenta vocalia; quæ medendi ratio ipsi Galeno probatur lib. 6. *κατὰ τὸν* cap. 1. quo loco Phonascos docet cum contendendo oblaserint vocem, frequenti aquæ tepentis balneo uti ad leniendas & humectandas partes resiccatas atque exasperatas. Sed cum inde humiditas multa relinquatur ob quam impossibile est claram vocem ab eis proferri; tum reliquum est ut transeant (ait Gal.) ad omnia ex melle cocta, & ad fabam fressam elixatam, & ptisanam ac brasicam & porrum probe coctum, quæ omnia detergendi atque expurgandi facultatem possident. Cum autem Galenus lib. 2. de alimentorum facult. cap. 71. capam, allium & porrum cruda, nullum corpori alimentum dare, cocta bis terve omnino paucissimum tradiderit: cum Dioscorides & Simeon Sethi *κακόχυμον καὶ κακοσόμαχον*, porrum vocaverint: Cùm Sotio apud Constant. lib. 12. cap. 29. comestum porrum visum offuscare & stomacho iniquum esse scripserit; mirari subit quomodo idem Sotio sui oblitus in fine illius capitis porrum non minus nutrire quam carnes, his verbis asseruerit: *τοῖς περὶ τοὺς τεχνῆσις πένου χεῖρ' ὡς περὶ τῆς τελεῖς δ' ἔχ' ἡ πον χρεῖαν*: porris, inquit, valde flaccidis & vietus utendum est, non minus enim quam carnes nutriunt, quo quæso quid

esse absurdius potest? quid à mente omnium medicorum alienius? quid verbis Sotionis paulo ante adductis repugnans magis? quid denique ipsi veritati pugnātius potest excogitari? Cum vero tam supini erroris Sotionem accusare non possim, qui in cæteris porri facultatibus explicandis diligentissimum & doctissimum sese ostenderit, mihi venit in mentem corrupti Græci Codicis, & loci illius depravati. Quamobrem duplici conjectura ad eum locum restituendum usus sum, quarum prior mihi non facit satis, alteram verissimam esse quovis pignore contenderem. Imprimis ergo loco ταχνης, ταειχης vel ταειχνης substitui potest; quæ verba corpus aliquod sale vel muria conditum designant. Certum autem est ex Gal. loco citato capas & porra aceto condita in totum annum reponi, fierique hoc modo in cibo præstantiora ac minus habere vitiosi succi: ex quo sententia hæc ex verbis Sotionis intelligitur bonum esse uti porris conditis, quod minus non nutrant quam carnes, ipsorum scilicet porrorum recentes ac virescentes. Sed verus erit sensus si κρεων commutes in καιων, erit enim & perfecta sententia & veritati apprimè consona: *Convenit, inquit, uti porris vietis ac flaccidis, cum non minus nutrant quam recētia ac viridia,* opponitur enim καιος vetustati & illud ὅ ostendit posteriora priorum esse consequentis. Licet vero porrum alimenti sit vitiosi, mandi tamen solet à rusticis crudum coctumve. Editur enim ex sale pani affricum ad emolliendam atri panis ingratitudinem. Suavius salubriusque evadit decoctum cum carnibus, sicut gallinarum, caponum, vervecum, adjecto croco Biliosus tamen, & calidioribus naturis, quibusque infirma sunt capita, perpetuo vitandum, cum bilem porraceam in ventricu-

Auctor.
rei rust.
emen-
datus.

logeneret, graviorque ac tumultuosa faciat insomnia. Venerem ipsum stimulare atque accendere, omnium est consensus ac naturæ ipsius decretum, quæ porrum adeo seroto simile effecit ut proverbio bierit; *περίσε φύλλω τὸ ἄλγος ὅταν δίδεται βαλάντιον*, *marsupium amorum seu cupi dinum vinctum esse porri folio*, quod de iis dicitur qui luxuriose vivunt venereisque voluptatibus totos se dedunt. Commendatur etiam à Salernitanis & à Macro ad fœcunditatem mulieribus conciliandam; quod præstare solet sua deterfione: cum enim sterilitas ut plurimum in mulieribus accidat ex mucosis, viscosisque; humoribus uterum obsidentibus; quorum vitio fit ut semen maris nec retineatur nec ad actionem promoveatur: sua acrimonia & detergendi virtute porrum ita expurgat illuviem illam, ut purus restitet uterus; & ad retinendum amplexandumque semen validissimus. De medicamentis sanguinem cohibentibus, eorumque variis differentiis consulendi Therapeutici.

De Vrtica.

C A P. XLIII.

A Egris dat somnum, vomitum quoque tollit, & usum.

Illius semen colicis cum melle medetur.

Et tussim veterem curat, si sape bibatur.

Frigus pulmonis pellit, ventrisque tumorem;

Omnibus & morbis ea subvenit articulorum.

Mac.
lib. 2.
cap. 2.

Som-
mus.

Hic septem recensentur facultates Urticæ. Ac prima quidem, quod somnum ægrotantibus

VALETUDINE.

509

accersat. Crassos namque & pituitosos humores, quibus natura gravata sommo destituebatur, extenuat, incidit, & privatim expurgat.

Secunda, quod vomitum, simulque usum ejus tollat. Lentam enim & frigidam materiam, qua stomachum imbiente, nausea ac vomitus plurimum suboriri solent, incidit, exsiccat & dissolvit.

Vomit.
tus.

Tertia, quod Colicis medeatur doloribus : nam præterquam quod crassum pituitosumque humorem incidit & extenuat, crassos quoque & flatulentos spiritus, qui exitum non habentes colicos excitant cruciatus, discutit & expellit.

Colico:

Quarta, quod veterem curet tussim. Crassos enim viscososque humores è pectore pulmoneque educit : qua ratione orthopnœæ quoq; & lateris doloribus prodest, & maxime quidem semen ejus cum melle delinctum, quemadmodum 2. canon. cap. 725. in eum prope modum scribens Avicenna arestatur : Quando cum ptisana sive aqua hordei decocta bibitur, vitia pectoris extrahit, & folia ejus cum aqua hordei decocta thoracem à lentis crassisque humoribus expurgat : sed semen cum melle delinctum ad omnia efficacius est.

Tussis.

Quinta, quod frigora pulmonis pellat : humores namque frigidos ac pituitosos caliditate sua, incidens, simul & extenuans, ex pectore pulmoneque educit.

Sexta, quod ventris tumorem discutiat atque fedit : Crassos enim ac flatulentos spiritus, quibus venter distentus in tumorem attollebatur, dissipat atque resolvit.

Septima, quod omnibus articulorum doloribus, arthritidi nimirum, ischiadi, & podagræ subveniat : præcipue quidem, si provenerint à lenta, crassa ac frigida materia, eam enim urtica

Podagræ.

calefacit, incidit & extenuat. Ad hæc urtica flatuosum etiam quiddam obtinet, quo & Venerem extimulat, & maxime ubi cum passo aut musto semen ejus bibitur. Eodem modo potum, & vulvæ ora patefacit, urinam ciet, renumque doloribus medetur, Ventrem modice subducit, ipsa duntaxat abstersione ac veluti titillatione, non purgatione, crudum ac pituitosum humorem educens. Ducit sæminis præterea menses foliorum urticæ decoctum, & addita exigua myrtha potum. Cavendum tamen ne linguam œsophagumque lædat, nimium enim exurit: quod commode quidem fieri poterit, si post sumptionem ejus, parum olei rosacei absorbeatur. Est autem urtica cum semine suo calida in principio tertii, sicca vero in secundo, licet semen minore paulo, quam herba ipsa, siccitate participet. Plura Dioscorides libro quarto capite septuagesimo nono. Plinius lib. 11. c. 13. Galenus lib. 6. de simpl. med. facult. c. 13. Paulus lib. 7. Rhazes lib. 3. ad Almansozem, c. 28. & Avicenna loco citato.

Animadversio.

EX omnibus plantis *urtica* notissima est cum non modo interdiu, sed etiam noctu in tenebris solo tactu ab omnibus facillime cognoscatur. Ejus enim lanugo sine ullis quod mireris, spinarum aculeis noxia, & tactu tantum levi pruritus pustulasque adusto similes excitat. Eam latini ab *urendi* effectu urticam denominarunt, Græci non dissimili ratione modo *κνίδω* modo *ακαλόφλω*; *κνίδη* enim ἀπὸ τῆς κνίξεν quod *pungere*

VALETUDINE.

311

ac vellicare est deductum : ἀκαλύψῃ vero κατ' εὐρηματικὸν τῆς ἀντιφράσεως, ut loquitur Athenæus libro tertio hoc est bono omine per antiphrasim. dicta est, ut pote quæ tactu, nec suavis, nec mollis, sed injucunda & aspera sit, vel quod injucundo sit tactu ὅπ' ὁ καλὸν αὐτῆς ἀπιδεῖ, vel denique quod ἀπολῶσα τὴν αἰσίν, quod tactus sensum corrumpat. Suidas tamen hanc ait esse inter τὴν κνίδιν καὶ τὴν ἀκαλύψην differentiam; ut κνίδιν de urtica dicatur, quamdiu tenera est, ac ut ita dicam infans & virgo; cum vero habet matres, ipsas feminis sphaeras, ἀκαλύψεως nomen sumit: & ex hac observatione occasionem sumit explicandi locum difficillimum qui habetur apud Aristophanem in Lysistrata in choro mulierum quem perstrinxit Athenæus, & perperam exposuit Dalechampius: tu apud Suidam quære in voce τῖδιν & apud Eustath. in Odyss. pag. 1485.

Siccam & calidam urticam omnes quidem assentiuntur, sed quo gradu non consentiunt. Alii eum, ut Avicenna, in principio ordinis tertii calefacientium, in secundo desiccantium constituunt, alii in secundo ordine intenso calidorum, & in medio secundi exsiccantium, alii denique in tertio ordine tam desiccantium quam excalefacientium eam collocant; quod veritati consentaneum videtur, cum manifesto & mordicet & urat. Mirari tamen subit Galenum, quod lib. 6. simpl. scribat urticam, non tantum habere caliditatem ut jam mordicet; nec inter vehementer calefacientia reponendam vel hoc argumētum quod crassos viscososque humores ex pectore pulmoneque educat, tum quod in partibus quas contigerit, pruritum exciter. An dicen-

Vrentia
medi-
camen-
ta

dum in urtica considerari superficiem lanuginosam, ac præterea interiorem substantiam; ac ratione quidem illius substantiæ non urere, ratione vero lanuginis mordicare? Ex quo Averroes quinto collectionum errare ait eos qui urticam igneam esse ob suæ punctiōis acumen credunt, quoniam pars illa ignea superficiaria sit, quæ per frictionem & præsertim per lotionem removeatur. At asserendum potius duco ex Galeno libr. 5. simpl. c. 15. urentium medicamentorum duo esse genera, alterum quidem non vehementer calidum, & tenuis substantiæ: alterum vehementer calidum, & substantiæ crassæ. Illud carnem eliquat levi cum morfu & dolore, sed crustam non efficit: hoc vero erodit, exedit, excruciat: atque ex hoc postremo genere non est urtica, sed ex priori, quia ut observat Galenus *tenuium est partium*, quarum proprium est ut facile penetrent; quod autem facile penetrat, id non præstat violenter, quo fit ut minor dolor adsit, & levior naturæ alteratio.

Vfus in
cibis.

Condedit laudes urticæ Phantias physicus, utilissimam cibis coctam inveteratamque professus. Incipiens quidem ipsa nasci Vere, non ingrato, multis etiam religioso in cibo veteribus fuit ad pellendos totius anni morbos. Nostri quoque sæculis tenera adhuc ac pullulans in acetariis adhibetur, & cum aliis herbis quadragesimali tempore frixa editur. Radix cocta cum carnibus eas teneriores facere creditur. quo fit ut venatores, aucupes, piscatores pisces, quadrupedes, & aves recens captas urticæ foliis involvant, ut minus & tardius corrumpantur. Sunt quæ iure pinguum carniū coctam urticam

VALETUDINE. 513

ticam fumant ad subducendam alvum. Tanti-
 eam fecit Hieronymus Tragus, vir in describen-
 dis plantis diligentissimus ut ab ea herbarium
 suum auspicatus sit, seu quod usum & in cibis
 & in medicamentis maximum eam præstare
 plantam crederet, seu quod eam pro sigillo à
 majoribus suis accepisset ex observatione Mel-
 chioris Adami in ejus vita. Attamen pauci es-
 se nutrimenti & omnino exigui, prodidit Ægi-
 neta. Diphilus Siphnius alvo ducendæ com-
 modam duxit, non tam purgando, quam ab-
 stergendo, actitillando: Juvare quoque stoma-
 chum voluit, & lotium provocare. Inter nu-
 trientes herbas nominavit Horatius epistol. li-
 bro primo, cui etiam stimulandæ veneris fa-
 cultas insit, hinc *si quadrupes foetum non ad-
 mittat, urtica naturam fricandam monstrat.* Mi-
 rum autem est urticam extrema superficie cale-
 facere & urere, interno succo febriles cordis
 æstus mulcere: Cumque levi tactu pruritus
 excitet, oleo suo quod in Ægypto extrahitur,
 remediæ est. Præterea urtica cum esse invilius
 nil possit, & ipso appulsu pustulas externo in
 corpore attollat; mandi tamen solet innoxie
 & sine pruritu ventriculo admitti. Est quippe
 nonnullorum ea indoles ut exterius admota læ-
 dant, interius assumpta nequaquam, & vice
 versa alia quæ ingesta ulcerant, apposita non
 lædant. Prioris generis est synapi, urtica, allium,
 cape: posterioris cerussa & centaurea. An il-
 lorum causam dicemus esse quod medicamenti
 agere proprium sit, alimenti vero pati: quæ vero
 introlumuntur per modum alimenti se habere
 quod multis alterationibus à sua natura rece-
 dant, & ad naturam corporis assumentis pro-

Nota.

pius accedant quæ autem admoventur, medicamenti rationem induere? An statuendum copia pituitosi humoris in stomacho restagnantis reprimi & refringi eorum medicamentorum acrimoniam, quod in cute non contingit? an potius dicendum recipi illa in ventriculi cavis admiscerique aliis alimentis, sed ventriculi substantiam non attingere, sicut admota cutim tangunt? at omnis actio per contactum. Denique asserendum-ne est assumpta diu non morari in uno loco; nec firmiter adherescere ventriculo, sicut admota exterius diu firmiterque affixa cuti hærent: omne autem agens requirere tempus debitum ad suam operationem? Quod ad cerusam & centauream attinet, exterius admota leniunt, introsumpta ulcerant, quia cum sint crassarum omnino partium, valido calore indigent ut attenuentur, & ad actum promoveantur: talis autem calor non existit in cute; quin ibi debiliior est, sed reperitur in ventriculo, ubi potentius micat. Vide Petrum Hispanum comment. in diætas particulares Isaaci, Pet. Aponensem comment. ad problema 22. sect. 20. Fabium Columnam minus cognitarum stirpium parte altera capit. 19. & animadversionem nostram de Helenio cui ista luminis ad instar esse poterunt. Cætera repetantur ex comm.

De Silere Montano.

C A P. XLIV.

Siler Montanum non sit tibi sumere vandum,

VALETUDINE.

315

⁂, *Dat lumen clarum, quamvis gustu sit amarum.*

⁂, *Lumbricosque necat, digestivamque refortat.*

Animadversio.

QUamvis major Herbariorum pars *Silv* Montanum idem cum Sefeli Massiliensi faciat, malo tamen hic cum Dodonæo longe diversum à Sefeli credere, & idem planè cum Ligustico constituere: quod dotes hic descriptæ magis propriæ sint *Ligustici* quam *Seseleos*; quam herbam non lego in ciborum usum advocatam fuisse, sicut Ligusticum fuit. Est vero *No- λιβυσικόν*, seu ut placet Galeno *λιβυσικόν*, à *Ligu- men.* ria ubi nascitur plurimumque crescit, denominatum, in Apennino scilicet Alpibus contermino. Incolarum nonnulli *πανάκειαν* seu *πάρικας* vocant, quod & radice & caule Panaci Heraclio dissimile non sit, iisdem vero facultatibus præditum. Primò unius generis fuit: nimirum sylvestre, postea autem seri in hortis cæpit, & studiose coli, ne ex India longinquisque locis repetendum esset, quod sapore piperis obsonia & pulmentaria eorum temporum commendaret. Ejus enim semine pro pipere ubique usa est antiqua & rustica plebs, sed in sylvestri vis major, in sativo Igustus suavior. Temperie aiunt *Tem- esse calida & sicca ordine tertio, sapore acri, peries.* odore aromatico. Usus in cibis ad oxypora sic dicta quod aceto condita ad intinctus servarentur, quemadmodum scribit Columella ultimo cap. lib. ultimi. Radice semen est efficacius ut- *Usus.* pote siccius, calidius atque acrius. Adulteratum.

Kx ij

quondam fuisse semine aliquo simili quod amari-
tudine in gustu deprehenderetur, prodidit Diof-
corides. Quod etiamnum hodie fieri à Liguri-
bus fœniculi admistione, narrat Brassavolus in
examine simplicium medicamentorum, ubi quo-
que hodie pro pipere in condimenta venire ad-
vertit, seseque conditum ferculum libistico sa-
tis gratum Gennæ comedisse, ut vero ori gra-
tum est, sic stomacho amicum concoctionem
adjuvando, tumores & ejus inflationes discuti-
endo, vermes enecando. Ex eo vero quod urinas
moveat, & serosam sanguinis illuviem repurget,
tum etiam ob ejus fragrantiam, spiritibus reficien-
dis reparandisque opportunam, oculis gratissi-
mum perhibetur.

Vulgi Herbariorum hodierna die pro sileri
montano sesele Massiliense usurpant ut & offi-
cinæ nostræ. Est enim *Siler* nomine affine vo-
cabulo *Sil* sive *Sile* quod alio nomine Sesele ap-
pellatur. Herba cujus radice, vel semine olim
vina condiebantur, quæ antemeridiano tempo-
re loco jentaculi hauriebant. Unde *Silatium* ve-
teres dixere, pro eo quod nunc vocamus jenta-
culum.

De Spinachiis.

C A P. XLV.

” **D**E cholera laeso spinachia convenitori,
” Et stomachis calidis hujus valet esus
amari.

Animadversio.

FX oleribus hoc unum frigidum à Salernitanis perstringitur, quod illi Mauritanorum doctrinam sectantes, calidorum usum magis quam frigidorum probarent. Deinde vero ita passim ab omnibus cognosci & usurpari lactucam, portulacam, cichorium, atriplicem, oxalydem pro comperto habebant, ut superfluum ducerent vulgaria illa annotare atque describere. Sed & fortasse Villanovanus ea ipsa prætermisit quod alias de iis egisset, nec commendando operi multum ea profutura judicaret. Est autem *Spinacia*, *Spinachia*, & *Spinaceum olus*, No-
men. herba veteribus incognita, sic dicta ab insigni seminis spiculorum nota, quod tam glabræ aut mollis herbæ semen in spinas occalescat: vel potius quod spiculatis velut sit foliis ob varias eorum incisuras atque dearticulationes. Græci recentes *σπινέκιον* vocant, seu potius *σπανάχιον*, vel à raritate quod raro ea herba Medici utantur, vel ab *Hispania*, forte quod inde primum duxerit originem, ad cæteras tandem nationes translatum, ex quo factum est, ut Mauritani & Arabes ipsum Hispanach, id est, Hispanicum olus appellarint. *σπινάκιο* meminit auctor Anonymus de vulpe & lupo his verbis:

Καὶ ρόρτονέ με λάχανα, σέλινα, καὶ αὐτίδια

Σπινάκια, καὶ μαρούλια, ῥάπανα, καὶ κρεμνίδια.

Onera me, inquit, *oleribus*, *apio*, *autidio*, *Spinacio*, *marulio*, *raphano*, & *capa*, quæ omnia partim vulgaris sunt notitiæ, partim obscuræ:

318 DE CONSERVANDA

nec enim proprie quid sit autidium, & marulium satis perspectum: & autidium quidem plane ignoro nisi fungum quis interpretari velit, quasi *αὐτήμιον* ab *αὐτήκα* extemplo, è vestigio, continuo significans, quod fungorum proprium est, qui una nocte confestim erumpunt: *μαρέλιον* autem seu ut vult Meursius in glossario Græco barbaro *μαϊύλιον*, *edulii genus est tota quidem æstate, sed mense potissimum Maio confici solitum*, cuius meminit Ethymologi auctor, Suidas, Hesychius & auctor Geoponicorum libro duodecimocapite primo, sed Ethymologicus, Suidas & Hesychius *μαϊύλιον* vocant, auctor Geoponic. *μαρέλιον*; Simeon Sethi in syntagmate *μαρύλλιον* quod idem esse cum *δειδακύνη* sive lactuca innuit. Spinaciorum duo genera sunt: sativum & sylvestre. Sativi item duo: mas & fœmina: ille semen fert, hæc floret quidem, sed seminis infœcunda sterilefcit. Humidum hoc olus planè ac frigidum ordine fere secundo, humidius tamen & aquosius paulo quam frigidius, sapore omni expers est, cito descendit & alvum emollit, à qua emolliendi vi à nonnullis *Seutomalache* quasi *malvaceam betam* dicas, denominata fuit; ab aliis *seutolapathum* quod mediæ sit inter betam & rumicem naturæ. Isaac in diætiis particularibus ventrem humectare eam herbam, stomachoque meliorem quam atriplices scripsit; quia scilicet minus humida est, & minus unctuosæ: at humiditate, unctuositateque nimia stomachus languet ac laxatur, siccitate roboratur. Quia tamen multum humida est, idcirco flatus colligit, & vomitiones concitat, nisi excrementitius humor abjiciatur. Quod ut fiat citra aquam coqui de-

Gene-
ra.Tem-
peries

bet cum sponte magnam vim humoris inter co-
quendum ex se effundat. Proinde dicitur jus
alienum aspernari proprio contenta; qui coquit
cum aqua nativum & genitalem illius succum
corrumpit, ac temere inebriat. Jeuniis qua-
dragesimalibus frequens ejus usus esse solet, vel ^{usus}
frixum cum butyro aut oleo, sale & omphacio,
ac etiam piperis momento, vel in olla cum pi-
neis, uvis corinthiacis, butyro ac sale cocta. Edi-
tur quoque in acetariis cruda, enata recens, prius
scilicet quam latiora ei subnata fuerint folia.
De cætero alimenti est exigui, flatulenti ac nau-
seabundi, nisi aromate aliquo conditur. Quod
autem dicitur convenire *ori leso de cholera*, tra-
ctum ex Isaaco qui eam gulæ à sanguine ac
flava bile dolenti mederi admonuit, quem usum
agnoscit quoque Mathiolus, coctam eam lenire
exasperatas fauces asserens, cujus quoque rei
gratia ejus bibitur jusculum conditum oleo amyg-
dalino dulci aut butyro. Sunt qui aquam ex hac
planta vitreis organis eliciunt, & ad ciendos su-
dores plurimum valere prædicant.

De Salice

C A P. XLVI.

A Vribus infusus vermes succus necat ejus;
Cortex verrucas in aceto cocta resolvit.
Hujus flos sumptus in aqua frigesce cogni
Instinctus veneris cunctos, acres, stimulant.
Et sic desiccat ut nulla creatio fiat.

T Ria hoc loco de Salice traduntur. *Primum*
quod succus ejus auribus instillatus vermes

Macer
lib. 2. c.
16. &
36.

Idem 1.
4. c. 11.

interficiat, & maxime quidem si is sit ex foliis & cortice expressus. Amarum enim quiddam in se habet & acerbum. Idem quoque cum rosaceo in calice punici calefactus, aurium doloribus & saniei medetur.

Secundum, quod cortex ejus in aceto decoctus verrucas pellat. Hanc rem Dioscorides libro primo capite 115. sic tradidit. Corticis cinis admissio aceto maceratus, illitu clavos & callos tollit. Est enim vis ejus admodum desiccatoria, sed ita tamen ut morfu abstinere: habet vero etiam quandam adstrictionem. Avicenna capite 541. secund. Canon. eundem effectum portulacæ quoque tribuit: Ex ea, inquit, fricantur verrucæ & eradicat eas non qualitate, sed naturali quadam facultate.

Tertium, quod flos salicis conceptus prohibeat; & hoc certe ob vim desiccatoriam & astringentem. Hoc ipsum autem αὐστηρικὴν ἐργάζεσθαι Dioscorides dixit, hoc est, facere ut mulier non concipiat. Non autem solum mulierum conceptus prohibet salicis semen, sive fructus, sive flos velut hic appellatur, sed etiam instinctus Veneris omnes hebetat ac reficcat, etiam in viris, ut generare nequeant. Atque hoc ipsum Democritus quoque apud Constantinum Cæsarem lib. 11. c. 14. tradit his verbis: Qui fructus salicis appellatur, pabulo pecorum admixtus, ipsa pinguefacit. Tritus autem & in potu acceptus ab homine, steriles facit: ex quo & Homerus

ὁ δὲ οὗτος κ. ait.

Μακροῖτ' ἀγχιεῖτ' καὶ ἰπταὶ ὠλεσθήσονται.

Id est :

Et grandes populi , & salices fructum perimentes.

Verum Theophrastus libr. 3. c. 2. de historia plantarum, & Plinius lib. 16. c. 16. vocem ὀλεσίκαρπος non sic accipiunt dictam ab Homero, ut significet fructuum ac seminum humanorum perditionem, sed ipsius arboris. Plinii verba hæc sunt. Ocys-
sime autem salix amittit semen, antequam om-
nino maturitatem sentiat, ob id dicta ab Ho-
mero frugiperda, secutaque ætas scelere suo in-
terpretata est sententiam, quando semen salicis
mulieri sterilitatis medicamentum esse constat.
Hæc fere Janus Cornarius in capit. 11. lib. 4. Ma-
cri. Didymus antiquissimus Homeri interpre-
s ita ex Theophrasto de salice refert : ὀκαρπὸς τῆς
ἰτέως πνόμενος ἀφανίζει τὴν γονὴν ἥν' αὐθρόπων. Id est:
Fructus salicis potus genituras hominum demoli-
tur. Plura de salice Galenus libro 9. de simpl.
med. facult. cap. 155. & Avicenna 2. Canon. c.
326. & 686.

Animadversio.

P Ropter affinitatem temperamenti superiori
oleri subjungimus salicem, arbusculam quam
Græci ἰτέα vocant ὅθεν τὸ ἰέναι; eadem ratione
qua Latini *Salicem* appellant, quod nimirum
ea celeritate crescat ut Salire videatur, quam-
vis nonnulli malint Latinam *Salicem* à Sale de-
ducere, quod sit gustu non solum amara, sed
aliquatenus falsa, quod tamen nusquam proba-
retur Cardano qui libr. 8. de subtilitate nullam
plantam falsam esse adstruxit, contra quod sensit
Theophrast. lib. 6. de causis plantarum c. 14. &

Gene-
ra.

Scaliger exercitatione in Cardan. 104. art. 18. exemplo *Salicorni*, *Salsola* seu *Soda*, quam Arabes *Sal Chali* vocant. Salicis differentiarum multiplices, partim à colore partim ab usu desumptæ. Ex corticis colore prima species nominatur alba, quæ arborescens est & *perticalis*; secunda platyphyllos sive leucophlæos, hoc est, *latifolia candido cortice*: tertia purpurea & *υαλανόχλοιος*, hoc est *cortice nigro amicta*: quarta Phœnicea seu Phœnicophæos, cujus cortex *palmularum* colorem refert; quinta omnium brevissima, *helice*: sexta *Elæagnus cortice luteo*: septima Amerina quæ duorum est geneum: *rubens* quam Galli *franc-osier* vocant, & *nigrans* quam *εισον*, dicunt, unde Galli vocabulum suum *osier* deduxerunt: octavâ denique est *marina*. Hic autem loquitur partim de *perticali*, partim de *Amerina*, quarum folia refrigerandi facultatem obtinent, & cum nonnulla adstrictione citra morsum desiccandi. Cortices similem facultatem habent, succus flore erumpente collectus, extergentis est virtutis tenuiumque partium, cujus colligendi modum docet Dioscorid. lib. 1. cap. 117. & Plinius lib. 24. cap. 9.

Tem-
peries.

Porro nullus salicis usus extitit in cibis, cum ne quidem arborum aliarum folia condiendis juseulis aut alterandis expetantur. Major commendatio in aspergendo ejus foliis pavimento æstate media, aut per febres acutissimas, vel in parando pedum tibiærumque lavacro ad corporis refrigerium & somni conciliationem. Coronarum ex Amerina falice mentio est apud Athenæum lib. 15. Deipnos. quâ redimitum totos decem menses Megisthen refert ex Anacreonte; sive quod ad manum & in propinquo efficit copiosa salix, sive propter aucto-

ritatem Samiorum qui ut fugientem Junonis imaginem retinerent, factis ex salice Amerina vinctulis dicuntur circumvoluisse. De ea corona narratur Hephæstion libellum composuisse, multaque præclara de ea annotasse Menodotus Samius opere de iis quæ præclara Sami visuntur. Ab hoc usu factum puto ut Apollonius Rhodius lib. 4. salicem appellaverit *sacrum stipitem* ἱερὸν σῦτρο, Tenuis apud Athen. ἀγροικὸν στεφάνωμα *rusticorum coronamentum*, Nicæus ἀρχαῖον Καρῶν στέφανος. Quam autem ob causam coronæ ejuscemodi adinventæ fuerint, videndum apud Paschasium lib. 1. de coron. cap. 14.

Porro cum satis copiosè salicis facultates in commentario commemoratæ sint, non est quod pluribus exponantur. Queramus utrum salix sterilis sit semenque ferat, nam hoc à veteribus in disputationem vocatum fuisse animadverto. Theophrastus modo sterilem modo fœcundam constituit. Sterilem facit καὶ ἀκαρπὸν l. 3. de hist. plant. cap. 6. fœcundam vero καὶ καρπὸν ἔχοντα, eodem lib. cap. 1. 2. & 13. verum Bapt. Porta contra antiquorum opinionem plantas omnes ac proinde salicem semine donatas esse luculenter demonstravit lib. phytognom. cap. 2. addiditque salicem ad maturitatem solitam esse proferre semen in Creta insula ipso descensu Jovis *spelunca torvum*, *lignum*, *magnitudine ciceris*. Alibi tamen certum est ocissimè amittere semen ante quam omnino maturitatem sentiat, qua de causa Homero dicta est ὠλεσίνκαρπος, *frugiperda*, & *seminiperda*, Theophrasto ἀτελής, & *imperfecta*, non quidem ratione generationis, sed usus; ita enim perficitur ejus fructus, ut cibus homini esse non possit; generationi autem idoneus esse possit, ut probat idem

An Salix sterilis.

524 DE CONSERVANDA
Theophrast. lib. 3. de hist. plant. cap. 1.

Notabis autem apud Dioscorid. in nothis plantarum appellationibus, *viuicem* seu agnum castum vocari *salicem amerinam*, quam seruandæ castitati commodam tradit, ob idque ea pro strato usas esse mulieres in Thesmophoriis castitatem custodientes. Quo tamen sit illa temperamento, vix constat; cum Dioscorides calidam dicat, Galenus frigidam: Hanc controversiam habes expositam à Cornario emblemate 114. in Dioscoridem, & à Sarraceno scholiis ad caput 15. lib. 1. Dioscoridis.

*De Floribus ac primum de Viola
purpurea.*

C A P. XLVII.

C*Rapula discutitur, capitis dolor, atque gravedo,
Purpuream violam dicunt curare caducos.*

Hic tres referuntur effectus nigræ purpureæ-ve Violæ. Primus, quod crapulam sive ebrietatem dispellat ac sedet. Cujus sane rei duæ afferri solent rationes. Una quidem, quod temperatum, suavem & cerebrum confortantem spiret odorem: cerebrum vero roboratum, ac validum ebrietas non tam facile, quam imbecillum tentet. Altera, quod cerebrum refrigeret, & fumis validis recipiendis ineptum reddat, adeoque vini vaporem infringat, & sic ebrietatem dissolvat. Secunda, quod κεφαλαλγίαν, id est, capitis dolorem discutiat: & hoc quidem, si à causa calida, nempe à flava bile, ortum habuerit, hanc enim purgat,

& ab ea calorem extinguit. Horum effectuum meminit Plinius lib. 21. cap. 19. ubi de violæ viribus differit, his verbis: Violæ purpureæ crapulam & gravedines capitis impositis coronis olfactuve discutunt, Meminit etiam Simeon Sethi in Syntagmate: Violæ, inquiens, dolores capitis, qui fiunt à flava bile, sopiunt, potæ & odoratæ. Tertius, quod curet caducos, id est, comitiali morbo correptos, à symptomate, accidenti ac casu. Hoc habetur apud Dioscoridem lib. 4. cap. 105. Ceterum is non simpliciter hoc de purpurea Viola tradit, sed de parte ea, quæ in flore purpurea existit, vel purpurascit. Sic enim scribit: *φασὶ δὲ τὸ πορφυρεῖον ἔχει αἶθρ᾽ μετ' ὁδόντος ποδὲν, συνίγχι τοῖς βονδαῖν, καὶ ἐμπληρίας ταῖς ἐμπαιδῶν*: id est: Dicunt id, quod in flore purpureum est, cum aqua potum, anginis & comitialibus puerorum morbis auxiliari. Videtur itaque accipiendum esse de altero flore, qui in medio Violæ instar capillamentorum inest. Sunt enim quidam flores, dicit Theophrastus lib. 1. cap. 21. de historia plantarum *διὰ δύο*, id est, duplicis floris, qui alterum florem in medio habent, velut rosa & lilium, & viola nigra. Lege doctissimas Jani Cornarii annotationes in cap. 29. libri primi Macri. Quinetiam Plinius loco jam citato id ipsum sic tradidit: Id quod purpureum est ex iis, comitialibus medetur, maxime pueris, in aqua potum. Ejusque rei hæc assignari potest ratio, quod cerebrum violæ fragrantia roboret, ita ut à pravis nocumentis minimum lædatur, & sic in epilepsiam non facile incidat. De violis plura Galenus libro sexto capite centesimo quinquagesimo de simpl. medic. facult. Rhases lib. 3. ad Almanfor. 21. Avicenna 2. Cano. cap. 726. &

Animadversio.

De floribus.

CRatissima florum aemulatio est, cum nusquam natura se æque atque in eorum inenarrabili varietate jactet. *Nulli potest, inquit Plinius capite primo, libro vigesimo primo facilius esse loqui, quam rerum natura pingere, lascivienti praesertim & in magno gaudio fertilitatis tam varie ludenti.* Tanta vero honor fuit floribus, ut cum præstantissimum aliquid explicare volumus, sui *florem generis* appellemus: ex quo fonte Plinius *purpura florem*, Rigaltius ad Artemidorum ex Plinio *ignis florem*, Plautus *florem Bacchi*, Cicero *florem pigmentorum* dixit. Quod autem in cælis sunt *sydera*, id ipsum in hortis sunt *flores*, quos ideo Columella lib. 1. c. 1. *hortenses terrestresque stellas* vocat. Chæremón apud Athen. libr. 13. modo *ἡγεῖς*, modo *λειμὸν τείνω* hoc est *veris & pratorum filios*, Æschylus *terra natos*, *χελὸς τείνω*, alii *ἐν αὐτῇ πῖδας* filios anni, Plinius plantarum gaudia & partus, Apuleius primum *natura forum* qui est proprius *Gratia videntis*, fructu germinantis, vitis gemmantis, segetis viridantis. Hortos commendat nobilissimamque anni tempestatem atque temperatissimam, florum varietas, quæ tanta est, & diversa, tam florida & picta, tam odora & fragrans, tam suavis & jucunda, ut illic natura suam explicare majestatem omnino videatur. Major potiorque futura erat florum gloria nisi suis morentur horis, & in ipso ortu expirarent. Inveni tamen homines sunt qui tam brevem voluptatem, tam momentaneum Veris

honorem immenso pretio æstimarunt. Priscis seculis multus honos rosis, violis, liliis, narcissis, hyacinthis, croco, meliloto, amaro, qui nostris temporibus vilescunt, & præ Tulipis hæmarocallidibus, coronis imperialibus, fritillariis, martagonis, anemonis despiciuntur, quorum quidem nec veteres novere gratiam, nec nos fragrantiam, viresque agnoscimus. Licet autem *Tulipa* uno brevique tempore floreat, licet uno flore ac pediculo emicent, licet ipso odore sint graves; tanti tamen una colorum diversitas, picturaque foliorum tenuibus descripta filamentis penditur, ut qui unam *Tulipam* quingentis & sexcentis, imo vero mille libris emere velit reperitur licitator. Has Natura delicias homini quidem paravit ad voluptatem, sed ad utilitatem magis. Quondam flores coronarum fuere ornamenta, quarum tam multiplex varietas fuit, tam diversa componendi ratio, usus tam varius, ut materiæ fuerint multorum voluminum quæ de coronis tractarent. Vix ullum fuit olim sine floribus convivium, his pavimenta instrata, lectuli compositi, farcta pulvinaria, oppleta reticula, confecta farta, fercula aspersa; nullæ sine illis nuptiæ, nulla sacrificia: nulla funera, nulli ludi, nulli triumphi, nullæ publicæ lætitiæ. Hæc autem quam inania sunt oblectamenta, si ab utilitate & salubritate quam hominibus tribuunt sejungantur? Equidem breve nobis allaturi erant flores gaudium, ni Medicina salutis & vitæ præsidia in illis deprehendisset & ad varias remedium multifuras salutareque compositiones eos convertisset. Jam nulla sine floribus antidotus, nulla portio, nullum conditum, olea, emplastra, unguenta, cataplasmata, fomenta floribus non vacant,

Florum
usus.

adeout jam magnum afferant Medicinæ adju-
mentum: Transeunt quoque ipsi in cibum & con-
diendis jussulis accommodantur, ut non solum ad
restituendam, sed etiam ad conservandam sanita-
tem dicantur nati. Quid in sequentibus observa-
bimus quorum gratia hæc universim de floribus
præfari licuit.

Inter flores autem imprimis occurrit viola præ-
nuntia, & præmonstratrix omnium pulchritudi-
num veris. *ἰὼν* dictam volunt à Græcis, vel *ἰὼν* τὸ
ἵεναι τὰ χυ, ex eo quod statim surgit aut apparet, vel
ab Ioniis quibusdam Nymphis, quæ ut refert Ni-
cander in Georg. florem eum Jovi primum dede-
re muneri, vel denique ab Io puella qua cum Jupi-
ter concubuit, quamque mutavit in juvenecam ne à
Junone deprehenderetur. Fortunam vero puellæ
flos ipse coloribus suis ostendit, *έρυθρίνηται* μέν γδ,
εἰς ἀπὸρ πᾶ ἔνός, πορφύρεται δὲ οἷα βῆς, καὶ λευκαίνεται,
ἡλλὰν τὴν εἰς ἀστροῦ τῆς κόρης μεταβολὴν: *rubescit enim*
ut virgo, purpurascit ut bucula, albescit in argumentum
quod puella fuerit in astra conversa, ex Leontio c. 23.
l. ii. de re rust. Latini violam *ἰωνοειδέα* (ait Sca-
lig.) ab *ἰὼν* deducunt, seu ut vult Perottus à *violento*
seu quod nec *violata*, nec *violanda* sit. Alii violā
quasi *vinulam* dictam volunt, propterea quod hunc
florem Poëtæ fabulentur in pabulum Iūs puellæ
in juvenecam conversæ, à terra effusum. Viola-
rum multiplices existunt differentiæ, quarum aliæ
à colore, aliæ à floribus, à magnitudine aliæ, &
cultu, desumuntur. Color in violis vel unus vel
varius. Unius coloris triplex viola, *Alba* quam leu-
coion vocant cui vita longissima trimatu est, *lutea*
& aspectu similis auro, *purpurea* seu nigra. A vario
colore nomen sumpsit viola bicolor aruenfis,
flammea minor dicta, & viola tricolor seu septi-
color

color, quam nonnulli *florem Trinitatis* appellant. A flore alia denominata est simplex, alia multiplex, cujus flos numerosis foliolis ac pene infinitis constat. Est & viola arborescens, seu fruticosa, est sativa, sylvestris, hortensis, arvensis, de quibus nobis agendum non est cum solius purpureæ Salernitani meminerint. Interim observandum ex multiplici violarum differentia à coloribus sumpta, loca nonnulla auctorum classicorum illustrari posse, quæ vel obscura vel inter se pugnantiæ, videri possunt. Sic Virgilius Pallentes violas vocat, ecl. 2. at eclog. 10. nigras; Horatius auriginosum colorem, qui proprius est amatorum, tinctum viola scribit;

Nec tinctus viola pallor amantium,
lib. 3. carm. ode 10. Oppianus autem ἄλιωτ. lib. 10. ὑπερλίτω ἰουδέα, sumit pro nube fœta imbrī; quasi dicas violæ similem, per colorem scilicet qui ita purpurascit ut nigredini sit affinis. Lucianus in imaginibus *violaceas* Veneri palpebras assignat quas scimus nigras fuisse. Pindarus & Theognis Musas appellant ἰοπαλάμους, *violaceo capillino*, quod nemo nigrum fuisse dixerit, utpote à pulchritudine alienum. Nisi forsitan violæ nomen ad omnia venusta, ac formosa significanda tractum quis velit; quod luculenter demonstrat Carolus Paschalius coronarum libro tertio capite quarto.

Redeo ad violam purpuream quam Theophrast. τὸν μέλαν καὶ μελάνιοι; Dioscorides τὸν πορφύρεον, Claudianus fuscā, Virgilius nigram, alii amethystinam sive jantinam, cæteri Martiam violam vocant, quod mense Martio ineunte Vere florescat. Inter nothas ejus appellationes δασυπόδιον numeratur, vel à lepore dictum qui eo flore &

herba delectatur, vel à multitudine foliorum quibus flos coalescit : *αποκαθάρσιον* quoque, vel à figura floris, vel quod Priapi statuæ pro custodia hortorum positæ eo flore coronarentur ; *Κυβλέιον* præterea à Cybele Dea ; cui violæ primo vere erumpentes pro primitiis offerebantur, denique *Μυρρaria*, quod apud mutos & sepes hortorum nascatur.

Temperies.

Temperies violarum ex Oribasio & Mesuæo frigida & humida est primo gradu, ex Simeone Sethi ordine primo frigida, humida secundo ; ex Brassavolo denique frigida in prima parte secundi gradus, in tertia vero ejusdem gradus humida. Quamvis autem oleum violaceum frigidius videri possit rosaceo, atramen magis refrigerat rosaceum, quod in eo tenues quædam sint partes quæ illud penetrare faciunt, ex quo fit ut violaceum superficie tenus refrigeret rosaceum etiam in profundo ; ex observat. ejusdem Brassavol. comm. in lib. Hippocrat. de vict. acut. Galenus 6. de simpl. aqueam substantiam violis tribuit, Mesuæus vim quandam narcoticam dolores calidos sedandi & inflammationes omnes exringuendi, quam ob causam reprehensus fuit à Manardo Mesuæus, quasi narcotica viola esse non possit, cum primo tantum ordine ab illo frigida statuatur. Sed Mesuæi defensio suscepta est à Brassavola in examine simplic. quam legere potes. Præterea à Mesuæo vis purgandi violæ tributa fuit, ubi scilicet humiditate siccando resoluta, caliditas prius obruta emicat, & ab ea sapor amarus, fitque trahendo purgatrix. Sed pace tanti viri dixerim in resiccatis violis, nec calorem nec amarorem, nec purgandi facultatem deprehendimus : Imo vero si quæ ejus purgandi vis, maxime ab ejus humidi-

Viola
an Nor-
tsca,

tate est, quæ leniendo ac lubricando alvum laxat. Dum ergo recens est parari solet syrupus ex multis infusionibus qui blandè alvum puerorum subducit: hoc tamen vitio laborat quod pondere suo ac nimia humiditate ventriculo noxius sit, præterea nisi diu multumque coquatur brevi corrumpitur tempore, & acescit. Nec audiendus est Amatus Lusitanus enarrat 213. in Dioscoridem, & alii, qui arbitrantur solutivum hunc syrupum non minorum esse virium, quam syrupus rosatum solutivus: longe enim multo imbecillior est cum syrupus rosarum etiam post duos annos purget, recens autem ad instar scammoniatorum alvum turbet, quapropter à recenti eo abstinendum est, nisi ubi vehementer purgare volumus. At syrupus violarum solutivus recens tantum blandè expugat, inveteratus modicarum est virium. Longe vero potentius semen violæ album rotundum, milii æmulum, quam flos: alvum enim movet intritum & ex vino albo potum instar rheibilem flavam è ventriculo exturbat. Licet autem usus sacchari & Julepi rosacei, quæ Simeon Sethi ἰσάκηχαρ, καὶ ἰοζέλαρον vocat, *περὶ τῆς τῆς ἀσθενείας τε καὶ πνεύμονος ἀσθενείας*, hoc est ad pulmonis & pectoris vitia, præsertimque pleuritidem commendetur: attamen Aloysius Mundella epist. 32. non adeo tutum agnoscit, *non quidem*, ut ait, *propter adstringendi ullam vim, sed propter obstructionem quæ ex violarum temperamento frigido oritur, quo excreatus impeditur ac retardatur.*

Error
Amati.

Si quis autem interroget an facultas violis insit nutriendi, dicam vel nullam vel exiguam illis adesse: ac sanè non observo in eum usum usurpatas fuisse à veteribus: apud nos verè non.

Vfus in
cibis.

nulli folia herbæ violariæ alvi ducendæ causa co-
quunt in iusculis, manduntque: nonnulli flores
iplos acetariis interponunt, non tam ob alimo-
niam, quam odoris fragrantiam qui mitissimus
est ac suavissimus. Rem autem medicam admo-
dum locupletant, cum in officinis mel, saccharum,
tragemata, conservæ, condita, syrupus, aqua,
oleum, pulveres, acetum, è violis præparentur.
Sunt enim maximi usus ad inflammationes omnes
compescendas, incendium febrile extinguen-
dum, dolores capitis sopiendos, somnum indu-
cendum, sitim sedendam, & ad ea quorum post
Macrum Salernitani, & eorum commentatores
in hoc capite meminerunt. Plura vide apud Mi-
zaldum in Horto area 4. Brassavol. in exam. sim-
plic. Paschaliū libr. 3. coronarum, & Guill.
Stuckium libr. 3. antiquit. convivial. cap. 16. ubi
violacearum coronarum ex Plutarcho meminit,
Platone, & Aristophane, quæ huc commodissi-
me transferri possint, nisi brevitati consulendum
ducerem.

De Sambuci Floribus.

CAP. XLVIII.

„*Sambuci flores, sambuco sunt meliores.*
„*Nam Sambucus olet, flos redolere solet.*

Animadversio.

Sambuci meminerunt Salernitani post Ma-
crum cap. 3. libr. 3. quam plantam Græci *ἀνθὺς*

VALETUDINE.

533

vocat, ex eo quod soléat in oris & sepimentis hortorum succrescere, est enim ἀκτὴ ora & litrus. Latini Sambucum dicunt à *Sambuca* musico instrumento, quod alii peētida vocant, alii Magadin. Sambuci duo genera, alterum in arborem assurgens, humilius alterum. Illud triplici genera, differentia continetur : est enim, vel *vulgare*, vel *sylvestre*, seu Montanum, vel *aquaticum* sive palustre. Aquaticum Sambucum nonnulli ex Theophrasto *θεοφύλλον* appellant, Galli *obier*; sylvestris *πυρρὸς* Theophrasti esse creditur : à Trago *Cervina* sambucus dicta quod à Cervis summo- pere expetatur : vulgaris ἀκτὴς nomen sibi vendicat, quemadmodum humilis sambucus χαμαιακτὴς, Latini *Ebulum* nominant. Nec vero Medici consentiunt in ejus temperamento assignando, Dioscorides enim, ut apud Marcellum legitur, ebulum & sambucum facultatem habere ξηραντικὴν, ὑποπικρὴν & ὑδραγωγὸν scribit, exsiccantem nimirum, refrigerantem, & aquas alvo detrahentem. Addit præterea folia recentia inflammationes mitigare, quamvis nonnulli pro σκληροῦς, φρένας legant; sic ut sensus sit sambucum lenire ac mitigare præcordia, vi sua scilicet cathartica & expurgatoria. Dioscoridi subscribit Actuarius, qui libr. 5. meth. med. capit. 8. sambucum & ebulum refrigerandi aquamque educendi vi prædita esse cæterum stomacho adversari prodidit. A cujus mente non recedit Plinius lib. 24. cap. 8. scribens *sambucum refrigerare inflammationem, maxime recentis ambusti*. Hanc vim illi inesse credidit etiam Fabius Columna parte altera minus cognitatum stirpium, observat enim cap. 19. bulbum ranunculi *Leptophylli* à se gustatum tantam acrimoniam palato attulisse, ut gravioris mali periculum fuisset, nisi,

Tempe-
ries
contro-
versa. •

inquit, foliorum esu sapius uerato Sambuci, & ebulli usus esset, sic vim acrimonia extinguens. Quibus verbis significat vim refrigerandi sambuco & ebulo inesse. Accedit ad hoc auctoritas Oribasii qui lib. 7. medic. collect. notat *utramque aetam pituitosos humores & hydropicos per inferiores partes expurgare. earumque facultates non esse calidas, quales plerisque aliis purgantibus insunt, sed frigidiores.* Huic sententiæ è directo pugnat Arabum & recentiorum auctoritas, ratio & experientia; Avicenna enim secundo Canone cap. 619. & Serapio cap. 84. sambucum & ebulum ad tertium usque gradum calefacere & exsiccare produnt, quibus consentit Villanovanus libello de aquis laxativis cap. 3. observans earum plantarum decoctum purgare vehementer phlegma & aquas, sed non exhibendum æstate esse, quod nimis calidum sit. Sapor acris quo præditæ sunt hæ stirpes, calidas probat: acrimonia enim à calore, nullusque est qui ex applicatione ebuli & sambuci ad corpus, caliditatem non percipiat, ut inde colligi possit eas calefaciendi virtute donatas. Quæ posterior Arabum doctrina anteponenda est Græcorum opinioni, qui falso frigidam sambucum sunt arbitrati: qua ratione innixi, non satis animadverto.

Vfus. Sambuci cortices, folia, prima germina, fructus & semen, gummi, flores omnia in usum veniunt medicum: soli flores rem augent cibariam. Interior mediusque cortex, aquas & pituitam expurgat, modo per superiora, modo per inferiora: per superiora quidem si cortex ille versus superiora trahatur, per inferiora vero, si trahatur versus inferiora ex observatione Villanovani, meo quidem iudicio vana & ridicula. Foliorum

facultates recenset Dioscorides. Prima germina cocta & asparagi modo assumpta ventrem commovent. Semen in pulverem redactū & drachmę pondere exhibitum alvum ciet, & humores aquosos detrahit, sed quam cæteres mitius. Gummi adstringendi & resiccandi vim obtinet. Flores autem frixis in sartagine ovis asperguntur non ingrato sapore. *Quinetiam consuetudo invaluit addere eos flores cadis in quibus reponitur acerum, quo retundi vim illam omnium domitricem aliqua ex parte putant. Sambucatum dicunt, quemadmodum piperatum, cui additur piper ex Bruyerino lib. 8. c. 46.* Cum autem odoris suavitas floribus Sambuci insit, foliis vero fætor quidam teter, mirum non est si Salernitanis magis probentur flores quàm folia. Amica enim spiritibus, cerebro, & cordi suavitas odoris, graveolentia vero inimica & hostilis. Spiritus quippe ut purissimi, sic rebus purissimis, ac defæcatissimis delectantur, impuras averfantur & incoctas, at *evadſia* ex coctione, puritate & elaboratione partium, *nanadſia* ex impuritate & cruditate. Tanta autem est Sambuci odor ut frequenter naribus receptus ruborem totius faciei excitet, *sodam*, hoc est capitis dolorem inducat, & jam factum atque à pituita inductum sedet, ac denique hæmorrhagiam per nares provocet

Multa de sambuci ligno adducta à Plinio & Theophrasto prætermitto; fileoque sanguineas ejus baccas tingendis olim deorum simulachris usurpatas, omina olim desumpta & præfagia futuræ vindemiæ, agrorum fertilitatis, rerumque similia de quibus agit Marcell. Virgil. ad cap. 168. lib. 4. Dioscorid. Notabis porro cum Avicē. Sambucum albam calidiorem citrina, &

citrinam purpurea: quodque ad flores attinet, ad venenatos morsus valere, quod sint umbellati, referantque apicem Pavonis & cornua nonnullarum serpentum, ut ceraſtæ & baſilici. quemadmodum obſervat Porta in Phytogno.

De Croco.

CAP. XLIX.

Conſortare crocus narratur latificando.
Et partes laxas firmare, hepar reparando.

Hic agitur de proprietatibus quibuſdam Croci. Ac primo quidem corpus roborare dicitur, eique letabundam quandam conciliare alacritatem jucunditatemve, præcipue ſi quis eo modice utatur. Immoderatiuſ enim ſumptuſ, pondere nimirum trium drachmarum, lethalis eſt.

Deinde vero membra defecta, id eſt, debilia ac proſtrata reficere, inque vigorem ſuum reſtituere traditur. Superat enim in eo calefaciens & qualitas & facultas, ut tota ejus eſſentia ſecundi ſit ordinis excalefacientium, & primi exſiccantium: proinde concoquendi, maturandi, emolliendi aperiendi, & diſcutiendi vim quandam habet, adjuvante ſcilicet paucula quadam adſtrictione. Cor non parum exhilarat, ipſumque adeo ac ſimul etiam hepar atq; alias corporis partes, ob inſidentem nimirum adſtrictionem ita corroborat, ut non facile diſſolvi queant, obſtructioneſque tollit. Quinetiam ſtomachum moderato calore ſuo firmat, ejusque tum coquendi, tum diſtribuendi facultatem adjuvat. Immodice tamen illo

utendum non est : quippe qui ita nauseam facile moveat , & cibi inappetentiam , Græci *σποσίνη* vocant, efficiat: si quidem aciditatem in ventriculo extinguit , quæ præsertim appetentiam excitat. Siccando mediocriter dispositionibus pectoris phthificis auxiliatur, putredines corrigit, anhelitum facilem reddit, ejusque instrumenta corroborat. Nam si usus ipsius mediocris fuerit , facilem respirationem & amabilem coloris bonitatem facit, sin vero citra modum, pallorem inducit, cerebrum infestat, capitis dolorem commovet, sensus obtenebrat, & oculos hebetat. Vino impositus vehemenrer inebriat, adeoque exhilarat, ut insaniam maxime alactem & lætabundam pariat. Si quis vero ex passio biberit, crapulam non sentiet, Additur in potiones, quæ interaneorum causa temperantur, Pituitosa vitia & lethargica sanat, Somnum conciliat, Venerem stimulat, menses & urinam ciet; Mulieribus difficulter parientibus in potum duarum drachmarum pondere exhibitus, partum accelerat. Illitus cum humano lacte visum abstergit, & oculorum fluxiones cohibet. Aurium remediis utilissimus est. Vergentes ad ignem sacrum inflammationes inunctus lenit. Vulvæ sedisque cataptasmatibus utiliter inditur. Plura Dioscorides lib. 1. cap. 25. Plin. l. 21. c. 20. Galenus l. 7. de simpl. med. facult. c. 75. Simeon Sethi in Syntagmate, Serapion c. 173. simpl. & Avicenna l. 2. Cano. cap. 129.

Animadversio.

C*Roci* appellatione non solum tota cum radice Cherba intelligitur, verumetiam ipsa tantum

Nomē
Crocī.

floris stamina propter excellentiam ; quo sensu à Salernitanis caput istud inscriptum fuit. A græcis ὁ κρόκος τῷ τῷ κρόκον vocatur, sicut à Latinis Crocus & Crocum. Quod nomen deductum est vel juxta Buxtorfium ab Hebræo *Carcum* & *Crocom*, vel juxta Callimachi Scholiastem ὅτι τὸ δάλλεαδεν ἐν κρύει; seu ut loquitur Ethym.auctor ὅτι τὸ κρίειν καὶ ἀναβλασάνει ἐν τῷ κρύει, quod *viresca* & *floreat in frigore*, velut Galeno placet fabularumque scriptoribus, à *Croco Adolescente* qui inter ludendum, disco à Mercurio occisus in florem sui nominis mutatus fuit. Alii malunt ἀπὸ τῆς κρόκος derivare, quæ vox *filum*, *villum*, *tomentum*ve significat, cujusmodi sunt Croci flava flammeaque stamina, seu villi. Galli *Saffran* vocant romine deducto ab Arabico *Zahafaran* & *Zafaran*; sunt qui *Castorem*, *cynomorphum*, & *herculis sanguinem* à Magis dictum velint non satis cognita ratione.

Gene-
ra.

Genera Croci duo: satium & sylvestre, quamquam alii plures à regione ejus species enumerēt; Coryceū scilicet, Lycium, Acolium, Cyrenaicum, & Siculum Centuripinum, addo Narbonense quo nullum hodie multis Magnatibus vectigal majus. Garcias ab Horto lib. 1. hist. aromat. cap. 39. & 42. meminit *Croci Indici* quo utuntur ad tingendos condiendosque cibos, quemque ab Avicenna can. 2. cap. 166. dictum *Careuma* sive *Carcuma*, scribit; vocari quoque ab Arabibus *Curcum* & à Turtis *Saroth* monet Christophorus à Costa capite 30. libri aromatum: ex quo apparet decipi eos qui *Curcuma* Arabum putant esse vel *Rubeam*, vel *Chelidonium*, cum *Crocom* designet, antidotumque credunt *diacurcuma*, aliam esse ab antidoto διακρόκου, cum corruptum sit ex Græco. non minus quam *Carcomagma* Avicennæ ex Græco

VALETUDINE.

339

κροκό μαγμα quemadmodum Anonymus, sed doctissimus auctor notavit commentariis ad cap. 39. lib. 1. de historia arom. scripta à Garcia.

Est autem Crocus calidus ordine secundo, sic- Tem-
eus primo, parum ac mediocriter adstringens, pera-
atque, ut inquit Galenus 6. simplic. concoquens men-
& maturans. Serapio cap. 173. simplicium ex Ga- tum.
leno calidum in ordine tertio collocat manifesto
errore; apud Avicen. idem error irrepsit, ponitur
enim calidus esse primo gradu, siccus secundo,
contrario à Galeno sensu. Dioscorides vim illi co-
quendi, emolliendi, atque substringendi tribuit,
Simeon Sethi vim aperienti & discutiendi.

Vfus in
cibis.

Non credo iis qui existimant crocum iusculis
addi tantum *ad coloris elegantiam*, non ad commo-
ditatem: nec Theffalo affirmanti *bonitate odoris*
solum commendari. Nam Dioscorides ait misceri
eum utiliter iusculis, *ἐν χοίραις* conciliare, arcere cra-
pulam, potum cum passo, urinam ciere, venerem-
que stimulare. Simeon addit *ἐν σόματι* esse, conco-
ctionem ciborum juvare, *ὠφέλιμον τοῖς ἀνταρχοῖς*
visceribus utilem (sic enim verto non intestinis
cum Lilio Gregorio,) denique moderata quan-
titate sumptum pituitosos affectus ac lethargicos
fanare; difficilem respirationem tollere: nimia ve-
ro copia assumptum, pallorem, & capitis dolorem
invehere & cibi appetentiam auferre. Narrat
commistum iusculis Horat sat. 4. lib. 2. sermo-
num, condimentis variis adjectum Apicius me-
morat, nosque passim eo utimur ad condienda ius-
cula è pisces parata, & ad pulres ex frumento, mi-
lio, hordeo aliisque similibus deaurandas.

Mirum autem, nullum veterum perstrinxisse pri-
mum croci effectum quem afferunt Salernitani,
vim scilicet excitandi lætitiā: quod ego præ-

stare crediderim, tum propter suavitatem odoris, cujas proprium est spiritus recreare ac reficere: tum propter vim ejus diureticam, defœcando sanguinem illuvie sua serosa, tum denique propter rarefaciendi virtutem, inspissatos spiritus coactosque humores disfrando. Hoc autem ut efficiat, moderata quantitate assumi debet, aliàs risum provocaret lethalem ac vere Sardonicum, & ut loquitur Avicenna, excitaret *roona*, id est risum sine causa. Scribit enim Simeon Sethi ejus tria hexagia, seu ut alii volunt, tres drachmas risum excitare *ἰατρικὸν πρὸς τὴν θάνατον* mortis prænuntium & hospitem. Vidit Jul. Alexandrinus mulierem prenobilem Tridenti eliciendorum menstruorum causa justo plus croco usam, horarum circiter trium spatio immodico risu concussam sine ullis convulsionis signis, quod quidem addit, quia nonnulli arbitrati sunt croco caninam convulsionem induci: quod certe crediderim ubi adeo effusus est risus ut mortem afferat; ex violenta enim atque continua buccarum retractione quæ in risu contingit, musculus crotaphita nervique ipsi motorii incallescunt, moventur, contrahuntur, exarescunt, demumque convelluntur, omnis autem convulsio à siccitate, lethalis, ex Hippocrate: Unde vero talis à croco risus irritetur, an à qualitatibus manifestis, an ab occultis, fateor me nondum apud quemquam legisse quod mihi satisfaceret. Credunt quidem omnes effundi & dissipari omnes spiritus eo effœnato gaudio & risu, sed qua ratione risus ille exitetur nemo exponit. Dioscorides simpliciter *ἰατρικὸν* dixit crocum ad tres drachmas ex aqua potum: Scalig. exercit. 32. art. 2. maleficium croci regerit in secundas ejus qualitates, quæ sunt, *aperire & laxare viam spiritibus, ita ut*

abeant : Sed hoc minime est proferre cur risum moveat crocus Franc. Vallesius controversi. lib. 5. cap. 9. ejus rei causam revocat ad calefactionem septi transversi à quo agitatur interius innatum calidum ; sic ut non possit facultas septum continere : idem enim tum accidit diaphragmati ac si læsum esset, certum autem est ex Aristotele 3. de partib. animal. cap. 10. ictu traiecta præcordia in præliis, risum attulisse *δὴ τὸ ἐκ τῆς πύλης γινόμενον διαφύκτον* ob calorem quem movet *vulnus*. Affert quoque historiam Tychonis Hippocrates 5. & 7. epidem. qui ex vulnere diaphragmatis in risum tumultuosum effusus fuit. In Sileni historia sect. 3. lib. epidem. ab Hippocrate relata observatum est Silenum graviter laborantem tertio die in risum erupisse, *non potuisse se continere*, de quo quidem risu præternaturali multa eleganter Mercurialis comment. in eum locum, & Marius Zuccarus observationibus in libros epidem. disputarunt ; quæ ad risum à Croco inductum aliquatenus transferri possunt ; non ita tamen ut difficultatis nodum exolvant. Moses Israëlita aph. 59. sect. 9. tantum abest ut reddi posse rationem dicat risus istius præternaturalis, quin contra probat ex Galeni mente ne quidem causam assignari posse risus qui ex titillatione alarum, aut ex auditu jocorum commovetur ; quod etiam absurdum non videtur Valeriolæ lib. 3. enarrat. medicinal. enarrat 9. ubi naturam risus exponit fusissime, & Ciceroni secundo de oratore. Quamvis autem in tantis tenebris me nullum lumen habere profitear, attamen nemo succensere mihi debet, si ad illustrandam hanc difficultatem in medium non nihil produxero.

Opinio
nostra.

Imprimis ergo existimo risum à Croco indu-

Etum improprie risum dici, cum non inducatur à causis risus naturalibus, hoc est à motu animi ex re jucunda concitato, neque à corporis obsequio animi voluntatem sequentis. Certum quippe est risum naturalem excitari in animo ex re jucunda commoto, & commovente continuo organa corporis: quod si organa prius moveantur, quam animus vel velit, vel jubeat, deesse primam naturalem risus conditionem necessariam est; invertitur enim ordo naturæ. Ex quo quidem fundamento colligimus risum phreneticorum & stultorum risum esse proprie dictum, quod sequatur imperium animi ex objecto jucundo gaudientis, in eo tamen naturalis non est, quod objectum illud non sit verè jucundum, sed apparenter tantum; credit quippe animus delirantium se observare aliquod objectum jucundum reale, quod tantum tamen est phantasticum: colligimus insuper risum iratorum & simulantium improprie risum dici, cum in tali risu (quem Sardonicum vocant) organa tantum commoveantur risum efficientia, non animis.

Secundo loco arbitror risum à croco motum potius esse convulsivum quam risum: sic par est & æquum credere, risum excitatum à vulnere Diaphragmatis convulsionem esse, qualem membranosarum nervosarumque partium læsio profert, quæ quidem convulsio sæpenumero in modum ac formam risus contingit. Ita plerosque observavi quibus extractus fuerat calculus è vesica, aut amputatus testiculus, primis diebus ridibundos apparere, facto oris rictu, demum dentes paulatim constringi, impediri deglutitionem, aboleri postea, os firmiter claudi & re-

trahi, ac denique convulsos obire. Causa ejus rei sympathia est partium nervosarum cum cerebro: intemperies quippe calida & sicca impressa nervis ac membranis communicatur nervorum principio, altiusque ei infigitur: ex quo fit ut musculus crotaphita nerveo tendine præditus, pericranio involutus, multis nervorum ramulis perfusus, quorum 1. est à secundo nervorum pari, 2. à tertio, 3. à quinto; ex quo, inquam, contingit ut crotaphita musculus ob viciniam cerebri maximamque per insignes illos nervos communionem retrahatur versus sua principia, & rictum oris risus instar efformet. Accedit ad hoc communio masseterum cum cerebro & musculo crotaphita: Tertium enim nervorum par duos ramos emittens, alium ad musculum temporalem distribuit, alterum in multos ramulos divisum per labrum superius disseminat, per musculum quoque massetera, & per musculos buccæ, unde major risus similitudo emergit; quia massater una cum crotaphita convellitur, atque hæc est causa cur qui diaphragma vulneratum habent, ridere videantur. Ambo enim nervi diaphragmatici à spinali medulla inter quartam & quintam colli vertebrenati, & juxta centrum diaphragmatis inserti; nervuli præterea alii à costali & stomachico prodeuntes illi adjuncti, possunt communicare cerebro, dein crotaphitæ musculo, intemperiem atque labem ex vulnere impressam diaphragmati, unde convulsio risus æmula. His ita delibatis asserimus quidem risum à Croco effectum, convulsivum esse motum, sed à diaphragmate non pendere, sicut voluit Valesius; imo potius à ventriculo & ejus orificio, cujus nervi, croci

calore, siccitate, digerendi atque discutiendi facultate, ejusdemque terrena substantia exsiccati, arefacti, excalescunt, vitium cerebro communicant, crotaphitæque musculo, unde risus convulsivus & lethalis. Adjuvat hanc labem virtus *καρμωτική* croco tributa, per quam dicitur à Simeone Sethi capitis dolorem inducere, à Cicerone 3. de orat. *acerrima esse suavitatis*, à Plinio libr. 21. capit. 20. *caput movere & somnum facere*, à Galeno 2. libr. de compos. medic. *κατὰ τὸν. tentare caput & capitis gravitatem inferre*. Denique calamitatem hanc non parum promovet vis rarefaciendi spiritus atque commovendi, croco existens, cujus opera fit ut spiritus accurrentes in subsidium laborantium nervorum, coire non possint nec robur eis asferre: agitantur enim continuo à croco, disgregantur ac velut dispelluntur: non recreati igitur nervi calore spirituum influente, nativo privantur, hostilemque coguntur admittere qualitatem, à qua motus ille convulsivus. Eandem vim excitandi similem risum habere narratur genus illud ranunculi à Dioscorid. commemoratum in insula Sardinia crescens, herba præterea Gelotophyllis à Plin. descripta, morsus quoque cujusdam Aranei flumen Alactonium accolentis ex Strabone, ictus Tarantolæ & Jarcotellæ ex Zenodoto, & Epiphanio Ferdinando qui luculentum tractatum de Tarentola historiis suis medicis inservit. Atque hæc dicta sufficiant de gaudio & risu qui à croco excitari dicitur. Restat ostendendum croco vim inesse roborandi, seu confortandi partes omnes, præsertim nutritias atque genitales. Ac certe jam dictum fuit ex Simeone eum *ἐνσώμαχόν* esse, καὶ οὗτοι τὸν οὖν *ἰσχυρόν*

περὶ τῶν σπογγῶν ciborum coctionem juvare, bonum-
 que colorem parere. Franciscus de Verulamio in
 historia vitæ & mortis, usum croci quotidianum
 ad prolongationem vitæ conferre ait, majores-
 que nostros nobis fuisse vivaciores, quod apud eos
 crocus magno in usu esset in placentis, jusculis
 ac similibus. Addit hybernos vivaces esse admo-
 dum quod utantur linteis & indusiis croceatis;
 cum Crocus ex omnibus que novimus ad cutem &
 confortationem carnis optimus sit, tum quod notabi-
 liter adstringat, tum quod habeat insuper oleosita-
 tem & calorem subilem sine ulla acrimonia. Insu-
 per observat quendam Anglum, quod Croci sac-
 cum circa stomachum gestaret bene ex mari ha-
 buisse, ac ne ullam quidem nauseam percepisse,
 cum antea ex mari gravissime agrotare solitus esset,
 Scaliger exercit. 246. art. 5. Scotos narrat adver-
 sus pediculos indusias croco tingere, ob vim ejus
 insectis, venenatisque bestiis infestam, ex
 quo factum crediderim ut crocodili conspecto
 croco fugiant: solent enim hoc artificio qui in
 Ægypto mel colligunt, sese armare adversus
 Crocodilos, quemadmodum refert auctor Ety-
 mologici. In summum Isaac Arabs in diæt. par-
 ticul. crocum notat confortare stomachum, hepatis
 oppilationem aperire, anhelosos juvare, urinam &
 menstrua provocare, & membra debilia omnia con-
 fortare: Quod ad genitales partes attinet, eum
 certum est venerem stimulare. Adnotatum est
 à Plutarcho in Isocrate eum pronum fuisse in Ve-
 nerem forte quod *κερκα, διαβερχον ἔχει τὸ ποσειδά-
 λιον*, haberet pulvinare croco madidum. Numerat
 Aristophanes in nubibus inter ea quæ serviunt lu-
 xui muliebri unguentum croceum & oscula colum-
 baium facta, *μύρον, κρόκον, καταλωπίσματα*. Inter

546 DE CONSERVANDA

flores quos terra effudit Jovi & Junoni dum mutuis amplexibus fruerentur, fuit crocus apud Homerum (Iliad. ζ. & ex Martiano Capella Crocum solitum spargi lecto nuptiali colligitur. Baptist. Porta ideo stimulandæ veneris virtutem croco tribuit, quod radice testiculos imitetur, ideoque ad pulchros filios generandos valere, quod florem habeat spectandæ venustatis.

Vis ro-
boran-
di inest
Croco.

Narco-
tica.

Si quis vero sciscitetur, unde vis ista roborandi singula membra croco accedat, dicam quod pluribus forsan ridiculum & absurdum videbitur, non tam ab ejus calore aut suavitate odoris, quam ab ejus *vi narcotica* proficisci. Sic enim appello eam facultatem qua somnum provocare, ebrietatem arcere, pedum dolores sopire, mentem tentare, crapulam hebetare, circumfertur. Ejusmodi enim est natura narcoticorum, ut non solum consopiant, stupefiantque, sed etiam dementent, ferociam excitent, ad venerem provocent, vigoremque animi & corporis accendant. Meminit Scaliger exercit. 175. herbæ Amfiæ, quam papaver album esse credit, cujus esu certum est venerem exstimulari. Utuntur Turcæ alio herbæ genere cujus pulvis moderata copia assumptus vigorem animo & corpori addit, largius sumptus mentem movet & turbat. Apud Indos radix Betel ore recepta & mansa corpus recreat, lassitudinem discutit, ad coitum invitat. Coca tabaco ammixta (quod Hyosciami genus esse videtur) ebrietatem mentisque alienationem concitat. Nonne styrax calefaciens, emolliens, coquens, vim narcoticorum habet ex Galen. comment. 5. ad partic. 13. libr. 6. epidem. quod liberalius

haustus instar narcoticorum dementare, atque adeo interficere possit? Cicuta dementiam ad-
 vocat, & corporis circumgyrationem, & con-
 vulsionem, mortemque ipsam etiam sine sopo-
 re, ex Scaligero exercit. 152. Solanum quia ma-
 niam, seu furori similem insaniam parit, *Mani-*
cum vocatur. Hyosciamus altercationes mo-
 vet; hinc nomen illi *Altercum* fuit. Quid plura
 commemorem? his & similibus narcoticis ro-
 borandi facultas inest per condensationem spi-
 rituum, atque congregationem; quò plures a u-
 temin aliqua parte congregati sunt spiritus, eo
 vis major ac potentior, quemadmodum Veru-
 lamio demonstravit in historia vitæ & mortis.
 Hac ergo virtute narcotica præditus crocus par-
 tibus singulis robur addit spissando & cogendo
 spiritus, eorumque virtutem uniendo: & for-
 tasse nonnulli admittent ab eadem vi narcotica
 induci motum illum convulsivum risus amu-
 lum, de quo supra, cum alia narcotica con-
 vulsionem pariant. Longe plura de croco ex
 probatis auctoribus adduci possent, & quod
 olim per gradus Theatri spargeretur, & quod
 in immensam altitudinem latentibus fistulis ex-
 primeretur, & fragranti nimbo spectatores lu-
 dorum irroraret; & quod Eumenidum Cere-
 risque coronamentum esset, & quod ex sanie
 hepatis Promethei è terra productus sit; &
 quod *ῥοιζοῦντος* à Sophocle, à Triphiodoro *ῥοι-*
στος, *ῥοιζός* à Thocrito, *ῥοιζός* à Callimacho, spi-
 ca Cilissa ob Ovidio & Propertio vocatus fue-
 rit, non sine longo contentionum inter Criticos
 fune. Consule Scaligerum notis ad Propertium,
 Petrum victorium Variarum lection. lib. 14. c.
 8. Scholiastem Sophoclis ad Oedip. Colon.

Scholiaſtem Apollonii Rhodii ad lib. 3. Senec.
epiſt. 90. Lipſium de amphitheatro cap. 16. Paſ.
chaliſium de coron. lib. 3. Amatum Luſit. enarrat.
ad c. 25. lib. 1. Dioſcor. & Ardoynum de venenis
lib. 3. c. 42.

*De Herbarum Seminibus ac primo de
ſinapi.*

C A P. L.

E*ſt modicum granum, ſiccum calidumque, Sinapi.
Dat lachrymas purgatque caput, tollitque ve-
nenum.*

DUO hoc in loco potiſſimum aguntur. Pri-
mo namque perpuſillum illud granum,
quod *σινυμι* aut *σινυμι* Græci, Latini vero Sinapi
vocant, ad calefaciendum deſiccandumque effi-
cax eſſe traditur; & hoc quidem Galeno libr. 7.
c. 5. de ſimpl. medic. facultat teſte, in quarto
gradu. Deinde vero tres eidem adſignantur fa-
cultates.

Prima, quod lachrymas eliciat: excellenti
enim caliditate ſua humiditates, quæ in cerebro
ſunt, attenuat, incidit, liquefacit & diſſolvit:
illis itaque fluentibus ſimul etiam lachrymæ pro-
ſiliunt.

Secunda, quod caput purget: commanducatum
enim pituitas capitis per os ducit & purgat. Quin
etiam tritum, naribusque admotum, ſternutamen-
ta ciet, quibus meatuum obſtructiones tolluntur,
& cerebri vitia expelluntur: eaſque ratione comi-
tialibus & apoplecticis mirifice ſuccurrit.

Tertia, quod venenum tollat: suffitum namque ac incensum serpentes fugat; ad eorundem quoque & Scorpionum ictus cum aceto tritum magna utilitate illinitur, fungorumque venena discutit. Ad hæc lienis etiam affectibus ex humiditate & flatu procreatis confert. Item quartanis morbis, qui ex adusta pituita contracti sunt, præterea & podagris à pituita factis. Officit vero visui, & calido capiti, ac jecori. Concoctionem & distributionem ciborum crassarum partium adjuvat. Minuit quæ in ventriculo sunt humiditates. Illitum lepris eas in melius mutat. Linguas etiam humiditate gravatas siccatur. Si cum melle sumatur, tussis resolvitur. Cum calicis vero ischiadicis illitum & lienosis, utile est: trahit enim, quæ intus sunt ad corporis superficiem. Plura Dioscorides libro secundo capite centesimo quadragesimo. Plinius lib. 30. c. 22. & Simeon Sethi in Syntagmate.

Animadversio.

Floribus herbarum succedit semen in quo spes propagationis renovationisque posita est. Nonnulli eleganter stirpis *epitomen* vocant, in qua majestatem naturæ lucere volunt, angusto loco ac velut puncto totius plantæ ornamenta describentis. Jam vero tanta seminum diversitas est, ut qui ea penitus explicarit inventus sit nemo, alia molli vel pingui, alia lapidoso, firmo, solido, alia orbiculato, anguloso, triquetro, acuminato, perforato corpore constant, magno naturæ & Medicinæ miraculo, quæ ad hominis usum & sanitatem tantam potuit pompam expli-

530 DE CONSERVANDA

care. Plerique credunt nihil interesse five semen dicas, five fructum, quos reprehendit Galen. 2. de aliment. facult. cap. 1. hic autem de seminibus agimus quæ vesca sunt, quorum natura ad ficius semper & calidius, quam herbæ ipsæ, propensa est ex Galeno cap. 5. lib. de attenuante victus ratione. Inter semina ista Salernitani primo *Sinapi* describunt, quod tribus à Græcis nominibus designatur: *σινηπι*, *σιναπυ*, καὶ *τάπυ* Athenæus libro nono deipn. *σινπα* dictum vult *ὅτι ἀνέται τὴν ὄψιν τῇ ὀσμῇ*, quod olfactu ledat oculos: *σινος* enim τὸ βλάβος; *σιπυ* autem, vel *ἡ σέριον* τῶ ἡμῖς διὰ τὴν σριμύτητα deductum: est hoc est à privatione suavitatis ob ejus acrimoniam, vel quia φύστος ἐστρατα, quasi vesca dicas, quod sit sine natura, est enim adeo pusillum ut carere natura videatur. Galli *Mustardam* nominant, quia cum multo acre sinapis semen ad intinctus conteri solet.

Species sinapis tres constituit ex Plin. Matthioli, Fuschii duas, quinque Dalechampi, recentiores nonnulli septem. Potior septies de qua hic sermo est *horiensis*, cæteris major, nigra, caulo hirsuto & ramofo, filiquas habens rotundas, & hirsutas plenas semine, vel in rufo nigrescente, vel pallente & candido. Galenus 8. simplicium calefacere sinapi & siccare ordine quarto, dixit; idque media ejus parte ex Simeone, quamvis ex Neotericis nonnulli contra rationem & experientiam primo tantum gradu calefacere, & secundo desiccare affirmant, in quos invehitur Brassavol. in examine simplicium.

Vfus in Præcipuam nobilitatem inter condimenta sinapibus. napi tenet, in embamma five intinctum paratum,

VALETUDINE. 351

quod *Sinapium* sive *Sinaspimus* dicitur, quamvis postremum istud à Medicis alio sensu usurpetur. Parandi ratio apud varios varia, potior est ex musto, quo per vindemias mulieres sinapi maceratum & tulum diluunt ac temperant, addito interdum saccharo ad emolliendam ejus seminis acrimoniam, interdum adjecto pauco cinnamomo, zynzibere & cariophyllis, interdum adhibitis pyris & cydoniis, vel uvis passis quibus *scelerata* vis retunditur & mitigatur. In Italia *Ferrariense* sinapium præcæteris collaudari solet, cum prius *Vercellense* palmam ferret; in Gallia *Divionense* & *Andegavense* commendantur ob suavitatem incredibilem. Nullum præsentius condimentum irritandæ gulæ; sed usurpári debet hyeme potius quam æstate propter æstum. Sumptum moderate incidit & deterget; dissolvitque humiditates quæ in capite & stomacho existunt. Confert etiam morbis lenis qui ab humiditate & flatu excitantur. Convenit quoque tenuante diæta utentibus, frigidisque viscerum affectionibus & inde obortis cibi fastidiis. Nonnulli profecto putant bubulam carnem insuavem esse sine condimento sinapi, quod sic dictum volunt quasi *ovum cum bove*, ac si quis diceret cum bove semper conjunctum esse debere ejuscemodi obsonium,

Porro vitio non caret si immodicus ejus adfuerit esus; nam odore suo acri nares feriens sternutamentum confestim excitat, & sensim vellicans lachrymas elicit, imo si quis citra aliud obsonium mandere tentaverit, rosionem protinus & molestiam in palato ac ventriculo sentiet. *Pythagoras principatum habere ex his quorum sublime*

vis feratur, iudicavit, quoniam non aliud magis in nares & cerebrum peneiret. Officere vero visui & capiti calido innuit Simeon Sethi, concitatis illic turbulentis exhalationibus. Paulus Aegineta libro primo capite septuagesimo quarto, agre concoqui, stomacho incommodum, ac mali succi esse voluit. Pituitam educere, qua in ventriculo sunt disjicere, alvum madefacere, & flatus excernere, expertus est Actuarius libro primo de curat morborum acut. capit. 2. Iras concitare proverbium ex Artemidoro desumptum ostendit; ἰσχυρὸν τὸ νάπυ εἶπινεν. Isthmum sinapi bibit. Est autem Isthmus interseptum narium & oris gulæque intersepimentum, quod irritari esu sinapi dictum est & corrugari ira. Aristophanes inequitibus cum Cleonem ira percitum rugosa caperataque fronte, truci aspectu, vultuque furibundo demonstrare vellet, dixit:

κῶβλεψε νάπυ, καὶ τὰ μέτωπ' ἀνέσπασεν,
Sinapi conspexit, & frontem contraxit. Plautus in Pseudolo, Sceleratum vocat, in Truculento, triste. Si ecastor hic homo sinapi victuaret, non censeam tam esse tristem posse. Id enim efficere esum sinapis aiunt. Ex eo quod lachrymas moveat cecinit Ennius.

Nec triste quæritas sinapi neque mortuum capere.

Si quis scire voluerit cur sinapi admotum cuti ulceret, devoratum non ulceret, legat probl. 30. libr. 1. Alexandr. Aphrodis. Ex sinapi fit Sinapismus cujus usus frequens in morbis, & novissime in venenatis omnibus & pestilentibus; apud Italos præsertim, à quibus magnæ de hac re controversiæ excitatæ sunt. Sed dignum

VALETUDINE.

553

notatu quod inquit Cassius problem. 62. sinapismum videlicet ex aqua paratum validius ruborem excitare quam tritum ex aceto, quod tamen adversatur iis qui propter acetum solum putant sinapismum ruborem efficere, tu repete ejus rei rationes apud eundem Cassium.

De Aniso.

C A P. L I.

E*Mendat visum, stomachum confortat Anisum
Copia dulcoris Aniso sit melioris.*

DUæ hic referuntur utilitates Anisi. *Primo* namque visum emendat, & maxime quidem foris impositum. Atque hinc sane apud Plin. libr. 20. capit. 17. naturalis hist. epiphoris oculorum è vino radicem ejus tusam ab Jolla imponi solitam legimus. Ipsum cum croco pari modo & vino, & pertritum cum polenta ad magnas fluxiones, extrahendaque si qua in oculos inciderint.

Secundo deinde loco stomachum roborare dicitur, quod profecto de semine ejus potissimum intelligendum est. Illud namque, ut lib. de simpl. med. facult. cap. 44. Galenus asserit, maxime utile est, acre & subamarum, ut prope ad utentium accedat caliditatem. Est autem & in siccando tertii ordinis, sicut & in calefaciendo. Stomachum igitur calefacit, & qui in ipso sunt humores crassos ac frigidos lentosque attenuat, incidit, liquidosque & expulsionì accommodos red-

dit. Inflationes quoque, quæ ab iisdem profiscuntur, discutit. Atque hinc adeo fit ut stomachus tum repurgetur, tum exsicceetur, & onere quo gravatus fuit, deposito roboretur. Quinetiam visui eadem ratione conferre existimandum est: quippe cui nihil æque noceat, atque stomachi impuritas. Hinc enim impuri, fœtidi, atque turbulenti fumi ad oculos sublatis noxam spiritibus visivis invehunt. Melius ad hoc semper recens *anisum*, non fursurosum, dulcedine & odore præstans. Præter has utilitates, & aliæ quam plurimæ à Dioscoride libro tertio capite quinquagesimo quinto, à Plinio loco paulo ante citato, à Serapione cap. 242. & ab Avicenna lib. 2. Can. cap. 1. recensentur. Oris enim halitum jucundiores facit; doloris levamentum præstat, urinam ciet, discutiendi vim habet, aquam quæ subiit cutem dissipat, potum sitim ex falsis humoribus contractam extinguit, animalium venenis adversatur, valet ad inflationes; alvum & scæminarum profluvia tostum sistit, lac ad mammas elicit; venerem stimulat, dyspnœas à pituita profectas tostum purgat, cum melle sumptum melius; vetustis & antiquis ex frigore hepaticis affectibus prodest; Jecoris, lienis, renum, uteri ac reliquorum etiam viscerum obstructions tollit; vias enim ab humoribus crassis, frigidis ac lentis præclusas & obsessas aperit; atque ob id febribus quoque opitulatur antiquis: dolores capitis levat, suffritum naribus: cum rosaceo tritum instillatumque, fractis auribus medetur.

Animadversio.

Vulgaris est cognitionis *Anisi* semen, quod Græci & ἀνίσον, quasi ἀνίσκοντες vocavere quoniam *appetentium cibi præstaret*, & ἀνίσκοντες ἀνίσκοντες quod *flam discuiat*. Nonnulli sceniculum Romanum & cyminum dulce appellant, licet Romani sceniculo nostro non destituantur. Ejus differentias à regionibus desumptas non Genus. moror; unum observo sedulo in lectione Avicennæ animadvertendum; perperam illum Anisum statuere ex Galeno calidum secundò ordine, sic. cum tertio, & ex Dioscoride calidum & siccum in tertio: primo enim Dioscorides gradum non apponit, Galenus vero 6. simplic. & ejus epitomator Paulus & in desiccando & in calefaciendo Avicennæ tertii esse ordinis scripserunt, quod sane facili negotio deprehenditur ex ejus acrimonia & amaritudine, accedendo prope ad urentium caliditatem. Est tamen illi nonnulla dulcedo quæ acrimoniam retundit caloremque temperat à qua vis illi inest nutriendi, ut notat idem Avicenn. lib. 3. fen. 13. tract. 5. cap. 13. Cum autem Anisum nostrum gustu suave sit, nec ita os inflammet, aut amaro sapore repleat, crediderim nostrum, non ita esse calidum sicut voluit Galenus, proindeque differre ab Aniso Galeni quod velerat Sirium, vel penitus vetustum; observamus enim vetustum Anisum amarescere, minusque reddi suave.

Temperamentum.

Avicennæ error.

Fuisse autem olim in præcipuis condimentis, testes sunt Dioscorides & Plinius: & inter paucos laudatum à Pythagora, sive crudum, sive coctum, item viride, aridum, omnibus quæ condiuntur quæque intin-

Vfus in cibis.

guntur desideratur; Panis etiam crustis inferioribus subditum. Oris halitum commendat, fœtoremque tollit: vultum juniorum præstat, depurando scilicet ac defœcando sanguinem obstructionsq; removendo. Multa habet Plinius l. 20. cap. 17. quæ huc transferre non licet, Nostri sæculis & à rusticis & à Magnatibus Anisum expetitur: Rustici suas placentas eo condiunt, & sacchari loco utuntur vel piperis, eo etiam poma pyraque cocta aspergunt. Incrustatur saccharo pro divitibus quo utuntur ad suavitatem odoris conciliandam, ventos pellendos, ventriculum roborandum. Adjicimus etiam pani Biscocto non inutiliter. Porro Salernitani potius commendant Anisum dulce quam acre, hoc enim calidius est, illud mitius ac benignius, soletque ejuscemodi Anisum vocari ad Actuario *γλυκύανον*.

De Anetho atque Coriandro.

A P. LII.

- ” **A** *Nethum ventos prohibet, minuitque tumores,*
 ” *Ventres repletos pravis facit esse minores;*
 ” *Confortiat stomachum, ventum removet coriandrum.*
-

Animadverso.

HOC caput ex manuscript. addimus ne quis Anethum & Coriandrum desideraret. Est vero anethum dictum à Græco *ἀνῆδο* quasi *ἀνικητόν*, ac si aliis omnibus medicamentis præcelleret. Malunt nonnulli deductum ab *ἀνῆδιν* quod ad coitionem

VALETUDINE. 357

veneream lateffat. Illi tanta olim dignitas, ut flos omnis Græcis ἀνθινός diceretur ἀπο τῆ ἀνα τεινέου. Ex Rhodigino lib. 27 cap. 26. ei locus fuit in coronamentis frequentissimus ex quo vocatus à Mosco *florens crispusque flos*, ἐυδαλὲς ἔλον ἀνθινόν, à Virgilio beneolens.

Narcissum & florem bene olentis anethi

Eclog. 2. Tale coronamentum adhibitum in conviviis notat Galen. 6. simplic. ac præterea Theocritur *ιδι: ζ.*

Temperamento autem est excalefaciente in fine secundi gradus aut principio tertii, & desiccante ordine primo deficiente aut secundo incipiente; ex eodem Galeno. Avicenna vult excalefacere anethum inter secundum & tertium gradum, exsiccare inter primum & secundum. Placet Isaaco ut deficcet in medio secundi gradus. Conciliari posse credit hos viros Savanarola, si dixerimus Avicennā locutum de viridi & humido quod sicco mitius est, Galenum de sicco quod est magis in usu. Unum magis me urget; videlicet ipsa Galeni auctoritas ipsimet Galeno opposita, scribit enim lib. tertii. simpl. cap. 13. *Anethum & fœnigræcum calida esse primo gradu tantum;* cui adstipulatur Averroes 5. collectaneorum. Huic auctoritati respondendum duco lib. illo 3. simpl. loqui Galenum de anethi herba, libro vero sexto de ejus semine, quod constat calidius esse herba; quodlibet enim semen ex Galeno tertio de attenuat. victus ratione cap. 5. & siccus & tenuans magis, proinde etiam calidius. Dici etiam potest ibi Galenum verba facere de herba illa recenti, nam libro quinto simpl. cap. 21. herbam anethi & fœniculi recentem & humidam, ait esse medicamentum simul & nutrimentum; siccam vero plusquam oportet

teat & excalefacere & desiccare. Porro Avicenna Galeno est adversus in eo quod scribat ustulatum anethum ordine tantum secundo desiccare, cum ex Galeno desiccatur in tertio, adeo ut inveterata præputii ulcera probè cicatrice obcat, quod etiam probatur Isaaco. Nullus autem est qui illi flatus dissipandi facultatem denegarit, est enim subtilium partium, virtutis calefacientis, digerentis, crudos & incoctos humores concoquentis. Tormina & inflationes finire monet Dioscorides libro tertio capite sexagesimo, flatus qui in ventre fiunt discutere & laborantia corpora ex immodico labore curare, addit Simeon Sethi. Quod autem dicitur *minuere tumores*, tractum ex Galen. qui scribit 6. simpl. anethum esse ἀνέθον, καὶ ὁμῶν ὄγκων πρὸς πικρὸν crudorum tumorum maturativum: quod notandum est adversus interpretationem vulgarem quæ loco *tumorum*, *humorum* habet. Mentem Galeni assecutus est Isaac, *ventositatem*, *inflationem* & *tumorem dissolvendi vim* anetho tribuens, in qua quoque sententia fuit Avicenna anethum vocans *apostematum maturativum*. Simeon Sethi ait quibusdam visum anethum εὐσιμωχον, esse aliis κακοσώμαχον; prioresque illos rationem habuisse ejus caliditatis & facultatis discutientis flatus, humiditatem superfluum concoquentis: posteriores vero rationem habuisse ejus substantiæ crassæ, *concoctu difficilis*, & *nauseosæ*, πικρὰς, δυσωπῆς καὶ ναυστιγῆδους. Profecto Plinius libro vigesimo capite octavo anethum dixit *ructus movere*; Avicenna ex Galeno retulit *nocere stomacho* & *in semine ejus esse vomitationem*, quod tamen non memini legisse apud Galenum: imo verò dolorem sedare, somnum

conciliare, concoquere, lacque generare professus est. Cujus postremi effectus cum mentio facta sit, juvat inquirere, an & quomodo Anethum lactis copiam producat. Huic quaestioni satisfacit Isaaci commentator Petr. Hisp. docetque alia lac augmentare & generare *materialiter* ut faciunt cibi optimi, alia *excitativè* ut est continua attractio mammillarum quæ excitando dolorem fluxionem invitat, alia *pungendo mammas*, sic fricatio mammillarum cum urtica lac advocat; alia *adjuvando penetrationem sanguinis ad mammas*, qualia sunt calida & sicca præsidia; necnon diuretica, alia denique *dissipando flatus crassos* transitum & meatum à mammis ad uterum opplentes ne infarcentes, impediensque ne sanguis menstruus ab utero feratur ad mammas, atque his duobus postremis modis concludit Anethum lac generare, quibus tertium addit Galenus 3. simpl. cap. 21. nempe *nutriendi facultatem*. Verum ut ad priorem quaestionem revertar, nemo præter Avicennam dixit Anethum vomitum provocare: omnes autem affirmant ipsum sedare singultum cujus rei causam repete ex eodem Hispano. Ipse etiam Dioscorides dixit ipsum ex alto surgentes vomitiones sistere, & singultus lenire, quæ qua ratione cum Avicenna conveniant non video, nisi dixerimus per ἐπιπολέως ἐμέτος intelligendos esse leves vomitiones & à levi causa incitatas; puta à paucò flatu qui facile consumi ab Anetho potest, sicut dissipari potest ille flatus qui singultus inducit.

Cæterùm, duo insuper effectus Anetho tribuuntur qui sine difficultate non sunt: alter est an *venerem excites aut extinguat*, alter an *somnum concili-*

liet, ac inter narcotica constituendum sit. Quod ad primum attinet; jam monuimus dictum ipsum quod ad venerem invitet; deinde inter obsoletas appellationes nominatur κυνοκεφάλη καὶ ἑρμῆ γενος, *Cynocephali & Mercurii genitura*; non sine mysterio. Denique Galenus s. simpl. docet ea quæ lac generant, semini quoque producendo dicata esse; admittunt autem lac generare anethum, fateantur ergo necesse est semen quoque augere; proindeque veneris stimulandæ obtinere facultatem. Verum Dioscorides *semen extinguere*, Plinius *genituram hebetare*, Avicenna *semen interficere asserunt*, hac de causa quod ea quæ vehementer deficcant, quæque flatus discutiunt, veneri prorsus inepta existant. Hanc difficultatem duobus verbis dissolvit Dioscorides scribens *genituram extinguere anethum continue potum*, quasi innuat moderatum & parciozem ejus usum veneri prodesse, immoderatum & continuum adversari ob vim ejus deficcandi eximiam, maxime cum non est recens & humidum, sed siccum & vultum.

Annar-
coticū

Ad secundum quod spectat, Galenus vim inducendi somnum illi tribuit 6. simplic. admisceri acopis dicitur lib. κατ. τέπ. πανοποιόν agnoscit Sjmeon, somnum conciliare fatentur Isaac & Avicenna: qua quæso virtute, narcoticane? non crediderim, sed ubi datur intemperatis hominibus, torsiones & dolores à multo flatu per ventrem oberrante patientibus, flatus dispellit, submovet & consumit; sedatis doloribus somnus obrepit, hinc vis πανοτική; quod si exhiberetur temperatis hominibus, non dubium quin somnum turbaret potius quam conciliaret.

Venio

VALETUDINE.

381

Venio ad Coriandrum quod Græci *κοριον* & *κω-
εραον*, Latini *Corian* & *Corianum*, officinæ *Co-
riandram* dixerunt, denominatione sumpta vel à
Cimicibus quos folia & caules ejus olent, vel *απο
τῶ κοριω ἀελαύειν* quod *pupillas oculorum hebetet*.
Gravis quæstio inter veteres, an plures fuerint
Coriandri differentiæ: negavit enim Plinius l. 20.
c. 20. Coriandrum inter sylvestria inveniri: at Genus
interpres Nicandri in Alexipharmacis sylvestre
Coriandrum describit, cui veneni maleficium
inesse ait. Recentiores plura genera invenerunt,
& nominatim Dalechampius sylvestre proponit
à Myconio Medico Barcinonensi ad se transmis-
sum. Sed levior illa difficultas videtur, si conse- Tempe-
ries.
ratur cum ea quæ à Galeno movetur adversus
Dioscoridem penes Coriandri temperamentum:
frigidum asserit Dioscorides, Hippocrates & Ga-
lenus calidum: Avicenna pro Dioscoride pro Ga-
leno alii jure decertant: hanc autem controver-
siam, quoniam à plerisque examinata est fusissimè,
non expono. Vide Mathiolum. Amatam Lusita-
num, Antonium Sarracenum, & Joan. Leonicerum
commentariis ad Dioscoridem, Avicennam l. 2,
cap. 2. can. 149. & ejus commentatores Mon-
gium & Costæum, Nicolaum Rorarium contra-
dictione 16. Cardanum tractatus tertii contradic-
tione 16. Cardanum tractatus tertii contradic-
tione 16. Valesum lib. 9. controvers. cap. 7. &
alios passim.

Ufus ejus optimus censetur, stomacho enim bo- Ufus in
cibis.
num est, & salubre, cibos tamdiu in stomacho reti-
net donec probe concoquantur, oris habitum
commendat, in quem usum à seplasiariis saccharo
incrassatur, additum in condimenta vermes necat,
venerem excitat: largius tamen sumptum duas
insignes noxas asferre creditur, dementiam videli-

N n

cet & mortem. Mentem movere docet Dioscorides cap. 57. lib. 3. Isaac confirmat, & Simeon Sethi, quapropter nunquam ejus usum probare potuit Cardanus adversus Epilepsiam lib. 1. contradi. tract. 3. c. 17. quamvis ab Avicenna commendetur. Lethalem quoque illi esse vim ac venenatā asserit idem Diosc. l. 6. c. 9. & post Diosc. Paul. & Aet. Petrus Aponensis de remediis venenorum cap. 3. idem illi maleficium tribuit, quod oppugnari possit, & à Theriaca & à vincetoxico ad drachmas duas dato: sed plura repeti possunt ex Sante Ardoyno libro tertio de venenis cap. 60. Jam enim ab herbis ad arbores nobis progrediendum est, in quibus exponendis diutius forsitan quam deberemus immorati sumus, non longius tamen digressi, quam rei dignitas ac utilitas postulabat. Imposterum tamen animadversiones nostras breviores futuras monemus, quod videam opus hoc nimiam in molem excrecere, & enchiridii excedere magnitudinem.

De Fructibus arborum.

C A P. LIII.

Autumni fructus caveas ne sint tibi luctus:
De mensa sume quantumvis tempore bruma.

Animadversio.

Duos istos versus huc transferendos censuimus ex cap. 10. hujus sectionis quod ad explicandam generalem fructuum naturam plurimū

conferrent. Fructus vocabulum hic non usurpo pro quocunque stirpium fœtu, sed pro eo solo quem arbores aut frutices ferunt. Recte enim Galenus alios ex herba, alios ex arbore fructus produci docuit 2. de alim. facult. cap. 2. At nos fructibus herbarum omissis de quibus Salernitani nihil tradidere, ad arbores accedimus, quorum differentias & species alii alias constituunt. Prima differentia esse potest sylvestrium & domesticorum: verum sylvestrium quid attinet meminisse cum edendo non sint? Solos ergo domesticos perstringamus, vescos illos & ad nutriendum corpus humanum accommodatos. Hos autem ad mentem Salernitanorum dividimus in fugaces seu æstivos, quos Græci *ώγειος* vocant, & in serotinos seu autumnales qui à Græcis *ώπωγειος* dicuntur. Nomine tamen *ώπωγειος* Galenus 2. de alim. facult. cap. 2. non tantum intelligit eos fructus qui circa horam, id est, circa mediam æstatem nascuntur: sed eos qui ad reponendum & conservandum non sunt idonei. Itidem per *ώπωγειος* certum est non tantum designari autumnales hyemalesque fructus, sed eos etiam qui exteriori corticem molliorem habent, quique opponuntur ex Arist. l. 8. de hist. animal. c. 28. τοῖς ἀκεροσπύοις, hoc est τοῖς ἐξ ὧδ' ἀν κέλυφός ἐχουσιν, lignoso putamine rectis. Nos vero secuti Platonem, Galenum, Theophrastum, Plutarchum, Athenæum *ώγειος* *ώπωγειος*: præcoces tardis, fugaces serotinis, vernos & æstivos, autumnalibus & hybernis, opponimus: ex quorum omnium genere alii molliores sunt, alii duriores. Molliores vel nucleum habent, ut cerasa, pruna, vel carent nucleo, ut poma pyra. In duriorum genere sunt nuces & amygdalæ. Ex his omnibus qui à Salernitanis commemorantur, perstringentur

Fructu-
um dif-
feren-
tiæ.

564 DE CONSERVANDA

à nobis suo quique ordine productionis atque mutationis. Prius tamen nonnulla de fructuum usu, ac temperamento delibanda sunt, quo nostra disputatio illustrior evadat.

Colo-
res fru-
ctuum.

Imprimis vero mirari subit, cur flores unius ejusdemque arboris nativum & origanarium colorem nunquam mutant, mutant autem fructus. Quidam arbitrâtur id in floribus accidere propter velocem humoris consumptionem quæ non sustineat ulteriorem, nec longiorem concoctionem. In fructibus autem humiditas copiosior est, proinde diuturnior & longior longiorisque coctionis capax, hinc fit in longa ista concoctione demutentur colores. Est enim color in fructibus coctionis maturationisque argumentum, sic ut primus color viridis omnimodam fructuum cruditatem designans, primo in herbaceum transeat, quo prima concoctio denotatur; mox abeat in nigrum, ut in olivis, in flavum ut in Persicis, in nigricantem ut in pyris, in fuscum ut in sorbis, in rubeum, croceum, variû, ut in pomis & prunis. Distinguntur tamen inter se colores fructuum ejusdem arboris, quia succi inest diversitas & potestas multiplex. *Quemadmodum enim, ut ait Scaliger in l. i. Theop. de causis plantarum cap. ii. potestatem habet arbor generandi corticem, frondes, ramos, fructus, medullas, tegmina, pulpas, semina: sic varias fructuum formas edere posse non absurdum.* Accedit ad hoc ventorum afflatus, & syderum, solis præsertim aspectus: venti enim prout humiditatem exhauriunt, aut affundunt, ita colorem fructuum moderantur: prout etiam solis aspectus tepidior est aut ardentior. prout longo vel brevi tempore, cito vel tarde fructus recreat aut exurit, ita fructuum temperat colorem.

Sapo-
res fru-
ctuum,

Jam vero quam multiplices saporum differentiae in fructibus percipiuntur, dulcis, suavis, pinguis, amari, austeri, acris, acuti, acerbi; acidi, falsi, quorum tamen omnium initium est in austero ac pontico, à quo per varios maturationis & coctionis gradus fit ad alios saponos mutatio. Quod enim omnes fructus generentur ex dominio humiditatis terrenae, quae saporis est austeri, fit inde ut fructus sui initio referant istum saponem, quemadmodum fufius expositum habetur à Petr. Hisp. com. in lectionem 13. diætar. univers. Isaaci. Evieta autem & excocta hac prima acerbitate, si fructus humore subtili & aquoso turgat, exilique calore præditus fit, fit saporis aquei & retusi: si autem humore fuerit inter crassum & tenuem moderato, exilique etiam calore, fit saporis paulo acutioris: At vero dulcis evadit cum moderato est & calore & consistentia. Unctuosus cum excedit aliquantulum calor & consistentia est subtilis & aërea: Salsus cum calor emicat, & consistentia adest parum terrena: Amarus cum multum excedit calor in consistentia crassa & terrena, Acer, ubi calor adest igneus, cum substantia siccissima. Quae omnia intelligi & repeti facile possunt ex doctrina de saporibus, de quibus apud omnes philosophos, & plerosque Medicos locupletissime disputatur. Eleganter autem Plin. l. 15. c. 28. fructuum succos enumerat, *pyro vinosum, oliva pingnem, uvis dulcem, aquosum prunis, sanguineum moris, candidum uvis albis, lacteum ficis, spumeum persicis, & si odorem spectes, malis acutum, persicis dilutum, citreis acerri-*

Succi
fructuum.

Odo-
res.

Vfus.

Cæterum usus fructuum duplex: alter arbori, alter humano generi comparatus. Utilis fructus arbori ad propagationem ex semine, quod dictum

volo de iis fructibus, tum qui limul semina sunt, tum qui inclusa gerunt semina. Hinc Theophr. duas maturationis species agnoscit in fructibus: *unam* cum fructus solus est maturus, *aliam* cum semen quoq; maturum est & perfectum, quorum illa respicit hominem, hæc arborem. Utilis vero homini est fructus, vel *ob cibum*, vel *propter medicinam*. Nullus autem ignorat in usum medicum venire fructus & ab eis salutares peti medicinas, *cum ne sylva quidem horridiorq; natura facies medicinis careat*, inquit Plinius in lib. 16. natural. histor. At nobis inquirenda una venit alimonia quæ ex usu fructuum percipitur, quæ quidem talis est, ut ad irritandam gulam potius voluptatemque palato cōciliandam, quam ad salubritatem, optimamque nutritionem homini afferendam comparata sit. Galenus enim cap. 8. lib. de cibis boni & mali succi docet, *omnes fere fructus quos arbores ferunt malo succo esse exceptis castaneis, exiguum alimentum contri- buere, crudeſque succos aggenerare*. Quod si quis existat qui explorare velit quomodo singulæ fructuū species inter se differant: madefacere primo debet quam assumat: nam quicumque fructus mersi elixive aqua intumescunt, veteremque protinus siccitatem duritiemque deponunt, ut molliores & humidiores, sic meliores habentur, qui vero minime tument, pristinamque duritiem retinent, deteriores censentur, quæ experiendi ratio Galeni patri fuit familiaris ut idem Galenus notat cap. 5. ejusdem libri. Ad hoc tamen ut certum iudicium de fructuum usu atque utilitate feratur, nonnulla capita nobis sunt proponenda. *Primum*, est maturos fructus immaturis præstantiores minusque noxios esse: maturitate enim quicquid inflationes facit, abjiciunt, & superfluam humiditatem depo-

nunt, ex Galen. cap. 16. quamvis immaturi celerius subducantur ex 2. de alim. facult. cap. 2. *Secundum* est, vitiosos haberi fructus qui nullo temporis spatio non admodum intumescant aqua merfi, bonos vero qui illico in tumorem crescunt, nam & facilius coqui possunt, & ad bonos humores gignendos sunt apti, ex eodem Galen. cap. 5. *Tertium* est, eos esse humidos sine ulla siccitate qui non reponuntur: ex his vero minus esse noxios qui ventrem lubricant, deteriores autem qui tarde permeant & consistentia sunt duri; ex eodem auct. lib. de attenuante vict. rat. cap. 10. *Quartum* est, ex iis qui reponuntur aptiores esse & meliores qui molliores sunt: peiores vero qui duriores, ex eodem loco. *Quintum* est, humidos fructus tenue, humidumque ex se distributum alimentum corpori præbere, celeriter corpus totum permeare, facile per cutim & urinas excerni ac in summum pauci esse alimenti: solidos vero & densos alimentum copiosius corpori apponere, tardius pervadere; maxime cum succum in seipsis habent crassum, aut lentum aut adstringentem; ex ipsomet Galen. 2. de aliment. facult. cap. 2. & 7.

His ita summatim delibatis, quærendum est cur Salernitani autumnalium fructum esum noxium afferant, nisi media hyeme fiat. Cui quæstioni respondemus tacite institui comparationem inter fugaces & serotinos, seu æstivos & autumnales, quorum illi, ut habet Galennus cap. 2. lib. de aliment. facult. primo humectandi vim habent, dein etiam refrigerandi, præterea alvum lubricandi: hi vero cum sint duriores, alvum adstringunt, ægrius conficiuntur, proindeque dum corumpuntur, graviolem noxam inferunt. Deinde vero cum fugaces oriantur, media æstate urgente

solis æstu perfectam maturitatem assequuntur, autumnales vero cum declinante sole per instantem tempestatem, calidam modo, modo frigidam, siccam interdum, assiduus interdum imbribus humentem producantur, ut plurimum inæqualiter maturi sunt, superfluaque humiditate pleni, ex quo fit ut varia morborum genera inferant, febres malignas, diarrhœas, dysenterias, febres quartanas, rheumatismos, hæmorrhoidas & id genus alia; venas enim replentes superfluo & incocto succo, ventriculum quoque & intestina sero illo tenui & frigido altiùs subeuntes cacochimiam pariunt, & partes imbecilliores efficiunt, unde morborum occasio. Quod si ejusmodi fructus ad brumam usq; servati reponantur, partem malitiæ deponunt maximam, facta evaporatione humiditatis aquosæ & superflua. Calor enim interior coquit, mitigat, temperat, & excludit, quod tenuius est & serosum, sicque maturat & perficit, hinc deprehendimus rugatos fructus, ut mitiores ac benigniores, sic meliores ac salubriores. Et hæc dicta generationi sufficiant.

De Cerasis.

C A P. LVI.

S*ic cerasum comedas, tibi confert grandia dona,
Expurgat stomachum, nucleus lapidem tibi tollit,*

Hinc melior toto corpore sanguis inest.

T*ria ex cerasorum esu commoda hoc loco
recensentur. Ac primum quidem quod sto-*

machium expurgent, id quæ de illis potissimum intelligendum, quæ una cum nucleis manduntur. Ad eum namque modum [ut nonnullis placet] ingesta abstergent, & emundant.

Secundum, quod nuclei eorum, cum inde expressus succus sive lac sumitur, peculiari quadam proprietate lapidem non in renibus tantum, sed in vesica quoque frangant & expellant.

Tertium vero, quod quæ ipsorum velut caro est, optimum generet sanguinem, corroboret & impinguet. Et hoc certe experientia testatur & demonstrat ratio. Siquidem in passeribus, qui cerasis plurimum delectantur, eo ipso tempore quo hæc matura sunt, jecuscula non paulo majora quam alias reperiuntur. Unde hepar frequentiore cerasorum usu augeri ac roborari certo colligitur. Sed hic notandum, quod duplicia sint cerasa, crassa nimirum & parva: Ac crassa rursus duplicia, nempe dulcia & pontica sive acerba. Dulcia omnia & parva insalubriora sunt, facile corrumpuntur, & lumbricos in corpore generant. Crassa pontica quoque duplicia inveniuntur. Quædam enim pediculo constant longiore, bacca etiamnum cæteris crassiore, gustu acerbo & admodum acido, colore perpetuo resescente, nec unquam in atrum vergente: Italici verber dicuntur. Hæc tenera adeo & fragilia sunt, ut nisi sub arbore sua comedantur, facile gestatu collidantur & marcescant. Quare non nisi recentia, atque in principio tantum mensæ sumenda sunt. Abstergendi stomachi & ciendæ appetentiæ vi prædita sunt. Alia denique crassa nigra, & maxime omnium pontica sunt, quæ in compluribus Italiæ locis *Marasche* vulgo nuncupantur,

à sapore sic dicta , quod non injucundi amaro-
ris tantillum respiciant. Ea summo post alios ci-
bos loco edenda sunt , ita ut os ventriculi ponti-
citate sua claudant : quo clauso concoctio & me-
lius & citius peragitur. Galenus faciens ceraso-
rum omnis generis mentionem , lib. 7. simpl.
medic. capite 19. scribit in hunc modum : Cera-
sus arbor fructus fert non paris adstrictionis in
omnibus particulatim plantis participem. Nam
& in harum , sicut etiam malorum granatorum
& malorum quibusdam austera qualitas , in
quibusdam vero dulcis , in nonnullis autem aci-
da exuperat. Quinetiam ipsorum dulcium quæ
nondum cocta sunt , ac natura quædam admo-
dum sunt acerba , quædam similiter moris aci-
da. Sed in moris immaturis acida qualitas acer-
bam exuperat , in cerasis non semper. Ergo quæ
dulciora sunt , magis quæ in intestinis subducunt,
sed minus grata stomacho sunt. Contra austera.
Quæcunque vero acida sunt , ea piruitosis ex-
crementosisque stomachis sunt apta. Si qui-
dem austeris magis desiccant , & nonnihil etiam
incidunt. Porro ipsius arboris gummi commu-
nem omnibus viscosis & mordacitatis expertibus
medicaminibus facultatem obtinet quæ & ad
arterias exasperatas accommoda est. Proprie
autem , siquidem , quod quidam subscribunt ,
verum est , calculis vexatos adjuvat. Nam sic
illi tenuium partium inesset facultas quædam.
Hec illi. Plura Dioscorides libro primo capite
centesimo vigesimo sexto , Plinius libro decimo
quinto capite vigesimo quinto , & Simeon Se-
thi in Syntagmat.

Animadversio.

Cerasus prima colono annuam gratiam refert; cujus fructus *κεράσια* dicuntur à Cerasonte Ponti oppido, unde post devictos Mithridatem & Tigranem à Lucullo in Italiam devecti sunt. Crediderim tamen, potius à *Cerasis* urbem, quibus fecunda erat, quam ab urbe *Cerasa* denominata esse, cum ante Luculli victoriam mentio Cerasorum facta sit à Dephilo Siphnio apud Athenæum prisco auctore, sæculo Lyfimachi vivente. Nomen ergo illud deductum *απὸ τῆς κερᾶτος*, vel à *coma* quam opacam habet, vel à *ramis* excrefcentibus qui nulli arbori longiores sunt, validiores aut plures, est autem ramus in arbore idem quod cornu in capite. Cerasorum differentias à regione, aut à colore desumptas non exequor, cum ex Dalechambio repeti possint. Sapor nonnullas induxit scitu dignas; cum inde eorum temperamta deprehendantur. Sunt enim *dulcia*, *austera*, & *acida*, quorum *dulcia* ventrem molliunt, & citissime dilabuntur stomacho, tamen minus utilia sunt quod putridos gignant humores: Narrantur manè roscida adhuc devorata, adeo levare alvum, ut pedes podagrici morbo liberentur. *Austera*, quia adstringentia, idco *ἰσχυρά*. *Acida* pituitosos & viscidos stomachi humores incidunt, ipsum confirmant, sitim sedant, & appetentiam excitant. Inest certe cerasis vinosus succus admodum palato gratus, qui etiam Diphilo teste optimum alimentum præbere sed tenue potest. In universum *Cerasa* & frigida & humida esse, calidis & siccis ventriculis ac temperatis prodesse,

ventremque subducere prodidit Simeon Sethi Porro quod dicunt Salernitani nucleum lapidem tollere, id non intelligendum de integro nucleo devorato, sed de carne eo inclusa; quæ quod amara sit, digerendi vi prædita est, & deobstruendi venas & renes, eoque modo potest materiam lapidis renibus hærentem incidere ac summovere, sed factum calculum non potest deturbare. De Cerasis videantur Galenus, Avicenna, Bruyerinus libro undecimo de re cibaria, Benedictus Curtius libro vigesimo tertio hortorum, Dalechampi-
us, & alii.

De Prunis.

C A P. L V.

FRIGIDA sunt, laxant, multum prosunt tibi
Pruna.

DUÆ Prunorum facultates hic referuntur. Ac prior quidem quod corpus mediocriter refrigerent. Dulces enim, quemadmodum lib. 2. de medicament. simplic. purgantibus bened. cap. 19. à Mesve scribitur, calido frigido sunt temperata, aui paulo frigidiora, humida ordine secundo, *μείον*, id est dulci-cacida frigida principio secundi. Omnia tamen refrigerant. Quare Lusitani, qui calidam incolunt regionem, carum suarum cocturæ pruna plerumque immiscent, & potissimum Damascena. Posterior vero quod alvum moveant, & hoc Galenus quidem lib. 2. de alimen. facult. cap. 31. ita scribens confirmat. Corpori, inquit, ex hoc fructu minimum ali-

menti accedit : utilis tamen est iis, quibus propositum est, ventrem mediocriter humectare ac refrigerare ; ipsum enim cum humiditatis, tum lentoris sui gratia subducit. Quod certe de maturis intelligendum : cruda enim, quemadmodum Avicenna testatur, non parum adstrictionis præ se ferunt. Et quamquam posterior hæc Prunorum facultas, non secus atque prior etiam, Damascenis fere attribuantur, Armenis tamen potius adscribenda erit, ut quæ Avicenna & Mesue testibus, præter cætera magis alterent, largiusque solvant. Usui vero maxime sunt matura, immatura minus, optima autem inter ipsa & humanæ naturæ convenientissima, sunt oblonga, carne cum dura, tum exigua, siccitate nonnulla participantia, cortice exteriore tenui, sapore non prorsus dulcia, sed *μύου* id est duli-cacida, qualia Damascena cum primis habentur. Hæc enim mediocriter humectant ac refrigerant Multa porro & varia Prunorum genera reperuntur, non omnium tamen usus approbatur. In hoc genere sunt aggregata quædam parva, dura acerbæque, & cibo injucunda, Galeno *ἀγριοειδὲς καὶ μύου* vulgo Pruniola sive Prunula nominantur. Horum fructus, inquit Galenus lib. 7. de simpl. medic. facult. capite 35. evidenter adstrictorius est, ventremque sistit. Quo fit ut aquam nonnulli ventri sistendo accommodatissimam inde eliciant. Cæterum Pruna quæ ventris subducendi gratia sumuntur, in aqua frigida, prius quam ingerantur, aliquandiu præmaceranda sunt. Ita namque præparata magis tum humectant, tum refrigerant, adeoque ad appetentiam, quæ collapsa fuerit, excitandam, & ad flavam præterea bilem, quæ in ventre habetur detergendam ac subducendam

accommodatiora sunt. Quare biliosis etiam non solum febribus, sed aliis quoque morbis salubria redduntur. Pruna recentia atque humida siccis valentius quidem alterant; sed excrementitium magis & pejoris succi corpori præbent alimentum. Sicca vero non solum ad nutritionem accommodatiora sunt, verum magis etiam corroborant. Quod de Prunis hoc loco diximus, idem de cerasis quoque aliquo modo intelligi potest: sed horum humiditas, quam illorum, subtilior ac minus lenta est, quo fit ut minus etiam alant. De Prunis Dioscorides lib. 1. cap. 134. Galenus & Mesues locis paulo ante citatis, & Avicenna lib. 2. Canonum cap. 539.

Animadversio.

Pruna Græci κοκκύμηνα vocant vel ob figuram quam similem Croco Cnidio habent, vel quod inter poma *celeriter ac velociter* maturescant, est enim κόκκυ idem quod τρυχέ. Latini *Prunum* dicunt aut ab *unitate*, aut à Græco πρῦμα quod Galenus lib. 7. simplic. apud Asianos *sylvestrem Prunum* significare docet. Probabile autem est fructum hunc ex Asia Romam esse delatum post Catonis ætatem qui suo tempore jam conquerebatur Asiaticas delicias Romam importari. Res ergo ipsa & nomen ex Asia defluxit. Variæ Prunorum species vulgo notæ: Temperies & facultas magis obscura. Avicenna enim frigida Pruna facit in principio secundi gradus, humida in fine tertii; alii frigida tantum in principio primi gradus, humida in fine cōstituunt: quod postremum profecto intelligendum est de iis Prunis quæ solidiori sunt carne &

duriori ; primum vero illud de iis quæ carne sunt molliori & liquidiori. Similiter in assignanda earum virtute diffidet Galenus à Dioscoride, hic enim cap. 142. l. 1. Damascena pruna deficcata vult alvum cohibere, Galenus 7. simplic. asserit laxare. Convenient inter se si dixerimus per se alvum movere, per accidens coercere; quatenus scilicet ob eorum dulcedinem ac suavitatem avide expetuntur & retinentur à partibus nutritiis; proindeque etiam dicuntur à Dioscoride *εὐσώμαχα*; cum paulo ante dixisset Pruna, minime videlicet ficcata, *κακώσوماχα*. Semper autem memoriæ mandandum est in describendis prunorum & aliorum fructuum facultatibus distinguendum esse inter maturos & immaturos, inter dulces, austeros, & acidos. Immaturi enim magis semper adstringunt, acidi magis stomacho grati, dulces copiosius alimentum præbent. Quem vero succum corpori præbeant Pruna, explicatum habetur à Galeno 2. de aliment. facult. cap. 31. & cap. 7. libri de attente victus ratione. Cætera non repeto.

De Pyris.

C A P. LVI.

Adde Pyropotum; nux est medicina veneno:
 Fert Pyra nostra Pyrus, sine vino sunt Pyra virus.
 Si Pyra sunt virus, sit maledicta Pyrus.
 Dum coquis antidotum Pyra sunt, sed cruda venenum:
 Cruda gravant stomachum, relevant sed cocta gravatum,
 Post Pyra da potum, post pomum vade cacatum.

Hic docetur imprimis, ut super Pyrorum esum vinumbibatur, idque tum vetus, tum odoratum: atque ejus quidem rei ratio reddita est supra cap. 7. Pyra enim sanguinem seroso replent succo, inflationesque ac colicos cruciatus suscitant. Vinum ergo cum calefaciat, tenuet, flatus discutiat, & serosam redundantiam consumat, super ipsis convenientissime bibitur. Deinde Nucem veneno medicinam esse traditur, de quo copiose supra, c. 14. Secundo ac tertio versu, dicitur Pyra, absque vino commansa, esse virus, hoc est, nocere humanæ naturæ, cujus ratio jam reddita est. Ne quis interim simpliciter, ut de illis quæ excessu qualitatum elementorum, quarum mixture constant, at propria qualitate, sive forma [ut vocant] occulta venena esse noscuntur, ita de Pyris quoque suspicetur. Si enim commansa perniciem subinde vel noxam aliquam inferrent, ac proinde arbor ea ferens merito detestabilis esset, adeoque ob id ipsum excindenda, atque in ignem conticienda. Quarto versu innuitur, Pyra recentia & cruda esse venenum, id est, nocere humanæ naturæ. Nam extra hoc quod sanguinem seroso atque ebulliente replent succo, inflationes & colicos cruciatus excitant, phlegmata etiam ac scabiem generant. Cocta vero contra, *αγρίδος*, id est, remedium præstant, perinde atque illa paulo ante præstare diximus, quæ cum vino manderentur. Atque hæc sane ultimo post alios cibos loco sumenda potissimum sunt: ita namque excrementorum subductionem adjuvant. Quinto versu docetur, crudorum Pyrorum esum gravem esse stomacho. Ipsum enim non à concoctionis tantum opere distrahit, sed flatibus etiam distendit. Cocta vero è contrario gravatum stomachum

Stomachum levant & reficiunt, inque suum pristinum vigorem restituunt. Ultimo tandem versu hoc in primis præcipitur, ut vinum super pyrorum esubibatur: cuius quidem ratio jam red-dita est. Deinde, ut à pomorum esu alvus subducatur: quam rem Galenus libr. 2. capit. 21. de aliment. facult. sic scribens confirmat: Po-ma acida cum succum crassum in ventre invenerint, ipsum incidunt, ac deorsum subducunt, ob idque dejectiones humectant. Quod si ventrem purum invenerint, ipsum magis sistunt. Porro succus dulcis cum sine acrimonia & crassitie, hoc est, solus plane fuerit, celerius, quantum in ipso est, distribuitur. Quod si acrimoniam aut crassitiem habuerit, citius subducitur. Eadem habet Oribasius libr. 4. Synop-seos ad Eustathium filium cap. 69. & Avicenna 2. Canon. c. 569. Quinetiam hæc assignari potest ratio, nempe quod poma flatum in ventriculo excitent, flatu vero per anum deinde facile emittantur.

Animadversio.

FRUCTUM quem Latini à Pyramidali figura No²
Pyrum vocant, Græci appellant *ἄμρον ὄρχυλον*, mena
ἂν ἁγιάδα, quorum primum illud dictum, vel *ὁ π*
πρώτος ἐν Ἀπείᾳ γέγονεν, quod *pyrum* in *Apia* Pelopon-
nesi regione ortum primo sit, vel *ἡ δὲ τὸ ἐν δὴ ἡμεῖς*
πρὸς ἐνέδα, quod in locis siccis nascatur, vel *διὰ*
τὴν πορώτητα τῆς χυλῆς αὐτῆς, ab ejus succi qualitate:
ὄρχυλον vero deducunt *ἡ δὲ τὸ ἄγχειν* à suffocando,
 quod acerbitate sua vehementer adstringat. Plu-
 tarchus in quæst. Græca 51. observat Argivo

rum pueros quibusdam festis βαλλαγγάδας seip-
 sos appellare, quod primi ex agris in plani-
 tiem ab Inacho deducti, pyris sylvestribus vi-
 ctitarint: quodque tum primum ἀγγάδες in Pe-
 loponneso visæ essent, quæ dicebatur ἄπρι,
 hinc factum esse ut ἀγγαῖ dicta quoque sit ἄπριος.
 Et profecto illa regio non tam ab Apide Pho-
 ronæi filio ἄπριος dicta est, ut vult auctor Ethy-
 mol. quam διὰ τὸ ἐπιδεικνύειν, ἐν αὐτῇ το φυτόν,
 quod multa in ea regione pyri arbores nasceren-
 tur.

Genus. Pyrorum multa genera recenset Dalechampius
 lib. 3. hist. plant. c. 7. & Bened. Curtius Hortorum
 lib. 23. c. 14. necnon Bruyerinus lib. 11. c. 18. sed
 Tem- pleraque omiserunt, cum nemo possit singula enu-
 peries. merare. De temperamento nihil certi definien-
 dum prius quam de sapore convenerit: Austera
 enim & acerba, dubio procul frigida & sicca; dul-
 cia vero & succosa, moderate calida & humida.
 Veniunt autem & in cibum & in potum: In cibum
 quidem variis modis parata, cocta, cruda, elixa-
 ta, tosta, saccharo, vino, cinnamomo, aniso, fœni-
 culo, butyrove, condita, exsiccata, concisa, incru-
 stata, mille denique modis apparatus. Potus vero
 ex eorum succo concinnatur, quod *Pyraceum* vo-
 cant, qui tamen tantæ non est gratiæ, aut utilitatis
 ac potus ex pomis. Eleganter Galenus faculta-
 tes pyrorum explicat lib. 6. simplicium, & libro
 secundo de aliment. facult. cap. 24. ut de his plura
 dicere necessarium non sit.

Vfus
 in ci-
 bis.

Primus autem capituli versus sic intelligi de-
 bet: Quemadmodum nux sese habet ad venenum,
 ita & vini potus ad cruda pyra, Sed nux veneno
 assumpto remedium est, Ergo & vini potus py-
 ris esitatis. Quod vero pyra sine vino sumpta

venenum sint, nemo hactenus affirmavit, nisi
venenum latius usurpemus pro quacumque no-
xa: certum enim est jejunos esitata pyra lædere;
eorum usum etiam valentibus onerosum esse,
quo pertinere potest vulpis odium in pyra, quæ
numquam pro cibo attingit nisi difficulter & in
fame, unde adagium hoc fluxit tractum ex Plau-
to in Mustellaria.

An pyra
vene-
num.

Tam facile vinces. quam pyrum vulpes comest.

Quod quidem in eos dici solet, qui rem per-
difficilem aggrediuntur. Certum præterea est
devorata quædam pyra strangulare homines, tan-
ta est enim saporis gratia, ut mandendi finis non
sit. Graviditatem impedire, portatam à muliere
pyri radicem prodidit Albertus Magnus; etiam
pyris eandem vim inesse, si juxta vel suprâ se
mulier habeat; alii tradunt latentia in parturien-
tis lecto pyra, aut illuc transportata partum ju-
vare. Sed & nonnulla pyra tanta acerbitate dis-
plicent, ut devorari nequeant, strangulare vero
videantur, unde *strangulonea* dicta. Hæ & simi-
les noxæ fecerunt, ut pro venenatis pyra habita
sint, ni cocta prius fuerint, aut vini potu castiga-
ta. Merum tamen vinum superbibendum esse non
consulerem, quod in venas malignum & inco-
ctum pyrorum succum deducat, crudumque
sanguinem efficiat. Observatum quippe fuit, vini
haustu ab esu pomorum & pyrorum intolerabiles
cruciatus, & dolores ventris secutos: testisque
est Rodolph. Goclenius tractatu de vita proro-
ganda. cap. 11. ab esu pyrorum quemdam cerevi-
sæ potu periisse. Hic tamen nonnulli diorismi af-
ferri possunt & debent ex iis repeti, qui quæ-
stionem hanc medicam agitaverunt; *An post cru-
dum merum.*

De Persicis, Racemis, & Passulis.

CAP. LVII.

Persica cum musto vobis datur ordine iusto
Sumere, sic est mos nucibus sociando race-
m's,

Passa nocet spleni, tussi valet, est bona reni,

„ Utilitas uva sine granis & sine pelle

„ Dat sedare sitim jecoris, Choleraque calo-
rem.

DUO præcepta imprimis hoc loco tradun-
tur. Ac primum quidem ut mustum cum
persicis bibatur, aut sane persica simul cum mu-
sto exhibeantur. Mustum namque calefacit admo-
dum, ebullitionemque in corpore efficit: sed per-
sica ebullitionem hanc atque excalefactionem
frigidity sua cohibent & moderantur. Contra
verò persicis, cum vehementius refrigerent, me-
rito adhibetur mustum, quippe quod frigidita-
tem eorum, ne ventriculo noxam inferant, calo-
re suo facile mitiget ac temperet. De persicis supra
cap. 7.

Secundum vero, ut uvarum racemi cum nu-
cibus edantur: quod de aridis potissimum &
antiquis nucibus intelligendum est. Virides
etenim ac humidæ per se salubres censentur:
antiquæ vero & aridæ excellenter siccant, adeo-
que ob oleosam suam qualitatem prompte in
corporibus accenduntur. Jure igitur uvarum ra-
cemi cum ipsis mandendi veniunt, ut qui exsicca-
tioni atque inflammationi humiditate sua resi-

stant. De nucibus copiose supra.

Tertium deinde versu traditur, passulas sive uvas passas lieni officere. Ipsum enim communi ratione dulcium omnium obstruunt atq; lēdunt. Hinc Galenus in libro de attenuante diēta cap. 9. in hunc modum scriptum reliquit: Uvæ passæ si non sint adstringentes, lieni quidem & hepatis tumentibus non conveniunt: thoraci tamen ac pulmonis affectibus conducunt. Renibus etiam conferunt, quippe quos lavant & abstergunt, urinamque cient. Renes namque multa ad ipsos derivata humiditate mundant. Sed de his quoque supra.

Animadversio.

Non esse *Persicam* arborem eamdem cum *Persea*, quicquid Columella, Nicandri interpretes aliive plurimi censuerint, Plinius, Galenus, Ætius, Ægineta existimarunt qui diversis capitibus de *Persica* arbore, & de *Persea* egerē; *Persicam* arborem *μηλέα πέρσικη* vocantes, *Perseam* vero *τερσίαν*. Variis autem nominibus, apud diversos vocatam *Persicam* reperio, nam & *μηλέα πέρσικη* à regione unde primo adducta est, & *ῥοδακύνη*, vel ut placet Suidæ *ῥοδακινέα* ab insula Rhodo in quam à Perside translata fuit, & *δωρεακινόν*, seu *δωρεακινόν* appellata fuit, non satis nota origine: forsan vero ἀπὸ τῆς δῶνς sic dicta est, à magnitudine, quod palmum vel æquarent, vel implerent ejus fructus. Duracina tamen *Persica* definit Plinius libro decimo quinto capite vigesimo octavo, quorum corpus ligno adhæret, quid avellique nequit, quod nostris *Persis* & *Myre-*

Nomé.

Duracina
quid
sit.

coronis accidit, quamvis alii à solidiori, compa-
ctiori, duriorique eorum carne deducta malint.
Enimvero placet Jano Cornario libro secundo
commentariorum medicorum capite secundo, &
in Dolabella ad capit. 81. libr. 1. Paul. Æginetæ,
loco *δωρεκινόν*, *ῥοδακύνον* ubique substituendum
esse, & apud Plin. atque Columellam pro *Dura-*
cenis, *Rhodacena* legendum, existimatque erro-
rem esse alicui semidocto imputandum, qui non
intellecta, nec alicui lecta *Rhodacenorum* appella-
tione in eam suspicionem venit duracina legi debere
ob osium videlicet duritiam. Quæ quidem opinio
Mathiolo non arridet, nec Dalechampio, existi-
mantibus nullum errorem subesse, vel in Plinio,
vel in Ægineta. Ac certe ut de illa difficultate
sensum meum aperiarn, credibile est Perficam
arborem à Græcis primo vocatam fuisse *μηλέα*
περίκλω, seu *περσίαν*, quod pro una eademque
arbore utraque sumeretur; dein vero à Rhodo
insula ubi ad florem tantum perveniebat *ῥοδα-*
κύνλω, tandem vero sequentibus sæculis barbaro
nomine à Latino deducto *δωρεκινόν*. Priori appel-
latione usi sunt sunt Galenus, Paulus, Ætius, Ori-
basius: qui ut dictum est diversis capitibus *πε-*
μηλέας *περσικῆς* & *περὶ τῆς περσίαν* egerunt. Perseam
autem pro Perfica arbore usurparunt Dioscorides
lib. 1. Nicander in Alexipharm. Plutarchus tra-
ctatu de Iside & Osiride, & inter Latinos Colu-
mella in horto. At vero *ῥοδακύνως* appellatio nec
ita prisca, nec ita frequens, reperitur tamen
apud Scholiastem Nicandri in Theriacis, Suidam
in Dictionario, Simeonem Sethi in syntagmate,
Ætium libr. 13. capit. 118. Nicolaum Myrepsum
sect. 3. c. 95. & Pfellum lib. 1. de victus ratione
c. de iis quæ ventrem citant. Quamvis autem

nonnulli sic dictam contendāt, vel à roseo rubro-
que colore, vel à rosarum odore, verisimilius
tamen est ab insula Rhodo potius sic vocatam
æstimare, quod Plinius lib. 15. capit. 13. notet à
*Perside sero in Rhodum translata, proindeque à Ca-
tone non commemoratam.* Restat postrema appella-
tio quæ explicari commode nequit, nisi intelle-
ctis Persicæ arboris differentiis. Quatuor vero
Persicorum genera constituit Palladius in No-
vembritit. 7. *Persica, Armenia, seu Armeniaca,
Præcoqua, & Duracina.* *Persica* proprie ea sunt,
quæ hodie apud nos id nominis retinent. *Arme-
niaca* erant olim ex Persicis minima, ut docet
Dioscorides, eademque penitus cum *præcoquis*,
sic opinor à Romanis dictis quod citius quam
vera *Persica* maturescerent; τὰ δὲ μικρότερα, in-
quid Dioscorides lib. 1. capit. de pomis, καλὴ-
εῖρα δὲ ἀμύρια καὶ ῥωμαϊκὴ δὲ πραικόκια, quæ in gene-
re persicorum minora sunt & *Armeniaca* dicuntur,
à Romanis vocantur *præcoqua*: quibus quidem ex
verbis colligere licet *Armeniaca* à *præcoquis* mi-
nimè distincta fuisse, sed usu tandem venisse ut
Armeniaca desierint esse *Persica*, pomorumque
illud genus constituerint quæ nos vocamus *abri-
coqua*, Gallico nomine à Latino deducto, vel à
Græco βρεῖκοκια, quo usus est Simeon Sethi in syn-
tagm. Nec opinor, *Armeniaca*, seu *præcoqua* à
Persicis defecisse melius demonstrari potest quam
ex Ægineta & Martiali, hic enim lib. 13. epigram,
46. sic habet.

Vilia maternis fueramus præcoqua ramis,
Nunc in adoptivis Persica cara sumus

Ille vero lib. 1. capit. 81. πραικόκια τε καὶ δορακία,
καὶ ἀμύρια καὶ ἰππὸν καὶ πειρικῶν, *præcoqua, doracia,*

& Armenia, poma meliora esse Persicis asserit, manifestè *præcocia* à Persicis sejungens, quo loco quæri potest quid Paulus per *δοξάνια* intelligat: Cornarius legendum *ροδοκίνα*, Mathiolus in capit. 131. libr. 1. Dioscoridis speciem esse Armeniaci pomi distinctam à Præcocio & Armenio arbitratur, uterque meo iudicio perperam: *ροδοκίνα* enim nemo legerit, cum non esse distincta à Persicis, sed ipsamet esse Persica ipse fateatur Cornarius. Quod si ita est, quomodo Paulus dixisset Persica meliora esse Persicis? sane nescio. Quod etiam *δοξάνια* species sint Armeniacorum pomorum, nemo hactenus præter Mathiolum, idque sine auctoritate, vel ratione protulit. Itaque vel retinendum esse *δοξάνια*, vel *δοδοκίνα* emendandum duco, ipsaque omnino eadem esse cum præcociis majoribus, quæ in molem per insitionem accrescentes, distinguuntur specie ab Armeniis quæ quod sponte gignantur exigua sunt & parva Nomen autem *Diraciorum*, seu *Duracinorum* sumpserunt, ex insitione, seu ut rectius loquar, ex infoliatione arboris *Armeniaca* quæ siebat in alia arbore crassi corticis, ac proinde durioris ligni, seu solidioris, parumque medullosi. Florentinus enim libro decimo Geopon. capit. 75. tres insitionis modos constituit; *ἐμπελισμὸν*, *ἐγκαντισμὸν* καὶ *ἐνοφθαλμισμὸν*, *infoliationem*, *insitionem* propriè dictam, & *inoculationem*, quarum quidem *infoliatio* fiat in arboribus crassi corticis; *insitio* vero in arboribus tenuis corticis intra medullam humiditatem habentibus. Fructus ergo arborum in arboribus crassi corticis insitarum ut solidiores erant ac duriores, sic crassiores, ex quo factum fuit, ut fructus omnes ex insitione

Cornarius & Mathiolus improbantur.

Duracinorum origo.

& cultura majores facti, *Duracini* à Latinis vocarentur, sic Plinio *Duracina* uva dicta est capite primo libro decimo quarto, quod crassior collo esset, visusque est Columella capite quadragesimo tertio libro duodecimo, *ollares* uvas & *humastos* cum Duracinis confudisse: sic *Duracina* appellata Cerasa quæ majora. Atque ex hac observatione primo colligitur apud Æginetam *δοξαίνα* Armeniaca eadem esse cum præcociis majoribus, Armenia autem simpliciter dicta eadem cum præcociis minoribus, sicque duas tantum illic dari Armeniacorum malorum differentias, non tres, ut placuit Mathiolo. Secundo arguitur inde, *Duracina* Persica proprie esse quæ ex insitione majora evaserunt, seu quæ ex arboribus insitis progignuntur: quapropter Martialis ea vocat *Adoptiva*, quibus apud Romanos gratiæ & pretii palma fuit, cum singula *poma trecentis nummis venderentur*: hoc est septuaginta quinque assibus, si credimus Budæo libræ de asse, propter quod etiam immensum pretium, ab eodem Martiali *Cara* dicta fuere. Atque hoc nomine usi sunt in designandis pomis Persicis apud Latinos Columella & Plinius, apud Græcos Paulus Constantinus Cæsar Geoponicorum libro decimo, & Glossæ Græcolatinæ; in quibus tamen loco *δοξαίνων*, *δοξαίνων* est legendum.

Glossæ
emen-
datæ.

Verum præter has appellationes Persicis tributas, alias etiam nonnullas sortita sunt. Nam apud Athenæum libro tertio dicuntur *περσινὴ κοκκύμηλα* *pruna persica*, *ὄξύμαλα* quoque & *ἄδρια*; cumque proprie in pomorum sint censu, locum tamen obtinere inter nuces. Nam Macrobius Saturnali. libro secundo capite deci-

mo quarto ex Plauto & Suenio viro longe doctissimo, *persicum malum nucem molluscum* vocari ait; scilicet quod cæteris omnibus nucibus melior sit.

Quod ad temperamentum Persicorum attinet, ea quidam in tertio gradu refrigerantium humorumque posuerunt, alii in primo, alii in secundo: *quod melius est factum*, inquit Simeon; quæ postrema sententia est Pauli libr. 7. minus tamen frigida censeri debent ob tacitum amorem quo ipsa non minus quam arbor, prædita sunt: propter quem saporem, minimum quoque nutrire ipsa par est; cum omne quod nutrit, ratione suæ dulcedinis nutriat. Gal. de aliment. facult. cap. 19. facile corrumpi eorum succum parvumque & malignum esse asseverat. Addit Aegineta libro primo capite decimo octavo, mali esse succi, acescere, facile corrumpi, deterioraque haberi præcoquis & Armeniacis. Plura alia adjicit Simeon in eorum opprobrium, cui reluctari videtur Dioscorides, Persica faciens *εὐσμία* & *εὐκρίνα*, stomacho & alio accommodata; Diphilo Siphnio *μῖσος εὐχράκει & πεττικὴ πηξ. ἢ μέλαν*, succi mediocriter boni & plusquam mala nutrientis, habentur. Plinio libro decimo quinto capite duodecimo dicuntur *Innocua & expetita* ægris. Manifesta in his auctoribus pugna, quam duplici responsione tolli posse existimo. Prima est eos qui stomacho commoda dixere Persica, habuissent rationem potius odoris quam succi: tanta enim odoris est illis suavitas, ut cardiacis subveniant, orisque foetorem vitio stomachi factum emendent. Vidisse se Jul. Alexandrinus narrat libr. 10. salub. esu Persicorum sedatum fuisse continuum vomitum ex maris jactatione

Con-
tradi-
ctio
dilu-
tur.

excitatum. Secunda responsio est eos qui boni succi dixerunt Persica, locutos non fuisse absolute, sed relate tantum ad olera, ex observatione Petri Hispani comment. ad caput Isaaci de Persicis. Notandum præterea est noxam Persicorum augeri, si post alios cibos sumantur, minus vero si ante cibos ingerantur, maxime ab iis qui frigido non sunt stomacho, sed æstuanti & fervido. In his enim ciborum appetentiam excitant, & fervorem extinguunt. Non debent autem assumi, nisi matura, continuo vinum superbibendo. Quamvis autem Salernitani mustum bibendum consulant, mihi tamen magis probatur cum Isaaco & Simeone vetus vinum odoriferum, quod per se tota sic ebibant, ut ab eo supererentur, ea enim ratione succi noxa retunditur: quod si ipsa vinum superent, periculum est ne in venas vini beneficio citius deducta celerius graviusque lædant. Proinde Simeon Sethi sedulo prohibet, ne post esum Persicorum aqua bibatur, vel cibaria acria superingerantur, quod serosum sanguinem patiant, febresque putridas gignant, longas & quæ difficulter solvantur. Vulgus Gallicum arbitratur nucleum Persici noxam eam auferre, quam pulpa infert, nec injuria sane; cum incidendi, detergendi, aperiendi, calefaciendi, siccandique facultate polleat. Sed ut dictum est vino generoso nihil præstantius; unde vulgare istud carmen per mensas jactari solitum,

Petre quid est pesca? cum vino nobilis esca.

Cæterum egregium præceptum tradit de esu Persicorum Actuarius libr. de spirit. animal. nutrit. cap. 6. his verbis. *Solent, inquit, Persica nisi facile alvum subierint in corruptionem abire, &*

388 DE CONSERVANDA

cum humoribus una immutari, quoscumque tandem offenderint. Quamobrem quibus agræ per alvum descendunt, consuluerim ego iis omnino, ut ne ea quidem attingant, nisi quis temperamenti proprietate corpus affirmet libenter alimenta huiusmodi admittere. Hæc ille. Plura non addo cum repeti possint ex Plutarcho libr. de Iside, Athenæo, Dioscoride, Plinio, Simeone, Bruyerino, Jul. Alexandrino, Curtio, Hispano, &c. Porro multa hic disputari possent de uvis & de nucibus quarum meminere Salernitani, sed quis uvarum omnes differentias brevi commentario perstringeret, quæ non nisi justo volumine explicari possunt: Dodonæus historiam vitis & vini unolibro conscripsit, Jacobus Horstius opusculum de vite vinifera ejusque partibus edidit, Andreas Bacchius libris de naturali vinorum historia de uvis tam multa protulit, ut superfluum sit post tantos viros aliquid de uvis annotare. Interea notandum non propter uvas, edendas esse nuces, cum earum succus pravus & malignus quicquam addere bono uvarum succo non possit, sed propter nuces assumendos esse racemos ad edomandam earum malitiam, juvandam coctionem ac distributionem earum, ac denique retundendam noxam quam stomacho inferre creduntur. Plura inferius.

De Moris.

CAP. LVIII.

Mora sitim tollunt, recreant cum faucibus
uvam.

Animadversio.

Non ausim silentio prætermittere *Morus*, quorum arborem Parens meus Principis Alenconi Caroli noni Christianissimi Regis fratris medicus quondam ordinarius inter sua insignia gestabat in argumentum prudentiæ quæ necessaria est iis, qui se Regum principumque famulatio addicunt. Est enim *Morus* arborum sapientissima, licet fatuæ & stolidæ nomen à Græcis per antiphrasim adepta sit. Quod nimirum

Parens
authoris
Medicus.

Exacto nonquam nisi frigore germinet arbos.

Urbanarum arborum omnium, inquit Plinius, *novissima* floret *Morus*, *serotino* germinatu se prodens, *nec nisi exacto frigore*. Sed cum cœpit, in tantum *universa* germinatio erumpit, ut una nocte peragat, etiam cum strepitu. Est autem dictum *Morum* à Græco *μῶρον*, quod nonnulli ἀπὸ τῆς μωρίας per antiphrasim, deducunt, ego ἀπὸ τῆς μωρίας τὸ βῆρον designantis, quod arboris flores ex villosa congerie constant; alii malunt dictum ἀπὸ τῆς μωρίας, quod Cypriorum lingua ὄξυν significat, sunt enim mori folia in summo acuminata radix cuspidata,

Differentiæ Mororum duæ: alba in cibo minus nobilia & expetita, nigra quibus plurima inest gratia. Alborum arbos frequens seritur propter folia, quibus bombyces nutriuntur, hoc est vermiculi lanam sericeam gignentis. Nigrorum planta ad usum medicum, & ad alimoniam plantatur. Sunt autem mora matura quidem & dulcia modice refrigerantia, & humectantia

Genus.

Tem-
peries

multum - acerbam vero & immatura - frigida sicca : dulcia ex stomacho facile ejiciuntur , ventrem humectant , & urinas provocant : jejuno stomacho assumpta , refrigerata prius in aqua frigida sitim auferunt , æstum & squalores ventriculi temperant , hepatisque fervorem extinguunt . Existimavit Avicenna mora frigida esse & humida , Isaac calida , Rhazes temperata , quas pugnantes sententias sic conciliandas docet Petrus Hispanus , ut ratione suæ substantiæ sint frigida , ratione suæ citæ conversionis temperata ; eo sensu quo statuit Galenus oleum esse temperatum , quod cito convertatur pro natura rei admixtæ ; & denique calida esse comparatione facta ad immatura : pari etiam modo convenit inter eos qui mora laxare , quique alvum stringere statuunt : matura enim laxant , immatura adstringunt .

Cæterum mora esitantibus duo præcepta sedulo observanda veniunt . Primum est ut stomacho vacuo & mundo committantur ; alias corruptioni obnoxia sunt ac putredini , induunt facile naturam eorum quibus commiscuntur . Alterum est ut ingerantur ante alios cibos , ne diu restitent in stomacho , moraque putredinem primo acquirant dein aliis impertiant cibis . Nec quemquam morari debet Horatius 2. sermonum scribens , salubriter eum degere

Vfus in
cibo.

— Nigris qui prandia moris

Finiet.

Quo enim sensu verba illa accipienda sint , superius admonui .

Nec prætereundus est usus ille mororum à Salernitanis commemoratus recreandi fauces & uvam . Is autem maxime dependet ex facultate

adstringenti, siccanti, & refrigeranti, quod intelligendum est ubi indicatio adest reprimendi & reperiendi humores à capite, vel aliis partibus ad guttur affluentes, quo tempore usurpanda sunt mora immatura & acerba. Quoties vero impacti humores & fixi digerendi & consumendi sunt, cavendum ab immaturis, ad matura autem confugiendum, quæ benigno suo calore atque humiditate, & sedare dolorem, & diaphoresin promovere, & duras tensasque partes emolliere possunt. Cætera repetantur ex Athenæo, Mizaldo, Jul. Alexandrino, Porta, Plinio, Curtio. Unum addo in mororum commendationem & salubritatem. Refert Hegesander sua ætate intra viginti annorum tempus cum mori fructum non tulissent, tantam podagræ pestem omnes invasisse; ut non homines tantum, verum & pueri puellæque ac eunuchi & mulieres quoque eo morbo laborarint: nempe quod eo fructu ventriculum & jecur non refrigerassent, nec sanguinem suo sero purgassent, quod moris deturbari & evacuari notant Arabes.

De Ficubus.

CAP. LIX.

- ” *P*ectus lenificant ficus ventremque relaxant;
 ” *Seu dentur cruda, seu cum fuerint bene co-*
 ” *cta.*
 ” *Nutrit & impinguat varios curatque tumores.*
Scrophæ, tumor, glandes ejus cataplasmate ce-
dunt.

Junge papaver ei, contracta foris trahit ossa.

Ficuum
facul-
tates.

Aetius
l. 15.
c. 5.

Hic duæ ficuum cataplasmatibus modo imposi-
tarum facultates referuntur. Ac prior
quidem, quod cum aqua, sive alio quopiam
convenienti liquore decoctæ humidæque impo-
sitæ, scrophulas, glandes atque tumores discuti-
ant. Per scrophulas vero, quemadmodum do-
ctissime à Jano Cornario in capit. 8. lib. 1. Macri
scribitur, Latinis non recepto adeo vocabulo,
strumæ intelliguntur. Videtur autem ex Græca
voce factum esse. Sicut enim Græci *χοιράδας*
appellant, quas nos strumas dicimus, sic visum
fuit huic, qui primus scrophas appellavit eos
glandularum circa collum ac guttur tumores,
Græcæ vocis etymon exprimere, *χοιράδας* enim
ἀπὸ τοῦ χοίρου appellatæ sunt, hoc est à porcis
ac suibus: vel quod Avicenna 3. 4. tract. 2. cap.
9. teste, ob edacitatem haud raro circa hoc ani-
mal reperiantur, vel quod earum figura porcis
plurimum adsimiletur. Per Glandes accipien-
dus hoc loco abscessus, ut Cuidoni Cauliaco pla-
cet, utcumque mollis, unicus, mobilis & se-
paratus à partibus circumjacentibus: in emun-
ctoriis plerumque nascens: talis enim à glandis
forma quam præ se ferre videtur, nomenclatu-
ram accepit. Lege Jo. Tagutium lib. 1. institu-
tio. Chirurg. capit. 13. Porro per tumores quæ-
libet inflationes in quavis corporis parte exortæ
intelligi possunt. His enim omnibus curandis ac
maturandis ficus in aqua cum momento aceti,
ut penetrationem earum adjuvet, decoquendæ
sunt, donec mollescant, mox liquore per co-
lum transfuso, si us ipse in mortario contunden-
dæ, ac cum eodem rursus cataplasma informan-
dum.

um. Cataplasma autem proprie medicamen-
tum vocatur, quod è plantis viridibus confusis,
vel iisdem ad mollitudinem usque in aqua deco-
ctis componitur: id quod innuitur etiam vulgato
versiculo:

Tunc cataplasma facis, cum succum ponis &
herbam.

Posterior vero facultas; quod cum papave-
re impositæ fici fracta extrahant ossa. Quo
sane loco erraticum illud papaver intelligen-
dum est, quod in arvis passim nascitur flore ru-
fo, & capite pollicaris unguis magnitudine. Pue-
ri in Scholis ἐργασόν, id est, atramentum li-
brarium ex contritis florum foliis conficere so-
lent. Dioscorides libro primo capite centesimo
quadagesimo secundo, de foliis ejus privatim te-
stimonium præbet, quod cum ficibus cataplas-
matis modo imposita ad extrahendum ossa fra-
cta conducant. Sed adscribam ipsius verba
Ἀνάγκη δὲ ὀλκωδὸς καὶ ὅσα σὺν μῆκανος ἀργίας φύλλοις,
id est, Grossi cum sylvestris papaveris foliis ossa
extrahunt.

Vermiculos, veneremque facit, sed cuilibet ob-
stat

Duo hic traduntur effectus ficuum. *Primo* namque
ex largiore ipsarum usu pediculorum multitudo
provenit: quod de iis potissimum intelligendum
est, quæ, ut refert Galenus libro secundo de ali-
ment. facult. capite octavo, & post hunc Avi-
cenda 2. Canon. capite 283. maturæ prorsus ac sic-
cæ sunt: quandoquidem sanguinem non admo-
dum bonum sudoremque multum gignunt. *Dein-*
de vero ad Venerem irritant. Excrementitiæ
enim sunt, & inflationes pariunt, quibus vir-

ga erigitur, & Venereæ roborantur vires. Plura supra.

Animadversio.

Laus ficum.

Ficus simplicis vitæ principium fuit, propterea magnus ejus usus & gloria apud antiquos. Anania ficus dictæ sunt ἡ χρυσὴ χειρὸς ἐρεβί, *auro meliores* Homero γλυκὲς καὶ ἀγλαόκαρποι. Pausaniæ ἱερὰ. In conviviiis Lacedæmoniorum quæ Phidia vocabant, singulis convivarum mensis ficuum aliquot minæ destinabantur; nec enim sine eo cibo edere volebant, qui ex mitioribus primus inventus fuit. Veteres, ut dulces anni dies à dulcibus auspicarentur, Calend. Januar. caricæ & mella amicis ac propinquis elargiri solebant. Athenienses locum in quo primum repertam ficum aiunt, *sacram ficum* appellabant, fructum vero ἡ γηπέριον quoniam in ea primum inventus sit cibus domesticus. Ex Græcis eruditissimi privatim volumina ejus laudibus dicarunt, ut propterea mirum non sit, si tam effuse Plinius in illius prædicationem decurrat. Nolim autem hic omnes fabulas commemorare, quæ de ejus nomine circumferuntur, dictam à fecunditate Latini auctores volunt, à Sycea ex Titanibus uno σῦκον Græci. Fici genera duo, sativum, & sylvestre, quod à Græcis συκὴ ἀρχία & ἐρειός, à Latinis *Caprificus* appellatur. Fructus quoque duplex: immaturus qui ὀλῳδος, nobis *Grossus* dicitur; & maturus qui si recens & viridis, ficus propriè, si deficcatus, ἰχὺς, seu *Carica* vocatur, pinguis etiam dicta; quod si maturitatis falsam speciem prætendat, Φυλῆνης appellationem sumit. *Psytalia* est quæ ne-

Nomē

Genus.

que recens, neque arida, *Iscaoptes* quæ sale condita ex Cratino. Ficum fundum Artiei *umbilicum* vocant, folliculum *grumam* ? grana *κρυγαπιδας* & *frumenta*; succum, *lac*, lachrymas fauciatae arboris *opon*, quod generaliter multi ad arborum omnium lachrymam protendunt: decoctum, *syraum* & *syzion* Ficum generum ingens, tam apud Græcos, quam Latinos numerus, uti in alia arbore tot reperire non sit: nam & figura & colore & magnitudine differunt, regionibus quoque & provinciis, Auctorum denique ipsis nominibus, quæ omnia methodo & ordine digesta legi possunt apud Curtium libr. 24. hortorum. *Ficus* primo ordine calefaciunt intento, desiccant medio primi, quod de *caricis* est intelligendum, nam *virides* propter admistam humiditatem facultatis sunt imbecillioris. Certe quanto longinquior est ficus à maturitate, tanto minus calida est, sed crassarum magis partium, cum matura & sicca partium quandam tenuitatem obtineat. Quæ *pinguis* existit, concoquit magis; quæ gustu acrior, potentius exterget, & digerit.

Temperies.

Olim tam recentes, quam passæ ficus panis & obsonii vicem habuerunt, eoque cibo prisca Athletæ vires aluerunt, priusquam Pithagoras eos ad carnes transfulisset. Sole siccatis & sale conditis, casei loco etiam vesci excogitatum. Nec injuria profecto, cum minus quam cætera poma mali sint succi, cum ventrem cieant ac facile exeant, cumque satis mudent & purgent. Medicinæ Princeps Galenus ut salubrem vitam degeret, ab omni fugaci poma à 28. anno ad senectam usque abstinuit, exceptis exactè maturis ficibus ac uvis. Nutriunt ergo abundè, sed

Vfus in cibis.

adstrictam & robustam non efficiunt carnem, ut panis & caro, sed mollem & laxam, simulque vento ventriculum implent, nisi probe concoquantur. Compertum est vinearum & ficuum custodes quos Græci *συκοφύται* vocant, cibatu liberaliori ficuum obefiores effici, sed postea molem illam corporis facile collabi atque detumescere. Tria autem cum in ficu reperiuntur, *cortex, semen, & caro*; cortex, quia ficcus, ita coctum durissimum existit, semen coctionis expers est, sola caro ut solutum facilis sic coctioni ac nutritioni accommodatior. Inter ficus vitia, pediculorum generatio recensetur, quæ ideo fit, vel quia in impuris corporibus putrent ficus, vel quia subtilem sanguinem in puris corporibus producentes, faciunt ut ejusmodi sanguis ad exteriores partes cito feratur secumque quidquid est humoris putrentis vel pituitosi trahant, unde postea pediculi generantur. Quod autem primò observant Salernitani, ficus lenire pectus, id omnibus peréquè non probatur. Eas enim voci contrarias Demetrius Sceptius voluit, consuluitque vocis studiosis ut iis abstinerent, exemplo Hegesinactis Alexandrini historiarum scriptoris, qui cum à principio pauper esset, Tragædiarum optimus actor evasit, quod ficibus per octodecim annos abstinerit. Verum cum tenuandi facultate & incidendi, digerendi ac abstergendi eximia polleant, certum est earum esu *ἐνδογίαν* procurari; deinde vero si ea quæ renibus conveniunt, pectori quoque accommodata esse constat, cum arenulas è renibus educant ficus, urinariosque meatus expurgent; expurgando quoque thoraci erunt idoneæ. Cætera patent ex commen-

Pedi-
culos
gene-
rant
ficus.

tario, & ex autoribus à me laudatis, legere potest aliquot problemata de ficubus apud Plutarch. in sympoſ. & multa adagia apud Eraſmum in Chiliadibus.

De Meſpilis.

CAP. LX.

Multiplicant miſtum, ventrem dant Meſpila ſtrictum.

Meſpila dura placent, ſed mollia ſunt meliora.

DUæ Meſpilorum utilitates hoc loco recenſentur. Una quidem, quod miſtum ſive urinam multiplicent atque augeant. Quod certe non primo & per ſe ac propria ſui ratione efficiunt, ſed ex accidenti. Fæces enim comprimendo indurant, quo fit, ut ventris humor ad veſicam diſtribuat. Quinetiam ratio adſignari poteſt ſimilis illi, quæ eſt apud Hippocratem Aphoriſ. lib. 4. Aphor. 83. Miſtio noctu plurima facta parvam ſignificat dejectionem. Quoniam, ait Philotheus, multa & magis conferta diſtributio facta eſt in jecinore, & alio derivata eſt materia, ideo multæ urinæ fluxerunt, parum autem ſtercoris; & è converſo ſi multa ſtercoris dejectione fiat, pauca erit urinarum excretio eadem de cauſa: nam parva diſtributio facta eſt, & ideo etiam parum urinæ, multa autem per ſtercus dejectione, quoniam in ventriculo manet humidum. Altera vero, quod ventrem detineant: idque præſtant maxime qualitatis ratione, quæ ineſt iſtis

Al. Eſcul.

Miſtio nocturna.

acerba admodum & styptica. Ex quo infertur hoc loco, mespila dura placere, quippe quæ ob adstrictionem alvo fluenti in cibo accommodatissime exhibeantur: sed mollia esse meliora, ut quæ magis nutriant, & alvum minus fistunt. Illud porro neminem latere debet, omnibus huiusmodi parce vescendum esse, non autem affluenter, ut pyris, persicis, ficibus uvis, & similibus. Nullo enim ipsorum ut alimento, sed ut medicamento potius indigemus. Quod satis quidem colligitur ex saporis acerbitate, & duritie substantiæ, ut quæ præterquam quod tardius in arbore maturitatem consequuntur, minus etiam quam ut edi queant mollescunt. Atque hac sane de causa priusquam edantur, reponi solent donec emolliantur. Sic enim quamplurimum ex acerbitate & stypticitate amittunt, & in cibo suaviora fiunt.

Animadversio.

Tem-
peries.

Gyral-
di er-
ror.

PAUCA de Mespilis annotanda habemus cum Galeno teste lib. 2. de facult. aliment. cap. 25. non ut alimento, sed ut medicamento potius Mespilis indigeamus. Si quis tamen eorum facultates scire velit, eas breviter ex Simeone discat. *Mespila*, ait, *matura nonnihil caliditatis participant; immatura vero, frigida sunt stupere faciunt, ventremque fistunt.* Male autem Gyraldus vertit stupere faciunt, *στυπάζειν* enim, ut habetur in Græco, adstringentia seu obturantia significat. Sed vir doctus mendum latere existimavit in Græco & loco *στυπάζειν*, *στυπῶν* legi debere quemadmodum apud Hippocratem, Galenum, Paulum

& Etium legitur, quæ vox *acerba, austera, dentes obtupescere facientia* designat. Utitur tamen Galenus verbo *σύνειν* in explicanda mespili natura, libro secundo de aliment. facult. Isaac dicit. particul. mespila frigida & sicca in primo gradu constituit; eaque si edantur, ante cibum ingerenda, quod habeant vim stomachum roborandi vomitumque compescendi, quæ verba Hispanus sic explicat ut debeant cum per modum medicamenti dantur, ante cibos assumi, cum per modum alimenti, post cibos quia eos faciunt descendere. Gratia autem in mollitie eorum est, aliàs edendo non sunt. Vix autem mollescunt in arbore sed substerni paleis solent. Cruda minus salubria, cocta magis. Apponuntur autem vel ad ignem ut poma alia, vel decoquuntur in vino adjectis cinnamomo & saccharo, vel friguntur cum butyro recenti & secundis apponuntur mensis, edulio satis suavi. Parantur etiam in panificium cum saccharo ad robur ventriculo conciliandum. Cum autem mespila alvum constriquant, mirum est urinas movere eorum semina in pulverem contusa: Certe Brasavolus expertum se dicit pulvere eorum seminum lapillos è renibus vehementer ejici, urinas cieri, vesicæ lapidem minui: eorumque auxilio Petrum de Argenta plures quam sexaginta è renibus lapides minxisse, & Andree Rhodo adeo lapides renum comminutos, ut in pulverem redacti sine dolore exirent.

Persuaderé cupit, credat Iudæus Appella,
Non ego

Qui Hippocratis & Galeni doctrina imbutus, &
in Parisiensi schola institutus, frequentique ex-

Pp iiii

Brassa:
volo
non fi-
dendū.

600 DE CONSERVANDA

perientia rerum magistra instructus, nullum esse
medicamentum comminuendis renum vesicæque
calculis cognovi, quos etiam adeo duros soli-
dosque interdum deprehendi, ut instrumenta fer-
rea lithotomorum, vel frangere soleant, vel
hebetare. Quod dictum volo, tum contra eos
qui arcana quædam sese habere ad calculos in
vesica frangendos impudenter jactitant, tum ad
monendos eos qui calculo laborant, ne ejusce-
modi impostoribus fidant, eorumve medicamen-
tis erodentibus & exedentibus: sed tempestivè
perito lithotomo se committant, cum non sit
huic morbo præsidium aliud. De differentiis &
speciebus Mespili consulere potes Dioscoridem
lib. 1. cap. 133. Theophrastum lib. 3. hist. plant. c.
19. Plinium lib. 15. c. 20. Brassavolum comment.
Aph. 20. lib. 2. Hippocratis, Mathiolum ad Diof-
coridem.

*De quibusdam Aromatis ex plantis de-
sumptis ac primo de Pipere.*

C A P. LXI.

Quod piper est nigrum, non est dissolvere pi-
grum,
Phlegmata purgabit, concoctricemque juvabit.
Leucopiper stomacho prodest: iussique dolorique
Vtile, præveniet motum, febrisque rigorem.

Agitur hoc in loco de triplici genere piperis
longo scilicet, albo, & nigro. Et fructus
quidem, ut lib. 8. cap. 42. de simpl. med. fac,

Galenus memoriæ prodidit, nuper admodum germinantis arboris, oblongum est piper: maturæ humiditatis ejus indicium est, quod facile repositum perforetur, ac non protinus mordicet, sed post paulo incipiat, verum plusculum duret. Fructus veluti acerbus immaturusque, album est piper, nigro quidem acrius. Nam illud jam quasi superassatum est, & super exsiccatum. Longum quidem piper, μακρόν Græci, album λεκόν, nigrum μέλαν ὀπίσσει vocant. Sane prioribus duobus versibus tres nigri comprehenduntur proprietates.

Prima, Quod in dissolvendo non sit pigrum, hoc est, crassos, glutinosos ac frigidos humores flatuososque spiritus egregie discutiat. Valenter enim tum excalefacit, tum desiccet, ordine nimirum tertio completo.

Secunda, Quod phlegmata expurget: viscidam enim pituitam, quæ in interiore corpore, nempe in thorace, pulmone & intestinis residet, concoquendo atque extenuando dissipat, expellitque.

Tertia, Quod plurimum adjumenti concoctioni adferat facultati. Hoc ipsum Dioscorides etiam libro 2. capit. 145. his confirmat verbis: Somnum inquit, & appetentiam cibi conciliat, concoctionem adjuvat: utimurque ob id eo ad intinctus. Porro ad eum usum melius est longum: quippe quod Galeno libr. 4. capit. 10. de sanitate tuenda teste, flatuosi spiritus crassitudinem solvit, & quæ in præcordiis pigra cessant, ad ventrem depellit, & concoquendis, quæ sumpseris subvenit. Posterioribus duobus versibus quinque albi piperis referuntur utilitates.

602 DE CONSERVANDA

Prima, Quod stomacho conferat : ipsum enim ut Galenus eodem quo antea loco testatur, supra duo reliqua genera roborat.

Secunda, Quod linctu potuque tussientibus opituletur : præsertim si ex frigido & crasso humore tussis evenierit : eum namque piper album calefacit, incidit, dissolvit. Pari modo & cunctis aliis frigidis, & pituita ortis pectoris vitiis succurrit.

Tertia, Quod dolori subveniat, idque intelligendum vel de dolore pectoris, ut jam dictum est, vel de dolore flatuoso. Potum enim cum melle & recentibus lauri foliis, flatuosos spiritus & tormenta discutit.

Quarta, Quod præsumptum febrium accessiones, siue exacerbationes, *παροξυσμοί* Græci vocant, avertat, & hoc quidem in febribus frigidis. Earum namque materiam excalefaciendo quodammodo dissipat & expellit.

Animadversio.

A Roma materia est luxus è cunctis maxime super-
vacui, ubi scilicet commendando corpori,
non condiendis cibis, aut castigando aëri trans-
fertur. Magnum tamen in odore momentum est
cum transeuntes invitet etiam aliud agentes. Qui-
busdam quoque vitum fuit eo nutriri posse ani-
malia, quam fabulam supra nos diluimus Aristo-
telis auctoritate. Verumtamen locum habuit in-
ter condimenta odor, cujus solius gratia multæ
plantarum partes mensas nostras exornant, idcir-
co dicta *Aromata* quasi suavolentia, ab *ἀρω* & *ὄσμιον*.
Olim simplex erat sine condimento, sine salsa-

Noxæ
aroma-
tum.

mento, sine odoramento cibus : Nobis sine peregrino sapore non sapit. Advehimus ex Arabia, orbe novo, & utraque India odoratas merces ingentibus emptas pretiis, immensis periculis partas : eo scilicet consilio, ut carius graviusque ægrotemus, vitæ nostræ jucundo veneno insidiamur. Acute quidem, ut omnia, Plinius dixit *odorum fragrantiam illico expirare ac suis mori horis*, quod utinam tam vere asseri posset de vitiis ab odoratis condimentis inductis, ut nimiram expirarent illico, nec tam acriter constanterque durarent. Vix sufficiunt tabernæ recondendis asservandisque aromatis, vix navigia hujusmodi mercibus advehendis paria sunt, & ipsa mehercule natura rerum, satiandæ hominum libidini impotens, rerum aromaticarum inopia videtur laborare. Hæc tamen terræ divitias in luxum nobis natura non explicavit, sed nostra libido & corruptrix morum gula, quæ nisi Medicinæ salubribus præceptis frenaretur, in perpetuam ægritudinem vitam nostram præcipitaret. Itaque Medicina provisum fuit ne aromatum usus perpetuo noxius foret : sed tali administraretur moderatione ut pro remedio esset languentibus, valentibus pro alimento. Hinc enim non tantum adlubescencia cibi major summentibus oboritur, & ventriculo amplexandi cibi aviditas major : sed & reparatio spirituum celerior, assumpti alimenti distributio facilior, conservatio melior, tutior assumptio, perfectior elaboratio. Conditus enim cibus suaveolenti aliquo aromate arctius à ventriculo excipitur, tum ipse odore suo intro delatus emendata succorum malitia securum corpori alimentum præbet, non modo non facile putrescibile, sed etiam aliorum prompte putrefactionibus occurrens. Quapropter

Vfus
aroma-
tum.

Dioscorides cum duos esse præcipuos Medicinæ scopos animadverteret, sanitatis conservacionem, & morborum curationem, *materiam Medicinam pertractaturus*, inquit Caspar Bauhinus, *censuit præstantius esse valetudinem conservare quam amissam recuperare quare ab illis exorsus est. At tum nihil sit*, inquit, *quod tam valetudinem conservet, quam spirituum calorisque nativi resectio, ea qua cito hæc præstare queant, præponit, ejusmodi autem sunt aromatica.* Ex quo tamen observare est, *Piper & Zingiber*, de quibus acturi sumus inter Aromatica à Dioscoride reposita non fuisse, sed inter oleracea & acrimoniam habentia: non quod duceret ea ex aromatum censu eliminanda, sed quod majorem eorum in culina quam in Medicina usum observaret. Nec sane injuria cum teste Valerio Cordo, *hæc duo inter omnia aromata plurimum acrimonia & minimum aromaticitatis*, ut ipse loquitur, *habeant.* Licet autem concoctrici facultati plurimum adjumenti adferant, & crassiora edulia reddant salubriora, quia tamen calida sunt ac subtilia, caloremque nativum nimis excitant, primigeniumque humorem dissolvunt, eorum usus moderatus esse debet, senibusque potius quam junenibus, pituitosis quam biliosis, hyemali constitutione verius quam æstiva familiaris magis. Gaudet certe insitus membris omnibus calor influenti quo foveri ac recreari possit. Is autem idoneo nutrimento immiscetur, cui devehendo inserviunt odorata, simulque emendandæ ejus pravitati à qua alias proventus humorum excrementitiorum & malignorum exurgeret. Experientia quotidiana testatum habemus syncope laborantes odorum fragrantia excitari, coquosque frequenter igni assistentes,

VALETUDINE. 605

& odorem ciborum haurientes minus ægrotare,
& esurire minus. Sed hæc de qdoratis generatim
dicta sufficiant.

Venio ad Piper quod nativum patriæ suæ no- Piperis
men non exuit : dicitur enim Græcis *πίπρις* & nomē.
à Latinis Piper; in cujus describenda historia vete-
res omnes hallucinati sunt, Dioscorides, Theo-
phrastus, Galenus, Philostratus in vita Thyanei,
Plinius, alii, necnon ex recentioribus plerique.
Unus ex priscis Arrianus in periplo maris Erythræi
mihi visus est regionem, ex qua piper olim adve-
hebatur, descripsisse. Ea autem est Malabarica
piperis & malabathri ferax, ad quam navigatum
fuisse, διὰ τὸν ὄγκον καὶ τὸ πᾶθος τὴν περὶ τῆς καὶ τῆς
μαλαβάρου, tradit idem Arrianus. Imo vero con-
vehi piper *Cottanaricum* addit, quod diver- Locus
sum non est à *Calecutiano*, sic vocato à Calecu- natalis.
tio Malabaricæ regionis Metropoli. Decepti ita-
que veteres in assignando piperis loco natali,
quem Plinius libro duodecimo capite septimo, &
Philostratus libro octavo de vita Apollonii, ca- Arbo-
pite primo, Caucasii montis partem Erythræo ris fi-
mari obversam, esse arbitrantur. Lapsi quoque guta.
in describenda arboris formâ piper ferentis, quam
Junipero Plinius, Philostratus Agno similem fa-
cit, cum re vera alia figura pingatur à Clusio
exoticorum libro decimo capite decimo nono,
Garcia ab horto lib. 1. histor. aromatum cap. 22.
Christophoro à Costa cap. 16. lib. aromatum,
Ludovico Vartomanno lib. 5. cap. 14. & lib. 6.
cap. 19. Joa. Fragoso cap. 12. historiæ aromatum,
Auctore Anonymo Geographiæ Nubiensis septi-
ma parte secundi climaris, Lerio cap. 13. histo-
riæ Americanæ. Hallucinati præterea sunt in sta- Diffe-
tuendis piperis differentiis & ejus collectione. rentiæ.

Nam Plinius *longum* piper quod Græci μακρόν vocant, credit esse filiquas piperitidis arboris tostas sole decerptasque priusquam dehiscant : *candidum* vero seu λευκόν, semen esse filiquis illis contentum, sed nondum tostum solibus ; *nigrum* denique seu μέλαν καὶ κοινόν idem esse semen, tostum sole, & calore rugisque mutatum, adeout ex Plinio ejusdem arboris sit fructus triplex illud piper ; cum è diversis arboribus producat. Constat enim *longum* piper ab arbore produci quæ non plus habet similitudinis cum arboribus *candidum nigrumque* piper ferentibus quam faba cum ovo, inquit Garcias. At inter plantam quæ piper nigrum & eam quæ candidum parit, tam exigua est differentia, ut à solis incolis discerni possint ; solus fructus discriminat, quemadmodum apud nos uvæ maturæ vitem albas uvas ferentem & nigras. Quis autem Philostrato crederet profitenti simias piperis esse vindemiatrices, easque propterea maximi ab Indis fieri, & adversus leones defendi ? Fabulam qui volet repetat ex ejus loco supro citato ; nobis enim figmenta illa non arrident. Satius est inquirere, num fabulosum sit illud, quod de ea arbore narrat Auctor citatus Geographiæ Arabicæ ex relatione Hachi filii Charri, ut habet auctor notarum Arabicarum in Garciam, vel ut vertunt Gabriel Sionita, & Joa. Hefronita Syriacarum, & Arabicarum litterarum interpretes Regii Parisienses, ex auctoritate filii Chordadebe. Is ergo prodit, inclinari & inflecti folia ejus arboris super racemos dum pluit, eosq; defendere à pluvia, attolli vero & removeri folia à racemis cessante pluvia, neque sese inclinare, nisi rursus imber deciderit. Cujus rei rationem ut reddamus, notandum pri-

Colle-
ctio pi-
peris.

Pro-
prietas
ejus ar-
boris,
mira.

mo est ex eodem Geographo, singulis foliis singulos racemos piperis protegi, sicque ramos disponi, ut inter duo folia unus racemus constituitur: dein vero observandum ex Clusio quodlibet folium binas uncias latum esse & quatuor longum, satis tamen tenue esse: habereque excurrentes quinque nervos quorum medius & crassus non minus quam ipsa planta sarmentosus sit, hoc est minimè fibrosus & solidus, sed rarus & fistulosus. Quo posito nemini mirum videri debet, si tam magna parumque firma folia fructibus imposita, adveniente pluvia fatiscant, & flectantur in racemos quibus directè superposita sunt: quodque cessante pluvia denuo erigantur recurrente scilicet & implente cavos foliorum nervos spiritu calido, soleque una cum humore folium ipsum sursum alliciente. A qua forsitan plantæ proprietate desumi aliqua ratio potest, cur piperitidem arborem à Græcis vocatam *ἀγνον*, τὰ τε ἀλλὰ καὶ τὸν κόρυμβον ἢ καρπὸν, hoc est *castam ac puram cum partibus aliis, tum maxime fructuum racemis* referat Philostratus. Cum enim racemi folio velut veste semper tegantur, non video quomodo sordidi esse possint, mirarer potius si non essent perpetuo mundi & nitidi. Atque in eo admirabilem naturæ providentiam, satis suspicere non possum, quæ ne virtus hujus aromaticis in calore & eximia siccitate consistens, humore nimio ac frigore aquarum exolesceret, tutum & securum voluit esse hunc fructum ab injuriis pluviarum, & aëris humentis vitio, folioso isto & naturali munimento.

Cæterum piperis differentias plures non recenséo, quam quæ à veteribus cognitæ, & in usum quotidianum usurpatæ sunt, quid enim comme-

Tem-
peries
piperis.

Cur pi-
per
non fit
vere-
num.

An pi-
per fri-
gidum.

morarem *Canarinum*, *Æthiopicum*, *Indicum Occidentale*, *caudatum*, *Capficum* seu *Americanum*, *Guineum*, *Brasilianum*, *Indicum Avicennæ*, cum nobis usui non sint? Temperiem piperis explicō, quod valenter excalefacre & desiccare habemus ex Galeno 8. simplicium. Ex Arabibus nonnulli calidum & siccum ad quartum usque gradum esse aiunt, quo fit ut quidam quærant, cur calida in quarto gradu sicut piper, venena non sunt quemadmodum quarti gradus frigida, curve piper veluti euphorbium deleterium non sit, quam quæstionem legere potes apud Petrum Hispanum commentario in Isaacum. Potior tamen eorum est sententia, qui piper calidum & siccum ordine tertio faciunt. Nec enim Empirici audiendi sunt, aut spagyrici qui piper frigidum arguunt, aquamque ab eo elici quæ tertianis febribus opituletur. Quercetanus in Diætico ait piper aromata cetera vincere salubritate & temperie minusque aliis excalefaciens esse nedum incendens. Quod enim acumen & acrimonia in pipere gustu deprehendatur, proficiscitur, inquit, ex sale ejus aronico, subtili, penetrante, attenuante, incidente & dissolvente, à qua tartarea omnia & viscida ex ventriculo, aliisque partibus soluta facile deturbantur. Addit multos hodie in præstantissimum & promptissimum tertianæ febris remedium habere oleum quod chymicâ industriâ ex pipere elicitur: *cujus aliquot gutta cum idoneo liquore exhibita tartarum in quo seminarium morbi continetur, dissolvant, ac solutum per urinas aut sudores discutiant. Quæ philosophandi ratio veteribus omnibus Medicis ac philosophis omnino est adversa, apud quos nemo extitit, qui piper eximiè calidum non adstruxerit. Profecto vetustissimus*

tissimus Medicus Philo apud Galenum lib. 9.
 de compos. Medica secundum locos ob flam-
 meum fervorem piper album ænigmaticè voca-
 vit πυρῶδες ἀρχυρόν; quasi ignitum candidum dicas,
 aut candentem flammam. Andromachus vero se-
 nior elegiaco carmine, quo Theriacam ex viperis
 describit apud Galenum libro primo de antidotis,
 idem piper ἀγλαϊνῷ appellavit, non tam à nitore
 quem habet, quam ab ipso calore; allusione scili-
 cet facca ad Aglaïam quam Hesiodus in Theogo-
 nia scribit Vulcani esse uxorem. Vocans ergo An-
 dromachus piper Aglaïam seu uxorem Vulcani,
 tacite innuebat piper cum igne maximum ha-
 çere consortium & æcta necessitudine invicem
 esse conjuncta: quod miror nec Galeno in men-
 tem venisse, nec Cornarium subolfecisse, dum
 locum illum exponerent. Cum autem piper tri-
 plex sit, non satis inter omnes convenit, quodnam
 genus calidius habeatur. Dioscorides l. 2. c. 89.
 Theophrastus 9. hist. stirp. c. 22. & Plin. l. 12. c.
 7. nigrum piper σπινύτερον τῷ λευκῷ, acrius can-
 dido faciunt; Galenus vero 8. simplicium & lib.
 9. localium cap. 4. album acrius quam nigrum
 constituit, quod verissimum esse hodierna expe-
 rientia testatur. Habuit rationem gustus Gale-
 nus, alii coctionis: cum enim crederent album
 piper à nigro differre sola torrefactione per solem,
 arbitrati sunt tostum sole piper & omni superflua
 humiditate exhaustum validius candido nonnulla
 adhuc humiditate scatenti. In quo sane illis par-
 cendum est veram piperis historiam ignorantibus. Diosco-
 Quapropter insignem errorem apud Dioscoridem
 esse non diffiteor, dum scribit, τὸ μακρὸν ἐπιπταμί-
 νον τῇ δὴν καὶ ὑπόπικρον διὰ τὸ ἄωρον καὶ ἐπιπικρὸν εἶς
 τὰς ἀνθρώπους καὶ θηρία καὶ δυνάμεις; piper longum in-
 datus.

Quod
 genus
 cali-
 dius.

Diosco-
 ri des
 explica-
 rus &
 emen-
 datus.

*ensa mordacitate pradtum esse, & subamarū quoniam
 immaturum, antidotis itidem & Theriacis medicami-
 nibus expetitum* Quid hæc sibi volunt piper mor-
 dax esse & subamarum quod immaturum decer-
 patur? Paulo ante Dioscorides scripsit piper
 aliud τέλειον, perfectum & maturum; aliud ομα-
 κώδες acerbum & immaturum, & paulo post ad-
 dit nigrum acrius esse ac suavius διὰ τὸ εἶναι ὠκυόν,
 quia maturum est, candidum vero imbecillius
 quia ομακώδες, hoc est acerbum & immaturum
 existit. Jam vero cum acerrimum & subamarum
 dicat esse piper longum quod sit immaturum, ne-
 mo non videt Dioscoridem sibi contradicere, tum
 quia constat apud eum, longum piper ante matu-
 ritatem decerptum fuisse, tum quia verum est
 maturatione ampliorem acrimoniam comparari,
 immaturitate acerbiteratem. Si ergo nigrum piper
 validius est, quia maturum; longum non erit vali-
 dius quia immaturum; cum maturitas & cruditas
 eundem effectum non producant. Ut igitur tolla-
 tur omnis in tanto Auctore contradictio; vel sel-
 quendus est verus codex Lacunæ, vel rejectis ali-
 quot verbis vulgaris emendandus. Sic vero ha-
 bet Lacunæ Codex: εἶσι δὲ τὸ μὲν μακρόν, διὰ τὸ ἀβέρον,
 ἐπιτηδεώτερον εἰς τὰς ἀντηδotes, id est piper longum
 quod mordacitate carcat accommodatius est conficien-
 dis antidotis, &c. Ego vero sic legendum ducō:
 εἶσι δὲ τὸ μὲν μακρόν ἀβέρον καὶ ἐπιτηδεῖον εἰς τὰς ἀντηδotes,
 cæteris rejectis, hoc est, longum piper immaturum
 est & expetitum antidotis. Non dissimulabo præ-
 terea, apud eundem Dioscoridem pro εὐσώματον
 legi εὐσώματερον, id est ori jucundius, pro stoma-
 cho gratius: ait enim nigrum piper albo suavius,
 acrius, stomacho gratius & aromaticum magis, in
 quo etiam à Galeno dissentit & ab experientia,

Diosco-
 rides
 emen-
 datus.

VALETUDINE.

612

per quam album cognoscitur nigro calidius, odoratius, stomacho jucundius.

Porro inter nigri piperis facultates vis dissol- Piper dissol-
vendi à Salernitanis numeratur; quod etiam pro- vit,
bat Simeon Sethi, incidendi crassos & glutinosos
humores ventositatesque ac spiritus discutiendi
virtutem ei concedens. Quæ virtus tam à calore
quàm à tenuitate partium qua piper pollet repeten- Vfus in
da venit. Ejus vero tria grana vel integra, vel per Med.
medium interfecta si deglutiantur, dolores & in-
flationes promptissime stomachi compescunt, sic
enim tutius est exhibere piper quam in pulverem
reductum: cum ea ratione exhibitum, calorem
suum non exerat ultra primas venas, sed confor-
tato stomacho & resolutis flatibus ventris in pri-
ma hac regione conquiescat, cujus rei rationem
affert Alexan. Aphr. probl. 67. lib. 1. Mirum au-
tem videri possit, cur facultatis ejus purgativæ
Salernitani non meminerint, quam Avicenna per-
stringit l. 2. cap. de pipere; & ante Avicennam
Aristot. probl. 44. sect. 1. quo loco quærit, cur
piper large sumptum vesicam solvat, parce devo-
raturum alvum, contrario modo quam scamonium,
quod large sumptum alvum, parce assumptum
vesicam movet. Ejus problematis investigatio-
nem tam copiose & acriter susceperunt Petrus
Aponensis, Julius Gustavinus, Ludovicus Septa-
lius commentario in illud problema, idem præ-
terea Aponensis differentia peculiari 147. & Pe-
trus Hispanus comment. ad Isaacum, ut plura ad-
notare tædiosum sit. Quærit Alex. Aphrodiseus
30. problem. l. 1. & apud Macrobiurn Saturnal.
lib. 7. cap. 8. Cecinna Disarium percunctatur,
cur piper cuti superpositum ulcerare possit, de-
voraturum autem ventrem non ulceret? Sciscitatur

312 DE CONSERVANDA

præterea idem Aphrodis. probl. 45. cur devoratum piper singultum excitet : sed cum ab illis auctoribus factum sit satis , à me longior explicatio tradi non debet. Non omittendum est , usum piperis in condimentis paulo ante Plutarchum cepisse. Scribit enim lib. 8. Sympos. quæst. 9. se novisse adhuc multos ex senioribus qui gustare cucumerem , poponem , malum medicum & piper non sustinerent , utpote cum insoliti essent cibi. Certe Athenæus lib. 3. Deipnos. cap. 7. malum medicum seu citrium cepisse edi narrat memoria suorum avorum cum ad illa usque tempora nemo inter esculenta habuisset. Plinius de malo Assyrio agens , *Pomum ipsum* , inquit , *aliàs non manditur*. Generalem autem & particularem piperis historiam fusissimam & exactissimam expectamus ex eo opere , quod præ manibus typis cudendum habet Jacobus Mascardus Romanus Typographus sub titulo rerum medicarum novæ Hispaniæ , in quo omnes plantæ , animalia & mineralia Mexicæ continentur , cujus quidem meminit ipse Mascardus epistola præfixa parti alteri stirpium minus cognitarum Fabii Columnæ , cujusque portionem vidit & legit Petrus la Seine parte sua secunda de abolendo luctu. Postremo loco non reticebo Hebraicam vocem *Bedolach* , quæ habetur 2. Genesi. & 11. Numer. exponi à Thoma Malvenda lib. de Paradiso volupt. cap. 44. de pipere aut de Gariophyllo , non de bdellio , aut carbunculo , vel margaritis , velut alii exposuerunt.

Bedolach.

De Zingibere.

CAP. LXII.

Zingiber ante datum morbum fugat inveteratum;
 Postque datum mollit, ventris fastidia tollit.

Animadversio.

Manuscriptus codex Tullovianus hos versus ad Zedoariam transfert & accommodat: sed sive Zingiberi sive Zedoariæ adscribantur, fateor me non satis eorum sensum assequi, nec scire quem morbum ab isto aromate fugari tradant Salernitani. Nec enim inter Zedoariæ Zingiberisve facultates tale qui ab authoribus recenseri legi, ut propterea hic conjectura & σοφισμὸς mihi sit utendum ad eruendam hujus capitis intelligentiam. Multa quidem hoc loco de Zingiberis, Zedoræque natalibus, ex Arabum præsertim traditionibus cumulare possem, sed paucis ero contentus ad scriptores aromatum Indicorum lectores remittens. Est autem Zingiber Græcis *Ζινίβερ*, radix exilis plantæ, cujus folia Iridi aquaticæ seu gladiolo Garcias assimilat, Acosta lachrymæ Jobi seu milio solis, Anton. Pigafetta arundini; adeo difficile est crotici hujus aromatis ante Dioscoridis sæcula jam usitati veram formam habere. Radix ipsa radici Iridis non absimilis, major tamen cyperi radice, cum Ludovicus Vartoman. l. 5. c. 14. referat, interdum erui quatuor, octo, ac

Zinzi-
ber.

Tem-
peries.

interdum etiam duodecim unciarum pondo. Temperies varia, nam dum recens est, adeo tardæ & exilis est acrimoniæ, ut concisum frustulatum cum oleo, sale & aceto immisceatur acetariis, coquaturque cum piscibus & carnibus. Siccatum calidum est in tertio ordine, siccum in secundo. Attamen occurfu primo non statim excalescit ut piper, unde verisimile est ipsum minus esse subtilium partiū, si enim in tenues solveretur partes, celerrime sentiretur calidum. Apparet inde etiam inelaboratam & crassiores quandam ei inesse substantiam, nec eam siccā & terrestrem, sed humidam potius atque aqueam. Quo fit ut facile perforetur, ob excrementitiam humiditatem, ex Galen. 6. simpl. Hanc corruptionem ut avertant incolæ Deceimbri & Januario mensibus legunt, siccant terraque pingui, & argillacea operiunt, ut obturatis poris ac foraminibus quibus id totum ocellatum est, difficilius corrumpatur. Ad nos geminum advehitur, *siccatum* & *virens*; sic enim officinæ zingiber appellant recens saccharo conditum, *siccato* utimur in condimentis, vimque habet aperiendi, cibaria concoquendi, ventrem stimulandi, ventosque discutiendi.

Vfus.

Quod autem dicitur fugare morbum inveteratum, id intelligendum de eo qui excitatur à frigidis, crassis viscosisque humoribus: talis enim morbus longus esse solet, nec potest alio remedio citius tolli quam calefacientibus, incidentibus, attenuantibus, dissolventibus glutinosos lentosque humores: tale autem est & Zingiber & Piper; proinde dicuntur viscerum obstructions reserare alimentiq; per corpus distributionem omnem promovere. Bene autem addunt Salernitani ante cibum dari debere, sic enim melius sese insinuat

VALETUDINE. 67

in tenues venas, vim suam magis explicat in crassos illos succos, potentiussque excalefacit & incidit, cum immixtum cibis de suis viribus multum remittat.

Mollire vero alvum blande ac leniter, prodidit Dioscor. l. 2. & post Dioscoridem Avicenna & universa Arabum familia. Refert tamen Avicenna asserere Alcanzi Arabem Zingiber ventrem cohibere, quod sane intelligendum est de vetustiori & arefacto, cujus siccitate mirum non est alvum stringi: at recens & tenerum, multaque adhuc humiditate præditum alvum emollit & lubricat. Aut certe dicendum est cum Petr. Hisp. Zingiber magna quantitate datum ventrem constringere, vel si detur ventri constipato à facibus duris: cum enim dura tantum est alvus ab humoribus viscosis, ipsam solvit incidendo ac dissolvendo; tum etiam ratione sua humiditatis lubricando, tum denique ratione sua acrimonia intestina pungendo.

Porro fastidium ventris aufert Zingiber concoctricem adjuvando, ac roborando, proinde recte admonuit Diosc. jam olim propotismatis ac pulmentis admistum, vimque obtinere *πεπτικόν* & *εὐσκόλιον* esse Avicenna asserit digerere & cōvenire frigiditati hepatis & stomachi, ejusdemq; humiditatem exsiccare, ac molliem, præsertim quam esus fructuum induxerit. Idem habet Serapio ex sententia Abem Mesuai. Narratur à Monardo saporem cibis, quibus inspergitur, conciliare, concoctionem juvare, ventriculum roborare, naturalem calorem augere, languentem ciborum appetentiam è frigida causa natam excitare, colorem denique faciei commendare. Verum tempus est, ut hic finem imponamus longæ huic de plantis disputationi, & gradum faciamus ad

animalia ē quibus cibus homini depromitur maxime proprius & naturalis. De cibo ergo ex animalibus in sequentibus nobis erit agendum.

De Cibus ex Animalibus desumptis, ac primo de Avibus esin aptis.

CAP. XLIII.

Sunt bona Gallina, & Cappo, Turtur, Starna, Columba,
*Quisquila, Phasiades, Merula, simul Ortygometra,
 Et Perdix, Frigillus, Orix, Tremulusque Amarellus.*

Agitur hoc loco de prestantia alimenti, quod ab avium genere sumitur, Enumerantur autem quatuordecim, sed ita quidem, ut inde & reliquarum judicia facile colligas.

Primum, Gallina est: quo nomine non solum Gallinae juvenes mediocriter pingues, sed galli etiam gallinacei hoc loco intelligendi veniunt. Siquidem horum omnium caro, ut copiose admodum differentia 68. Conciliator ex Haly, Avenzoaris, Averrhois & Mesuae sententia probat, alimenti est inter aves optimi: quia facile in sanguinem vertitur, & parum excrementosa est. Caro autem Gallinarum est melior quam gallorum, nisi sint castrati. Nigrarum quoque, & quae nondum pepererunt, est melior & levior, ut gallorum qui nondum coierunt. Miram in corpore obtinet cum ipsius temperamenti, tum humorum æquandorum facultatem. Iis maxime convenit, qui vitam in otio ac quiete degunt, quique leviori ingenio ac mente sunt. Colorem vividum

VALETUDINE.

617

comparat, vocem clarificat, genitali semini adjicit, & cerebri substantiam auget. Jusculum eorum optima leprosis medicina est. Ad hæc Gallorum cum Gallinis nondum coeuntium testes deperditas in morbis vires mirifice restitunt: quam ob causam hecticis marasmo laborantibus, morborumque diuturnitate macrefactis utiliter exhibentur. Insuper & semen prolificum suppeditant, & venereas roborant vires. Decrepitorum autem præcipue Gallorum caro nitrosa & salsa cibo inepta, medicamento-
sa est jure suo maxime; potissimum vero Gallorum ruforum, qui ad motum sint alacres, ad coitum ardentes, ad dimicandum fortes, obeso-
rum ac macrorum medii: quoque vestustiores, eo magis sunt medicamentosi. Plura Mesues lib. 2. de medic. simpl. purgant. dist. 1. capit. 23. Simeon Sethi in Syntagm. & Avicenna 2. c. 296.

Secunda, Capo, sive Capus: hoc nomine Capus, seminare Gallum vocant, quum fuerit castratus, sicuti à M. Varrone libro secundo capite nono, & Columella libr. 8. capit. 2. de re rustica traditur. Hic enim in cibis gravior est, utpote remoto Veneris usu pinguior atque salubrioris alimenti redditus. Quare cum voluptate assumitur à ventriculo, ac facilius concoquitur.

Tertia, Turtur: hujus quoque caro cibis annumeranda est nulla omnino ex parte damnan-
dis, qui neque tenues, neque crassi sunt, sed veluti in *οὐκ ὀλίγη*, omnisque excessus mediocritate consistunt. De ea Galenus capite 7. libro de attenuante diata, in hunc modum scribit: Qui non exercetur, mandendæ ei erunt

Turtur.

modice non modo Gallinæ, sed columbæ etiam, ac turtures, tametsi turtur temperamento est sicco, & potissimum quæ in montibus degit, itaque vesci quis poterit eis innoxie: recens tamen turtur non modo non est mandenda, sed nec perdix, nec alia omnia, quæ carnem habent moderate siccam: sed ubi unum diem ad minus suspenderit, ita demum mandas licet. Porro palumbes præterquam quod carnem habent columbis & perdicibus & turturibus duriorem, difficilem etiam ad coquendum & excrementitiam habent. Perdices vero ac turtures, neque durissimas habent carnes, neque concoctu difficiles, neque pravo succo vitiosas, sed & ipsarum durities, si mortuæ uno die asserventur, facile vincitur, fiuntque friabiles omnino arque inculpatæ. Alimentum enim corpori dant laudabile, sanguinemque minime viscosum generant, & crassi ac tenuis medium. Proinde quibus salubris eibus curæ est, eos, ut arbitror, his uti convenit. Hæc ille. Plura Galenus in libro de cibis boni & mali succi, cap. 5. & Rhazes Aphor. libro 3. Aphor. 17.

Sturnus.

Quarta, Quorumdam opinione, Sturnus est, quem *Στέρν* Græci vocant: avis nigra, albis maculis distincta, magnitudine Merulæ. Ejus generi proprium catervatim volare, & quodam pilæ orbe circumagi, omnibus in medium agmen tendentibus, sicuti ab Aristotele libro nono cap. 26. de historia animalium, & à Plinio libro 10. cap. 24. traditur. Galenus lib. sexto cap. 16. de sanitate tuenda, inter perdices, attagenas, merulas & turdos, quæ quidem boni succi esse ab omnibus existimantur, sturnos etiam commemorat: cum tamen à multis illaudabilis esse alimenti ju-

dicentur: quippe qui melancholicum atque viti-
osum generant succum, & cicuta, quæ vene-
num esse ab omnibus statuitur, vescantur, ut
est apud Galenum libr. 1. capite 2. & lib. 3. ca-
pite 17. de simpl. med. facult. Huic objectioni
Aloisius Mundella sic occurrendum putat: Nem-
pe Galenum in 6. de sanitate tuenda in calculi
renum vitio sturnos tanquam tenuis alimenti
approbasse, itémque palumbes, & passerculos
qui in turribus nidificant, *πυργίτας* Græci vocant.
Vel sturnos non ita fortasse improbi succi esse,
præsertim juvenculos, ut vulgus putat: quæ-
dam namque sunt animalia quæ adhuc in tenella
ætate existentia boni sunt succi, ut vituli & hœdi;
si verò annosa fiant, pravi. Hæc enim, ut ait
Galenus lib. 3. de alim. facul. cap. 1. & conco-
ctionis & boni succi, & nutritionis laude carent.
Multo autem magis Galeno credendum est, quam
vulgo ita inconsulte aliquam generalem profe-
renti sententiam. Neque etiam quod veneno pas-
cantur, ab horum esu abstinendum est. Nonnulla
enim animalia sunt, quæ licet venenis quando-
que nutriantur, boni tamen sunt succi: quemad-
modum de sturnis jam commemoratis constat.
His enim cicuta nutrimentum est, homini medi-
camentum, imo etiam venenum. Siquidem stur-
norum natura cicutam in substantiam suam verte-
re potest, quod homo non potest. Sunt tamen qui-
bus Starna hoc loco magis arrideat, ut per eam
avis accipiat grandiuscula, magnitudine anseris,
colore cinereo, cujus caro succi sit laudabilis, præ-
sertim juvenculæ. Atque ita sane Rhazes libro
tertio ad Almanf. cap. 10. intellexisse videtur, ubi
hanc reliquo avium generi præferens, in hunc
prope modum scriptum reliquit: Starnæ caro in-

ter aves levissima, atque his qui attenuante virtus ratione delectantur, convenientissima invenitur. Vel per Starnam avis forma & magnitudine pusillæ perdicis intelligenda est. Sic Rabbi Moyses accepisse videtur, ita ad Judæos inquitens. Parimodo nec starnæ domino nostro convenire putandæ sunt: quia ventrem constringunt. Sed hanc proprietatem alii ipsis perdicibus adscribunt. Nam carnes earum, sicuti à Simeone Sethi & Rhaze loco paulo ante citato asseritur, ventrem sistunt. Quinetiam Baldachus quidam non contemnendus autor starnas mirifice commendans, tabula 15. de rebus non naturalibus, ita fere scribit: Starnæ phasianorum, ac perdicum naturæ propinquæ sunt, & secundum ordinem sese in temperamento & subtilitate habent. Præstantissimæ enim sunt starnæ, mox phasiani, deinde perdices, ut quæ reliquis excellentius desiccant: Docet præterea Joannes Michael Savanarola, ab harum trium esu abstinendum esse, tum iis, qui quamlibet actionem fortem ac vehementem obeunt, tum sanis etiam: ut si quando morbus aliquis inciderit, habeant quod ultra consuetudinem ad edendum invitet.

Colum.
ba.

Quinta, Columba, avis vulgo nota, quæ cum biliosam admodum habeat carnem, sanguinem moderato crassiorē & calidiorem necessario gignit; atque ob id febres nonnunquam facit. Quare in pastillis potius cum aceto aut omphacio & coriandro præparata, quam assa mandenda est: ita namque exuperantia caliditatis ejus ad *συνουσία* commodationemque reducitur. Renes frigidityte dolentes juvat, semini genitali & sanguini adjicit, sed caput atque oculos læ-

Ar. Quinetiam leporina caro, si frequentius usurpetur, generare fertur. Non minimum vero reliquis pulli ejus volucres, tum succi probitare, tum concoctionis facilitate præstant. Involucres enim calidam ac humidam habent carnem, atque excrementitiam, & maxime domesticæ. Ex columbis enim, ut Oribasius tradit lib. 4. ad Eustathium cap. 1. agrestes domesticis præstantiores sunt, & omnino agrestia domesticis præcellunt. Electiores quoque pulli sunt per Ver & Autumum, quam per Æstatem atque Hyemem exclusi fotique. Porro antiquæ, & annosæ non solum columbæ, verum & turtures, tum ob caliditatis & siccitatis excessum, tum vero & ob concoctionis difficultatem vitandæ sunt. Plura Simeon Sethi in Syntag. Rhazes lib. 3. c. 10. ad Almanf. Avicenna lib. 2. Canon. c. 132. & Averroes lib. 5. Collect. cap. 32.

Sexta, Quiscula: vulgare nomen à sono fictum. Neoterici Qualeam vocant. Latinis (ut Festus ait) dicta est Coturnix, itidem à voce à qua multis avibus nomina indita sunt, ὀρνῆς à Græcis appellatur. Caro ejus, juxta Averrois sententiam temperata est, ad caliditatem tamen paulo propensior, ac tenuis substantiæ optimique succi: quare sanis, ac iis qui convalescunt, alimentum est ad bonam valetudinem accommodatissimum. Verum Psello, Isaaco, atque aliis quibusdam non aspernandis Medicinæ scriptoribus, Coturnix avis est tum ad concoctionem, tum ad succi bonitatem inhabilis, ut quæ & Veratrum comedat, & morbo comitiali corripiatur. Unde Avicenna 2. Canon cap. 153. ab ejus usu suadet abstinendum, quippe quæ tetanum & spasimum inducat. Ubi notandum tamen Avi-

cennam non ob id solum coturnicis cibum im-
bare, quod elleboro nutriatur, sed etiam quod
talis facultas, spasmodum ac tetanum generandi, il-
lius insit substantiæ. Hac ratione igitur Galli co-
turnices cum molli ac pingui casco pastillas
edere consueverunt. Potest etiam per coturnicem
intelligi alia quædam avis, perdice aliquantulum
major, genis, rostro & pedibus rubenti colore,
reliqua vero pennarum facie ad leucophæum
vergente, quæ Italarum vulgo Coturnix appel-
latur: estque de Alpinarum volucrum genere,
& in Sylvestribus & frigidis locis montibusque
versatur, & degit, neque ab Italicis regionibus
unquam recedit. Cujus avium speciei apud vete-
res fuerit, nondum satis compertum habetur: sed
ex gustu, & odoratu, & loci natura, in quo con-
tinue commoratur, & ex iis quibus pascitur: (nam
illa grati ad modum sunt odoris) boni & lauda-
bilis esse alimenti judicanda est, & propterea
in cibis merito expetenda. Quo sane modo
Rhazes etiam libro tertio capite decimo ad
Athanasium coturnicem accepisse videtur, cum
ei secundum post starnam bonitatis locum tri-
buit. De utraque coturnice, cum plurima, cum
cognitu pulcherrima habet Aloisius Mundella
epist. 6.

Phasia-
nus.

Septima, Phasianus quem à Phaside amne
apud Colchos, ubi primum cognitus est, ita
nuncuparunt. Hæc est decantata omnium li-
bris avis, quam primam fere in mensis esse ju-
dicant, propter carnis bonitatem, à qua Medi-
cinæ professores veluti à scopo, de tempera-
mentis ciborum judicia auspicantur: succi enim
probitate & jucunditate cæteris antecellit, ne-
que solum ad victus salubris rationem, verum

ad robur quoque conciliandum accommodatissima est. Caro enim juvenculi ac pinguis convalescentibus, & morborum diuturnitate macrefactis optimus cibus est. Sed ob nimium atque immensum pretium, Principum duntaxat atque magnatum mensis dicata est. Meminit Phasiani Galenus libro tertio de aliment facultat. capite decimo octavo, sic inquit: Caro Phasianorum, quoad concoctionem & nutrimentum attinet, Gallinis est similis, voluptate tamen in edendo superat, quin & sicciore constat temperamento, ut qui in sicciore degat aëre, & magis exerceatur. Lege plura de hoc apud Simeonem Serhi & Rhazem Aphor. lib. 3. Aphor. 13.

Octava, Merula: quæ quidem avis est nigro pennarum colore, rostro rutilo, & sturni magnitudine, *Κόρυμβος* à Græcis dicitur. Quamquam vero hæc à Galeno, Oribasio, atque Aegineta inter optimi succi alimenta connumeretur, carnem tamen, quam perdicis & attagenis, duriores obtinet. Quare & ipsa juvencula ac pinguis mandenda est. Turdi quoque & reliquæ id genus aviculæ montanæ, omnes in hanc classẽ referendæ sunt.

Merula.

Nona, *ὀρνυγίς*: ea avis est turturis magnitudine, pennarum colore nequicquam à coturnice differens: rostrum longius est & acutius; crura pedesque satis etiam pro ratione corporis longos obtinet, quinetiam frugivora est & advena antequam coturnices haud uspiam audias; neque coturnices te amplius visurus speres, ubi hæc audiri desiit. Vox mirifica est coaxantium ranarum clamori non absimilis, nisi quod subtilior multo & acutior est. Caro ejus optimum

Ornithogonia.

gignit succum, ubi per diem suspenderis. Gilsbertus Longolius in eruditissimo suo de Avibus Dialogo eandem esse putat cum *κωχάμις*. *ὀρνυμι* autem Græcis dicta est, quasi coturnicum matrix, quod coturnicibus per maria terrasque advolantibus dux & rex itineris esse soleat, ab *ὀρνυμι*, id est, coturnix, & *μῆτρα*, id est, matrix. Plura Aristoteles. lib. 8. cap. 12. de historia animal. Plinius lib. 10. cap. 23. naturalis histor. Solinus cap. 18. & Athenæus lib. 9. Deipnosophist.

Decima, Perdix: hujus quoque caro medii fere temperamenti est, & coctu facilis, probumque succum gignit, præsertim si non illico post occisionem, sed unum ad minus diem suspensa comedatur. Sic enim quod durum in se continet abjicit & friabilis redditur, quemadmodum ex Galeno paulo ante ostensum est. Sanguinem copiosum ac tenuem generat, adeoque crassiores, si forte in corpore invenerit, extenuat: idque alæ potissimum præstant: quæ ut in reliquo avium genere, ita in hoc quoque facilius concoquuntur. Et uno verbo dicâ, optimæ quidem alæ sunt avium juvenum saginatarû, pessimæ vero macilentarum & antiquarum. Alimentum autem perdicum optimum est iis, qui se non exercent, & qui vitam degunt otiosam, quique imbeciliores & invalidi sunt, tum etiam attenuante victus ratione assuetis, & hydropitis, quique humido sunt ventriculo: vitiosos enim & corruptos ipsius humores consumit atque abstergit: memoriam assidue mansa corroborat, impinguat, semen auget, & ventrem stimulat, sed eundem cohibet: unde accommodatissimum diarrhæa laborantibus sit edullium: si assa cum aceto ingeratur. Medulla cum

cum vino præsumpta Ictericos sanat : Jecur comitali morbo correptis auxilio est : Fel quoque suffusionibus oculorum à principio mirifice prodest : facit & ad ipsorum hebetudinem. Si tempora singulis mensibus eodem felle perungantur, memoriæ confert. Plura Galenus libro 3. capit. 18. de aliment. facultat. & libr. 8. capit. 2. meth. medit. & Simeon Sethi in Syn- tag.

Undecima, Frigellus. Ea ex turdorum gene-
re avis est, cujus Aristoteles lib. 9. cap. 20. de hi-
storia animal. tres constituit species. Una visci-
voriam, quæ nisi visco & resina non vescitur, & ma-
gnitudine paulo minor quam pica est : altera pil-
laris, quæ sonum edit acutum, & magnitudine
merulæ est : tertia, quam Iliacam vocant nonnulli,
minima inter has, minusque maculis distincta, de
qua sane intelligenda sunt, quæ de Frigello hoc
loco dicuntur. Hæc utrinque juxta oculos, & in
pectore & in ipso alæ flexu, intus & foris maculas
habet latiusculas, rubras. Primum genus non
nisi hyeme apud nos cernitur, aut si videatur,
rarum est. Secundum per totum annum apparet,
musculoso valde pectore, & cantus sui gratia à
multis in caveis alitur. Tertium per æstatem
apud nos nusquam videtur, sed vindemiæ tem-
pore atque instante hyeme primum cernitur,
adeoque ob id Frigellus, nempe quod adventu
suo frigus instare prænunciet, nominatur. In vi-
neis potissimum reperitur, ac dulcium uvarum
esu sæpius inebriatur, velociter volat & optimi
est succi, præsertim circa festum omnium Sancto-
rum. Lege Gullelmum Turnerum in libello de
Avibus.

Duodecima, Otis : quæ & ipsa in cibis gratif.

suma, atque optimi succi est, nempe ex sylvestrium Gallinarum genere, Perdicum similis; sed obesitate corporisque pondere parum se alis attollit: quapropter canibus se obnoxiam quodammodo cognoscens, ad eorum latratum ex templo proripit sese latitans inter frutices. Lege Alianum & Oppianum. Gilbertus Longol, eam esse adserit, quam Bonosam vulgo nuncupant: de qua Galenus lib. 3. de alim. facult. cap. 19. & Athenæus lib. 9. Dipnoso. Sunt tamen quibus Orex hoc loco magis placeat, ut Gallina phasiani per eam accipiatur. Alii vero Gallinam aquaticam interpretantur. Sive igitur Gallina sit aquatica, sive phasiani, caro ejus bonum gignit succum.

Decimatertia, Tremulus: quæ quidem avis est fusco penharum colore, magnitudine quam Gallina minor, velocissimi volatus, alte vociferans ac clamosa: in cujus capite crista plumea, ex earum avium genere, quas *οὐς μυιδας* Græci vocant: caudam enim, cum pedibus incedit, assidue quatit, & ob id tremulus vocatur: Semper fere juxta maria versatur, ne quis parvam illam aviculam longæ caudæ, quæ Codatremula vulgo, sive Moracilla dicitur, per Tremulum hoc loco intelligendum putet. Huc etiam referri posset (si non eadem est) avis quædam cornice minor, plumis fere viridibus & nigris per totum dorsum, caput & collum, ventre albo, longa & semper erecta, in capite crista plumea, alis obtusioribus, & inter volandum magnum strepitum edentibus, unde & Vallenus à barbaris dicitur, clamosa admodum & querula: quæ aquis vermium gratia, quibus solis vitat, appropinquat, sed ipsas non ingredi-

tur, in planis & locis circa confitis plurimum degit.

Decimaquarta, Amarellus avis aquatica, forma perinde ac anas, sed minor, ab Aristotele libro octavo capite tertio de histor. animal. *βόνα* appellatur. Illud porro nosse in universum expedit, quod præstantius alimentum ab iis sumatur avibus quæ volatu magis nituntur, celeriusque volant. Et quemadmodum prædictarum avium caro concoctu facilis, & ad bonam valetudinem est accommodatissima, sic è diverso quarundam excrementitia est ac mali succi, multoque ad coquendum difficilior, atque inæqualis temperamenti, ejusmodi imprimis existit pavonum, anserum, gruum, ardearum, & quotquot oblongum habent collum ac rostrum: inque paludibus nutriuntur. Huc, quod ad succi pravitatem attinet, passeret etiam referendi sunt, qui in turribus nidificant, pyrgitæ appellati: nam calidissimi sunt, & longius à temperamento recedunt, ac durius alimentum dant. Veneremque impensius stimulant. Circa electionem vero alimenti, quod ab avium genere sumitur, sciendum est, juxta diversas præstantioris alimenti proprietates, si ejus quod nutritur sanitatem vel robur spectes, carnes varie laudari. Sic Galenus ad facilem concoctionem & subtilitatem respiciens, bonitatis palmam perdicibus attribuit; Rhazes & Isaacus ob levitatem & subtilitatem starnam prætulerunt. Idem quoque Isaacus diversa ductus ratione diversarum avium carnes laudavit. Avicenna turturis carnem, quod mentis aciem atque intellectum roboraret, mirifice commendat. Avium porro omnium volucrum genus paucissimum præstat ali-

Ama-
rellus.

mentum, si ad genus gressilium conferatur, potissimum si ad suillum, quo non aliud inuenias, quod copiosioris sit nutrimenti: volucrum tamen caro ad coquendum est facilior, quare iis qui neglecto corporis exercitio, consiliis potissimum & studiis ac contemplationi vacant, convenientissima est, præcipue perdicis, attagenis, columbæ, Galli Gallinacei & Gallinæ, quemadmodum libro tertio de aliment. facultat. capite decimo octavo Galenus testatur. Sanguinem enim procreat clarum atque mundum, & spirituum generationi ac mentis exercitiis, & intellectui aptissimum. Siccior namque alimentum, quale dictarum avium est, studio contemplationique intentis convenit. Siccitas enim prudentiæ familiaris est, sicuti luculenter & perspicue docuit Galenus in libro, cui titulus. Quod animi mores corporis temperaturam sequantur, capit. 5. Lege plura apud eundem libro octavo capite secundo method. medendi, & in libro de attenuante diætâ capit. 6. De Attagene pulcherrima quædam & scita dignissima Gilbertus Longolius in Dialogo de Avibus prodidit.

Animadversio de esu carniû in genere.

CArneam, seu Carnam deam vitalibus humanis præesse superstitiosa credidit antiquitas, ab ea enim percebatur, ut jecinora & corda, quæque sunt intrinsecus viscera salva conservaret, ob id ei pulte fabacia & larido sacrificabatur, quod his maxime rebus vires corporis roborentur, inquit

VALETUDINE. 629

Macrobius Saturnal libr. 1. capit. 12. Nec sane injuria huic tanto tamque salutari numini ejus rei nomen indiderunt prisca sapientes, sine qua visceribus robor eximium addi nequit: Est enim caro velut vitæ nostræ cardo, qua sine insalubrius deteriusque vivitur, præsertim in hoc ferreo sæculo, & in ista mundi ætate senescente, quâ

Carnis laudes

———— Glandes atque arbuta sacra
Deficiunt sylvæ & vltum Dodona recusat;

1. Geor.

Quaque effœta tellus & diuturno pariendi labore fatigata, paucas fruges easque deteriores nobis subministrat. Primo quidem aureoque illo sæculo quod ante diluvium fuit, existimatum est à prudentissimis, sapientissimisque viris mortales ab omni carne abstinuisse, solisque arborum fructibus & frugibus terræ vitam sustinuisse longævam ac diuturnam, usumque carniū primum à diluvio introductum à Deo, ut atrocitatem vindictæ hoc suavi eduliorum genere emolliret.

An
prisci
usi car-
nibus.

At vetus illa ætas cui fecimus aurea nomen,
Fœtibus arboreis & quas humus educat herbis
Fortunata fuit, nec polluit ora cruore.
Tunc & aves tutæ movere per aëra pennas,
Et lepus impavidus mediis erravit in arvis;
Nec sua credulitas piscem suspenderat hamo

1. Me-
tam.

Hanc autem sententiam è nostris Theologis tenuere Lyranus, Carthusianus & Tostatus in caput primum Genes. rati usum carniū ante diluvium, nec usurpatum, nec licitum; tum quod sufficerent homini nutriendo plantæ, inter quas & temperamentum hominis, naturalis erat eo tempore convenientia, propter excellentem

Rr iij

630 DE CONSERVANDA

earum nutriendi vim , & firmissimam humani corporis constitutionem ; tum quia deerat illa convenientia inter corpus humanum & animalium carnes , quæ tum plenius , pinguius ac solidius alimentum dedissent homini , quam ejus temperamento conveniret. Sed falsitatem ejus opinionis eleganter refutavit Cajetanus comm. in c. 4. Geneseos , cujus verba , quod ad dirimendam hanc controversiam prosint , libenter subjiciam. *Conjectura est , inquit , adeo fuisse tum multiplicatos homines , ut opus esset grege ovium , nulla enim scriptura testatur homines ante diluvium postquam ejecti sunt de paradiso solis terra fructibus vixisse. Berossus namque refert homines ante diluvium etiam humanas carnes comedisse , & pastorale officium Abelis testatur gregem ovium humanis usibus servisse non solum præbendo lanas & agnos , sed lac & caseum. Nec obstat , divinam scripturam differre indulgentiam vescendi carnibus post diluvium , quoniam non indulgentia , sed necessitatis explicatio fuit illa. Ante peccatum enim explicata est materia necessaria humani cibi in vegetabilibus , post peccatum autem in animalibus , unde ibi dicitur , animalia data esse homini post diluvium , sicut ante data fuerant ei olera virentia. Cum quibus stat quod medio tempore , scilicet post peccatum & ante diluvium , homines naturali jure usi fuerint vescendo carnibus animalium , & ob id Abel fuit Pastor ovium. Et confirmatur quia nisi agni tunc fuissent hominibus ad esum , nulla fuisset laus Abel ex eo quod primogenitos pingues elegisset ad divinum sacrificium , perinde enim fuisset Abeli pingues atque macilentos sacrificare , si non propter usum carniū , sed propter solum pellium usum gregem pascebat. Deinde addit , post diluvium promulgasse Deum esum carniū , non*

quantum ad usum, quasi prius non fuisset in usu, sed quantum ad necessitatem, quia post diluvium cepit esus carniū esse homini necessarius. Et quia tunc primum necessitas vescendi carnibus promulgabatur, propterea tunc etiam declaratus est naturalis modus vescendi carnibus, non cum sanguine, id est, non vescendi crudis carnibus. Hec ille, ex quo tandem duas velut conclusiones eliciemus: primam, errare eos qui ante diluvium vetitum fuisse esum carniū arbitrantur, cum potius injunctum ejuscemodi esum constet ex Varabulo notula 3. in capit. 9. Genes. Justino Martyre quest. 119. Dominico Soto lib. 5. de justit. & jure. Francisc. de Victoria relectione de temperantia, aliisque plurimis. Alteram, graviter lapsos eos qui tum nefandum extitisse esum carniū voluerunt, tum qui alimentum deterius præbere animalia, quam plantas sibi falso persuaserunt. Prioris illius sententiæ meminit. Ovid. 15. metam his versibus.

Heu quantum scelus est in viscere viscera condi,
Congestoque avidum pinguescere corpore cor- Ovid.
pus

Alteriusque animantem animantis vivere letho.

Damnavit Romana Ecclesia Tatianos & Encratitas apud Ireneum libro primo contra hæres. capit. 32. quod adeo carnes adhorterent, ut eas contingere pro grandi piaculo ducerent: detestata est Catharos, Manichæos, Priscilianistas, Montanistas, Albigeneses, quod in simili errore versarentur, de quibus agunt Epiphanius cont. hæres. Divus Augustinus libro tertio contra Faustum Manichæum capite trigesimo primo & capite decimo quarto libri contra Adamant, Prateolus opere proprio de hæresi.

bus, & Galterus in Chronologia. Refert Be-
 forestus tomo secundo, Cosmog. hodie etiam-
 num extare Negotiatores quosdam regionis Gu-
 ferathæ, quos *Baucanos* vocant, qui neque car-
 nibus, neque ullis omnino rebus animatis utan-
 tur, & quibus piaculum sit animal etiam no-
 xium occidere, itaut noctu lichnos accendere
 non audeant, ne papiliones aut culices lichni
 flamma comburantur: pediculos præterea ac pu-
 lices patiuntur usque ad extremam impatientiam;
 eorum autem minus patientes quosdam sacerdo-
 tes Eremitas conveniunt, qui eos ista lue li-
 berant, sed ea lege, ut collecta ejuscemodi
 animalcula & in vasculo reposita, proprio san-
 guine alant. Profecto tam altis olim innixa erat
 radicibus superstitio illa abstinendi à carnibus,
 ut in examine eorum qui ad factos Ordines pro-
 movebantur, quæreretur ab eis, *si nuptias se-
 cundas non improbarent, & carnes non haberent
 execratas*, quin cogeantur pregustare carnes,
 alioquin excommunicabantur, & de ordine sui
 clericatus deponebantur, ut habes expositum
 in can. 50. & 52. Apostolorum, can. 14. Car-
 thaginenfis conc. 1. canone primo Bracharenfis
 primi, & refertur. de consecrat. distinct. 23. ca-
 pit. qui Episcop. Posteriores sententiam de po-
 tiori alimento plantarum, quam animalium,
 tennere Porphyrius libro quarto de abstin-
 entia animal. & nonnulli apud Plutarchum dua-
 bus orationibus de esu carnium: quam tamen
 nemo est tam parum in re philosophica in-
 structus, tamque tenuiter medicis rebus infor-
 matus, qui falsam & erroneam non ducat, ra-
 tione & experientia permotus, etenim si unum
 quodque rebus maxime similib⁹ alitur & delecta-

Ancar-
 nes plā-
 tis me-
 liores.

tur, animalium autem carnes similiores sint hominis naturæ quam plantæ, iis homo præsertim aletur & delectabitur. Præterea alimentum temperate calidum & humidum, alimentum sapidum, alimentum minus excrementitium, optimum censeretur debet; atqui carnes animalium ejuscemodi alimentum præ stirpibus præbent, optimum ergo homini subministrant. Verum hæc nos frustra perstrinximus, nec enim hodie tanti fieri ex plantis video alimentum, ut longiorem de ea re suscipere disputationem necessarium mihi videatur.

Venio ad carnis significatum, facultatem, & delectum *Carnis* nomine intelligimus ex Aristotele, *Car-
nis
nomen,* quicquid in genere sanguineo est, & ex Galeno quicquid multi sanguinis est & calidum, adeo ut ex hoc sensu caro tribuatur iis tantum animalibus, animaliumque partibus quæ sanguine constant. Sed cum angustior sit illa acceptio, quod fibræ, venæ, medulla, lac, ova, cartilagines, carnis nomine non audiantur; hanc locupletio-rem damus, *carnem* usurpantes pro omni eo alimento quod ex partibus omnibus, certisque animalium excrementis esui aptis depromitur, quamquam & hæc nominis usurpatio paulo latior sit, quam ea quæ Theologis & Canonistis familiaris est, dum vivendi rationem præscribunt diebus jejuniorum, quibus quidem jubent ab omni carne abstinendum, carnis nomine intelligentes, *esum omnium animalium sanguineorum volatili-um & terrestrium, eorumque partium, tum excrementorum, ut sunt lac, caseus, ova, & ab eo excludentes exanonia quædam animalia ut limates, & piscium omne genus.* Nos autem, ut dixi carnem animalium nominantes subintelligi volumus, quodlibet

alimento ex animalibus volatilibus, terrestribus, aquatilibus, sanguineis, exanguibus, perfectis, & ex animalium eorum partibus vel excrementis desumptum. Cujus quidem carnis sic acceptæ facultas commode explicari nequit propter varia animalium temperamenta diversamque rerum constitutionem quibus tribuitur, nisi allata distinctione & adhibitis quibusdam diorismis: Carnium enim nonnullæ calidæ, humidæ aliæ, hæ plus nutriunt, illæ minus; hæ tenuiorem, illæ crassiorem succum gignunt; quædam facilius, quædam difficilius concoquuntur, cætera excrementi magis, vel minus relinquunt. Ut ergo certi aliquid de carnibus definire universim possumus, has & similes circumstantias observabimus; alias *ex parte animalium*, alias *ex preparationis ratione* desumptas. Ex parte animalium sunt *genus, mores, aetas, sexus, habitus, partium situs, pabulum, locus natalis*. Animantium genera tria cum sint, *volucra, terrestria, & Aquatilia*; volucra carnes habent omnium saluberrimas, succique ad coquendum facillimi: Terrena vero difficilius coquuntur, magis tamen nutriunt, quia succum habent crassiorem, & diutius permanentem, ex Actuatio lib. 2. de speciebus animal. cap. 1. *Pisces* autem quia naturam elementi retinent, in quo vivunt, minus bene nutriunt, difficiliusque coquuntur, quod longius à natura nostra absint. Ex his vero animalibus omnibus, quæ *sanguinea* sunt calidiores carnes habent, nostræque naturæ magis amicas, quæ *exsanguinea* frigidiores, coctu difficiliore, minusque naturæ nostræ convenientes.

Genus.

Mores. Ad mores pertinet *feritas & mansuetudo*, à quibus animalia *fera* dicuntur seu *ferocia*, & *mansue-*

10. Illorum carnes propter siccitatem & fibrarum duritiem vix edules, talis est vulpina, ursina, leonina; Mansuetorum caro respectu ferocium delicatior & suavior; de his tamen certi quid vix proferri potest, cum ex mansuetis nonnulla etiam duriores esuique minus aptas carnes habeant cuiusmodi est Asinina.

Ab ætate animalia vocantur juniora, vetustiora, Ætas. & ætate media. Juniorum vero præstantior est quam vetustorum, & augescentium melior quam declinantium. Prior tamen illa, excrementia humiditate scatet, & laxam alvum reddit, maxime si sit nuper natorum: posterior hæc arida & prædura concoctuque contumax. At caro eorum quæ mediocrē ætatem attigerunt longè aliis salubrior & optimi nutrimenti censi debet. Ut enim siccioribus animalibus adolescens ætas ad temperamenti mediocritatem confert, sic humidiora quod sibi deest ad probam temperiem ab ætate florenti adsumunt; ex Galen. lib. 3. de aliment. cap. 2. Observandum tamen has de ætate regulas potius intelligendas de volatilibus & terrestribus, quam de piscibus, quos semper vetustos edendos esse vetus gallorum proverbium docet: jure an injuria, postea dicitur.

Ex sexu petitur quoque differentia carnum. Sexus. Nam carnes masculorum calidiores fœmellarum carne, & meliores etiam ac suaviore, si fuerint castratorum, aliàs virosū quid redolebunt, præsertim quo tempore veneris furiis agitantur. Mos itaque est castrare mates ut cum testibus virulentiam deponant & ocius pinguescant, quod sanguinis portio dicata semini in carnem & adipem facessat. Ob id in urbibus Galliæ benè institutis cavetur legibus municipalibus ne animalia

quædam non exsecta, ut arietes & Tauri, in macello vaneant. *Non solum*, ait Galen. *castratarum victimarum caro suavior est, quam non castratarum; sed etiam qualitas ipsa carniū simile quid testium qualitati præse fert grave. Et ut ita dicam, virosum, ad odorem usque similitudine porrecta.*

Notandum porro, ex animalibus temperamento calidioribus & siccioribus, fœmellas, præsertim juniores, maribus præferendas; ex frigidioribus vero mares salubriores fœmellis.

Habitus.

Per *habitum* animalium, carnes præterea variantur: Caro minus extenuatorum & macrorum sicca nimis & exsiccata, obeforum vero & nimis saginatorum, præhumida, nimis fastidiosa, ventriculo noxia. Moderatè ergo pinguium, caro bonitate substantiæ & saporis suavitate aliis anteponenda. Huc pertinet carnis durities quæ facit ut sero & paulatim nutriat, teste Galen. in exposit. aph. 18. lib. 2. Et quoniam habitus exercitio vel quiete comparatur, non erit quoque absurdum hic aliquid de exercitatorum animalium carne recensere: talis autem caro probatur quod careat excrementitia humiditate; improbatum vero caro otiosorum ob succum eorum excrementitium. Denique monuit Theophrastus alba omnia animalia imbecilliora & injucundiora esse, proinde carnes habere nutrientes minus & minus suaves.

Partium Si-
tus.

Partium *situs* non est omnino negligendus, constat enim dexteris animalium partes sinistris suaviores, palato gratiores & concoctu faciliores esse: adhuc suavissima habetur caro quæ ossa ambit, minorèque negotio conficitur, sinistra ramen melior est.

Pabulum.

Pabuli maxima habenda ratio, cum inde tem-

periem mutari contingat. Ergo caro animalium quibus alimenta propria affatim suppetunt, est præstantissima, contra deterior eorum quibus alimentum proprium deest.

Locu denique & *regiones* plurimum faciunt ad Regio. carniū suavitatem atque salubritatem definientiam. Hic enim delicatories sunt quæ alibi duriores. Nonne caro vervecum Græcorum, Hispanorum & Italarum dura est, & male olens, Biturigenſium, & Francicorum delicata & tenera ob breves & molles fibras, Neustricorum & Arvericorum, dura & sicca ab longiores & duriores fibras? Optima quidem caro bubula in Gallia, sed quæ ab Anglicana & Ungarica superetur. Sylvestrium quoque animalium carnes sicciore sunt, & salubriores domesticorum, quamvis pinguiorum, carnibus, quia domestica otio plura colligunt excrementa, quæ agrestia motu & aëre liberiore dissipant, neque ut plurimum naturalis est, sed arte & otio parata ejuscemodi pinguedo. At inter agrestia, quæ palustria sunt & aquatica loca incolunt, carnem habent humidiorē, viscosiorem, excrementosam magis, & minus coctu facilem.

Atque hi sunt diorsimi generales carnibus distinguendis inservientes qui ex parte animalium, depromuntur. Alii jam supersunt ex *carnium præparatione* observandi, qui nimirum earum conservationem, teneritudinis vel firmitatis conciliationem, cocturam denique spectant. *Conser-* Salitu.
vatio carniū sale præsertim perficitur, hinc salita ra. caro dicitur quæ quidem parcius nutrit quam insulsa, quia exsiccando & tenuando, sanguinem acriorem & deteriore reddi; ex Avicen. 148. tract. 2. suis tamen non caret dotibus; minus enim

excrementitia est, minus corruptioni obnoxia, magis vero suavis.

Non sapit esca malo, quæ datur absque sale. Docet Galenus i. de facult. medicam. carnes quæ sale condiri debent: *Animalium corpori*, inquit, *quæ excrementitia carne constant, salituri sunt peridonea: excrementitias autem vocamus carnes, quæ pituitosam humiditatem in se conspersam continent.* Addit Aetius quæ ad salituram idonea sunt, tenuium partium fieri & comesta crassos ac glutinosos humores attenuare, cæterum vetera salsamenta omnia vitiosa esse. Docet præterea non modicam differentiam salsarum carniū esse, quas ab eo repte cap. 149. lib. secundo. Sunt & alii moci servandis carnibus opportuni, sed uisitati minus & minus salubres: alii enim utuntur aqua vitæ, alii aceto & pulvere coriandri, alii fumo, alii clavo æreo in carne defixō, alii cumino & scordio. Circa Cusco Peruanæ regionis locum inter duos montes situm carnes integerrimæ servantur, adeo ut equi mortui per quatuor menses incorrupti persistant, quodtribuendum aëri vel tenui, vel falso: Gelu quoque & Borealis ventus servandis carnibus accommoda, refert enim Paul. Jovius in legat. Moscos carnes trium quatuorve mensium edisse, non sale sed gelu servatas.

Vt caro
tenerescat.

Porro carnes animalium præsertim volatiliū & terrestrium duriores, teneriores fieri exoptant; molliores vero carnes piscium, firmiores, ut sapidiores fiant ac jucundiores; Quæ enim in piscibus laudatur firmitas, vituperatur in aliis animalibus, præsertim si à durioribus & longioribus fibris fiat: laxitas ubique damnanda, cum vel à corruptela, vel ab humida superfluitate ortum

ducatur. Ergo teneritas carniū conciliatur primò custodia, diuturnitate enim tenerescunt fibræ, dein verberatione qua eadem divelluntur: Plutarchus suspendit è ficu, nonnulli coquunt, vel cum lamio, vel cum alliis & lactucis, vel cum acetosa, vel cum lapatho acuto; quidam acervo tritici recondunt; ceteri dum coquuntur carnes, movent cum cochleari è ficu. Firmiores vero fiunt Pisces si in vino, aceto, sale, aromaticis rebus herbisque calidiotibus coquantur, & leviter exsiccentur, de quibus omnibus consulendi coqui, & inter Medicos Franciscus Bonamicus lib. 3. de alimento cap. 32. Ceterum *coctio* facultatem quoque carniū Immutat, nam frixæ carnes diversæ sunt ab elixis, assæ à suffocatis, quemadmodum capite de ciborum præparatione fusiùs explicavimus. Et hæc dicta sufficiant de generali carniū differentia, quæ licet de omnium animalium carniibus dici possint, minus tamen piscibus conveniunt, sed de illis & de aliis animalibus imposte-
rum speciatim agetur.

Coctio

De Avibus.

HIs autem universim de carniibus expensis, *Carniū divisio,* superest ut speciales carniū differentias proferamus. Ea autem est ejusmodi, ut aliæ ex toto animalium aëreorum, terrenorum, aut aquatiliū corpore, aliæ ex eorundem animalium partibus ac excrementis depromantur. Voco *Aërea* animalia, quæ alarum & volatus beneficio elata è terris & aquis per aërem feruntur, licet victum in terra aut mari querant. Ea autem sunt *Aves*, quas quidem diximus omnium animalium salu-

Avium
caro
qualis.

berrimas, succique esse ad coquendum facillimis, quamvis minus nutrant quam animalia terrestria. Varium tamen esse solet alimentum quod præbent, prout ratione *temperie, ætatis, victus, castrationis, loci, cœlique* sub quo vivunt. *Tempore* enim quo incubant, aut in venerem ruunt, minus idoneum pabulum suggerunt; nulla item vetus avis laudatur. Aëre libero quæ victum proprium querunt, anteponendæ iis quæ caveis aut carcere inclusæ impinguntur: castratione suaviores existunt minusque calidæ: palustres & aquaticæ humidiore deterioresque montanis. Sed singularum bonitas ac præstantia commodius intelligitur, si sigillatim eas quæ à Salernitanis hoc capite perstringuntur breviter eximemus, nullo alio servato ordine, cum supervacaneum esset post Ulysses Aldrovandum tentare *hoc opus*, neque enim à nobis ulla animalium historia expectanda est cum ab eodem Aldrovando fusissimè explicata habeatur, adeout transcribendi locum; colligendi vero nullam potestatem reliquerit. Unum interim observabis ex Hippocrate libro sexto epidemi, sectione quarta, textu vigesimo quarto. Videlicet per terræ squalores avium genus abundare, quod & probatum videtur Aristotel. libro octavo de hist. animal. capite decimo octavo, scribenti *avibus prodesse squalores, tum ad ceteram sanitatem, tum etiam ad parium*: cuius rationem duplicem affert Galen. com. ad eum locum Hippocrat. priorem, quia aves sicco constantes temperamento, sicca tempestate rectius valent: posteriorem, quia aridioribus cibis vescentes & paucopotu contentæ siccitates delingunt. Adde quod tum tutius & deponunt ova, & fovēt, & excludunt, cum imbres interficiant

Aves
per sic-
citatem
fecun-
diores.

ficiant & ova & pullos.

Imprimis occurrit Gallinarum genus quò no- DeGal-
mine & mares & fœmellæ subintelliguntur. Mas linis.

quidem in cibum venit & tenellus adhuc dum
pullus est, & dum senex est. Pullastri Gallinacei
caro, si credimus Galeno, inter volucrium carnes
enúmerari debet, quæ mediam quandam exte- Carnis
nuandi & incrassandi naturam habent; facile enim Galli-
coquitur, laudabilem sanguinem generat, appeti- narum
tum excitat, quibuscunque temperamentis conve- temper-
nit, præsertim si nondum coierint aut cucurrerint,
sed moderatè pingues fuerint. Hos pullos Si-

meon vocat ὄρνι τοῦ πάλου, unde deductum existimo
vocabulum nostrum gallicum, poules, quò gallinas
appellamus, seu potius à voce pullus, à quo barba-
rum illud nomen Græcum fluxit. Meursius tamén
ὄρνιθοπικλον, & ὄρνιθοπικλίζον, non pro pullis gallina-
ceis, sed pro quibuscunque avium pullis, aut pro ipsis
avibus usurpat in glossario ex auctoritate Deme-
trii Constantinopol. in Hierascophiæ. Quod de
tanto viro miror, cum idem auctor lib. illo 2. à
Meursio citato capite ... περὶ τὸν ἀνὸ γγον, περὶ τοῦ πικ-
λου & ὄρνιθοπικλου distinguat, ταῦτα ἀναμίξας, in-

quit, ἐξ αὐτῶνδος τῶ ἱέρειου, & διακρίνους μετὰ περὶ περ- Merusii
πικλου, ἢ ὄρνιθοπικλου, id est, hæc omnia miscebis, & error.

sanabis cum carne pulli colum-
bini aut gallinacei, ut optimè vertit Petr. Gil-
lius, nomen enim generale avium gallinaceis
tribuitur more priscorum Græcorum apud quos
nomen nullum peculiare Gallorum reperire est,
ex quo factum est ut Myrtilus apud Athenæum
solas Gallinas ὄρνιθους & ὄρνιθια appellaret Senex
autem Gallinaceus non editur nisi à rusticis, Verus
quod carne sit vitiosa, subsalsa, dura & ingra- gallus.
ta: solet tamen decoqui & jus ejus exhiberi

ad alvum ducendam, lavat enim, abstergit, aperit, flatus dissipat, provocat, alvum solvit, atque melancholiam purgat ex Serapione; ex Sere-
no vero Sammonico,

Febribus aut longis galli nova Iura vetusti
Subveniunt, etiam tremulis medicantia membris.

Laudamus autem pullos bimestres & trimestres ante æquinoctium exclusos, qui enim post solstitium nascuntur, justam non implent magnitudinem: At Gallinæ temperamento minus sunt calido quam mares, alimentum autem præbent boni laudatique succi, non excrementitii, non morantis diu in progressu, descensuque in intestina: alimentum autem hujuscemodi nec multum est, nec multum duraturum, quippe cum ex tenui sanguine constet fluxili, labilique. Probantur gallinæ juniores, quia nondum ova ediderunt, minus probantur veteres, aut incubantes. Mihi consilium non est, omnes hoc loco recensere modos quibus saginantur Gallinæ, & quibus ad cibum coquuntur ac præparantur. *Conchillatos*, pullos, *parthicos*, *oxyzomos*, *laseratos*, *varianos*, *frontonianos*, *tractogelatos*, *falersos*, *leucozomos*, *isficios*, *amilatos*, *oxyliparos*, *assos*, *elixos*, *frixos*, *pressos*, *distillatos*, *in pastillos*, *in minutalia*, *in gelatinam* apparatus non moror; consulantur Apitii filii, à quibus tamen Medici resciscere debent rationes coquendi & condiendi cibos, ut dum consuluntur à magnatibus de ineunda victus ratione, quos cibos vitare debeant, aut qua ratione paratos sumere, tuto & secure pronuntiare possint.

Capus. Secundo loco occurrit *Capo* seu *Capus*, qui & ipse è gallinaceo genere est, à nonnullis gallis spado dictus; exsecis enim est testiculis, & abscissa

crista, ne quid virosi ex usu veneris contrahat, ut galli solent. Hoc de ejus bonitate tradidit Platina: Omnium avium laudes, inquit, quantum ad obsonia pertinet, una caro gallinacea comprehendit. Quid enim popinis asserunt reliqua altilis, quod non unus capus in se habeat, sixe elixum, sive assum velis? Hujus avis patina stomachum juvat, pectus lenit, vocem sonoram facit, corpus obesat. Quis vero non mirabitur Græcos copiosos & eloquentes, res cum habuerint, vocabula non habuisse, nec enim Capo significando designatam habuere vocem, quamvis apud Aristotelem libro nono de hist. animal. capite ultimo castrandi gallos gallinaceos ratio instituat. Ab eis quidem ad Latinos castrationis modus defluxit, vox à Latinis adinventata, est usurpata à Varrone de re rust. libro tertio capite nono, & libro secundo capite septimo, atque à Columella libro octavo cap. 1. dictusque Capus videtur ἀπὸ τοῦ καπνίου, quod avide voretur & comedatur, vel quod ab eo testes capiantur.

Succedit *Turtur* ex tota Columbarum familia *Turtur*, minimus, quem Aristoteles τρυγών vocat, à sono vocis quem Græci vocant τρυγέιν. De eo tradit Porphyrius libro quarto de abstinent. animal. antiquissimos Ægyptios eum à mensis suis exclusisse, quod Accipitris unguis aliquando evadat. Ne igitur in eum turturem inciderent qui sacri Accipitris unguis effugisset, ab universo genere abstinerunt. Adnumeratus autem fuit à Romanis inter lautiores cibos, quod constat ex Plauto in Mustel. & Martiale multis in locis. Nicolaus Massa solitus est Turturum carnes vocare *cibum sapientum*, quod modicum tenuem succum & siccum, spiritibus animalibus generandis & peragendis functionibus intellectus aptissimum

generent. Hinc Poëta.

Turtur, honorabis domini convivia nostri,

Hinc melius sapiens posteriore cibo.

Siccescunt, sed calida magis tua fercula profunt

Sic domino, ut sapiens hinc magis esse queat.

O bona avis, casta es sanctæque dicanda Minervæ,

Nos tamen in venerem, luxuriamque rapis.

Porro inter turtures laudantur juniores & pinguiore, qui dum assantur involvuntur pampinis, seniores & macri difficilis sunt coctionis, alvum adstringunt & sanguinem melancholicum creant. Edi ergo debent elixi potius quam assi, hac enim ratione salubriores evadunt. Inter partes, clunes habet delicatissimas, ut pater ex Mart. lib. 3. epig. 60. & 82.

Cereus immodicis Turtur te clunibus implet,

Ponitur è cavea mortua pica mihi.

Stur-
cus.

A Turture venio ad *sturnum*, sic enim loco *sturne* legendum puto, tum quod *sturna* feminino genere pro *sturno* non reponatur, tum quod *sturni* caro inter laudabiles ac salubres ab omnibus non constituatur. Equidem apud priscos, lautiorum mensas non explevisse *sturnos* testatur Martialis libro nono epig. 55. ubi eos inopes vocat quod nullius pene essent pretii ob idque pauperibus pro cibo essent. Quapropter Platina dixit: *sturni quos vulgo diabolicam carnem habere dicimus, omnino ab obsoniis lautorum abjiciuntur; has comedat vacerra noster qui marsupio magis quam vitæ consultum vult.* Caro enim illis dura esse dicitur ventriculoque inobediens, virosum etiam quemdam odorem spirans ob cicutam quam *sturni* depascuntur. Scio Galeum aliter censuisse; sed quemadmodum expo-

pendus sit vide explicatum apud Aloysium Mandellam epistola sexta & dialogo quarto. Ut sit, *starnam* hic intelligendam censemus; quo nomine non significatur avis illa major anserem quæ *Starda* sive *Tarda* & *Otis* appellatur; sed designatur minor illa perdix quæ est *nigripes*; quam (ut ait Julius Scalig.) *hetruscus* autumat *starnam*. De ea audiendus Plinius libro decimo capite quadragesimo nono. *Advenere*, inquit, *bellis Bebriacensibus civilibus in Italiam aves novæ, quæ adhuc nomen retinent, paulo infra Columbas magnitudine, Turdorum specie, sapore gratae*. Nomen illud videtur fuisse avis externa, à quo corrupta vox *Starna* remansit. Cum vero in genere sit perdicum, nemo dubitat de ejus succi bonitate ac præstantia, dubitaverit vero aliquis cur laudatus ille cibus ab Elluchasem prohibeatur exhiberi sanis & maximè motu utentibus? An dicendum cum Savonarola delictos illos cibos relinquendos convalescentibus & ægris, quippe cum Celsi consilio cavendum sit in *secunda valetudine ne adversa præsidia consumantur*? an respondendum potius cibos illos quia tenuissimum cibum facileque transeuntem ac dissipabilem suggerunt, magno motu utentibus commodos non esse quod vires diu sustinere non possint, quo factum est olim ut bubulæ suillæque carnes potius quam vitulinæ aut gallinææ athleticis prescriberentur.

Non est prætermittenda columba cum eam ita celebrarit Romanorum luxus, ut Plinius libro decimo capite vigesimo septimo, multos ejus amore insaniisse tradat, singulaque columbarum paria non semel mille sesteriis nummi & aliquando etiam mille & sexcentis vendita fuisse. Vocant au-

Colum-
ba.

tem Græci Columbam *αἰσέγων* vel *αἰσέγων* τὸ πένθος *αἰσέγων* à duro & laborioso volatu, vel *αἰσέγων* τὸ πένθος *αἰσέγων* à nimio amoris affectu, quo mares femellas suas prosequuntur, ex quo commendantur ab Amasiis oscula columbatim facta. Quamquam autem multæ sint Columbarum differentia, eas tamen omnes ex Galeni authorit. libro decimo de simpl. medicam. ad duo summa genera revocari posse animadverto; ad *αἰσέγων* καὶ *αἰσέγων*; hoc est ad domesticum, & ad pascuum seu sylvestre. Porro temperies Columbibus calidissima tribuitur, eas tamen avibus annumerat Galen. libro tertio de aliment. quæ facillè concoquuntur & quæ nec tenuem nec crassum succum generant Sylvestres præferuntur domesticis, Iuniores vetustioribus, verni autumnalibus, autumnales æstivis quod eo tempore melioribus granis vescantur. Xenophon libro primo expeditionis Cyri, tradit Syros Columbas habere sacro-sanctas, nefasque putare eos violare, verumtamen dubitandum non est quin pulli columbarum sanis atque ægris maximè sint salutare. Florentinus Geopon. lib. 14. cap. 1. usum eorum necessarium esse iis vult qui à morbo convalescunt. Ruffius Ephes. secundo ordine avium laudabilium recenset, Aëtius quarto, nimirum post Gallinas, perdices & Turtures. Ex arcanis Ægyptiorum accepimus eos qui Columbibus utuntur pestiferis morbis non corripi, nec aliud præter Columbam pestis tempore Regibus Ægypti in cibum oblatum fuisse. Quæ res fortasse Cardanum movit ut laudaret cibum in peste qui ex columbarum jure & carne paratur. Certè Plinius libro vigesimo octavo, capito quarto Columbarum carnem recens conceptam, contra serpentes auxiliari voluit, &

Nota;

Sextus Empiricus columbam incisam calidam-
que morfui serpentium impositam venena omnia
rapere & sanare docuit. Attamen memoria te-
tenendum est continuum earum usum improbari.
Narrat Aldroandus Curtium Medicum doctissis-
simum quod quotidie columbas esitasset vitam
breviorem reddidisse. Memorant nonnulli quem-
dam Camfam nomine, quod ter uno die ex assa
columba comedisset, periisse. Simeon Sethi pro-
didit eas febrem accendere, & inflammationes pro-
creare; caput etiam & oculos ledere & si nimium
usurpentur lepram generare. Etenim cum præfer-
vido sint ventriculo ex Arist. 3. de partib. animal. Nota.
cap. septimo, sanguine calido & adusto & crasso,
non mirum si corpora calefaciunt & adurunt, &
ad elephantiasim disponunt. Unum notari velim;
cum mirum in modum delectentur Columbæ se-
mine cannabino, stercus ipsæ excernunt, quo si
stercorentur agri, tam eximiam pretiosamque can-
nabim proferunt ut magnus inde quæstus com-
paretur.

Sequitur *Quisquila*, ab Antonio Gasio *Quaqui-*
la, à Blondo. *Quatea*, à Latinis *Coturnix* à Græcis *Cotur-*
επτύξ dicta, quam tanto odio olim habitam *nix.*
commemorat Plinius, ut despui soleret propter
morbum comitalem quem credebatur inducere.
Eam tamen nobilitavit Judæorum natio quæ
Coturnicibus à Deo missis diu in eremo viam
lautissimam sustentavit. Hinc rectè cecinit Gra-
paldus.

In pretio nunc sum olim damnata Coturnix,
Vox nomen, pretium dat sapor ipse mihi.

Editur enim hodierna die Coturnix, & lautissi-
mè & salubriter si modus adsit, alias pituitosos
morbos gignere opportuna est. Fuit quondam
Sf iij

848 DE CONSERVANDA

Romanorum cibis damnata quod veratro vesceretur & pinguesceret, quodque sola animantium præter hominem epilepsiam sentiret Galen. com. 5. in libro 6. epidem. in Doride, Boeotia, & Thesalia novit plurimos ex esu coturnicum musculorum distentionibus correptos, atque idem quibusdam Athenis contigisse qui coturnicibus largius sese impleverant. Galeno subscribunt Arabum nonnulli, quibus tamen refragatur Averroes existimans carnem coturnicis laudabilem quia sapidam. Epilepticum etiam morbum eam non excitare, contra Galenum probat Ulysses Androvandus lib. 13. orni holog. & Goclenius de vita proroganda. Et certè non observamus in Gallia tale quid à Coturnicum esu contingere, verisimile tamen est, earum carnem excrementitiam esse, putredini obnoxiam, febri excitandæ opportunam; quo sit ut tempore pestis abstinere ab eis debeamus; vere etiam & æstate, quod sint siccæ & exsuccæ, melancholicis humoribus generandis aptæ. Meliores sunt Autumno quia pinguiore & succulentæ; sed earum pulli lauti & delicati sunt succumque meliorem præbent.

Nota.

Phasianus.

Major gloria *Phasiano* quam *Coturnici*, forma & plumarum venustas longè præstantior, cum etiam sapientissimus Solon Phasiani elegatiam ac pulchritudinem purpureis auratisque Cræsi vestibus anteposuerit. A Phaside amne *Phasianum* dictum credibile est; unde advectus primo fuit, si credimus Martiali in *Xeniis*.

Argoâ primum sum transportata carinâ,
Ante mihi notam nil nisi Phasis erat..

Tanto olim honore habitus fuit, ut Rex *Pro-
lomæus* se nunquam *Phasianum* degustasse, sed

tanquam quoddam *καίμηλιον* conservasse gloriatur. Pertinax & ipse Imperator, si fides Julio Capitolino habenda, Phasianum numquam privato convivio comedit aut alicui misit. Severo Imperatori majoribus tantum festis positum observat Lampridius. Neque profecto raritas pretium facit, sed bonitas carnis & laudabile quod suggerit nutrimentum. Averroës & Aponensis omni avium generieum præferunt, alii postponunt perdicibus & Gallinis, alii medium constituunt non sine ut opinor injuria. Etenim Ulysses Aldrovandus cæteris eum avibus antepositum ratione suavitatis, tum ratione exercitii, tum ratione constitutionis & temperamenti; quod quidem tale est ut non patiatur, durum, fibrosum, salsum, nitrosumve evadere Phasianum sicut accidit Gallinaceis qui tales evadunt nisi tempestivè castrentur. Phasianus autem etiam non castratus innocuus semper est, gratus & acceptus, quod argumentum est eum & temperatorem esse, & corporis constitutione elaboratissima. Quod quidem tacitè innuere visus est Martialis in Xenii pullos Gallinaceos Amico offerens cum Phasianos non posset.

Laus.

Si lybica nobis volucres & Phasides essent,

Acciperes: at nunc accipe corris aves.

Sed sine ambage: alter Poëta id protulit.

Phasida jam vehat Argos avem, quassata retardat,

Debuerat primo discubuisse thoro.

Illa levis stomacho est, suaves imitata repores,

Non voler in mensas, rustica turba, tuas.

Vix sicca est, voluerum primi huic debentur honores,

Nec male, cum fuerit regius ante puer.

Formosissimam avem excipit invenusta, quia

Merula.

nigra. *Merulam* dico, quam Varro, quasi *meram* id est, solam volentem dictam voluit. Isidorus antiquitus *Medulam* vocatam fuisse scribit eo quod moduletur. Ego vero *Merulam* voco quasi *meram* hoc est sinceram, est enim sincera, tota videlicet nigra; unde Plautus *merucum* dixit pro nigrum. Græci eam *καλυπτόν*, appellant, non satis nota origine, fortasse *ἀρόν* quod celeriter significat; Celeriter enim illa Avis nidulatur omniumque avium prima parit, sed ejus primi partus pereunt frigore hyberno, ut docet Aristoteles libro quinto hist. anim. capite decimo, tertio Memorabile est quod Gaudentius *Merula* libro secundo memorabilium cap. 23. de generatione aviculæ *Merulæ* similis in hunc modum refert. *In facie leonis, inquit, prima luna constituta salviæ contusam in vitreum vas indito & orificio hermetis sigillo obverso in fimo caballino sepelito & intra lunarem circulum enatum Merulis simile animat reperies.* Porro laus olim in pectore *merulæ* posita fuit.

Et leporum avulsos & multo suavius armos

Quam si cum lumbis quis edat, tum pectore adesto
Vidimus & *Merulas* poni, & sine clune *Palumbes*.

ait Horat. lib. 2. serm. Non video jam in deliriis esse: nec sane Medici multum illi bonitatis tribuunt, quod vermibus & locustis vescatur. Duriorem ei carnem tribuit Galenus, laudatam tamen & salubrem; quod intelligendum est de *merula* pingui, obesa, & laqueis, vel retibus capta. Cavendum ab ejus esu pestilentie tempore monet Alexandr. Benedictus; quia fortasse cum vermibus muscis, & araneis alatur, qui ex aëre infecto ac pestilenti & generantur &

Nota.

VALETUDINE. 651

vivunt , trahit ex eo cibo veneni aliquid & deleterii.

Notæ omnibus aviculæ paucis cognita Ortygometra.
succedit *Ortygometra* , Aristoteli ὀρτυγόμετρα ,
quæ Hesychio exponitur ὄρτυξ ~~κορυμβοειδὴς~~ *Coturnix* ~~grande~~. Est enim ~~μντεξ~~ vox Græca in
compositione magnitudinem & in suo genere
principatum significans. Fallitur Commentator
noster, dum refert ex Isidoro eam avem coturnices
comitari abeuntes , esseque earum rectricem
ac ducem. Ait quidem Aristoteles 8. de
hist. animal. abire una cum coturnicibus ,
Lingulacam , *Otum* , *Ortygometram* & *Cychram*
qui etiam noctu eas revocat , sed eas deducere
ac regere non scribit. Porro cum de hac
ave inter auctores minimè convenire advertam,
nec ipse eam umquam , vel degustarim , vel
viderim , præterea cum ejus usum apud Gallos
rarum admodum esse animadvertam, nec valdè
questum , judicium meum non interpono ad
Alldroandum curiosos lectores remittens , qui
licet pauca , verisimilia tamen de ea ave opere
suo ornithologico congeffit.

Supra de minori perdice actum quam Galli Perdix.
perdicem griseam vocant , nunc de majori
agendum quam *rubram* appellant. Non est
vero ut diffusius in ejus laudes decurram , cum
nemo sit qui carnis ejus suavitate delectatus
optimum ex ea nutrimentum accedere nostro
corpori non asserimet. Infantes autem pulli
maxime commendantur. Imo & juniores
perdices ac pingues , vetulæ durioris sunt
carnis , difficiliorisque digestionis ; vulgo
tamen apud nostrates dicitur tredecim anni
mensibus perdices bonas esse & suaves.
Tradit Simeon carnem earum bene

DE CONSERVANDA

concoqui bonique succi esse, si non statim post interitum, sed post unum aut alterum diem comedatur, quod ex Galeno desumpsit.

Frigillus est
Turdus.

Qui sequitur *frigillus* omnibus Ornithologis ignotus est, ac pene innominatus; unus Villanovanus comment. in hunc locum avem interpretatur, quæ vescatur uvis & inebrietur etiam, velocis volatus, sturno similis, sed melioris aurimonti, circa vineas frequens & circa festum Santorum eligenda. Cum autem *Turdus Iliacus* pene has omnes notas obtineat non male commentatores de *Turdo* hanc avem intelligendam censuerunt. *Turdus* vero triplex est. Major, Aristoteli ἀζωβόρος visci vorus Gallis *Criva* dictus, minor ἰλλός Græcis, Gallis *Malvixius* vocatus, medius τείρας, seu pilaris, Gallis *litorna* appellatus. Minor ille à barbaris frigilli nomen videtur habuisse, quod frigore cantet, & vigeat, vel quod ingruentis frigoris sit quodammodo internuntius. Non contemptum à veteribus video, cum saginatum olim magna cura fuisse tradant Varro & Columella ut jucundior evaderet & suavior, adeo ut singuli Turdi altilis ternis denariis emptitarentur, Galenus ipse lib. de cibis boni & mali succi Turdum laudatis annumerat cibariis: nonnulli calidiorem *Merula* Turdum faciunt, graviusque redolentem, alii anteponunt; laudat eum *Mercurialis* lib. 3. variarum lect. capit. 2. Athenæus Turdorum turmas atque greges in primis mensæ ferculis admissos testatur, Alexander ab Alex. ova cum Turdis & leporinis carnibus ac mellitis placentis secundæ mensæ frequentius apposita fuisse commemorat, quod obmissum nolui ut candidus inde lector

deprehendat, non sine exemplo & auctoritate Salernitanos Turdum inter laudata alimenta reposuisse.

Ordine venit *Orix*, quæ alia non est à *Gallina Corycorum* quam Galli vocant *Celinottam*, seu *Gallinam sylvaticam*. Videretur autem ea ex *Perdicum* esse genere nisi major esset, longioremque caudam haberet. Mavult Bellonius eandem facere cum *Rustica Gallina* Romanorum, quam Varro ait in urbe raram fuisse nec fere mansuetam, similem facie non his villaticis Gallinis nostris, sed Africanis, aspectu & facie incontaminata; quæ soleret in ornatibus publicis cum *Psittacis* & *Merulis* albis poni, item aliis id genus rebus inusitatis. Gesnerus cibum prorsus nobilem & ferarum avium omnium laudatissimam hanc avem prædicat; ita ut principibus etiam interdum postridie quam cocta est apponatur, sola avium aut omnino animalium fortassis. Sunt qui in probitate succi *Perdici* eam comparent, alii præferant. Albertus carnem foris nigram intus candidam habere observat, teneram vero & gratissimi saporis. Observabis autem hic à nonnullis non *Orix*, sed *Otis* legi, quæ quidem sic dicta videtur ab insignibus & memorandis aurium meatibus. A Latinis vocatur *Tarda*, quod *tardo* & gravi volatu detenta nequaquam ut cetera volucres velocitate pennarum attollatur, inquit Isidorus, qua etiam de causa à Gallis *Oustarda*, vel *Ouarda* appellatur. Galenus otidum carnem mediam esse ait inter gruum carnem & anserum, minus duram scilicet quam sit gruina, duriores vero anserina. Quamvis autem Galeno Simeon Sethi assentiantur; dissentit tamen Xenophon apud Athenæum

354 DE CONSERVANDA

scribens Oridum carnes suaves esset. Jul. Alexandrinus eas sepe sese degustasse memorat, gustu, ut in ave magna non pessimo, sed nigras & duriores, itaut concoctu pervicaces existimari facile possint & excrementis redundantes, melancholicoque humore procreando aptæ. Ex quo sane concludere licet, Salernitanos de avibus boni succi loquentes, non tam de Otide quam de Gallina Corylorum hic esse intelligendos.

Tremulus. Tremulus quo in genere sit avium prorsus ignoro, ex descriptione autem quæ à Villanovano profertur suspicor esse, vel *Gallinam aquaticam*, vel potius *Vannellum* vulgo dictum, quem ad depopulandum vermes Anglos sæpe in hortis alere tradit Guillelmus Turnerus. In cibo commendari notat Gesnerus, sibi que aliquando gustanti & boni saporis & alimenti probi, sed levis ac tenuis, ejus avis carnem visam esse.

Amarellus. Restat *Amarellus* avis aquatica quæ ex anatum genere est, videtur autem dicta Aristoteli *βόνας*, *Pasculam* vertit Scaliger anati similem avem, sed minorem, quæ quod avidior sit *βόνας* appellata fuit. Eam vocat Nyphus *Sartillam* à Gallis deducta voce qui ejuscemodi avem *Sartellam* nuncupant, auctore Scaligero. Quodnam vero nutrimentum afferat, dicitur in anare, jam enim tempus est, ut huic prolixo capiti finem imponamus.

De Anate.

CAP. LXIV.

O Fluvialis Anas quanta dulcedine manas !
 Si mihi cavissem, si ventri frana de-
 disse, a
 Febres quartanas non renovasset Anas. a

Animadversio.

Sτις αὐτοὶ αἰνῶδες aves vocant Græci Palmipedes, quibus nimirum latiores dati sunt pedes ad natandum. Inter ejuscemodi aves aliæ grandiores sunt, aliæ minores. Inter grandiores habentur *Anates & Anseres* de quibus hoc & sequenti capite breviter agimus. Universim autem velut pro fundamento memoria tenendum est, aves omnes in aquis degentes carnem habere malam, terri odoris, & excrementitiā; cum enim piscibus nutriantur, cum in cæno & luto ut plurimum degant, cum paucō utantur exercitio, cum recrementa multa colligant ob frigus aquæ cutis meatus ocludens, carnem habere salubrem non possunt, sed inelaboratam, difficilis coctionis, stomachoque adversam. Quod si quis inquireat utrum aves Aquaticæ aliis avibus calidiores sint, vel frigidiores; utar distinctione cum Petro Hispano, dicamque cum Aristotele nonnullas aves inhabitare aquas propter caliditatem suam maximam, ut est corvus piscator, alias propter nimiam suam siccitatem, ut cygnus; alias

Palmi-
pedes.

Avis
Aquaticæ
bonitas.

denique ut alimentum suum in aquis quærant, ut ardea: prioresque illas dubio procul campestribus avibus calidiores esse, quo sensu audiendus est Rhazis affirmans Aquaticas aves calidiores esse, vel hoc uno signo ductus, quod sint odoris gravis & horribilis, talis autem odor caliditatem siccitatemque indicat.

Est porro *Anas* sic à nando dicta Latinis, Græcis *νῆσα*, seu *νῆσα κατωκεδῖος domestica*, seu *τίγρις*, καὶ *ἐγγίαις* & *σylvæstris*. Carnem ea habet calidiorem omnibus carnibus avium domesticarum, humidam, crassam, duram, concoctu difficilem, excrementitiam; fastidium inducentem, pestis tempore fugiendam. Attamen M. Cato Censorinus ægrotos jejuniō macerari prohibens alijubebat oleribus & modica carne anatis, palumbi aut lepōris. Colorem & vocem clarificare, flatu tollere, corpusque roborare, dixit Serapio ex Abēn Mesvæo; necnon ipse Avicenna qui excalefacere illam carnem, & aliquando febrem inducere voluit. Laudat tamen Anatū ventres & alas, ut pote quæ meliorem & leviorē succum contineant, quod videtur deductum ex Martialis hoc epigrammate.

Tota quidē ponatur *Anas*, sed pectore tantum
Et cervice sapit, cætera redde coquē.

Sunt ergo suaves & lautæ illæ Anatis partes; maxime junioris, sed ut innuunt Salernitani, opportuna generandis longis morbis, velut quartanis febribus: cum enim crassiorem succum & melancholicum generent, venas mesenterii atque ipsum lienem implent, & infarciunt, unde fœtura morborum. Observatum præterea est eò deteriores carnes anatū, quo visæ sunt interdum

VALETUDINE.

257

tum bufones integros devorare, relatumque à nonnullis, assis vel elixis earum carnibus æstivo tempore diutius asservatis serpentes vermiumque colluviem innasci. Inter cæteras eligenda quæ libero cælo, aquisque fluentibus fruuntur, fugienda quæ in urbibus degunt, quæ spurcissimis ac fœdissimis cibariis aluntur, quæque cæno perpetuo immorantur. Pulli earum sunt in delitiis, vocanturque à Gallis *Hallebrani* duobus mensibus nati.

De Anseræ.

C A P. LXV.

AUcha fuit Coum mensis, campis Acheloum. *« Auchæ petit Bacchum mortua, viva lacum. »*

Animadversio.

NEfas apud Romanos quondam fuit *Anse-* Anse-
res.
res violare, quod eos sacro-sanctos ob capitolium servatum existimarent, ob idque Censoribus magistratum ineuntibus præscribebatur, ut eis alimenta locarent. Tandem relicta superstitione in primarias mensarum epulas translati sunt, & eorum sagina instituta. Narrat Lampridius Alexandro Severo anserem festis diebus appositum fuisse, Diod. autem Sicul. tum elixum, tum assum anserem quotidie Ægyptiorum mensis adhibitum commemorat. Attamen notissimum est eorum carnes super-

fluitatum & excrementorum productrices esse, difficulter coqui domesticisque cunctis avibus crassiores, calidiores, humidiores. Numerantur à Celsò inter cibos valentissimæ materiæ & plurimi alimenti, & ut docet Savanarola, sunt ex iis qui febrem propter nimiam humiditatem excitant. Albertus Magnus non calidam anseris carnem, sed frigidam, siccam, duram atrabilariam & concoctu difficilem statuit, qua ratione motus non video, cum omnes alii medici contrarium sentiant, & ipse sibi ipsi non consentiat, cum addit esse atrabilariam, hoc est bili retorridæ & ex adustione nigræ generandæ aptam. Est autem dictus *Anser* Varroni à voce quam emittit; Isidoro vero ab anate per derivationem, vel à similitudine, vel quod & ipse natandi peritiam habeat ab assiduitate natandi. Barbari vocant *Ocham*, nomine à Græco deducto atque composito ex articulo masculino & voce *χλω* Anserem designante, aliqui a in au diphtongum commutantes dixerunt *Aucha* quemadmodum docet Joa. Tortellius. Inter Anseres fœmellæ maribus potiores: pulli magna sunt in gloriâ, verum adultiores commendantur magis, & ad saginam idonei habentur, farcturæque destinantur. Manditur & salita anserum caro & fumo exsiccata, quæ quia frequentis est Judæis in usu ruborem vultus creditur eis conciliare. Inter ceteras partes *collum*, *ala*, & *jecur* commendantur, laudatur & *jus anserinum*, non solum ad cibos, sed adversus venena efficax. Non reticebo unguentum ex anseris, quo restitutos multos arthriticos commemorant. Descriptio habetur apud Antonium Guainerium commentariolo de ægritudinibus junctura-

Vn-
guen-
tum an-
seri-
num.

VALETUDINE.

659

rarum capit. 18. facta Leonino carmine hoc modo.

Anser fumatur veteranus qui videatur
Mox depluветur, vitalibus evaquetur;
Intus ponantur quæ subterius numerantur.
Tritæ caro tota, tritæ mox pelle remota,
Unctum porcinum, thus, cera, sagmen ovinum,
Pondere sint æquo, sal, mel, faba, sitque filigo.
Post hoc assetur, tamen assus non comedatur.
Vas supponatur sic ut liquor accipiat;
Quo membris unctis sic gutta solvitur omnis.
Certe hoc unguentum præstat super omne talen-

tum

Sic per dictamen cum scripseris hoc medicamen;
Fac laus ampla Deo solito de more superno;
Anseris edicto & ejus medicamine scripro
Sit laus ergo Deo finito in tempore libro.

Auctor
un-
guent
voca-
batur
Anser.

Narrantur autem anseres ab æstate in autum-
num morbo conflictari æque ac corvi. Improbantur ova, cum tamen dicantur à Simeone Sethi proprietate quadam peculiari *deputari*, hoc est *ingenii præstantiam*, præstare iis qui cum fonte filiarum tauri, id est, cum melle & cum butyro assidue esitaverint.

Porro quod aiunt Salernitani Anserem in mensis *sive* *ovum*, in campis *Acheloum*, mortuumque expetere *Bacchum*, vivum vero *lacum*; significant, anseres dum vivunt, aquis, fluminibus, lacubusque delectari, dum comeduntur vero & à nobis esitantur, postulare vinum generosum, quale erat *Coum*, ut nimirum vini beneficio coctio carnis anserinæ duræ promoveatur, ejus crassities attenuetur, humiditas contemperetur, malitia frangatur; distributio juvetur. Hildewardis libr. 4. Physices parte secunda capit. 8. de apparando ad esum anserem sic habet. Si

T t ij

quis, inquit, anserem comedere vult, cum per
res aut per duos dies valde esurire permittat, &
deinde frumento nutriatur. Et postquam occidi-
tur ad ignem assetur, & salvia & alia bona her-
ba ei imponantur, ut succus earum ipsum pertran-
seat & etiam vino aut aceto cum flabello semper
aspergatur, ut sagimen ejus effluat: & qui sanus
est, hoc modo eum assatum comedit, sed qui infirmus
est, modice ex eo comedit, coctus autem in aqua ad
esum hominis malus est. Hęc illa.

*De Carnibus Animalium terrenorum &
quadrupedum, ac primo de
Porco & Ove.*

C A P. LXVI.

EST caro porcina abs vino tibi peior vina.
Si tribuis vina, est hac & cibus & Me-
dicina
,, Carnes porcina cum cepis sunt Medicina.

PRiore versu carnis porcinae instituitur cum
ovilla comparatio; nempe quod porcina ab-
sque vino sumpta, quam ovilla peior habeatur.
Porro quod prava sit ovilla, Galenus libr. 3.
de aliment. facult. capit. 1. his confirmat ver-
bis. Agni carnem habent humidissimam ac pi-
tuitosam, ovium vero excrementosior est ac suc-
ci deterioris. Hac ipsa tamen suillam quæ bonum
alioqui succum generat, pejorem esse, si absque
vino edatur, hoc loco asseritur. Idque non aliam
certè ob causam, nisi quod & ipsa pituitosam ha-

beat substantiam, quæ quidem vino corrigitur, & ad *suppetet* perducitur. Altero deinde versu innuitur, eandem cum vino sumptam, supra quam quod valentissime nutrit, facultatem etiam habere, ceu medicamenti, ut quæ humectando corpus inalteret. Id de porcellis assis potissimum atque apris pulcherrimè apparatus intelligendum est. Cæterum carnes porcinae quæ sale condiuntur, ac Sole deinde, vel fumo exsiccantur, quemadmodum apud nos in annum reponendæ à rusticis ac plebeiis hominibus apparantur, ovillis nihilo meliores censendæ sunt, sive cum vino, sive absque vino mandantur. Quare de assatis porcellorum carnibus, sive aprugnis, hoc ipsum quod hic traditur, eo videlicet quo diximus modo, accipiendum est.

Animadversio.

TErrestrium animalium carnes supra montium magis quidem ac potentius alere, quam avium carnes, sed minus probum succum ac laudabilem suppeditare, meliorem tamen quam pisces. Quærit autem Petr. Hispanus an volatilia calidiora sint ambulanti-
bus, respondetque terrestria animalia calidiora esse vivifico calore, cuius quidem beneficio majora evadunt quam volatilia, minus vero calida calore elementari ad mistum concurrente, & post mortem in eo remanente, qua ratione corpora avium ad nutrimentum concurrunt.

An
qua-
drupedum
caro
calidior.

Porro hic agitur de carne suilla & ovilla, de quibus multa in medium afferri possent, nisi recorderar longam disputationem à commentato-

ribus institutam fuisse de suilla superius, ad caput nimirum quartum hujus sectionis, quo loco demonstratum fuit ex Galeno suillam carnem humanæ carni admodum similem, homini nutriendo valde accommodatam, ac cæteris etiam carnibus anteponendam. Quod cum ita statutum sit, non alienum erit à ratione, investigare, Primò cur suilla caro præ aliis bene nutriat, cum hoc animal semper in cœno & sordibus nutritur. Secundò cur hoc capite suilla caro improbetur, nisi vinum superbibatur. Priori difficultati satisfacit Simeon Sethi his verbis, *Nisi, inquit, bene temperatum foret suis corpus, nunquam malum nutrimentum in bonam carnem verteret, sed quemadmodum homines, qui corpore bene temperato sunt & sano, rebus mali succi & pravi alimenti non multum laeduntur, quod paulatim vegeta illorum natura quod noxium est in bonum succum vertat: sic & sues faciunt, malum illud nutrimentum in bonum succum convertentes.* Alteri difficultati sic respondeo, hoc capite non de suilla, sed de porcina carne tractari. Quenam autem sit differentia inter suillam carnem & porcina, aperuit Isaac particula quarta lib. diæt. particul. quo loco pro ætatis varietate diversum assignat suillis carnibus temperamentum: Aut enim illæ sunt lactentium porcorum, aut adolescentium, aut juvenum, aut decrepitorum. Lactentes porci, quos *Ἰλδοῖναι* & *λακτινδῶνες* vocat Sethi, humidiores sunt, superfluitatum abundantes, seu ut loquitur idem Sethi, *ὑπερβολικὰ καὶ*, succi minimè boni, sed convertibiles in malos humores & in putredinem, præcipuè si invenerint stomachum refertum malis humoribus, cæterum humidis naturis om-

Suilla
an bona.
na.

Porci-
na caro
varia.

nino pessimi. *Adolescentes* porci meliores sunt, beneque nutriunt. *Juvenes* ceteris præstant, maxime castrati, quos *Maiales* vocamus: *decrepiti* autem, à Græcis *χρηστοί* dicti, pessimi existunt: sunt enim frigidi, duram habentes carnem, ligneam & insipidam, quæ potest & melancholicos morbos, & diuturnas febres excitare. Hoc ergo capite non agitur de suilla carne, quæ videtur de porcis adolescentibus & juvenibus, sed de porcina quæ est *lactentium* vel *decrepitorum*, quæ profecto cum excrementitia sit, tamque in salubris, videtur vi-vo indigere, quo ejus pravitas aliquo pacto emendetur; id ni fiat, non erit melior ovilla carne quæ saperis est ingrati, pravi succi, excrementitii difficilisque digestionis. Eam carnem Simeon Sethi appellat *πρωματικὴ κακόχυμος, δύσπεπτον βλαπτικὴν, καὶ τὰς ὑπερσομάχους καὶ τὰς φλεγματικούς*. Petrus Crescentius carnem ovium sapore esse ingrato, nimium humidam, neque convenientem nisi forte rusticis assuetis, qui continuis laboribus exercentur, prodidit.

Ovem arietem, inquit Platina, *dentibus ne attingas*, non modo enim ejus caro non prodest, Ovilla
caro. *velum etiam vehementer obest*. Si vero post sol-

stitium elixetur, graviter olet, gravius etiam si affetur, quocirca dum coquitur operculum ollæ auferre, aquam copiosam infundere, & condimenta quoque addere præcepit Rufus. Reddi ovem suaviorem & teneriorem si à lupo dilaniata sit, tradit Plutarchus; & ejus rei rationem inquit libr. 2. sympos. quest. 9. In summum Gal. libr. 3. de aliment. facult. agnorum carnem humidissimam ac pituitosam facit ovium vero magis excrementitiam ac succi dete-

264 DE CONSERVANDA

rioris. Quæ cum ita sint, abstinere debemus ab ovilla carne, velut ab alimento pernicioso, fugere quoque debemus porcellorum lactentium, & porcorum vetulorum carnes, quæ accedunt ad malitiam ovillarum, nisi sequi voluerimus consilium Salernitanorum, qui vel bibendum vinum præcipiunt edendo carnes illas porcinas, vel cœpam admiscendam, & cum illis comedendam. Quod ad vinum attinet, improbandam eorum esse sententiam non existimo; cum vinum potum ex Gal. comm. ad Aphor. 31. sect. 6. attenuare, vacuare, & obstructions liberare possit, ventriculum præterea roborare, coctionem juvare, pituitosos succos coquere, crassos incidere, calefacere, denique & desiccare. Quod vero de cœpis additur, id minime amplexandum duco, licet enim cœpa calefaciat, incidat, attenuet, humiditates exhauriat, flatus dissipet, quibus fortasse emendari carniū porcinarum vitium videri possit, attamen cum sint exigui, pravique nutrimenti, difficilisque coctionis, non video quid inde commodi humano corpori accedat, quodve ex earum esu emolumentum accedat.

An vinum superbibendum.

Cæterum dum in porcorum mentionem incidimus, abs re non erit monere *Suem* tam matrem quam fœmellam significare *verrem* marem non castratum, *maialem* castratum porcum; *porcam*, seu *scropham* fœmellam, *aprum* porcum sylvestrem, *porcellum subrumum* lactentem, *sacrem* qui à partu decimo die, vel quinto habetur purus, & ad sacrificia idoneus: *nefrendem* qui amplius non est lactens. Quamquam autem hic porcellos damnemus, magna tamen fuisse olim in gloria, & etiamnum hodie testa eorum,

cutis in delitiis habetur. Cœlius Apicius porcellum lacte pastum mirifice extollit, de quo cecinit Martialis.

Porcellum
lo am
caro.

Lacte mero pastum pigræ mihi matris alumnum

Ponat, & Actolo de sue dives edat.

Fuit enim caro *λερφακίων* inter cæteros delictatos cibos enumerata ab Eubulo poëta apud Athenęum; quamquam ut dictum est, parum alat, tarde concoquatur, stomacho, capiti, oculis, atque hepati noceat, vel ipso Hippocratis testimonio, qui sect. 4. de art. vict. in morb. acutis porcellorum *κρεα αἰε* esse *χλωδία* καὶ *ταρκαπκία*, bilem generare, & alvum perturbare, quod suo damno expertus est Bias, pugil. libr. 5. epidem. Hoc in loco conabor corruptissimum & depravatissimum Simeonis Sethi locum de Suillarum carniū facultate restituere, hujuscemodi autem est capite de porco, οἱ δὲ *λερφακας* ὀπνία ἐνομάζουσιν *λακτενδόπυλα* ὕρσοι εἰσι καὶ *σειθηματικοί*, καὶ ἔχουσιν ἔστω *εὐχυμοί*, διὸ καὶ *ταρκαπκία* δὲ τῆς τέτοιο, ὥσπερ εἶδεν τοῖς παλαιαῖς τῆς χύρω *αἰε* ἐρῶν *εὐχυμος* ὑπέρχει δὲ τῆς τῆς ἡμερῶν τὸ μὴ *πειθηματικὸν* ἐν μὲν γλίσχρον χυμὸν ἔχον, τὰ δὲ τέτωρ δηλονότι *σκατία*, πάνυ *δυσπεπτα* καὶ *δυσκατέρησα* καὶ διὰ τέτων ἀπὲρχει *χρῆ*. Quibus verbis hunc sensum interpretes afferre conatus est hoc modo. *Suum* vero qui *λερφακας*, hoc est porculi nuper nati, qui *εἰ* *λακτενδόπυλα* vulgo dicuntur, humidi sunt & superfluitatum abundantes, nec boni succi; quare haud bonum est eis uti: quemadmodum nec ventris suis, quippe quibus malus insit succus: *Aporum* vero caro melior est quam *suum* domesticorum, quod tantarum non sint superfluitatum pradii, nec glutinosum gignant humorem. Quæ vero in-

ter hos *συστήρια* dicuntur, hoc est, ut docti quidam putant, talli aprugni, difficulter concoquuntur & perficiuntur, atque ab his ideo abstinendum. Sed meo iudicio tentavit solum curationem Lilius Geraldus quam ego hac lectione perficiam. *οἱ δὲ δειράδες ἃ τίνα ὀνομαζέσσι λακτινδοτύλα ὡς εἰς καὶ σελ. καὶ ἔχ. ἔτ. εὐρυ. διὸ ἔσ. καταχθ. δὴ τέτ. ὡς περ ἔσθ. τοῖς παλαιοῖς τῶν χοίρων, οἱ ὡς ἐφ' ἡμῶν ἀγροῖ. ὑπερέχει ὅ καὶ περὶ τῶν ἡμέρων τὸ μὴ σελ. τῶ. ἔδ. μὴ δὲ γλίχουσι χυμὸν ἡνῶν, τὰ δὲ τούτων δειροτόμι μετὰ χοίρα, πᾶντο δὲ σπ.* Quam sententiam sic reddo, Porcelli quos lactentes vocant, humidi sunt & excrementitii ac proinde boni minime succi, quibus tamen uti non oportet, quemadmodum neque vetustis porcis, qui, ut dixi, insipidi existunt. Aper vero anteponitur suis domesticis tum quod nec ita excrementitius sit, neque viscosum succum generet. Inter illos (porcellos) vero, qui omnino oblesionem in utero factam sero nascuntur, concoctu prorsus sunt contumaces ac difficiles, ob idque ab iis abstinere oportet.

Enimvero cum infamis sit vel ipso nomine porcus, nulliusque dum vivit, homini usus, non alio tamen ex animali post interitum numerosior materia ganea quinquaginta pene sapes, cum ceteris singuli. Hinc censoriarum legum pagine, interdicitque cœnis abdomina, glandia, testiculi, vulva, sincipita verrina, ait Plinius libr. 2. capit. 21. Quidam apud Livium & Plutarchum cum apud hospitem suum cœnaret, & copiam reprehenderet ferculorum, stuperetque unde tam variam venationem comparasset, audit ab hospite omnia ex mansueta sue facta, paratu tantum & condituris discrepantia. Non commemo-

habo sumina, sperilia, callos, nulas ejectiones, raxeam, lucanas, falecos, farcimina, pernas Tomacinas, Taniacas, Cerretaneas, Italicas, Moguntinas, Rutenicas, bilas, polimenta, Imbricem, Isicia, omasa, Tuceta sarta, Mediolonensia, & id generis cupedias, quas in apparandis porcis, eorumque partibus ad cibum condiendis ingeniosa coquorum gula excogitavit.

De Carnibus Vitulinis.

CAP. LXVII.

*S*unt nutritiva multum carnes vitulina.

Laudibus hic efferuntur carnes vitulinae, eo quod alimentum corpori suggerant, non mediocre; & hoc satis ex Avicenna constat. Nam 3. 1. doct. 2. cap. 7. inter cætera præcipit, ut cibus sanitatis tutelæ conveniens, sit talis quales sunt carnes, & proprie hædorum & vitulorum lactentium parvorum, & agnorum anniculorum, ut quæ consimilis fere sint naturæ & facile in sanguinem commutentur. Galen. quoque lib. 3. cap. 1. de aliment. facult. carnes vituli lactentis sex vel octo hebdomarum assatas, ut optimas tum ad coquendum, tum ad succum bonum generandum, tum ad nutriendum commendat, sed de his abunde dictum est supra cap. 4. Ideo non est, cur hic plura referantur.

Animadversio.

Q UODNAM momentum habeant ad immutandam animalium temperationem ætas, sexus, castratio, insigne argumentum habemus in bove, Tauro, juvenco, vacca & vitulo, quæ etsi eadem animalis specie contineantur, inter se tamen plurimum differunt, quoad carnes quas in alimoniam nostram convertimus. *Taurinam* enim carnem nemo est qui probe; præsertim cum in venerem furiasque Tauri ruunt, qui servantur ut plurimum admisturæ: hujuscemodi enim caro calidior & siccior existit, virosa præterea ac tetri odoris, sanguinique crasso & adusto generando opportuna, difficilis etiam concoctu est, dura & fibrosa, non minimum tamen cum superatur à calore nativo, nutriens. *Bubula* caro, puia

Bubula: castrati est animalis, melior censenda: est autem ea duplex: novelli bovis una, alia vituli. Caro novellorum, quoniam nondum laboribus fracti sunt, mediæque sunt ætatis, utilior habetur, raro tamen ducuntur ad lanienam nisi crure fracto, vel cum aliàs ad aratrum inepti judicantur: vetulorum vero caro frequenti est in usu, atque olim fuit non solum apud vulgus, sed apud heroas ipsos, si credimus Homero. Agamemnon enim Rex convivio excipiens Ajacem ac Nestorem costas bouum assas ponebat: Menelaüs Telemacho Ulißis filio costam quoque babulam apponebat, videlicet ut *frugalis vite exemplum* Adolescentibus præberetur, inquit Athenæus lib. I. Deipn. Hercules apud Eubolum delicatioribus cibus recusatis dixit velle se satiari quibus vires roborantur qui-

que ad bonam valetudinem conducunt, *qualis*, inquit, *est caro bubula elixa*. Exitit insigne hoc tamen frugali in victu luxus argumentum, in eo scilicet quod boves integri appositi interdum fuerint. Refert ex Herodoto Athenæus, apud Persas diebus natalitiis fuisse morem ut divites bovem, asinum, equum & camelum apponerent rotos in clibano aut camino coctos. Quin & eum morem ad nostra usque sæcula traductum notat Struchius lib. 1. Antiquit. convivial. de Maximiliani secundi epulo, & Paul. Jovius lib. 25. de Caroli V. coronatione. Verum hæc sint principum virorum aut luxu diffluentium hominum ludicra: Medici, quia ad unam sanitatem consilia sua dirigunt, in definiendo bubularum carniū temperamento occupentur. Cornelius Celsus ex domesticis animalibus bubulam plurimi alimenti & stomacho aptissimi existimavit; atque inter ea enumeravit quæ minimè corrumpuntur: Hippocrates difficulter eam concoqui, choleram siccam inducere, atrabilarisque affectiones parere voluit, quod sit insuperabilis ejus natura neque cujusvis ventriculi sit ipsam concoquere. Suggestit, Galeno teste, alimentum corpori non mediocre neque dissipatu facile sed sanguinem gignit quam conveniat crassioem. Plura superius ad cap. 4. dicta quibus pro coronide hæc de ejus esu & preparatione adjungo ex Bruyerino. Porro, inquit, nullo non tempore hæc caro epulas præbet mortalibus, verum hyeme magis placet, & frequentior est. Elixatur & assatur, atque utraque coctura est gratissima, præsertimque optima ac præpinguis. Aulicæ culinæ vocant frustra regia quæ ampla & pinguitudine refertiora sunt, quasi regia mensa digna. Hæc autem prima ferè apponuntur elixa, magna-

rum ac lautiorum epulis. Sed hic gula morosior irri-
 ramentum quoque vini avidioribus juvenit. Quippe
 sale modico imbutam bubulam magis commendat,
 editur ex sinapis intinctu elixa, rarius assa. Nam
 præter costas ex toto bove nihil verubus torreri vidi-
 mus: verum & ha inter elegantiores hyemis escas re-
 ponuntur, quas salvia confixas aliqui expetunt. Cre-
 brius eduntur ex condimento atro, quod vini aceri-
 que momento pipere ac sale temperatur: piperatum con-
 dimentum vocatur lautioribus. Hæc ille.

Juven-
 corum
 caro.

Quoad juvencorum carnes, rarius eduntur, quia
 raro macantur juveni, sed servantur ad agricul-
 turam. Juvenæ vero bimæ & trimæ, semestres
 & anniculæ venerem non expertæ, laudabilem
 carnem habent, nondum enim dura est & sicca:
 qualis est vaccina, quæ est boum fœminarum vetu-
 larum: quæ quidem cum sterilesunt, aut usui
 amplius esse non possunt ad esum macantur sor-
 didorum tantum hominum ac pauperum; cum
 carnes obtineant insalubres, duras, crassioris succi
 & atrabilarii.

Vacci-
 na.

Vituli-
 na.

Restat ut qua dote præ illis omnibus donata sit
 vitulina caro, paucis absolvamus. Vituli nomine
 boum primæ ætatis fœtus intelligimus, sumptæ
 Ethymologia vel à viridi ætate ut vult Isidorus,
 vel à vitulando, id est lasciviendo, vel à vita,
 quia potens est vitæ tolerandæ vitulus. Certè
 Nonius vitulantes gaudentes à veteribus dictos
 putat, à bonæ vitæ comodo, quod eum vivere
 dicamus, qui in summa versatur lætitia. Galenus
 lib. de cibis boni & mali succi, carnes vetulo-
 rum animalium, duras, siccas & concoctu diffi-
 ciles statuit, juniorum contra, humidas, molles;
 quæque commodius concoquentur, nuper vero
 editorum mucosas! ut agnorum & suum; at hæc

asinās ac vitulinas melius coqui ac nutrire, quod
hœdi ac vituli natura sint sicciore. Est ergo vi-
tulina caro temperata, boni succi, sanis ægrisque
conveniens, facilis concoctu salubrisque iis qui
vitam ducunt otiosam, quo factum est ut Poëta
cecinerit,

Affiduos habeant vitulos tua prandia in usus
Cui malida & sapida est iuncta repore caro.

Isaac in diæt. universalib. cap. 21. docet mascu-
lum bovem lactentem meliorem & laudabiliorem
esse non lactente; quod humiditas lactis complexionem
suam temperet. Addit in diæt. particularib. lacten-
tem laudabile generare nutrimentum, atque sa-
pidum, facilis esse digestionis bonumque gene-
rare sanguinem, quod bilem flavam è stomacho
expellat; maximè si comedentibus uaturalis calor
vigeat.

Est autem apud Medicos controversum an vitu-
lina caro hœdina sit præferenda. Hœdulnam qui-
dem Rhases 3. ad Almanf. cap. 9. temperatam
agnoscit, nullam in se habentem malitiæ adinix-
tionem, temperatum generantem sanguinem,
hoc est qui sit inter subtilem & crassum ac inter
calidum atque frigidum. Hally Abbas quoque
temperatam esse in humido & sicco, citæ dige-
stionis, temperatumque generare sanguinem pro-
fessus est libro quinto Theoricæ capite vigesi-
mo primo: sed Averroes quinto coll. cap. 32.
pronuntiavit carnes hœdulinas meliores vitulinis;
quod præducant meliores humores. Hanc diffi-
cultatem conatus est diluere Donat. Anton. Fer-
rus apud Aldrovandum, libro primo de quadri-
pedibus bisulcis, his verbis: *Vituli*, inquit, *præfer-
unt lactentes; apprimè laudantur cum temperata sint*

An vi-
tulina
hœdi-
ne præ-
ferenda;

complexionis, & propterea quocumque anni tempore comedi possunt. Verum à partu tribus quatuorve mensibus remoti sint atque annum unum non diu transientes, velut qui surrentini nuncupantur, sunt enim gustui grati, optimi succi, ac facilis concoctionis, bonum generant sanguinem, ac temperatissimum nutrimentum. Et multi horum carnes hœdinis laudabiliores esse sentiunt, quoniam melioris sunt nutrimenti, cum in hœdinis quadam sit mucilago, quando decoquuntur. Et hoc est quod asserebat Averroes. Et carnes vitulina sunt bona carnes, propterea quod dum habent illam viscositatem, frigiditatem, siccitatemque quam habent carnes bovina veteres, & eorum carnes sunt magis odorifera aliis carnibus, & quantum est in hoc meliores sunt carnibus hœdulenis. Et hinc salvi potest controversia qua inter Medicinæ auctores in carnum electione reperitur. Quamplurimi enim hœdinas extollunt, & ipsa quidem sunt prastantiores aliis, si ex parte facilioris digestionis ac temperata complexionis considerentur, meliores porro generant humores: si vero ex parte minoris viscositatis ac melioris odoris earum, sic vitulina laudabiliores existunt: si denique ex parte majoris, robustioris ac irresolubilioris nutrimenti, suille carnes ceteris sunt meliores. Hucusque ille; cui hoc addam, elaboratam esse magis vitulinam quam hœdinam; ac propterea temperatiorem, proindeque tanti non esse faciendam hœdinam, ut ei vitulina postponatur. Est qui, dem tenera illa nec contumax, quod tamen acceptum non refero temperamenti probitati, sed nimia ejus humiditati, cujus opera fibræ mollescent & indurari prohibentur. Fatua quoque caro illa est; & nisi assaretur, insipida ac pene aquea; cum vitulina & odore, & sapore, & tenebritudine nulli quadrupedum cedat; quo fit ut cum

Salernitanis

Hœdina.

Salernitanis præ bovillis carnibus vitulinam concludam optimè nutrire, præ hædina vero eam suadeam & eligendam & edendam. Cæteras carnes à Salernitanis non nominatas, nec ipse commemoro, multa ut dixi ad caput 4. sect. 2. hujus operis, à commentatoribus annotata huc transferri possunt & debent.

De Carnibus Piscium & eorum electione.

CAP. LXVIII.

SI pisces molles sunt, magno corpore tolles:
Si pisces duri, parvi sunt plus valituri.

Hic duæ traduntur laudabilium piscium notæ. Pisces enim aut dura carne suapte natura sunt, aut molli. Ex his igitur qui molles sunt, vetuli junioribus præstant. Carnis namque mollities promodo humiditatis respondet, quæ crudior in novello pisce, in vetulo vero concoctior existit. Quare novelli pisces lento ac pituitoso succo magis quam vetuli abundant. Atque hac certè ratione nonnulli anguillam etiam vetulam juniori præferunt. Ex iis vero qui dura carne præditi sunt, juniores longe præstantiores & concoctu faciliores habentur: ejusmodi porro luci cum primis sunt; & percæ. Carnis enim durities concoctioni resistit. Quæ sane sententia ex 2. Cano. cap. 553. Avicennæ desumpta est, ubi sic ferme scriptum reliquit: Ex piscibus dura carne præditis eligendi sunt minores, ex molli vero majores ad terminum aliquem. Plura Galenus libro tertio de alim. facultatibus capite vigesimo nono & trigesimo.

Animadversio.

Luxus
in pisci-
cibus

Postremo loco de Piscium carnibus disputamus, quod eas videam ad omnibus penè Medicis in re cibaria deterioris conditionis haberi, & avium, quadrupedumque omnium carnibus postponi. Quamquam, ut verum fatear, primas partes in conviviis delitiisque ab omni tempore obtineant, nec sumptuosius aliud cariusve priscorum mensis appositum sit. Cato ille Censorinus conquestus est apud Polybium, non posse salvam esse urbem in qua plurius piscis quam bos veniret. Alexis apud Athenæ. Dolet piscarios regia plane vestigalia exigere & eumentium facultates decimare. Accusat Martialis epig. 31. lib. 10. Calliodorum, quod hominem non piscem vocaret, propterea quod servum vendidisset, ut emerret piscem.

Addixi servum nummis here mille ducentis
Vt benè cœnares, Calliodore semel
Nec benè cœnasti. nullus tibi quatuor emptus
Librarum, cœnæ pompa, caputque fuit
Exclamare libet, non est hoc improbe, non est
Piscis, homo est; hominem, Calliodore, voras.

Eo ferme sensu nobiliores pisces Antiphani Comico vocati sunt ἀσπρονόμοι, quod scilicet impensarum magnitudine opes Comedentium absumerent. Cum quis apud Plinium legit nullum unum mercatum esse octo millibus nummum, cum quis audit ætate nostra unum unius piscis condimentum quinquaginta aureis coronatis emi: cum quis videt lurconum convivia selectissimis piscibus apparata ingenti pretio æstimari,

nonne cum Antiphane exclamare debet, *εὐδὲν ἰδὼν ἡλίκον.*

ἔχθρῳ, ὅσῃ τιμῇσι πόνηται σιφῶσι.

*Cum video quantulum piscem quanti aestimant, obri-
gesco planè. Cessabit tamen ea admiratio, si me-
minerimus tam salubrè esse piscium esum, ut pre-
ter hunc solum alios fastidiat Ichtyophagorum
natio prope Gendrosiam, & circa promontorium
bonæ spei habitans & saluberrimè vivens. Atque
profectò non absurdum visum fuit sapientissimis
viris revocare in dubium deterioresne essent car-
nes aliorum animalium, quam piscium. Ac inter
alios Ferdinandus Rodericus Cardoso cap. 30.
de reb. nonnaturalib. quæst. 5. probl. 5. rem ita
examinavit, ut penè à piscium partibus stare vi-
deatur. Ab eo Ludovicus Nonnus opere proprio
de piscium esu, salubres esse pisces probat, eo-
rumque rationes diluit, qui etiam veritatem op-
pugnare totis viribus contenderunt, quæ quia
luculenter ab eo cap. 8. 10. & 11. disputata sunt,
à me silentio involvuntur. Hoc unum monèdum
non ita pravam esse ex piscibus alimentum, visum
Græcis auctoribus, quin eos ægris suis præscri-
berent: ac recenti memoria Joan. Alphonsus Com-
plutensis Academiæ Professor publicus, speculum
Medicinæ Christianæ conscripsit, in quo eximi-
nat quibus in morbis, ægritudinibus, corporis
affectionibus aut debilitatibus absque periculo
vesci piscibus possimus, paucosque omnino re-
censet morbos quibus esus piscium non conve-
niat.*

An pis-
cium
caro
deterior
quadru-
pedum
carne.

Verum enimvero ut sincerè sensum meum ape-
riam, longe inferior ac deterior est alimonia pis-
cium quàm aliorum animalium. Etenim imprudens
non ita copiosè nutriunt atque animalia: succus

eorum fluidior ac liquidior, substantia frigidior
 & excrementitia magis, minus quoque sapida
 & odorata si absque condimento edantur. Non
 ita tamen detestandi sunt, ut quasi sanitati omni-
 no adversentur, nullum laudabilem succum sub-
 ministrant, coctioni repugnent, putredinem ac-
 cessant, vitæ denique officiant, eamque brevio-
 rem reddant. Expiscibus enim nonnulli εὐχνοί
 sunt, εὐπεπτοί & εὐκατέριστοι, si Græcis auctoribus
 fidem habeamus: at hi pauci omnino sunt, si cum
 pravi succi piscibus conferantur, qui non tales
 tantum natura, & origine, sed casu quoque ut
 vetustate, & custodia. Olim Galeno aliisque Me-
 dicis probabantur pisces quod recentissimi com-
 ederentur. Ad hoc autem tria observabant, quæ
 nostro sæculo desiere, aut seignius observata fue-
 re. Primum est quod haberent prisca Bajulos seu
 gerulos piscium qui captum piscem properantis-
 simè Romam deferrent. *Mirabamur*, inquit Sene-
 ca lib. 3. quæst. natural. cap. 18. *tantum in illis esse*
fastidium, ut nollent attingere nisi eodem die captum
piscem, qui, ut aiunt, saperet ipsum mare. Ideo cursu
advehebatur, ideo gerulis cum anhelitu & clamore
properantibus dabatur via. Imo vero ut idem paulo
 ante monuerat, *In cubili natabant pisces & sub ipsa*
mensa capiebatur qui statim transferretur in mensam.
Parum videbatur recens nullus, nisi qui in conviva
manu moriebatur. Vitreis ollis inclusi offerebantur &
observabatur morientium color, quem in multas mu-
tationes mors luctante spiritu vertebat, alios necabant
in gero, & condiebant vivos. Ad hæc, vetitum pis-
 catoribus erat piscibus aquam affundere, nè sci-
 licet in multos dies servarent: ut Xenarchus
 Comicus apud Athenæum notavit. Alterum fuit
 lex præscripta in ἐχθροπάλας, ne scilicet inter

Græci
 pisces
 lauda-
 unt.

vendendum federent , ut standi tædio lassitudi-
neque confecti , recentissimos venderent pisces :
quam legem Athenæus ex Alexi Comico *νόμον κρυ-
σσὴν auream legem vocat*. Postremum est piscium
conservatio per nivem , cuius meminit. Galen.
libro de cibis boni & mali succi cap. 19. quo loco
ait *pisces nive circumdatos si duritiores fuerint , pra-
stantiores evadere , cum caro ipsorum reddatur friabi-
lior uti & caro aselli & eorum qui in saxis degunt*.
Nam quod in his naturaliter inest , id ii qui dura sunt
carnis , à nive sumpserunt. His itaque auxiliis con-
servati Galeni tempore pisces salubriores dubio
procul evadebant , sed ea ipsa cum ætate Ara-
bum defierint , fecêre ut ab Arabibus pisces ne-
glecti sint , maximè quidem cum observarent ma-
gnam piscium partem deterioris esse succi , eosque
pisces qui laudabiles habebantur , ob æstum
Mauritaniæ & Hispaniæ ubi detegebant , diu ille-
sos non servari , sed facili negotio putrescere at-
que cotrumpi.

Arabes
pisces
vitupe-
rarunt.

Cæterum ut ferre iudicium possit Medicus de
Piscium bonitate vel malitia , nonnullæ regulæ
hîc apponendæ sunt quæ generales piscium fa-
cultates , temperaturas & usus studiosis medicinæ
aperient. Eas autem regulas à loco in quo degunt
pisces , à *substantia* , ab *ætate* , & à *pabulo* desume-
mus. Locus quadruplex , *lacus* , *fluvius* , *mare* , *terra* ,
à quibus pisces denominantur *lacustres* , *fluviales* ,
Marini , & *terrestres* , qui & *fossiles* dicuntur ; Græcis pisces.
ὀρυκτοὶ. Lacustres duorum sunt generum : *τελευταιῶν*
palustres , & *λιμναῖος* , lacustres. Qui in paludibus de-
gunt ac stagnis , quia cœnosi sunt & lutarii , ideo
improbantur , velut graves , excrementisque
scarentes , difficilis coctionis ac mali succi , cum
enim victu deteriore utantur , minusque exer-

Cautela
obser-
vandæ.

Lacu-
stres
pisces.

ceantur, excremētitiā carnem cœnosāque cōgerunt quā insalubrius esse nihil potest. Paulo meliores sunt lacustres, præsertim qui ingentes lacus incolunt, cœnosā urbium populosarum illuviem non admittentes, sed ē fontibus & fluminibus sponte promanantes, quosque magna flumina præterfluunt. Tales sunt Lemanus lacus, Benacus, Larius & Verbanus qui pisces satis laudabiles nutriunt, facta comparatione ad palustres; non ad fluviatiles, quibus in universum inferiores censentur.

Fluviatiles.

Fluviatiles quos Græci ποταμῖδες appellant, duplici differentia comprehenduntur: alii enim in fluviis puris & limpidis pascuntur, alii in turbidis, cœnosis, & urbium magnarum sordes excipientibus; hi mali succi sunt & ventriculo noxii; de quibus audiendus est Hippocrates lib. de affectionibus fluviatiles vocans βαρύτερος *graviore*, nec non Xenocrates scribens fluviatiles & qui in stagnis degunt, esse κακοσμίχες, παχυμερῆς ὕλης, δρακίνοις, *stomacho adversos, crassioris substantiæ, qui que difficulter excernantur*. Illi vero, quia aquis perpetuo recentibus meliorique pabulo fruuntur, præterea quia assiduò exercentur, ob continuum aquæ fluxum boni sunt succi, salubres, lacustribus præferendi.

Marini. Marinorum duas tantum species fecit Hippocrates, *Petraorum & Erronum*, tres præcipuas Galenus *Pelagiorum, litteralium & saxatiliū*. Marini quidem cæteris aliis præstantiores, quod falsus æquoris liquor, & fluxus inter saxa collisio viscidum eorum mucorem attenuet ac digerat: falsedo enim maris humiditatem nimiam piscium, & frigiditatem attemperat & consumit. Observat tamen Simeon Sethi θαλασσίους ἀπεροτέ-

pus esse: verum δυσαναδύτως melius concoqui, sed difficilius reddi, fluviatiles vero διαπεπρωτέρως, sed εὐαναδωτέρως difficilius concoqui, verum melius reddi.

Cum autem plures sint marinorum piscium species, nonnullum ideo inter eos discrimen intercedit. Πελάγιοι quidem qui in imo profundo

Pelagii:

que maris communiter vivunt, dura sunt carne, difficilè conficiuntur, sed copiosum corpori alimentum subministrant. Eos Diphilus Siphnius idcirco vocat δυσθαρπότερος, πολυτρόχως, δυσκοινομήτες Littorales qui & αἰγιαλώδεις & ἀπταῖοι dicuntur, litoribus terræque proximas fedes elegerunt vitamque sustinent mucos eluviæque maris,

Littorales.

iisque purgamentis quæ in continentem undarum fluctibus propelluntur. Tales autem ratione nutrimenti improbari possunt, sed ratione loci laudantur: loca enim à sole illustrata qualia sunt littora, temperata magis sunt ex calido & humido, corpora itaque educant & meliora & teneriora; quo fit ut caro istorum piscium firmior sit & melior, quam pelagiorum quæ humida mollisque existit. Ad hæc cum isti pisces erronei sint & hac & illac vagentur, jugi illa exercitatione sicciores durioresque evadunt, quicquid enim excrementitium ex pabulo colligitur, frequenti motu dissipatur, unde à quibusdam σκληροσπάρκοι, id est, dura carnis appellantur. Quapropter antepositi semper fuerunt Pelagiis, sed Saxatilibus postpositi. Sunt autem dicti Saxatiles πετρώοι, quod in saxosis locis aut asperis promontoriis ubi saxa frequentia sunt, delitescant, domiciliaque deligant saxis proxima: hi omnium piscium suavissimi & saluberrimi sunt; alimentum enim ex eis sumum teste Galen. lib. 3. de aliment. facult. cap. 20. non modo ad concoquendum est facile, sed

hominum etiam corporibus est saluberrimum; ut quod sanguinem media consistentia generet, qui scilicet neque admodum tenuis, neque admodum crassus est, ex quo factum est ut idem Galen. lib. de attenuante vict. ratione cap. 8. eodem censu pisces posuerit quo montanas aves. Hippocrates 2. de diæta, saxatiles vocat κέφες, id est, leves carnemque eis tribuit ἀπαιλὸν καὶ κέλευ, raram ac levem. Diphilus Siphinius apud Athenæum lib. 8. appellat εὐδαρτους, ἐυχύλους σμικτικὸς, κέφες, ὀλιγοτέφες concoctu faciles, boni succi, abstergentes, leves, & parum nutriendi: Quo loco observabis nos cum Ludovico Nonno εὐδαρτους exposuisse per concoctu faciles, quod nonnulli veterum chylosim fieri existimarent per putrefactionem, sic ut apud illos idem esset πέψις καὶ σήψις, ut videre licet apud auctorem definitionum medicarum, & Plutarchum de placitis Philosophorum. Ab hac mente Diphilus εὐδαρτους dixit pro ἐυπέπτους, nemo enim est qui non dixerit saxatiles pisces facili concoctionis, ut pater ex Galeno loco citato, & ex Simeone Sethi, à quibus hi pisces nominantur εὐπεπτοι καὶ ἐυχυμοι. Dux aliarum difficultates occurrunt apud Athenæum lib. 8. cap. 14. ex Mnesitheo Atheniensis lib. de eduliis. Illic enim scribitur ex interpretatione Dalechampii, pisces qui vocantur saxatiles & his similes, nostris corporibus alimentum siccum præbere, molem corporis augere, largius nutrire, ocyus coqui, nec excrementa multa relinquere, nec flatu generare. Primo enim obijcitur; quomodo pisces saxatiles molem corporis augere possint, cum à Galeno inter cibos attenuantes collocentur? 2. quæritur qua ratione dici possint à Mnesitheo largius nutrire, cum à Diphilo parum nutrire statuatur. His duabus difficultatibus satisfieri potest

ἐυδαρ-
τους
quid.

Athe-
naus
expli-
catus,

adducto Athenæi Græco contextu qui sic habet: τὰ δὲ κυλίσματα πύσαι καὶ τὰ ὁμοία τοῖς τῷ σώματι ἡμῶν ζῆναι-
 τιν δὲ ἴδωσι τρυφῶν, εὐογκὰ ὅτι καὶ ἔσθια, καὶ πέπττα-
 τὰ χέως, καὶ ἐκ ἐγκαταλείπει περὶ τὰ ματὰ πολλὰ, πνιδυ-
 τῶν τε ἐκ ἐστὶ περὶ ποιητικὰ. Interpres duo ex ea
 sententia vocabula perperam interpretatus, εὐο-
 γκα scilicet & ἔσθια: putavit εὐογκὰ designare
 eos cibos qui molem corporis adaugent, cum ^{εὐογκος} quid.
 eos significant qui non distendunt ventriculum
 nec malè habent. Id doctissimus Casaubonus
 ante me animadvertit & docuit capit. 5. libr. 3,
 animadvers. in Athenæum; cujus verba, quia
 medicam materiam illustrent, libenter hîc sub-
 jiciam. Apud Philosophos ac Medieos, inquit,
 multis diversisque modis vox ὄγκος accipitur, quod
 fusè probamus alibi plurimis Theophrasti, Galeni
 & aliorum id genus magnorum scriptorum locis il-
 lustratus. Interdum ὄγκος est cibus in stomachum
 admissus, qui sua mole illum impedit si majore co-
 pia sit sumptus, Galenus ὕγιανόν libr. 6. παχυσώως
 curatione, ὄγκος ἐδεσμάτῃς ὀλιγοῦσθαι ἐδίδυν. Intelli-
 git cibos qui mole implerent ventriculum, non mul-
 tum tamen alerent. Catalogum ὄγκων ἀΐσθαι ex
 Erasistrato habet in libro Galeni de missione san-
 guinis contra Erasistrateos, in eo albo ponuntur &
 carica. Simeon Seih de anetho; διαφορικόν ὅτι καὶ
 ὁμῶν ὄγκων πεπτικόν, id est crudos in ventriculo ci-
 bos concoquit. Libr. 2. dictum est de aceto; καὶ τὰ ἐν
 κοιλίᾳ τὰ ἐν τῷ ὄγκῳ διαλύει, verba sunt Heracli-
 da Tarentini qui novo loquendi genere sic expressit
 illa quæ sua mole stomachum (abutar ea voce cum
 multis) habent impeditum. Libro 9. dicuntur Albe-
 nao succi è carnibus caprinis; πολλὰ χέρον ἰσχυμέναι
 ἐν τοῖς οὔγκοις. Hic ὄγκος aliter accipitur pro corporis
 mole, id est corpore ipso & ea quam ἔξω vocat ali-

bi ut diximus libr. 1. capit. 20. Philo legatione ad
 Caium; ἐν τῇ αὐτῇ τῆς ὀγκοῦς ἀντιστοίχῃ ἐν δὲ μῆτι. A
 priore significatione dicuntur cibi ἐνὸγκος, qui non
 distendunt ventriculum nec malè habent. Libro 8. ait
 Auctor pisces saxatiles esse ἐνὸγκος καὶ πέντε τῶν
 τῶν. Errat Dalechampus qui putat dici ἐνὸγκος
 quod molem corporis impleant: quod est contra ejus
 artis, quam magna cum laude profitebatur vivus,
 principia. At cibos illos qui ventriculum complent,
 nec multum tamen nutriunt, ὀγκώδεις dicunt Græci.
 Artemidorus lib. 1. de albis oleribus, puta rapa,
 napis, cucurbita aliisque id genus: Sunt, inquit, hæc
 omnia ὀγκώδεις καὶ ἀσφα. Hactenus ille. Ex his
 liquido constat perperam factum à Dalecham-
 pio quod interpretatus sit ἐνὸγκος pisces qui cor-
 pus auferent, cum debuisset interpretari stoma-
 chum non distendentes, vel stomacho molestiam non
 inferentes: quod sane proprium est eorum cibo-
 rum qui boni sunt succi & facilis coctionis; qua-
 les ut dixi pisces ab omnibus esse perhibentur.
 Atque ex hac explicatione liquidum est Athe-
 næum Galeno adversum non esse, annumeranti
 libr. de attenu. victus rat. capite octavo pisces
 saxatiles cibis ad extenuandum accommodatis,
 quo modo primæ difficultati satisfactum puto.
 Alia difficultas fluxit quoque ex minus apposita
 verbi ὀγκω interpretatione: Dalechampus
 enim ratus ἐνὸγκος significare molem corporis
 augmentia; credidit quoque ὀγκω designare mul-
 tum & copiosè nutrientia, quod illa duo sese sub-
 sequantur, & ex probò copiosoque alimento
 molem corporis augeri contingat. Nec sane
 diffiteor interdum eo sensu usurpari τὸ ὀγκω, sed
 non perpetuo; sæpe numero enim significat tan-
 tum id quod probe & benè nutrit; non est au-

Dale-
 cham-
 pins re-
 prehen-
 tus.

Alius
 Dale-
 cham-
 pii er-
 ror.

tem necessarium, ut quod benè nutrit continuo etiam multum & copiosè nutriat, quod confirmare possem ex infinitis Galeni locis, nisi rem notam omnibus & perspectam in memoriam revocarem. Priusquam vero ab hac disputatione de saxatilibus viscibus recedam, explicandus est locus Celsi difficillimus, qui hætenus medicorum ingenia fatigavit. Enumerat ille libro secundo capite vigesimo primo inter res mali sucti, *pisces saxatiles omnesque qui ex tenerrimo genere sunt, aut hos qui rursus nimium duri virosique sunt, ut ferè quos stagna, lacus limosive rivi ferunt, quive in nimiam magnitudinem excreverunt.* Frustra est

Rons-
sæus
refuta-
tus.

Balduinus Ronssæus cum pro saxatilibus fluvitiles aut stagnatiles, pro tenerrimo, valentissimo sustinendum putat: reclamatur enim rerum series, & omnium exemplarium consensus. Loci elucidatio pendet ex eo quod Medici omnes dixerint saxatiles pisces cibosque alios substantiæ tenerrimæ imbecillibus hominibus atque convalescentibus accommodatos esse, nempe quia imbecillis istorum hominum ventriculus talia concoquere ac superare possit alimenta. Id ut demonstrem uno Simeonis Sethi testimonio ero contentus, qui capite de piscibus hæc habet: *ὁρρελῶς γὰρ οἱ ἀηλῶδεις ἰχθύες τοῖς ἀγυμνάσις, καὶ τοῖς τῶ δυνάμει ἀδενῶς, καὶ ἀναπομιζομένοις ἀπὸ νόου.* Prosunt vero, inquit, jam demonstrati pisces (loquitur de teneram carnem, squamosam & non glutinosam habentibus) non exercitatis hominibus, imbecillitate laborantibus, & ex morbo convalescentibus.

Celsus
exposi-
tus.

Hoc cum Celso ante oculos propositum esset, validaque ac integræ sanitatis hominibus victus rationem præscriberet, æquè teneræ carnis pisces damnavit atque duræ & virosæ, cum illi ob

calorem vegetum ventriculi facile corrumpantur; hi propter contumaciam non concoquantur. Quod vero cibi teneri & concoctu faciles, facile corrumpi possint, testatus est Galenus cum alibi, tum maximè libr. i. de alim. facult. capit. i. *Quæ, inquit, facile concoquuntur, facile item alterantur ac corrumpuntur: contra, quæ concoctu sunt difficilia, non facile quoque tum alterantur, tum corrumpuntur.* Hæc certè si in multum calorem inciderint, coquuntur magis quam si moderato occurrerint, atque hæc ratione profecto accidit ut nonnulli bubulam facilius quam pisces saxatiles conficiant. Hæc ille. Quoniam ergo calor ventriculi cibum optimè conficit, sibi proportionem respondentem, quemvis vero alium non coquit sed corrumpit; idcirco cibi tenuiores qui in ventriculum benè valentium incidunt, cito corrumpuntur & alterantur: quia calorem nanciscuntur seipsis maiorem ac superiorem: Illi etiam qui duriores sunt, occurruntquè ventriculo sano quidem, sed non multum robusto, confici & elaborari nequaquam possunt, quia sunt ventriculi illius calore superiores ac potentiores. Quamobrem Celsus tres quidem hominum sanorum differentias agnoscebat, imbecillum, robustissimorum, & medio modo sese habentium. Hanc unam tamen postremam differentiam, mediam scilicet ac moderatam sibi proposuit in describenda victus ratione, aliis neglectis, utpote quæ facile ex dictis intelligerentur: cui differentię mediæ, mediam quoque victus rationem præscripsit, constantem videlicet ex cibis nec nimis tenuis nec nimis duræ substantiæ, cum priores illi ad priorem sanitatis differentiam, posteriores hi ad postremam valetudinis spe-

ciem accommodati sunt. Triplex hoc ciborum
 discrimen copiosius ille explicavit eodem libr.
 capit. 18. ubi primum genus vocat imbecillis
 materiæ, secundum mediæ, tertium valentis,
 videturque ad imbecillis materiæ cibos revocare
pisces saxatiles, ad cibos mediæ *limosos pisces per*
arenam degentes, ad tertiæ *limosos pisces*: sic enim
 breviter scribit; *levior piscis inter saxa editus quam*
in arena, levior in arena quam in limo. Celsus
 igitur cum non ignoraret saxatiles pisces (ut
 loquitur Galenus 3. de alim. capit. 30.) alimen-
 tum hominibus otiosis, senibus, imbecillibus &
 ægrotis proprium esse, cibos vero firmiores
 accommodatos iis qui exercentur, quique in-
 tegra valetudine fruuntur; saxatiles dixit mali
 esse succi, hoc est facilis corruptionis, in iis sci-
 licet validis quibus victus legem præscribit,
 non quod existimaret saxatiles pisces absolute
 consideratos, nulloque respectu habito ad tem-
 peramentum, ætatem, tempestatem, consuetu-
 dinem, mali esse succi, sed comparatione tan-
 tum facta ad sanos validos in quorum ventriculo
 statim corrumpuntur ac putrescunt: qua de cau-
 sa factum est ut teneros pisces inter ea quæ fa-
 cile intus corrumpuntur capit. 28. ejusdem libri
 reposuerit; capit. vero 24. *duros ex media mate-*
ria revocaverit ad res stomacho idoneas. Quod
 si quis nostram explicationem minus probaverit,
 eum Celsi locum emendare sic poterit & legere:
pisces quoque saxatiles, non omnes, ut qui ex tener-
rimo genere sunt, at hi qui cursu nimium duri, vi-
rosive sunt, & ferè quos stagna, lacus, &c. Quæ
 lectio significat non omnes pisces saxatiles esse
 pravi succi, qui enim sunt tenerrimi, boni succi
 habentur ab omnibus Medicis, sed ex saxati-

libus qui duriores sunt , aut mali odoris , omnes illi mali sunt succi. Quod autem piscium saxatiliū duo sint genera , ex diversis auctoribus probari potest : alii enim propriè saxatiles & sunt & dicuntur , qui quidem ex definitione Galeni 3. de aliment. capit. 30. nec alimenta , nec loca mutant , nec dulcibus aquis utuntur , ob eamque causam omnes perpetuo sunt inculpati , carnem enim habent & mollem & friabilem : alii autem impropriè sunt saxatiles , quia alimenta & loca mutant , possuntque propriè Hippocratis vocabulo vocari *πλανήτα* , hoc est *errones* , seu cum Aristotele *περὶ γαίης* , id est , *littorales*. Hippocrates enim 2. de diætā duo genera saxatiliū visus est constituere. Primum est *ἀνερπίζοντων* *quiescentium* , seu *stabilium* , in eodem loco versantium , qui leviores sunt , rationem carnem habent , hoc est porosam & aëre plenam. Aliud genus est *πλανητῶν* , *erronum* atque *vagantium* , qui propter motum assiduum & fluctuum verbera carnem acquirunt solidiorem : & hi sunt quos ex Celso voco *cursu nimium duros*. Aristoteles 8. de hist. animal. capit. 13. vagos illos pisces saxatiles agnoscit quoque , scribens saxatile genus esse in genere littoralium , quasi diceret saxatiles quosdam pisces esse qui perpetuo non degerent in petrosis promontoriis , sed per vices versus littora vagarentur. Hanc saxatiliū divisionem admisit nobiscum Hieronymus Tamburinus capite primo , quod præmisit libris de Piscibus Ulyssis Aldrovandi , quos post mortem in lucem emisit. Atque ab illa divisione colligimus primò ex saxatilibus alios esse teneræ & mollis carnis , alios vero carnis duræ quemadmodum ipsemet Celsus innuit capit. 18.

Ejusdem libri, ubi saxatiles quosdam pisces nominat, qui, inquit, *quamvis teneriores, duri tamen sunt.* Secundò, saxatiles molles & teneros boni esse succi, teneros vero, sed duros mali ac pravi, de hisque Celsum audiendum, non de illis qui omnium consensu & experientia teste *εὐχόμενοι* sunt.

Restant terrestres pisces quos *fossiles* diximus appellari. Id Aristoteles retulit libr. de mirabilibus & libr. de respiratione capit. 9. confirmavit Theophrastus libr. de piscibus, Plinius assensus est libro nono capite quinquagesimo septimo; subscripserunt Strabo libr. 4. & 12. Geog. Athenæus libro 8. Ælianus libr. 10. Pomponius Mela libro secundo; Seneca libr. 3. naturali quæst. & ex recentioribus Simon Majolus opere de diebus caniculatibus colloquio 9. de piscibus, Massarius & Dalechampius in capit. 57. libr. 9. Plinii, Rondeletius, Aldrovandus, Guilandinus de Papyro, & Licetus libr. 4. de spontaneo vivent. ortu, ne plures recenseam. Cujusmodi autem illi sint succi, nemo definivit. Aristoteles quidem libr. de mirabilibus capit. 71. ait *in Paphlagonia pisces inveniri defossos locis profundis, qui sint virtute præstantes*: quod confirmatur à Theophrasto, & à Plinio, qui eos pisces cibos gratissimos asserit. Præterea narrat Ælianus libr. 10. capit. 44. apud Ægyptios fieri piscium illic messem, ubi arationes fiebant, id est terrenos pisces tanta multitudine in Ægypto reperiri, ut eorum fiat quasi messis, iis enim velut ad esum aptis Ægyptii urebantur. Veruntamen Geog. Agricola lib. de animal. subterraneis scribit pisces fossiles duram nec admodum jucundam gustu habere carnem, refertque ex

Terre-
stres
pisces.

Seneca in Caria circa Idimum urbem pisces qui una cum aqua ex terra exiliissent, tam pravos & exitiales fuisse, ut quicumque illos ederant omnino perierint. Quapropter consulo ab illis omnibus piscibus prorsus abstinendum, cum impossibile sit aliquid sanum ac temperatum esse, quod contra naturam in loco minime proprio ac convenienti retinetur. Nemo vero est qui nesciat pisces in terra degentes extra locum suum naturalem esse.

Aliæ
diffe-
rentiæ
à loco,

Porro licet quatuor illæ piscium differentiæ à loco desumptæ, præcipuæ sint ac velut unicæ: attamen nonnullæ aliæ velut mixtæ supersunt, à quibus bonitas vel pravitas piscium desumitur. Sic pisces qui modo mare, modo dulces fluviorum aquas incolunt, ποταμο θαλάσσιοι dicuntur, mediæ naturæ inter marinos & fluviatiles, ex quibus quidem quireliecto mari dulces fluviorum aquas subeunt ἀναδρομοί, qui vero ex fluminibus ad mare descendunt κατὰδρομοί appellantur. Sunt autem hi pisces meliores quidem fluvialibus, sed marinis inferiores, ut colligere licet ex Galen. libr. 3. de alim. facult. capit. 24. At vero qui ex mari in lacus ascendunt, λιμνο θαλάσσιοι nuncupantur, mediæ quodammodo habentur naturæ inter fluviatiles puros & fluviatiles marinos. Præterea qui flumina simul & lacus frequentant, λιμνο ποταμοί dicti, deteriores sunt fluviatilibus, sed potiores lacustribus. Tandem nonnulli sunt αἰετῆς qui in aquis partim, partim in terra degunt, quos ad sanitatis tutelam vix probo, propter cibi & motus varietatem quibus utuntur.

Nota.

Sunt autem hic duo animadvertenda. Primum, pisces marinos qui in mari vivunt ventorum procellis agitato, & ad boream spectante, carnem ha-

bere

Bere omnium optimam: cum enim exercitationes, ut loquitur Gal. 3. de alim. facult. proprie non parum ad succi probitatem omni animanti conferant, puritas adhuc venti borealis qui aquæ miscetur substantiæ, ipsorum bonitatem auget. Alterum est pisces ejusdem generis & speciei non esse ubique ejusdem bonitatis vel malitiæ, sed differentiam obtinere pro salubritate, vel insalubritate loci in quo vivunt. Sic nonnulli pisces meliores sunt in mari mediterraneo, quam in Oceano & contra, quidam meliores in Ligeri quam in Sequana, rursum nonnulli in Benaco lacu præstantiores quam in Lemano; sed has particulares differentias, ut longum, sic difficile est ad unguem exequi.

Hactenus à loco desumptas piscium differentias attulimus, sequuntur quæ à substantia peti solent. Substantia autem piscium ex Galeno capit. 8. libr. de atten. vict. rat. quadruplex est: *dura*, *mollis*, *lenta*, *friabilis*. Pisces *dura carnis* improbantur, maxime vero si *lenta* quoque fuerit, tales enim pisces omnium deterrimi; laudantur illi qui sunt *mollis*, seu teneræ carnis, præstantissimique habentur qui *teneram* carnem simul & *friabilem* obtinuerunt. Mediæ naturæ sunt qui *friabilem* carnem habent, sed non *mollem*, quales sunt mulli. Atque ex hac regula explicari potest nostrum hoc caput, in quo Salernitani ex duris piscibus juniores & parvos præferunt, ex mollibus seniores & magnos. Qui enim duram carnem habent exercitio & ætate duriores evadunt, sumendi itaque dum parvi sunt, quia tum plus mollitiei obtinent ac teneritudinis: Qui vero molliores sunt, ætate prima mucosam aliquo pacto carnem ob-

tinent, ab iis ergo abstinendum, donec augmentum sumperint, motu enim & etate mucosa illa humiditas absumitur, remanetque caro quidem tenera, sed non excrementitia; sicca, sed non dura.

Non est autem quod quis existimet se posse, quoad *etatem* certum quid definire de piscium facultatibus, aut cum Aristotele libr. 8. hist. animal. capit. 30. statuere deteriores omnes senectute fieri, vel cum Xenocrate asserere, omnes parvos & juniores pisces facilius coqui & digeri: qui enim, ut diximus, duriori sunt carne, meliores sunt etate prima; qui molliori, præstantiores in senio. Attamen non refragarer Cornelio Celso quoad pisces boni succi, affirmanti mediam etatem quæ nondum summam magnitudinem implevit, laudandam ac præ omnibus eligendam esse, ut enim pisces illi, nec ob infantiam mucosi excrementitiique sunt, sic nec ob senium succo suo ac carne destituti: certum quippe est etate illa senili *πολύ σιωπικτεῖν τῆς σαρκός*, *multum carnis absumi*, ut loquitur Aristoteles loco proxime laudato.

Cæterum non recenseo pisces qui ex aliorum varietate denominantur *χρυσάροι*, *μονοσάροι*, *σαρκοσάροι*, *ευκοφάροι*, *διόδωροι*, *πολυφάροι*, de quibus integro capit. 14. libr. 1. de piscibus tractat Rondeletius. Sufficiat cum illo annotare ex capit. 11. ejusdem libri, *pisces qui mucos vescuntur*, substantia esse glutinosa, ut sunt anguillæ, tincae fluviatiles & palustres: contra qui radices, herbas, aliæque sicciora temperatiorave pabula depascuntur, quod omnes fere saxatiles faciunt, non glutinosa, sed friabili mollique & temperata carne præditos: alios duriore sicciorave, quales Sar-

Difference
rentiæ
ab etate.

Quæ
etate
laudanda.

Pisces
à pabulo
denominati.

cophagi : alios *media quadam inter eos substantia* , ut est *lupus* , *asellus* : ceteros denique *alia atque alia substantia* , pro *ratione pabuli* quo *utuntur* : quæ enim *intus sumuntur continuo appulsæ adhesioneq̃ue qualia ipsa sunt* , talia efficiunt *corpora quæ nutriunt* : Cætera repete ex *Gesnero* , *Aldrovando* , *Bellonio* , *Salviano* , *Paulo Jovio* , *Massario* , *Nonno* , *Rondeletio* , *Bruyerino* , & iis qui de *tuenda valetudine* scripserunt. Sed & nonnulla habentur in *commentario proximi capitis* , quæ tu velut *aliena huc transferre* potes.

De quibusdam Piscibus particulatim.

C A P. LXIX.

Lucius & *Perca* , & *Saxatilis* , *Albula* , *Tinca* , *Gornus* , *Playn* : & cum *Carpa* , *Galbio* , *Trutta*.

Hic decem recensentur pisces , quorum alimentum hominum corporibus saluberrimum esse putatur.

Primus , *Lucius* est , piscis vulgo notus , qui quod non modo in alterius , sed suæ etiam speciei pisces grassetur , tyranni appellationem vulgato versiculo sortitus est. Lucius.

Lucius est piscis , rex atque tyrannus aquarum.

Natatu velox ac *duræ carnis* est , sed omnium *Medicorum* iudicio , *ἐυνίωτος* atque optimi succi.

Secundus , *Perca* : qui *branchiis subrufus* est ; Perca.
dorso spinis armatus , unde *ἀκανθώσχη ἐὶν ὅτι περὶ αὐτῆς*

ἀόργα, ex Aristotele Athenęus scribit, lib. *Deimor-
σοφ.* 7. Duræ quoque carnis est, & vulgo cogni-
tus. Porro alimentum quod ex eo sumitur, non
modo ad coquendum est facile, sed gustui etiam
gratum, atque hominum corporibus saluberri-
mum, ut quod sanguinem medium consistentia
generet, ut supra dictum. Unde maximo in pre-
cio hic piscis semper est habitus. Ausonius in Mo-
sella sic de eo canit:

Nec te delicias mensarum Perca fidebo,
Amnigenos inter pisces æquande marinis.

Quamquam certe τὸ πέριχ antiquissimis etiam
Gręcorum usitatum sit, reperiuntur tamen qui-
bus per ἀνέργα quod nulli piscium parcat, à
parcendo sic dictus esse videatur: ut qui iratus
alios pisces pinnis suis, quas supra dorsum habet
vulneret. Qua ratione à Lucio quoque immu-
nis est: imo, ut Albertus refert, naturalis quędam
Lucio cum Perca amicitia est. Lęsus enim Lucius
non tam facile à quovis alio piscium sanatur,
quam à Perca.

Solum igitur liquidis Percam laceratus in undis
Vestigat, lustrans solam hanc medicamina poscit.

Qui sic inventus vulnera ejus tangendo lenit
atque sanat.

Saxa-
tilis.

Tertius, Saxatilis: quo quidem nomine piscis à
nonnullis hoc loco accipitur ex eorum numero,
qui parvi perpetuo manent: cujus alimentum,
licet squammis careat, ad voluptatem, coctionem
simul ac distributionem & succi bonitatem præ-
stantissimum est. Multos tamen invenias quibus
Saxaulus potius sive Saxaulis hic legendum esse
videatur, ut hoc nomine ex planorum piscium

Saxau-
lis.

genere eum intellegamus, qui βῦλαντος καὶ βλεῦλαντος à Græcis dictus, hodie γλωττα nuncupatur à Varrone & Plauto lingulaca, à linguæ figura, quæ Græcis est γλωττα, cui βὲ particula addita est, ut magnitudinem potius quam bubulæ lingue figuram significet. A Plin. Solea, itemque ab Ovid. in Halientico:

Fulgentes Soleæ candore, & concolor illis.
Passer.

A figura Soleæ quæ solo pedis subjicitur. Hic vero inter marinos pisces alimenti est haudquam contemnendi, Galenus libro tertio de aliment. facultat. capit. 29. similes quodammodo inter se Passerem & Soleam scribit, non tamen omnino ejusdem esse speciei: Soleam enim molliorem esse, ciboque suaviorem, ac in totum Passere præstantiorem. Suavitate quidem, alimenti copia, succi bonitate Solea præstantior est: at carne duriori solidioreque esse experientia sensusque convincunt. Plura Guillelmus Rondeletius libr. 11. capit. 11. de piscibus marinis.

Quartus, Albica, qui & ipse marinus reponendus in numerum sale conditorum, & in fumo deinde vel in aëre exsiccatorum, qui deinde baculo ante cocturam contunduntur. Albica autem ex eo dictus videtur, quod molli, humida atque candida admodum sit carne, Italis Mollo à carnis mollitie, Gallis *merlus*. Afellus est veterum, vel ei omnino cognatus ex Gesneri sententia, & pro bono gratoque cibo habetur.

Albica.

Quintus, Tinca vel Tencha: piscis aquæ dulcis notus pelle lubrica, mucosa, ad nigredinem

Tencha
Tinca.

694 DE CONSERVANDA

tendente, ac carne dura : unde ab his tribus, nempe lucio, perca & tinca post coctionem pellis auferri solet. Aufon. in Mosell. vulgi solatium vocat, quod pauperibus tantum apponatur. Excrementitius est, & totus lutosus.

Gornus.

Sextus, Gornus, gornatus, sive gurnadus : piscis marinus albus ; atque minimus, medii digiti longitudinem non excedens, una cum capite ac spinis manditur.

Plagitia.

Septimus, plagitia : piscis marinus planorum generi subjiendus, rhombo figura similis, sed contractior, lingulaca latior. Hic piscis supina parte albicat, prona fuscus est & terrei coloris, instar passerum avium, unde à Latinis passer etiam dicitur, à Græcis *ψιττα*. Guillelmus Rondeletius lib. II. c. 7.

Carpa.

Octavus, Carpa, sive Carpio : Cyprinus quorundam opinione : piscis fluviatilis notus ; squamosus. Hujus caro excrementitia est ac mucosa, quare à magnatibus in vino decoquitur. Ita namque multo quam ante præstantior evadit : quicquid enim mucosum aut virosus gustu refert, id totum deponit.

Galbio.

Nonus, Galbio : piscis marinus notus, cartilagineus, corpore tenui & in amplissimas alas expanso, Raia Latine dicitur, & à quibusdam Rochetus sive rochus, à Græcis *ῥαίος καὶ βατίς*, à rubi, quem *ῥάτον* vocant similitudine. Quem admodum enim spinosus est aculeatusque rubus, ita Raia omnis aculeis aspera non quidem toto corpore, sunt enim *λειοβατοί*, id est, læves raia, quibus nulli sunt in corpore aculei : sed si ve læves sint raia, sive asperæ, omnes uncus aculeos in cauda gestant, sicuti in rubo, cinobato & rosis cernuntur. Piscis est duræ carnis,

concoctu difficilis, sed alimenti firmi & sani. Vide Guillelmum Rondeletium libro duodecimo capite tertio. Nonnulli Galbionem referunt in baculo contundi solitorum piscium classem, ut eum hoc nomine intelligamus, qui & ipse duræ carnis est ac sanus Alii textus habent Gobio, de quo Galenus libr. 3. de aliment. facult. capit. 28. Gobio, inquit, littoralis est è piscium eorum numero, qui parvi perpetuo manent, suavissimus ac concoctu facillimus; simulque ad distributionem & succi bonitatem optime comparatus. Gallice *Goujon*.

Decimus, Truta: Hic omnium qui in dulcibus aquis generantur piscium æquali cunctarum gentium iudicio longe nobilissimus habetur. Varius admodum est, purpureis guttis siue maculis totum dorsum speciose pingentibus, carne interius rubra, quemadmodum in salmone etiam conspicitur ut proculdubio is piscis sit, qui Aufonio in Mosella Salar vocatur, cum dicit.

Purpureisque Salar stellatus tergora guttis.

Celebratur apud homines, tanquam voluptate cibos reliquos superet: Carnem habet valde friabilem, ut in qua nihil neque lentoris neque pinguedinis insit; quo fit ut alimentum quod ex eo sumitur: hominum etiam corporibus saluberrimum esse censeatur. Huc quod ad succi bonitatem attinet, aschiæ etiam & auratæ referendi sunt. Porro Truta Gallicum est: nam vulgo *Truite* vocant, Verum hætenus singulatim de piscibus: nunc generatim etiam atque universè nonnihil de præstantia ipsorum dicemus.

Sciendum igitur imprimis, alimentum quod

Piscium
electio.

ex piscibus provenit, quemadmodum ad ipsum lib. 3. capit. 25. de aliment. facult. Galenus attestatur, sanguinem gignere consistentia tenuiorem quam quod ex pedestribus animalibus sumitur, adeo ut non affluenter nutriat, & celerius discutiatur; magis tamen excrementitium est. Phlegmatici enim, id est, frigidioris humidiorisque temperamenti sunt pisces. Ob eandem tamen causam quidam ipsos concoctu difficiles esse ac tardi transitus censuerunt: quippe ratione frigiditatis lenti etiam sunt, atque diutius ob id ventriculo immorantur, & concoctioni repugnant: quo fit ut sepius corrumpantur, & putrescendo sitim generent; Carnium itaque laudabilem alimentum hoc nomine, quam piscium salubrius est.

Secundo vero, hoc etiam sciendum: nempe pelagicos, id est, marinos (modo ceteræ bonæ notæ consentiant) in victus salubris ratione quam qui in aquis dulcibus nati sunt, esse meliores. Alimentum enim quod præstant, minus excrementitium est, & carniū naturæ propinquius. At vero cum pelagici (ceteris paribus) quam fluviatiles sint carne duriore, consentaneum est eosdem difficilius etiam concoqui & resolvi, ac magis nutrire, sanguinemque gignere puriorem. Aëgris tamen ob concoctricis facultatis imbecillitatem fluviatiles accommodatiores sunt.

Tertio sciendum, ex piscibus tam marinis, quam fluviatilibus eligendos esse, qui carne sint minimum mucosa aut lenta, sed alba, suavi, subtili, friabili, odorata, quæ tarde putrescat: & qui non degunt in paludibus lacubusque, atque id genus locis limosis ac sordidis, nec in aquis limosas her-

bas & mali succi radices habentibus. Pessimam enim habent carnem qui in ejusmodi locis degunt.

Eligendi vero non admodum juvenes, neque prægrandes, neque pinguedine multa respersi, sed ut in suo genere carnosì, & celerrimi cursus.

Ex marinis præstantiores habentur, qui in fluminibus longius à mari distantibus capiuntur, utique si cæteræ laudabilium piscium notæ non abfuerint. Iisdem quoque notis consentientibus, quanto spinis adnatis ac squâmis horridiores fuerunt, tanto præstantiores etiam esse par est. Spinarum enim & squâmarum multitudo substantiæ puritatem arguit. Præterea optimi sunt ex pelagicis, qui vivunt in mari puro ac profundiore, ventorumque procellis magis agitato, & quod fluvios multos & magnos excipit. Quare in mari Pontico & Baltico nutriti iis præstant, qui in mortuo sive Meridionali capiuntur.

Eorum autem qui in fluviis gignuntur, salubriores sunt qui in iis gignuntur, in quibus aqua rapide defluit, ac copiosa est. Ex quibus jam dictis liquido constat, qui piscium probi malive censerì debeant.

Cetacei enim ac bestiales; cujusmodi porcus & canis marinus, delphinus, & morhua potissimum habentur, cum laudabilium piscium notis, nimirum albedine, subtilitate, ac friabilitate careant, in cibo sunt prorsus injucundi, & ad coquendum difficiles: exiguumque boni quidem alimenti: excrementi autem plurimum reddunt, & præsertim recentes. Quare mirum non est, si prævum succum in eorum corporibus qui quotidie illis vescuntur, congerant. Attamen eos si quando meliorum non suppetente copia, edere

cogamur, magnopere cavendum, ne illico à captu ingerantur, sed servandi sunt per dies aliquot, dum caro eorum mollescat, adeoque citra substantiæ corruptionem tenerescat. Id quod fieri solet, ubi leviter sale conspersi fuerint: quomodo sapidiore etiam ac multo quam ante præstantiores evadere, libro tertio de aliment. facult. capite vigesimo quarto & quadragesimo Galenus auctor est. Quicquid enim mucosum aut vitiosum gustu referant, id totum deponunt.

Ex piscibus marinis Raia & Gornus in laudabilium classe censentur, carnem enim habent consistentia purissimam. Deinde vero Passer & Solea, quorū tamen caro lentior est, minusque tum alba, tum friabilis, & crassior, sapore etiam atque odore minus commendabilis. Merlango tamen, sive merlano, *ἀπὸ ἰλῶ* Græci vocant, secundus forte à raia deberetur locus: minore enim participat crassitie ac lentore, quam passer & solea, & substantia utcumque friabilis est: sed si odorem, saporem, calorem, substantiæ puritatem & mollitiem spectes, bonitate nonnihil è gorno ac raia deficere videbitur, idem de harengo iudicium est. Morhua juvenis bonitate prædictis satis propinquat, sed si diligentius ad præscriptas laudabilium piscium notas exigatur, crassior multo atque lentior invenietur. Salmones autem, rhombi (vulgo Gallorum turboti) scombri, vulgo maquerelli sive macrelli, longè à reliquis bonitate deficiunt: sunt enim multo crassiores, magisque lenti, & concocti difficiliores, neque competunt nisi vehementiore exercitio fatigatis, robustis ac juvenibus; idque magis etiam si quid salsedinis ipsis commisceatur, quo lentor, crassities, & frigiditas eorum remittantur ac corrigantur.

Ex piscibus autem aquæ dulcis, Lucius & Perca mediocres laudatissimi sunt, præsertim si præter dictas bonitatis notas pinguedinis non omnino expertes fuerint. Secundum post illum locum obtinet Vendosia: carnem tamen habet non perinde albam, subtilem & friabilem, sæpiusque in stagnis quam fluviis reperitur.

Illud porro summam nescire etiam expedit, quod pisces fluviatiles, modo cetera consentiant, tum ad bonos humores gignendos, tum etiam ad gustus ipsius voluptatem ceteris multo sint præstantiores, si in aqua profunda, petrosa aut aspera ad Boream spectante, ac rapide fluente degant: præsertim si urbis alicujus amplissimæ latinarum, balneorum, culinarumque loturæ & purgamenta in illam non defluant, neque vestes & alia ejusdem generis in ea abluantur. Multo vero magis, si præterea & herbarum ac bonarum radicum copia abundet. Cancræ vero tam marini quam fluviatiles, sicuti l. 3. de aliment. facult. cap. 33. à Galeno traditur, dura in totum carne constant, ideoque & ad coquendum sunt difficiles, & firmi alimenti, agre tamen in ventriculo corrumpuntur.

In piscibus quoque id communiter memoria tenere oportet, quod recentes valde nutrant & humectent, mammas lacte repleant, semen prolificum suppedirent, adeoque venerem excitent, & biliosis corporibus sint accommodatissimi. Ceterum abstinendum ab ipsorum esu postquam liber a citionem fortem ac vehementem: qui namque id temporis ingeruntur, eos & male concoqui, & dum in jecur ac venas distribuuntur, succum generare crudum, qui non facile in probum sanguinem mutetur, à ratione alienum non est,

Præterea vero cum hæc ipforum etiam natura sit, ut tardius pertranseant, cura non minima adhibenda est, ne in ventriculum incidant debilem aut pravis succis vitiatum, quippe qui tum non belle concoquantur, & facilius fere una cum aliis in ventriculo existentibus corrumpantur. Neque item una cum carnibus, aut lacticiniis, neque summo post alios cibos loco, si quid Avicennæ credimus, edendi sunt.

Postremo vero hoc etiam sciendum, quod crassioris succi pisces infra mediocritatem saliti recentibus sint præferendi. Verum recens saliti Galeno lib. 3. de aliment. facultat. cap. 24. teste jam diu salitis sunt meliores: pisces etiam laudabiles exiguo sale conspersi atque moderate sumpti, appetentiam, si quis eis delectetur, revocant, & roborant.

Animadversio.

EX universo piscium grege quos Plinius libro trigesimo secundo ad centum sexaginta sex computavit, demptis Ovidianis ab illo auctore non nominatis; quosque ad duo millia in adventitia cœna Lucius Vitellius fratri Imperatori apposuisse dicitur à Suetonio, quorumque innumera esse genera profitetur Divus Ambrosius capite tertio libri quinti hexam. hos paucos velut vulgares & frequenter in esum venientes enumerarunt Salernitani, idque indiscriminatim non separatis marinis à fluviatilibus, nec à palustribus lacustres.

Lucius. Primus autem non dignitate aut præstantia, sed cognitione & frequentia occurrit, *Lucius*,

quem ignoranter cum lupo confundunt Simon Jenuensis & Franciscus Philelphus libro trigesimo epistola vigesima septima, proindeque inepte ἀπὸ τοῦ λύκου, id est à lupo, deducunt; cum potius à lucendo dictus sit *Lucius*, quod noctu luceat, vel à luto *Lutius*, quod dorsum illi ex subflavo nigrescat, à quo lineæ plurimæ latæ, flavæ & conspicuæ deducuntur. Sed fortasse satius erit *Lucium* appellare à luto, hoc est cæno, quo gaudet, ex quo forsan locus Ansonii in Mosella explicari potest, sic vero se habet.

Anso-
nius
expli-
catus.

Hic etiam latioris prænomine, cultor
Stagunorum quæralis vis infestissima ranis;
Lucius obscuras ulvæ cænoque lacunas
Obsidet.

Significat Ansonius *Lucium* sic dictum à *Latius* per risum, quasi à luce sic denominatus sit, quemadmodum prænomen hoc *Lucius* datum est iis qui ipsa luce nati sunt, cum revera *lutius* appellari debeat à luto, ut pote qui

— obscuras ulvæ cænoque lacunas
Obsideat.

Is piscis Græcis olim ignotus, & à nemine descriptus, magnæ est apud Gallos gloriæ; maxime cum insigni est magnitudine, quæ tanta aliquando est, ut viginti ac vigintiquinque sit librarum. Hinc solet vulgari sermone circumferri eligendum esse *Lucium* sine Tono, & *Cyprinum* sine aqua, hoc est non probari *Lucios* & juniores & exiguos qui dicuntur *Brochetons*, nec infantes ac exiles cyprinos qui appellantur *Carpeaux*. Sapiunt quidem palato *Lucii* nostri, sed ingratos esse narrant Italicos. Solitus erat dicere *Pogius* homo exquisiti gustus, *Lucio* etiam ex *Ci-*

mino lacu eique præpingui, nullam unquam inesse gratiam nisi cum solus in maxima connivarum inedia apponeretur, quemadmodum refert Paulus Jovius c. 4. de piscibus. Ansonii certe tempore popinarum fuit esus, non cœnarum nobilium.

Hic nullos mensarum lectus ad usus
Fervet fumosis olido nidore popinis.

Quapropter in Italia non venit in mensam nisi marinorum piscium inopia, idque etiam ad honestandam potius patinam, quam ad convivas eo edulio conciliandos. Nec vero eis credendum est Medicis, qui saluberrimum omnium piscium contendunt: est enim duræ carnis coctusque difficilis, non teneræ ac friabilis. Ejus tamen esu si quis delectetur, fluviatilem potius minus pinguem & grandem, quam lacustrem vel grandem & obesum eligat: lacustres enim cœno & ranis delectantur, minusque corpus exercent. Mirum quod de Lucio viri probatæ fidei tradunt. *Anglia*, inquit Goclenius libro de vita proroganda præcipua nobilitatis ostentat, ventribusque eorum cultro aperitis seivum pingueque vendentes ementibus ostendunt, & si non emantur (mirum dictu) in aquas eos rursum conjiciunt, nec intereunt, sed vulnus celerrime coalescit, quod quidam tinca-*rum* contactui adscribunt: tinca enim glutinosa admodum est: alii rectius eam vim iis inesse à natura affirmant, inventum enim est interranei Lucii coagulari lac, ac glaciari aquæ ac coagulo. Tantum ille. Vide Cardanum, Gesnerum, Aldrovandum Jovium.

Alter piscis est *Perca*, sic dicta à Græco πέρι, vel πέρις ob colorem quem vocant περὶον & πέριον, is autem color aut niger est, aut nigris distinctus maculis, quo sensu Hesychius περὶ κάματα

Caro
Lucii.

Perca.

exponit τὰ ἐπὶ τῇ περὶ πικρὰ ποικιλύματα, id est, *faciei maculas*. Huc quoque verbum περιχρῆν, quod est nigrescere, defluxit, quo usus est Callimachus, Philo, & Siracides; quemadmodum observat Ritteushufius ad librum primum haliert. Oppiani. Est vero Perca duplex: marina & fluviatilis. *Illi* inter saxatiles enumerata à Dioscorid. Aristot. Galeno; dicitur esse à Diphilo Siphnio apud Athen. libr. 8. ἀπαλώτατος, ἀβρόμος, & εὐθαρτος, id est, *tenera, minime virosa, coctu facilis*, sic enim ut supra τὸ εὐφθαρτον expono, nec enim credibile est voluisse Diphilum, piscem hunc saxatilem qui ab omnibus Medicis boni succi & facilis coctionis perhibetur, esse facilem corruptu. Reclamat enim Galenus libr. 3. de aliment. facult. capite 28. *Scaxum*, inquit, *Merulam, Turdum, Iuliam, Fucam, Percam* à locis in quibus versari comperimur pisces saxatiles appellari. Inter hos autem scarus excellere suavitate creditur, secundum hunc *Merula ac Turdi*: *Tertio loco Iulia, Fuca ac Perca*. Porro alimentum quod ex iis sumitur non modo ad coquendum est facile, sed hominum etiam corporibus est saluberrimum, ut quod sanguinem medium consistentia generet. Percam Matronparodus atticam cœnam describens apud Athen. libr. 4. αἰπν. vocavit ἀνθεόχρα, *floridamque piscem*; Aristoteles χαμμοποικίλον *variegatum*, παγκύαις τε ταῖς ῥάβδαις κεχρημένον *variisque lineis ac obliquis notatum*. Mirum autem est insuavem esse percam nec saporis gratia valere, cum sit salubris, lapida tamen redditur, si farina conspersa in fartagine frigatur, vel in craticula assetur.

Fluviatilis Perca longè deterior est marina,

sed multo suavior. Idcirco cecinit Ansonius in Mosella.

Necte delicias mensarum Perca silebo
 Amnigeros inter pisces dignande marinis
 Solus puniceis facilis contendere Mullis:
 Nam neque gustus iners, solidoque in corpore
 partes
 Sequentis coeunt, sed dissociantur aristis.

Non est tamen ea insalubris, *nam etsi friabilem carnem non habeat* (inquit Salvianus) *cum tenera tamen sit, neque difficilis est concoctu, neque mali succi.* Ubi ergo saxatilium penuria est, citra noxam à valetudinariis edi poterit, si praesertim è fluviis aut lacubus majoribus ac purioribus petatur. Nonnulli referunt ex D. Ambrosio in hexam. percam imminente periculo aperire guttur quod amplum habet, & suos foetus abscondere, sed nec ego hoc apud D. Ambros. inter legendum deprehendi, nec ipse Aldrovandus proprietatis illius meminit.

Saxau-
 lis.

Tertius piscis est *Saxaulis* qui è genere est *ῥῆσιν* *συντάλων*, seu ut loquitur Marcellus Sidetes fragmento de piscibus *ῥῆσιν ἐκταδίων*, hoc est *planorum* piscium delicatiorum: ejusemodi enim pisces vocas Matronparodus τὰ συντάλα ἀθανάτων. Deorum immortalium sandala, allusione facta ad calceamenti genus quod vocatur *συντάλιον* distinctum ἀπὸ τῶν ὑποδημάτων quemadmodum apud latinos solea à calceo: de qua re vide quæ annotavit doctissimus Salmasius ad Tertulliani librum de pallio. Idcirco latini vim Græci nominis exprimentes *saxaulem* dixerunt *Soleam*, à figura nimirum soleæ quæ solis pedis subjicitur. Græci à linguæ similitudine quam piscis ille exprimit

primit, γλωτταν dixerunt; & additione particulæ, βε πίτσιν denotantis, βεγλωτταν nonnulli ex Var-
rone lingulacam reddunt. Magnæ est Solea ma-
rina apud omnes gloriæ, tantæque suavitatis ut
Perdix marina vulgo nuncupetur. Aliquot qui-
dem Solearum differentias exponit Rondeletius;
sed unam curamus marinam eamque saxatilem,
quam passere molliorem ciboque suaviorem
agnovit Galenus libr. 3. de aliment. facult. cap.
29. Athenæus libr. 8. vocat, ἐὺρεαν & ἰδεαν.
Carne esse dura post Xenocratem affirmat Ron-
deletius ac etiam nonnihil glutinosa, qua ob id,
inquit, difficile corrumpitur, diutius servatur; ne-
que longa vectura putrescit, imo melior efficitur &
salubrior. Id verissimum esse judicabunt ii qui
diligentius omnia expendunt, quibusque sapit
palatum. Hinc fit ut Lutetiæ sapidiores melio-
resque sint quam in ipso littore. Nam caro
omnis calore externo primum tenerescit, ejus-
que sapor ille dilatus, & ut ita dicam ferè infi-
pidus, acrimoniam quamdam ingratam acquirit,
postremo putrescit, molestaque acrimonia lin-
guam palatumque torquet. Licet autem dura
sit caro, tamen delicatissima est, alba, firma,
boni saporis & facilis concoctionis. Alexander
Petronius libr. 3. de victu Pop. Rom. probari
eam hyeme narrat, & frixam laudat aurancii
mali succo pipereque conspersam, additque
leviter nutrire, facile coqui, in secundis ve-
narum & jecinoris digestionibus nulla fermè no-
xiarum superfluitatum excrementa relinquere,
quod transcripsit ad verbum ex capit. 26. Jouti.
Qui quidem ex ingenioso circa popinales deli-
cias nobili comparat Rhombum cum Phasiano,
soleam cum externa ave, lampetram cum cotur-

nice, lupum cum altili capo, sturionem cum pavone. Buglossum impositum spleni, & fascia alligatum naturali quodam modo eum imminuere, si post tres dies ad fumum suspendatur, credidit Kiramides inepta prorsus ac superstitiosa observatione.

Quartus piscis si vulgarem lectionem retineamus *Morua* nostra erit, si vero vel *Albica*, vel *Albula* legatur, longè diversus ab ea erit. Ut ut sit non est nec *Albica* nec *Albula* inter pisces salubres bonique succi enumeranda. *Albica* quidem *Asellorum* species est, quæ à Gallis *Merlucius* & *Molua* appellatur. *Asellus* quidem apud veteres *ὀστρεός* Græcis dictus, post Accipenserem nobilissimus fuit piscium, optimi ille alimentum nec injucundi saporis ex Galen. libr. 3. de aliment. facult. Non ubique tamen sibi Galenus consentit; modo enim non minus laudandum ipsum quam saxatiles prædicat, modo vero non æquè ac saxatiliū caro, friabilem: frequenti autem est apud nos in usu *Merlucius* tum toto quadragesimali tempore, tum reliquis anni diebus asarcis. Saliri autem consuevit & ad nos advehi partim ex *Molucis* ut vocant insulis, partim ex mari Scotico, ubi copiosus est; sed quam ex *Molucis* minor. Recens autem suavissimus est & pinguiissimus, quod expertus sum in illo mari: frequentem enim eum illic vidimus & hamo captum esitavimus: intra namque horam unam aut alteram dum placidum staret mare vèdè octoginta piscati sumus, eos excisa è dorso scombri carnis portione allicientes. Recens vero captum piscem nautæ saliant, ne obesitate nimia citò corrumpatur: assentiorque *Rondeletio* statuenti meliorem esse

ejus carnem recentem quam salitam, licet aliter viris quibusdam doctis videatur. Salsurâ enim reddi glutinosam carnem putat tenuis humoris consumptione. Quemadmodum in farina multa aqua diluta evenire videmus, quæ si aliquandiu coquatur, tenuioribus partibus ab igne absumptis tam spissa glutinosaque redditur, ut ea ad multa ferruminanda utamur. Quercetanus in dietetico polyhistorico qualitatem istius piscis non noxiam esse statuit, sed quantitatem: idcirco sobriè aut perquam raro illis utendum suadet. *Craſſi enim, inquit, sunt succi; visci di, duri, ac difficilis concoctionis, valentioribus ventriculis & bitiosis potius quam debilibus & pituitosis exhibendi.*

Albula vero lacustris piscis aut fluviatilis nomen Albula. est, quo convenit cum *Alburno* Ausonii quem cum *Tinca* conjungit, quemadmodum Salernitani.

Quis non & virides vulgi solatia Tincas
Norit, & alburnas prædam puerilibus hamis?

Multi quidem pisces ab albo colore denominati sunt, sed quod à Gesnero fusissimè expendantur, à me perstringuntur minimè. Sat sit monere *albulam* à Gallis *ablettam* vocari, solasque pauperum mensas ingredi, cum vix ulla condiendi ratione sapiat. Ejus historiam repete ex Salviano.

Quintus piscis est *Tinca*, quæ seu marina sit seu lacustris ac fluviatilis in cibo nullomodo commendatur. *Marina* quidem *Phycidis* nomen obtinet apud Rondeletium, vel *Callaria* apud Salvianum, ineptè tamen Aldrovandi judicio. Ut ut sit, non est esu suavis, ideoque ubique ferè ple-

Tinca.

beius & parvi pretii piscis : carnem habet satis mollem, sed non friabilem, concoctu facilem sed excrementitiam : frigus aut assus minus quam elixus, palato ingratus est, sicuti refert Salvianus historia octogesima septima. *Fluvialis* vero & lacustris *Tinca* apud Græcos appellationem non invenit, nomen id sortita videtur Latinis à maculoso tergore quasi *vinctam* dixerimus. Uni veterum Aufonio in Mosella commemorata & appellata *vulgi solatium*, tantæ dicitur esse pravitate ut ejus esus febres inducat. Quapropter magnus fuit eorum stupor qui *Tincam* definierunt Medicum omnium piscium, nisi hoc traducere velimus ad lucios, quorum ut diximus vulnera afflicti tincarum cicatrice obducuntur. Vita præterea est adeo duræ ut per longitudinem corporis dissecta, exenterata, in sartagine coniecta, & in oleum fervens demersa, adhuc palpitet, è sartagine exiliat, quod signum est viscosissimæ ejus carnis, durissimæ, & coctu contumacissimæ.

Lucios
fauat
Tinca.

Gornus.

Sextus piscis barbare vocatur *Gornus* ineptique à Commentatore describitur tanquam minimus piscis, cum interdum tres libras exuperet. Gorni autem appellatio à vulgari desumpta est, quæ Gallis est *Grenaut*, Germanis *Gornart* vel *Gærnaert*. Hunc piscem Græci *κόκκυρα* vocant, Latini *Cuculum* quem nemo melius Bellonio aut distinxit aut descripsit. Duo enim genera Cuculi agnoscit, minorem, qui à Gallis *Rouget*, & majorem qui appellatur *Grenaut*; ex quo eos errare constat qui majorem cuculum *lyram* esse contendunt. Præter magnitudinem duo illi Cuculi distinguuntur per pinnas quæ minimo cuculo rubræ sunt; unde à Numenio apud Athen. libr.

7. Nig
m
nitu
me
nom
ap
4. de
Cuc
editu
sica
odor
Se
seu p
enim
de qu
Colum
propr
catur
Fu
Pa
ait O
fuit à
except
raplan
Dua
quæ in
& eam
ad qua
ser fluv
paulo

7. ἐρπεδὲς nuncupatur, majori vero cęrleæ; Nigriori præterea cute contegitur major quam minor. Vocalis est (quod mireris) piscis à grun-
 titu quem dum capitur edit. *Grenoti* nomen assumens quamvis malit Gesnerus à crasso naso id nominis derivare. Docet quidem Aristoteles ἀπὸ τοῦ ὀνόματος esse pisces, nonnullos tamen recenset libr. 4. de hist. animal. capit. 9. vocales, inter quos Cuculum reponit. Piscis ille uterque suavissimè editur apud Gallos, carne enim est firma, solida, sicca, dura quidem sed friabili, alba, sapida, odorata.

Pisces
voca-
les.

Septimus piscis dicitur à Salernitanis *plagitia*, seu potens, quemadmodum lego, *playitia*, hoc enim vocabulum magis exprimit nostram *plyam* de qua hîc est sermo. Dicitur piscis ille Græcis ὑπὸ τῆς generalis nomine, ad planos pisces quos Columella libr. 8. capit. 17. nunc *iacentes* nunc *prostratos* vocat, eos *erectis* opponens. Latinis vocatur *Passer*, soleæ candore concolor.

Fulgentes soleæ candore, & concolor illi
Passer

ait Ovidius in *Halieut.* quod nomen illi tributum fuit à passere ave, cui ferè assimilis est solo capite excepto. Ausonius epistola 1. ad Theonem à figura plana nuncupavit *Plateffam*.

——— *Lethalis Trigon, mollesque Plateffæ.*

Duas apud nos continet differentias *Passer*, eam quæ in maiorem molem excrescit *Plya* dicta, & eam quæ minor est, *Carletum* vocant quod ad quadrangulum proximè accedat. Est & *passer* fluviatilis qui vulgo *flezus* nuncupatur, qui paulo longiore est quam *passer* corpore, ac dum

adolevit crassiore. Commendatus olim fuit passer primi generis, atque à Philotimo apud Galenum inter molles pisces & qui facile concoquuntur revocatus: Xenocrates tamen, & Diocles apud Athenæum inter pisces duræ & siccæ carnis eum recensent: Galenus libr. 3. de alim. cap. 29. μαλακοσπύροις annumerat, inferiorumque solea constituit. Trallianus superfluitate eum carere voluit, Simeon Sethi meminit τὸ ψίσις quem non diffiteor esse passerem: eum vero commendat iis qui de morbose reficiunt & confirmantur: meliorem autem succum habere quam cæteros pisces & concoqui, licet ipse affirmet, facili non credo. Psellus quoque libr. 1. de victus ratione ad Constantinum Imperat duobus in locis Psisii meminit, semperque Buglossò conjungit, tribuitque illi succum medium inter bonum & malum, quique attenuandi vim habeat. De *limanda* nostra quæ asper est sive squamosus passer, non est quod aliquid hîc dicam, cum à Salernitanis non commemoretur. Vide Rondeletium libr. 10. cap. 9. & Aldrovandum libr. 2. de piscibus c. 46.

Psisius
piscis.

Limanda.

Carpa.

Octava occurrit ordine *Carpa*, quod nomen non tantum vulgare sed latinum Cassiodoro libro 12. epist. 4. usurpatum: *In principali*, inquit, convivio hoc profecto decet exquiri, quod visum debeat admirari. Destinet *Carpam* Danubius, à Rheno veniat *Anchorago* enormis. A Latinis tamen veteribus *Cyprinus*, à Græca appellatione κυπρίνος, vel κυπριανός dictus fuit, non satis cognita origine. Nemo autem piscem eum lacustrem ac fluviatilem non novit, auratis magnisque squamis conspicuum, unde à Dorione λινδονο, nuncupatus est. Eum Ægyptios coluisse

VALETUDINE.

711

refert Herodotus & inter sacros retulisse, ab Carpa
ejus proinde esu abstinebant, ut, & ab aliis pis- ^{sacer}
cibus propter celeste piscium signum ex Luciano ^{piscis.}
dialogo de Astrologia; frequentissimo vero ho-
die est in usu apud omnes nationes quibus gran-
diores atque pinguiore magis commendantur.
Paul Jovius capit. 38. troctas centum librarum
pondere in Lario lacu inveniri narrat, carpas
quas Barbaros vocat ducentarum! easque reti-
bus non capi, sed sagittis arcubalista emissis
transfigi. Succiquidem bonitate cedit Cyprinus
saxatilibus piscibus, insuavis tamen non est nec
insalubris, licet enim flumine sordido ac cœ-
noso lacu nutriatur, habetur tamen innoxius,
quia carnes humidiores obtinet aqueo potius
humore quam tenaci dilutas. Laudatur autem
maximè qui in rapidis & puris aquis nasci-
tur & vivit. Ejus adipem Kiramides ad vene-
rem excitandam usurpat quod Jovius linguæ tri-
buit.

Nonus piscis est *Galbio*, seu ut nonnulli le- ^{galbio.}
gunt *Gobio*, uterque enim hîc intelligi potest:
cum pisces sint marini & maritimis populis, ^{Raia.}
quales sunt Salernitani, usu frequentes. Et Gal-
bio quidem *Raya* est, licet ejus appellationis ra-
tionem ignorem. Vulgaris ea notitiæ & usus
quadragesimali præsertim tempore, tantæque
fœcunditatis, ut ea nunquam fora nostra careant,
etiam in aliorum piscium marinorum inopia:
cujus fœcunditatis causam aperuit Rondeler.
libr. 12. capit. 4. vilis autem omnino est cibus
nec majori in gloria fuisse apud priscos animad-
verto; cum Dorion cuidam Raïam optimum pis-
cem esse asserenti, non secus quam si quis eli-

xum comederet pallium responderit. Et certe Galenus libr. 3. de alim. capit. 36. *Raiam & Laviam* duriores esse, & concoctu difficiles adstruxit; copiosius tamen nutrire quam torpedinem & pastinacam. Laudatur tamen βατις ab Eupoli, Epicharmo, & Sannyrione Comicis apud Athen. 7. Deipnos. capite nono & à Timocle capite duodecimo. Attamen sic definit Athenæus libro octavo capite decimo quarto *Raia* facultates ut βατις quæ pro *Raia* asperæ cutis sumitur, ευσομος sit & ori suavis; λειοβατις vero qui pro *Raia* levem minimèque asperam cutem habente; δυσκοιλότερος καὶ βρομώδης alvum difficilius permeet, & virus oleat; βατις vero ἀστρεία stellata *Raia*, ἀπλωτέρα καὶ εὐχυλος tenerior & boni succi existat. In summum Mnesitheus apud eundem Athenæum hæc de *Raia* habet. *Qua* piscium, inquit, genera δαρτὰ vocant sic in universum appellantur, quibus cutis innascitur aspera & sine squamis, quales sunt *Raia* & *squatina*. Si omnes carne molli sunt & laxa, alimentum corpori humidum præbent, & ex omnibus piscibus qui elixantur alvum maxime ducunt, cum assantur deteriores. Observavimus vectura meliores fieri *Raias*, quo fit ut non omnino injucundæ sint apud Parisienses, quamvis tetet earum odor in vulgare abierit proverbium.

Go-
bius.

Gobio vero, *Gobius*, & *Govius* duplex est; marinus & fluviatilis. Ille inter squamosos & saxatiles recensetur, quamvis alius quoque littoralis sit, alius in stagnis marinis degat. Saxatilis aliquo in honore fuit apud Priscos ut patet ex Anaxandride, Antiphane, & Machone apud Athenæ. Necnon ex Martiali in Xenii.

In Venetis sint lauta licet convivia terris,
Principum cœnæ Gobius esse solet

Vilissimum tamen fuisse præ *Mullo* indicat Juvenal. saty. 11.

Nec mullum cupias cum sit tibi Gobio tantum
In oculis.

Mirum autem quod de Gobio tradunt *Ælianus* & *Oppianus* : ille lib. 2. cap. 50. de animalib. hic lib. 2. Halieut. illum pungendo venenum, licet non lethale immitere, cum *Ovidius* adstruxerit cum *Innocuum*.

Ælianus &
Oppianus ex-
cusantur.

Lubricus & spina nocuus non Gobius ulla.

Excusari possunt *Ælianus* & *Oppianus* si eos venenum usurpasse per dolorem dixerimus, quoniam certum est induci à quacunque punctura. Carnem Gobionum *Galenus* duriores carne asellorum, molliorem vero mullorum carne prodidit, mediocremque succum inter crassum & tenuem generare : præstantissimam præterea esse tum ad voluptatem tum ad concoctionem digestionemque & ad probum succum gignendum, quod intelligit de eorum carne qui in arenosis littoribus aut inter saxa vivunt, ceteri enim nec æquè jucundi sunt saporis, neque etiam succum tam bonum præstant. Cætera repete ex *Aldrovando*.

Cæterum fluviatilem Gobionem agnovit *Ausonius* in *Mosella* & descripsit his versibus.

Tu quoque flumineas inter memorande cohortes
Gobio, non major geminis sine pollice palmis
Præpinguis, eres ovipara congestior alvo
Propexique jubas imitatus Gobio Barbi.

Bonitate conferendus non est cum saxatili, carnem enim mollem habet, inspidam, virusque nonnunquam resipientem & cœnum; teste *Rondeletio* : quamvis *Gesnerus* si elixetur, solidam fieri,

Capita-
tus.

in ciboque minimè contemnendam astruat. Alter est Gobio fluviatilis à crasso capite *Capitatus* dictus, Gallis *Chabor*, non modo coctu facillimus ut vult Mathiolus, sed etiam ori suavissimus atque gratissimus; præsertim cum ovis turget, sed cum de marino Gobione solum intelligendi sint Salernitani, de fluviatili plura non addo.

Trutta.

Ultimus piscis superest *Trutta*, seu *Tructa* veteribus Græcis & Latinis innominata; quoniam ab Aeliano lib. 12. cap. 53. *τρώκτις*, dicitur *Amia* est Pelagius piscis. Non crediderim tamen tam delicatum & salubrem piscem veteribus ignotum fuisse. Fortasse ille est quem apud Athen. lib. 8. Mnesitheus *πυρῖτα*, vocat, aut quem Ausonius in Mosella *Salarem*. Truttam nominant D. Ambrosius lib. 5. hexamer. cap. 3. Isidorus Hispal. in Ethymol. Plinius Valerianus lib. 5. de remed. cap. 43. & Gregorius Turonensis de Lemano lacu agens. Est Truttarum multiplex differentia, à loco enim aliæ fluviatiles aliæ lacustres ut quæ *Salmonata* cognominatur: à colore aliæ albæ, & minores, aliæ flavæ & majores, aliæ subnigræ quæ seniores: à magnitudine aliæ *Salmonata*, quod Salmonibus magnitudine ferè æquales sint, aliæ simpliciter Truttæ. Fluviatiles salubriores existunt, lacustres autem suaviore. Consule Salvianum, & Aldrovandum.

De Anguilla.

C A P. LXX.

Vocibus anguilla prava sunt si comedantur;
Qui Physicen non ignorant hoc testificantur.

*Casus, Anguilla, nimis obsunt si comedantur;
Ni tu saepe bibas, & rebibendo bibas.*

Anguillam vocibus nocere hoc in loco traditur, idque rationibus tum Medicis, tum Philosophicis comprobatur. Limosus enim piscis est, crassique & lenti succi, obstructions facit, longiusque à memoratis paulo ante probi piscis indicis recedit: quod Galenus etiam in libro de cibis boni & mali succi cap. 15. in hunc modum scribens attestatur. Anguillæ nunquam boni succi sunt, tametsi puro in humore versentur, nedum in eo qui urbium sordes & purgamenta in se recipit. Idem fere & in lib. de attenuante diætâ cap. 6. confirmare videtur: Anguillæ, inquit, & mollium pars maxima, tametsi carnem habent mollem, quod tamen succo lento & pituitoso abundant, iis qui salubri victus ratione uti volunt, plurimum est noxia. Pari modo de mustellis quoque, quæ vulgato jam nomine lampetræ dicuntur, sentiendum est. Nam & ipsæ nihilo secius quam anguillæ plurimum crassi succi gignunt: tametipsi parvulæ lampetræ non perinde malæ & periculosæ sint. Minore enim, ut sensus ipse iudex est, crassitie & lentore participant. Quo fit ut hi pisces, licet non ingratum ori saporem offerant (quod salva tamen eorum reverentia dictum velim, qui in eorum usu diu perseverant) admodum sint periculosi. Siquidem generatio eorum in aquis serpentum generationi in terris respondet, non sine veneni suspitione. Unde etiam M. Varroni lib. 4. de lingua Latina nomen habent, quod anguibus adsimilentur. Atque hoc ce te ratione capita & cauda, ac similiter interior spina, ut quæ venenum in se conti-

Anguilla.

Anguilla co-
tio.

neant, nullo modo edenda sunt. Conveniens autem erit ob succi crassitiem ac lentorem ut in optimo vino immersæ necentur, atque cum jusculo deinde optimarum specierum, sicuti ab Apitianæ scholæ sectatoribus solent preparantur: ac primo quidem duabus ebullitionib. in vino & aqua præbulliant, illisque rejectis tandem ad perfectionem coquantur. Vel gelu inde in patina fiat, vel pastillatura, vel assatura, idque cum fassamento competenti: in hyeme quidem cum fassamento viridi, fortibus speciebus, & vino: in æstate verò cum debilibus speciebus, omphacio & aceto. Commodius tamen ab ejusmodi piscium esu abstinetur. Stomacho enim & renibus sunt inimici, sed præcipuum sentiunt nocumentum ex eorum obsoniis qui arenulas mingere consueverunt, quoniam illæ anguillari glutino in calculos cogi & adstringi videantur. Podagra quoque laborantibus manifeste officiunt, nec ullis morbis medentur, sic ut inique natura fecisse videatur, quæ tam suavem refutandis expuendisque piscibus indiderit saporem. Medici omni ex loco omnique tempore, & præsertim circa solstitium anguillas detestantur.

Anguillæ esus calculosis noxius.

Sequitur deinde caseum, atque, anguillas plurimum nocere, si comedantur: quod sane de iis quæ magna mole ingeruntur, intelligendum est, Causæ quidem de caseo cap. 4. de anguillis vero in præsentis capite habentur.

Postremo loco hoc etiam adfertur, nempe gravitatem eorum uberiore ac frequentiore vini potu corrigi atque emendari: quod minime tamen de vino subtili ac penetrante, neque item de eo quod in potus delativi vicem substituitur intelligendum est. Tale namque cum cibus mali succi

bibendum non est, quemadmodum 3. r. doct. 2. cap. 8. Avicenna sic ferme scribens diligenter admodum monuit. Neque vero cum cibis pravi succi, neque ab eorundem concoctione vinum protinus bibendum est: quippe quod mali chyli cibos in omnia statim corporis exteriora membra, quo fortasse citra vini adminiculum minime penetrassent, non sine sanitatis dispendio secum trahat. Intelligendum igitur de vino forti, non admodum penetrante, quod sæpius atque modice commodæ ciborum permissionis gratia sumitur. Hoc enim pravitatem eorum corrigit, concoctionem facultatem roborat, frigidosque & phlegmaticos humores concoquendo benignos reddit: quo fit ut ad casei atque anguillarum, quæ ægre admodum conficiuntur, concoctionem non parum proficiat.

Cæterum neque illud silentio hoc loco involvendum, nempe vinum non in anguillarum modo, sed quorumlibet etiam piscium esu exhibendum: quippe frigidioris humidiorisque temperamenti sunt omnes, adeoque difficilius ob id ipsum conficiuntur, tardiusque transeunt: vino igitur sæpius ac modice sumpto facile emendantur, atque ad *sumptu* perducuntur. Hinc non temere hætenus hoc usurpatum est: Ex piscibus vivos quidem aqua foveri, mortuos vero vino condiri oportere.

Animadversio.

CUM *Anguilla* aspectu horrenda sit propter Anguill-
anguium figuram quam refert, cum præterea larum
tam mali sit succi ac interdum etiam ubi angaibus laus.

commisceri dicitur, venenati: subit admirari cur
 nonnulli veterum eam ἡ δειπνων ἐκένω cœnarum
Helenam; βασιλεύειν καὶ ἡγεμονεῖν ἡ δονῆ Reginam ac
 principem voluptatis; κρατίζειν præstantissimam, ἰσ-
 δεον καὶ πολὺ ἡ δεινὴ πρωτότης similem imo præ Diis
 honorandam; παρθένον virginem, νύμφην ἀπειράγαμον,
 innuptam *Nympham*; λευκόχροα carne candidam;
 μετὰ φῶς ἐνάργης magnum & splendidum jubar;
 ἄγριον θύειον sanctam bestiam; μέγιστον δαίμονα maxi-
 mum numen; δειὰ denique hoc est Deam superbo
 titulo nuncupaverint. Equidem non ignoro.
 apud Herodotum habitam *Anguillam* ab Egy-
 ptiis inter eos pisces quos colebant? usuque ven-
 nisse apud Beotos, ut *Anguillas Campaïdas* raræ
 magnitudinis, hostiarum modo coronarent, asper-
 saque mola falsa cum precibus diis immolarent.
 Ab illo usu deduci potuit *Anguillarum* commen-
 datio; ab esu non debuit, quamvis apud Athe-
 neum lib. 7. Hicetius libro de alimentorum ma-
 teria scribat: ὅς αἱ ἐγγέλεις ἐνχυλώτεροι πάντων ἐσὶν
 ἰχθύων, καὶ ὅτι ἐνδομαχίῃ διατρέχουσιν ἡ δειπνων, πη-
 σμαί καὶ εἰσι καὶ πολλοὶ ἔσθου, id est, succi bonitate
 anguillas omnes alios pisces antecellere, esseque ven-
 triculo gratiores plurimis aliis piscibus, multum sa-
 tiare, ac corporis efficere plenitudinem, abunde nu-
 trire: narrentque Erasistratus & Anaxauidres
 Edulium huiuscemodi, quod ad gustum spectat
 universis prævalere, esseque obsonium multo
 lautissimum. Alia fuit Hippocratis, Galeni &
 omnium recentiorum sententia; nam Hippocra-
 tes lib. 2. de diætâ graviorem anguillam ait; pro-
 pterea quod ab aqua & lato & in his nascentibus
 alimenta sumat. Addit lib. de internis affectioni-
 bus ex anguillarum esu inflammationem pulmo-
 nis præcipuè oriri, quod illæ pinguedinem ho-

minis naturæ maximè infensam habeant. Galenus vero lib. 3. de aliment. *Anguillas* nunquam boni esse succi scribit, tamen si puro in humore versentur, ne dum in eo qui urbium sordes & purgamenta in se recipit: præterea affirmat *Anguillas*, quamvis carnem mollem habeant, cum tamen succo lento ac pituitoso abundant, non esse edendas ab iis qui tenuante diæta uti volunt, plurimum enim noxiæ sunt. Ceteri Medici à Galeno non dissentiant, imo vero quidpiam intus *Anguillis* inesse clamant, quod non exemptum vescentibus pestem affert; imo mortem crebro. Caro quidem mollis & dulcis, sed glutinosa admodum & pituitosa, vitæ periculum afferens vel subitum si copiosius edatur, dulcedo autem carnis vescentes allicit ad largius edendum, quo nihil perniciosius. Credunt nonnulli noxam omnem amitti coctione & conditura; sed Platinæ fidendum est, qui ubi præparationem eximiam Anguillarum dedit, subjungit acutissimè, *sic paratas hostibus apponendas, quod nihil boni in se habeant.*

Ceterum Salernitani nonnullas *Anguillarum* noxas, & earum præsidia hoc capite perstringunt. Prior noxa est vocis, quam esus anguillæ, ex acuta gravem; ex leni asperam, ex limpida & sonora, turbidam & crassam facit. Cum enim Galeno teste lib. de arte parva cap. 69. vox acuta fiat ex trachæ arteriæ, atque gutturis angustia; gravis vero ex earundem partium amplitudine, quæcunque humectant emolliunt, madefaciunt, qualis est anguillæ caro, humida, pituitosa, & mollis, ea asperam arteriam ex angustâ amplam, ex strictâ laxam faciunt, proindeque acutam vocem in gravem mutant. Similiter cum vox

lenis fiat ex instrumentorum vocalium æqualitate ac lenitate, aspera vero ex inæqualitate & asperitate, quęcunque exasperare natā sunt & organa vocalia reddere inæqualia possunt, eadem commutare lenem vocem in asperam solent. Inter ea autem Aristoteles lib. 5. de gener. animal. recenset humorem asperę arterię infixum, & ut loquitur Turrianus *humoris redundantiam*: sic Aristoteles probl. 11. sect. 11. causam inquirens cur qui noctu vigilaverit mane asperam edat vocem, respondet id fieri ob humiditatem corporis maximē circa superiorem locum: humiditate vero circa asperam arteriam redundante necesse est asperiores fieri voces, asperitas enim propter inæqualitatem. Cum ergo *Anguilla* caro ejusmodi sit, ut superfluam humiditatem partibus quas alluit, affundat; dubium non est quin conciliata instrumentis vocalibus inæqualitate, asperę vocis sit causa. Denique cum vox limpida & sonora ab arterię ac pulmonum moderata siccitate, turbida & crassa ab earumdem partium infarctu per crassum, pituitosum, viscosumve humorem: nemo nescit opportunas esse anguillas ad turbidam potius ac tenebrosam vocem reddendam, quam ad limpida atque sonoram efficiendam.

Anguil. Altera noxa anguillarum, mors est, ob venenum
lę ve- scilicet quod creduntur in se continere: Nonnulli
neum. enim arbitrantur, capiti, caudę, ac interiori spinę ossę quę Eustathius *πρῆνα* vocat, deleterii non nihil inesse, nec esse propterea edendas partes eas, sed rescindendas & abjiciendas. Santes vero Hardoyus lib. 4. de venenis cap. 8. docet pisces natura frigidos-humidos & viscosos, præcipuē aquarum stagnantium, ut sunt anguillę & tenchę, inter

inter venena connumerari, eademque inferre cum fungis perniciosis symptomata. Sed certè, ut de veneno nihil dicam, pituitosus ille succus, lentus ac viscosus quem subministrant, adeo pravius est & perniciosus, ut si quis assiduo *Anguillis* utatur, brevi gravissimos morbos & malignos mortemque ipsam, dubio procul sit subiturus. Memoria proditum est quendam magnæ Britanniae Regem cum avidius Murænulas quæ anguillas referunt, avidius deglutisset, sequente nocte tam ardenti febre correptum, ut confestim, hoc est die tertio, interierit.

Porro his malis quænam nobis Salernitani remedia præscripserunt? Vini potum, eumque frequentem. Sed recte Commentatores admonent, potum nec debere esse copiosum, nec vinum subtile ac penetrans. Ergo vinum imperant forte, hoc est generosum & crassum, quale est vetus & rubeum, non tenue & odoratum; ne forsan ante perfectam coctionem chylus in venas rapiatur, & in habitum corporis, ubi cachexiam excitaret. Quod observans Avicenna fen. 3. 1. doct. 2. cap. 8. dixit *super cibum mali chymi dum comeditur, aut ante aut postquam digeritur non esse bibendum vinum, quod, ut aiunt ejus commentat. penetrare faciat humorem malum ex hoc cibo genitum usque ad extrema corporis, ad quæ forte penetrare non sufficeret sine vini auxilio & conductu, unde obstructions & putrefactiones exurgunt.* Deinde ea ratione bibi debet vinum, ut non affatim & multum, sed pedetentim & parum velut pitillando hauriatur; quod ad madefaciendum cibum, non ad deportandum sufficiat. Sed de modo bibendi inter edendum, jam non est sermo: locus postea differendi dabitur ad hunc versum.

Interprandendum sit sæpe parumque bibendum.

Neque etiam hoc loco de caseo quicquam adiungimus, ne extra aleas vagari videamur. Satius pisces esset alios à Salernitanis prætermisissos examinare, sed neque id instituti nostri ratio postulat, quæ me inter eos conclusit cancellos, ut explicanda quæ hic tantum traduntur, non tradenda omnia, quæ commodè hic explicari possent ab initio susceperim. Quamobrem cum *Anguilla* ultimus sit piscium à Salernitanis commemoratorum, in ea desino, & ad facultates partium ex animalibus desumptarum exponendas me transfero.

*De Partibus Animalium, ac primo
avium.*

C A P. LXXI.

» *C* Effat laus hepatis, nisi Gallina vel Ana-
» tis.

Animadversio.

INter partes animalium aliæ vere & propriæ tales sunt, similes videlicet omnes, & organice; aliæ excrementitiæ, ut est lac & ovum. De propriè dictis quæ in usum & esum veniunt, nobis jam est sermo, ducto exordio ab avium partibus, quod de avibus prius quam de aliis animalibus supra disseruimus. Licet autem hoc brevi capite unius hepatis mentio habeatur, non ita tamen nos his adstrictos volumus angustis, ut in fa-

cultates aliarum partium excurrere non liceat, præsertim cum ea tractatio non minus lectu jucunda, quam scitu utilis existat; paucique omnino sint ex iis qui de hygeine egerunt, qui hanc disputationem attigerint.

Ex partibus autem avium aliæ sunt illis propriæ, aliæ cum quadrupedibus communes. Inter proprias revoco *cristas* & *subcristas*, *alas*, & *orripigium*. Ad communes refero *caput* & quæ in capite continentur; *oculos* & *cerebrum*, *collum*, & ei conterminam *linguam*, *viscera*, *testiculos*, *pedes* *cutem*, *cartilaginem*, *medullam*, *pinguedinem*, *sanguinem*.

Avium
partes.

Crista & *subcrista* avi quidem propriæ sunt, *Crista*. sed non omni, præter enim Gallinaceum genus nulli avium concessus ille apex regie dignitatis argumentum & insigne, à quo per excellentiam *cristata* aves à Latinis, à Græcis *καυκρόπτι*, appellati sunt Galli. Vocatur autem Aristophani Gallorum *crista*, *κρυβάσια* à similitudine Tiaræ persicæ quam erectam ferebant Reges, depressam subditi, quemadmodum Galli rectam, demissam Gallinæ & inclinatham ferunt, ut ferunt Scholiastes Aristophanis *πρὸς ὄρνιθας*. Hesyichius *κορυφῶ* vocat, id est *verticem*, nonnulli *λόφον*, quamvis *λοφῶν* dicatur de avibus *ὀπίσθιαι*, id est, *que titulum* & velut cucullum habent sub capite, plumeum illum non carneum, ex observatione Florent. Christiani ad Irenem Aristophanis. Ex Latinis Politianus *apicem*, Barbari *Asculum* & *Ruffam* appellarunt. Est autem *crista* duplex: alia sublimis capiti superposita, alia supposita velut mento. Prior unica, interdum gemina tripliciter radice emicans, apicem ostentat rubeo colore *Crista duplex*. lucentem, fimbriatum & serratim discrimina-

tum, quem Plinius neque carneum esse, neque cartilagineum, neque callosum dicit, sed sui generis corpus, ac veluti inter illa medium ut sit — *neutrumque & utrumque*, ut de salione loquitur Aufonius, qui necdum *Sulmo*, nec jam *Salar*; quem apicem vocat Galen. lib. 3. de aliment. cap. 21. λόρον. Altera non est *tam cristā* quam *subcristā*, è mento atque collo una utrinque dependens, *barba* instar, aut *palearium*, unde à Columella *palea*, ab aliis *palearia* vocata sunt, à Græcis, & nominatim Galeno loco supra adducto κάλλαια ob purpureum floridumque ejus partis colorem. Aristophanes in equitibus utriusque cristæ meminit, *cristam* λόρον, *subcristam* κάλλαιον, vocans; quod verbum ejus Scholiastes modo *πρὸς τὰς πώγωνας*, modo *πρὸς ῥίνα ἢ ἀλεξύων* traduxit. Sed nolo quemquam fugiat vocabulum illud τὸ κάλλαιον, duplicis me difficultatis admonere. Prior est quod supra dixerim cristas uni Gallinaceorum generi tributas: cum tamen eadem quoque concedantur *Tetragi*, ab Athenæo 9. deipnos. cap. 13. altera est, quod vox κάλλαιον, non significandis tantum gallinaceorum palearibus, sed cristis ipsis designandis ab eodem Athenæo accommodata sit. Verba Athenæi adduco quæ utriusque difficultatis ansam mihi præbuerunt. ὡς δὲ τὸ αὐτὸ μέγας, inquit, πρὸς ἀλεξύωνας τὸν μέγαν, τὸ δὲ εἰς πορφυρίωνι θηρατήρας, ἢ ἀπὸ ἧς αὐτῶν ἐκείνων εἶχε κρεμνιδία, ὥστε οἱ ἀλεξύωνες τὰ κάλλαια, id est, Erat vero tetrax magnitudine quidem magnum gallum superans, forma vero Porphyryoni similis, habebat autem utrinque ab auribus pendentes, quemadmodum gallio cristas. Hic ergo *Tetragi* non minus quam Gallo κάλλαια tribuuntur. Deinde τὰ κάλλαια, nemo est qui

Dux
diffi-
cultates.

exponat *palcaria* seu *subcriftam*, cum ea gallis ab auribus minime dependeat, sed à mento & Prima diff-
mandibula inferiori. Quis huic nodo cuneus? cultas
Primo dicendum est, *Terragem* avem de genere solvi-
esse gallinaceorum, sicut visum est & Dale-
champio & Aldroando. Secundo affirmandum,
τὰ κάλλια minime de cristis, sed de palcaribus
intelligenda. Quod si quærat, quomodo illa ab
auribus dependeant, depravatum esse codicem
Athenæi respondendum, proque ἀπὸ τοῦ ὤτων, le-
gendum ἀπὸ τοῦ σαρόνων. Sunt vero σαρόνες Pol-
luci Onomast. lib. 2. cap. 4. articul. 20. τὰ ὑπὸ
χείλῃ, partes labiis subjacentes, quas Latini vo-
cant maxillas & mandibulas; nemo autem est
qui nesciat barbas Gallorum illis in partibus si-
tas esse atque collocatas. Eleganter Philo de
historia animalium Gallinacei arrogantiam de-
monstraturus, scribit eum domos ingressurum
cristam demittere, ne tectum dejiciat. Sic au-
tem ille.

Πάλιν δ' ὅγε θύραν αὐθαδῶς ὑπερέχων,

Αὐτοκέστων μέγιστε, τὸν λόφον κλίτεις;

Δοκεῖ γὰρ αὐτὸν εἰ προσηγῆσαι μόνον.

Εἰς θραύσιν ἐλθόν, καὶ ρέλωαι τὸν λόφον.

Id est,

At cum subit limen, superbe dejicit
Cristam, Imperator, namque si fastigium
Vel tangat, hoc ruiturum opinatur statim;
Ruptique fumos exituros culminis.

Sed præstat de fastu & majestate Gallinacei in-
gredientis locum adducere ex Francisci Garassii
Societate Jesu Theologi lib. de sacris Rhemen-
sibus, qui ob elegantiam cum tota antiquitate
certare potest. Sic autem se habet.

— tu Regis ad instar

Galle, cothurnatis pedibus calcaria solus.
 Induis, & rigidos succinctus ad Ilia lumbos
 Rauea ruens, paleaque ferox & casside rubra,
 In reliquas dominaris aves: tum si qua domorum
 Limina, & ingentes gradienti occurrere valvæ
 Non dubitant, altæ primum palearia cristæ
 Dejicis & sinuas cervicem, atque ardua colla;
 Deinde subis portam paulatim, & murmure fracto.
 Ingrediens, ab utroque fugis lateramine valvæ
 Ardua conjectans oculis, & pagmina mensus.
 Ne si antes lapidesve domus vel limina tactu
 Succuteres, lambensque levi cervice fricates,
 In fumum nebulasque ruant, tum limine verso.
 In se lapsa domus.

Crista-
 rum
 usus.

Verum his omissis, qualis sint *Cristæ* nutrimenti
 aperiamus. Eas Massalinus Corta Messalæ Ora-
 toris filius, vir alioquin gravis, cum palmis pe-
 dum & Anseribus torrere atque palmis condire
 reperit, à quo tempore in Romanorum delitias
 cessere. Hinc Spartanus prodit Heliogabalum
 sapius ex Apicii æmulatione *cristas* Gallinaceis
 viventibus vorasse, item camelorum *calcanea*, Pa-
 vonum *linguas* & lusciniarum. Nostra ætate non
 minor cristarum gloria nec ganea, cum juscula,
 minutalia, & artocreata cristis gallorum atque pa-
 learibus, testiculis, atque ovis infarciantur, ea per-
 suasione ut ad venerem tardos accendant.

Plerique his velut suavi cibo delectantur, qui-
 bus tamen propter siccitatem atque duritiem, nec
 sapor, nec gratia inest. Galenus 3. de aliment. fa-
 cult. inter cibos enumerat, quos nemo neque pro-
 barit, neque damnarit. Alex. Petronius duras &
 coctu difficiles arguit, quod à circumfluo aëre
 perpetim colliduntur. Inde enim contingit ut à
 calido aëre humiditas earum dissolvatur, solidi-

tas retineatur, à frigido vero compingatur atque firmetur.

Ala avium pars est propria hominum brachiis Ala.
quadrupedum vero anterioribus pedibus analo-
gia respondens. Ejus portio duplex: major & prior
dorso inserta, musculosa & carnosae; minor & ex-
trema pene excarnis priori illi agglutinata. Alam
totam Galenus lib. de cibis boni & mali succi cap.
4. scribit se habere communi quadam cum cor-
poribus se exercentibus ratione. Hæc autem cum
εὐπεπτα sint atque *εὐχρημα*, ob superfluam cru-
damque humiditatem labore dissipatam, alam
quoque necesse est boni esse succi & facili co-
ctionis. Prior tamen pars, quia musculosior idcirco
copiosius nutrit, posterior vero tenuius: mollior
quoque illa existit, hæc durior ac fibrosior, proinde
in aviculis minus probatur, atque etiam in graci-
libus extenuatisque avibus.

Ὀρροπίγιον seu Uropygium *cauda* est avium
extrema ossi sacro annexa, ossea partim, partim Uropy-
gium.
carnea & adiposa in quam pennæ avium vola-
tum velut navigia gubernaculum dirigentes in-
feruntur. Pars hæc brevis est avibus quæ longa
crura habent quæque palmipedes sunt, major vero
iis quibus breviores pedes quæque contractis ad
ventrem pedibus volant. Si carnosae sit & præ-
pinguis, cibum præbet minime contemnendum,
delicatis expetitur, militum laxis exprobrari so-
litum quos *uropygiorum* voratores vulgus vo-
cat. Solet tamen interdum ob adipis copiam
nauseas movere, quod ut prohibeant delicatuli
modico sale aspersam devorant. Tanti inter-
dum à gulosis & vinosis hominibus fit, ut in
auctionem ac veluti sub haustam deducant, nec
solet addici nisi ei qui auctionem ex licitatione

vicerit, pluresque vini cyathos exsiccarit.

Caput. Inter partes avium quadrupedibus communes, primum est caput; quod cum diversis constet partibus, diversis quoque facultatibus gaudet, quæ uno non possunt verbo explicari. Hali quidem Abbas §. theoricæ c. 22. in universum dixit capitis carnem crassæ esse substantiæ, plurimi nutrimenti, tardæ digestionis, humiditatis plurimæ & quæ seminis copiam generet: sed hoc de carne potius quadrupedum nonnullarum quam avium intelligendum est; cum avium capita exigua sint carnis, siccæ tenuiorisque substantiæ: ut propterea raro capita avium edantur propter carnem, sed solum propter cerebrum. Attamen caput Rostratulæ in duas divisum partes, sale & mica panis aspersum, flammisque tostum à quibusdam editur minima ut opinor voluptate, saltem utilitate nulla.

Oculus. Capitis pars est oculus & cerebrum. Ille ex dissimili constatus substantia, partim humoralis, partim membranosa, partim musculosa, raro editur, si quæ ejus utilitas, ea posita est in musculosa parte, sed cum in avibus exilis illa sit, atque exigua, non multum inde nutrimenti expectari debet, proinde etiam nec apud veteres, nec apud recentiores expeti Avium oculos animadverto.

Cerebrum. Cerebrum vero licet exiguum, attamen non omnino vituperandum: præfertur quidem quadrupedum cerebro, utpote quod siccius duriusque existat. Ac inter aves, quæ montanæ sunt excellentius delicatiusque cerebrum habent, quam quæ circa paludes & campos degunt. Gallinæ, perdicibus & Phasianis suavissimum inest, ut & Pavonibus, adeo ut patina illa celebris Vitellii, quam *clypeum Minervæ* appellabat, Phasianorum

& Pavonum cerebella admitteret. Cœlii Apiici patina versatilis, conchicla farfiles, & genera nonnulla lucanica non sine cerebelis parabantur. Si quid apud Persas lautum & delicatum fuit *δὲς καὶ βασιλέως ἐγκεφαλὸν*, Iovis & Regis *Cerebrum* appellatum est. Passerum & columbarum cerebella irritandæ veneri, Gallinarum vero acuendo ingenio commendantur. Tanti tamen apud priscos Philosophos fiebat cerebrum, ut nominare nedum comedere non liceret. Supraque observavimus ex Plutarcho multos suæ ætate cerebrum non attigisse; quod recenter in usum venisset, Philoclis versus, *ὡς εἰδ' αὖ ἐγκεφάλων γ' ἐδίων λίποι*, *περὶ μῶδες*, dictus fuit de homine scelestissimo ac voracissimo, quod vesci cerebris, antiquitus pessimi hominis esset argumentum. Quia tamen Galeno teste, cerebris semper pituitosum quid inest & crassum, præstat ea origano, pipere, similibusque aromatibus & aceto condire, sic enim & minus nauseam excitabunt, & salubrius alimentum suppeditabunt.

Collum & cervix avium cum caudis quadrupedum similitudinem quandam habent: hæc vero dura sunt, concoctuque difficiles, minus tamen propter motum excrementitiæ. In collo duplex pars: membranosa & ossea. Hæc quia exigua carne testæ parum alimenti subministrat: Illa cute dura & crassa constans, à tostione nonnihil suavitatis acquirit, difficilis tamen est coctionis, tardæque distributionis. Observant ornithologi collum longum habere eas aves quæ longos habent pedes, breve vero, quæ breves, palmipedibus exceptis. Qui autem sunt retusa videndi acie, abstineant ab *esui collorum*; nam officere creduntur

Col-
lum.

claritati oculorum, quod fieri puto propter sanguinem ibi coagulatum, nec enim totus fluit dum jugulantur aves.

Lingua avium in cibum quidem venit, sed ad fastum potius, quam ut inde alimonia comparetur. Cum autem aliis avibus lingua lata sit, aliis brevis, aliis longa, aliis angusta, aliis tenuis, aliis crassa, quæ musculosior erit, melior censenda, magisque nutriens. Supra monuimus Heliogabalum sæpe Pavonum *linguas* & Lusciniarum vorasse. Apicii invento *lingua* Phœnicopteri in cibos venit, quam ut præcipui saporis admirabatur, à qua mente cecinit Martialis.

Dat mihi penna rubens nomen, sed nostra gulosis

Lingua sapit, quid si garrula lingua foret?

Anserum *linguas* in cibo libidinem movere refert Bruyerinus, qui Æsopi patinam non *linguas* avium, sed humanas continuisse falso tradit ex loco Plinii libri decimii capitis quinquagesimi primi minime intellecto, Consule Ferdin. Pintianum & Aqueum locum illum emendantes & explicantes.

Sequuntur avium *viscera*, seu σπλάζνα quo nomine septem partes intelligi vult Nicephorus scholiis in Synefium, videlicet καρδίαν, ἥπαρ, σπλῆνᾶ, στόμαχον, πνεύμονα καὶ νεφρὸς δύο, cor, hep-
par, lienem, stomachum, pulmonem, & utrumque renem. Cor avium substantia constat fibrosa & dura, ideoque difficulter concoquitur, & ægrè permeat. Si tamen bene concoquatur, mali succi non est auctore Galeno. Certum vero est si frequenter & copiose assumeretur, succum datu-

rum crassum & melancholicum, obidque generandis obstructionibus idoneum. Satiùs itaque est ab eo abstinere, presertim cum suavitatis & gratiæ obtineat nihil. Cum autem veteres nihil intentatum reliquerint, mira quoque de corde quarundam Avium prodidere, magica tamen potius superstitione adducti, quam ulla experientia freti. Quis enim crederet cor vulturis ligatum in pelle lupina si circa brachium habeas, noxas medicamentorum avertere, prestareque ne serpentes, ne latrones, ne ulla malitia, ne quidem phantasmata sentiantur. Id tamen Sextus Philosophus narrat, scribitque Plinius cor hujus alitis habentes tutos esse ab impetu non solum serpentium, sed etiam ferarum & latronum ac Regum ira. Idem tradit lib. 29. c. 4. Cor bubonis Cor: impositum mammæ mulieris dormientis. sinistræ, efficere ut omnia secreta pronuntiet, prætereaque in pugnam ferentes, fortiores fieri. Laudat quoque c. 6. lib. 30. Cor upuæ in lateris doloribus, sed nugis istis non immoror, quibus Plinius suum opus perfudit.

Pulmo avium exiguus est, parum habens sanguinis, fungosus membranæque similis & aptus ampliari & extumescere cum inflatur. Ejus partes adeo inter se discretæ sunt, ut binos habere pulmones credideris. Quia ergo rarus, ideo ad coquendum facilis, parumque tamen nutrit, & pituitosius est id alimentum quod corpori præbet. Pulmo:

Stomachus, seu *ventriculus* avium magnam partem carnosus callosusque cuti robusta intus ob- Stoma- chus. tegitur, quæ facile à parte carnosa detrahi potest: quam quidem tradit Dioscorides siccata muramque tuto & utiliter in vino stomachicis

dari in potum: quod falsum esse Galenus suo experimento comprobavit. *Stomachus* vero quem Galli *giser* vocant, durus quidem concoctu est, non mali tamen penitus succi si probe coctus fuerit, & robustum stomachum offenderit. Inter aves suavissimos ventres obtinent anseres, & ab his Gallinæ altiles quibus magis carnosus est quam callosus. In quibusdam avibus superiori parti ventriculi præposita est *oediplos*, seu *ingluvies*, *labotum* vocamus, quæ aliud non est quam cutis in amplum sinuata, ingestum cibum & incoctum continens, esui prorsus inepta. Inferiori autem ventriculi parti annexum est intestinum simplex tenue & solutum, quod in omnibus pene abjicitur. In *rostratula* tamen una cum excrementis suavissime editur. Ferunt quoque *Ryntacem* avem quod solido cibo non vescatur, nihilque in ea reperiatur, minime exenterari, sed integram edi, Alaudæ ipsæ non exenterantur, sed interanea adeo dura sunt & amara ut gustari non possint; solent vero vorari à quibusdam pilulæ instar, ad alvum ciendam & movendam successu quem viderim nullo; quamvis non negem detergentis ea esse facultatis ac deobstruentis, ut testatur eorum insignis amator.

Hepatis παρῡρμα inter cetera viscera suavius, præstantiusque alimentum subministrat, cum enim temperamento sit calido & humido, nostro calori nativo affine est atque consociale quod nisi obtineret corpus coactum, densum, ac pigrum non utilitate minus quam sapore commendaretur, sed propter illam consistentiam crassus est succi, concoctu difficilis, & tarde perincantis: ubi vero coctum est & à ventriculo

edomitum, copiose nutrit. Præfertur autem
 avium jecur, quadrupedum jecori, & inter
 aves hepar Anserum, Anatum, atque Gallina-
 rum præstantissimum habetur, uti etiam Saler-
 nitani hic advertunt. Priscis sæculis exquisitissi-
 mum cibi genus Romæ fuit, *jecur Anserinum*,
 & ut loquitur Athenæus libro nono *περισσότερον*
καὶ πολυτέλες. Quo autem exquisitius evaderet,
 mollius & grandius; habebant *χλωροσκούες*, hoc est,
homines saginandis anseribus adhibitos quorum
 meminit Cratinus in Dionysio Alexandro. Sic
 autem saginatos anseres *σπαρτές χήνας καὶ ἀτι-*
ταλλομύνας vocabant, quemadmodum macros &
 solis herbis enutritos, *herbiles*, ex Festo, & Lu-
 cilio apud Servium. Observat vero Galenus li-
 bro tertio de aliment. capite vigesimo primo, ali-
 menta anserum lacte imbuta fuisse, ut non mo-
 do eorum jecur jucundissimum esset, sed poten-
 ter etiam nutrirer, ac optimi fieret succi; & de-
 jectu minime difficilis probeque similiter in ven-
 triculo conficeretur. Imo Plinius libro decimo
 capite vigesimo secundo, exempta anserum je-
 cora lacte mulso adaucta fuisse prodidit. Educa-
 tos quoque fuisse ficibus testatus est Horatius
 hoc versu.

Pinguibus è ficis pastum jecur anseris albi.

Nec non ii qui jecur sic saginatorum appellave-
 re *συνκωπὸν* de quo agit Apicius libro septimo ca-
 pite tertio. Nostra pene memoria magni no-
 minis & regni Regina mille & quingentas li-
 bellas insumpsit, ut tres anseres saccharato ani-
 so saginaret. Hujus cibi meminerunt Poëtæ,
 Persius Saty. 6. Juvenalis 5. & Martialis, in
 Xeniis.

Aspice quam tumeat magno jecur anseris majus:

Miratus dices, hoc rogo crevit ubi ?

Hoc bonum, inquit Plinius, *in questione est quis primus invenerit, Scipio, Metellus vir Consularis, an M. Sestius eadem atate eques Romanus*. Porro vix bonitate cedit caponum altilium jecur anserino imo à nonnullis præfertur : concludo cum Baptista Fera.

Colla jecurque calent, sed colla fluentibus hument, Gallina, Anser, Anas mollius hepar habent.

Ejuscemodi hepar super prunas assatum brevi reparare vires creditur superbibito paucò vino albos; frequentius tamen apud nos solet cum vino, butyro, ovi Vitello, omphacio, ac paucis gariophyllis elixum, paratumque edi non insuaviter.

Lien. Lien usque adeo exiguum est magnæ avium parti, ut propemodum sensum effugiat : quamobrem non est quod de eo plura commemoremus.

Renes avibus defunt. Neque vero de renibus quidquam annotaturus sum, cum in avibus defint. Sunt equidem in nonnullis caruncula quædam latiusculæ renum speciem ostendentes, sed renes penitus absunt, quæ de causa non hic inquirò.

Testiculi. Testiculi avium in cibo laudantur, sed præ ceteris Gallinaceorum, quos Galenus præstantissimos vocat, si modo Galli cibo enutriti fuerint seroso lacte imbuto. Redduntur enim boni succi, valide nutriendi, & ad coquendum facillimi. Dejectionem tamen nec promovent, neque morantur. Quamobrem autem testes Gallinaceorum, qui lacte saginantur, amplissimi & concoctu facillimi efficiantur, exponit Alexander Aphrodisæus probl. 77. lib. 2. Mirifice expetuntur

VALETUDINE. 735

Hodierna die testiculi Gallorum à delicatis, velut incentiva libidinis, à tabidis vero tanquam suavis-
simum Analepticum.

Pedes Avium tenuissimè nutriunt, quia exiguae sunt carnis, difficulter autem digeruntur, succi-
que sunt crassi, quia nervosi, & tendinosi. Cef-
sit tamen olim gloria Anserum pedibus, quos
primus torrere & condire instituit Messalinus
Cotta apud Plinium lib. decimo capite vigesimo
secundo. *Pedes* rostratulae sunt qui flamma tostos
avidissimè comedant, alii Gallinaceos commen-
dant ad somnum, manifesto mendacio. Ceterum
tanti non sunt ut quemquam ad esum invitare
debeant.

Cutis Avium altitium & pinguium, seu tosta, *Cutis.*
seu elixa gustu suavis est, alimenti vero exigui,
& difficilis coctionis. Quae lumbos Gallinaceo-
rum obtegit suavissima existit: colli cutis rugo-
sa & adiposa à nonnullis expetitur, elixa me-
lior quam tosta, praestat quoque juniorum &
pinguium quam macrarum & vetularum avium;
porro de cute lumborum in Gallinis locutus vi-
detur Matron. in Parodiis Gallinas altiles di-
cens mensae appositae *ὀπτεχας οἰετίας*, *λαγάνοις* &
νῶτον ἐίτας, id est unius coloris, unius atatis, dorso
laganis similes, hoc est dorso gratas ad instar la-
ganorum.

Cartilago, seu avium, seu quadrupedum confici *Carti-*
non potest si sit animalium perfectorum: si vero *lago.*
juniorum, aegrè coquitur: adeo ut parum inde &
alimenti & utilitatis expectari possit.

Medulla duplex: una spinæ, seu *ρᾶχης*, alia os-
sium aliorum. Prior ejusdem pene virtutis est
cum cerebro, nisi quod paulo durior existat. Hanc
ob rem veteres cerebrum non vocavere *ἐγκέφαλον*,

sed λευκὸν μυελλόν, *albam medullam*; & vicissim medullam, *cerebrum*: Posterior dulcior est, jucundior ac pinguior. Attamen cum liberalius editur nauseam parit, & alvum lenit; & secundum nonnullos semen auget. Sed cum exigua quantitate reperiatur in avibus; hi effectus expectandi non sunt.

Pin-
guedo.

Pinguedo carni affusa, moderate sumpta, sale aspersa, editur non injucundè, licet parum & male nutriet: secus nauseam movet, appetitum aufert, stomachum subvertit, cito saturat, egreque distribuitur. Idcirco qui volunt illico saturi fieri, pinguedinem assument, vinumque superbibunt: quo præsidio sic dejicitur appetitus, sic ventriculus oppletur, ut de alio cibo sollicitus non sit. Causa ni fallor, est complanatio ventriculi, & ablatio rugarum: dum enim ungit, & oblinat, eadem opera lenit ac lævigat. Imo sensum doloris abripit ex suctu excitati. Cavendum ne ventriculis calidis & fervidis visceribus pinguedo objiciatur, statim enim inflammationem conciperet olei ad instar, morbisque gravissimis occasionem præberet.

San-
guis.

Restat *Sanguis* avium cujus hodierna die vel rarus, vel nullus est usus. Cum tamen tenuior teneriorque sit Gallinaceus, cum aëreæ naturæ sit particeps, cum temperiè sit moderata & aquabili, nec insuavis esse potest, nec plurimum noxius. Habet tamen semper aliquid excrementi, & sæcci crassioris, proindeque est coctionis paulo difficilioris, alimentique prorsus non elaborati. Sed cum sit ut dixi rarioris hodie usus, ineptus similis prolixioris disputationem de eo instituo.

De Partibus Quadrupedum.

CAP. LXXII.

I Lia porcorum bona sunt, mala sunt reliquorum:
 Corda suillarum sunt auctio tristitiarum,
 Splen quoque splenicis est mansus saepe salubris,
 Dissuadentur edi renes nisi solius hœdi.

I Lia sive omasa, id est, pinguiora porcorum intestina cum reliquorum animalium intestinis hoc versiculo conferuntur: quantumque ad victus salubris rationem attinet, aliorum animalium intestinis natura multo cum præstantiora, tum suaviora sunt. Testis est capit. II. libr. 3. de aliment. facult. Galenus. Neque ullius etiam animalis intestinis libentius quam eorum quæ sanguine referta, vel pinguia admodum sunt, vescimur. Ejusmodi autem porci cum primis habentur. Jam vero & sanguis suillus humidus est & minus calidus, humano maxime temperie similis: siquidem & carnes suillæ humanis sunt similes. Cum itaque porcorum intestina sanguine plena sint, nec aliud animal ex brutis facilius tum saginetur, tum pinguescat, non abs re intestinis ejus libentius vescimur. De carne suilla abunde supra.

Animadversio.

HOc capite quadrupedum aliquot partium exemplo ceterarum usus & facultates explanabimus ducto à capite exordio.

Capitis integri vix assignari usus potest ob diversas distinctasque ejus partes, quibus singulis sua est constitutio, sua conformatio, suus proinde usus. Quadrupedum autem omnium quæ in usum quotidianum veniunt, capita edulia sunt, bovinum, vitulinum, suillum, aprugnum, hœdinum, agninum, leporinum, & alia ejus generis, quorum tamen partes potiores, *Lingua, Oculi, Aures, Genæ, Cerebrum, Palata* in disputationem sunt revocandæ. Generatim tamen dictum volo capita quadrupedum difficilis esse coctionis, crassi viscosique succi, multum tamen nutrientis, & sanguinis plurimum generantis. Solent autem apponi mensis integra nonnulla capita, ut vitulinum, aprugnum, hœdinum, leporinum, porcellinum, quorum præparatio repeti debet ex Magiricis.

Ceterum reperio apud priscos capita quorundam animalium mensis apposita. Plato Comicus in jo, caput *δελφινος*, id est, *Porei lactentis* nominat. Martialis libr. 14. Lemmate 211. & Juvenal. Saty. 3. arietinum commemorant. Crobilus in falso supposititio, & Ameipsias in Barba, *dimidiata capita* Porcellorum in convivio adhibita narrant, quæ ab illis dicuntur *νιμφοποιæ*, à Nevio in decurna apud Nonium *sincipita*, à Plauto in Captivis act. 4. scen. 2. *Ophthalmium* propter oculos; quam quidem partem delicatam fuisse in-

nuit ; adeo ut Plinius libr. 8. capit. 51. censoriarum legum paginis interdicta fuisse cœnis syn-
cipita verrina observarit. Aristophanes in Cico-
niis, Eubulus in Leda agnorum quoque capita
recensent, & Lucilius Satyr. libr. 4. de capite
hęc habet.

Assequitur nec opinantem in caput inilit ipsum,
Commanducatur totum, complexa comestque.

Notum est Pittaci Philosophi de *Lingua* judi-
cium. Is cum ab Ægyptiorum Rege integri ani-
malis carnes accepisset, ut meliorem deteriore-
que animalis partem eligeret, unam *linguam* di-
ctus est selegisse, ratione potius habita hominum
linguæ à qua bona malave plurima profisciscun-
tur, quam linguæ quadrupedum in rem ciba-
riam venientis. Ab illa quoque Pittaci mente
factum crediderim ut Orus Apollo Hierogly-
ph. 21. libr. 1. *linguam* vocaverit *ῥέντιον* *ῥέντιον*,
hoc est, *genicicem causamque omnium nature re-
rum*. Ejus laudes & vitia Erasmus eleganti opus-
culo decantavit, & ex nostris Medicis Protus
Casulanus quatuor libros de *lingua* quatenus est
morborum acutorum signum, superioribus annis
evulgavit : ne quid de Claudio Dureto dicam, qui
linguarum thesaurum magnæ molis & doctrinæ
opus in lucem edidit. Verum hęc omnia à nostro
instituto aliena sunt, qui linguæ usum in cibis cu-
jus beneficio cibi omnes explorantur, breviter
investigamus. Cum *linguam* observet Galenus
carne sui generis constare, quæ nec musculosa, nec
glandulosa, nec parenchymatica sit, sed laxa fun-
gosaque spongiorum ritu, humida insuper ac glu-
tinosa; alimentum accedat corpori ex ea necessum
est minimè solidum, densum aut diu persistens.

Nonnullis tamen animalibus suavissima inest, mollis, probi succi, facilis coctionis & alimenti non pœnitendi. *Bubula* quidem sale condiri, fumoque exponi solet, ut multos in annos asservetur. Sic parata cibus est divitibus gratus, primis conviviorum mensis apponi solitus ad irritandam famem & acuendam sitim. Ni supra modum salita fuerit, ejus moderatus usus nihil aut parum nocet, immoderatus vero easdem noxas profert quas salita caro. *Vuulina* & gustu & alimenti bonitate præstat: *Vervicina* omnium optima, sive ex saccharato condimento, sive ex omphacio edatur. Solet autem, vel egris ipsis atque convalescentibus præscribi quod sit ad languentem appetentiam excitandam opportuna. Observabis tamen partem linguæ quæ exeritur duriorē esse ac deterioris alimenti, ab ea proinde esse abstinendum ab illis quibus valetudo curæ est.

Oculi. *Oculi* quadrupedum ferè despiciuntur; soli commendantur *vitulini*, qui cum multa pinguedine molliq; carne obsepti sint, tenerioribusque membranis involuti, ceteras capitis partes suavitate, atque bonitate antecellunt, Aliorum animalium quia duriores sunt & sicciores, penitus improbantur.

Aures. *Aures* si solæ sumantur, quia cartilagineæ, pauci sunt nutrimenti: at si cum vicinis & circumsepientibus partibus ingerantur, salubritate & suavitate oculis non erunt inferiores. De *Vuulinis* autem solis loquor, quæ obseptæ multa pinguedine sunt, quemadmodum & *porcellina* quas mirum in modum ab exquisiti palati hominibus expeti & vorari observamus. Porci autem senioris aures minimè delicatus sunt cibus, sed

bibacibus gratus, paratus videlicet cum butyro, sale, aceto & cepis minutatim concisis, à quibus irritatur appetitus & accenditur sitis. Quisquis autem suæ salutis studiosus existit, cane pejus & angue fugere ejusmodi edulium debet.

Genarum, seu mandibularum carnes musculosæ Genæ.
quadrupedum juniorum, pinguium & carnosorum, boni sunt succi & grati saporis. Commemoratas etiam eas habemus ab Antiquis. Cratinus in Plutis de maxilla bubula pugnarum fuisse ait. Sophocles in Amyco maxillas appositas molles scribit, apud nos hodierna die *vitulina* laudantur, sunt enim & tenerrimæ & lautissimæ, & optimi succi.

Cerebrum quadrupedum nemo laudavit in cibis. Est enim Galeno teste libr. 3. de aliment. cap. 8. pituitosius, crassi succi, tarde permeantis, & ad coquendum difficilis. Plurimum stomacho nocere docet, nauseam concitare atque vomitum movere. Quam obrem monet ne postremis epulis exhibeatur, nisi iis quibus excitare vomitum à cibo volumus. Salubrius tamen effici solet præparatum cum origano, vel aliis rebus incidentibus & calefacientibus. A nobis editur cum sale & aceto. *Leporinum* cerebrum & *Porcellinum*, diviso capite torretur prunis, affusa mica panis & sale, & editur suavius quam utilius: leporino solent nutrices gengivas infantium illinere, ut facilius dentes egerminet. *Vitulini* cerebri apparatus laudat & describit Platina libr. 6. c. 30. & 31. nec non Julius Alexandrinus libr. Salub. qui tamen sedulo monet ne refrigeratum edatur, sic enim & insipidum redderetur, & majores vires nocendi fumeret: actu nimirum præter

refrigerandi potestate vim, idipsum jam frigidum scilicet in presenti ut conduplicata ita refrigerandi potentia, nocendi etiam una statim vires ingeminaret. Guillelmus de Varignana in sua practica serm. 4. tract. 2. capit. 1. unum advertit observatione dignum, omnia videlicet *cerebella* comesta omnibus venenis conferre: opinor propter visciditatem quam habent, qua obliti ventriculi parietes à venenis assumptis offendi nequeunt.

Palatum,

Palatum bovis membranosa quadam carne obductum est, quod nostra etate in delitiis habetur. Variis autem modis apparari solet, sed frequentissimè minutalibus aliisque ejuscemodi lautitiis additur.

Supradictis capitis partibus addo *Rostrum* quod Græci *ῥύχον* vocant; quo nomine, non tantum *porci* rostrum intelligendum est, ut nonnullis placuit, sed etiam *ῥυμπος*, id est, *rostrum* avium, quemadmodum probat Eustathius ex Polemone: vulgo tamen uni rostro porcino designando usurpatur, quod veteres in cibum advocaverunt. Theophilus enim in Pancratia ste inter cibos recenset *ῥύχον, κωλὸν, πίδακας τῆς ἁγῆς ὕμνος*, *rostrum, armum, pedes suillos quatuor*. Anaxilas in convivii apponenda suadet *rostra & pedes*. Axioniscus in Chalcide cum aceto assumpta *rostra* innuit, Aristophanes ambusta fuisse significat, nec multum delicata. Galenus tertio de aliment. c. 4. postponit rostrum *pedibus*, & *auribus* anteponeit, quod paulo carnosius sit: verum cum durum existat, soleatque cum cepis & aceto condiri, vitandum ejus esum censuerim. A capite venio ad pectus in quo *Cor* & *pulmo* continentur. *Cor* jam diximus ex Galeno coctum difficile esse tardeque permeate

Cor.

ob ejus substantiam duram ac fibrosam. Ali-
 mentum tamen ex eo corpori sperari potest, si
 recte conficiatur, nec paucum, nec pravam, nec
 fluxum. Suillum cormonent Salernitani augere
 mœrorem, in iis scilicet qui jam aliquo affectu
 melancholico tentantur: quod prudenter Me-
 dici observant, esum suillæ carnis febre quarta-
 na detentis prohibentes, ut & leprosis, elephan-
 ticus, lienosis, scorbuticis. Etenim si Plutar-
 cho teste 4. sympos. probl. 5. omnes ferè sues sub
 ventre lepra ac efflorescentiis referti semper sunt,
 si Columella auctore libr. 7. capit. 9. sues dul-
 cedinem pabuli consectantes supra modum sple-
 nis incremento lahorant, si præterea luto sem-
 per immundisque locis gaudent, quis credet eo-
 rum cor minimè turgere excrementis, substan-
 tiamque non contrahere crassam, & terrenam
 quæ melancholicis melancholicum succum sub-
 ministret? Hanc ob rem factum puto ut cum
 apud veteres infinitæ cupediæ ex omnibus por-
 corum partibus excogitatae sint; nihil nobis de
 eorum corde reliquerint, ut pote cum in eo
 suavitatis minimum, aut salubritatis deprehen-
 derint.

Cur
 Cor
 Suil-
 lum
 mœ-
 rorem
 exci-
 ter.

Pulmo quadrupedum frigidi & humidus est tem-
 peramenti, pituitosi succi, facilis coctionis ac
 distributionis ob raritatem ac levitatem. Le-
 vius tamen nutrit quam aliæ partes, & alvum
 stringit. Si quis assumere cogitat, eligat eorum
 animalium pulmonem, quæ temperata, aut cali-
 da, quæ pingua, quæ teneræ sunt ætatis, ut arie-
 tis, vituli, porci domestici, hœdi. Dicitur Paulo
 Aeginetæ pituitam augere, aliis ventrem insigni-
 ter inflare, tardeque descendere. Platina Pulmo-
 nem dum vivit calidæ & siccæ qualitatis esse tra-

Pul-
 mo.

dit, mortuum vero frigida & humida. Vide Per:
Hispanum ad Isaacum, & Athen. libr. 7. qui inter
cibos ab Eubulo commemoratos *pulmonem* recen-
set, velut etiam ab Aristophane lib. 3. Apri pul-
monem.

Descendo ab Abdomen in quo præter *Iecur*,
Hepar, *lienem*, *Renes*, *Testes*, *vulvam*, aliæ partes con-
tinentur; *ventriculus*, *intestina*, *ilia*, *sumen*, *ab-*
domen, de quibus ordine pauca dicemus. *Iecur*
omnium animalium crassi est succi, teste Galeno,
ad coquendum difficile tardeque permeans. Lau-
dat tamen idem auctor *suum* *Iecur* sicubus siccis
enutritum, quod ideo σικκὸν appellatur. Et certè
suillum *Iecur* cæterorum jecoribus præferendum
est velut natura sua suavissimum. Bonum enim,
robustum, commodumque exhibet alimentum.
Huic affine est *Agnorum* hædorumque hepar, fa-
cilis permeans crassique minus succi. Lasten-
tium jecinora atque saginatorum omnium præ-
stantissima. *Caprillum* nonnulli commendant ad
acuendam oculorum, aciem; licet ab aliis epilep-
ticas convulsiones afferre dicatur, non minus
quam *hircinum*. Apparatum jecinorum & pul-
monum tradidit Apicius lib. 7. capit. 10. & Plati-
na lib. 9. c. 27. *Iecur* apri laudavit Aristophanes
in Thesmophoria. Athen. l. 3. c. 24. ἐπιτυλισμένον,
id est, *obvolutum* *epiploo*, erat enim mos veteri-
bus contegendi omenta jecuscula ut frixarentur,
quæ idcirco Crobylus αἰχμώματα fortasse appella-
bat, id est, *verecunda*; licet Alexis in Catena obli-
vidum colorem sic dicta malit, est enim *suillum*
Jecusculum περιδόν χροῖμα, colore *lividum*. De to-
sto jecore, Hippocrates lib. 2. de morbis mulier. &
lib. de natura mulieb. de assio Alexis in Arthide.
Ne vero difficultates subterfugere velle videat,

adducam locum Athenæi corruptum cui medicas manus afferre conati sunt Dalechampius & Casaub. Is habetur lib. 3. cap. 17. & citatur ex Aristophane in Tagenistis his verbis: ἄλλ' αἴψιν μοι φέρεταί μοι γὰρ τῶν κατὰ τὸν. ἀλλὰ, φέρετ' ἀπόβασιν ἡπάτιον, ἢ κατείδε νέε κολλοπάπνα, id est, *Hallecis mihi sat est. Horum pinguium esu inflatus distendor, afferre jam mihi vel hepatis exiremam fibram, vel apræ juvenis tergus.* Difficultas est in illis, φέρετ' ἀπόβασιν ἡπάτιον, pro quibus legit Dalechampius ἀπόβασιν ἡπατίς, hoc est *hepatis appendicem*, quod cum non probetur Casaubono vix habet quod reponat; tandem περιδάτιον ἡπάτιον, legendum suadet, ego paucis immutatis φέρτε περιβόσιν ἐπάτιον substituo, id est, *afferre in cibum hepar.*

Lienem qui noverit qualem ad se attrahat san- Lien.
guinem, crassum videlicet, melancholicum & lutulentum, non immerito ejus esum improbabat. Non est quidem gustu omnino insuavi, sed nec exactè suavi existit, cum in eo perspicua quædam sit acerbitas, qua tamen nonnulli delectantur. Rubentes *lienes* quia sanguine minus pravo tinguntur, non ita mali sunt succi quam cum aut virent aut nigricant. Qua de causa nonnulli adolescentis *porci* lienem commendant, quia perpetuo rubet, velut & alii *lienes*, *vitulorum* *hædorum*, *agnorum* dum minimè livido colore suffunduntur: quamvis vero Galenus acerbos lienes constituat, attamen si gustentur, nihil tale sapere deprehenduntur. Certè fuere aliquo in honore apud veteres, ut patet ex Aristophane in Tagenistis, apud Athen. lib. 3. cap. 17. persuasumque eorum plurimis fuit, naturalem inesse *lieni* facultatem adversus *lienis* vitia. Quod pro-

fecto ex occulta sympathia vel characterismo potius deduxerunt, quam ex aliqua qualitate sensibili & manifesta. Cerebrum enim cerebro prodesse, pulmonem pulmoni, ventriculum ventriculo, non quia frigida, calida, attenuantes, incidentesve essent illae partes, sed quia tales opinati sunt, hoc est quia cerebrum quatenus cerebrum à natura obtinuit, ut quemadmodum alteri cerebro nomine, situ, origine, characterè affine esset, sic eidem naturali quadam & inexplicabili virtute succurreret. Idcirco memoria proditum fuit, assatum Echini majoris lienem, vel splenem vulgaris Asini cibis adjunctum, quosunque lienis tumores dissipare: scriptum quoque est splenem catuli, lactentis hœdi, caprae, vel vulpis coctum & propinatum, bubulum etiam lienem cum melle assumptum lienosis opitulari. Sed enim cum hæc medicandi ratio sit prorsus *αλοπος*, & à Galenicorum scholis explosa, minimum fidei huiusmodi medicamenti adhibendum censeo.

Renes.

Renes quos *νεφρῆς* Græci vocant, pravi sunt succi, ingrati saporis, concoctuque difficiles. Laudantur tamen hœdini, nec vitulini improbantur, cum virosi non sint, neque duri. Apud veteres video eorum fieri mentionem inter dapes delicatiores. Petronius Arbiter in satyrico describens cœnam Trimalcionis & repositorium illud rotundum duodecim habens signa cœlestia in orbe disposita, quibus singulis proprii & convenientes cibi impositi fuerant, inter alia *renes* enumerat his verbis: *Structor imposuerat*, inquit, *super Arietem*, jecur arietinum: *super Taurum*, bubale frustum: *super Geminos*, testiculos ac *renes*; *super Canerum*, coronam: *super Leonem*, ficum africanam;

super virginem, stericulam; super libram, stateram,
 & quæ sequuntur. Scio quidem veteres quos
 εὐδερμονεῖν pudebat, testiculos honesto voca- Petro-
 bulo renes vocavisse καὶ ὀρχεῖς ἡδίο, ἃς καὶ νεφρὰς nii lo-
 ἐκαλεῖν, id est, *manducarunt & testes quos renes* cus ex-
appellabant. inquit Athenæus lib. 9. cap. 8. Sed positus.
 cum Petronius *renes & testes* nominet, non possunt
 hoc loco *renes* pro testiculis sumi, sed pro visce-
 ris illius parenchymate transcolandæ urinæ di-
 cato.

Testiculos jam monuimus renes quondam ap- Testes.
 pellatos. Philippiles in renovatione Gnathenæ
 scorti gulosi voracitatem declarans ait.

Deinde post hæc omnia accessit quæ ferebat testiculos
 Multos muliercula, eosque apposuit:
 Virorum autem internecio tum ridens Gnathæna,
 Speciosi sunt, inquit, renes hi, per charam
 Cererem, arreptosque duos devoravit.
 Ut præ risu convivæ supini caderent.

Alii vero *testiculos* maluerunt vocare *ἰσχυράς*, ut
 testis est Athenæus libro nono, quos Plautus *Po-*
limenta nominavit recensuitque inter scitamen-
 ta. Locus est in Menech. act. 1. scen. 3.

Iube igitur nobis tribus apud te prandiū accurarier;
 Atque aliquid scitamentorum de foro obsonarier;
 Glaudionieam, suillam, lardum, Peronidem, aut
 Syncipur, aut polimenta porcina, aut aliquid ad eum
 modum.

Porro *testiculi* cibus sunt omnino vituperandus,
 cum virosum quid sapiant, maximè in animalibus
 coitum expertis: duri quoque sunt & difficiles
 coctu nisi sint parvorum animalium, & juniorum;
 proinde Agnini prorsus non improbantur, quàm
 latis perbelle nutriant. Galenus *suillos* præfert;
 tantò enim hujuscemodi testes aliorum animalium

testibus sunt censendi meliores, quanto suum caro aliis præstantior habetu. Eos idcirco commendavit Ebulus in Leda apud Athen. libro septimo & extremo.

Vulva,

Vulva quam Græci *μητρικὴ* vocant, edulium suavissimum, *ἡδιστὸν κρέας*, veteribus fuit ex Antiphane in Philometore: adeo ut dicta sit *μητρικὴ πόλις καὶ μήτηρ τῆς Ἱπποκράτους οἰῶν*, id est, metropolis & mater filiorum Hippocratis; non magni illius & Medici, sed Lurconis cujusdam Atheniensis, quibus verbis liberi illi porci appellantur, porca nati, ut videre est apud Casaubonum in capite decimo septimo, lib. 3. Athenæ. *Vulvam* præterea veteres *folliculum*, appellabant, Plinius *locos & uterum*, Lucilius *bulgam*. Epicharmus apud Athenæ. *Δελφίας*, unde peti potest, *τῶν ἀδελφῶν*, fratrum nomen clatura & interpretatio. Priusquam vero *vulva* ganeam exponam, sciendum est apud scitos convivatores duo *vulvarum* extitisse genera, quarum una *ἐκτόμις*, *Porcaria*, ac *virginea*, alia *ἐκβολὰς*, *ejectitia*, & *prægnans* fuit, quas eleganter distinxit Martial. in Xeniiis.

Te fortasse magis capiet de virgine porca,
Me materna gravi de sue vulva capit.

Plinius lib. II. cap. 37. paulo subtilius vulvarum bonitatem executus est his verbis: *Vulva*, inquit, *ejecto partu melior quam edito*. *Ejectitio* vocatur illa, hac *porcaria*; *primipara* suis optima, contra *effæta*. *A partu præterquam eodem die suis occisa*, livida ac *macra*. Nec *novellarum suum præterquam primipararum probatur*, potiusque *veterum*, dum ne *effætarum*, nec *bidno ante partum*, aut *post partum*, aut *quo ejecerint die*: *proxima ejectitia est occisa uno die post partum*. Hactenus Plinius, ex quo infanientis & profundæ gulæ lasciviam advertere potes, quam frustra

cenforiarum legum paginae coercere conatae sunt, interdicientes cœnis vulvas. Neque Romani solum, sed Græci ipsi hoc cibo delectati sunt Hipparchus auctor Ægyptiacæ Iliadis *pulchra facie vulva ejectiua* delectabatur.

Ἐν λοιπὸν μ' εὐραίνῃ μήτρης καλὰ πρὸς ὅσα ἐκβο-
λάδος.

In lancibus, inquit, *me delectat vulva pulchra facies ejectiua*. Sopater in Hyppolito nescio quot honoris illi vocabula tribuit; καλλικρῆν, ἐκβοκλάδος, διέοδης, λελκαντέλης. Alexis in Pontico Callimedontem oratorem comico sale perstringens, pro *vulva* eum alacriter mori velle ait.

Ἦν' πάρας ὡρ' πᾶς τις ἀποδνήσκων δέλοι

Ἦν' ὃ μήτρης Καλλιμέδων ὁ Κέρβεος

ὁφθῆς, ἴσως πρὸς ἑτ' αὐ' ὁ πᾶς ἀπο θανείν.

Pro patria, inquit, *omnes parati sunt mori*, pro matrice seu *vulva cocta* Callimedo Carabus etiam mortem oppetere fortasse sustineat. Denique omnes Comici Græci Euphron. in *Tradita*, Dioxippus in *Antipornoboseo*, Amphicles in *Historiographo*, Eubulus in *Dencalione*; Nicostratus in *Expulso*, & plures alii *vulvæ* meminerunt passim apud Athenæum in libris deipnos. Ex Latinis autem Poëtis Juvenalis Satyr. II. *vulvam* nominat.

Qui meminit calidæ sapiat quid *vulva* popinæ.

Horatius quoque lib. I. epist. 15.

Quicquid erat nactus prædæ majoris, ubi omne
Verterat in fumum & cinerem, non Hercule, miror,
Aiebat, si qui comedunt bona, cum sit obæso
Nil melius turdo, nil *vulva* pulchrius ampla.

Quin etiam Aëlius Lampridius in Heliogabalo exhibita narrat *aprugna per decem dies tricena quotidie cum suis vulvis*. Porro elixabatur ejuscemodi

edulium & cymino, aceto acri & silphio condiebatur. Id me docuit Archestratus comicus.

Γαστέρα καὶ μήτραν ἑρδίων ὑπὸς ἐντε κυμίνω,
ἐν τ' ὄξει δριμύνειν, καὶ σιλφίῳ ἐμβιβάζειν.

id est, suis ventrem, & elixam vulvam cum cymino, cum aceto acri & silphio accedentem. Pelle etiam detracta apponi consuevisse, scribit Martial. epig. 19. lib. 7. Sed & Apicius lib. 7. cap. 1. tostam fuisse narrat, aliasque apparandi rationes enumerat nonnullasque præterea profert apud Athenæum lib. 3. Sopater comicus. Si quis autem quærat quale à vulva nutrimentum corpori nostro accedat, uno verbo cum Galeno lib. 3. de alim. cap. 13. respondebo, quadrupedum ventriculum, uterum seu vulvam & intestina duriora esse carnibus, ob idque etiamsi ritè conficiantur, succum tamen generare non plane sanguineum, neque inculpatum, sed frigidiorum ac crudiorum, proinde multum temporis requirere, priusquam satis confici & in probum sanguinem mutari queant. Non claudam hunc articulum, priusquam quæsierim quid per imbricem porci Martialis epig. 37. lib. 2. intellexerit. Ejus hæc sunt verba.

Quicquid ponitur, hinc & inde verris
Mammæ lumbinis, imbricemque porci.

Martialis
explicatus &
correctus.

Thomas Dampsterus partem eam interpretatur qua urina emittitur, non minus quam per imbricem seu tegulam aqua pluvia defluit: sed cum pars ea una cum vesica mortuo porco extraheretur, cumque in delitiis non esset, ea minimè intelligenda venit: Domitius Calderinus lumbum putat, Ramisius vertebram demptis costis, Scrive-

rius auriculam plane imbricem referentem, ego *vulvam* crediderim, locoque porci, *porca* substituendum esse, quod sumina & vulvæ non sint porcorum sed porcarum, *vulvam* autem vocat *imbricem*, quia supposita vesicæ ad instar imbricis incurva fit & excavata.

Sequuntur modo *intranea*, & quicquid *intestino-*
rum nomine significatur, quibus vendendis locus olim in urbibus dicatus erat, qui *μαγειρεῖον, καὶ ἀλλαντοπωλεῖον*, ab Alexandrinis *ἐφ' ἀπάλιον*, quod cocta ejusmodi edulia illic venirent, vocabatur, nobis dicitur *la Tripperie*. Ex his primus est venter, *γάστρον καὶ κοιλία*, dictus, qui Homeri temporibus edi solebat. Sic ille ὁ δὲ οὖτος. Venter.

Γασέρες αἱ δ' αἰγῶν κίεατ' ἐν πυρὶ, τὰς δ' ἐπὶ δόρπῳ
κατέμεθα, κνίσσης τὲ καὶ αἵματος ἀμπήσαντες.

id est, *ventres hi caprarum jacent in igne, hos autem in cæna deponamus pinguedine & sanguine impletos*: An autem hoc loco *γασέρων* nomine intelligenda sint *κοιλίαι*, an vero secundum Dydimum & Eustathium *φύσκαι*, an denique ex Demosthene Bythino *ἡνυστρον*, dubitari potest. Si enim ut vult Casaubonus *γασέρες*, hoc loco sunt botuli, *φύσκαι*, potius erunt quam *κοιλίαι*, cum botuli fiant ex crassioribus intestinis quas Græci *φύσκας* vocant. Ego certè *γασέρες* existimo hic & *κοιλίας* & *ἡνυστρον* significare, cum hæc omnia sint synonyma ventriculoque designando accommodata: Nonnihil tamen inter ea discriminis est, cum *κοιλία* unam ventriculi speciem, *ἡνυστρον* aliam speciem significet. Docet quippe Aristoteles libro tertio de partib. animalium capite quarto, animalia cornigera ruminantia, & altera parte dentata, quatuor ciborum receptacula habere; *κοιλίαν* scilicet *κρείως* dictam.

Homeri locus
expositus.

κεκρύφαλον, ἐχίνον, καὶ ἡνυσρον, quod ipsum repetit l. 2.
 de hist. animal. cap. 17. primam civitatem vocans
 κοιλιαν μετὰλλω. Quidam apud nos ἐχίνον vocant *le*
mire-feuillet, Plinius *cemipellionem*; *ῥινοσθεν* vero *le*
mullachon; κεκρύφαλον autem *la coiffe*; μετὰλλω de-
 nique κοιλιαν, *le gras double*. Scio Scholiastem Ni-
 candri ad Theriaca tres tantum cavitates consti-
 tuere, & alio ordine recensere, primam enim vo-
 cat, (quam ultimam ponit Aristor.) ἡνυσρον, alte-
 ram ἐχίνον, tertiam κεκρύφαλον, sed de ea difficul-
 tate alibi. Quod ad rem facit, illud est vocabulum
 ἡνυσρον, quod cum certum ventriculum denotet, sy-
 nonimum esse videtur, τῆς κοιτίας, καὶ τῆς γαστέρας, de
 quo loquitur Homerus, quemque certum est san-
 guine & pinguedine fuisse refertum ad esum, quod
 edulii genus etiam hodierna die à nostris Omasa-
 riis parari vocarique *Gnoguas* animadverto. Et
 certè à priscis legas frequenter modo γαστέρας,
 modo κοιτίας, modo ἐχίνους, modo ἡνυστρα, pro uno
 eodemque edulio ex ventriculo parato nominari.
 γαστέρων, meminit Aristophanes in nubibus act. 1.
 scen. 4. κοιτιῶν, idem in Equitibus apud Athenēi
 l. 3. c. 14. ἐχίνων. Adrianus Junius in Nomenclat.
 ἡνυσρων, idem Aristophanes loco citato & Dioxip-
 pus in Antipornobosco; ut de hac veritate nemini
 sit dubitandum. Ventres autem leporum, suum,
 boum, caprarum in usu prisco fuisse non est quod
 pluribus ostendam, nec quale alimentum sugge-
 rant exponam, cum supra sit dictum.

Ventriculum excipiunt *intestina*, quæ duorum
 sunt generum: tenuia seu gracilia, & crassa seu pin-
 guia. *Intestinorum* meminit Anaxandrides in Sa-
 tyro ipsaque vocat αἰχμάνδρα, unde nomen αἰχμάντι-
 λεία: meminit quoque Artemidorus Aristopha-
 nienſis in condimentariis, sed ipsa vocat ἐντερον. *In-*
testina

testina autem gracilia & tenuia, Græci appellant
 χορδᾶς, Latini *lactes*. χορδᾶς fit mentio apud Athe-
 næum ex Eubulo in Læda lib. 7. extremo, ex Epi-
 charmo, ex Antiphane in nuptiis lib. 3. cap. 15.
 Quod autem χορδᾶς *gracilia intestina* significant,
 Cratinus in Pythine cum de homine gracilli lo-
 quitur, ait eum adeo tenuem esse λεπτόν, quam
 est lacteum frustum τῆς χορδῆς τῆμος. Neque ve-
 ro *intestina* tenuia solummodo vocarunt Græci
 χορδᾶς, sed etiam χορδαῖα, teste Alexi in fugi-
 tivis, χόλιος auctore Eubulo in Leda & Dioxippo
 in Antipornobosco, ac denique non assertore
 Antiphane in Philotide, & Eubulo in Deucalio-
 ne. Plinius vero auctor est lib. 11. cap. 37. partes à
 vētriculo *lactes* in homine & ove per quas labitur
 chylus; in cæteris vero *lle* vocari à quibus ca-
 paciora intestina dependent. *Lactes* tamen Plau-
 tus de gracilioribus intestinis animalium præter
 hominem & ovem etiam dixit. Persius pro inte-
 stinis pinguibus sumsit; Theodorus Gaza pro
mesenterio, minus recte, nisi μεσεντεριον exponamus
 cum Hesychio pro *ventre* aut *intestinis tenuibus*,
 quo sensu mesenterium idem erit cum lactibus.
 Epicharmus apud Athenæum χορδᾶς appellat ῥόπας
 quod nomen uni ex suis fabulis fecit, Latini
 ἀπὸ ῥόπων finxere *hiram*, & ab *hira* *hillam*,
 seu *hilam*, quæ ut Festus Pompeius auctor, *farcim-*
en est aut *intestinum minimum*. Varro lib. 4. de
 ling. lat. *hilam* ab *hilo*, id est, *minimo* dictam ar-
 guit, & significare quod in farcimine tenuissi-
 mum intestinum fartum. Porro intestina gracilia
 esu suavissima fuisse testatur Epicharmus in Me-
 garide qui χορδᾶς appellat suaves ac lautas; nec
 non Aristophanes in Proagone, qui negat ambu-
 stum rostrum porci aspicere posse post *lactes* de-

gustatas. Axionicus quoque in Chalcide lactes inter scitissima atque lautissima recenset, sed & Horatius hillas commendat ad appetitum excitandum libro secundo. Satyr. 4.

Toftis marcentem squillis recreabis, & afra
Potorem cochlea; nam lactuca innatat acri
Post vinum stomacho: perna magis ac magis hillis
Flagitat in morfus refici.

Error
inter-
pretum
Athen.

Ut gracilia, sic crassa intestina fuere in delitiis. Ea concupabant *φύσας*, amplissima nimirum intestina è quibus fartis fiunt Lucanicæ: ejus edulii frequens apud Athenæum mentio, sed minimè ferendi Athenæi interpretes, qui *φύσας* in omenta vertunt, cum omentum sit operimentum intestinorum quod vocamus *ἐπιπλουν*. Invenio apud Varronem loco citato *Murtatum* à myrto dici, quod eo large fartum intestinum crassum. Cæterum ex tenuioribus intestinis fiunt *Botelli* nostri & tomacula quæ vocamus *Boudins* & *Saulcisses*, ex crassioribus vero farcimina crassiora, quæ vocamus *Cervelats* & *Andouilles*, quibus omnibus abstinebit qui suæ valetudini consultum volet.

Mesen-
terium.

Alligata sunt intestina Mesenterio, quod Græci *μεσεντέριον* & *μωσεντέριον* vocant; corpus nimirum membranosum intestina colligans venis, arteriis innumeris, adipe copioso & adenibus intextum. Cujus meminisse videtur Antiphanes in nuptiis apud Athenæum libro tertio capite decimo quinto, cujus verba emendare conabor. Sic vulgo legitur.

Casau-
bonus
repre-
hensus.

Ἐκτεμὼν χορδῆς μέσσιον
Ποδὸν δὲ καὶ ὠπῶν, ἐπὶ δὲ ῥύγχες.
Casaubonus corruptum locum advertens legendum suadet *μέσσιον*, vel *μεσάπιον*, sed quæro

VALETUDINE.

755

quod *μίστον* tenuium intestinorum, quæve lauitia in illa parte? Secundo ut *μεσσίππον* τῆς χροῦς admittam, peto quod sit medium pedum, medium aurium, medium rostri, vel quis veterum Comitorum ita locutus est unquam? Sic ergo lego:

Εἰ τῶν χροῦς μεσσίππος

Ποδῶν δὲ καὶ ὀτίον ἐπὶ ῥύγχος.

Athenæus
correc-
tus.

id est, ex amputatione seu sectione lactium, mesenterii, pedum quoque & aurium ac insuper rostri. Apud nos magno est in usu mesenterium vituli lactentis & obesi, quod vocamus *crispulum*, *le phraisin*, edi solitum suavissime cum tantillo a ceti, glandes enim & modica pinguedo, quibus differtum est nescio quid suavitatis afferunt, sed alimentum suppeditant, nec multum nec eximium.

Succedunt *ilia*, quæ eadem non sunt ac *Ile*: hoc enim tenue est intestinum, ut ex Plinio deduximus; *Ilia* vero plurali numero, ut explicat Hermol. Barbarus pro ea parte habentur, quam Græci ab inanitate, *κενῶνα* & quod flaccida sit, etiam *καρῶνα* vocant. Sed quod in illis partibus intestinum Ileum situm sit arque collocatum, idcirco factum est ut continens pro contento usurpatum sit ab iis qui de victus ratione egerunt. Sic Xenophon in venatorio *καρῶνας ὑγῆας* dixit pro *Ileo intestino*, pingui & humenti, apud Athen. 9. deipnos.

Ilia:

Occurrunt deinceps multa vocabula quæ uberibus denominandis accommodata videntur, *ἔρθῃ*, *ὑπογάστριον*, *καίτερον*, *sumen*, *mamma*, *specule* seu *specile*, *uber*, *abdomen*; de quibus omnibus nonnullas auctoritates proferam, ut quanto in luxu olim ea pars fuerit, omnea audiant. Quamvis Athenæus observet lib. 9. deipnos. *ἔρθῃ* de mulierum mammis propriè dici, attamen He-

Māmæ.

rodotus in Melpomene eo vocabulo usus est ad
mamas equorum significandas, Aristoteles
ipse lib. 3. de hist. animal. capite penultimo ἔθαρ
ad mammas ovium, caprarum, vaccarum, alia-
rumque quadrupedum traduxit, μαστὸς vero ad
mamas mulierum. *μαστῶν* quoque & *κατακταῖον*,
id est, *pars ab umbilico ad pubem usque descen-*
dens, eodem Athenæo assertore fere de pisci-
bus tantum in usu est, quemadmodum probat
ex auctoritate Strattis in Atalanta, & Theo-
pompi in *καλλαισχίῳ*. Nihilominus *ἡτερίαια* de
porcello dixit Aristophanes in Tagenistis & in
Thesmophoriazulis, necnon Lucianus in Lexi-
phane. Antidotus similiter in Querula, *μαστῶν*,
non ad videtur ad pisces, sed ad quodvis ἔθαρ
designandum traduxisse. Teleclides, inquit Athe-
næus libro decimo quarto capite vigesimo pri-
mo, meminit ἔθαρτος, quod Antidotus vocavit
μαστῶν. Ipsemet Athenæus libro nono ca-
pite quinto epigastrium de porcis dixit, ubi ex-
ponit modum coquus quo se usum jactitat ad
farcendum porcellum media parte assatum, al-
tera media elixum. De *sumine* nemo non loquitur.
Lucilius Satyr. lib. 4. Plinius lib. 11. cap. 37.
Petronius in cæna Trimalcionis, Plautus in
Pseudolo, Curculione, Captivis, Persius Sa-
tyra 1. Apicius lib. 9. cap. 12. Martialis, cu-
jus unius verba adducam ex epig. 44. lib. 13.

Esse putes nudum fumen, sic ubere largo

Effluit, & vivo lacte papilla tumer.

Tanti certe *sumina* veteres faciebant, ut inter
lautiora computarent, Plautus in Pseudolo, act. 1.
scen. 2.

Nam mihi hodie natalis dies est; docet cum omnes
celebrare.

Pernam, callum, glandium, fumen facito, in aqua
jaceant, satis audin?

Magnifice enim volo summos viros accipere.

Mammas suminis nominavit Martialis epig.
37. lib. 2. *Abdomen* porcæ Juvenalis Satyr. 2.
expressit, quamvis nonnulli id velint esse in ma-
ribus *Abdomen*, quod in fœmellis *sumen*. Plau-
tus in Milite *abdomen* pro pudendis & *testibus*
sumpsit.

Quin jam dudum gestio mœcho huic abdomen adi-
mere,

Vt faciam quasi puero in collo. pendeant cre-
pundia.

Sed idem esse *abdomen* cum *sumine* convincit lo-
cus Plinii lib. 8. cap. 51. qui sic habet. *Hinc censo-*
riarum legum pagina, interdictaque cœnis abdomina,
glandia, testiculi, vulva, syncipita verrina, ut tamen
Publii mimorum Poëta cœna, postquam servitutem
exuerat nulla memoretur sine abdomine, etiam voca-
bulo suminis ab eo imposito.

Expositis partibus quadrupedum quæ in cap.
thorace, & abdomine continentur, supersunt ex-
trema quas Græci ἀκροκάλια vocant, Hefychius κα-
λῶας. Sunt vero proprie ἀκροκάλια in macellis &
culinis extremi pedes macctatarum victimarum,
quos Galenus appellat ἀκρεῖα μύεα, Cælius Aure-
lianus membrorum summitates, quamvis alibi crura
porcina dicat à Græcis ἀκροκάλια vocari. Plura de
hac dictione lege apud Casaubonum cap. 32. lib.
2. & cap. 1. lib. 9. in Athenœum; Pedes ergo qua-
drupedum Aristoteles & Heraclides Tarentinus
ponunt inter cibos μυζώδεις habentesque aliquid
ὀλισμον καὶ γλίχρον, Mnesitheus Atheniensis capi-
na & pedes ἑ πόλι το ἔσφιμον καὶ λιπάρον habere

scripsit, Antiphanes in Corinthiacis eos ait *veneris esse victimam*, Anthippus Comicus in abdito *eosdem philosophorum esse edulium* prodidit; ideo ὅτι ἀδύνατον τὸ ζῶον εἶς ὑποβῆλαι εἶναι, quod philosophi, genus sit animalis perquam edax. Commendantur nostris temporibus pedes porcini, vitulini & ovilli: porcini pedes meliores rostro, sed parari non debent cum multo pipere, neque cum multa cepa, licet enim hæc eorum crassitiem edomant, stomacho tamen inimica sunt & jecori noxia. Vitulini & ovilli pedes, cum viscerum sint, spumosi ac multo mucore referti crassæque substantiæ ac duræ concoctionis, crebro suo usu calculum generant, vrinariosque meatus obstruunt.

Glandium.

Præter partes jam explicatas video quoque à veteribus commendata *glandia* & *collum*. *Glandie* sunt partes glandulosæ quocunque loco natæ circa collum, inguina, mesenterium: proprie tamen *glandium* sumitur pro glandoso corpore, molli, spongioso & albo quod *thymum* vocant, quodque in summa thoracis parte juxta jugulum sterni subjicitur, velut pulvinar ad vasorum ascendentium distributionem. Ejus esum commendat Plautus in Pseudolo & Curculione, vocatque *glandionicam* in Mœnech. act. 1. scen. 3. Martialis appellat *glandulas* epig. 81. lib. 5. & 19. 7. Plinius recenset inter ea quæ Censoriæ leges prohibuerunt. Hodie suavissimum est *glandium* vitulinum, quod dicimus *la fagone*, vel ἀπὸ τοῦ φαγῶν, vel quod œsophago proxime incumbat.

Callus vel *Callum* caro erat pinguior suilla durata, & mirum in modum densata, ut videretur callum à natura obduxisse. Fuit inter lautitias viterum à Plinio, Plauto, Nævio laudata sed quia

dura, difficulter concoqui; quia sicca, parum alimentum ministrare potest. Scio alias partes in usu fuisse, & etiamnum hodie esse, sed ad vivum omnia refecare, hominis est potius curiosi quam docti, quare ad alia commigro.

De partibus piscium.

APPENDIX PRIMA.

CUM Salernitani de piscium partibus nihil monuerint, operæ nobis pretium visum est ad complementum hujus doctrinæ nonnihil etiam de illis quemadmodum de partibus avium, atque quadrupedum, annotare, quæve earum apud veteres & apud nos hodierna die maxime commendata sint, breviter perstringere.

Caput piscium in quibusdam edule est, in aliis præ macie atque siccitate minime edule. Olim in honore fuisse video *caput Glaucisci* piscis: nam Plato Comicus in Impostore quorundam philosophorum ingluviem perstringens, scribit si assus glauciscus apponatur, scire eos quis primum attingendus sit locus, caputque mox impetere. Laudat Eubulus in Cambylione glaucum marinum *εὐφρέστερον λάβειν* generosam faciem ferentem: Anaxandrides in Nereo vocat *Glauci* ora execta grandia: *πολυτάλη* magni pretii: Amphis in septem ad Thebas *Glauci* secamenta & capitis carnosas partes nominat: *Congri* quoque caput in Cyclope extollit Antiphanes; Arcestratus in *Gastronomia* & Archedicus in thesauro; Arcestratus *Opfodædalus hyana*: Nostri hodie *Sal-*

monis, umbrina, carpionis. Jovius narrat tantum caput *sciæna* sive *umbra* fieri, ut Triumviris rei Romanæ conservatoribus dono detur, qua de Iepidam affert histotiam quam apud eum lege. Siluri quoque caput sunt qui comedant. Certe caput *Mulli* apud Galenum à gulosis laudatur, adeout non emeretur nisi propter caput & jecur. Aristophanes in Lemniis, ut citat ejus Scholiast. in equitibus *cranium Lupi* piscis nominat ceu rem lautissimam, sicut & *Glaucorum*, inquit, cērebrum est. Nec minori in gloria fuit *Thynni* caput ex *Alexi*, velut etiam *torpedinis*, cujus partes circa caput teneræ sunt, stomacho gratæ & concoctu faciles ex *Diphilo*.

Lingua

Quis vero crederet nonnullorum piscium linguam expeti? Scimus tamen *delphini linguam* teneram & pinguem in delitiis esse, ac etiam ipsi hepatis alias delicatissimo preferri. Imo caput *Cyprini* non alia de causa expeditur, quam propter linguam. Eam prædulcem evadere præsertim si asseretur, *Albertus* annotavit, venerem vero exstimulare prodidit *Jovius*. Quod tamen non de lingua, sed de palato audiendum est, quod vulgo pro lingua esse creditur. *Aquaticum* generi, inquit *Arist.* lib. 4. de hist. animal. cap. 8. data quidem est lingua, sed imperfecta incertaque, ossea enim nec absoluta, sed palatum nonnullis carnosum pro lingua est, veluti inter fluviales *Cyprino*, itaut nisi diligenter inspexeris, lingua id esse videatur.

Oculi.

Parum est linguas piscium edi, nisi in eorum oculos atque barbam gula invaderet, *Eustathius* oculos *glauco* præcipue commendari observat, *Salmonis* oculos teneros & adiposos ut rem scitissimam de-

licati vorant. Lampridius in Heliogabalo narrat velut rem stupendam, eum Imperatorem plenis fabatariis & discis exhibuisse *barbas mullorum* pro Nasturtiis, apiastris, & fœnugræco. Juvenalis ipse Satyr. 6. eas barbas quas *bubas* vocat, visus est velut rem delicatam nominare.

Barbæ.

————— Tollere dulcem

Cogitat hæredem, cariturus turture magno,
Mullorumque bubis, & captatore macello.

Plinius autor est Thynnos *cervice* atque *clidio* Clidiũ. gratos esse. Est autem *clidium* ea pars, quæ pectus à cervice determinat, quæque à Latinis *julgum* appellatur. Partes vero illæ duæ salitæ, *clidium* & *cervix*, *omotarichum* dictæ sunt, quemadmodum testatur Xenocrates & nomen ipsum indicat, *ὀμοτῆρ ὀμῶς*, id est, *ab humeris* impositum: ori gratum esse, egreque vitari idem Xenocrates prodidit apud Oribasium collectan. libro secundo capite quinquagesimo octavo, qui *abdomen* Thynni salitum *θύμνον*, sive *θύμνον* vocat, ceteras vero partes *τείλα*. Adquam rem observabis ex Hermolao, Græcos tribus nunc nominibus sale conditos pisces distinguere, dorsi enim portionem appellant *rachin*, Platina *spinale*, quod ex dorso & spina fiat; costas vero & latera *pleuram*; alvum denique cum pube, *hypocolium*.

Hepar quamplurimis piscibus laudatissimum Hepar. existit. Est & maximum *Asellis*, & delicatissimum & ceterorum piscium jecinoribus anteponendum. Albertus tradit *Siluris* hepar adeo dulce esse, ut nisi felle temperetur nauseam sit pariturum, *Barbota* Gallorum hepar magnum habet ac delicatum; *Mustellarum* fluviatilium jecinoribus tanta saporis gratia inest, ut apud *Tubingos* olim

Comitis cuiusdā Bichlingorum matronam omnes dicant principatus sui reditus in eorum delitiis consumpsisse. Mathiolus jecur *gobionum* fluviatilium maximam cum palato iniregratiam scripsit: Hepar lupi assum & mali aurantii succo conditum delicatissimum esse tradidit Rondeletius, adeout neque Galli Gallinacei, neque anseris hepati ullo modo cedat. Hinc Dalechampius scelestissimum illum Ægyptium piscium institorem Hermem *Inpos* exenteratos vendidisse conjicit, ut scilicet hepar seorsum venderet suavissimum. Hepati *torpedinis* ullam teneritudinem præferri negat Plinius lib. 9. c. 42.

Laterra, viscera, ventrem, lactes abdomen intestina, Ilia, Lumbos, caudam, ova, piscium *cutem* laudari quis non audivit? *Latus* Accipenferis facetissimus Comicus extulit, Murenæ Martialis libr. 2. epigram. 37. Nihil in Scaro lautum delicatumque agnovit idem Martialis in distichis præter viscera.

Hic scarus aquoreis qui venit obesus ab undis
Visceribus bonus est, cætera vile sapit.
Idcirco vulgo circumfertur insipidum esse *Scarum*, nisi cum suis edatur fœcibus, ex quo factum est, ut Archestratus integrum non exenteratum parari præciperet apud Athen. l. 7. Cardanus *viscera* Delphini non solum sapore, sed & odore quasi violæ delectare auctor est. *Venter* hufonis non sine gloria est, cum sapore carnem porcinam, velut & dorso vitulinam præ se ferat, ex Alberto Magno. Falconius Hetruscus referente Jovio plebeius ganeo, sed eruditioris gulæ, cum in Hispania cetariis præesset, novum & sapidissimum obsonii genus è Thynnorum *ventre* commentus est: circumciso abdomine umbilicos enucleando & sale acetoque

& fœniculo inclusos cadulis condiendo ; ita ut
 mox id cibarii genus plerique appeterent , ac pro-
 pter jucunditatem mirarentur , quem modo ut
 inutilem ex officinis e verrere consuevissent. *Lacti-* **Lactes.**
bus lupi quamquam delicatissimis , tamen Helio-
 gabalus in locis mediterraneis rusticos pavit teste
 Lampridio , negavit Hufonis *lactibus* quicquam
 in cibo , aut dulcius , aut delicatius reperiri. Mu-
 renarum *lactes* minime despiciendæ , iis licet **Abdo-**
 abuteretur Heliogabalus. Plinius *abdomine* Thyn- **men.**
 num celebrari prodidit , ipsumque salitum vo-
 cari *θυμναίον* supra dictum est. Eam partem cæ-
 teris partibus pinguiorem , saporeque meliorem
 Hicesius protulit. Eriphus in Molibea ob pre-
 tium negat *Inopes posse emere Thymni totum ven-*
trem , lupi caput , congrive , aut sepias , qua ne
deos quidem valde despiciere censet. Hicesius præ-
 terea *Abdomina* Orcynorum quod pingua sint
 multo cæteris partibus suaviora narrat , clidiis
 tamen inferiora. Vide quo etiam gula irruerit,
intestina fœcibus excipiendis dicata probantur in **Intesti-**
 Salmone , in Afello , in Congro. *Ilia* Rhumborum **na.**
 Horatius prædicavit lib. 2. serm. 8. **Ilia.**

Nos inquam cœnamus aves , conchylia , pisces
 Longe dissimilem noto celantia succum ;
 Ut vel continuo patuit , cum Passeris atque
 Ingustata mihi porrexit Ilia Rhombi

Lumborum Sphyrenæ , seu Sudi meminit Anti- **Lumbi.**
 phanes ; eosque cum aliis laudatissimis obsoniis **Cauda.**
 commemorat. Ophrum teneriori esse circa *cau-*
dam carne Athenæus libr. 8. docet , quod reliquis
 piscibus commune esse videtur ob motum conti-
 nuum *cauda* à quo excrementitiæ partes dissipantur.
 Thynni *caput* Alexis laudat , sed *caudam* Anti-
 phanes. Vulgari proverbio fertur *Cyprini caput* ,

Scardulæ partem mediam, Lucii caudam à cupe-
diarum peritis exposci. Denique etiam cui sua
gloria, nam pellis Tincæ à nostris mulieribus in de-
litiis habetur, & carni longe præfertur. Quid
Semen. plura? semen ipsum piscium non illaudatum re-
mansit. Hagemon enim in Philinna quosdam in-
ducit γόνον, id est, semen ac genituram piscium fri-
xam comedentes.

Μάλα ταχέος αὐτῶν πείω πολυπύον

Καὶ δὸς καταπαγεῖν κ' ἐπὶ τηγάνῳ γόνον.

Tu, inquit, quamprimum Polypum eme, & da
manducandum, vel è sartagine piscium semen. Tu
fortasse, nec immerito, quæres quid per γόνον
poëta intellexerit? an illud quod vulgo vocatur
sperma ceti, halosanthos veteribus? an nostram Am-
bram Grizæam & odoratam quam nonnulli Azeli
piscis, vel Balenæ genituram esse volunt, quam-
que hodierna die in delitiis habent propter odoris
fragrantiam condimentis suis admiscentes novo
& periculoso luxu, cum exinde spiritus inflam-
mari, capita dolore tentari, febres accendi, vene-
ris stimulos irritari contingat? minime gentium.
Ova. γόνος hoc loco ova piscium significat, quorum
nonnulla in pretio & honore fuere. ὧα enim
ταίχια, hoc est salita, καὶ μετὰ ἄλων σβεδύντα, cum
sale reposita, deinde assatâ ori suavia tradit Athe-
næus libro tertio c. 33. quamvis ægre coqui asserat.
Percatum ova craticula tosta placent, etiam de-
licatis & eruditis palatis. Elixantur frigunturve
suavissime Cyprina: condiuntur lautissime Salmo-
nea; laudantur lupi ova, squali, Gobii, Hufonis,
mugilum, quorum præparandi rationem tradit
Platina libr. 10. capit. 62. Rondeletius vero te-
statur à suis piscatoribus Mugilum ὧα ταίχια
conservari, & à bibacibus magno emi, quia de-

jectam appetentiam excitant, sitim proritant, vinnique gustum jucundiores reddunt. Culinæ nostræ gammaros fluviatiles *ovis* refertos magnificant in mensis. Damnantur vero *ova* Barborum quæ tormina intolerabilia concitant, & quandoque vomitiones, alvique dejectiones copiosas movent. Luciorum *ova* eduntur quidem, sed flatibus ventrem distendunt; æque prava sunt Asellorum fluviatilium *ova* atque Barborum, eadem enim symptomata excitant.

De Electione Animalium eorundemque partium.

ALTERA APPENDIX.

QUoniam superiori Corollario partes piscium recensuimus quæ meliores præstantioresque vulgo existimantur; non abs re erit hac Appendice, de avium quadrupedumque partibus, ut melioribus sic lantioribus pertractare, quoque tempore, atque ætate, tum aves, tum quadrupedes edendæ sunt, ut præstantiores habeantur, breviter commonere. Sua enim cuilibet rei est ætas temporisque opportunitas, extra quam si suscipiatur, deponit gratiam & commendationem amittit. Exordiemur autem ab avibus Alphabetico ordine servato, mox ad cætera animalia perrecturi.

Alauda optima censeretur debet mense Octobri *Alauda* & Novembri, imo tota hyeme, secundumque omnes suas partes lauta existit *felle* dempro.

Anas hyeme præsertim probatur, sit vero unius anni, ex eaque edantur *pulpa pectoris*, je- *Anas.*

cur & posteriora: ex sylvestri vero anate *ala* laudantur, à Septembri usque ad Januarium mensem.

Anatinus pullus. *Anatinus* pullus domesticus sex octove septimanarum commendatur, sylvestris vero trium mensium, idque toto ætatis tempore: seligantur autem partes *posteriores* ac *pectorales*.

Anser. *Anser* annum non excedat, hyeme edatur, *pectore*, *pecinore*, & *posterioribus* probanda. Ejus pullus vere & ætate melior; uno aut altero non major mense.

Anser sylvestris laudatur mense Octobri, & reliqua hyeme.

Boscas. *Boscas* quam *Sarcellam* vocamus, *posteriores* & *pectoralia* probantur hyeme præsertim.

Capus. *Capi* ætas sit unius anni, ab Octobri mense ad Aprilem usque edatur, ejusque præsertim partes, *ala*, *orropygium*, *pulpa pectoralis* defectæque de ea *ligula*; nos vocamus *albas partes*.

Coturnix. *Coturnix* Augusto, Septembri, & tota hyeme probari solet *posterioresque* ejus partes lautissimæ habentur.

Columbini pulli. *Columbini* pulli trium sexve septimanarum præstantiores existunt, quorum primæ partes sunt *coxa* & *venter*.

Fulica. *Fulica* seu *Gallina Aquatica*, ut hyeme sic *pectore* commendatur.

Gallina. *Gallina* annua Januario, Febuario & Martio lauta est, maxime si ex ea *alas*, *orropygium*, & *pulpam pectoralem* selegeris. Ejus pullus sex septimanarum scitissimus, cujus *ala* potiores ab Aprili mense ad Augustum. Sylvestris vero *Gallina* quam *Gelinottam* vocamus à Septembri ad ver usque laudatur alis expetenda.

Gallina Indica. *Gallina indica* hyeme potior, *pectore* & *ventre* sua-

vior. Ejus vero pullus Vere melior cum est duorum aut trium mensium.

Gallinago posteriores partes delicatiores obtinet, totaque hyeme non improbat. Gallinago.

Mergus qui vulgo *Plongeon* dicitur, posterioribus partibus placet, hyeme præsertim. Mergus.

Merula mensis unius pluriumve non aspernanda, Septembri, Octobri, totaque hyeme. Merula.

Oenas, biset dicta hyeme partibus posterioribus non minus quam merula delectat. Oenas.

Palumbus sex septimanarum hyeme placet anterioribus suis partibus. Palumbus.

Passeres omni tempore grati, sed hyeme magis, quod æstate propter salacitatem macriores aridiore, calidioreque evadant. Passer.

Perdix optima existit Octobri ad ver usque omnibus partibus placitura, sed alis maxime. Ejus pullus sex octove septimanarum Julio, Augusto, & Septembri regium est edalium. Perdix.

Phasianus autumnio & hyeme laudatus, alis quam coxis melior, ejus pullus sex octove septimanarum æstate suavissimus. Phasianus.

Pavo omni tempore probatur.

Phalacrocorax, seu corvus marinus, Gallis *Cor-moran*, pectore placet ut hyeme. Pavo.

Pluvialis posterioribus partibus gratus est.

Rostratula autumnio & hyeme scitissima, omni- que sua parte atque ipsis etiam facibus suavissima, si edatur à Septembri ad Martium usque. Rostratula.

Turdus seu *Griva* nostra unius mensis placet, autumnio & hyeme. Turdus.

Turtur vero æstate & autumnio. Turtur.

Quod ad quadrupedes attinet *Aries* à mense Maio ad Septembrem usque probatur, debetque esse unius aut alterius anni, potiores Arietis inter

Aries.

768 DE CONSERVANDA

partes habentur *armi, coxa, costa & crura.*

Agnus. *Agnus* sex octove septimanarum hyeme & Vere commendatur, ejusque partes *anteriores.*

Bos. *Bos* toto anno editur, sed à Septembri ad Martium usque, caro ejus potior, maxime si bos quinque sit annorum, ex partibus *pectoralis* pulpa, *lumbares* partes, & musculi *coxarii* expectuntur.

Cuniculus. *Cuniculus* hyeme scitissimus & æstate, *vertebris* ad lumbos, *coxis*, & *armis* delectat: *lepus* quoque, sed hyeme rigida edi debet. *Lepusculus* omni tempore probatur, si sit duorum triumve mensium.

Hædus. *Hædus* uno aut altero natus mense vere optimus, præstat tamen ejus *posterioribus* partibus, *costis, ventre, capite & pedibus* vesci quam ali-

Porcus. *Porcus* hyeme suavior, *porcellus* quovis laudatur tempore: Ille duos excedere annos non debet, hic unius mensis placet. Commendatur *porcus* *vertebris* dorsi, & *lumborum, costis, auriculis & pedibus*; *porcellus* vero *pelte, auriculis, & extremis* partibus delectat.

Vitulus. *Vitulus* denique à Decembri ad Maium usque probatissimus, cujus *lumbi, pectus, venter, caput, hepar, renes*, delicatiores censentur.

Cætera non recenseo, adi Bruyerinum, Platinam, Quercetanium, Legium, Gazium, Goclenium, Jul. Alexandrinum, Alex. Petronium, Isaacum, & ejus comm. Hispanum, atque ut uno verbo dicam eos qui de re cibaria scripserunt. Nec enim unquam finis si cuncta decerpere tentavero. Et certe candidatis Medicinæ hæc sunt satis, doctis vero plus satis.

De excrementitiis partibus avium, Ovis.

CAP. LXXIII.

De electione Ovorum.

Non vult mentiri qui vult pro lege teneri
*Quod bona sunt ova hac candida, longa, et
 nova.*
Hæc tria sunt norma, vernalia sunt meliora.

Animadversio.

VT prioribus insistamus vestigiis, post explicatas animalium partes proprias, excrementitia explicari debent, sumpto initio ab *ovis*, quæ avium videntur esse propria; quamvis & pisces & quadrupedum nonnullæ *ova* ferant. Libenter vero exoptarem, ut quæ fusè & copiosè annotata sunt de *ovis* à commentatoribus ad caput secundum hujus sectionis, ad hunc revocarentur proprium locum: sic enim & tenebræ non offunderentur illi capiti, & huic lux major affulgeret. Dum hæc cogito, ecce venit in memoriam vetus commentarium illi loco adhibitum tantùm fuisse, non novum Monspeffuli editum Francisci Chovetti opera: quod quidem cum locupletius extet, eleganterque *ovorum* naturam exponat; quid nocebit huc transferre & appingere? Imo vero ne quid in hac editione desiderare possis, quod in aliis habetur, præstabit, ut evulgatum est hunc in locum transcribere. Sic vero se habet.

Hæc
pertin-
ent ad
cap. 3.
hujus
sect.

1
Meth.
med.
c. 2.

Tria alimentorum genera exigua mole plurimum nutrientia, his versibus comprehenduntur.

Primum, ova recentia, de quibus Galenus libro tertio de aliment. facult. cap. 21. in hunc scribit modum: Ova recentia veteribus plurimum præstant, quippe optima sunt recentissima, vetustissima autem pessima. Quæ vero in horum medio sunt, proportionem recessus ab extremis, bonitate aut pravitate inter se differunt. Idem lib. 1. aphorism. comment. 4. ova inter alimenta pleni victus numeravit. Quam sententiam Avicenna quoque cum aliis plerisque locis, tum maxime 4. 1. cap. 1. his fere verbis confirmat: Quandoque est nutriens parvæ quantitatis, plurimo reficiens alimento: ejus generis sunt potissimum ova, & testes gallinacæ, quorum fere nutrimentum cum ipsorum pensatur pondere. Porro ovorum multæ inter se sunt differentiæ. Et prima quidem penes propriam substantiam. Gallinarum enim, perdicum & phasianorum juvenum ac pinguium omnibus præstant, & ad victus salubris rationem accommodatissima sunt: anatum vero, anserum, Pavonum, struthiocamelorum, & similium, deteriora habentur. In figura quoque ovorum aliquod bonitatis discrimen est: parvula enim, oblonga & candida, reliquis succi probitate excellere creduntur, id quod vulgatis etiam hisce versiculis comprobatur.

Regula presbyteri jubet hoc pro lege teneri:
Quod bona sunt ova hæc, candida, longa, nova.

Quin ab Horatio quoque hoc observatum esse etiam Plinius meminit, qui lib. 10. natur. histor. cap. 52. ita scriptum reliquit: Quæ oblonga

sunt ova, gravioris saporis putat Horatius Flaccus. Locus est libro 2. Sermon. Satyr. 4.

Longa quibus facies ovis erit, illa memento,
Ut succi melioris, & ut magis alba rotundis
Ponere.

Candida præstantiora dixit: atque ejus rei inde certissimum indicium colligas, quod anatum & anserum ova plus aqueæ naturæ possideant, pallidioraque & ob id cibo minus idonea sint. Quanquam vero ova per se quidem salubria sunt, cocturæ tamen ratione non parum immutantur, adeo ut interdum insalubria fieri possint. Nam quædam diutius coquuntur, alia ad mediocrem usque consistentiam: alia in aqua eousque duntaxat dum incaluerint, elixantur. Secundum quas differentias alia quidem *επιδά*, id est, cocta vocantur: alia *εγμυδα*, id est, tremula, alia vero *ρορντά*, id est, sorbilia. Tremula itaque, hoc est, quæ eatenus per coctionem inspissantur, ut in manu tenentis in testa sine putamine suo tremere videantur, omnium sunt præstantissima, plurimum alimenti & optimi succi corporibus exhibent, facillimeque tum concoquuntur, tum distribuuntur, & sanguinem cordi quam maxime congruentem generant. Quare iis cum primis qui ex morbo debiles adhuc sese colligunt, senibus & imbecilibus conveniunt, præcipue vero eorum vitelli. Quod Avicenna quoque in libro de viribus cordis, Tract. 2. cap. 3. ubi ex professo de ovis agit, sic ferine scribens confirmat. Ova tametsi cordis medicina non sint, ad refectionem tamen ejus adsciscuntur. Nam ipsum valde corroborant, & potissimum eorum vitelli, dummodo sumantur ex ovibus bonæ carnis avium, veluti gallinarum, perdicum ac

phasianorum. Ejusmodi enim temperatura constant mediocri; cito in sanguinem convertuntur, & post transmutationem parum superfluitatis relinquunt: sanguis autem inde genitus est subtilis ac clarus, cor maxime corroborans: quo fit ut ovorum vitelli in dissolutione substantiæ spiritus, & imminutione ipsius sanguinis vitalis, cæteris alimentis jure præferantur. Sorbilia autem ova tremulis minus quidem nutriunt, sed facilius subducuntur, & faucium asperitates ex vociferatione, aut ex humorum acrimonia lævigant. Ova vero immoderatiore coctura penitus densata, quæ Græcis *ῥοδα* vocari diximus, & ad coquendum sunt difficilia, & tardi transitus, crassiúsque alimentum corpori tribuunt. Porro iisdem ex vario præparationis modo major adjungitur aut bonitatis aut gravitatis occasio; nam hæc quidem assantur, alia elixantur, nonnulla friguntur, quædam denique in jure coquuntur. Assa igitur elixis crassioris sunt succi, ac difficilioris concoctionis: eorum enim genuina humiditas à foci caliditate depascitur: atque hinc sane eousque assata donec adurantur, ac tetrum odorem reddant, venenosam qualitatem induunt, quemadmodum Marsilius Ficinus in libro de vita cœlitus comparanda capite vigesimo secundo diligenter admonuit. Solent autem bifariam assari: aut enim cum putamine ferventibus cineribus integra obruuntur, aut testis suis franguntur: quorum hæc quidem deteriora sunt. Illa vero rursus duobus modis parantur: aut enim tota cinere cooperiuntur, aut ex parte nuda ad prunas collocantur. Quæ cinere tota obruuntur, pejora evadunt, quia densata undique à circumfuso igne, extrema parte fumorum exhalatio interci-

pitur ; nuda vero prunis imposita , fumos exhalant depuranturque. Elixæ assis præstantiora sunt : nam æquæ humiditas , ne foci caliditate exsiccentur , obstitit. Parantur & hæc quoque dupliciter : Vel enim integra caldariis superne infusa elixantur , vel ex testis fractis in aquam ferme fervidam conjecta coquuntur. Quorum illa quidem , ubi penitus densata fuerint , deteriora habentur , testæ enim quo minus crassities eorum attenuetur , ac fumi dissipentur , obstant & impediunt : sed si ab igne , cum liquidum adhuc coactum densatumque non sit , auferantur , meliora fiunt. Hæc vero calor penetrat , crassitiemque attenuat , & odoris insuavitatem avertit : unde cæteris omnibus laudabiliora censentur. Longe vero se ipsis suaviora adhuc redderentur , si ad mediocrem consistentiam coctis confestimque à foco summotis aceti nonnihil cum butyro & croci momento commistum inspergeretur. Quæ vero ἐν τῇ τρυφῇ , id est , in sartagine spissantur atque ob id ipsum τὴν χύσιν , id est , frixa nuncupantur , pessimum habent omnibus modis alimentum , tardeque transeunt. Nam interim dum in ventriculo concoquuntur , in nidorem & fumum abeunt , secumque admistos cibos corrumpunt , & succus inde prognatus non solum crassus , verum etiam pravus atque excrementitius est. Quapropter inter deterrimas earum rerum habentur , quæ concoqui nequeunt. Iis vero nocentiora adhuc fiunt , quæ in veteri & ferrea sartagine friguntur. In jure denique cocta , Isacco in diætis universalibus teste , locum inter assa ac ea quæ in aquam fervidam conjecta coquuntur , medium obtinent. Porro quæ τρικτὰ , id est , suffocata appellantur , elixis & assis

sunt meliora. Ea Galenus ad hunc modum parare docet. Ubi ipsa oleo ac gario & pauco vino conspersa fuerint, vas quo continentur cacabo aquam calidam habenti inditur: deinde ubi ipsum totum superne obturatum fuerit, ignis substruitur, quoad ova mediocrem habeant consistentiam. Quæ enim supaa modum sunt crassa, elixis & assis sunt similia. Quæ vero ad medietatem pervenerunt, & melius quam dura concoquuntur, & alimentum corpori dant præstantius. In ipsi quoque ovorum partibus discrimen est. Vitellus namque, sicuti à Rhaze lib. 3. ad Almanfor. cap. 14. scribitur, in caliditate temperatus existens, optime nutrit. Albumen vero frigidum & glutinosum est, ægræ concoquitur, & sanguinem pravam generat, eaque ratione adducti nonnulli albumen debilioribus exhibendum negant. Vitellus quoque proprietate quadam substantiæ facile inflammatur, & in fumos abit, quo fit ut febribus & ægritudinibus calidioribus non nisi probe alteratus exhiberi debeat. Alteratur autem, ex Joannis Michaelis Savanarolæ sententia, ad horas plus minus sex in aqua frigida infusus. Simeon Sethi hoc quoque addit, ova proprietate quadam peculiari *εὐφραν*, id est, ingenii felicitatem & bonam habitudinem tribuere iis, qui *μεταμάνατος θυγατέων τῶν τε περιμέλοτες καὶ βυτύρη*, hoc est, cum textura filiarum Tauri, id est melle & butyro assidue esitaverint. Sed Galenus libro 5. de sanit. tuenda cap. 8. de cibis ex quibus obstructio incidit mentionem faciens, senes hortatur, ut à multo ovorum esu abstineant, quod nimirum crassum lentumque succum creent. Qui utique locus non simpliciter de omnibus ovis intelligendus venit, sed

Ale-
xand.
Tranll.
lib. 8.
c. 1.

de iis quæ vel elixa vel tosta penitus densata sunt, item de frixis & veteribus. Leonardus Fuchsius hunc Galeni locum in Græcis exemplaribus corruptum putat, & pro *ὠν* legendum esse *ῥον*, id est, sorborum, *ῥα* enim *καὶ ῥα*, Græcis, Galeno lib. 8. de simplic. medicamen. facult. cap. 13. teste, sorba sunt: quæ ceste, ut idem tradit. adstringentem atque adeo obstruentem facultatem obtinent. Leontius apud Constantinum Cæsarem lib. 14. de agricultura, cap. 27. etiam modum tradit, quo ova diu à corruptela servari possint. Ova ipsa, inquit, servabis, hyeme quidē in paleis, æstate in fursuribus. Alii aqua abluta ova sale tenui intingunt, & sic conservant. Quidam ad tres aut quatuor horas in muriam tepidam mergunt, deinde extracta in fursures aut paleas deponunt. Attamen ei quod in muriam aut salem impositum est, pars aliqua decedet. Cæterum plenum ovum, aut non plenum, cognoscas ex immisso in aquam; defectuosum enim innatabit, plenum deorsum demergetur. Eadem etiam à Columella de re Rustica libro 2. cap. 6. & à Plinio lib. 10. cap. 54. & 60. prodita sunt. De Ovis plura Galenus lib. 3. de aliment. facult. cap. 21. & in lib. de cibis boni & mali succi, cap. 7. Paulus lib. 1. cap. 83. & Aëtius lib. 2. c. 132.

Secundum, Vina rubentia; ubi ante omnia sciendum, vinum quidem ex eorum esse numero, quæ nostrum corpus alunt. Nam si modo quicquid alit, alimentum est, vinum etiam in genere alimentorum est ponendum. Verum permagna ejus secundum colorem differentia est. Nam hæc quidem alba sunt, alia rubra & clara, nonnulla rufa: sive, ut vulgo dicuntur, citrina: quædam vero ni-

Vini
differe-
rentia.

gra alia rursum medium inter hæc obtinent. Ex quibus omnibus alba ceteris tum imbecilliora ac minus calida habentur, tum minoris etiam alimenti: non ergo abs re capiti nervisque innoxia sunt, urinam cient, & meatus aperiunt. Quod debiliora sint, manifestissimum omnibus fit ex iis, quæ Galenus comm. in tertium librum Hippocratis de victus ratione in morbis acutis scribit inquit: Vinum potens vehementer celeriterque corpus calefacit, caputque ferit: imbecillum contrario agit modo. Cum igitur minus & calefaciat, & caput tentet, necessario etiam imbecilius erit. Quod deinde minus calefaciat, idem comment. in 6. citatum Hippocrat. lib. clarissime ostendit. Nempe, inquit, ex vinis albis nullum valenter calefacere potest. Quod enim summe calidum est, id continuo & flavum existit, veluti, & quod ab ipso est fulvum: mox ab his rubrum & deinde dulce; Album autem minus quidem his omnibus calefacit. Quod verum utique experimento rei comperietur. Nam inter vina rubra & rufa Gallica, nonnulla albis quibusdam albi natis longe & potentia & caliditate inferiora reperies. Quare ejusdem territorii vina inter se conferenda sunt. Quod vero vina alba minus quam reliqua alant, declarat ipsorum natura. Præterea Galenus commentar. II. libro 2. aphorism. id ipsum in eum scribens modum, confirmat; Vina aquosa (sic autem nominant alba & tenuia) sicut aquæ similem formam habent, ita etiam vim: quare urinam cient, & minimum nutriunt. Idem commentar. decimo octavo ejusdem libri; Vina, inquit, aquosa, exiguum præbent corpori alimentum. Sunt autem hæc colore quidem alba, tenuia vero substantia.

Item in libro de cibis boni & mali succi, capite 1. de iisdem ita scriptum reliquit. Vina quæ aquosa tenuique substantia sunt, urinam movent, & paucissimi sunt nutrimenti. Quod minus etiam caput feriant, Galenus libro 5. de loc. affect. capite 5. iis ostendit verbis: Vinum album atque modice astringens, ut ventriculum robustum efficit, ita haud quaquàm tentat caput, id quod facere solent ea quæ vehementes vires obtinent. Avicenna quoque 3. r. doct. 2. capit. 8. in hunc prope modum scribens idem confirmat: Vinum album & tenue caloricis præstat, non enim capitis dolorem efficit, sed eundem potius, ubi forte ex stomachi ardore initium duxerit, humectando levat. Cur autem cæteris caput minus feriat, ejus rei causa alia non est, quam quod minus fumet, evaporetque. Quod denique meatus aperiatur, urinamque moveatur, Hippocrates libr. 3. de victus ratione in morbis acutis Aphorism. 6. his verbis diserte significavit: Ad vesicam alio vino magis penetrat, urinæque provocat, & perpetuo petrumpt: atque multa ad opem his morbis ferendam facit. Rationem ejus rei tradit Galenus libr. 7. Methodi medendi. capit. 6. in eum scribens modum: Vina aquosa vires organorum adaugent, & expellendis excrementis viam faciunt. Eoque fit, ut etiam talia vina præter cætera urinas moveant, quando & ipsa totum corpus celeriter transeunt, & impetu cursus sui excrementa secum expellunt. Celeriter certè transeunt, tum quia tenuia & tepida sunt, tum quia adstringunt. Tenuitate enim & tepiditate promptè mobilia fiunt, adstrictio autem ipsa magis impellit. Ex quibus jam illud quoque elicitur,

nempe alba & tenuia vina tuto exhiberi corporibus intemperie, vel naturali, vel quoquomodo adventitia biliosis: Æque vero & studiosis, & quibuscumque caput, vel naturæ ipsius habitu, vel ab alia quapiam extrinsecus obrepente causa, imbecillius existit: parimodo & iis qui calidam & humidam cerebri temperaturam obtinent: quippe vina potentia ita adfectis aduersissima sunt. Cumulatim enim quemadmodum loco jam citato Avicenna ostendit, caput humoribus vaporibusque & caliditate replent, valideque cerebrum perturbant, & maturius ebrietatem inducunt. Quod si tamen res cogat aliquando eis uti, copiosiore aqua prius diluenda sunt. Jam vero & calidiorem ventriculi atque hepatis temperaturam habentibus, nimioque æstu & ardore fameque aut mœrore vexatis, atque item in anni tempore, regione, tempestateque calida, vina debiliora magis conferunt, ut in quibus calida vina eos qui refrigerandi sunt, impensius calefaciant, capitisque dolores & febres facile inferant, nervosque ledant.

Vina vero rubra & clara, cujusmodi Bellovacensia cum primis habentur, cæteris calidiora sunt. Quod brevissime Galenus comment. 6. in 3. Hippocrat. librum de vict. ratio in morbo acut. iis verbis significavit: Vinum quod summe calidum est, id continuo & flavum existit. Eadem cæteris quoque valentius alere, idem comment. 11. libro secundo Aphorism. ita scribens attestatur: Quæ crassa sunt & colore rubra, plus alimenti habent quam reliqua vina: inest autem eis & citissime implere corpora evacuatæ & ob hoc indigentia adjectione. Quod

ita sane intelligendum venit, ut vina rubea ea de causa firmius alere dicantur, quod ex ipsis plus in membrorum substantiam convertatur. Hac ratione & nigra cæteris præferri possunt, quod & ipsa nimirum non mediocre, neque dissipatu facile alimentum corpori tribuant. Atque hinc certè non temere à Galeno comment. 18. libr. 2. Aphorif. ita scriptum est: Crassa & fulva vina multo quidem magis corpus alunt, sed tanum vincuntur à nigris in nutriendo plurimum, quantum superant in præstando acervatum & velox alimentum. Eodem plane modo & illa intelligenda, quæ ab Isaac in diætis particularibus scribuntur, ubi vinum nigrum plenioris alimenti quam rubrum esse contendit. Cæterum vina quidem hæc colore rubea, ut urinam levius, quam alba cient, ita majorem capiti noxam adferunt. Animalis enim facultas promptius quam naturalis aut vitalis calido offenditur: quia calidum caput prompte ferit, ac spiritum animale dejicit. Spiritus enim hic subtilis, ac ut ab omni excellenti calido discutiat, idoneus est: quo fit ut ejusmodi vina debile cerebrum habentibus exhibenda non sint, nisi diluta & exigua plane copia. Ab iis vero quibus bona cerebri habitudine ac firma sanitate frui datum est, tutius ebibuntur. Firma namque cerebri constitutio, ut elevatis ad sese vaporibus strentie obstitit, ita ab iisdem etiam minus offenditur. Ubi hoc quoque ignorandum non est, nempe acui ingenia in ejusmodi hominibus: Nam si vino bono ac potente moderate utantur, longe seipsis & ad excogitandum acutiores, & ad explicandum orandumque uberiores, & ad memoriam denique firmiores atque diuturniores evadunt.

Vina
Theo-
logica.

Spiritus enim tenues, clari & puri ex bono vino potius, quam quovis alio potu generantur. Hinc est quod Theologi in contemplatione circa sacrosanctæ Dominicæ passionis mysteria, optimam primum vinam deligunt, quæ ob id ipsum jam passim etiam Theologica nominantur. Hæc utiliter iis quoque dantur, qui calefaciendi sunt, ut pote tum pituitosis frigidisque temperamentis crudique humoris copia refertis, tum iis qui frigidis in locis ociosi vivunt. Dantur quoque in hyeme, frigidaque & humida tempestate. Hic enim omnibus, ideo quod frigiditatem corrigant, & obstructions tollant, accommodatissima sunt, genuinum calorem refocillant, unde concoctio melior & sanguis probus evadit, cibum per omnia corporis membra, ut quæ facile penetrent, deducunt. Quamobrem ex morbo emaciatis reficiunt, corporaque ipsorum augent. Etenim cibi cupiditatem faciunt, pituitam extenuant, & in sanguinem commutant, bonum colorem conciliant, animo lætitiæ voluptatemque pariunt, & robur adjiciunt. Harum itaque commoditatum moderata vini potio, immoderata vero contrariorum occasionem præbet.

Vina vero rufa sive citrina minus quidem quam rubea & clara, excellentius tamen quam alba, tum calefaciunt, tum nutriunt: quo fit ut caput etiam quam alba magis offendant, quemadmodum fufius comment. 1. & sexto in tertium Hippocrat. libr. de vict. ratio. in morb. acut. Galenus monstravit. Hæc etiam alba à quibusdam vocari solent, hinc est quod quidam dicunt, vina alba cito & plurimum calefacere.

Vina vero nigra minus quam rufa calefaciunt, unde minus etiam caput feriunt, sed cum tardius per alvum quam alba transeant, urinamque levius moveant, vehementius etiam quam alba caput tentant. Et hæc ipsa plenius quidem quam alba & rufa, minus vero quam rubea nutriunt, ut copiosius locis paulo ante citatis Galenus ostendit.

Tertium, pingua jura, hoc est, sorbilia ex jussulis carniū, & præcipue pullorum confecta, *Ζωοὶ καὶ ζαπίδια* Græcis, Brodia vero vulgo appellantur. Quæ sane cum naturæ amica sint, citius tum concoquuntur, tum per ventrem subeunt: nam quæcunque cum voluptate assumuntur, ista ventriculus avidius amplectitur, facilius concoquit, plurimum corporibus exhibent alimentum, & bonum sanguinem producunt, idque excellentius adhuc, si cum simillaco pane præparentur. Simila enim vel similago, id est, subtilissima ac purissima delicatissimi tritici farina, *στυλδαρίς* à Græcis dicta copiosum & laudabile corporibus alimentum præstat, ut testis est Rhazes libr. 2. ad Almanf. capit. 3. Tria hæc alimentorum genera, quæ exigua mole plurimum nutrire ostendimus; Avicenna quoque 2. 1. idoct. 2. Summ. 1. capit. 15. breviter, his fere verbis complexus est. Cibus subtilis, boni succi, & plurimi alimenti est, exempli gratia, jus carniū, vinum, & ova; eaque tum sorbilia, tum tremula. Talia enim exigua mole plurimum nutriunt, quia maxima substantiæ ipsorum portio in alimentum transit; unde sequitur tandem & robur insigne conciliare iis qui ipsis sæpius usi fuerint. Additio jocosa de vino Theologico ex Chiliad. 3. centur. 2. Proverb. 37.

Iura è
caraib.
Gal lib.
2 de
alim.
facult.
c. 17.

Erasm. Roterod. Hac tempestate, inquit, apud Parisios vulgari joco vinum Theologicum vocant, quod sit validissimum, minimeque dilutum. Nec infestiviter quidam hujusce Proverbii causam rogatus, respondit: A Jureconsultis occupari quas vocant Præbendas, Decanatus, & Archidiaconatus, Theologis nihil reliquum fieri, præter; Curata quæ vocant, sacerdotia. Cæterum quoniam de Pastoribus scriptum est: Peccata populi comedetis; nimirum ad cibi tam duri concoctionem opus esse vino efficacissimo. Atque hinc esse natum vulgi dictum.

Hofea
4.

Hactenus Commentator qui omne tulisset punctum nisi seriis jocos ammiscuisset, & sacris profana, quasi vel doctior, vel elegantior haberi possit ex detorta in hunc locum Erasmi Roterodami Parisiensibus Theologis irati nugaci fabulatione.

De Esu Ovorum.

C A P. LXXIV.

SINGULA post Ova, pocula sume nova:

HOc versiculo præcipitur, ut post ovi cuiusque recentis atque mollis esum, haustus, & præcipue vini, sumatur. Ejusque rei duplex fere assignatur ratio. Ac prior quidem, quod ovum recens ac molle succi sit optimi & concoctu facilis: parvæque mole, ut sup. capit. 6. ostendimus, plurimo corpus reficiat alimento, idque vitello suo potissimum: vinum

autem ; cum natura eo delectetur maxime , præstet ut à membris avidius attrahatur , celeriusque ita permeet. Posterior vero , quod ovum tardius descendat per gulam , quæ Græcis proprio nomine οἰσοφάγος ab οἶσσι fero , & φάγνυα , cibis ; quod cibum & potum in ventriculum transuebat , Arabibus Meri nuncupatur ; vinum autem descensum ejus adjuvet.

Animadversio.

NON solum ob prædictas rationes præcipitur à Salernitanis potus post singula ova ; sed etiam ad diluendam ovorum visciditatem , juvandamque distributionem ad jecur. Ingestus enim ovi vitellus , quia spissus & viscosus est , facile ventriculi parietibus adhæreret prohiberetque ventriculi contractionem ob suam visciditatem & lentorem , diutius vero ventriculo adhærens faciliè putresceret & mora corrumpetur : At potus continuo sumptus , facit primo ut diluatur , coctusque deducatur per venas mesaraicas ad hepar sanguinis officinam. Hoc vehiculo destitutus vitellus vix præ lentore venas mesaraicas tenues & exiles præterlaberetur , sed illic cunctando obstructions generaret.

Potus autem nomine cave solum vinum intel- Potus.
ligas , ut faciunt commentatores , sed liquidiorē quamvis substantiam , sive sit aqua , sive vinum , sive jusculum. Porro de ovis qui plura voluerit , consulat Aldrovandum Ornithol. libr. 14. Lælium à fonte consultat. 5. & 9. Garciam Lopium capit. 26. de varia rei medicæ lectione ,

Ludovicum Guyonium capit. 10. libr. 4. diversarum lectionum tom. 2. Hyppolitum Obicium capit. 25. de multiplici in medicina abusu, Davidem Echlinium, & Ludovicum Guybertum opere proprio de ovo; Rorarium contradiēt. 29. Avicennæ, Fabritium ab Aquapendente tractatu eximio de ovo, Æmilium Parifanum libr. 6. nobilium exercit. exercitat. 2. & 3. Sylvaticum in controversiis, Epiphan Ferdinandum histor. 51. suarum observat. Francif. Bonamicum libr. 5. de aliment. c. 46.

*De Excrementis Quadrupedum, ac primo
de lacte.*

CAP. LXXV.

LAC phisicis sanum caprinum, post camelinum,

Atque jumentinum, plus omnibus est Asininum.

Plus nutritivum vaccinum, sic & ovinum:

Si febris, caput aut doleat, non est bene sanum.

Lactis
electio.

HIC præcepta quædam traduntur de electione lactis in genere, quatenus videlicet φεικνός, hoc est, tabidis, emaciatis, hectica febre laborantibus, & quomocunque consumptis sit conducturum. Cibi enim his ipsis, quod calorem nativum imbecillum obtineant, concoctu faciles conveniunt: boni item ac multi alimenti, ut corpus emaciatum instaurent: sed liquidi & tenues, ut vias, ob siccitatem contractam facilius subeant & penetrent: ob febrem quoque refrigerent nonnihil, & ob ulceris saniem detergant,

gant, & ob solutionem continui, glutinent; quas dotes omnes habet lac: facile enim coquitur, ac inter omnia quæ alimenti gratia sumimus, lac butyro & caseo multum nutrit: optimum optimi est succi, sero casei & butyri liquidum & subfrigidum est, ut libr. 5. capit. 20. & lib. 10. capit. 7. de simpl. medic. facult. terget sapore dulci, butyrosæ substantiæ & acrimonia seri, glutinat caseo & eodem ac butyro est emplasticum. Quapropter nonnulli, Galeno in libro de cibis boni & mali succi, capite 9. teste pulmonis ulceribus affectos potione tantum lactis curari putant, antea scilicet quam ea ipsa ulcera ampliuntur, callosaque fiant.

Ac *primum* quidem præceptum est de lacte caprino, quod utile esse phrhisicis Avicenna libro 2. Can. capit. 44. & 114. tract. 3. capit. 6. confirmat: Neque id sane injuria: siquidem inter cætera lactis genera moderate se habet, cum non admodum pingue crassumque sit; ob id medium quoque esse censetur, quod in corporibus nostris præstat.

Secundum de camelino, quod illo tenuius est serosique humoris magis particeps: quo fit ut minus tum nutriat, tum emaciat conferat, Hydro-
 picis tamen, & quibus hepar male affectum est, non parum commoditatis adfert, præsertim si fuerit cameli nuperrime enixæ. Eo namque hepar, si quid Avicennæ credimus, reficitur atque instauratur.

Tertium de asinino: Asinæ namque inter cætera brutorum genera lac præbent ad propositos affectus accommodatissimum, quippe cum tenuissimum sit, & minime coaguletur, & quoquo versus ocyssime in corpus digeratur, quemadmodum

Ale-
xand.
Trall.
lib. 8.
c. 4.

Lac
mulie.
bre.

elegantissimelib. 7. method. medendi cap. 6. & Galeno scribitur. Quod Avicenna quoque 1. 4. Tract. 3. capit. 6. confirmat; Non est, in-
quiens, lac post muliebre, quod hecticis æque
conferat, ac Asininum. Hecticam enim, siqui-
dem curabilis fuerit, ad plenum curat. Sed præ
cæteris lac muliebre, tanquam naturæ ejusdem;
& humano corpori familiarissimum, ab aliis Me-
dicis, præcipueque ab Herodoto & Euriphonte
ad tabidos affectus celebratur. Quoniam enim
cæteris est subtilius, frigidius & humidius, citius
concoquitur, velocius penetrat, & melius nu-
trit. Sumendum autem quodvis horum mane
jejunis, horis tribus aut quatuor ante cibum, unc.
quatuor primum: & has si recte confecerit, die
sequenti quinque, sex uncias & sic diebus conse-
quentibus auctum: si bene concoquat, usque ad
libram unam. Quatenus enim vires augeri cer-
nimus, eatenus nos quoque cibis adjiciemus. Su-
mat autem patiens ex mammilla, aut minimum
diu extra propria conceptacula moratum (illic
enim & sanguis & semen promptissime corrumpi-
tur) per se, aut cum pauco melle vel saccharo &
sale, ne in ventriculo ace scat. A lacte hausto non
dormiat, ne corrumpatur, nec corpus exerceat
motu ac frictione, ne crudum lac in corpus tra-
hatur.

Cæterum silentio prætereundum hoc loco non
est, quod non semper muliebre aut asininum
phthificis profit: imo vero lac acidum, sive ebu-
tyratum ab ipsis in certis quibusdam casibus con-
venientius adsumitur. Et primo quidem, quando
cum phthisi fluxus ventris simul infestat. Deinde
cum metus est, ne in ventriculo coaguletur, vel
ardor adest vehementis febris, aut ventriculus

suapte natura biliosus existit, ut in quo lac nullo negotio in bilem transeat. Quinetiam quando phthisi febris conjungitur putrida, & multæ in interioribus partibus sunt obstructions. Lac enim acidum cohibet & adstringit alvum, neque facile in bilem convertitur: quippe cui butyrum quo prompte accendi poterat, ademptum sit: eadem ratione nec in putrida facile putrescit. Præterea cum immundus ac sordidus est ventriculus: in ejusmodi enim ventriculo lac promptissime corrumpitur. Postremo vero cum phthisicus lac integrum & dulce abominatur, ab acido autem sive ebutyrato non omnino abhorret. Sed de his omnibus copiose admodum Hieronymus Cardanus libro secundo Contradictentium, Tract. 4. Contradict. 1. & Conciliator differentia 104.

Quantum de lacte vaccino: quod ut inter cetera lactis genera crassius ac pinguius invenitur, ita alere etiam magis putandum est. Atque hinc sane Rhazes lib. 3. c. 15. ad Almanfor sic ferme de eo scriptum reliquit: Lac vaccinum quorumlibet aliorum animalium lacte crassius judicatur, atque ob id corporis molem & obesitatem adipisci volentibus accommodatissimum habetur. His amplius Avicenna lib. 2. Can. c. 442. hoc quoque addendum putavit: Nempe lac cujuslibet animalis, cujus fœtus eandem in utero moram cum homine ducat, id est, per novem menses, humano lacti esse maxime conforme: illud vero quod sit animalis, cujus impregnatio quam mulieris diuturnior sit, esse deterius, quo sit ut cum vacca novem mensibus vitulum ferat, lac ejus humano maxime conforme, atque ob id optimum quoque habeatur.

Lac
vacci-
num.

Quintum de lacte ovino: hoc enim, quod ad consistentiam quidem & nutrimentum attinet, ad vacuum quodammodo accedit.

Sextum de lacte vitando in febribus putridis, & dolore capitis: cujus rei causæ assignatæ sunt sup. c. 4.

Animadversio.

Lactis
utili-
tas.

INter excrementa quadrupedum sola quantitate peccantia est lac è quo *Casus*, *butyrum*, & *serum* desumuntur. *Lac* (quod Græci γάλα vocant παρὰ τὸ καλὸν εἶς ἀναξέρω *ἔδ*), id est quod pulchrum gratumque sit nutrimentum) Latini deducunt à *luciendo*, vel quod eo infantes alliciantur, vel quod sugendo mammas ipsum eliciant. Ejus tanta est necessitas ut vivipara animalia ei vitam salutemque suam acceptam ferant, cum lege naturæ factum sit, ut recens natus fœtus eo tamquam cibo & potu necessario nutriatur. Unicuique autem animalium generi suum magis ἀσθενέστερον atque consociale, muliebri hominibus, asinum asinis, vaccinum bobus, & sic de ceteris; atque ab hoc illud quod temperamento uniuscujusque magis est affine. Quod intelligendum venit de lacte prout alimentum est, non quatenus est *medicamentum*: sic enim major habenda ratio morbi, quam temperamenti utentis. Ut vero de bonitate lactis securum tutumque judicium feri possit, observandum est lac vel universaliter considerari, quatenus lac omne lactis naturam retinet, vel particulatim prout singulæ lactis species cum singulis animalium speciebus analogiam habent; muliebri cum hominibus, camelinum cum camelis.

Priori respectu examinandæ veniunt lactis cau-
sæ materiales & efficientes. Materialis causa est san-
guis animalium excoctus & dealbatus, non per
modum putrefactionis, seu puris, veluti placuit
Empedocli apud Aristotelem quarto de gener.
animalium capite octavo, sed per modum perfe-
ctionis: adeo ut sanguis ille ita præparatus deli-
catior præstantiorque evadat. Exinde fit ut lac
illud omnino melius sit materialiter, quod à me-
liori sanguine ortum ducit, saniori, puriori, &
temperatiori. Temperatum vero sanguinem vo-
camus, qui iusta, legitima & convenienti quan-
titate bilis flavæ, succi melancholici, pituitæ,
& sanguinis proprie dicti commixtus & perfu-
sus est. Sic quia sanguis hominis sanguine alio-
rum animalium temperatior est exactiusque com-
mixtus, ita & lac humanum quovis alio lacte ex-
quisitius est ac præstantius. At sanguis impurus
dicitur qui κακόχυμος, hoc est, qui vel bilio-
sus, vel melancholicus, vel pituitosus exi-
stet, quive aliquo ex quatuor humoribus aut pri-
vatus, aut saltem est diminutus, quive etiam pu-
tris & corruptus. Hinc profecto apparet lac ra-
tione materiæ non esse homogeneum, sed hete-
rogeneum, constans videlicet parte una quæ igni
& bili, altera quæ aëri & sanguini, tertia quæ
aquæ & pituitæ, quarta quæ terræ & melanco-
lico succo respondet: proptereaque non male fa-
ctum à Galeno, Avicenna, & Mesuæo qui se-
rum lactis calidum & siccum constituerunt. Est
enim in sero duplex substantia, aquea & phlegma-
tica, refrigerandi & humectandi vim habens, ac
insuper acris, salsa ac biliosa; unde detergendi fa-
cultas Sero inest. Vide Petrum Hispanum ad le-
ctionem 44. dicit, universi. Isaaci, Rorarium con-

Sero
duplex.

tradit. Galeni 91. & Epiphan. Ferdinandum theoremate 25. lib. 1.

Porro causa efficiens lactis est duplex: principalis & instrumentaria: principalem voco vim ^{λακτοποιητικὴν} mammis insitam, quæ immediate profluit ab anima sensitiva, quæque idcirco melior aut fortior, deterior imbecilliorve non est huic quam illi animalium; nisi quatenus instrumenta obtinet melius deteriusve constituta; proinde ratione hujus facultatis lac hominis non est censendum delicatius aut temperatius quovis alio lacte: nec enim anima rationalis functiones naturales perfectius exercet quam brutorum anima, nisi meliora instrumenta nata fuerit.

Efficiens instrumentaria lactis, partim mammarum caro, partim calor, seu temperamentum mammis insitum. Quo melius sunt constitutæ mammæ, quo earum temperies laudabilior, eo lac in ipsis elaboratum, præstantius est habendum. Fœmella ergo quæ sanas habebit mammæ, nullave excedente qualitate præditas, salubrius lac suppedabit, quam quæ aliqua intemperie affectas mammæ obtinebit.

Cæterum causæ istæ lactis quanto perfectiores erunt, tanto temperiem lactis (quæ ad instar formæ illi est) meliorem effecerint, & accidentia quæ temperiem sequuntur, & demonstrant, mitiora, atque benigniora præstiterint. Sunt autem accidentia illa è primarum, secundarum tertiarumque qualitatum genere. E primis est calor qui omnino moderatus est in lacte ex Galen. 5. simplic. licet alibi lac modo frigidiori, modo calidiori temperamento esse dixerit;

habita nimirum ratione quarundam ejus partium. E primis quoque est *humiditas* ad quam inclinare debet lac potius quam ad siccitatem, tam ratione materiæ quæ humida est, quam ratione finis, quæ est nutritio fieri solita per humectantia. Ad secundas qualitates pertinet *consistentia*, seu partium *crassities*, vel *tenuitas*, *lentor*, *liquiditas*; has necesse est in lacte sic esse contemperatas ut tenuitas crassitiem, liquiditas lentorem vincat eo modulo, ut nec nimium lac diffluat, nec coeat tenacius. *Crassius* quippe lac & *lentius*, seu *viscosius* difficilius coquitur atque distribuitur, distributumque angustis meatibus altius infigitur ac heret. *Tenuius* vero atque *liquidius* quia aquosius est, prius exit quam coquatur, vixque agglutinari potest, proinde parce nutrit, & tenuiter substantiam corporis reparat. In tertiis qualitatibus sunt, *sapor*, *odor*, *color*. *Sapore* dulce & suave esse debet, non amarum, salsum aut acre: tale enim bilis falsæ pituitæ perfusionem, aut immoderatum calorem arguit: non præterea acidum acerbumve, cum hujuscemodi lac frigidorum humorum copiam calorisque imbecillitatem significet. In summum præter dulcedinem, alienæ omnis qualitatis expers sit, quemadmodum sanguis probus ex quo generatur. *Odor* lacti pene nullus adsit, præsertim non fœteat, cum fœtor putredinis pravæque coctionis, aut saltem alimenti assumpti minime boni sit nota. *Colore* demum *album* est lac, quia in mammarum glandulis elaboratum *splendidum* quoque & λαμπρόν, ut loquitur Gal. 7. meth. c. 6. prout lacti convenit: splendor autem ille accidit ex substantia moderata nec nimium rara nec crassa nimium, ac deinde ex multis spiribus corpus lactis æquabi-

An lac
fuscum
bonum.

Aristo-
cles
nen-
tatus.

liter perfundentibus. Lividum igitur lac impro-
batur, obscurum quoque, fuscum aut flavum;
quod hoc bilis perfusionem, illa vero spirituum
inopiam aut partium crassitiem indicent. Subori-
tur tamen hic difficultas inter Medicos & Aristote-
lem: illi, Sc. Dioscorides, Galenus, Avicenna,
album lac præferunt: hic verò lib. 3. de hist. ani-
mal. c. 21. *lividum* albo anteponit ὅτι καὶ γυναικῶν,
inquit, τὸ περιδυνότερον γάλα, βέλτιον ἢ λευκὸν τοῖς
πιδυνόμενοις; καὶ αἱ μέλαρες ὅτι λευκῶν ὑμεινότερον ἔχουσιν,
id est, *mulierum lac commodius lactentibus est quod*
livorem trahit, quam quod candidum est, & fus-
ca salubrius habent quam candida. Joa. Costæus
libr. x. de facili medicina per feri & lactis usum
c. 2. putat Aristotelem loqui comparate, adeo
ut velit ducere minus candidum lac, præstantius
esse lacte maxime candido, quemadmodum mi-
nus albæ mulieres præstantius habent quam can-
didiores, quæ magis humidæ fluidæque sunt, pro-
ptereaque pituitosæ atque frigidæ. Vel certe
mendum credit inesse textui Aristotelico, legen-
dumque περιδυνότερον τὸ λευκὸν βέλτιον, *lividiore lacte*
album melius, sicque convenire inter eos aucto-
res. Ego vero arbitror Medicos habuisse ratio-
nem causæ efficientis, Aristotelem rationem ma-
teria. Causa efficiens est calor, seu temperies
mammarum, alterans & assimilans sanguinem
mammis, quod quidem tum melius præstat, cum
laudabilior est opusque suum perfectius exereet;
à perfectiori enim causa effectus perfectior pro-
fiscitur. Ergo Medici lac *album* existimantes assi-
milatum esse glandulis mammarum albicantibus
magis quam lividum substantiam mammarum co-
lore suo non referens; duxerunt lac colore candi-
di lacti livido anteponendum: sic enim causa

efficientes videtur assecuta suum finem. Aristoteles vero tres in lacte substantias animadvertens, *serosam, butyrosam & caseosam*, ab hac præsertim parte albedinem lacti inesse (lac enim quo caseatus eo candidius) censuit lividum melius esse candido, quia licet candidum magis nutriat quam fuscum ob caseosam partem; minus tamen salubre infantibus, quia magis obstruit, calculisque generandis opportunius est. Id postea visus est explicasse Aristoteles eodem loco, postquam enim dixerat fuscarum mulierum lac salubrius esse quam candidarum; statim rationem subjunxit scribens *Ἐπιμώτατον τὸ πλείστον ἔχον πρὸν, ὑμειότερον δὲ τοῖς παιδίοις, τὸ ἑλαπτόν*, id est, *lac illud maxime nutrire, quod plurimum casei habet, quod vero minimum casei habet, salubrius esse infantibus*. Est ergo hæc Aristotelis ratiocinatio.

Aristoteles
expli-
catus.

Lac quod habet plus casei, habet etiam plus candoris;

Sed lac candidarum mulierum habet plus casei, quam lac fuscarum;

Ergo lac candidarum habet plus candoris.

Et rursum.

Lac habens plus casei magis quidem nutrit, sed minus est salubre, quam lac minus continens:

Atqui lac candidum plus habet casei quam fuscum;

Ergo lac candidum magis quidem nutrit, quam fuscum, sed minus est salubre.

Sic ergo Aristotelem Medicis conciliabimus, dicendo *candidius* lac *livido* anteponendum esse, cum candor procedit non à copia casei, sed ab efficiente causa vigente & valente; postponendum vero *livido* cum candorem trahit à multo

caseo. Hoc autem ut quis internoscat, viscositatem lactis & pondus contempletur, quo enim viscosius erit lac atque ponderosius, eo plurimum casei continebit; est quippe caseus terrena, crassa & gravis lactis portio.

Lac optimum.

His ita universim consideratis sic optimum de finire lac possumus, *repidum, aequalis substantia, admotum ungui statim non diffuens, levius quam gravius, minime viscosum, sed dulce, inodorum, album & aliquo pacto splendens, ac denique à sano animali, & in bene valentibus, beneque constitutis mammis elaboratum.* Quodcunque vero lac has omnes dotes conditionesque obtinuerit, affatim nutriet, colorem corpori vegetum & floridum conciliabit, spiritus omnes recreabit, semen augebit, corpus pinguefaciet, pectori & pulmone auxilio erit, urinæ ardores temperabit, oculorum acres distillationes compescet, denique atrocissimos dolores ad instar Nepenthes Homericae demulcebit.

Hæc fuerant de lactis natura præmittenda, ut securius iudicium ferri possit de singulis lactis speciebus, de quibus hoc capite à Salernitanis disputatur. Species autem lactis partim desumuntur ab animalium differentiis eorumque temperamento, habitu, ætate, pabulo, partim à lactis ipsius partibus ætate, ac preparatione. Ab animalibus lac appellatur *humanum, bubulum, ovillum, caprinum, equinum, camelinum, asinum, porcinum.* Humanum, ut substantiæ mediocritate præstat cæteris, ita ubi nutrire hominem velis ob familiaritatem reliquis facilius & promptius nutrit; illique proprie competunt omnes dotes supra enumeratæ: magis tamen quàm cætera muliebri lac non nutrit: sed melius nutrimentum

Lachumanum.

fuggerit. Primam quoque laudem tribuit illi Galenus libro septimo meth. cap. 6. in hectici-
cis sanandis, utpote hominibus cognatum *μειζον*.

Babulum temperamento proximum est mulie-
bri lacti, crassius tamen, pinguius & multo plus
nutrimenti afferens: at minus est salubre, quia
ob crassitudinem facile obstruit, ægreque in
ventriculo coquitur. Sunt qui existiment eorum
animalium lac homini utilius esse quorum partus
ad humani partus tempus propius accedit, quasi
lac longiori tempore maturius reddatur. Sed me-
minisse illi debuerunt non plus requiri temporis
ad lac perficiendum quam ad fœtum maturan-
dum: quemadmodum ergo fœtus animalis quod
parit 5. mense, æque perfectus est atque maturus,
ac fœtus ejus animalis quod parit decimo & duo-
decimo, ita & lac ejusdem animalis parientis
quinto mense æque absolutum elaboratumque
est, ac lac animalis duodecimo parientis: ut pro-
pterea nulla inde repetenda sit lactis vaccini bo-
nitatis nota.

Bubu-
lum.

Co-
stus
per-
stringi-
tur.

Ovillum, bubulo proximum & substantia &
temperie, crassum enim ac pingue est, paulo ta-
men minus quam bubulum; idcirco minus nu-
trit, magis vero obstruit, quam & secedere
alvo magis dicatur ob serum quo magis af-
fluit.

Ovillu.

Caprillum, paulo calidius est supra dictis, sub-
stantia quoque tenuiori minusque pingui prædi-
tum est, minus quoque nutrit, magis tamen alvo
secedit.

Capril-
lum,

Equinum caprillo tenuius & calidius existit; Equi-
minus etiam homini nutriendo aptum, aptius alvo
subducendæ: eximia illi detergendi facultas

num,

ineſt ob ejus multi ſeri tenuitatem atque caliditatem.

Camelinum.

Camelinum equino propinquum dicit Halyabas; ipſum tamen tenuitate & caliditate ſuperat, pauci vero eſt nutrimenti, quod alvum ſubducendi aperiendique facultatem obtineat. Mirari autem aliquis poſſit cur Rhafes lac iſtud calore ac ſiccitate pollens, ad hydropiſum calidam atque ad je- cur calidum & ſiccum commendat, niſi recordetur hepatis ſic affecto mediocriter calida potius quam frigida convenire, cum frigida altius impingant & obſtruant, moderate calida rarefaciant, & ſtrobilationem procurent.

Aſininum.

Aſininum reliquis frigidius, tenuius & ſeroſius, minus quoque nutriens, minus obſtruens, ſed maxime ſubducens, terget enim & mundat, abſque tamen acrimonia ac mordacitate.

Suilla.

Porcinum ſive *ſuillum* frigidiffimum adſtruitur; meo quidem iudicio perperam, cum ſus frigidiffimum non ſit animal. Ariſtot. 6. de hiſt. animal cap. 20. craſſius ipſum conſtituit quam ſit caninum, quod ab eo ſummè craſſum dicitur. Ætius quoque lib. 2. cap. 87. craſſiſſimum facit, cum tamen Galenus 10. ſimpl. aquoſum crudumque ponat, ἀραιόν καὶ ὑδατώδες Conciliabis Galenum Ariſtotelei, ſi concedas ſtatim à partu craſſum eſſe lac ſuum, progreſſu vero temporis tenuiſſimum & aquoſiſſimum evadere: ſic enim loquitur Ariſtoteles de lactecanum; τὸ γὰρ ἐν πρώτῳ, παχὺ ἐστὶ χροιοῦμενον ὃ γίνεται λεπτοτέρον. Initio, inquit, craſſum, progreſſu temporis tenuius fit. Et certe cum numerofus fit partus canum & ſuum, prius ſugunt lac fœtus quam abſolutum fit & perfecte excoctum: cumque creſcentes fœtus maiorem lactis copiam ſugāt, faciunt idcirco ut procedente

Tempore semper aquosius & crudius lac reddatur.

Non est porro quod longiori sermone ostendam verum esse quod de lacte hoc capite observatum est : constat quippe ex dictis *vaccillum* & *ovillum*, plus nutrire quam *caprinum*, *camelinum*, *equinum* & *asininum* : constat insuper *asininum*, phthificis salubrius esse quam quodvis aliud ; ab eoque *caprillo*, deinde *camelino*, ac tandem *equino* palmam concedendam. Sed ut diximus *mullibre* omne tulit punctum, seu nutrire, seu medicari volueris.

Quod spectat ad alias circumstantias quibus variari *lac* certum est, breviter de eis hæc animadvertenda sunt. Quo temperatius est animal, eo *lac* quoque melius, tale enim esse solet *lactis* temperamentum quale corpus animalis è quo emulgetur. *Lac* autem macilentorum animalium minus alit ; *lac* corpulentorum & obesorum periculorum dicitur asferre convulsionis : *lac* molliorum humidius est : duriorum siccus : optimum est ac laudabile, *lac* animalium moderati & mediocris habitus. Quomodo autem *lac* nigriorum animalium melius sit lacte candidiorum, expositum vide apud Costæum loco laudato cap. 7. Animalium in vigore ætatis consistentium *lac* optimum est, juniorum liquidius, seniorum siccus, *lac* post partum liquidissimum ac tenuissimum spissatur temporis progressu, Vere quoque liquidum & copiosum, æstate siccum & crassum, sed concoctu facile. Est insuper *lac* simile alimentis ingestis, aquosum ex aquoso pabulo, crassum ex crasso, moderatum ex moderato. Caprarum in Justinis montibus scammonia, veratro, mercuriali vescentium *lac* ventriculum subvertere prodidit Dioscorides. Uno verbo Galenus 7. meth. cap.

6. ostendit unius asinae exemplo, quam necessaria sit pabuli totiusque victus ratio ad lac optimum consequendum; cuius verba libenter adduco, quod *asinini lactis* usum hinc frequentissimum observem. Quo vero, inquit, optima nota lac fiat, & idoneis nutrimentis alendum animal est, & exercitationibus mediocribus tractandum, & pullus si quem lactat auferendus. Quod autem aetatis quoque maxime florentis esse debeat, id neminem latet. Curandum item ut quam optimè concoquat, contemptis videlicet iis, qui si asinis quoque victus rationem prescribemus, ridebunt. Si enim Veneta & Prasina factionis studiosi equorum stercorea, quo intelligant quemadmodum alimenta concoxerim, odorantur, tanquam ex eo omnem eorum bonam habitudinem cognituri: multò profectò magis nostrum fuerit pro hominis salute nihil tale non prospicere, atque herbas animali quae non admodum sint humida foenumque & hordeum quod sit mediocre, obicere, sed nec ulla obmittere ut Asina corpus strigili dstringatur, manu fricetur, detergatur, & mundetur. Porro si liquidiora, foetidiora, & flatu plena excreverit, planum profectò est non concoxisse probe. Quare aut detrahendum aliquid de alimento est, aut exercitationi aliquid adjiciendum, aut qualitates immutanda aut fricationis cura varianda. Sin duriora reddat animalis alvus, ad contraria est inspiciendum atque illorum aliquid immuandum. Porro in hoc textu Galenico duo in Græco codice vocabula sunt emendanda: primo enim legitur in vulgo expressis codicibus; *ἐν ἀμελείῃ δὲ καὶ ψύχειν, καὶ ἀνατελεῖν καὶ ἀπέρπτειν, καὶ καὶ δαίρειν τὸ πρὸς ὄντι σῶμα*; id est neque vero negligere est ut corpus asina refrigeretur, fricetur, detergeatur, & mundetur. Quæritur quid sit refrigerare corpus asinae,

& quomodo id fieret : hoc cum ignoretur , non-
nulli , ut Jul. Alexandr. *ψύχειν* & *ἀναψύχειν* inter- Gale-
nus
corre-
ctus.
pretantur de ablutione per flumina , alii ut Po-
pardus de siccatione , sic ut siccari corpus asinæ
debeat , quoties madet , alii *ἀναψέχειν* , alii *ἀνα-
ψέειν* legunt , alii *ἀναψέγειν* , quod est , *aquam ore con-
tentam guttatim roris modo expuere* , ut sit ab iis qui
curant equos cum manu cutem & pilum poliunt
ac lævigant ; ego vero loco *ψύχειν* , repono *ψήχειν* ,
quod est *radendo detergere* , seu *strigile distingere* ;
est enim *ψήχειν* , velut species *τῆς καθαίρειν* , affineque
est illud verbum verbo *τείσχειν* , quod *manu & pan-
no daviore* fieri , sicut *ψήχειν strigile* solet .

Alterum vocabulum emendandum , est ejusdem
rationis : nam loco *ψύχειν* , legendum *ψήχειν* cum *τεί-
ψις* & *ψήξις* , sese consequantur , ut mox dictum , so-
lent enim equorum curatores primo *strigile* fricare
equos , mox *panno & manu* .

Superest ut nonnihil addamus de lactis parti-
bus , ætate , & præparatione . Lactis tres partes Lactis
partes.
caseosa , *butyrosa* , & *serosa* , de quibus postea seor-
sum . *Lac* plurimas casei partes obtinens , mul-
tum nutrit , sed minus est salubre : *lac* vero plu-
rimas butyrosas partes obtinens viscosius paulo
est , difficiliusque distribuitur inflammationique
generandæ est aptum . At serosum *lac* minimum
quidem nutrit , sed confestim alvo secedit . Ni-
hil dico de *melca* , *aphrogala* , *argyrotrophemote* ,
pyraſto , *χισῶ* , *colostro* , *oxygala* . Pergo enim ad
ætatem lactis , quod intelligo de *recenti* aut *ve-
rusto* . *Lac recens* enixorum animalium non pro-
batur , improbatut *lac à partu remotissimum* :
optimum est igitur quod medio tempore emulge-
tur , diu servatum ab emulsione *lac negligen-
dum* ; recens extractum bonum . Galenus 7. me-

thodi docet expedire ut quam minimo tempore in aëre ambiente lac moretur, tum ut calorem quem ex uberibus abstulit, conservet; tum quia celerrime mutari sit aptum genitalis seminis ritu, quod nec ipsum aliquandiu extra propria vasa, si modo suas vires servabit, morari patitur, sed vel in ipsis maris partibus contineri vel ipsius fœminæ partibus hæere postulat. Et sane, inquit, *utilissimum est lac, cum ex ipsis mammillis quis hauserit, veluti Euryphon, Herodotus & Prodicus censent, qui tantam in eo ad corpora rescicienda fiduciam habuerunt, ut etiam qui phthoe contrabuerant, ex ipsa mulieris papilla lac sugere juberent, verum cum hoc plurimis non placeat, melius est calens adhuc ex mammillis id in agri ventriculum, quam ocysime transferre.* Cæterum crudum lac non assumendum nisi recentissime mulsu; flatu enim excitaret, coctum minus flatulentum: sed quia serum coctione absumitur, crassius evadit, sic ut obstruere venas & adstringere alvum facilius possit. Denique cum lacte multa solent edulia parari, quæ lauta magis sunt quam salubria; optimum autem erit si vel salis modicum vel saccharum lacti admiscuerimus mellis loco, ut Galenus præscribit, sic enim & minus acescit, & melius nutrit. Noli plura de lacte congere-
re, tu si velis repete ex Gesnero opere de lacte & operibus lactariis, Jacobo Bifronte epistola de caseis & operibus lactariis, Hieronymo Acorombono tractatu de lacte; Julio Cæsare Claudio tractatu de natura & usu lactis, Julio Cæsare Baricello libris de lacte, Joa. Costæo opera de facili medicina per feri & lactis usum; ex quibus omnibus discere poteris quibus in morbis lac conveniat, quamque & febricitantibus & caput dolentibus

VALETUDINE. 807

dolentibus sit noxium, sicut asserunt Salernitani, auctoritate Hippocratis freti, qui aph. 65. sectionis quintæ lac præbere capite dolentibus, febriculosis & quibus hypochondria elata aut murmurantia & siticulosis, nocivum esse pronuntiavit, de quo aphorismo consule Commentatores.

De Caseo.

C A P. LXXVI.

Casus est gelidus, stipans, crassus, quoque durus;
Casus & panis sunt optima fercula sanis,
Si non sunt sani, tunc hunc ne jungito panem.
Ignari Medici me dicunt esse nocivum.

Sed tamen ignorant cur nocumenta feram.
Expertis reor esse rarum, nam commoditate.
Languenti stomacho casus addit opem;
Casus ante cibum confert, si defluat alvus,
Si constipetur, terminet ille dapes.
Qui physicen non ignorant hæc testificantur.

DUæ sunt in hoc capite partes, in quarum priori duo peraguntur. Primo, quatuor referuntur facultates casei. Quarum prima est, ipsum esse gelidum, id est, temperatura frigidum: quod intelligi debet de recente ac molli qui frigidus & humidus, & non de vetere, qui calidus & siccus est. Atque hujus sane rei gravissimum habemus testem Paulum Æginetam, qui libro septimo sic ait: Casus recens, compactus & mollis, repulso-riam vim habet, leniter perfrigerans. Quinetiam de eo intelligi potest, qui conficitur ex sola lactis coagulatione, absque ulla alterius rei com-

miftione. Reperitur enim qui ob aromatatum quorundam ac odoratarum herbarum admiftionem acrior & calidior evaferit, & ob id linguam vellicet, atque ventriculum excalefaciat. Talis autem colore potiffimum viridis exiftit, qui fi majore paulo mole ingeratur, corpus vehementer exurit. Secunda eft, cafeum ftipare, hoc eft, adstringere ac cphibere alvum, quod maxime folet preftare vetus, cui multum coaguli admiftum eft. Tertia eft, ipfum efle craffum, quod eft craffos generare humores, idque nullo excepto. Omnis enim cafeus fit ex craffiore & terreftri magis cujuflibet lactis fubftantia, admifto coagulo, & expreffo inde fero. Quarta eft, cafeum efle durum, id eft, ægre & concoqui, & alvo difcedere: nimirum propter fuccum crafforem.

Secundo deinde loco hoc etiam adferitur: nempe cafeum parva mole cum pane fumptum, optimum fanis hominibus efle cibum, quippe qui panis admiftione concoctu reddatur facilior: cum alioqui per fe fumptus admodum ob concoctionis tarditatem offendat: Ægrotantibus vero propterea quod neque ad concoctionem, ut dictum eft, neque ad movendam urinam, neque ad eiendam alvum, neque ad fucci denique probitatem quicquam boni confert, omnino fugiendus eft. Pura de hoc fupra cap. 3. & 4.

In prioribus duobus verfibus posterioris partis ~~negotio~~ *negotio* eft. Fingitur enim cafeus fe ipfum adverfus malignos vicinos aut vituperatores defendere: Ignari, inquiens, Medici, dicunt me nocivum efle: quum ipfi tamen ignorent caufam cur humanæ naturæ nocere dicar. Allufum autem videtur ad illud, quod ab Hippocrate in lib. de

veteri Medicina scriptum est in hunc modum. Atqui, inquit, mihi necessarium esse videtur, ut omnis Medicus de natura sciat, & omni studio annitatur ut cognoscat (si modo aliquid eorum quæ fieri debent, recte præstare velit) quidnam sit homo ad ea quæ comeduntur ac bibuntur comparatus & quid cuique ab unoquoque contingat & accidat. Nec simpliciter tantum sic existimet oportet, quod malum edulium est caseus, quia dolorem afferat repleto ex ipso, sed etiam sciat, quem dolorem afferat, & propter quid, & cui parti intra hominem existenti incommodus existat. Quandoquidem & multa alia esculenta ac potulenta, quæ natura mala sunt, hominem tamen non eodem modo afficiunt. Exempli causa: Vinum meracum, si multum bibatur, hominem aliquo modo debilem reddit: & omnes qui viderint, hoc fatentur, & cognoscunt hanc esse vini vim, & vinum causam esse, quinetiam in quas hominis partes maxime agat novimus. Talem proinde veritatem in aliis quoque apparere volo. Ergo caseus (quandoquidem hunc in exemplum assumpsi) non omnes homines lædit: sed sunt qui ex ipso repleti ne tantillum quidem offendantur, imo gracilibus mirabiliter etiam conferre perhibetur. Sunt autem alii qui eo sumpto difficulter à noxa liberantur. Horum igitur naturæ differunt. Differunt autem secundum hoc, quoniam, id quod in corpore caseo est contrarium, à caseo excitatur & commovetur in iis quibus ejusmodi humor cultus existit: & quanto potentior hic est, tanto pejus illos habere rationi consentaneum est. Quod si toti humanæ naturæ inimicus esset, omnes utique læderet. Eam ergo differentiam si quis novisset, non incurreret profecto, ne-

que pateretur ista. Haftenus Hippocrates.

Tertio, deinde loco duæ recensentur utilitates ab ingesto caseo. Quarum prima quidem est, ipsum debilitatem abscindere stomachi ubi sciendum tamen, quod non quilibet statim caseus cuius subveniat stomacho (casei siquidem in certis quibusdam casibus omnes ex æquo nocent, stomacho nimirum raræ texturæ, ac illi quoque qui ex longa ægritudine adhuc debilis se colligit) sed recens, mollis, ac pauci lentoris particeps, quem admodum libro tertio ad Almanf. capite decimo quinto Rhafes testatur: calido atque sicco stomacho apprime confert: exustionem enim, caliditatem & siccitatem ejus, frigiditatis, ac humiditatis ratione, reprimit & emendat. Contra vero eidem vetus admodum & aeris, cuique multum coaguli injectum est manifeste officit. Stomacho autem cujus pelliculis multa infarta sunt phlegmata, plurimum confert caseus qui inveteravit, & ob id quam prior acior atque ardentior evasit: phlegmata enim acrimonia sua incidit, abstergit, & infra subducit. Rursus vero recens ac mollis huic maxime nocet.

Secunda est, caseum priori loco exhibendum iis, quibus venter majorem in modum solvitur: posteriori vero quibus idem ob imbecillitatem non respondet. In universum namque adstringentia, si prius ante alium cibum aut edantur, aut bibantur, alvum comprimunt. Quibus autem ob imbecillitatem venter non respondet ii molliendi virtute prædita, nempe olera, aut pisces, aut id genus aliquid præsumunt, deinde adstringentia (quorum in numero caseus etiam reponitur) quæ dum ipsum firmant ac roborant, deorsum in ventriculi fundum, ubi con-

coctionis officina est, propellunt, adque excretionem tandem incitant: id quod ex veræ medicinae peritis neminem latere arbitror. Vide Galenum lib. 2. de aliment. facult. cap. 22. ubi rationem tradit, cur Rhetori cuidam adstringentibus post alios cibos laxantes sumptis venter fuerit solutus. Hujusce rei meminit etiam Paulus libro primo capite centesimo octogesimo primo. De acido caseo ita scribit Ætius libro secundo capite centesimo primo. Recens caseus qui ex acido lacte fit, & ob id *ὀξύγαλaktinos* appellatur, omnium optimus censendus est. Nam in cibo jucundissimus est, & stomacho innoxius præ omnibus aliis caseis existit, minus ægre concoquitur, & minus ægre transit, neque vero valde crassi succi est, quo crimine in communi omnes casei sunt infames. His addit Rhazes, acidum caseum exigua mole ultimo post alios cibos loco ingestum roborare os ventriculi, atque auferre etiam *ἀνροπξίαν*, ac nauseam, quæ ex dulcibus & pinguibus cibis proveniunt.

Animadversio.

Quoniam Commentator remittit ad caput tertium & quartum hujus sectionis ubi de caseo actum fuit: Idcirco placet hic apponere commentarium illum novum & copiosum qui nondum in manus meas venerat, eo tempore quo excussum est illud caput. Nobis enim proposueramus initio edere commentarios Joa. Curionis & Jacobi Crelliti impressos Parisiis anno Christi millesimo quingentesimo quinquagesimo quinto: & jam opus istud ad quartum usque ca-

put sectionis secundæ deduxeramus. Sed ubi animadverti adauctos fuisse illos commentarios politioresque evulgaros Choverti opera, mutavi consilium, & novum istud opus recudendum suscepī. Ergo cum tertium caput illius novi operis excussum non sit, commode hoc loco transferri potest, ut hac ratione studiosis medicinæ consulatur, qui beneficio nostræ hujus editionis alios omnes cujuscunque editionis libros possidebunt. Sic verò se habet ille commentarius.

Duodecim alimentorum genera plurimum nutrientia & impinguantia hoc loco referemus.

Triti-
cum.

Hæc
pertinet
ad
cap. 3.
hujus
sectio-
nis.

Primum, Triticum, ut panem videlicet triticeum per triticum intelligas. Hic enim Avicennæ 2. Canon. cap. 572. celeriter impingat, præsertim si ex novo tritico præparatus fuerit. Porro quod ad tritici temperamentum attinet, ipsum est primi ordinis excalescentium: non tamen nec resiccare, nec hemeetare manifesto potest, quemadmodum Galenus libro octavo capite septuagesimo secundo de simplic. medic. facul. & post eum Paulus libro septimo luculenter & perspicue docuerunt. Hinc etiam Rhases libro tertio ad Almanf. cap. 2. fere scriptum reliquit: Triticum moderato proximum, aut paulo calidius est. Præstantia ejus sumitur, partim quidem à propria substantiâ, partim vero à præparationis modo. Quod quidem ad substantiam attinet, est & in tritico non parva speciatim differentia: quippe quod grave est, densum & in profundo flavum, copiosissimi id alimenti est, crassique succi ac lentī: contra quod leve est & rarum & album, minus nutrit, succumque gignit crassum minus ac lentum. Atque ejus rei locupletissimus idemque gravissimus testis est

Galenus, qui libro primo de aliment. facult. capite nono ita scribit: Inter tritica plurimum habent alimenti quæ densa sunt, totamque substantiam habent adeo compactam, ut dentibus vix dividi queant. Talia enim exigua mode corpora plurimum nutriunt: quæ vero iis sunt contraria, quæque dentibus quidem facile franguntur, fractaque rara ac laxa apparent, magna mole exiguum reddunt alimentum. Quod si utrorumque parem molem pendere libuerit, quæ densa sunt, multo graviora esse comperies. Hæc autem sunt colore etiam laxis flaviora. Explorare autem horum naturam non simpliciter oportet, superficiem externam duntaxat contemplando, sed dividendo quoque ut diximus, ac frangendo, multa enim quæ extrinsecus flava ac densa fuerant visa, rara intus ac laxa albaque apparuerunt. Hæc ille. E quibus sane verbis illud etiam sequitur, nempe panem ex denso, gravi ac flavo tritico confectum omnium esse tum præstantissimum, tum maximi alimenti, adeoque magis etiam victus salubris ratione convenire, quam qui ex quibuslibet aliis granis confectus sit. Panem autem, qui ex nigro atque inveterato tritico preparatur, nemo affatim citra sanitatis dispendium mandet. Quod si quis ei non assueverit, etiam si minimum sumpserit, ægrotabit. Est enim injucundus, gravis, concoctu difficilis & mali succi. Contra vero qui ex electo tritico conficitur, non modo ad concoquendum est facilis, sed hominum etiam corporibus est saluberrimus, ut qui sanguinem medium consistentia generet. Medium autem Galenus libro 3. de aliment. facult. capite 27. vocat, qui neque admodum tenuis est, neque aquosus, neque vehementer crassus. Verum

hactenus de tritici secundum substantiam electione hæc dixisse, huic sermoni, in quo præstantiam inquirere instituimus, satis sit: nunc reliquum est, ut de præparatione nonnihil etiam dicatur. *Sciendum* igitur quod omnia quæ ex farina tritici friguntur, crassi sunt succi, & tarde transeunt, jecorisque meatus per quos fertur alimentum, obstruunt, lienis imbecillitatem augent, calculos denique in renibus gignunt. Quod si tamen cocta belle fuerint, atque in sanguinem mutata, admodum nutrient. Triticum vero elixum, grave & concoctu difficile est edulium & inflationes creat. Vires tamen habet magnas, si sic sumptum concoquatur, nutritque valide corpus, ac robur insigne iis qui ipso usi fuerint, conciliat, ut lib. 1. cap. 14. de alim. facult. & in libro de attenuante diætâ cap. 5. testatur Galenus. Concoctu autem inter panes sunt facillimi, qui plurimum sunt fermentati & pulcherrime subacti, quique in clibano igne moderato fuerunt assati. Nam ignis ardentior primo statim occurso superficiem externam circumurens in testæ modum indurat, acciditque duplici nomine pravam panem fieri: priore quidem, quod partem internam habeat crudam atque illaboratam; posteriore vero, quod externam siccam habeat, præassatam ac testaceam. Porro ignis moderato remissior panem minus belle elaborat, sed ipsum crudiores relinquit, & maxime partem omnem ejus internam. Qui autem in igne moderato largiore spatio per totos seiplos æquabiliter assati fuerint, ii tum bellissime in ventriculo concoquentur, tum ad cæteras actiones quæ coctionem consequuntur, erunt accommo-

darissimi. Pessimiautem panes ii sunt habendi, quibus nihil memoratorum ante adest. Plura Galenus l. 1. de alim. facult. c. 9. & infra c. 24. huius opusculi.

Secundum, Lac, quod de eo lactis genere cum primis intelligendum videtur, quod *οζύζαρα* Greci, Arabes Adoc, vel Adhoc, vel Adech, Barbari vero Balbucam nominant, id est, lac acidum ebutyratum. Hoc enim cum pane calido sive recenti sumptitatum, corpora maxime impinguat. Verum cum frigidum sit ac crassi succi, non simpliciter omnibus, sed iis solis, qui id probe concoquant exhibendum est. A ventriculo enim qui quavis de causa frigidior est, minus belle conficitur: à temperato vero quamvis ægre, conficitur tamen aliquantum. Contra ventriculi iusto calidiores, sive ab initio tales fuerint, sive à quapiam causa postea in eam temperiem sint adducti, præterquam quod nihil ab huiusmodi eduliis læduntur, commodo etiam aliquo fruuntur. Sed de hoc copiosius Galenus libr. 3. de aliment. facult. c. 19. Intelligi etiam de lacte caprino potest, de quo c. 7. abunde diximus.

Tertium, caseus infans sive recens, de quo Dioscorides libro secundo capite sexagesimo primo ita scriptum reliquit: Caseus recens sine sale sumptus alit, stomacho utilis est, & facile in membra dividitur, corpus auget, alvum modice emollit: alius tamen alio præstantior, pro natura lactis è quo conficitur. Eadem fere tradit & Avicenna 2. Cano. c. 126. Etsi vero caseus jam dictus abundanter alit, & corpus impinguat, nihilominus tamen & ipsius esum consequuntur nocumenta illa, quæ c. 7. recensui-

Caseus
recens.

mus. Quare ad secundæ valetudinis usus inutilis habetur.

Quartum, testiculi, quod primo quidem de Gallorum saginatorum testiculis intelligendum est. De illis enim Galenus libro tertio de aliment. facult. capit. 5. in eum scribit modum: Gallorum Gallinaceorum altilium testes & suavissimi sunt, & laudabile corpori præbent alimentum. Et iterum ubi supra capite 6. Soli Gallorum Gallinaceorum testes undiquaque sunt præstantissimi, & potissimum eorum qui saginati fuerint. Et multo clarius adhuc capit. 20. ejusdem libri: Gallorum, inquit, Gallinaceorum testes sunt præstantissimi, præcipue altilium, & multo magis si cibus, quo sunt nutriti, seroso lacte fuit imbutus: nam & boni sunt succi, & valide nutriunt, & ad coquendum sunt facillimi. Quin etiam Avicennæ testimonio 2. Cano. capit. 719. eadem confirmantur, exigua præterea mole, eodem Avicenna 4. 1. capit. 1. teste, plurimum nutriunt. Deinde vero intelligendum etiam de testibus suum juvenum mediocriter pinguium, qui nondum coierunt. Nam quanto suum caro aliis est præstantior, tanto horum quoque testes aliorum animalium testibus sunt meliores, quemadmodum diserte admodum Galenus libro tertio de aliment. facult. demonstravit. Illud quoque hoc loco ignorandum non est, nempe adultiorum animalium testiculos, in quibus semen jam fermentatum est, ad coquendum esse difficiles, ac virosi malique succi: juniorum vero quæ nondum coierunt, & in quibus semen nondum fermentatum est, præstantiores esse, & laudabile corpori tribuere alimentum, si belle conficiantur, alios tamen magis, alios

minus, pro ea proportionē, quam in carne inesse diximus.

Quintum, porcina caro; de cujus præstantia & effectu satis superque dicemus.

Caro
porci-
na.

Cere-
brum

Sextum, Cerebrum: de quo copiose admodum Galenus libro tertio de alim. facult. capit. 7. in eum scribit modum; Cerebrum omne cibus est pituitosior, crassique succi, & tarde permeans, ac ad coquendum difficilis. Non minimum etiam cerebrum omne stomacho nocet. Quidam autem ipsius mollitie decepti ipsum egrotis exhibent, cum præter alia nauseam etiam concitet. Quinimo cum cuipiam à cibo vomitum movere vis, hujus partem pinguius conditam postremis epulis edendam exhibe. Illis vero cave exhibeas, qui cibum non appetunt, quos veteres ἀπορίους appellabant. Merito igitur nemo cerebrum ab aliis epulis mandit, cum omnes ipsa experientia edocti, sciant ipsum nauseam excitare. Jure etiam plerique cum origano mandunt, uti nonnulli cum sale variis modis apparatus: quippe cum crassi sit succi & excrementitium, omnino sit accommodatius, quando cum incidentibus & calefacientibus fuerit paratum. Si tamen recte conficiatur, alimentum corpori præstabit non contemnendum. Hæcille. Sunt etiam qui cerebrum, prius quam mandatur, super craticulam probe inassandum esse moneant, quod scilicet ejus immoderatio per ignis caliditatem magna ex parte corrigatur ac temperetur. Rhazes libro tertio, ad Almanfor. capite undecimo hoc etiam adjungit, nempe cerebrum calidæ quidem temperaturæ hominibus in cibo esse utile, frigidioribus vero, quique vitam frigidis passionibus obnoxiam degant, adversissim-

nam. Neque id quidem temere. Quippe similibus (ut testis est Galenus, cum alibi sapius, tum præcipue libro primo de sanitate tuenda capite decimo) quilibet excessus augetur, contrariis emendatur ac minuitur. Ut autem summam de cerebro perstringam, ad victus salubritatem rationem parum accommodum est: quare ex intervallo potius ac parce, quam assidue atque affluenter eo vescuntur, qui sanitatis tuendæ curam susceperint. Quorundam tamen animalium cerebrum ceu medicamentum valet. Sic cerebrum capreoli adversus venena & virulentarum bestiarum morsus remedio est. Terrestris lepore inassatum cerebrum manditur juvandis tremoribus; qui valetudine contracti sunt, affrictu aut cibo facilem infantibus dentitionem præstat. Quidam etiam adversus metum utiliter edi prodiderunt. Cerebrum pulli & caponis in vino bibendum datur contra serpentum morsus, sanguinem à cerebri membrana profluentem sistit: & in cibo cerebri substantiam auget, unde & his, qui tardiori leviorique ingenio ac mente sunt, prodesse dicitur. Quod ad electionem attinet, animalia volucra exiguum quidem habent cerebrum, sed ipsum tamen tanto pedestrium cerebro est præstantius, quanto, & siccius: volucrium autem ipsorum, montana cerebrum habent quam palustria præstantius, pro aliarum omnium partium proportionem. Porro ex pedestribus animalibus, Avicenna agninum præfert, post hoc vero vitulinum præcipue commendat 2. Can. c. 128.

Diosc.
lib. 2. c.
40:

Septimum; Medulla: de qua Galenus libro 3. de aliment. facult. capit. 8. hæc prodidit: Medulla, inquit, quæ in ossibus invenitur, cere-

bro est dulcior, jucundior ac pinguior, adeo ut si ea inter se comparando gustes, putaturus sis cerebrum austerum etiam aliquid in se habere. Porro medulla nauseam provocat, si liberalius sumatur, quemadmodum & cerebrum: nutrit tamen & ipsa si probe conficiatur Avicenna cum seminibus & pipere condit. Can. capit. 492. Quod delicati quidam lurcones & artis obsonatrici periti faciunt cydoniis & passulis. Laudatissima est cervina, mox vitulina. Post hanc taurina, deinde caprina & ovilla. Dioscorides libro secundo capite sexagesimo sexto.

Octavum, Dulcia vina: de quibus infra.

Nonum, Cibus gustui jucundior: talis enim non exiguum corpori tribuit alimentum, quemadmodum Hippocrates etiam libro secundo Aphorism. 38. monet ubi sic scriptum reliquit: Paulo deterior & potus & cibus, verum jucundior, melioribus quidem, sed jucundioribus preferendus est. Quam sententiam ipse exponens Galenus: Quæcumque, inquit, cum voluptate assumuntur, ista ventriculus arctius amplexatur, & facilius concoquit. Refugere autem consuevit ea, quæ injucunda, & insuavia sunt, utpote quæ vel nauseas, vel inflationes, vel fluctuationes pariant: quod quidem in plurimis etiam iis qui boni sunt succi, cibus accidit. Quando vero paulo fuerit deterior, tunc in iis qui libenter hunc assumunt, non modo, non etiam deterior, sed quandoque melior redditur.

Decimum, Ova sorbilia: quæ sane alio capite parva mole plurimum alere ostendemus.

Undecimum, Maturæ ficus, de quibus Si

meon Sethi hæc tradit : Ficus admodum nutriunt, carnem tamen non compactam, neque firmam generant, ceu panis & suilla, sed subla-xam ac subinanem, ut fabæ; ventrem flatibus implent, nisi probe, concoquantur, minus vero cæteris sunt mali succi, & ventrem proritant, & facile exeunt: Effatu vero dignam abstergen-di facultatem obtinent, quo fit ut post ipsarum esum nephritici multas arenas excernant. Ma-turæ ficus nihil propemodum omnino lædunt, præximeque ad caricas accedunt, multaque cum illis utilia habent. Si quis tamen largius esita-verit, in una re ab eis offendetur: quandoqui-dem sanguinem non admodum probum gignunt, quo fit ut ex ipsarum usu pediculorum multitudo proveniat. Oportet autem post usum ficuum alimentum quod incidat & extenuet ingerere. Ad hæc fici pulmonem & thoracem juvant. Aiunt insuper contra venenosa facultatem ha-bere, si quis singulis diebus jejunos eis utatur. Caricæ pectus juvant, & ad tusses faciunt, uri-nam cient, satisque nutriunt, corporis etiam bonam habitudinem efficiunt. Ante cibum sum-ptæ ventrem irritant, sed nisi celerius ventrem pertranseant, non bonum sanguinem gignunt. Quapropter si ad satietatem usque edantur, sca-biem & pruritum excitant. Cibus autem bonus est, & adversus venena, remedia, si cum nuci-bus aut amygdalis comedantur. Renes expur-gant, & jecoris lienisque obstructions ause-runt, verum calefaciunt, & sitim inferunt, & flavam in calidioribus temperamenti bilem pro-creant. Addit Galenus, jecori lienique inflam-matione obsessis esse noxias, quemadmodum & ficus, non peculiari quadam & eximia facultate,

sed communi ratione dulcium omnium ciborum ac potuum, obstructis autem illis, aut *oxippa* adfectis ipsis ex sese nil commodare, nec officere, sed medicamentis incidentibus ac extenuantibus & abstergentibus mistas non mediocriter juvare. Proinde nonnulli Medicorum in dictis lienis ac hepatis affectibus exhibent ipsas longe ante cibum cum thymo, aut pipere, aut zingibere, aut pulegio, fatureia, aut calamintha, aut origano, aut hyssopo. Ad eundem autem modum si caricae cum alio quopiam eorum, quæ facultatem habeant acrem, aut omnino incidendi ac extenuandi, assumantur, juvabunt non solum sic affectos, sed etiam sanos. Siquidem jecoris meatus per quos fertur alimentum, apertos esse non ægrotis modo, sed sanis etiam est tutissimum. Ad eum igitur modum vulgo ficibus cum attenuantibus sale, & aceto & garo præparatis vescuntur, quod ipsis utiles esse experientia didicerint. Plura Dioscorides libro primo capite centesimo quadragesimo secundo, Galenus libro secundo de aliment. facult. capit. 8. Paulus libr. 1. capit. 81. & Ætius libr. 1.

Duodecimum, Uvæ recentes, id est, dulces *Vva.* & maturæ. Nam ficus & uvæ, quemadmodum inter fructus autumnales principatum obtinent, ita fugacibus omnibus magis nutriunt, minimumque pravi succi habent, præsertim cum exactam maturitatem fuerint adeptæ. Porro quod ipsæ nutriant, maximo argumento sunt ii, qui vinearum fructum custodiunt, qui cum duos menses solis uvis ac ficibus, quarum custodia præsumunt, vescantur, (nisi forte panis quippiam cum illis addant) corpulenti tamen

admodum fiunt. At caro quæ ex ipsis gignitur, haudquaquam est firma ac densa, quemadmodum ea, quæ ex carnibus fit, sed laxa est ac præhumida: ob id celeriter etiam cum vesci ipsis desierint, constringitur ac concidit. Verum uvæ minus alunt quam ficus, maximumque id ipsis inest commodum, quod velociter subeant. Quocirca si quando hæserint, graviter lædunt: neque enim retentæ belle concoquuntur, & dum in jecur ac venas distribuuntur, succum crudum generant, qui non facile in probum sanguinem mutetur. Vinaceorum sive nucleorum substantia sicca est, & quodammodo adstringens, omniaque intestina pervadit, nihil quod sensu deprehendi queat à sese mutata. Uvæ vero tantisper à collectione, dum membrana extrinsecus ambiens detumuerit, pensiles aëri expositæ neque sistunt ventrem, neque proritant, minusque flatibus implent: cæteris autem facilius concoquuntur, & melius nutriunt. Non parva autem est inter uvas differentia, quod aliæ sint dulces, aliæ acidæ, aliæ austeræ, aliæ denique nullam vehementem habeant qualitatem: vocant autem ipsas vinosas. Cæterum quæ dulces sunt, succum habent calidiorem, & ob id sunt sitibundæ: austeræ vero & acidæ frigidiorum: vinosæ autem locum inter calidum ac frigidum medium obtinent. Alvum subducunt dulces, & maxime si sint humidæ. Omnium quidem certe usus (si quis moderate sumat) est tutissimus, cum natura fuerint carnosæ ac maturæ, sive in vite summam maturitatem obtinuerint sive quod maturitati decrat, ex consequenti suspensione sint adeptæ. Uvæ quæ albæ sunt, vehementius alvum turbant & subducunt, magisque stomachum

chum inflant, quam nigræ; omnes vero ciborum appetentiam excitant, & Venerem. Convenit cum eduntur membranam & nucleos ex-
 pueri, quod difficulter conficiantur, quemad-
 modum luculenter & perspicue docuit Gale-
 nus libro secundo de aliment. facult. capite no-
 no, & libro primo de locis affectis capite quar-
 to, & post eum Simeon Sethi in Syntagmate
 de ciborum facult. Cæterum recentes è qui-
 bus vinacei exempti sunt, celerrime pertran-
 seunt cibisque aliis præeunt, si in ventriculum
 purum inciderint, & sumptæ primis epulis fue-
 rint. Quod si sumptæ post alios cibos fue-
 rint, aut etiam prævum succum in ventriculo
 offenderint, celerrime una cum aliis cibis cor-
 rumpuntur. Idem de aliis quoque fructibus al-
 vum subducentibus intelligendum. Si cui vi-
 ridibus ac recentibus uvis vesci placuerit, ad
 horam fere in aqua fervida ut maceret, ac fri-
 gida deinde abluat oportet, prius quam man-
 dere ipsas aggrediatur: quæ enim ita præparan-
 tur innoxie fiunt. Uvas quæ subtilem ac te-
 nuem habeant corticem, citius deorsum con-
 cedere, minusque ventrem flatibus implere:
 his vero contrarias contraria operari, Rhazes
 libro tertio ad Almanfor. capite secundo autor
 est. Uvæ acerbæ atque immaturæ, frigidæ &
 humidæ sunt, ventrem constipant, stomachum
 corroborant, & caliditatem à flava bile ortam
 sedant, sed parum nutriunt. Succus inde ex-
 pressus, qui Græcis vocatur *ὀμαλινον*, vulgo
 Italorum & officinis Aggresta, bibitur ad re-
 centem sanguinis recreationem, etiam si rupta
 parte aliqua contingat; sed paucò & aquatior
 est utendum. Plurimis vero ante diebus inve-

teratur, cumque stillatio rosarum liquore decoctus atque exhibitus, nauseantibus & his qui cibaria in ventriculo non retinent, succurrit. In cibo adstringit, bilioso alvi profluvio & dysenteria proficit. Sunt præter has etiam uvæ sicæ, quæ quod in siccando Solem patiantur, & ignem, passæ sive passulæ vocantur: hæ sunt aliis uvis calidiores, stomacho gratiores, valentius alunt: sed minus subducunt alvum, eandemque ferme cum aliis uvis habent rationem, quam caricæ cum ficibus. Multæ enim fiunt dulces: acerbæ autem omnino paucæ, plurimæ vero ex dulci & austera qualitate sunt mistæ: quamquam dulces nonnihil quoque austera qualitatis habeant, & austera dulcedinis. Ceterum ut dulces temperamento sunt calidiores, ita austera frigidiores. Ad hoc austera stomachum roborant, & ventrem constipant, & his multo magis acerbæ: mediam autem quodammodo inter ipsas constitutionem dulces obtinent, ut quæ nec stomachum dissolvant, nec alvum subducant. Dulcibus tamen ut vis quædam semper inest contemperandi, ita & mediocriter detergendi: quibus duabus exiguas mordicationes quæ os ventriculi infestant, obtundunt. Bellè nutriunt exacinatæ, pectus & pulmonem juvant, stomachum, jecur, & lienem corroborant. Cum nucleis manducatæ conducunt intestinis. Est tamen præstabilius nucleos exspuere, propter duritiem & ferream ipsorum essentiam. Uvæ passæ pingues septem drachmarum pondere per sex dies sumptæ ab jejuno purgant phlegma, & sanguinem abundare faciunt. Tota substantia familiares sunt hepati, & usu crebro consuetæ: nutriunt enim ipsum & impinguant,

Sanguini bonum colorem præstant, & humores percoquunt : ob id felicissime exemptis vineis miscentur medicamentis hepaticis. Sed si paulo largius sumantur, incendunt & exurunt sanguinem. Præstantiores autem sunt, quæ tum pingues sunt, tum corticem habent tenuem, dulciorefque. Pastulæ minus quidem quam caricæ ventrem movent absterguntque, stomacho tamen magis accommodantur. Plura Galenus libr. 2. de aliment. facult. capit. 9. & 10. Paulus libr. 1. c. 81. Ætius libr. 1. Simeon Sethi in Synagmate Rhazes libr. 3. ad Almanf. c. 20. Avicenna 2. Canon. c. 737. Averroës 5. Collectan. c. 37. Rabbi Moses Tract. 3. ad Sultanum Babylonie & Jacobus Sylvius lib. 1. de medic. simpl. nat. Ex quibus fane omnibus satis liquet, quæ de recentibus hoc loco dicuntur uvis, ea etiam de passulis esse intelligenda.

Ceterum de caseo plura habentur apud Athenæum libr. 14. capit. 22. Plinium libr. 11. capit. 41. & 42. Isaacum lect. 47. dietarum univers. Stuckium antiquit. convivial. libr. 1. & 2. Gesnerum de lacte & operibus lactariis; Ludovicum Guyonum libr. 4. divers. lect. capit. 21. tom. 1. Joan. Langium ep. medicin. lib. 2. ep. 29. Mercurialem variarum lect. libr. 2. capit. 26. Sed & Thomas Sagittarius exercitationem emisit & quæstionem quomodo fiat ut multi abhorreant ab esu casei, quod etiam examinavit Thomas Erastus apud Smetium Miscellaneorum lib. 2. c. 34. habet quoque observationem admirandam de caseo Balduinus Ronseus lib. epist. observar. sexta. Concludo cum disticho dotes casei comprehendente.

Non Argus, Largus, non Magdalena, Matustem,
Non Abacuc, Lazarus, caseus iste bonus.

Quibus verbis significatur eum caseum qui non est ocellatus & foraminatus, qui sale nimio aspersus non est, qui nec capillis intrinsecus sordet, nec liquorem stillat, qui vetustus non est, qui non durior, qui denique fœtidus non existit, optimum esse statuendum.

De Butyro & Sero.

C A P. LXXVII.

Lenit & humectat, solvit sine febre Butyrum:
Incidit, lavat, ac penetrat, mundat quoque Serum.

Butyri
proprietates
tres.

Duo hic examinantur. Primum est de Butyro
cujus tres proprietates referuntur.

Primo, cum doloris sedatione lenit & maturat: Siquidem temperate calidum est, & natura pingue atque oleosum, facultatisque concoquentis, paulum habens etiam digerendi potentia, in mediis nimirum corporibus secundum duritiem & molliem. Bubonas igitur & parotidas juvat, gingivas extenuat, & praesertim in infantibus dentientibus, item humores in pectore ac pulmone fixos linctu concoquit.

Secundo, humectat, ex meliore namque lactis essentia constat. Quemadmodum ergo lacti, unde sejunctum est, humectandi vis inest, ita & butyro inesse oportet.

Tertio vero, solvit, largius enim sumptum, cum ob suæ substantiæ lubricitatem, tum ob communem omnium ciborum humidorum rationem, qui scilicet citra adstrictionem sunt humidi, facile per ventrem subit. Sed febricitantibus & calidioribus naturis non æque ut aliis convenit: ipsis enim in flavam bilem convertitur.

Illud porro nosse hoc loco utile est, quod butyrum ob superabundantem & humiditatem & pinguitudinem in alimentis, usu præsertim immoderatiore, expetendum non est. Ventriculum enim resupinat ac subvertit, & ad vomitum incitat. Neque vero ultimo post alios cibos loco ingerere convenit, quippe cum humidum sit ac lubricum, facileque subduci queat, in superficie natans corrumpitur, atque ob hoc ipsum ante alios cibos sumendum est. Ita enim citius subducitur, & aliis cibis viam munit. Quocunque oleo magis tum nutrit, tum cibos condit: quo fit ut obsoniis additum olei atque adipis vicem merito penset. Unice tamen hoc semper cavendum, ne usus ejus sit immoderatus, neve in ventriculo accendatur. Pingua enim inflammata, quemadmodum in majori praxi tract. 6. capit. 15. rubr. 4. Joannes Michaël Savanarola scriptum reliquit, in melancholiam adustam transeunt, ex qua lepra deinceps generatur. Quo fit, inquit ille, ut ob nimium Butyri usum multi leprosi in Germania reperiantur. Recens etiam butyrum contra bestias quæ virus ejaculantur, venenæque & foris illitum, & peros assumptum efficax est: ab aspide enim percussis utilissime imponitur, & in pestilenti aëris constitutione quotidie cum puri panis tribus aut quatuor bolis mane ab jejuniis devora-

tum, mirifice ad sanos ab infectione præservandos confert. Plura de butyro Dioscorides libr. 2. capit. 62. Galenus libr. 10. capite 10. de simpl. medic. facult. Paulus Ægineta libr. 7. Simeon Sethi in Syntagm. & Avenzoar, Tract. I. c. 4. lib. 3. Theysir.

Serum. Altera parte agitur de facultatibus Seri, quod lactis aquosa est substantia. Hoc (ut libr. 2. distinct. 1. capite 9. de medic. simpl. purgan. Mesues inquit) excalefacit atque siccatur ordine primo completo, & usque ad secundum. Quinetiam attenuat, abluit, abstergit, & nitrosa qua refertur est facultate, alvum absque aliqua mordacitate leviter subducit. Bilem tum flavam tum atram ab exustis humoribus genitam dejicit: quo fit ut mirifice conferat maniacis & melancholicis. Præstat item ad viscerum infarctus, & morbis inde provenientius opitulatur, nimirum aqua intercute laborantibus, felle suffusis & lienosis. Datur utiliter febrientibus ex bile, & viscerum ac vasorum obstructionibus. Competit etiamnum vitiis in cute à bile & perustis humoribus emergentibus. Quare lichenibus, vitiliginibus, alphis, psoris, leprisque admodum convenit. Hæc ille. Comitibus quoque atque iis qui ob potentis vini largiorem potum malè habent, auxilium præstat. Plura Dioscorides libr. secundo cap. 60. Galenus libro decimo de simpl. med. facult. capite octavo Rhazes libro tertio ad Almanf. capite 15. & Avicenna 2. can. capit. 44.

Animadversio.

AErea, pinguis, & temperata lactis portio, est βύτυρον, sic dictum quasi *bovis casus*, licet res sint non tantum forma & materia, sed etiam temperamento diversissimæ, *casus* & *butyrum*. *Butyri* antiquitatem investigare qui voluerit, pene eam repetat necesse est ab ipsis mundi incunabilis, quo tempore fuisse pastores sacre pagine nos docent. Ejus certe fit mentio dccimo octavo capite Genes. Deuteronomii 32. Isaia 7. Proverbiorum 30. quo loco modus quoque conficiendi lactis perstringitur. Sunt qui arbitrantur Dioscoridem primum ex Medicis ac prophanis auctoribus lactis mentionem fecisse. Quod certe satis mirari non possum, cum longè ante Dioscoridem qui Antonii & Cleopatrarum tempore florebat, noster Hippocrates *butyri* meminerit; nimirum libro de natura muliebri, lib. de sterilitate, lib. 1. & 2. de morbis mulier, lib. 2. de morbis lib. etiam 4. ubi quid sit & quomodo fiat à Scythis *butyrum* recenset, quod etiam observatum habemus ab Herodoto lib. 4. qui Hippocratis fuit σύγχρονος. Libro certe primo de morbis mulierum duodecies repetitur ejuscemodi vocabulum; bisque etiam non βύτυρον, sed πικρίον vocatur, quod Galenus explicat in lexico verborum Hippocratis βύτυρον, & ante Galenum Eriarianus etiam in lexico, his verbis: Πικρίον, id est, βετύρον, ὡς καὶ Αλεξοφάνης ἐν τοῖς ὑπομνήμασι φησὶν; ὅτι θάως ὁ Ἰταλῆσις ἰσορρεῖ ὡς δὲ φεῖξι πικρίον τὸ καλεῖται βύτυρον, id est, siquidem Aristophanes in commentariis refert, Thoanem Itacesium narrare βύτυρον vocari

Butyri
anti-
quitas.

μάκερον à Phrygiis, quæ omnia sufficiunt ad ostendendum ante Dioscoridem butyri usum fuisse. Non diffitebor tamen veteres eo potius ut medicamento quam ut alimento usos; ut propterea Athenæus, qui omnia pene ciborum genera suis libris persecutus est, butyrum omiserit, quasi cibis non assuetum, quamquam apud Hebræos & Scythias in usu esset. Galenus certè lib. 3. de alimentis cap. 15. minime vim illi nutriendi, sed alterandi solum tribuit; verba ejus proferam, quo ambigendi omnis occasio præcludatur. *Ad hæc*, inquit, *tertium etiam pinguem succum lac boum, ut dictum est, plurimum; ideoque butyrum (quod vocant) ex eo conficiunt, quod gustu solo visusque quantum in se pinguiudinis habeat, facile cognoscas. Quod si partem aliquam corporis eo inunxeris ac fricueris, cernes cutim pinguem non aliter ac si oleo fricueris. Præterea si mortui animalis corium aridum eo inunxeris, eundem cernes effectum. Quin imo homines in plerisque frigidis regionibus, in quibus oleo carent, in balneo butyro utuntur. Cernitur præterea si ignitis carbonibus ipsum infundas, non aliter ac pinguedo flammam excitare, denique utimur ipso in illis in quibus utimur adipe, cataplasmatibus, aliisque medicamentis ipsum permiscentes. Hæc ille qui lib. 10. simplicium aliena ab istis non protulit; nec à Galeno dissentanea docuerunt, Paulus Æg. Oribasius, Aëtius, nullam quoque illi facultatem nutriendi concedentes. Attamen Dioscorides lib. 2. notat in obsoniis pro oleo addi, & pro adipe in dulciariis admonuit: *μάκερον δὲ, inquit, καὶ ἐκ τοῦ πύμασιον ἀντὶ σαλπίδος*. Plinius lib. 28. cap. 9. barbararum gentium laudatissimum cibum asseruit, quique divites à plebe discernere*

Plinius
expli-
catus.

ret. Quæ postrema verba sic intelligenda docet Mercurialis variæ lection. lib. 10. cap. 16. ut *butyrum* cibus potius fuerit. vulgarium hominum quam Nobilium. In quo certe hallucinatus est. His enim verbis significat Plinius, ut Dalechampius observat, divites plurimum *butyri* quotannis è suis armentis reposuisse; quod venderent: plebeijs vero parum, & quod in usum quotidianum tantum satis effet: Itaque locupletibus in censu & reditu erat,

Porro quod ad facultates ejus attinet, modice & temperate calidum est & nutrit *butyrum* Symeone Sethi assertore: pectus & pulmonem juvat, spiritumque facile educit, & ad frigidas aridasque tussis confert: abunde sumptum ventrem lubricat, facultatemque digerendi & discutiendi habet, concoquendi etiam ac leviter educendi. Plinius dixit ipsum *adstringere mollire, replere, & purgare*. Quæro quomodo adstringit si molliat? An cum Mercero pro *adstringere*, legemus *digerere*? An cum Dalechampio dicemus ipsum *adstringere* propter additum salem? Nequaquam: nec enim salitum fuisse olim butyrum ad custodiam ostendet umquam Dalechampius, emendatio Merceri paulo crassior: quid ergo? reponere *abstergere* pro *adstringere*. Loquitur Plinius de inveterato *butyro* proinde calidiori (quanto enim *Plinius* *verustius est tanto calidius*, inquit Symeon) imo *correc-* etiam acriori. Notum vero est, acribus vim de- *ctds.* tergendi insitam esse. Experimur quotidie inveteratum butyrum & caseum, acrimoniam quamdam non modicam sibi comparare, à qua si quis ipsum abstergere dicat, puto à ratione alienum nihil pronuntiare. De *butyro* præter

328 DE CONSERV. VALETUDINĒ.

nominatos egit Pincierus lib. 2. parergorum.
cap. 20.

Serum
lactis.

Ad serum lactis quod attinet quia medicamenti
potius quam alimenti rationem obtinet, quodque
de eo Costæus, Baricellus, Claudinus, Gesne-
rus fusissimè egerint opere proprio de lacte &
sero, idcirco longiorem disputationem non po-
stulat. Insuper animadverto mihi post hanc pro-
lixam & diffusam de cibis dissertationem at-
que disquisitionem, paululum esse quiescendum;
ut reparatis animis & recreatis spiritibus ere-
ctior & alacrior assurgam ad reliquum opus.
Deo bene favente peragendum.

FINIS.

INDEX RERUM MEMORABILIVM.

A

- | | |
|---|---|
| <p>A Bdomen propu-
dendis 757. pro
fumine, <i>ibid.</i>
Abdomen piscium, 763
Abrotoni nomen & fa-
cultas, 412. 413
Absinthii nomen 401.
species <i>ibid.</i> de romano
error 402. temperies
<i>ibid.</i> vis, 410
An abstinendum omni
potu, 188
Accidens non nutrit, 242
Acetaria, 348
Acrepala, 389
Acria an purgant 145. co-
rum differentia 146. co-
ctione mitescunt, 148
Adversus pulices reme-
dia, 453
Ædium ædificatio, 74
Ædes æstivæ & hybernæ,
<i>ibid.</i>
Ægyptii sacerdotes pane
salito abstinerunt, 301
Aër an nutriat, 243</p> | <p>Aër an sit mixtum cor-
pus, 246
Aër crassus, 25
Aër crassus differt à tur-
bido, <i>ibid.</i>
Aër tenuis, <i>ibid.</i>
Aër putris, <i>ibid.</i>
Aër sincerus deligendus
<i>ibid.</i>
Aër calidior, 26
Frigidior, <i>ibid.</i>
Humidior, <i>ibid.</i>
Siccior, <i>ibid.</i>
Aëris emendatio, 27
Aëris optimi notæ &
usus, 20
Aëris corrupti noxæ, 20
Aëris necessitas, 21. 23
Læus, 23
Ubi Aër purior sit, 21
Aër mutabilis & unde, 28
Aëris triplex usus, 24
Aër ut attrahatur, 24
Aëris substantia qualis
esse debet, 25
Ætas duas habet partes
33. temperies, <i>ibid.</i></p> |
|---|---|

INDEX RERUM

- Æstate qui cibus, 167
 Agnina caro, 663
 Agni electio, 768
 Alaudæ electio, 765
 Alæ avium, 727
 Albica piscis, 693
 Albula piscis, 707
 Albus panis Lumbricos
 gignit, 296
 Alexandria ut condita, 72
 Alimentum triplex, 9. 268
 Alimentum hominis pro-
 prium, 242
 Alimentum quibus doti-
 bus præditum esse debet,
 263
 Alimentum medicamen-
 tosum 137. calidum *ibid.*
 frigidum *ibid.* humidum
ibid. siccum *ibid.* ama-
 rum 138. dulce 139. sal-
 sum 140. acre *ibid.* aci-
 dum *ibid.* acerbum *ibid.*
 An alimentum sit anima-
 tum, 266
 Alimentorum materia,
 268
 Alimū medicamentum,
 365
 Allium est salsamentum,
 152
 Amarellus avis, 627.
 654
 Anates, 655
 Anethi laus 556. tempe-
 ries *ibid.* usus 558. lac
 & semē auget 559. 560.
 est narcoticum, *ibid.*
 Angli quo tempore infa-
 niant, 344
 Anguillarum noxæ 715.
 coctio 716. laus, 718
 Animalia dari sponte nas-
 centia, 256
 Animi tranquillitas, 17
 Anima à vento & aëre
 dicta 23. ejus definitio.
ibid.
 Anisi facultates 553. 554.
 nomen 555. genera *ibid.*
 temperies *ibid.* usus in
 cibus, *ibid.*
 Anseres, 657. 766
 Anserinū unguentū, 659
 Anserum condimentum,
 151. 152
 Antecæna, 215
 Antecæna pro prandio,
ibid.
 Appetitus errat, 261. 262
 Cur appetamus absurda,
 261
 Apoplexia ex ira, 4
 Aqua quam necessaria in
 panis preparatione, 274.
 282
 Aquæ marinæ vires, 399
 Aquaticus panis, 304
 Aquilonia cōstitutio plā-
 tis commoda, 61

MEMORABILIUM.

Arbor vitæ,	471	Auctor Geoponicon,	434
Arcana medica sunt re-		Auctor de virtutibus cor-	
velanda sub pœna pec-		dis,	443
cati,	457	Avellanæ vis,	210
Arietis electio,	767	Avium definitio	640. ca-
Arma minimè penetrabi-		ro qualis,	641
lia,	470	Avium aquaticarum bo-	
Aromatum laus & noxæ,		nitas,	655
	602	Avium quæ meliores, vel	
Aromatum usus in condi-		deteriores,	640
mentis,	603	Aures quadrupedum,	740
Ars reddendi immortalit-		Antidium quid sit,	518
atè apud Chinēses,	470	Autumnus,	32
Artesius quamdiu vixe-		Autūnales fructus pravi.	
rit,	14	Autūno qui cibus,	167. 168
Asellus piscis,	693	Azyimo qui abstinerunt	
Asia an præferenda Euro-		300. venerem excitat,	ib.
pæ,	68. 69	Azyimo utētes corda par-	
Assatio quid	143.	va habent,	301
Assorum		Azymus panis est speusti-	
facultas,	144	tius,	308
A'asā'sis.	501		
Astronomia Medico ne-			
cessaria,	29		
Astrologia necessaria Me-			
dico,	86. 87		
Ater panis tenebras in-			
ducit,	303		
Athanasia herba est Ta-			
nacetum	468. usus.		
491			
Antiperistasis quid sit	172.		
tres de ea quæstiones,			
	ibid.		
Attrahit sēper calidū,	147		
Auctor Scholæ Salerni-			
tanæ,	7		

B

Arbæ mullorum in	
delitiis,	761
Bedolach,	612
Bellariorum nomina	211.
inventio	ibid. finis ibid.
materia	ibid. usus,
212	
Belenion est Persea ar-	
bor,	486
Beta & blitum ut diffe-	
runt,	413. 418
Betæ nomen	413. differen-
tia	ib. an detur sylve-
stris beta	414. tempe-

INDEX RERUM

amentum, 415. 416. 417	potest, 174
Biberunt nunquam ali-	Calor cur diversimodè
qui, 188	agat, 142
An bibendum prius quam	Calidum semper attra-
edendum, 214	hit, 146
Borraginis appellatio, 361	Cancer, 390
Bovis electio, 768	Cancri, 699
Brassica 380. facultas <i>ib.</i>	Capilli capitis decor, 495
crapulâ sedat 381. tēpe-	Caponis præstantia 617.
ramentum 384. commē-	642. 766
datio apud priscos, 387	Capitatus piscis, 714
Brodia, 781	Capitis tegmen quale ef-
Bubula caro, 668	se debet, 85
Buffones terram edunt,	Caput piscium, 759
248 253	Caput quadrupedum, 738
Buglossi appellatio 350.	Caput avium qualis suc-
est borrago nostra <i>ibid.</i>	ci, 728
species 351. temperies <i>ib.</i>	Carbones devorati cur
vires. <i>ib.</i> an exhilaret, 357	non ledant, 262
Bulbosæ plantæ 495. bul-	Cardiaci qui 361. 362
bi <i>ib.</i> felliti. 493	Cardines mundi, 63
C	Carminativa medicamē-
Caparum natura 493.	ta unde dicta, 443
nomen 496. pro-	Carolus Bouvart Medicus
prietates. <i>ibid.</i> lacrymas	celeberrimus, 341
movent <i>ib.</i> oculis nocent	Caro salsa ut nutriat 116.
498. genera, 499	cervina <i>ib.</i> leporina, 117.
Caparum temperies 500.	bovina <i>ib.</i> vitulina 118.
usus in cibis <i>ibid.</i> iis qui	vaccina, 119
abstinuerint <i>ib.</i> noxæ, 503	Caprina <i>ibidem.</i> arietina,
Calculus frangi nequit	120. porcina 121. 122.
ullis medicamentis, 599.	aprina 123. 124. hædi-
600	na, 125
Callus vel callum, 758	Carnes quæ eligendæ,
Calor quot modis augeri	127. 128

MEMORABILIUM.

Carnis laudes & usus an-	Cerebrum quadrupedū ;
tiquus 629. ejus ofores	741. porcelli, & vituli, <i>ib.</i>
631. appellatio 633. dif-	Cerebrum avium qualis
ferētia à genere anima-	succi, 728
lium 634. à moribus &	Cerebella ut nutriūt, 107
etate <i>ib.</i> à sexu & habitu	Cerussa exterius lenit, in-
635. à partium situ, pabu-	tus ulcerat, 514
lo, & regione 636. à sali-	Chærefolii facultates ,
tura 637. ut renereſcat	390. 391. appellatio
638. diviſio, 639	usus, 393
An Carnis repletio levior	Chamaeleon aëre vivit,
carne, 295	243. vivit muſcis, 246
Cartilago, 735	Chelidonium reſtituit vi-
Cafeus recens, 101	ſum hirundinibus 421.
Cafei conſideratio & no-	ejus nomen 422. 423. fa-
xa, 114. 115	cultates 422. variæ ap-
Caſtorei vires, 466	pellationes 423. 424.
M. Caro uſus Medicina, 13	ſpecies <i>ib.</i> an & quibus
Cato contrarius Hippo-	hirundinum pullis viſum
crati, 171	reſtituat, 425
Cato emendatus, 307	Chœnix quid, 292
Cauda piſcium, 763	Super Chœnicem non ſe-
Caules, 374. 375	dere quid, <i>ibid.</i>
Caunii aëris vitio luridi,	Cibus <i>εὐχυνος</i> qualis, 98
72	Cibi forma 97. materia,
Celſi conciliatio cum Ga-	98
leno, 174	Cibus cacochymus 99.
Centaurea exterius lenit,	polytrophos <i>ib.</i> oligot-
interius ulcerat, 514	trophos, <i>εὐπρεπός</i> , 98. 99
Cera materia medicamē-	Cib⁹ veris 159. eſtatis 166.
toſa, 294	autūni 167. hyemis, 168
Kiegs. 398	Cibi qualitas 88. ſubſtan-
Ceraſorum vires 538. dif-	tia <i>ib.</i> tempus exhibendi
ferentiæ 569. gūmi 570.	89. quantitas 90. conſi-
nomen 571. tēperies, <i>ib.</i>	deratio, <i>ibid.</i>

INDEX RERUM

- Cibus ratione substantiæ
quotuplex, 90. 98
- Ciborum vitia unde de-
sumantur, 129
- Ciborum quantitas 131.
divisio penes quantita-
tem *ibid.* paucitas 132.
mediocritas, *ibid.*
- Qui cibi igne coqui non
debeant, 151
- Ciborum varietas noxia,
184
- Cibo nondū cocto novus
non assumendus, 184. 185
- Cibi cocti signa, 179
- Cibi præparatio duplex,
141
- Cibi nomine panis signi-
ficatur, 290
- Cibus liquidus præmit-
tendus, 214. & 219
- Cib⁹ jucundior melior, 103
- Ante cibum duo obser-
vanda, 187
- Cibi qui prætermittendi,
219
- Ciceris appellatio 327.
328. species, *ib.* usus *ib.*
an bonum colorē faciat,
330. temperies contro-
versa 331. venerē excitat,
ib. diureticum est, 332
- Clidium quid sit, 761
- Clima quid sit, quotuplex
designatio, 55. 56
- Clima septimum tempe-
ratissimum, 58
- Quodnam Clima tempe-
ratissimum, 56
- Clima Necromāticorum,
Coctio fructuum duplex,
565
- Coctio cibi quot horis
peragatur,
- Coctio ciborum 141. ejus
species, 151
- Cælum quot modis agat
in aërem, 29
- Cœnæ acceptio,
Cœna ut vocata ab Ho-
mero, 201
- Cœna quotuplex, 215
- An Cœna uberior esse de-
beat, 192
- Cœna parca sit, 5
- Cœna nimia mala, 190
- Collum avium 729. qui-
bus longum *ib.* officit
oculis, *ibid.*
- Coloris in fructibus di-
verſitatis causæ, 564
- Columbæ, 620. 645. 766
- Columbæ terram edunt,
247. quamobrem, 252
- Comestationes, 202
- Cometa an meteorum,
49. ejus effectus, 45
- Conditura quid sit 154.
ejus species, 151. 156
- In Condimentis conside-
randa,

MEMORABILIVM.

landa,	159	pathia cū cerebro,	543
Consuetudinis laus,	225.	Cruda quæ vocantur,	148
vocatur natura, <i>ibid.</i>	de-	infant,	<i>ibid.</i> & 149
fectio, 225. divisio, <i>ibid.</i>		Crudis cibis uti an bonū,	
Consuetudo immutat na-		141. 142	
turam, 227. ejus impe-		Crusta panis,	285
rium, 227. 228. & <i>seq.</i>		Cuculus priscis,	708
Consuetudo altera natu-		Cuniculus,	768
ra, non mutanda, 221. <i>ib.</i>		Cutis quomodo nutriat.	
Cōsuetudo non tuta, 207		123	
duplex,	208	Cutis piscium,	764
Consuetudinis habenda		Cutis avium,	735
ratio,	195	Cutis Adami fuit ex un-	
Cōqui minùs ægrotant,		gue,	80
604. 605		Curarum noxæ,	2
Cor quadrupedum,	742	Curcuma Arabū quid,	310
Cor avium, 731. faculta-		κύνις quid,	389
tes,	<i>ibid.</i>	Cyprinus piscis, 694. 710	
Coriandri virtus, 561. no-		Cyrus diu vixit sanus,	13
men, <i>ib.</i> temperies, <i>ibid.</i>		D	
Corfi longævi ob mel,	14	D Alechampius nota-	
Coturnix, 621. 647. 766		tus,	347
Corvus marinus,	767	Decanorum herbæ,	341
Cristæ appellatio,	723.	Democritus odore panis	
726		recreatus,	237
Croci vires, 537. nomen,		Diæta quid sit,	18
538. genera, <i>ibid.</i> tem-		Diæta triplex,	223. 24
peries,	536	Dies variantur per clima-	
Croci usus in cibis, <i>ibid.</i>		ta,	54
exhilarat, <i>ib.</i> risum exci-		Divina quæ vocētur,	305
rat 540. dolorē capitis in-		Dulcedinis operationes,	
ducit, 543. roborat, 546		134. amaritiei vires, 135.	
Crocus venerem excitat,		falsedinis, 136. unctuo-	
545. est narcoticus, 546		sitatis, 135. acerositatis,	
Crotaphitæ musculi sym-		136	

INDEX RERUM

duracinū quid sit, 581. 584

E

Eκασμα, 43

Elementa nutrire non possunt, 242

Elephas terram edit, 250. quamobrem, 251

Elixatio, 144. elixorum facultas, *ibid.*

Ενταγμα medicamēta, 398

Enula cāpana. Vide Helenium.

Epigastrium quadrupedum, 756

Εἶδος quid, 335

Europæ situs, 67. nobilitas, *ibid.* an præferenda Asiæ, *ibid.* divisio, 70

Εὐαλκον, 681

Εὐφρατος quid, 680

Excrementa non retinenda, 6

Exhilarantia medicamēta, 353. 357

F

Fabæ nomen, 332. species, *ibid.* usus in cibis, *ibid.* temperies, 331. efusus interdictus, 335. an venetem excitent, an sterilitatem, 337

Faba Ægyptia, 344

Fabæ partes omnes, 345

Faba lunaris herba, 341. sanguinem sistit, 344

πύραρον, 342

fabæ florēt proverbii, 343

Fames optimum condimentum, 156

Fames utilis, 189

Fames duplex, 179. vera, *ibid.* mendosa, *ibid.*

Familia Asclepiadarum exercebat medicinā, 19

Farinæ partes, 271

Felis adorata ab Ægyptis, 359

Fermentum quid sit, 279. ejus virtus, 280

Fermento qui abstineant, 299. 300

Ficus maturæ, 103. vires, 104

Ficum facultates, 592. venerem excitant, 592.

laudes, 594. genera, *ibid.* partes, 595. temperies, *ibid.* usus in cibis, *ibid.*

Flatus causæ, 149

Florum gloria & commendatio, 526. usus, 527

Fluxus marini causa nova, 407

Fœniculi seu marathri vires, 438. 441. nomen, 439. differentia, 440.

temperies, *ibid.* usus in cibis, *ibid.* an venenum, 442.

an flatulētum, 443

MEMORABILIVM.

- F**œniculum oculis com-
 modum, 442. à serpē-
 tibus nobilitatū, *ibid.*
 non ammiscendum cū
 fenna, 444
Frigellus, 625. 652
Frixio, 144. frixorum fa-
 cultas, *ibid.*
Fructuum differētiæ, 563.
 colores, 564. sapores,
ibid. succi, 565. odores,
ibid. usus, *ibid.* ut di-
 gnoscantur, *ib.* & 566.
 præstantia, *ibid.*
Fructus recentes nocent,
 146
Fructus æstivi, 567
 de Fructibus cautio, 575
Fulica avis, 766
Fulminis effectus, 45
G
Galbio piscis, 694. 711
Galenus ab ortu
 morsus, 12
Galenus beneficio medi-
 cinæ sanus permanfit, *ib.*
Galenus explicatus, 62
Galenus explicatus, 149
Gallina coryllorum, 653.
 767
Gallina indica, 766
Gallarum usus & boni-
 tas in cibis, 616. 641.
 766
Galli gallinacei descri-
 ptio & ejus superbia,
 76
Galli decrepiti, 617. 641
Gaudium quæ excitent,
 16. & 18
Gaudium repentinum
 mortem affert, 16
Gelinotta, 633. 766
Gorgia Leontini sene-
 ctus, 13
Genæ quadrupedum, 741
Glandibus Hebræi non
 usi, 287
Glandium vitulinū, 758
Gobio piscis, 695. 713
Gornus piscis, 669. 694.
 689. 708
Gradilii panis, 307
Grandinis noxæ, 49
Griva avis, 767
Gustus naturalis inest
 plantis, 265
H
Hebræi sacramento
 quando abstinue-
 runt, 299
Hebræi pane Azymousi,
ibid. 300
Hebræi & Græci habue-
 re prandium & cœ-
 nam, 201
Helenii vires, 484. vi-
 num, *ibid.* an vene-
 num, 485. duplex fuit
 486. nomen, 490. ge-
 GG g ij

INDEX RERUM

- nera, *ibid.* temperies, Hyeme an victus ratio
 491. usus, *ibid.* calidior conveniar, *ibid.*
 Helena unde dicta, 492. Hyems habet tres par-
 Hepar avium laudatur, tes!, 32
 732. anseris, caponum, Hypocelium, 761
 733. 734. Hysopi facultates, 427.
 Hepar piscium, 761 nomen, 428. usus in sa-
 Heremita cur diu vixe- cris, *ibid.* usus in medi-
 runt, 142 cina, 429. vis in cibis,
 Herodicus Medicus diu 430. species, 431. cur
 vixit, 13 apposita Christo in po-
 Hygieine quibus rebus tu, I *ibid.*
 constar, 8 **I** Ecur quadrupedum,
 an sex, an quinque, *ibid.* 744. suilium, *ibid.*
 Hila, 753 Ientaculum, 202
 Hypocratis & Galeni Ignis subterraneus, 47
 conciliatio, 41 Igni non nutrit, 241
 Hypocrates correctus, Illia piscium, 763
 64 Illia quadrupedum, 755
 Hirundinum pulli dupli- Illia porcorum, 740
 ces, 425. 426 Imbrex quid Martiali,
 Hædi electio, 768 750
 Hædina caro, 671 Incerniculorum discrimen,
 Homo non assuescit me- 279
 tallis, 234 Inambulatio à cæna, 6
 Homo assuescit venenis Infoliatio, 584
 frigidis non calidis, *ibid.* Infitionis tres modi, 585
 Homo an spiritu nutria- Intemperantiæ effectus,
 tur, 256 190
 Horatii locus expositus, Interpretes Arabum ca-
 216 stigati, 402
 Hyeme quis cibus, 168. Intestina piscium, 763
 an largius potandū, 170 Intestina quadrupedū, 552
 Cibus quādo copiosior Ioan de temporibus se-
 ingerendus, 169. 170 nectus, 13

MEMORABILIVM.

Iovis fabula explicata, 18	Lactes piscium, 763
Ira quid sit, 4	Lactes, 753. 754
Ira effectus, 4	Latitiae effectus, 15
Ira quibus vitanda, <i>ibid.</i>	Latus piscium, 762
quibus utilis, 5	Lavēdulę virtutes, 467
Isthmus quid, 552	Legumina unde dicta, 330. eorum species, 321.
Italorum ingenia, 70. 71	facultas, 322
Iura carniū, 96. 97	<i>Λειποθυμία</i> ex timore, 3
Iura pingua, 781	Lex in piscatores, 676
Iuvencorum caro, 670	<i>Λειπός</i> quid, 446. 447
L	Lien quadrupedum, 745
Ac quā generēt, 559	Lien avium, 734
Lac impinguat, 101	Ligustri virtus, 515. usus, <i>ibid.</i>
Lactis nomen, 788. utili- tas, 794. causa materia- lis, <i>ibid.</i> efficiēs, 789. in- strumentaria, 790. acci- dentaria, <i>ibid.</i> & 791. an fuscū melius cādido, 792	Limanda piscis, 710
Lactis electio, 784. do- res, 785. lac caprinū 785 camelinū, 781. 796. asi- ninū, 785. 796. mulie- bre, 786. 794. ebutyratū 786. vaccinū, 787. 795. ovinū, 788. 795. equi- nū, 795. 796. suillū, 795. 796. optimū, 794. 797	Lingua piscium, 760
Lactis noxę, 111. 112. usus, <i>ibid.</i> quando assumen- dum, <i>ibid.</i> genera, 113	Lingua avium esui apta 730. anserum venerem excitat, <i>ibid.</i>
Laceratus Indicus lapides edit, 248. iis non alitur, 253	Lingua quadrupedū, 739. bubula, 740. vitulina & vervecina, <i>ibid.</i>
	Locus elatus qualis, 75. declivis, <i>ibid.</i> planus, 76. petrosus, <i>ibid.</i> mōtosus, <i>ibid.</i> sylvosus, 77. palu- stris, <i>ibid.</i> marinus, <i>ibid.</i>
	Lotus panis differt ab Aquatico, 304
	Luci ⁹ piscis, 691. facultas, <i>ibid.</i> est tyrannus aqua- rum, <i>ibid.</i> & 700. 701
	Lumbi piscium, 763

INDEX RERUM

Lunæ vires in inferiora,	denominata,	355
29. 30	Medicamenta exhilaran-	
Lupi terram edunt, 249	tia,	355. 357
	Medicamentum nullum	
	est quod mortem aver-	
	tat,	464
M	Medicinæ laus,	10
M Alvæ nomen, 61.	Medicinam dari, <i>ibid.</i>	
vires, 363. & <i>suiv.</i>	Medicina à morte non	
ea abstinuit Pythago-	liberat,	464
ras.	366	
Malva dicta omnimor-	Medicina quid præster,	
bia, 367. solem sequitur,	463	
<i>ibid.</i> venerem stimulat,	Medicina olim paucarum	
368. frigidane est an ca-	familiarum,	19
lida,	<i>ibid.</i>	
Mammæ,	Medicina an necessaria,	
755	11	
Mare salubrem efficit ha-	Medicina ut differat ab	
bitationem,	Astrologia,	31
77. 78	Medici aliter distinguunt	
Mare nauseam excitat,	anni tempora quam	
404	Astrologi,	30
Mari vis inest purgatrix,	Medici & coqui discrim-	
406. 407	men,	153
Marinæ aquæ vires, 399	Medulla quomodo nu-	
Maritimi mores pro ma-	triat,	102. 103
lis,	77	
Marulium quid sit,	518	
Masticatio longa esse de-	Medulla duplex,	735
bet,	186	
Medicamenta quædam	Melancholici affectus,	
admota lædunt, as-	119	
sumpta juvant,	513	
an Medicamenta den-	Mel facit ad longam vi-	
tur mortem prohiben-	tam,	14
tia,	469	
Medicamenta à partibus	Mensæ primæ & secun-	
	dæ,	210
	Mensis divisio,	33
	Menthæ vires, 432. no-	
	men 433. genera, 434.	

MEMORABILITUM.

- temperies, *ibid.* usus, 589
ibid. & 435
 Mesenterium, 754
 Mespilorum vires, 597
 μεταβολή, 34
 Metalla non nutriunt, 264. sunt incoctilia,
ibid. sicca & arida, *ib.*
 insipida, *ibid.* aliena
 ab homine, 266
 L. Metellus diu vixit, 13
 Meteororum divisio, 43
 Meteororum ignitorum
 effectus, 4
 Meteora aquea, 49
 Merenda, 202
 Mergus avis, 767
 Meridionalis regionis
 temperies, 64
 Merlucius, 706
 Merula, 625. 650
 Mistio plurima alvum
 stringit, 597
 omne Mistum humido
 pingui non constat, 254.
 Mistra inanimata an nu-
 triant, 263
 Mistum corpus & im-
 purum differunt, 246
 Mœror utilis obesis, 4
 Mœroris effectus, 2
 Molarum discrimina, 278
 Mollusca nux, 586
 Mora quando edenda,
 218. 219
 Mororum nomen, 589
 arbor sapientissima,
i-id. differentie, *ibid.*
 temperies, *ibid.* & 590.
 usus, *ib.* salubritas, 591
 Mordicatio necessaria in
 purgante medicamen-
 to, 147
 Morlua, 628
 Mors ex timore, 3
 Mors ex mœrore. *ibid.*
 Mustellarum jecora de-
 licata, 761. 762
 Mutatio subita mala, 222

N

- Nasturtii virtutes, 468
 Nasturtii facultates, 478.
 nomen, 480. tēperies,
ibid. an venerem exci-
 tet, 481. usus in cibis,
 483. usus in medicina,
ibid. genera, *ibid.*
 Narticorum vis, 546. mi-
 ra de eis, *ibid.* & 547
 Nature laus, 11
 Naturalium duplex mo-
 tus, 231. 232
 Nausea quid, 442
 Nausea marina. 404. 405
 Nectarea antidotus, 492.
 493
 Nepēthes Homericū, 352
 Nivis effectus, 49
 Nivis commoda, 296

INDEX RERUM

- Nobiles sunt biliosi, 18
 an iisdem nutriamur qui-
 bus constamus, 259
 Nux metel, 210
 an nuces post pisces, 209
- O
- O Besi benè habent à
 timore atque mœ-
 rore, 4
 Obsonatoris officiū, 158
 Occasus triplex, 41
 Occidentalis regionis
 temperies, 64
 Oculi humor aqueus re-
 generatur, 426
 Oculi avium qualis succi
 728
 Oculi piscium, 760
 Oculi quadrupedū, 740
 Oenas avis, 767
 Offa, 315. ejus vires, 316
 Olus quid sit, 346. ejus
 usus in cibus, *ibid.* no-
 xæ, 347
 Omotarichum, 761
 Ophthalmium, 738
 Opora pars ætatis, 32
 Ora pars ætatis, *ibid.*
 Orexis provocata vom-
 itu, 216
 Orientalis regio quæ sa-
 lubris, 63
 Orix avis, 653
 Ortus triplex est, 40
 Ortygometra, 623. 651
- Ovis avis, 615. 626. 653
 post Ova bibendum, 782
 Ovorum consideratio, 91
 92. partes, 98
 Ovorum facultates, 770.
 differentię, *ibid.* præpa-
 ratio, 771. 772
 Ova piscium, 764
 Ovilla caro, 683
ὀστρακοί, 462
- P
- Panis consideratio, 236
 237. calidus non
 edendus, *ibid.* vetus,
 fugiendus, *ib.* odor bo-
 nus & nutriens, 237.
 electio panis, 238. fer-
 mentatus, *ibid.* ocula-
 tus, 238. furfuraceus,
ib. falsus, *ib.* crusta pra-
 va, 239. boni panis no-
 tæ, *ibid.* ejus repletio
 mala, 292
 Panis etymologia, 241.
 differentię, 272. diffe-
 rentię à farina, 273. à
 fermento, *ibid.* à sale,
ibid. ab aqua, *ib.* præ-
 paratio, 274. Mistio,
ibid. subagitatio, *ib.* &
 281. facultates, 275.
 Coctio, 274. 283. par-
 tes, 285. clibanites
 quid, 276
 Panis robur affert, 291.
 Panis edēdi quāritas, 292

MEMORABILIVM.

- 292 quæ fuerit olim, *ib.* apud Romanos, *ibidem.*
 Panis repletio pessima, Panis primo factus ex
 293. 294 hordeo, *ibid.*
 Panis censura, *ibid.* Panis optimus in Scotia,
 An panis melior carne, 296
 295 Panis inventio 286. pri-
 In pane rei alimentariæ nium alimentū *ib.* multi
 summa, 289 inventores, 287. 288
 Panis cur mucescit. 308 Panis loco quid prisca ha-
 Panis lapideus, 309 buerint, 286
 De pane nullus scripsit, 311 Panis tostus 276. subci-
 Panis cur acefcat in ven- neritius *ib.* Biscoctus *ib.*
 triculo, 297 recens calidus *ib.* vetus
 Panis calidus sitim exci- 277. magnus *ib.* parvus
 tat, *ibid.* *ib.* spongiosus *ib.* optim⁹
 Panis madens efficacius *ib.* salitus 275. & 282.
 sitim tollit, 304 Lutetianus & 283. Hor-
 Panis vino intinctus ci- deaceus 284. secalin⁹, *ib.*
 tius inebriat, *ibid.* Panis calefactus frigidus
 Panis aqua madens resti- suavior, 298
 tuit appetitum, *ibidem.* Panis calidus frigidus ni-
 Panis cum vino febrem grior, *ibidem.*
 extinguit, 305 Pane calido usi veteres,
 Panis frustum devoratum *ibidem.*
 singultum excitat, *ibid.* Panis qui facile frangi-
 Panis Doricus, *ibid.* tur, *ibidem.*
 Panis popanus, gradilis, Panis siligineus 275. simi-
 speustitius, 306 laceus *ib.* Cibarius *ibid.*
 Panis materia alimento- furfuraceus *ib.* αντόπνεος
 fa, 291 *ib.* fermentatus *ib.* Azy-
 Panis conformis naturæ mus *ib.* Sapidus 276. Cli-
 humanæ, *ibid.* banites *ib.* furnarius, *ib.*
 Panis conficiendi ratio Panis triticeus, 100
 unde deducta, 289 Panes perdicæ Regis in
 Panis usus quando apud duplum crescebant, 302
 Athenienses *ib.* quando Pane salito qui abstinere

INDEX RERUM

- runt, 302
 Panis salitus minus ponderat, *ibid.*
 panis albus lumbricos gignit, 30;
 Panis ater tenebras inducit, *ibid.*
 Pane Azymo Hebræi usi, 299
 Palatum Cyprini prolin-
 gua habetur, 761
 Palatum bovis, 742
 Palmipedes aves, 655
 Palumbes, 767
 Panata, 316
 Papaver erraticum, 593
 Paradisus terrestris ubi
 situs, 53
 Paralysis remedia, 466
 Parisienses quare obno-
 xii calculis 283. plenu-
 dini etiam, *ibid.*
 A partibus denominata
 medicamenta, 533
 Quæ partes plantarum
 magis excoctæ, 267
 Passer avis, 767
 Passer piscis, 694
 pastinacæ nomen; 94. dif-
 ferentiæ 395. usus 396.
 Icur *φάρμακον* dicta, 398
 Pavo, 767
 Pediculos gignūt sic, 596
 Pedes avium, 735
 Pedes quadrupedū 757.
 sunt philosophorum
 edulium, 758
 Perca piscis, 691. 702
 Perdica Regis panes in
 duplum crescebant, 302
 Perdix, 624. 651. 767
 Perdices terrā edūt 247.
 nō cōvertūt in alimentū
 252. historia de ea re, *ib.*
 Persarū cadavera curmi-
 nus penetrent, 482. 483
 Persea arbor est hele-
 nium, 486
 Persica arbor differt à
 persea, 581. 582
 Persicorum facultas 580
 nomen 581. genera 582.
 sunt nuces 586. tempe-
 ries, *ibid.*
 Persicorum facultas 108.
 & noxæ, 109
 Perspirationis usus du-
 plex.
 Pestis tempore qui aër
 melior, 22
 Pestis ex terræ motu, 47
 Petroselinum est salsa-
 mentum, 152
 Phasianus, 622. 648. 767
 Pinguedo, 736
 Pinguis habitus & corpu-
 lentus ut differant, 106
 Pinguedinis causæ, 107
 Pinguescere ut aliquis
 possit, 106
 Pisi appellatio 323. diffe-
 rentiæ *ib.* usus 325. tem-

MEMORABILITUM

peries, <i>ibid.</i>	De placentis librum ha-
Pisa duas habent faculta-	ber paratum auctor, 212
tes 317. cur excitent tor-	Plagitia piscis, 694
mina <i>ib.</i> eorum brodium	Plantæ habent gustum
318. eorum coctio, 319.	naturalem, 265
Piscium conservatio per	An plantæ quædam salæ
nivem 677. divisio <i>ib.</i>	dentur, 521. 522
electio, 695. 696	Plia piscis, 711
Pisces qui meliores 688.	Pluviæ effectus, 48
689. differunt per sub-	Pluvialis avis, 767
stantiam 689. per etatē	Polimenta, 747
690. denominatur à pa-	Pollioromul ^o diu vixit, 13
bulo <i>ib.</i> sūt vocales, 709	Pomorū cōsideratio, 109
Pisces lacustres 677. flu-	Popanus panis, 306
viatiles 678. marini <i>ib.</i>	Porcellorum caro, 665
pelagii 679. littorales	Porci electio, 768
<i>ib.</i> saxatiles <i>ib.</i> errone	Ex uno porco variæ cupe-
686. fossiles 687. pota-	diæ, 667
motalassii, anadromi,	porci variæ appellatio-
catadromi, 688	nes, 664
Piscium electio 673. pre-	Porri virtus 504. nomen
tiū & lux ^o 674. laus, 676	505. genera <i>ib.</i> tempe-
Post pisces vinum biben-	ries, <i>ib.</i> usus, <i>ibid.</i>
dum, 716. 717	Potio ad longam vitā, 14
Piperis vires & differen-	Potus quid significet, 218
tia 600. cur repositum à	qui potu abstinerūt 227
Dioscoridē inter plera-	An præstet cedere semel
cea 604. regio ubi cres-	die, 207.
cit 605. arboris forma	Prandium Hebræis usita-
<i>ib.</i> proprietas mira 606.	tum, 201
temperies 608. usus, 611	An prandium uberius ef-
Piper salsamentum, 157	se debeat, 192
<i>mis</i> mē medicamenta, 353	Prandium ut vocatum ab
Pistores unde dicti, 787	Homero, 201
Pistrinorum genera, 279	Primulæ veris vires, 467
Pithalia pars hyemis, 32	Prisci quorū in die ede-

INDEX RERUM

- rent, 201
- Problemata de pane, 286
& deinceps.
- Propoma quid sit, 215. &
218. est causa verbo-
rum, 215. ejus usus, 216
- Providentia Medico ne-
cessaria, 86
- Pruinæ effectus, 49
- Prunorū facultates, 572
- Preparatio, 575
- Pulegii dotes, 445. no-
mina, *ibid.* genera; *ibid.*
usus in cibis, 447. noxa,
449. purgandi vis, 40
- Pulegium floret brumali
die, 451
- Pulmo quadrupedū, 743
- Pulmo avium, 731
- ad Purgandum necessa-
ria, 146
- Pyrorum vires, *ibid.*
- Pythagoras frangere pa-
nem prohibuit, 310
- Pythagoras abstinuit à
fabis & ovis, 339. fuit
magus, 338
- Q**Uædam tuto edun-
tur quæ affusa no-
cent, 489
- Quis fuit Rex Angliæ cui
dedicata schola Salern.
- Qui diu vixerint, 13
- Quietis necessitas, 17
- R**Adices an coctu fa-
ciles, 374
- Raia piscis, 694. 698. 711
- Raparum nomina, 374.
differentiæ, 375. tempe-
ries, *ib.* usus in cibis, *ib.*
- Raparum facultas, 371.
noxæ, *ibid.* & 372
- Recti intestini nomina, 7
- Regionum divisio, 49
- Regiones mundi, 63
- Regiones paulo frigidio-
res meliores, 61
- Regio australis quædam
in salubris, 73
- Renes desunt avibus, 734
- Renes quadrupedū, 746
- Repletio mendosa, 182
- Res sex nonnaturales, 9
- Risus duplex, 542. causæ,
ibid.
- Robertus dux Norma-
niæ, 7
- Roborantia medicamen-
ta, 355
- Roma quod signum cœ-
leste habeat, 64
- Roris effectus, 48
- Rostratula, 767
- Rostrū quadrupedū, 742
- Rutæ facultates, 452. no-
men, 455. optima, *ibid.*
temperies, 457. usus in
cibis, *ib.* pollet adversus
venena, *ibid.* sudorē fœ-

MEMORABIL IUM.

dum excitat, 458. visum	<i>ibid.</i> usus, 534. alvum
acuit, 459	movent, & vomitū, 535
Ryntax avis, 732	Sanguis avium, 736
S	Saporum numerus &
Saccharum an veteri-	qualitates, 133
bus cognitum, 163	Saporis fructuum diverfi-
Sacchari mirabilis usus,	tatis causę, 565
212	Saporum temperies &
Salicis vires, 519. 520. fru-	dignoscēdi modus, <i>ibid.</i>
giperda dicitur, 521. no-	Sarcella avis, 654. 766
men, <i>ibid.</i> differentię,	Sarieras fugiēda, 190. 191
522. usus, <i>ibid.</i> an steri-	Saxatulis piscis, 692.
lis, 523	quod alimentum prę-
Sal est salsamentum, 150.	beat, <i>ibid.</i>
idque optimum, 157	Schola Salar nitana quā-
Sal mistus omphacio, 408	do composita, 420
Sal qui optimus, 164. cur	Scotia habet panem up-
sit condimentum, 167	timum, 296
Salis cōmoda, 159. vene-	Scytharū iustus andū. 22;
no resistit, <i>ibid.</i> 160	Semen piscium, 764
Salsamenta varia: 151. eo-	Seninum varietas, 549
rum materia, 152. 153	Semina communia cur
Salsorum facultas, 150. an	sic dicta, 443
stringant vel laxent, <i>ib.</i>	Senium an retardari pos-
Salitus pānis minus pon-	sit, 13
derat, 301	Septentrionalis regionis
Salito pane qui abstinue-	temperies, 65
runt, 301	Serpens terram comedit,
Salvia, 151. condimentum	247. terra non nutri-
anserū & porcellorū, 152	tur, 248
Saliva index coctionis,	Serpens pro insectis, 410
187	Serum lactis duplex, 789
Salvię temperies, 476	Sicla quid, 415
Salvię utilitas, 463	Sile sive sil, 516. silatū, <i>ib.</i>
Sambuci flores, 532. 533.	Sileris montani dotes, &
nomen, <i>ibid.</i> temperies,	nomen, 515. tēperies, <i>ib.</i>

INDEX RERUM

- Siligineus panis** magis nutrit quam furfuraceus, 295
Similia multū nutrit, 937
Simplex cibus preferendus, 219
Sinapi vires, 548. nomen 549. species, *ibid.* temperies, 550. usus in cibis, *ibid.* noxæ, 552
Situs particularis expendendus, 33
Situs differentię particularis, 75
Solis vires in inferiora, 29
Somnia, 533
Somnus meridianus, 6
Somnus coctionem iuvat, 89
Speustitius panis, 307
Spinaciorū facultas, 517. genus, 518 temperies, *ibid.*
Spiritus aëre non nutriuntur, 244
Stellarum vires, 30
Stomachus avium, 731
Subcriste appellatio, 724
Suffocatorum facultas, 144. 145
Suilla caro maximè nutrit & quare, 267
Suillæ carnis vires, 660. differentię, 662. ut emendatur, 664
Syncope & mortis differentia, 470
Taurina caro, 668
Temperamenta tēpestatum anni, 32
Temperamentum optimum quale, 59
Temperantiæ laus, 132
Tempestatas anni quotuplex, 31. termini, *ibid.*
Tenue alimentum quotuplex, 224
Terra duplex, 267
an Terra nutriat, 247
Terra elementaris non nutrit, 260
Terra limosa, 250
Terræ motus species & effectus, 46. 47
Testiculi avium, 734
Testiculi gallinarum, 101. porcorum, 102
Testiculi quadrupedum, 747
Tetrax avis cristata, 725
Theologi debent bibere bona vina, 96
Timoris effectus, 3
Timor utilis obesis, 4
Tinca piscis, 693. 707
Tonitru differt à fulmine & à coruscatione, 45
Tormina, 390
Tostio, 144
Tremulus avis, 606. 654
Triplicitates signorum & earum facultates ac

MEMORABILIVM.

- | | | | |
|---------------------------|------------|---------------------------|---------------|
| nomina, | 32 | Ventorum nova nomen- | |
| Triticum, luxuriat ubi a- | | clatura, 34. 35. schema, | |
| ger stercore humano | | | 37. 38 |
| pinguescit, | 291 | Venti Anniversarii, | 37 |
| Tristitiæ effectus, | 2 | Ventorum facultas ex | |
| ut differunt Tristitia & | | Hippocrate, | ibid. |
| timor, | 3 | Septentrionalium fa- | |
| Truta piscis, | 695. 714 | cultas, | 39 |
| Tuliparum ingens pre- | | Orientalium facultas, | |
| tium, | 527 | | 40 |
| Turturū tres species, | 643 | Metidionalium facul- | |
| | | tas, | 41 |
| V Accina caro, | 670 | Occidentalium facul- | |
| Vannellus avis, | 626 | tas, | ibid. |
| Ubera, | 755 | Marinorum facultas, | |
| Venenum calidum dete- | | | 42 |
| rius frigido, | 234 | Terrenorum facult. | ib. |
| Venenorum duo genera, | | Vētriculi calidi duos cl- | |
| | 489 | bos melius coquunt, | 99. |
| Venena venatoria, | ibid. | ejus rei exempla, | ibid. |
| Venter piscium, | 762 | Ver, | 31 |
| Venter quadrupedū, | 751 | Ver triplex, | 32 |
| est quadruplex, | ibid. | est temperatum, | 33 |
| ex Ventre suppresso no- | | Vere qui cibus conve- | |
| xæ, | 6. & 7 | niat, | 166 |
| Venti collaterales & eo- | | Vestis appellatio, | 80. usus |
| rum nomina, | 35 | 81. consideratio, | 82. 83 |
| Ventorum duo genera ex | | Vestes calefaciunt, | 82. ca- |
| Hippocrate, | 34. cardi- | rum differentia & fa- | |
| nales quatuor & eorum | | cultates, | ibid. quanti- |
| nomina, | ibid. | tas, | ibid. |
| Venti uni regioni salu- | | Victus ratio quem fru- | |
| bres, alteri noxii, | 73 | ctum afferat, | 12. & 18 |
| Venti dimidiati, | 35 | Vigiliarum noxæ, | 17 |
| Ventorum quadrantes, | 36 | Vinorum genera & usus, | |
| numerus, | ibid. | | 93. 94. 95 |

INDEX RERUM MEMORABILIUM.

Vinum acuit ingenium ,	96	Vocis differentia & vi-	719
Vini moderate hausti u-		tia ,	
sus ,	5	cur Voraces non ledan-	
Vini noxae ,	<i>ibid.</i>	tur a multo cibo & po-	145
Vinum jejuno stomacho		tu ,	
olimpotum ,	215. ejus	in Urbe condenda quid	
noxae ,	217	attendendum ,	72
Vini noxae ,	313	Urina cohiberi non de-	
Vinum cum quibus cibis		bet ,	6
non bibendum ,	719.	Uropygium avium ,	729
	721	Urticae facultates ,	508.
Violaceus syrupus an		509. nomen ,	510. tem-
purgat ,	531	peries ,	511. an urat ,
Viola juxta allia suavius		512. usus in cibis ,	<i>ibid.</i>
olent ,	295	Uvarum differentiae &	
Viola purpureae vires ,		vires ,	104. passulae Uve ,
525. crapulam sedat ,			105
<i>ibid.</i> nomen ,	528. re-	Vulva quadrupedum ,	
fert Io. <i>ibid.</i> differen-		748. duplex fuit ,	<i>ibid.</i>
tiæ ,	529. temperies ,		Z
530. usus ,	531	Z Ingiberis nomen ,	
Vipae commoda ,	530. e-	613. temperies ,	
tyrnologia ,	323	614. usus <i>ibid.</i> an al-	
Viscera piscium ,	762	vum molliat ,	615. vi-
Viscera quot sint ,	729	res ,	<i>ibid.</i>
Vite arbor ,	471	Zona quid & quotuplex ,	
Vituli electio ,	768		50
Vitulina caro ,	668. 670	Zona torrida temperata	
Unguentum anserinum		est ,	51 & 53
ad arthriticos ,	659	Zonae temperatae regio-	
Unguentum ad longam		nes ,	52
vitam ,	14	Zonarum quae tempera-	
		tissima ,	53

FINIS.

vi.
719
an-
po-
143
quid
71
de-
6
729
108.
tem-
urat
ibid.
x &
Uve
103
dum
ibid.
omen
eries
an al
615. vi
ibid
couple
imperat
si &
regu
temper

1899

16

22

77e.1

FF.e.i.

S

